








Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 876 8°









Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 876 8°





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 876 8°





Early European Books, Copyright © 2009 ProQuest LLC.  
Images reproduced by courtesy of the Royal Library, Copenhagen.  
LN 876 8°

Emi hanc librum in  
mündinis chylonijsibz  
anno 1575 Solis. 14.

64-200

Augustinus

Desperare utiq; potuissim ppter nimia peccata mea & infinitas negligentias meas, nisi Deus uerbum tuum Caro fieret & habitaret in nobis.

Augustinus de Ebrietate.

Sicut ager confirmatur sempiternis pluuijs: sic homo ebrietate.

Item

Ebrietas est blandus demon, suble uenenum & suauis peccatum.

Senua

Ebrietas mortem hominis mutat, & gignit furorē.

Erigen

Ebrietas facit de hoīe bestiam, de robusto infirmum, de prudenti fatuum.

Ecclesia prophetarum & Apostolorum doctrina fundata est, & Martyrum sanguine rigata.

Stigelius

Si mundus hic demonibus  
Senteret sicut uermibz  
Nō timeremus anxie,  
Vincemus tamen stremie

Princeps mundi supbiat

Ringatur atq; insanit  
Docere nescit nebulō  
Cum fructus sit in uerbulo.

Deus pō remittere pēta

Minister non est Deus

& non pō remittere pēta.

Re hoc argum inuicibil infallitias a dicto  
Secundum qd ad dictum simpliciter. Et in  
fallitias secundum non tam ut causam.  
Maior Deus solus pō remittere pēta p se ppria  
auctoritate, Minister ea auctoritate qua  
fungitur loco Dei, unde Deus remittit  
tunc in principalis, minister tunc in  
mediū quo uti Deus in hac re uoluit.



LN 876

M



Iulianus Apostata cum March Episcopo Chalcedonensi cecitatem  
suam, ut probum obijceret, ingens: neq; Galilaei fons,  
(Sic n. throni uocabat) insin tibi potest restituere. Tunc ille:  
non uero inquit gratias ago Throno Domino meo, quod me idco  
celum fieri uoluerit, quia uinco te Apostatam & tot secle-  
ribz pollutum, oculis meis aspiciam

Agellius, qui circa annum 430 Episcopus Romanus fuit,  
inquit in fure canonico li: 2.

Comperimus quod quidam sumpta tantummodo sacris corporis sacri porzione,  
a calice secatis carnis abstineant. Qui, (primum nescio quia superstitione  
docentur astringe) aut integra sacramenta praeipiant, aut ab integris arce-  
ant. Quia diuisio unius eiusdem ministerij, sine grandi sacrificio non  
potest perire

**Basilii**

Ebricis maledictionem Cain sponte sibi attrahit, tremens &  
inerto metu mutans & vagans in omni uita

**Augustinus**

Maledictus eis, & pulcherrimum & fragrantiss. uernantis  
innocentis florum diabolus. fortidas uero deuropita & sordidae  
mutilatis faeces deo gferat

**Augustinus**

Optime is docet & imperat, qui sine doctrinae typus & imperata  
premissis facit.

Non petant aures uigis uerbisq; pudendis  
Atq; aliqua dictis impietate iouis



Verficuli continentes oia Evangelia dominicalia,

# Hymalia

Castellum, Signa, Vinea, Vox, Anima, remanfit,

Hydra, Lepra, rotis, Zizania, iinea, jemen.

Cruix, tentans, catuli, regum, pisces, lapides, laus.

# Æstiva

Vntio, Pax, Pastor, Modicum, uado, pete, puerum,

Mansio, Nicodemus, Dives, iuga, drachma, misertus,

Rete, Racha, panes, a falsis, villius, flens

Phariseus, mutus, oculi, lepra, quarete, Nain.

Hydrus, mandatum, paralitius, ecce parati,

Regulus, & servus pharisei, filia, panes.

# M. Curigerus

Filius Dei de Samaritanis quia in illo loco pbit se videre Iacobo Genf: 28, ubi postea Samaria est coniecta.

# D. Eber.

Johannis baptista qus est alio abomin genere q alij comprehendere sicutq significat, ut abrogatum qse legem de certo libo, genere & finem fore politie assignat.

# D. M. Luth.

Bellum est unum de maximis ac summis officiis Charitatis. Et non est monendum nisi in extrema necessitate p defensionem innocentium.

Libertas duplex { Christiana  
Politica  
{ q oia est ut  
Publica  
Privata

POS

ENAF

EVANGE

in Dominici deba  
titi in Ecclesijs  
tiam piorum  
geij

NICOLAF

PRAEFIX

COMMONEF

stros Verbi, de per  
in doctrina & vero c  
tate, & scilicet  
confessionem  
offi



ANN



POSTILLA

SEV

ENARRATIO

EVANGELIORVM, QVAE

in Dominicis diebus, & in Festis Sanctorum, usi-

tate in Ecclesijs Dei proponuntur, in gra-

tiam piorum ministrorum Euan-

gelij, conscripta

per

NICOLAVM HEMMINGIVM.

PRAEFIXA EST EIVSDEM

COMMONEFACTIO AD MINI-

stros Verbi, de perpetuo Ecclesiae Christi consensu,

in doctrina & uero cultu Dei, ne opinionum uarie-

tate, & sectarum multitudine offensi, uel

confessionem abijciant, uel segnius

officium faciant.



ANNO M. D. LXV.



OMNI  
DEI ET  
CHRISTI, I  
Danica ac Norm  
lestis, gratiam,  
tre & Domino  
optat Nicola  
Euangel

**P**RO  
seru  
ruu  
fii c  
uero

hac maxima opini  
cit, ut multi non  
dubitantes cuiam  
gant. Nam dum  
stant (de cuius sag  
tur non sine alioru  
ex alto despicunt)  
eo affectu, quo  
intelligunt, aut a  
& pietatem aestim  
tates, sinistra suspi  
dicta cupiditas  
omnia miscentur  
modum (ut alia  
Euangelii hostes





# OMNIBVS SERVIS

DEI ET MINISTRIS IESV

CHRISTI, IN INCLYTIS REGNIS

*Dania ac Noruegia, suis fratribus in Christo dilectis, gratiam, misericordiam & pacem à Deo patre & Domino nostro IESV CHRISTO,*

*optat Nicolaus Hemmingius minister*

*Euangelij in Academia Haf-*

*nienfi.*



RODEST INPRIMIS OB-  
seruare, carissimi fratres, perpetuum Catholicæ Ecclesiæ Christi consensum in doctrina & uero Dei cultu : præsertim in hac maxima opinionum uarietate, quæ facit, ut multi non pessimi angantur animis, dubitantes cuinam cœtui se socios adiungant. Nam dum alij alium magistrum iactant (de cuius sapientia & pietate gloriantur non sine aliorum contemptu, quos tanquam ex alto despiciunt) fit, ut cæco iudicio pro eo affectu, quo quemquam illis aut fauere intelligunt, aut aduersari, eius eruditionem & pietatem æstiment. Hinc nascuntur similitates, sinistrae suspiciones, odia, iurgia, uindictæ cupiditas : quibus sursum deorsum omnia miscentur. Ex qua re duplex incommodum (ut alia taceam) nascitur. Nam & Euangelij hostes in sua pertinacia impietate

α 2 reꝑ



P R Æ F A T I O.

teq; confirmantur, & infirmiores ac imperi-  
tiores, qui magis propensi ad amplexandam  
ueritatem erant, non parum perturbantur,  
fluctuantes & incerti, quibus se potissimum  
partibus adiungant. Inter quos non pauci  
quasi nihil certi de tota religione tradi sta-  
tui ue possit, non modò de omnibus eius  
partibus, sed etiam de omnibus religionibus  
dubitare incipiunt. Hic nostrum officium  
est, fratres dilecti, & precibus nostris & ad-  
monitionibus iuuare infirmos, ne hac turba  
& colluione opinionum offensi, ruant præ-  
cipites in certum interitum. Huic malo po-  
tissimum medetur perpetua Catholicæ Ec-  
clesiæ consensus in doctrina & uero Dei cul-  
tu obseruatio. Vt enim unus est tantum De-  
us: ita & una æterna constans & minimè fal-  
lax Dei ueritas, una religio uera, una fides,  
una rectè uiuendi regula, & una Christi Ec-  
clesia, quæ sola uerum colendi Deum mo-  
dum nouit. Huius Ecclesiæ qui non est ci-  
uis, gratia & salute excidit, quantumuis ma-  
gnos se habere magistros gloriatur. Contrà,  
qui in hoc cœtu Deum spiritu & ueritate  
colit, gratiæ & salutis hæres est, etiam si bu-  
bulcum magistrum habeat. Non enim hæ-  
res pender ab hominis uel dignitate, uel in-  
dignitate: sed à magisterio spiritus Christi,  
qui suum purum uerbum & sincerum nobis

uitæ

uitæ & saluti  
uerbo & cu  
omnium san-  
ctuum & p  
Apostolorum  
consensus: qu  
nos uerè retinen  
sto gloriari, quò  
Christi, etiam si n  
beat, & tanquam  
igitur, fratres, de  
nulla dicere, ut  
consensu Catho  
aut aduersarij no  
magistros (quos  
cursum doctrinæ  
intercludere cona  
tractatione multa  
tanquam ad scopo  
necessario quærit  
religionis: quæ  
sus omnium æta  
ctina: quibus a  
nem oppugnan  
tia pñ aduersus  
uti debeant: ne  
rentes fecerunt  
fontibus salutis  
nas traditiones



PRÆFATIO.

uitæ & salutis regulam esse uoluit. In quo uerbo & cultu uerbo tradito, summus fuit omnium sanctorum Patriarcharum ante diluuium & post diluuium, Prophetarum, Apostolorum, atque adeo omnium piorum consensus: quorum doctrinam & cultum, si nos uerè retinemus, possumus iure in Christo gloriari, quòd simus ciues Ecclesiæ Iesu Christi, etiam si totus mundus nos exosos habeat, & tanquam hæreticos execretur. Volo igitur, fratres, de hoc perpetuo consensu nonnulla dicere, ut certò nobis constet, an in eo consensu Catholicæ Ecclesiæ simus, nec ne: aut aduersarij nostri, qui, cum iactant suos magistros (quos Patres uocant) ferro & igne cursum doctrinæ Propheticæ & Apostolicæ intercludere conantur. In huius argumenti tractatione multa sanè concurrunt, quæ huc tanquam ad scopum collimant. Hic enim necessariò quæritur, quisnam sit ortus ueræ religionis: quæ certitudo: quantus consensus omnium ætatum Ecclesiæ in eadem doctrina: quibus artibus Satan ueram religionem oppugnare soleat: deniq; qua prudentia pñ aduersus Satanæ insidias & fraudes uti debeant: ne, quemadmodum primi parentes fecerunt sinamus nos *πιδανολογίας* à fontibus salutis ad cisternas Diaboli, humanas traditiones & *ἐθελοθρησκείας* abducí.

α 3 A quo



P R Æ F A T I O.

A quo autem ortum habeat uera religio attingendum non esset, nisi tantus fuisset optimus, & hodie esset hominum et Diabolorum furor, quod ausi sint religiones instituere pro cæco suæ rationis sensu, quas ferro & igne tumentur: ac eam religionem, quæ à solo Deo est, persequuntur, ut uaticinium comprobent, quod editum fuit de semine serpentis morsuro calcaneum seminis mulieris. His multò rectius iudicauit prophanus Socrates, qui cum apud Xenophontem interrogaretur, quænam esset uera religio, respondit eam esse, quam ipse Deus instituit. Nam cum Dominus clarè apud Prophetam dicit, se abominari doctrinam & cultus hominum extra omnem controuersiam sit nobis, quod uera atq; perpetuò constans religio ab ipso æterno Deo ortum habeat. Apollo Pythius ab Atheniensibus interrogatus, quas potissimum religiones tenerent, respondit eas, quæ essent in more maiorum. Cum rursus obijcerent, morem maiorum sæpè mutatum esse, ait optimum sequendum. Nam, ut ait Hesiodus, νόμος ἄρχαιος ἄριστος. Ad eundem modum hodie aduersarij antiquitatem iactant, autoris ueræ religionis nomine suppresso, qui potius cum Socrate respondere, quàm cum impuro Dæmone deberent. Nam ut Satan: ita & illi antiquitatis auctoritate

tate ad stabili-  
rum quidem  
optimam esse  
habeat, & r  
principio su  
diametro cu  
inuenerat. Qu  
plicem antiqui  
altera ad Satana  
quitarum omni  
ut quæ nec prin  
Ex hac uetustissi  
ritas Dei, qua d  
ligio, cui confir  
monia addidit,  
quædam & auten  
na. Posterior est q  
finem habitura est  
peritio & impiet  
habet suos prophe  
quosdam, quos p  
runt de quibus no  
fitæ semper in ore  
controuersia de  
tanquam ad ext  
Nos quoq; patre  
& illos ingens e  
Patres profiteam  
gionem fidelite



P R Æ F A T I O .

tate ad stabiliendos errores abutuntur. Verum quidem est, antiquissimam religionem optimam esse, modò ab optimo Deo ortum habeat, & non ab antiquo serpente, qui à principio suam religionem in mundum ex diametro cum diuina religione pugnantem inuexerat. Quare discernendum est inter duplicem antiquitatem. Vna enim ad Deum: altera ad Satanam refertur. Prior illa antiquitatum omnium longe uetustissima est, ut quæ nec principium nec finem habeat. Ex hac uetustissima antiquitate prodijt ueritas Dei, qua docetur, quænam sit uera religio, cui confirmandæ Deus miranda testimonia addidit, quæ essent ueluti perpetua quædam & authentica sigilla ueritatis diuinæ. Posterior est, quæ principium habuit, & finem habitura est: ex qua prodijt omnis superstitio & impietas. Vtraq; hæc antiquitas habet suos propagatores ueluti Patriarchas quosdam, quos posteriores, Patres appellant de quibus non parum gloriantur. Papiæ semper in ore habent patres: in omni controuersia de doctrina & cultu Dei ad eos tanquam ad extremam ancoram cõfugiunt. Nos quoq; patres agnoscimus: sed inter nos & illos ingens est discrimen. Nos enim eos Patres profiteamur, qui à Deo acceptam religionem fideliter tradiderunt posteris, ut sunt

α 4 Patri:



P R Æ F A T I O.

Patriarchæ, sancti Reges, Prophetæ, Christus ipse & Apostoli: hos solos patres ueneramur, à quorum sententiâ discedere, salute excidere iudicamus. De patribus, qui tempora Apostolorum secuti sunt, iudicamus iuxta regulam Ambrosij. Nos noua omnia, quæ Christus non docuit, iure damnamus: quia fidelibus uia Christus est. Si igitur Christus non docuit quod docemus, & nos id detestabile iudicemus. Et iuxta hanc Pauli regulam: Si quis aliud Euangelium docuerit, anathema sit: illi autem, ut fucum faciant simplicioribus, interrogandum esse dicunt de semitis antiquis, non esse limites antiquos transgrediendos, quos fixerunt Patres & maiores nostri. Quod si id minimè licere in agrorum finibus certum est, quantò minus id licere in religionis limitibus iudicabitur? Verùm nos limites, quos fixit autor religionis Deus: quos acceptos diuinitus tuebantur sancti Patriarchæ, & Apostoli: à quib. apros & lupos inuicta animi fortitudine repulerunt sancti martyres (inter quos primum locum obtinet sanctus Abel) denique quos filius Dei suo precioso sanguine statuit, non transgredimur: sed intra illos manemus constantes. At fines, quos antiquus serpens cum sua sobole fixit, transgredimur, intra quos non nisi mera damnatio clauditur. Religionem igitur ueram

ueram ad De  
minatur à Da  
bit & eam ar  
naturam inge  
stantissima ef  
lis exiit.

Sed quæ  
stans religio,  
uox Dei & lig  
ligionis & cul  
Semper enim D  
tatem uerbo, &  
nibus patefaci  
bus ingerit, ut  
idem signum oc  
ut uelut per fene  
mum transfundat  
plex uerbum, uoc  
finis & scopus un  
semper e uerbo lo  
sunt, quinque tem  
pue suam uocem  
tissimè docebunt  
tempus promissi  
petitæ promissi  
laicæ: ac denique  
onis, exhibitio  
Hicce quinque te  
gionem & sibi



PRÆFATIO.

ueram ad Deum, qui antiquus dierum denominatur à Daniele, referimus. Vnde constabit & eam antiquissimam esse, & sui autoris naturam ingeniumq; referre. Quare ut constantissima est semper: ita sui perpetuò similis existit.

Sed quænam illa est sibi perpetuò constans religio, quæ eius summa, quæ partes? uox Dei & signum uoci additum ueram religionis & cultus Dei normam præscribit. Semper enim Deo in more fuit suam uoluntatem uerbo, & externo aliquo signo hominibus patefacere. Quod enim uerbum auribus ingerit, ut ad mentem transmittatur, idem signum oculis aspiciendum proponit, ut ueluti per fenestras lux quædam in animum transfundatur: ut uox & signum sit duplex uerbum, uocale & aspectabile, quorum finis & scopus unus est: sed signi interpretatio semper è uerbo solo petenda est. Hæc qualia sunt, quinque tempora, quibus Deus præcipuè suam uocem sonuit & signa edidit, aperatissimè docebunt: ut sunt status ante lapsum: tempus promissæ reparationis: tempus repetitæ promissionis: tempus reipublicæ Moisaicæ: ac deniq; tempus completæ promissionis, exhibito Iesu Christo Domino nostro. Hisce quinque temporibus eandem fuisse religionem & sibi per omnia constantem, uoce

α 5 Dei



P R Æ F A T I O .

Dei & signis diuinis est ostendendum.

Ante lapsum quando Adam ornatus erat imagine Dei, Deus homini & uerbum tradiderat & signum. Verbum requirebat noticiam Dei, & obedientiam erga ipsum: prohibebat, ne quid tentaret homo contra Dei interdictum sub comminatione poenæ: habebat etiam uerbum promissionem immortalitatis, quam promissionem fide amplectebatur Adam. Et arbor uitæ, ut aspectabile uerbum, idem per oculos in mentem transfudit. Quæ omnia eò spectabāt, ut Adam imaginem Dei tanquam in speculo repræsentans, Deum perpetuò coleret & celebraret. Ex his constat, quòd uera religio ante lapsum hominis fuerit purus cultus Dei iuxta Dei uerbum, cuius regula erat uerbum & signum. Partes fuerunt agnitio Dei, fides promissæ immortalitatis, obedientia erga Deum interior & exterior. Finis, repræsentare imaginem Dei, ac eum prædicare & celebrare. Et fuit in eo statu cultus Dei perfectissimus, qualis est futurus post resurrectionem, nisi quòd tum non quidem substantia, sed gradibus, futurus est multò plenior. Hic cultus Dei, qualis est primo homini præscriptus, à nobis etiam post lapsum requiritur. Neque ulla mutatio facta est in cultus ratione: sed horribilis deprauatio secuta est in toto humano genere post

post lapsum  
cultum pleni-  
re possit quia  
est Iesus Chris-  
rit.

Lapso igitur  
parentibus, et  
parefecit uerbo  
cultu post lapsu  
prehendit trans-  
bo promissionem  
mo factus solue-  
restitueret homi-  
cando amiserat.  
erat ueluti aspectus  
Messia. Hoc autem  
oblatio pecorum  
sequitur, quòd p-  
omnino similem  
te lapsum, licet se-  
nem non habeat.  
Requirit enim hi-  
quirit agnitionem  
nitionem Christi  
quæ erat in Para-  
requirit ex fide  
magis magis  
Dei per Christum  
fulgeat firma I-



PRÆFATIO.

post lapsum primorum parentum, ut hunc cultum plenè præstare, imò ne ipsum incoare possit quisquam, nisi ad arborem uitæ, quæ est Iesus Christus, ei accessus patefactus fuerit.

Lapso igitur genere humano in primis parentibus, Deus rursus suam uoluntatem patefecit uerbo & signo: unde discitur, quo cultu post lapsum uoluerit coli. Verbo reprehendit transgressionem sui mandati: uerbo promissionem edidit de Messia, qui homo factus solueret lytron pro reatu Adæ, & restitueret hominì imaginem Dei, quam peccando amiserat. Signum adiecit uerbo, quod erat uelutì aspectabilis quædam concio de Messia. Hoc autem signum erat mactatio & oblatio pecorum & frugum terræ. Ex his sequitur, quòd post lapsum Deus requirat omnino similem cultum cum eo, qui fuit ante lapsum, licèt suis gradibus eam perfectionem non habeat, quam ante lapsum habuit. Requirit enim hîc Deus agnitionem sui, requirit agnitionem nostri peccati: requirit agnitionem Christi, qui est loco arboris uitæ quæ erat in Paradiso: requirit fidem Messiae, requirit ex fide obedientiam, ut paulatim magis magisque in homine reparetur imago Dei per Christum, hoc est, ut in mente refulgeat firma Dei noticia: in anima sancti-

tas:



P R Æ F A T I O.

tas: et in omnibus uiribus obedientia ex præscripto uerbi præstanda. Hæc breuiter uerbo & signo indicantur in principio Moſis. Nam olim οἱ παλαιοὶ κρείττονες ἡμῶν ὄντες, καὶ ἐγγυτέρω θεῶν οἰκῶντες, ut Platonis uerbis utar: melius & solidius erudiebantur breuibus Aphorismis & symbolis, quàm nos longis concionibus. Fuit enim olim ea docendi ratio cùm Theologis, tùm Philosophis communis & familiaris, ut id quod breuibus Aphorismis proponerent, idem certis significarent symbolis. Lapſo homine hic Aphorismus propositus uoce Dei est: Semen mulieris conteret caput serpentis. Symbolum, quod quadam imagine idem significabat, fuit oblatio diuinitus patribus commendata.

Abel itaq; cùm suas offerret uictimas, in Aphorismum propositum respiciebat, & offerens hæc cogitabat. Primum mortem uictimæ intuens, admonebatur de morte, in quam inciderat genus humanum propter peccatum: unde haud dubiè ingens dolor in animo eius excitatus est. Deinde intuens sanguinem uictimæ admonebatur factæ promissionis de Messia: cuius merito & intercessionem placari iram Dei iuxta promissionem statuit: unde & consolatio in corde nata est, & fides, qua Deo acceptus fuit per Iesum

sum Christus  
ram sanctita  
est, Deum p  
ficiam & m  
gine Dei in  
rum cultum  
fitea morte sua  
frater & Hypo  
misi seminis  
potius mortem  
impium fratris  
cans hac sua co  
re Deum colat  
& Christi com  
mundi, atq; adeo  
carius esset soler  
bo & signo prim  
tradito apparet  
eorum post lapsu  
Esti autem quæd  
accesserunt prop  
& promissionem  
stantia cultus D  
eundem finem  
Hic cultus Dei  
quæ fuit perext  
est, annos mille  
Nam Caini post  
nem intelligens



PRÆFATIO.

sum Christum. Hac fide iustificatum sola, ueram sanctitatem iuxta uocem Dei meditatus est, Deum prædicans & laudans propter iusticiam & misericordiam. Atque ita Abel, imagine Dei in se quodammodo reparata, uerum cultum Deo præstitit, quem cultum postea morte sua confirmauit. Nam cum Cain frater & Hypocrita ipsum à confessione promissi seminis & uero cultu auocare studeret, potius mortem oppetere uoluit, quam in impium fratris decretum consentire, significans hac sua constantia, quod is demum uere Deum colat, qui obedientiam erga Deum & Christi confessionem omnibus rebus mundi, atque adeo uitæ ipsi, qua nihil hominarius esset solet, anteponat. Ex hoc ergo uerbo & signo primis parentibus post lapsum tradito apparet, quod eadem religio fuerit eorum post lapsum, quæ ante lapsum erat. Etsi autem quædam circumstantiæ externæ accesserunt propter deprauationem naturæ, & promissionem reparationis: tamen substantia cultus Dei eadem manebat, atque ad eundem finem tendebat, licet imperfectius. Hic cultus Dei purus durauit in Ecclesia, quæ fuit perexigua, usque ad diluuium, hoc est, annos mille sexcentos quinquaginta sex. Nam Caini posteritas carnaliter promissionem intelligens, persecuta est ueram Ecclesiam:



P R Æ F A T I O.

am : sibi Ecclesiæ titulum usurpauit : uerum cultum Dei in prophanam hypocrisin & superstitionem commutauit. Porro cum hypocrisin & superstitionem cum alijs horrendis sceleribus diluuiò puniuiſſet Dominus, Nohæ uerbo & symbolo uerum Dei cultum iterum commendat : non nouum quidem, sed prorsus eundem, quem ab initio instituerat. Verum cum hunc hypocrisi & superstitione Iaphet, & Cham tyrannide profligasset, mansit in sola familia Patriarchæ Sem. Is enim rectè intelligens promissionem & eius symbolum, Deum ex fide coluit eiq; obediuit, quemadmodum Abel & Nohe fecerunt. Et si autem & uerbum & symbolum traditum primis parentibus, Nohæ & Sem retinuerunt: tamen propter nouum euentum nouum symbolum accessit. Nam cum Deus impium mundum diluuiò perdidisset propter defectionem à uero & puro cultu Dei, promisit Nohæ & eius posteritati, se postea mundum diluuiò non perditurum. Huic promissioni symbolum, nempe arcum cœlestem adiecit, qui erat promissionis quoddam *μνημόσυνον*. Arcum itaq; qui in nubibus apparere solet, uerbi sui nota inscripsit Deus, ut quasi sigillo promissum illud suum ratum fore confirmaret, quo se non solum Deum Nohæ, eiusq; posteritatis, cuius se in fidem cliente-

clientelam q; e  
uerum etiam i  
aquare inu  
igitur symb  
emplo sancti  
lem cultum ex  
Sequitur A  
ra Moſis, qua  
& nouo symb  
datus. Nam, d  
fuit, in primis  
ita simbolo eui  
igitur Abraham  
Benedicentur in  
ones terræ. Symb  
circumciſio genit  
Virgo uerbo de  
quiſiuit: ita symb  
doctrinæ & cultus  
Benedicentur in ſe  
inſinuat: quorum  
cultationis totius  
peccatum & delict  
promittit benedi  
maledictione ha  
ſit in homines or  
eſt repetitio pro  
ciorum eius, q  
his uerbis: Sem



PRÆFATIO.

clientelamq; contulerant, futurum receperat:  
uerum etiam se deinceps homines nunquam  
aquarum inundationibus deleturum. Hoc  
igitur symbolum intuens Nohe & Sem, ex-  
emplo sancti Abelis, Deo uerum & spiritua-  
lem cultum exhibuerunt.

Sequitur Abrahami ætas usq; ad tempo-  
ra Moïsis, qua ætate idem cultus & uoce Dei  
& nouo symbolo Patriarchis est commen-  
datus. Nam, decrefcente iam sapientia, quæ  
fuit in primis parentibus, ut uerbo clariori,  
ita symbolo euidentiori opus erat. Verbum  
igitur Abrahamo propositum fuit hoc:  
Benedicentur in semine tuo omnes cognati-  
ones terræ. Symbolum uerbo additum erat  
circumcisio genitalis membri in masculis.  
Ut ergo uerbo docuit, uerumq; cultum re-  
quisiuit: ita symbolo idem fecit, quod erat  
doctrinæ & cultus sigillum. Cum enim ait:  
Benedicentur in semine tuo, tria apertissimè  
insinuat: quorum primum est repetitio ac-  
cusationis totius generis humani propter  
peccatum & defectionem à Deo. Nam cum  
promittit benedictionem, significat eos in  
maledictione hærere, quæ maledictio perua-  
sit in homines omnes cum peccato. Alterum  
est repetitio promissionis feminis & benefi-  
ciorum eius, quod Adamo dictum erat sub  
his uerbis: Semen mulieris conteret caput  
serpen-  
a



P R Æ F A T I O .

serpentis. Id quod hîc significantiori uoce benedictionis exprimitur. Nam benedictionis uoce significatur fauor Dei, reconciliatio, remissio peccatorum, & iusticia propter Christum, quemadmodum Paulus Mosis interpretes exponit. Tertium est indicatio nostræ imbecillitatis, quod nostris uiribus non possumus benedictionem nancisci: sed oportere nos eam obtinere fide in semen promissum. Hanc fidem Abrahæ secuta est obedientia in tota eius uita, iuxta præceptum: Ambula coram me & esto perfectus: quam obedientiam sanctus Patriarcha declarauit uictima filij. Quanti enim fecerit obedientiam erga Deum, ex eo apparet, quod potius uoluerit unigenitum filium Isaac, quem genuerat in senectute, cui tam magnificæ promissiones erant factæ, ad mandatum Dei mactare, quàm ab obedientia erga Deum recedere. Symbolum uerò additum à uerbo interpretationem mutuari debet. Nihil enim aliud symbolum est, quàm aspectabile uerbum. Tria proinde sympolum ponit ob oculos: nempe natiuitatem nostram carnalem esse corruptam: Deinde, promissum esse semen, per quod natura reparabitur: tum circumcisione carnis significari circumcisionem cordis, qua amputatur ignorantia Dei, affectuum impuritas, & cordis contumacia: ut nouus homo nascatur,

scatur, gestans in  
tate & iusticia. E  
cum prioribus.  
significatio ma  
bolo uarietas  
& ignorantia no  
nouam colendi  
quemadmodum  
tumauit. Nam  
hypocritin, reieci  
symboli, amplex  
& imitatores fide  
tera circumcison  
cto, persecuti sunt  
quo factum est, qu  
cillimos remanserit  
Aegypto Patres, so  
Patriarcha Iacob, ue  
cùm post eius mor  
tus esset, Deus, na  
gente iam 80. annu  
brahæ 340. anno, ue  
nis repetit: multa  
retur cultus uerus  
tium. Tamen si au  
signum Mosis com  
chis commendara  
nes & plura insup  
etatis ratio postui



PRÆFATIO.

scatur, gestans imaginem Dei in uera sancti-  
tate & iusticia. Ecce quàm aptè quadrant hæc  
cum prioribus. Vox quidem mutatur, sed  
significatio manet. Hæc in uerbo & in sym-  
bolo uarietas humanæ imbecillitati seruit,  
& ignorantia nostræ medetur: non aliquam  
nouam colendi Deum rationem præscribit,  
quemadmodum carnale semen Abrahæ au-  
tumauit. Nam quemadmodum Cainitæ  
hypocrisin, reiecto puro intellectu uerbi &  
symboli, amplexati, persecuti sunt Abelem  
& imitatores fidei ipsius: ita Ismaëlita in li-  
tera circumcisionis hærentes, spiritu negle-  
cto, persecuti sunt ueros filios Abrahæ: ex  
quo factum est, quod uerus cultus apud pau-  
cissimos remanserit. Nam cùm exularent in  
Aegypto Patres, sola familia Ioseph, mortuo  
Patriarcha Iacob, uerum cultum retinuit, qui  
cùm post eius mortem tantùm non extin-  
ctus esset, Deus, nato Mose in Aegypto & a-  
gente iam 80. annum, à promissione facta A-  
brahæ 340. anno, uerbum iterum promissio-  
nis repetit: multa addit signa, & ut conserva-  
retur cultus uerus, erexit regnum & sacerdo-  
tium. Tamen si autem idem uerbum & idem  
signum Mosi commendat, quod antè Patriar-  
chis commendarat: tamen longiores concio-  
nes & plura insuper signa adhibet, prout eius  
ætatis ratio postulabat. Quæ omnia ad eun-  
dem



PRÆFATIO.

dem scopum collimabant, & eundem cultum Dei spiritualement hominibus commendabant: Nam in deserto ( ut præteream rubum ardentem & columnas ignis & nubis ) Man, Petra, & Serpens æneus, ut symbola doctrinæ & cultus Dei proponebantur: quæ tria significabant Christum olim promissum. Man enim, Paulo interprete, significabat cibum spiritualement, quo noui homines per Christum facti aluntur in Christi regno. Petra figurabat potum spiritualement, quo credentes reficiuntur. Serpens suspensus adumbrabat Christum suspendendum in aram crucis pro peccatis mundi: quemadmodum ipse Christus symbolum hoc interpretatur. Intuitus in serpentem æneum typus erat fidei, qua homines iustificati & uiuificati coram Deo ambulant, et ad perfectionem aspirant. Verum postquam populus in terram promissam, quæ typus erat cœlestis Patriæ, introductus erat, plura adhuc signa ueluti aspectabiles conciones ei propositæ sunt: ex quibus pauca quædam attingam: nam omnia persequi instituta breuitas non permittit. Tota quidem respublica: significat Ecclesiam: sacerdotium & regnum figurant Christum, qui sacerdotio suo placat iram Patris iuxta promissionem primam, et suo regno destruit regnum Diaboli, peccatum & mortem: & utroque reparat imaginem

ginem Dei in h  
creatus, ut ita ru  
ra obedientia it  
Ceremonia  
spiritualis sign  
explicat, ac cultu  
dat. Verum quia  
iuliores eligam  
cerdotis ornatus  
dotis, arca forde  
asperio, baptis  
singularem habu  
nificationem qu  
ditiones de m  
piorum officio. S  
in fronte & uestes  
aurea diuinitatem  
his uero munda h  
& puram ab omni  
sacerdos semel in  
tionum, typus fu  
una oblatione co  
Hoc aperte Exod  
nus ait: ut sit ei  
de uestes sacer  
qua ornatos uul  
nus, quemadmo  
exponit, cum ait  
ficia, & sancti



P R Æ F A T I O .

ginem Dei in homine , ad quam homo erat  
creatus, ut ita rursus ornatus imagine Dei, ue  
ra obedientia ipsum colat ac celebret.

Ceremoniæ multæ sunt additæ, quarum  
spiritualis significatio primam promissionē  
explicat, ac cultum Dei spiritualem commen  
dat. Verum quia multæ sunt, paucas easq; il  
lustriores eligam, & breuitur excutiam. Sa  
cerdotis ornatus, annua oblatio summi sacer  
dotis, arca fœderis, agnus phasæ, sanguinis  
aspergio, baptisma, quotidianæ oblationes  
singularem habuere rerum spiritalium sig  
nificationem quæ omnes dulces habent me  
ditationes de mediatoris conditionibus &  
piorum officio. Sacerdos summus laminam  
in fronte & uestes mundas gestauit. Lamina  
aurea diuinitatem Christi significabat: ue  
stis uerò munda humanitatem, sed mundam  
& puram ab omni peccato. Quòd autem  
sacerdos semel in anno intrauit in sancta san  
ctorum, typus fuit sacerdotis Christi, qui  
una oblatione consummaret sanctificandos.  
Hoc apertè Exod. 28. indicatur, ubi Domi  
nus ait: ut sit ei placatus Dominus. Dein  
de uestes sacerdotis figurant sanctitatem,  
qua ornatos uult esse suos sacerdotes Domi  
nus, quemadmodum Dauid Moysis interpres  
exponit, cum ait: sacerdotes tui induantur ius  
ticia, & sancti tui exultent. Arca fœderis  
6 2 signi-



PRÆFATIO.

significat populum Dei, cum quo expresso uerbo pactum fecit Dominus. In hac arca fuerunt tabulæ legis, quæ tegebantur in arca lamina aurea: quare nihil aliud significatum fuit, quàm quod habet prima promissio, Semen mulieris conteret caput serpentis, nisi quòd symbolum dulcius rem exprimit. Tabulæ enim decalogi in arca teguntur aurea lamina, quæ dicitur propiciatorium. Hoc est, Christus qui est propiciatio pro peccatis nostris, tegit in Ecclesia peccata hominum, aduersus iram & horrendum iudicium Dei, quid quæso hoc est aliud, quàm semen mulieres conteret caput serpentis? Ita hunc typum explicat Moysis interpres Paulus Rom. 3. Iustificamur gratis per illius gratiam, per redemptionem quæ est in Christo Iesu, quem proposuit Deus propiciatorium per fidem in sanguine eius. Vt enim pontifex Hebræorum solebat semel singulo quoque anno propiciatorium imbuere sanguine, cum in sancta sanctorum ingrederetur: Ita summus noster pontifex Iesus Christus semel obtulit se Patri pro peccatis mundi, & æternam redemptionem reperit. Agnus Phæse habuit etiam significationem symbolicam, qua prima promissio uelut uiuis coloribus depingebatur: cuius typum explicat Paulus, cum ait: & phæse nostrum immolatus est Christus. Quòd

Quòd autem i  
innuebat Chri  
fisse & infirmi  
per omnia no  
que peccato, u  
ni, spirituales,  
Quòd autem de  
eum uniuersa m  
ficatur non pro  
Christum: sed p  
per totum corp  
Sanguinis asper  
tionem. Sym  
Christi, effusio  
scientiæ nostræ  
ribus, quemadm  
Epistolæ ad Hebr  
pertinent baptis  
ones. Figuraba  
purgationem illa  
emundat nos ab  
tatem ueram, qua  
imaginem Dei re  
riam & laudem  
symbolicæ inter  
onis, quas qui in  
bele, Seth, Enoc  
rum cultum &  
nunt, non dissim



PRÆFATIO.

Quòd autem iste agnus de grege sumebatur, innuebat Christum carnem nostram assumpsisse & infirmitates carnis nostræ tulisse, & per omnia nobiscum similiter tentatum absque peccato, ut nos quoque cœlestes, qui terreni, spirituales, qui carnales sumus, redderet. Quòd autem de agno dicitur: immolabitque eum uniuersa multitudo filiorum Israël, significatur non propter unum & alterum obisse Christum: sed propter Ecclesiam, hoc est, propter totum corpus scriptorum in libro uitæ. Sanguinis aspersio apertam habet significationem. Symbolum enim fuit sanguinis Christi, effusi in ara crucis, quo aspersæ conscientiæ nostræ mundantur à mortuis operibus, quemadmodum typum hunc autor Epistolæ ad Hebræos piè explicat. Eodem pertinent baptismata & quotidianæ oblationes. Figurabant enim hæc in genere cùm purificationem illam, qua Christus abluit & emundat nos ab omni iniquitate, tùm sanctitatem ueram, qua credentes ornantur, ut iam imaginem Dei repræsentare incipiant in gloriam & laudem Dei. Hæc legis typica fuerunt symbolicæ interpretationes primæ promissionis, quas qui intellexerunt cum Adam, Abele, Seth, Enoch, Noha, Abraham &c. uerum cultum & spiritualem Deo exhibuerunt, non dissimilem quò ad substantiam cul-

3 tus



PRÆFATIO.

tus attinet, sed omnino similem imò eundem. Sed quid hîc fit? Sicut Cainitæ promissionem carnaliter intellexerunt, & ex symbolo addito fecerunt cultum per se: ita hîc maxima pars Iudæorum, omisso spiritu, literam admirata est, & cultum Dei posuerunt in istis externis ritibus sine fide: quem errorem taxat grauissimè Dominus apud Prophetam, ubi ait: Quò mihi multitudinem uictimarum uestrarum dicit Dominus? et paulò post: ne offeratis ultra sacrificia frustra, incensum abominatio est mihi. Et huius rei causam mox subiungit, cum ait, iniqui sunt coetus uestri, calendas uestras & solennitates uestras odit anima mea. His uerbis significat Deus, non ita se instituisse ceremonias, quasi eas ut cultum requireret spirituales, sed ut in ijs populus se ad pietatem exerceret, obfirmaretq; fidem suam, magisq; ac magis sese in puro cultu Dei contineret. Verùm ut natura supersticiosi sunt homines, maxima pars per hypocrisin abducta est à uero ceremoniarum usu, ac in earum obseruatione proram & puppim, ut aiunt, suæ salutis collocarunt, quorum errorem missi Prophetæ, cùm arguerent, rapti sunt ad supplicia tanquam in legem Dei blasphemî. Ex his patet, summum fuisse consensum ipsorum qui in repub. Mo-  
sis uixerunt, cùm in doctrina, tum in cultu  
cum

cum sanctis pe  
diluitum, usq  
se usq; ad Chr  
tur præter agn  
stum, inuocat  
tiam, & alias u  
imaginem Dei  
quirunt? Refu  
atenuis iuxta u  
lieris, hoc est, na  
ret caput serper  
tatur, destrueret  
Prophetarum i  
cultu Dei iam se  
bolis refinit, in  
& remissionem p  
ornat sua iusticia  
rat in ijs motus  
tati Dei: breuiter  
quam primus ho  
ita luceat lumen  
ter noster celestis  
is discipulis con  
uita docuerunt  
perpetuo hunc  
uerbum certum  
terna ueluti sig  
cornam Domin  
fionem clarius i



PRÆFATIO.

cum sanctis patribus ante diluuium & post diluuium, usq; ad uocationē Moysi, & à Moysi usq; ad Christum. Quid enim hīc requiritur præter agnitionem peccati, fidem in Christum, inuocationem, sanctitatem, obedientiam, & alias uirtutes, quæ ad reparandam imaginem Dei in nobis tanquam partes requiruntur? Restat postrema ætas, qua λόγος æternus iuxta uaticinia assumsit semen mulieris, hoc est, naturam humanam, ut contingeret caput serpentis, h. ut Iohannes interpretatur, destrueret opera diaboli. Hic Moysi & Prophetarum interpretes & completor, eundē cultū Dei iam ferè collapsum uerbo & symbolis restituit, iussit prædicari pœnitentiam & remissionem peccatorum, credentes in se ornant sua iusticia, donat Spiritu sancto, excitat in ijs motus congruentes legi & uoluntati Dei: breuiter, reparat imaginem Dei, ad quam primus homo conditus erat, iubet ut ita luceat lumen nostrum, ut glorificetur Pater noster cœlestis. Hunc eundem cultum suis discipulis commendat, quem ipsi uoce & uita docuerunt & expresserunt. Verū ut perpetuò hunc cultum conseruaret Ecclesia, uerbum certum tradidit, ac uerbo duo externa ueluti sigilla apposuit, baptismum & cœnam Domini. Verbum primam promissionem clarius interpretatur. Signa sunt aspe-

B 4 ctabi:



PRÆFATIO.

Stabiles quædam conciones, quæ idem quod uerbum docent & offerunt. Sed quid hîc fit? ut olim Cainitæ, Camitæ & Pseudoisraëlitæ uerbum corruerunt, & ei carnali sua stulticia humana somnia assuebant: ita hypocritæ à uerbo deficientes, in hac postrema mundi ætate, cultum Dei conspurcarunt, donec hæreticorum furij & regno Antichristi doctrina rursus ferè cùm ueris cultibus, sacramentis partim conspurcatis humanis traditionibus, partim mutilatis, obruta sit. Cæterum ante 40. ferè annos excitatus Propheta Dei beatus Lutherus, restituit doctrinam & cultum ueterem, quem & primi nostri parentes acceperant à Deo, & Christus suæ Ecclesiæ commendarat. Atque hunc uerum & perpetuum cultum Dei esse, quem nostra Ecclesia hodie tuetur, clarissimè intelligitis, qui ipsum ad normam Patriarcharum & Ecclesiæ Apostolicæ refert. Sed quid nobis accidit? idem sanè quod primis parentibus, quod Abrahamitis, quod Ecclesiæ Apostolicæ. Diabolus enim toto impetu ruit ad perdendum Euangelium & uerum cultum Dei abolendum: atq; id nostra ætate furiosius agit, quia nouit exiguum sibi restare tempus, quo liceat ei in Ecclesiam Christi sæuire. Quibus autem technis iste aduersarius Christi ad delendam sinceram doctrinam & uerum cultum

rum utatur, re  
Primum enim  
nempe Turci  
phemat nome  
quod Papatum  
profiteretur se pal  
lari tamen dolo  
inuadit: doctrin  
contaminat, bre  
uerit. Papa enim  
allectus, omne  
genus in mundu  
tos homines nu  
tior intolerabili  
titerit idolomania  
gara sit maiestati  
stianorum homin  
sint fascinate. F  
parte suas faudes  
tan, non agit indu  
nistros conquirat,  
nabaptistæ, Serue  
doctrinam repun  
suo impuro rosti  
rò cùm hisce sui  
non posse cursu  
Dei impedire, ac  
finis dissidij di  
committat illos



PRÆFATIO.

tum utatur, res ipsa hodiè palàm loquitur. Primùm enim regnum, illudq; amplissimum nempe Turcicum erexit, quod palàm blasphematur nomen Christi. Deinde, aliud regnū, quod Papatum uocant statuit: quod etsi non profitetur se palàm aduersari Christo: singulari tamen dolo & fraude regnum Christi inuadit: doctrinam corrumpit: sacramenta contaminat, breuiter, uerū cultum Dei peruertit. Papa enim ministerij titulo primatum assecutus, omne superstitionis & idolatriæ genus in mundum inuexit, adeò ut post natos homines nulla unquam sit audita uiolentior intolerabiliorq; tyrannis, nullumq; extiterit idolomaniæ genus, quo grauiter irrogata sit maiestati diuinę iniuria & quo Christianorum hominum mentes prodigiosius sint fascinatæ. Posteaquam autem hac ex parte suas faudes deprehensas cognouit Satan, non agit indutias, sed suæ impietatis ministros conquirat, quales sunt Libertini, Anabaptistæ, Seruetiani, Antinomi & alij, qui doctrinam repurgatam & sacramenta rursus suo impuro rostro fœdare conantur. At uerò cū hisce suis conatibus animaduertit se non posse cursum Euangelij, & puri cultus Dei impedire, aggreditur alia uia, qua interstinis dissidijs distrahat, ac hostiliter inter se committat illos ipsos, quos animaduertit se-

ß 5 riam



P R Æ F A T I O.

riam præ cæteris meditari Ecclesiæ ac ueræ religionis restitutionem, ne scilicet coniunctis studijs & consilijs hoc tam præclarum opus unanimes moliantur. Præterea subinde quosdam è castris Christi exturbat, qui Apostatæ facti, grauissimum damnum Ecclesiæ inferunt: inter quos sunt, qui nouam rationem conciliandi odium puræ doctrinæ apud infirmos & imperitiores excogitant. Colligunt enim antinomias in dictis eorum, quorum opera Deus est usus in hac extrema senectâ mundi ad repurgandam suam Ecclesiam: cùm tamen in nulla parte fundamenti doctrinæ & cultus Dei possint ullam ueram Antilogiam monstrare, utut se in mille formas Protei isti transforment. His machinamenti Satanæ uidemus effectum esse, quod obstinati sint facti confirmationes in sua superstitione: infirmiores ac imbecilliores magna ex parte succumbant, cum piorum omnium ingenti dolore: & nisi Christus accelerauerit suum aduentum, metuendum est, ne rursus superioribus tenebris plerique inuoluantur. Quid nobis quæso hic faciendum est fratres? Cauendæ sunt insidiæ Satanæ: respiciendum est ad exempla maiorum, Abel, Abrahæ, Prophetarum, Christi & Apostolorum: horum cœtui in doctrina, cultu, inuocatione nos adiungamus: non turbemur multitudi-

titudine hostiu  
transfugaru: n  
& ærumnis, q  
do necesse est  
humilitatem  
iacer contemna  
sum triumphu  
mes sibi facit in  
ralitatis gloria  
tes perseuerauer  
mus grauissim  
& orate, ne intre  
bis (inquit) dico  
dus: sollicitar ca  
mina: offendunt  
dala: fuitiles super  
lestant: aduersus  
tillimū est inuoca  
dicit Salomon: T  
mini, ad eam cor  
In inuocatione n  
siam Prophetica  
amus animos r  
cas & Papistica  
ἐνοχλῶντες: sæp  
immois funda  
petua doctrina  
licæ cultus: ue  
lactiones diuini



PRÆFATIO.

titudine hostium : non moueat nos numerus  
transfugarū : non frangamur animo in cruce  
& ærumnis, quas pios perferre in hoc mun-  
do necesse est : non tantū respiciamus ad  
humilitatem Ecclesiæ, quæ in hac uita humi-  
iacet contempta : sed etiam intueamur Chri-  
stum triumphantem, qui eos, quos confor-  
mes sibi facit in hac uita, olim beata immor-  
talitatis gloria donaturus est, modò constan-  
tes perseuerauerint usq; ad finem. Memineri-  
mus grauissimæ sententiæ Christi : uigilate  
& orate, ne intretis in tentationem. Quod uo-  
bis (inquit) dico, omnibus dico. Tentat mun-  
dus : sollicitat caro : turbant hæreticorum ag-  
mina : offendunt doctrinæ & morum scan-  
dala : futiles superborum hominum rixæ mo-  
lestant : aduersus hæc omnia præsidium tu-  
tissimū est inuocatio Dei. Non enim frustra  
dicit Salomon : Turris fortissima nomen Do-  
mini, ad eam confugiet iustus & saluabitur.  
In inuocatione nostra respiciamus ad Eccle-  
siam Propheticam & Apostolicam, & muni-  
amus animos nostros aduersus Mahometi-  
cas & Papisticas idolomaniæ & hæreticorū  
ἐνοχλίαις : sæpe cogitemus, quā firmis &  
immutis fundamentis nitatur Ecclesiæ per-  
petua doctrina, & constans Ecclesiæ Chato-  
licæ cultus : ueniant nobis in mentem pate-  
factiones diuinæ, quibus ipse Deus suam  
uolun-



PRÆFATIO.

uoluntatem hominibus patefecit, quando locutus est cum sanctis Patriarchis & Prophetis: quam suam uoluntatem multis stupendis miraculis confirmauit, cum in ueteri, tum in nouo testamento: aspiciamus dulcissimum consensum Moſis, Prophetarum, Christi, Apostolorum in doctrina & cultu: incitemur ad confessionem exemplo tot Martyrum, qui cum Abel protomartyre doctrinam cœlestem suo sanguine confirmarunt: abſtineamus à futilibus disputationibus, quibus uinculum pacis, quod est dilectio, soluitur, & magis piæ uitæ studeamus, quàm argutis & inutilibus disputationibus, ex quibus quid mali ortum sit in Ecclesia, non sine magno dolore animi cogito. Etsi autem in his regnis est summa (sit Deo gratia) adhuc tranquillitas, & in omnibus Ecclesijs pius consensus: tamen pietas suadet, ut afficiamur eorum calamitate, qui hodie affliguntur propter quorundam intempestiuas rixas, quibus multorum principum & aliorum animi uulnerantur. Verùm cum his malis mereri non possumus, confugiamus ad illum, qui solus potest omnia. Orate igitur cum tota Ecclesia Christi æternum Deum Patrem Domini nostri Iesu Christi, ut sibi Ecclesiam in hac uita colligat, & in ea puritatem doctrinæ, & uerum cultum conseruet: ut ipsum

uerè

uerè colamus,  
mus ac diligan  
spiritu regem I  
simum D. Fre  
dum, qui ut Pa  
cessit: ita paten  
uerissimus: non  
amantissimus P  
suarum scholaru  
mus, imò nutrit  
Christus suo spi  
et alios nobiles  
politiarum, sch  
addatq; ipsis an  
doctrinam, & hor  
uandi, ut tranqui  
gamus cum omni  
re pro omnibus re  
ci concordia coa  
uent, ut maiores c  
des regni Dei sect  
perionibus obed  
præcipit: ut ita  
num in hoc regn  
quille uiuamus.  
& Regni. Orate,  
reprimat ac larg  
pastores in uera  
des, qui recta de



PRÆFATIO.

uerè colamus, & in omni æternitate celebremus ac diligamus. Orate, ut gubernet suo spiritu regem Dominum nostrum clementissimum D. Fredericum eius nominis secundum, qui ut Patri sanctissimo in regnum successit: ita paternarum uirtutum hæres existit uerissimus: non solum iusticiæ & æquitatis amantissimus Princeps, uerumetiam Ecclesiarum scholarumq; fautor et patronus optimus, imò nutricius fidelissimus. Orate, ut Christus suo spiritu regat regni Consiliarios et alios nobiles et gubernatores Ecclesiarum, politiarum, scholarum, & Oeconomiarum, addatq; ipsis animum, gloriam Dei, ueram doctrinam, & honestatem disciplinæ conseruandî, ut tranquillam & quietam uitam degamus cum omni pietate & honestate. Orate pro omnibus regni statibus, ut omnes dulci concordia coalescant, & alij alios subleuent, ut maiores cogitent inferiores cohæredes regni Dei secum futuros: ut inferiores superioribus obediant in Domino, ut Paulus præcipit: ut ita dulcissima harmonia ordinum in hoc regno constituta, pacificè et tranquille uiuamus. Orate aduersus hostes Regis & Regni. Orate, ut Christus impetus Satanæ reprimat ac largiatur Ecclesiæ Doctores & pastores in uera doctrina & pietate concordēs, qui recta docendo & exemplo piæ uitæ glori-



PRAEFATIO.

gloriam Dei illustrent: quò tandem plenè omnes resecta facie gloriam Domini, ut in speculo conspicientes, in eandem imaginem transformemur à gloria in gloriam, sicut à Domini spiritu, Amen.

Iam reliquum est, ut nonnihil dicam de meo consilio, cur uidelicet has in Euangelia Dominicalia enarrationes ediderim in lucem. Ante quatuordecim annos priuatim domesticis meis discipulis dictavi quædam scholia in Euangelia dominicalia, quò eorum studia hac mea opella nonnihil iuua-rem, nihil omnino cogitans de edendo. Sed quid sit? quæ paucis discipulis dictata erant multis communicantur: & dum animaduerti ista auidè à multis expeti, ea nonnihil ante sexennium auxi. Iam uerò piorum quorundam pastorum preces me impulerunt, ut publicarem & in lucem emitterem. Quare cùm hic labor totus destinatus sit pñs Euangelij ministris, mihi uisum est sub nomine uestro, carissimi fratres, hunc meum laborem in lucem emittere. Quòd si quis fructus ad uos inde peruenerit, Deo gratias agite, et me Deo uestris commendate precibus. Hoc unum studiosè curauì, ut doctrinam Catholicæ Ecclesiæ purè proponerem, quam & schola Vi-tebergensis ultra 40. annos & adhuc sincerè tuetur, & præstantissimi uiri huius Scholæ pro-

professores: I  
nas: D. Petrus  
gius: D. Olaf  
iam in Domi  
nam liberati  
traderunt.  
nos, qui illis in  
schola: & sermō  
sensu uiuamus  
bitamus, quin in  
clisæ Dei, sicut  
Deum Patrem  
nos suo Spiritu  
simus. Bene  
lecta, Hacten  
à Ch



PRÆFATIO.

professores: D. Iohannes Macabæus Alpi-  
nas: D. Petrus Palladius: D. Iohannes Senin-  
gius: D. Olaus Chrisostomus ( qui omnes  
iam in Domino quiescunt, expectantes ple-  
nam liberationem per aduentum Filij Dei )  
tradiderunt. In hoc consensu persistimus &  
nos, qui illis in officio successimus in hac  
schola: & seriò oramus Deum, ut in hoc con-  
sensu uiuamus & moriamur. Non enim du-  
bitamus, quin hic sit consensus perpetuus Ec-  
clesiæ Dei, sicuti suprâ satis ostendimus. Oro  
Deum Patrem Domini nostri Iesu Christi, ut  
nos suo Spiritu coniungat, ut unum in ipso  
simus. Bene & feliciter in Christo ua-

lete, Hafniæ 30. Martij, Anno  
à Christo nato 1561.





DOMI

MA




contra uos est, &  
alligatam, & pulle  
cite mhi. Et si qui  
tue: Dominus hi



I  
DOMINICA PRIM

MA ADVENTVS

Matth. 21.



**C**um appropinquassent Hierosolymis, & uenissent Betphage ad montem Oliuarum, tunc Iesus misit duos discipulos dicens eis: Ite in castellum, quod contra uos est, & statim inuenietis Asinam alligatam, & pullum cum ea, soluite & adducite mihi. Et si quis uobis aliquid dixerit, dicite: Dominus his opus habet, & confestim  
A emit.



emittet eos. Hoc autem totum factum est, ut adimpleretur, quod dictum est per Prophetam dicentem: Dicite filiae Sion: Ecce Rex tuus uenit tibi mensuetus, sedens supra Asinam & pullum filium subiugalis. Euntes autem discipuli fecerunt sicut praeceperat illis Iesus. Et adduxerunt Asinam & pullum, & imposuerunt super illos uestimenta sua, & eum super illa collocarunt. Plurima autem turba strauerunt uestimenta sua in uia: Alij uerò cedebant ramos de arboribus, & sternerant in uia. Porro turbæ quæ præcedebant, & quæ sequebantur, clamabant dicentes: Hos anna filio David, benedictus qui uenit in nomine DOMINI, Hos anna in altissimis.

## ENARRATIO TEXTVS.

**C**VM hoc de Aduentu Domini festum sit omnium primum ordine, quod in Ecclesia celebratur, operæ precium est, ut admoneamur quæ in singulis festis spectanda sint, ne aut cum impio & prophano mundo eis in contumeliam Dei abutemur, aut minus pie quàm par est, eadem celebremus non sine multorum scandalo. Sunt autem in uniuersum tria in singulis festis consideranda: Historia, quæ festi fundamentum est: beneficium, cuius historia meminit: & festi uerus legitimusq; usus. Vt enim historia mentem erudit: ita beneficium Dei, cuius memoriam confirmat historia, fidem

*Tria sunt in singulis  
festis consideranda.*

deu alit & con  
nat, quæ Deum  
mente, uoce, con  
tudine uerus fe

Hec tria en

Quare cum hoc

Domini Historia

natuam, doctrin

et articulos nostri

beneficium Dei qu

rium saluare perit

mens erudenda, b

est, ut inde mentis

qui filium dare dign

sione & moribus ca

sens festum reddat

nostri instructionem

dato, qui sunt:

I. De Aduentu

II. Descriptio re

III. De ciuitate hu

dei de uer

Aduentu

D.

Quò magis &

dem, & nostri salu

tu Domini nostri I

cum diuo Bernard



dem alit & confirmat: ex qua fide gratitudo manat, quæ Deum pro accepto beneficio celebrat mente, uoce, confessione, & moribus: in qua gratitudine uerus festi usus conspicitur.

Hæc tria omnibus festis accommodanda sunt. Quare cum hoc festum sit institutum de Aduentu Domini, Historia Aduentus quæ ad conceptionem, natiuitatem, doctrinam & facta Christi, præcipuos articulos nostri Symboli, pertinet, discenda est: beneficium Dei, quod est per Sacrificium expiatorium saluare perditam ouem, est recolendum: illa mens erudienda, hoc fides alenda & confirmanda est, ut inde mentis gratitudo nascatur, qua Deum, qui filium dare dignatus est, mente, uoce, confessione & moribus celebremus. Porro ut nobis præsens festum reddatur cum in Dei gloriam, tum in nostri instructionem utilius, tres locos ordinè tractabo, qui sunt:

- I. De Aduentu Domini.
- II. Descriptio regis Christi & eius regni.
- III. De ciuibus huius regis, eorum officio, atq; adeo de uero usu & salutari meditatione Aduentus Domini.

## DE PRIMO.

Quò magis & certius erudiamur in Dei laudem, & nostri salutarem instructionem de Aduentu Domini nostri Iesu Christi, Sex circumstantias cum diuo Bernardo pensandas in eo proponamus,

A 2 que



que sunt: Quis sit qui ueniat: Vnde: quò: ad quid: quando: & qua.

QVIS

I. Venit secundum Gabrielis testimoniū altissimi filius, equalis altissimo patri in uera dignitate. Hinc discamus quanta sit eius Maiestas, dignitas et potentia. Venit Semen mulieris, uerus homo de semine Abraham & Dauid, iuxta oracula Prophetarum, et testimonia Apostolorum: minor Patre in uera humanitate. Ex quo discamus, qua natura societate nobis coniunctus sit: ut ad eum accedere non pertimescamus. Venit ergo Christus, qui idem Deus est uerus, & homo uerus, una persona in duabus naturis subsistens, qui & potest saluare, quia Deus: & uult, quia naturam nostram assumpsit, ut pro nobis uictima fieret.

VNDE

II. Vnde uenit? ex coelo uenit, ex sinu patris uenit, qui omnia implet, & ubiq; inuisibiliter adest: uenit & in utero uirginis conceptus Spiritus sancti opera, nutritur sanguine uirginis, nascitur, educatur, circumciditur &c.

QVO

III. Quò uenit? in mundum uenit, qui per ipsum factus est: in propria uenit, et sui eum non receperunt, uenit in inferiores partes terræ. Atq; hoc est sine controuersia magnum illud mysterium, de quo Apostolus 1. Tim. 3. Deus manifestatus est in carne, iustificatus est in spiritu, cōspectus est ab Angelis, predicatus à gentibus, fides illi habita est in mundo, sursum receptus est in gloriam.

AD QUID

IIII. Ad quid uenit? Causas Aduentus Domini in mun-

in mundum, no  
oracula Prophe  
uentis Domi  
tur preconia:  
tur Ecclesia.

Vox Dei ad

Veni contem

cor ait: Christus

bol: Huius uocis

idem Deus incan

ducens: In semine

Ex his ergo int

nerit Christus: E

bol: Alterum ut

filios Abrahæ: hoc

fide receperunt, sic

Adam se, & totam

Satanæ mancipasse

tum cōiecit, requi

meritas potius lue

in genere humano

finis potius pot

ratum placare, q

de, uenit in mun

se recipit, destrui

placat, factus pro

Hoc ipsum m

patrum, agnus pi

se super populum



# ADVENTVS.

in mundum, uox Dei prænunciat: Typi figurant: oracula Prophetarum clamant: uerba & facta aduenientis Domini comprobant: Apostolica testantur præconia: ac omnium sanctorum læta confite-  
tur Ecclesia.

Vox Dei ad Serpentem fuit, Gen. i. Semen mulieris conteret caput tuum, quod Apostolus explicans ait: Christus apparuit, ut destruat opera Diaboli. Huius uocis sententiam sæpè sanctis patribus idem Deus inculcauit, & potissimum Abrahamo, dicens: In semine tuo benedicentur omnes gentes.

Ex his ergo intelligitur, quod propter duo aduenit Christus: Primum, ut destrueret opera Diaboli, Alterum, ut benedictionem adduceret super filios Abraham, hoc est, super omnes qui Christum fide receperint, sicuti Abraham fecit. Nam cum Adam se, & totam posteritatem, suo lapsu regno Satanae mancipasset, ac in maledictionem commertam cõiecisset, requirebat iusticia Dei, ut aut commeritas pœnas lueremus, aut satisfaceret aliquis in genere humano iusticiae Dei: uerum cum nulla finita potētia potuit Diabolum superare, et Deum iratum placare, prodijt filius Dei de arcana sua sede, uenit in mundum, fit homo, nostram causam in se recipit, destruit regnum Diaboli, ac iram Patris placat, factus pro nobis uictima & sacerdos.

Hoc ipsum multi figurant typi: ut sacrificia patrum, agnus phase, aspersio sanguinis uaccae rupe super populum, atq; adeò Arca fœderis, totum

A 3 sacri-

Propter duas causas  
Christus in mundum uenit.



sacrificium Aaronicum cum omnibus suis ritibus  
& ceremonijs.

Oracula Prophetarum innumera has ipsas cau-  
sas Aduentus Domini consentientibus suffragijs  
clamant: ut Esaie 53. Verè languores nostros tulit,  
& dolores nostros portauit, ipse uulneratus est  
propter prauaricationes nostras, & attritus est  
propter iniquitates nostras. Dominus coniecit  
in illum iniquitates omnium nostrum. Huiusmodi  
sunt plurima testimonia Prophetarum, quæ breui-  
tatis causa omitto.

Verba & facta Christi aduenientis idem com-  
probant: Venite, inquit, ad me omnes, qui labora-  
tis & onerati estis, & ego uos refocillabo. Item:  
Qui credit in me non peribit: Sed uitam eter-  
nam habebit. Item: Pro ijs sanctifico me ipsum: hoc  
est, me hostiam Deo Patri offero pro ipsorum  
peccatis expiandis: quod non solum multa mira-  
cula, quæ fecit, quibusq; opera Diaboli destruxit,  
conuincunt, uerumetiam mors ipsa, & eam secuta  
gloriosa uictoria.

Rom. 4

Apostolica testimonia quis potest numerare?  
Paulus dicit: Mortuus est pro peccatis nostris, &  
resurrexit propter iustificationem nostri. Idem  
scribit: Eum qui non nouit peccatum, fecit pecca-  
tum, ut nos fieremus iusticia Dei in ipso. Iohannes  
Baptista clamat: Ecce Agnus Dei qui tollit pecca-  
ta mundi. Iohannes Apostolus: Iesus Christus pur-  
gat nos ab omni iniquitate nostra. Idem summam  
bene=



beneficiorum Christi complectens, scribit: ~~Christus apparuit, ut destruat opera Diaboli.~~

Deniq; uniuerſa Christi Ecclesia has ipsas Aduentus Christi causas leta per Spiritum Christi confitetur, ita canens: ~~Tu ad liberandum suscepturus hominem, non horruisti uirginis uterum. Tu deuicto mortis aculeo, aperuisti credentibus regna cælorum &c.~~

Verum si de tempore queris, respondet Apostolus Paulus: ~~Postquam uenit plenitudo temporis, emisit Deus Filium suum natum ex muliere, factum sub Lege, ut eos qui erant legi obnoxij redimeret, ut adoptionem filiorum reciperemus.~~ Venit ergo nec serius, nec tardius quam uenire debuit. De hoc aduentus Domini tempore prædixerunt Prophetae, Iacob, et Daniel: de qua re plura dicenda erunt die natiuitatis Domini.

Vnum restat, uia uidelicet per quam uenit: & hæc quoq; diligenter requirenda, ut possimus rectè ei occurrere. Sicut itaq; ad operandam salutem nostram uenit semel in carne uisibilis: ita quotidie ad saluandas animas singulorum ubicunq; eius uerbum cogitatur, legitur, prædicatur, in Spiritu uenit, & inuisibilis: imò illic semper adest iuxta promissionem: Ero uobiscum usq; ad consummationem seculi: Atq; tum rursus apparebit uisibilis iudex uiuorum & mortuorum, ut qui ipsum antea aspernabantur medicum & saluatorem, tum sentiant iudicem, & suorum scelerum uindictam

A 4

iustif

5.

QVNDQ.

Gal. 4

Genf: 49

Daniel. 9.

6

QVA.

11 12



iustissimum: de quo Aduentu proxima die Dominica plura audiemus. Atq; hoc pacto de Aduentu Domini breuiter dictum sit.

## DE SECVNDO.

Secundus locus, quem continet textus Euangelij, habet descriptionem Regis Christi, atq; eius regni: quæ descriptio confirmatur Zachariæ testimonio, quod adducit Euangelista, ut sciamus hanc pompam non temerè institutam: Sed ex uoluntate Dei & consilio arcano Trinitatis longè antea prænuntiata fuisse. Multa enim hæc pompa nos docet de conditionibus regis Christi, & eius regni. PRIMVM enim hæc Christi pompa equitantis in Ierusalem discriminẽ facit inter Christum regem, et mundi reges, eorumq; diuersa regna. Satis enim arguit hæc contempta pompa, quod Christus nec mundanus Rex sit, nec regni eius administratio sit mundana: Nam Reges mundi, ut à suis magnifici æstimentur, splendide ornantur: ita regnorum mundanorum administratio splendorem & magnificentiam requirit apparatus. SECVNDO docet hæc historia, quod sub hac uili pompa lateat omnipotentia & diuinitas quædam. Nam cum ait, Soluite, & adducite mihi. Item, Dominus his opus habet. Item, Confestim demittet eos, significat Christus rex noster se diuina sua uirtute omnia, quæ uult, efficere posse: atq; adeo hominum corda et uoluntates in sua habere manu.

Etsi igitur regnum Christi in hoc mundo apparet

Pompa nos  
docet.

paret contenti  
diuinitatem res  
tentius, nihil de  
Porro natio  
num exhortat  
et plane con  
filia Sion. Hoc d  
sternens, planeq  
angelum. Deina  
datum Dei, ut  
quemadmodum  
cum ait: Oscula  
hoc natiuitatem  
mirum quod sit  
Rex tuus uenit: a  
promissus Rex, d  
restituet regnum  
peccato perdidit  
tam esse dicit, ut  
delem typum  
cedamus, per  
Quod autem cum  
presens uite co  
ideo pauper esse  
ditet, & aterna  
D  
Huius Regis  
Christi, & turba  
debemus, modo



paret contemptibile: Tamen si Regis potentiam & diuinitatem respicis, nihil eo augustius, nihil potentius, nihil deniq; gloriosius.

Porro uaticinium Prophetæ tria continet, primum exhortationem ad Ecclesiam iam deiectam & planè consternatam: Latere, inquit, & exultare filia Sion. Hinc docemur, quòd ad deiectos & consternatos, planeq; contritos spiritu pertineat Euangelium. Deinde continet hoc uaticinium mandatum Dei, ut huic regi homagium præstemus, quemadmodum secundus quoq; Psalmus hortatur, cum ait: Osculamini filium. TERTIO continet hoc uaticinium descriptionem personæ Christi, nimirum quòd sit Rex Ecclesiæ promissus: Ecce ait, Rex tuus uenit: ac si diceret, hic est tandem ille promissus Rex, de quo tot extant testimonia, qui restituet regnum Dei, quod Diabolus inuasit, ac peccato perdidit. Hunc regem mansuetum, & mitem esse dicit, ut eum non fugiamus tanquam crudelem tyrannum: Sed potius plena cum fiducia accedamus, petamusq; ab eo promissam salutem. Quòd autem eum pauperem esse prædicat, id ad præsentis uitæ conditionem referendum est: Qui ideo pauper esse uoluit, ut nos Spiritu pauperes daret, & æternum beet.

## DE TERTIO.

Huius Regis ciues sub persona discipulorum Christi, & turbæ describuntur, quos nos imitari debemus, modò inter ciues regni Christi censerimur.

A S ueli-

I. Vaticinium  
continet.

II.

III.

Mansuetus.

PAUPER.

QVARE PAV-  
PER.



1 uelimus. Primum itaq; cum discipulis Christo ad-  
ducimus Asinam: hoc est, nos quibus ministerium  
uerbi demandatum est, omnia, que nobis precepta  
 2 sunt, in gloriam Christi & regni eius propaga-  
tionem faciemus. Deinde uestimenta nostra ster-  
nemus super Asinam: id quod tum demum facie-  
 3 mus, quando facultates nostras ad conseruationem  
ministerij conferemus. Ramos quoq; cademus de  
arboribus, et obijciemus Christo: hoc est, Christum  
predicabimus, & agnoscemus perpetuum regem:  
 4 cuius regnum perpetuo instar palme florere opta-  
bimus, ut nullis operibus aerumnarum huius mundi  
succumbat. Clamabimus Hosanna: hoc est, ex fide  
inuocabimus, & censitebimur hunc Regem, certi  
quod eius regnum sit benedictum in excelsis.

Hinc iam breuiter colligamus, quis sit uerus  
usus, & salutaris meditatio huius festi de saluari  
CHRISTI Aduentu. Primum itaq; studeamus,  
ut hic Rex ad nos ueniat: Quomodo hoc fit? Vera  
pœnitentia accersitur, solida fide retinetur, puro  
cultu delectatur. Deinde admoneamur gratitu-  
dinis, ut ipsum mente, uoce, confessione, & mori-  
bus celebremus: qui nostra causa ad nos uenit: qui  
factus homo dedit seipsum pro peccatis nostris, ut  
eriperet nos de presenti seculo malo, iuxta uolun-  
tatem Dei & Patris nostri: Cui gloria  
in secula seculorum,

AMEN.

DOMI-

DOMIN  
DA AL

E Runt signa in  
 in terris aro  
 tionem, resonanti  
 ribus hominib  
 ne eorum, quae  
 Nam uirtutes co  
 tum uidebunt  
 in nube cum po  
 autem fieri incip  
 hic capita uestra.



ADVENTVS. 11  
DOMINICA SECVNDA

DA ADVENTVS, EVANGELIUM LUC. 21.



**E**Runt signa in Sole & Luna & Stellis, & in terris anxietas gentium per desperationem, resonanti mari, & fluctu, extabescen-  
tibus hominibus præ timore & expectatio-  
ne eorum, quæ superuenient orbi terrarum,  
Nam uirtutes cælorum mouebuntur. Et  
tum uidebunt Filium hominis uenientem  
in nube cum potestate & gloria magna. His  
autem fieri incipientibus, suspicite & attol-  
lite capita uestra, quoniam appropinquat re-  
demtio

DOMI



dementio uestra. Et dicit illis similitudinem,  
Videte ficum & omnes arbores, cū pro-  
trudunt iam gemmas, cernentes, ex uobis  
ipsis scitis, quod iam instet æstas. Ita & uos,  
cū uideritis hæc fieri, scitote, quod instet  
regnum Dei. Amen dico uobis, non præte-  
ribit ætas hæc antequam omnia facta fue-  
rint. Cælum & terra transibunt, uerba autem  
mea non transibunt, Cauete autem uobis, ne  
quando grauentur corda uestra crapula &  
ebrietate, & curis huius uitæ, & superueniat  
in uos repentina dies illa, tanquam laqueus  
enim superueniet in omnes, qui sedent super  
faciem omnis terræ. Vigilate ergo omni  
tempore orantes, ut digni habeamini fugere  
ista omnia quæ futura sunt, & stare ante fili-  
um hominis.

## ENARRATIO TEXTVS.

**Q**uemadmodum proximo die Dominico Ec-  
clesia memoriam Aduentus Christi in car-  
ne recoluit: Ita hæc Euangelica lectio de Secundo  
ipsius Auentu tractat, & pertinet ad Articulum  
fidei nostræ, quo mente & ore confitemur eundem  
Dominum, qui prius uenit, ut esset Mediator &  
Saluator in se credentium uenturum ad iudican-  
dum uiuos & mortuos: ut illi, qui Christum in hac  
uita receperunt, & Saluatorem agnouerunt, eter-  
na donentur uita resuscitatis corporibus: & qui  
eum spreuerunt, indulgentes suis affectibus in con-  
tume-

timeliam Dei. d  
num. Constitua  
tionis tres loci.  
L De Adu  
II. Vfus et fr  
uentu  
III. Exhortatio  
rati fin  
D.  
Occasionem b  
fi ad iudicium, p  
scipulorum eius d  
cū admirarentur  
Dominus respond  
do, ne relinqueret  
dientes discipuli, in  
respondens, signa  
erosolymitanum exp  
tum desponderent  
hinc occasione sum  
preium iudicium  
sua enumerat.  
Verum quo om  
nium circumstanti  
tur, examinabimus  
pturis describimus  
Circumstantia  
Tempus enim mon  
confirmat. Sunt a



humiliam Dei, dignis cruciatibus afficiantur eternum. Constituantur autem huius Euangelicæ lectionis tres loci.

I. De Aduentu Christi ad iudicium.

II. Vfus et fructus præmonitionis de eodem aduentu.

III. Exhortatio Christi ad discipulos, ut sint parati sine impedimentis.

DE PRIMO.

Occasionem huic concioni de Aduentu Christi ad iudicium, præbuit colloquium Christi & discipulorum eius de templo Hierosolymitano. Nam cum admirarentur discipuli ornatum templi, ipse Dominus respondit fore, ut ita vastaretur aliquando, ne relinqueretur lapis super lapidem. Hoc audientes discipuli, interrogant de tempore. Quibus respondens, signa quæ præcederent excidium Hierosolymitanum exposuit, illos confirmans, ne animum desponderent propter imminentia mala: hinc occasione sumta transit ad uniuersale, & supremum iudicium, & quæ signa illud sint præcursura enumerat.

Verum quò omnia nobis fiant illustriora, primum circumstantias quinq; quas textus complectitur, examinabimus. Deinde ipsum iudicium ex scripturis describemus.

Circumstantiarum itaq; prima est temporis. Tempus enim monstrat à signis, & comparatione confirmat. Sunt autē plura signorum genera, quæ Aduen-



Aduentus DOMINI ad iudicium precedunt.

PRIMUM in Sole & Luna & stellis conspicitur, quod quale sit futurum Marc. 13. cap. his uerbis explicat: Sol obtenebrabitur, hoc est, erunt frequentes Solis eclipses: & Luna non dabit splendorem suum, dum uidelicet patitur eclipsin: & stellæ cælo decident, hoc est, uidebuntur decidere. Huius generis signa præterijisse quàm plurima hæc nostra testatur ætas. Nunquam enim tot contigere uel Solis uel Lunæ eclipses.

SECUNDUM signum imminentis iudicii, est anxietas gentium præ desperatione, hoc est, ut Matthæus & Marcus interpretantur: Insurret gens contra gentem, & regnum contra regnum, nec erit locus tutus à bellis. An non huius generis signis plenum esse mundum testatur hic dies?

TERTIUM generis signa sunt maris, fluctuum, Aëris, tempestatum, horrendorum tumultuum, & inusitatorum quorundam & uehementium uentorum. An non & huius generis signa nostra ætas uidit quàm plurima?

QUARTUM genus signorum ex secundo & tertio manat, quod est extabescencia præ timore & expectatione eorum, quæ superuenient orbi terrarum.

QUINTUM genus: uirtutes Cælorum mouebuntur, hoc est, erunt inusitati aspectus in cælo, & in terris terre motus. Breuiter, Cælum & Terra irati iudicis faciem quodammodo referent,  
ut



ut peccatores istis ira Dei signis moti, agant pœ-  
nitentiam, & conuertantur ad Dominum.

Hæc signa in hunc modum ad extremum iudi-  
cium applicat Dominus: Videte ficum & omnes  
arbores: cum iam emiserint folia, uos eas cernen-  
tes, ex uobis ipsis agnoscitis, quod iam propè sit  
æstas: Ita et uos, cum uideritis hæc fieri, agnoscite,  
quod prope sit regnum Dei. Nam hæc signa è cre-  
aturis omnibus, quæ sursum ac deorsum feruntur,  
erunt ueluti præcones, quorum uoce citabuntur  
homines ad horribile illud tribunal, qui hîc in  
mundo lasciuentes suam ipsorum salutem negle-  
xerunt, & ueluti ebrij Christum salutis autorem  
contemserunt.

Præter hæc quintuplicia signa, quorum textus  
meminit, sunt & alia Matth. 24. Marc. 13. 2. Thess.  
2. Dani. 2. & 7. Apocal. 17. quæ omnia sunt ueluti  
quedam aspectabiles conciones de pœnitentia, qui-  
bus Deus inuitat homines, ut confugiant ad filium  
suum dominum nostrum Iesum Christum, in quo  
sola salus est.

SECVNDA circumstantia est, quod is qui  
est filius Dei & hominis, Iesus Christus, sit futu-  
rus iudex: Vnde pij & impij habent quod discant.  
Pij quidem, ut sciant illum futurum iudicem, qui  
omnibus in se credentibus uitam æternam promi-  
serat addito iureiurando, Amen dico uobis, Omnis  
qui credit in me nō pereat, sed habeat uitam æter-  
nam. Hæc promissio iuramento confirmata ne-

Isa. 66. Ecce Dñs in igne ueniet, & quasi turbo qua-  
drupla uis.



quaquam fallere potest. Impij uero, ut uel agant  
pœnitentiam relictâ impiorum colluuię, & ita de  
salute per Christum parta gaudeant, uel memine-  
rint, hunc quem renuerunt saluatorem, adiudica-  
turum ipsos æternis cruciatibus, ut tum demum  
cum suo magno malo discant, quàm sit horrendum  
in manus Dei uiuentis incidere.

TERTIA circumstantia est, quòd sit uentu-  
rus in nube gloriosus & tremendus, non seruus, ut  
antea sed Dominus: non iudicandus, sed iudicatu-  
rus: non iam inuitaturus homines ad pœnitentiam,  
sed impœnitenes æternis pœnis puniturus: idq; ut  
iudex iustus.

QUARTA circumstantia, quòd sit uentu-  
rus potens, cum potestate & gloria magna, unde  
discendum, quòd & possit damnare rebelles, &  
ualeat æterna uita donare credentes.

QUINTA circumstantia causam Aduentus  
 Christi ad iudicium ( quantum quidem ad pios at-  
 tinet ) exprimit : Appropinquat redemptio uestra,  
 qua uoce Christus indicat, non fore, ut Ecclesia  
 benè in hoc mundo sit habitura, non enim potest  
 antea à uanitate huius mundi liberari : Ita signifi-  
 cat complementum beneficiorum Christi erga Ec-  
 clesiam, esse plenam redemptionem ab omnibus ma-  
 lis: cum qua coniuncta est perfecta fruitio æterni  
 Dei cum æterna letitia. Hæc ergo pertinent ad pi-  
 orum consolationem. Verum, quantum ad impios  
attinet, iste dies Aduentus Domini erit dies iræ &  
 calamit-



calamitatis, non liberationis: caliginis & tenebra-  
rum, non lucis: mœroris, non lætitiæ: exitij, non sa-  
lutis.

Cæterum iudicij forma, Matth. 25. his uerbis  
 describitur: Cum autem uenerit filius hominis in  
Maestate sua, & omnes Angeli cum eo: tunc sede-  
bit super sedem Maestatis, & congregabuntur  
apud eum omnes gentes, & separabit eas ab inui-  
cem, sicut pastor segregat oues ab hœdis, & sta-  
tuet oues quidem à dextris suis, hœdos autem à si-  
nistris. Tunc dicet Rex ijs, qui à dextris erunt:  
Venite benedicti Patris mei, & possidete Regnum  
uobis paratum à constitutione mundi. Esuriui  
enim, & dedistis mihi manducare & c. & ijs, qui  
à sinistris erunt, dicet: Discedite à me maledicti in  
ignem æternum, qui paratus est Diabolo & ange-  
lis eius. Esuriui enim, & non dedistis mihi man-  
 ducare & c. Atq; ita impij ibunt in supplicium  
sempiternum: iusti uerò in uitam æternam. Et in  
 Apocal. 20. Sedebit super thronum magnum can-  
didum, à cuius conspectu fugit terra & cœlum,  
& mortui magni & pusilli stabunt in conspectu  
throni: & tunc aperietur liber uite, & libri con-  
scientiarum, & iudicabuntur ex his, quæ scripta  
sunt in libris, secundum opera ipsorum: qui bona  
egerunt, ibunt in uitam æternam: qui uero mala,  
in ignem æternum.

Porrò in sententia Iudicij duo spectanda sunt:  
A parte Dei, benedictio: à parte hominum, bona  
 B opera.

IUDICII FORMA



BENEDICTI.

Solo CHRISTI bene-  
ficio recipimur, & gra-  
tis iustificamur

BONA OPERA.

opera. Cum dicit: Venite benedicti patris mei, si-  
gnificat eos gratis saluari propter Christum,  
quem fide receperunt. Nam in solo Christo bene-  
dicuntur nomines, in gratiam Dei recipiuntur, &  
gratis iustificantur. Verum cum ad bona opera  
prouocat, id facit Dominus, non quod sint, causæ  
salutis: sed propter alias causas, nempe, quia sunt  
testimonia ueræ fidei & timoris Dei. Deinde, ut  
compensatione ærumnarum, quas ferunt in hac  
uita, proposita, magis eos ad piæ, sanctæq; uiuen-  
dum excitet.

## DE SECVNDO.

Cur Christus præmonuerit suos de suo ad iudi-  
cium Aduentu, explicat, cum ait: Cum hæc fie-  
ri incipient, suscipite, & attollite capita ue-  
stra. Hæc omnia signa admonebunt nos perpetuæ  
cuiusdam poenitentiae in hac uita: sed quid nos fa-  
cimus? Videmus ceruicibus nostris imminere diem  
extremam, nihilominus poenitentiam differimus,  
indulgemus nostris affectibus: Quid faciunt nobi-  
les? quid principes? quid docti? quid indocti? quid  
ciues? quid rustici? quid deniq; ferè omnes? Quis  
seriò de hac Christi præmonitione cogitat? pluris  
facimus prædium rusticanum, quàm Regnum Dei:  
imò quis non huius uitæ commoda uel perexigua  
anteponit saluti animæ.

## DE TERTIO.

Quia Christus præuidit, quibus malis mundus  
esset inmundaturus sub sui Aduentus tempus, exhor-  
tatic



rationem instituit: ut cum uitent, quæ tum maxi-  
mam mundi partem à salute promissa excludunt:  
 tum se strenuos præbeant milites, qui uigilijs &  
precationibus pugnent contra hunc mundum, sub  
uexillis unius Iesu Christi, Quò autem ad utrunq;  
sint paratiores, interponit rationes: nam & diem  
illum repentè superuenturum ait, & isto pacto  
eos omnia euasuros mala, & constituendos coram  
Dei Filio pronunciat.

Ait ergo: Attendite uobis ipsis, ne quan-  
 do grauentur corda uestra crapula & ebrie-  
 tate, & curis huius mundi. Hæc sunt ergo ui-  
tanda, crapula, ebrietas, & cura huius mundi, im-  
pia scilicet, & prophana, quæ fidem Christi extin-  
guit. His malis cum omnes mundi ordines implica-  
ri & inuolui manifestissimum sit, eò magis hæc  
Christi exhortatio in conspectu nobis esse debet:  
ne mundi malis moribus decepti pereamus.

Deindè, cū subiungit Dominus: Vigilate om-  
ni tempore deprecantes, docet quibus rebus oc-  
cupari eos oporteat, qui superuentura mala cupi-  
ant effugere. Requirit in summa fugam malorum,  
& ardens bonorum studium: utrunq; coniungit  
Apostolus ad Titum scribens: Abnegantes omnem  
impietatem, & mundanas concupiscentias, sobrie,  
iuste, & piè uiuamus in hoc seculo, expectantes  
beatam spem, & aduentum glorie magni Dei, Cui  
sit laus, imperium, & gloria in secula seculorum,  
Amen.



## DOMINICA TERTIA

ADVENTVS, EVAN-  
gelium Matth. 11.

**I**ohannes autem cū audisset in carcere  
facta Christi, missis duobus discipulis suis,  
dixit illi: Tu es ille qui uenturus est, an alte-  
rum expectamus? Et respondet Iesus dixit  
illis: Ite & renunciate Iohanni ea, quæ audi-  
tis, & uideris: Cæci uisum recipiunt, & clau-  
di ambulant, leprosi mundantur, & surdi au-  
diunt, mortui excitantur, & pauperes lætum  
accipiunt Euangelij nuncium: Et beatus est  
quisquis non fuerit offensus in me. Euntibus  
autem

autem illis,  
hanc: Quic-  
tis: Num ar-  
to: Age, qui  
minem mol-  
qui mollia ge-  
Ad quid exiit  
Certe dico uol-  
ta, Hic est eni-  
ego mitto nū-  
am, qui præpa-

ENAR

**H**OC ENAR  
Christi, illi  
ribus, quantum se  
quæ in oculos in-  
nam uim respicit  
suum & glorio-  
de eius externa sp-  
ritu: Vnde man-  
cruce sit consti-  
tantes, sed ad  
inter pauperes  
illi curantur  
um, quod mun-  
contemnant. Br  
Christi depingit  
um, & Christi





audisset in carcere  
bus discipulis suis,  
uenturus est, an alte-  
r responderet Iesus dixit  
Iohanni ea, quæ audi-  
am recipiunt, & clau-  
ndantur, & surdi au-  
diant, & pauperes lætum  
nuncium: Et beatus est  
Iesus in me. Eunibus  
autem

autem illis, coepit Iesus dicere turbæ de Iohanne: Quid existis in desertum ut uideretis? Num arundinem, quæ agitur à uento? Age, quid existis ut uideretis? num hominem mollibus uestibus amictum? Ecce qui mollia gestant, in domibus regum sunt. Ad quid existis uiderere? num Prophetam? Certè dico uobis, & excellentiorem Prophetam, Hic est enim, de quo scriptum est, Ecce ego mitto nuncium meum ante faciem tuam, qui præparaturus est uiam tuam ante te.

ENARRATIO TEXTVS.

**H**OC Euangelium describit nobis Regnum Christi, illudq; depingit proprijs suis coloribus, quantum scilicet ad externam eius formam, quæ in oculos incurrit, attinet. Nam si eius arcanam uim respicis fidei oculis, est longè splendidissimum & gloriosissimum: Hic itaq; solummodo de eius externa specie agitur. Præcurfor incarce-  
ratur: Vnde monemur, quòd Christi Regnum sub cruce sit constitutum: mittuntur discipuli dubi-  
tantes, sed ad Christum solum: Christus Rex ipse inter pauperes, cæcos, surdos, leprosos uersatur: Illi curantur & recipiunt lætum salutis nunci-  
um, quod mundi potentes, nobiles, & sapientes contemnunt. Breuiter, ut hoc Euangelium Regnum Christi depingit: ita confirmat Iohannis ministerium, & Christum uerum esse Messiam promissum

B 3 patriæ

11 12



patribus certis indicijs euincit. Verum uberioris doctrinae causa praesens Euangelium in quatuor locos distribuatur: Qui sunt:

I. Et sors, & officium ministrorum uerbi indicatur.

II. Interrogatio Iohannis.

III. Responsio Christi.

IIII. Encomium & laudatio Iohannis.

DE PRIMO.

Iohannes autem, cum audisset in uinculis opera Christi, ad ipsum mittit duos de discipulis suis. Iohannes uinculis constrictus sortem ministrorum uerbi exemplo suo docet: Et idem, discipulos suos ad Christum mittens, uerum officium ministrorum uerbi ostendit. De utroque igitur ordine dicam, ac primum de sorte eorum in hac uita.

SORS Ministrorum.

Iohannes hortatur homines ad poenitentiam, & accusat scelera: Sed quid illi euenit? Hoc docet Historia, Matth. 14. Illic enim narratur, quod, cum Iohannes reprehendisset Herodem, ac dixisset, non licere ipsi habere uxorem fratris sui, coniectus sit in carcerem, ac tandem supplicio capitis affectus. Istud premium retulit sanctus Baptista ab impio Tyranno. Nam quemadmodum Medicus, si furiosi hominis uulnus attingit, illudque curare conatur, non aliud expectare potest, quam ut furiosus in se manus conuertat, ac malum pro bono reddat: Ad eundem modum minister uerbi, si hominis impiet potissi-



potissimum tyranni alicuius peccatum reprehendit, ut agat poenitentiam, & sanetur à peccati plaga, non aliud expectet, quàm minas, maledicta, mortem. Quàm autem uerum hoc sit, non solum Iohannis exemplum docet: uerumetiam totius Ecclesiae historia, cum ueteris, tum noui Testamenti. Hinc tot martyres clarent, hinc tot Prophetarum necesse, hinc Apostolorum persecutio, Pauli trucidatio, Petri crucifixio: & alia atq; alia aliorum supplicia, quæ nos commonefaciunt de sorte sanctorum ministrorum in hac uita. Sed felix est Crux, quam Christus preclaram pronūciat: Beata crux, quæ est uia ad ueram & diuturnam uictoriam per Christum Iesum.

Quare non debent ministri Euangelij propter persecutionem cessare in officio: sed Iohannis exemplo incitati, strenuè facere officium, quod in his potissimum situm est. PRIMVM ut prædicent 1. Christum, & monstrent agnum tollentem peccata mundi. Deinde arguāt peccata. Sunt enim organa 2. Spiritus sancti, qui mundum per ipsos peccati arguit, sicut in Iohanne uidemus. 3. Pia, sancta q; 3. sua uita ministerium suum ornent. 4. Minas 4. mundi cum Iohanne contemnunt, parati ad ferenda potius quæuis supplicia, quàm ut in officio cessatores esse uideantur. 5. Si contigerit eis in carcerem mitti, & rapi ad supplicia propter officium ritè præstitum, quid hic facient? negabunt Christum? Minime. Sed ad Christum discipulos B 4 mittent

Mat: 5.

OFFITIUM  
Ministerium

11 12



mittent, non metuentes eos, qui corpus occidere  
tantum possunt: sed potius eum, qui, ut perdere  
corpus & animam: ita saluare utrumq; potest.  
 Hec sint breuiter de primo loco dicta.

## DE SECVNDO.

Tu es illi qui uenturus est, an alium ex-  
 pectamus? Huic legationi, & interrogationi oc-  
casionem præbuit error discipulorum Iohannis de  
Messia: Illi enim partim externa facie Christi of-  
fensi (sicut apparet ex responsione Domini) par-  
tim amore Magistri decepti, existimabant Ioan-  
nem Messiam esse. Hunc errorem ut adimat disci-  
pulis suis Ioannes, mittit eos ad Christum, ut inter-  
rogent illum, sit ne ipse Messias, an alius adhuc sit  
expectandus, utq; isto pacto, dictis et factis Christi  
plenius erudirentur de Christo, quod ipse sit ue-  
rus Messias, & non Iohannes. Non ergo mittit Io-  
hannes discipulos suos ad Christum, quod dubitet  
ipse de Christo: Sed, ut dubitantium discipulorum  
saluti consulat. Discamus igitur nos à Iohanne hu-  
militer de nobis sentire, ne quid nobis arroganter  
tribuamus: Discamus à discipulis, obedientiam præ-  
stare superioribus nostris, & potissimum ijs, qui  
nos rectà ad Christum uoce & uita mittunt.

## DE TERTIO.

Sed quid respondet Christus? Euntes renun-  
 citate Iohanni, quæ auditis & uideris, Cæci  
 uident, claudi ambulant, leprosi mundantur,  
 sordi audiunt, mortui resurgunt, pauperes  
 Euan-

QVID A IOHAN  
NE DISCAMVS.

QVID A DISCIPV  
LIS.

Euangelizan  
scandalizatus  
Hoc respon  
bistò monit  
clesia in hac  
& admonition  
cie Christi, atq;  
Probatio, qu  
est, Quicq; (u  
dis recte inced  
surdus auditum  
est, contritis &  
sum peccati an  
dubio uerus est  
uaticinatur: Pa  
mer, ecce Deus  
tionis. Deus ipse  
cognoscentur: Re  
tum oculi carum  
& saliet uolunt  
lingue multorum  
ma. eo quod uice  
ribus, ut mader  
captiuis libert  
ioitur me uide  
ista præstare m  
Messiam? Atq;  
uerum Messiam  
esse docet, misit



Euangelizantur, & beatus est, qui non fuerit scandalizatus in me.

Hoc responsum quatuor continet: signa indubitato monstrantia uerum Mesiam: imaginem Ecclesie in hac uita: ad quos Euangelium pertinet: & admonitionem, ne quis offendat uir externa facie Christi, atq; eius Ecclesie.

Probatio, quod ipse Iesus sit uerus Messias, hæc est, Quicūq; sua uirtute cæcis uisum præbet, claudis rectè incedendi facultatem, leprosis sanationē, surdis auditum, mortuis uitam, & pauperibus, hoc est, contritis & anxijis conscientijs propter sensum peccati annunciat Euangelium, is absq; omni dubio uerus est Messias: Nam Esaias ita de Messia uaticinatur: Pusillanimes, confortamini, nolite timere, ecce Deus uester ultionem adducet retributionis. Deus ipse ueniet, & saluabit uos. Vnde illi cognoscemus? Respondet Propheta. Tunc aperientur oculi cæcorum: & aures surdorum patebunt: & saliet, ueluti ceruus, claudus: & apertæ erunt lingue multorum. Idem: Spiritus Domini super me, eò quod unxit me ad Euangelizandum pauperibus, ut mederer contritis corde, & prædicarem captiuis libertatem, & clausis apertionem. Cum igitur me uidetis, iuxta Prophetarum uaticinia ista præstare mea uirtute, cur me non agnoscitis Mesiam? Atq; ita Christus hac demonstratione se uerum Mesiam esse conuincit, & suum officium esse docet, miseris & afflictis opem ferre.

B S Imago

Signa monstrantia  
Mesiam.

35.

61.

CHRI  
officiū.

11 12



Imago præterea Ecclesie, & Regni Christi, hic conspicitur contemta coram mundo: auditores Christi sunt pauperes, egroti & contemti coram mundo. His Christus annunciat salutis uiam, & medetur illorum morbis. Et quemadmodum tum sanabat corporum morbos: ita hodie peccatorum conscientias peccato uulneratas sanat, et affert laetitiam cordibus spiritualem: id quod uerè sentiunt, qui in uera inuocatione uocem Euangelij audiunt

## EVANGELIUM

ad pauperes pertinet.

Cum dicit, pauperes Euangelizantur, ostendit ad quosnam pertineat Euangelium: nimirum ad pauperes, hoc est, contritos corde ob peccatorum suorum foeditatem. Vnde in Psalmo: Sacrificium Deo spiritus contribulatus, cor contritum & humiliatum Deus non despicies. Item alius Psalmus: Qui sanat contritos corde. Et Esaias 57. Deus habitat eum contrito & humili spiritu, ut uiuificet spiritum humilium, et uiuificet cor contritorum. Ad eos igitur solos pertinet Euangelium, qui sentiunt sua peccata, dolent & expauescunt iudicium Dei, & abiiciunt propositum peccandi. Est proinde Euangelium leta annuntiatio de remissione peccatorum, et consolatio in corde per uerbum & Spiritum sanctum, quæ ad illos solos pertinet, qui agunt poenitentiam et credunt Euangelio, accipiunt remissionem peccatorum, donantur iusticia Christi, qua illis imputata, tanquam iusti apparent in conspectu Dei donantur Spiritu sancto, & iam noua creatura in Christo effecti, incipiunt

EVANGELIUM  
QVID.



plunt Deo ex fide obedire, & quotidie satagunt,  
ut in omni cognitione & sensu abundant, Phi-  
lipp. i.

Admonitio Domini: Beatus qui in me of-  
fensus non fuerit, primū significat Iohannis <sup>1</sup>  
discipulos offensos fuisse in persona Christi. <sup>2</sup> Dein-  
dē in genere monet omnes, ne externa facie regni  
Christi offendantur: ut uel non recipiant Euange-  
lium, uel receptum reiiciant, quemadmodum mul-  
ti omnibus temporibus offenduntur. Cicero sua æ-  
tate adeo offensus est seruitute populi Dei, quod  
noluerit doctrinam Ecclesiæ recipere. Sua cuiq;  
inquit, ciuitati religio Leli est, nostra nobis: stan-  
tibus Hierosolymis pacatisq; Iudæis: tamen isto-  
rum religio sacrorum, à splendore huius imperij,  
grauitate nominis nostri, maiorum institutis ab-  
horrebit: nunc uerò hoc magis, quod illa gens, quid  
de imperio nostro sentiret, ostendit armis, quàm  
cara dijs immortalibus esset docuit, quod est uicta,  
quod elocata &c.

CICERO.

Hæc quatuor hodie etiam Papiste iactant:  
Splendorem, grauitatem nominis, instituta maio-  
rum, & dominium. Verum Christus hic monet, ne  
istis laruis sinamus nos decipi: sed potius adiuu-  
gamus nos pusillo & contempto gregi, qui uocem  
pastoris Christi audit. Multò enim consultius est  
cum Noa & paucis alijs Arcam intrare, & à di-  
luuij periculo liberari, quàm cum maxima & flo-  
rentissima parte mundi perire: Melius est cum

PAPISTA

ulce-



ulceroso Lazaro in sinu Abrahæ gaudere, quàm cum diuite epulone inferni tormentis cruciari.

## DE QVARTO.

COMENDATIO  
MINISTERII.

Commendatur  
Iohannes à  
constantia. I

II. A. Vite genere.

Illis abeuntibus cœpit IESVS dicere ad turbas de Iohanne. Quid existis in desertum uidere &c. Hoc Iohannis encomium eò pertinet, ut ipsa turba magnificat ministerium Iohannis, ac ipsius uoci tanquam cœlesti credat. Coniungit autem Christus in hoc encomio omnia quæ probū Apostolum decent, & commendat illum à quatuor uirtutibus. Primum à constantia: Confert enim ipsum rupi immobili, quæ non agitur à uentis, instar arundinis. Num arundinem, quæ agitur à uento existis uidere? quasi diceret, nequa quàm talis est Iohannes: Sed instar firmæ rupis potius, quæ nullis tempestatibus & fluctibus cedit. Debet ergo uerus Euangelij præco, nec terrore hominum, nec fauore à ueritate deflectere: id quod, pro dolor, nimis multi faciunt hodie.

Deinde commendat Iohannem à uite genere: uidelicet, quòd agat uitam non mollem, ut adulatores aulici: non splendorem querit, ut qui gratiam hominum uenantur: sed uitam degit, suo munere & functione, dignam: quæ nec inuocationem Dei impedit, nec ipsum in officio languentem reddit. Hoc in genere etiam ad omnes uerbi ministros pertinet: ut ita uiuant, ne uel mollities in moribus conspiciatur, uel alijs uanis rebus impediuntur, quò minus officium faciant.

Tera

TERT  
tentia Proph  
alijs Prophe  
QVARTO  
qua fungitur  
est: Ecce eg  
ciem tuam,  
te. Est erg  
curator, qui re  
tione penitem  
modo imitari  
CHRISTO  
cere homines  
am Christum  
seculorum, An

DOMI  
TA A

HOC est  
miseram  
dotes & Leu  
qui es? Et c  
confessus est  
stus. Et inter  
Helias es tu  
pheta ille? Et  
go ei: Quis e



TERTIO commendat Iohannem, ab excel- III  
 lentia Prophetie: præponit enim ipsum omnibus  
 alijs Prophetis.

QUARTO, commendat eum, à legatione IIII  
 qua fungitur: Hic est enim de quo scriptum  
 est: Ecce ego mitto Angelum meum ante fa-  
 ciem tuam, qui præparabit uiam tuam an-  
 te te. Est ergo Iohannes legatus Messie & præ-  
 cursor, qui regi aduenienti uiam parat prædica-  
 tione pœnitentiæ. Huius exemplum suo quodam  
modo imitari debent ministri Euangelij: debent  
CHRISTO parare uiam: debent Christo addu-  
cere homines: debent unicam monstrare salutis ui-  
am Christum Iesum, Cui honor & gloria in secula  
seculorum, Amen.

## DOMINICA QVAR

TA ADVENTVS, EVAN-  
 gelium Iohan. I.

HOC est testimonium Iohannis, quando  
 miserant Iudei ab Hierosolymis Sacer-  
 dotes & Leuitas, ut interrogarent eum: Tu  
 qui es? Et confessus est, & non negauit: Et  
 confessus est, iuquiens, Non sum ego Chri-  
 stus. Et interrogauerunt eum, Quid ergo?  
 Helias es tu? Et dicit: non sum. Es tu Pro-  
 pheta ille? Et respondit: Non. Dixerunt er-  
 go ei: Quis es, ut responsum demus ijs, qui  
 mis-

Deu: 18.





Cap. 40.

miserunt nos: Quid dicis de te ipso? ait: Ego uox clamantis in deserto; Dirigite uiam Domini, sicut dixit Esaïas Propheta. Et qui missi fuerant, erant ex Phariseis. Et interrogauerunt eum, ac dixerunt ei: Cur ergo baptizas, si tu non es Christus, neque Helias, neque Propheta ille? Respondit eis Iohannes, dicens: Ego baptizo aqua, sed in medio uestrum stat, quem uos nescitis, ipse est, qui cum me sequeretur, antecessit me, cuius ego non sum dignus, ut soluam corrigiam calceamenti. Hæc in Bethabara facta sunt trans Iordanem, ubi Iohannes baptizabat.

ENAR-

ENAR  
O Cælio b  
audier  
docendi ration  
idq; sine autor  
re iniam Domi  
tam Iudaicam  
gem & Mesiam  
mittunt ad ipsum  
tum, qua autorit  
ipsum doctrine  
us ideo, ut Christi  
sas ceremonias r  
tatem, nulla habi  
missi, retinerent  
nostri Papæ fide  
Summa autem  
hannem, An sit Ch  
stimonister, Christi  
sit eos dirigere u  
tate confirmans  
tres sint loci huius  
I. Testimoniu  
II. Descriptio  
stri ne  
III. Quid sit pa  
D  
In testimonio I  
Qui mittunt



ENARRATIO TEXTVS.

**O**ccasio huius Euangelij hæc fuit: Pharisei audiuerant, q̄ Iohannes institueret nouam docendi rationem, et inueheret ceremonias nouas, idq; sine autoritate pontificum: quòd iuberet parare uiam Domino: quòd reciperet ad Baptisma totam Iudeam: quòd clamaret adesse promissum Regem & Messiam. His rebus auditis Pharisei moti, mittunt ad ipsum in desertum nuncios interrogatum, qua autoritate id faciat. Id fecerunt, nō quòd ipsius doctrinæ aures præbere cuperent: sed potius ideò, ut Christum, & ipsum perderent: ut lucrosas ceremonias retinere possent: utq; suam autoritatem, nulla habita ratione salutis populi sibi commissi, retinerent: quorum exemplum strenuè satis nostri Papistæ sibi imitandum proponunt.

SUMMA EVANGELII.

Summa autem hæc est, quòd interrogant Iohannem, An sit Christus: Ille autem, ut uerus Christi minister, Christo testimonium præbuit, & iussit eos dirigere uiam Domini, suam uocationem tacitè confirmans esse diuinam. Docendi gratia, tres sint loci huius Euangelij.

- I. Testimonium Iohannis de Christo.
- II. Descriptio Iohannis, adeoq; omnis pij ministri uerbi Dei.
- III. Quid sit parare uiam Domini.

DE PRIMO.

In testimonio Iohannis sex consideranda sunt.

- I. Qui mittuntur, et cur mittuntur. Mittuntur autem

ENAR.



de te ipso ait: Ego  
Dirigite uiam Do-  
phera. Et qui mis-  
eis. Et interrogaue-  
Cur ergo baptizas,  
Helias, neq; Pro-  
Iohannes, dicens:  
in medio uestrum  
iple est, qui cum me  
cuius ego non sum  
igiam calceamenti.  
unt trans Iordanem,



autem Pharisei à Phariseis: sanctissimi in specie, à sanctissimis: qui uidebantur sibi esse columnæ Ecclesie Dei: qui habuerunt prerogatiuam successionis: qui titulum Ecclesie sibi solis arripuerunt. Sed ecce, qui capita Ecclesie uidebantur, hostes sunt Christi. Vnde discamus nec titulis, nec successione: Sed soli diuinæ uoci credendum esse. Obseruemus quoq; artem Satanicam, quam à suo Magistro didicerant hi Pharisei, non enim hinc interrogant, quòd faueant Christo aut Iohanni, ut uideri uolunt: sed ut perdant utrunq; ut serpens in Paradiso fecit.

Scopus ministerij.

- I. Cui datur testimonium? Christo. Quis dat testimonium? Iohannes. Hinc duo discite: Primum, quòd ministerium uerbi debeat hunc scopum habere, ut Christo perhibeat testimonium. Secundum, quòd ars Christiana sit, contra Satane technas pura Christi confessione niti.

Ey confiteri chrm debet.

III. Coram quibus datur testimonium? Coram mundo & hostibus Christi: Vnde discendum est, quòd debeat pius confiteri Christum coram toto mundo, cum discrimine fame, rerum, & uitæ: ad quod cum promissio, tum comminatio nos inuitabunt. Promissio est: Qui confessus fuerit me coram hominibus, confitebor & ego illum coram Patre meo cœlesti: Comminatio, Quemcunq; puduerit mei coram hominibus, eius & me pudebit coram Patre meo cœlesti.

IIII. Summa testimonij Iohannis de Christo, hæc est,

Matt: 10

Marci. 8

Lucæ. 9. 12.



est, quod Christus sit homo, quod sit Deus, quod sit  
uerus Messias, remissor peccati. Nam cum dicit,  
Ipse est qui post me uenturus est, indicat ipsius  
ueram humanitatem: Cum uero addit, qui ante  
me fuit, ipsius diuinitatem fatetur. At cum ait:  
Medius autem uestri stetit, quem uos nesci-  
tis, Respondet ad questionem, & Iesum Messiam  
esse pronunciat. Baptismi lauacrum, concionatur  
Messie officium esse, peccatum remittere.

Vsus & fructus huius testimonij, quod nos de-  
beamus testimonio Iohannis credere, & Christum  
amplecti, uerum peccatorum remissorem, qui san-  
guine suo nos lauit a peccatis: cuius rei efficax si-  
gnum, Baptisimum nobis contulit: de quo alias.

VI. Pharisæi sunt imago personatorum Chri-  
stianorum, id est, Hypocritarum, qui non possunt  
ferre ueræ pietatis doctrinam: Sed fingunt se pios  
externis moribus: se sanctissimos simulant, sed ali-  
am personam intus gerunt: inde est, quod tales hy-  
pocritæ dicantur. Nam ut hypocritæ in fabulis  
sunt, qui personas absentes habitu & gestu exter-  
no representant: Ita Pharisæi, pietatis absentis lar-  
uam tantum conspiciendam præbent: Vnde hypo-  
critæ sunt dicti, ut qui, etsi reuera in corde sint  
impij, foris tamen sanctissimi appareant.

DE SECVNDO

Ego sum uox clamantis in deserto: PRI-  
MVM Iohānes definit omnes Prophetas, Aposto-  
los & ministros uerbi, quod sint uox. SECVN-

C D O,

Testimonium Iohan-  
nis de Christo.

Personæ Christiani.

Hypocrita

Definitio Prophetæ

11 12



DO, quod non sit uox inanis, sed clamantis, id est, predicantis. TERTIO, in deserto, id est, in mundo uniuerso. QVARTO, admonentur auditores dignitatis illius uocis. Est enim non uox hominis: sed Dei clamantis etc. QVINTO, quod Iohannes allegat Esaie testimonium. Nihil enim pius concionator asferre debet sine testimonio sacrarum literarum: Testimonium autem praesens desumptum est ex ca. 40. SEXTO, admonentur quoque concionatores, ne Deo tribuant alienam uocem: Qui enim id faciunt; non Dei ministri sunt, sed Diaboli flagella: quos non secus atque lupos fugere decet.

## DE TERTIO.

Parare uiam Domino est, eodem Iohanne Baptista autore, poenitentiam agere: nec sine magna causa est Iohannes usus hac figura loquendi, quae proprie pertinet ad regna mundana. Solent enim regibus aduenturis uiae preparari: quò accedere possint sine periculo & offendiculo. Hoc ipse Esaias exponit, cum ait: Omnis uallis exaltabitur, & omnis mons & collis humiliabitur, & erit prae-ruptum in reilitudinem, & loca confragosa in planitiem. Hec spiritualiter intelligenda sunt, de impediementis omnibus interioribus & exterioribus, quae impediunt, quò minus Rex noster Christus ad nos ueniat: Interiora impediementa sunt, ignoratio Dei, cupiditates, prauitas, stulta confidentia &c. Exteriora impediementa sunt, scandala

omnia

40.

Parare uiam  
Domino.

Interiora impe-  
diementa.

Exteriora



omnia quæ obijcit Satan in doctrina, Sacramento  
 & moribus. Verum, ut breuius dicam, Montes (id  
 est, quicquid altum est in mundo) destruendi sunt  
 concione legis. Valles, id est, qui spiritu contriti  
 sunt, attollendi sunt prædicatione Euangelij. Sen-  
tes, id est, mala uita, prauis affectibus sunt amputandi  
 noua obedientia, & studio formandi uitam secun-  
 dum uerbum Dei: atq; ut id fiat, requiritur primū,  
 ut sint qui clament in deserto. Deinde opus est sa-  
 na doctrina, quæ est lucerna, preparantium uiam.  
 Tum requiritur, ut adueniente Domino, id est, lu-  
 cente in cordib. nostris gratia Dei, ut præbeamus  
 nos obsequentes per ueram pœnitentiam, & exhi-  
 beamus nos ciues Dei, homagiū Christo Domino  
 præstantes. Postremò offeramus munera & uitu-  
 los labiorum nostrorum, id est, confessionem: idq;  
 mente, uoce, confessione & moribus.

MONTES

VALLES

SENTES

SANA DOCTRINÆ

OBSEQUIVM

CONFESSIO

EXEMPLVM

IOHANNES

Montes depressit

Verum, quia hæc intelligi non possunt sine ex-  
 emplorum appositione: breuiter sententiam Pro-  
 pheta & Iohannis declarabimus exemplis. Sum-  
 ma concionis Iohannis fuit: Agite pœnitentiam,  
credite Euangelio, hoc est, quod ex Esaia dicit, pa-  
rate uiam Domini. Quomodo id fecit: Montes de-  
 pressit: Nam cum uideret multos ex Phariseis &  
 Saduceis uenire ad Baptismum suum, dixit eis:  
 Progenies uiperarum, quis demonstrauit uobis fu-  
 gere à uentura ira? Nolite dicere intra uos: pa-  
 trem habemus Abraham. Dico enim uobis, quod po-  
 test Deus de lapidibus istis suscitare filios Abra-

C 2

hæ.



~~hæ. Iam n. securis ad radicē arboris posita est. Om-~~  
~~nīs arbor quæ non fructū bonum facit, excidetur,~~  
~~et in ignem mittetur.~~ Vide hīc, quomodo Iohan-  
 nes montes humiliat. PRIMUM, cū uocat eos,  
progeniem uiperarum, taxat illorum cor prauum,  
sanguinis cupidum, et ingratum. Deinde tollit  
 causam, de qua maximē gloriabantur. Ex eo enim  
superbiebant, quod erant filij Abrahæ: Sed hoc ni-  
 hil prodesse ait: Nam Deus non est personarum ac-  
 ceptor: neq; enim qui ex carnali Semine Abrahæ  
 sunt, mox sunt filij: sed qui Abraham imitantur fi-  
de et obedientia, hi sunt eius filij, quemadmodum  
 Christus apud Iohannem testatur: eos filios Diabo-  
 li appellans, qui se filios Abrahæ esse gloriaban-  
 tur. TERTIO comminationem addit nisi resi-  
 piscant. Securis, inquit, ad radicem arboris po-  
sita est: Hoc est, ultio diuina non procul abest, ut  
 omnis arbor mala excidatur, et in ignem mittatur.  
 Ita et alij ministri uerbi montes demoliri debent,  
 monstratis peccatis hominum, sublata gloriationis  
 materia, et propositis pœnis, quæ omnes, qui non  
 conuertuntur, manent. Deinde ualles exaltabunt:  
 quomodo id? Quemadmodum Iohannes fecit, mon-  
 strato Christo, dicens: Ecce Agnus Dei, qui tollit  
peccata mundi. Cū dicit ECCE, inuitat ad fi-  
 dem: Cū addit, AGNVS DEI, QUITOL-  
 LIT PECCATA MVNDI: reconciliatio-  
 nis materiam exprimit. Tertio, sentes amputat, dū  
 ait, AGITE FRVCTVS DIGNOS  
 POENITENTIA.

Simi

Filij Abrahæ.

ualles exaltantur.

Simile exem-  
 mus. PRIMV  
 crisin in Dau-  
 micidio secure  
 proposita par-  
 erat pauper, et  
 boues plurimas:  
 uicam ouem, quæ  
 creuerat apud eum  
 illius comedens, et  
 eius dormiens, et  
 grinus ad diuites  
 ouem diues, et  
 Cū hoc David  
 lius mortis est, qui  
 es ille uir: Viam  
 uorem eius accepit  
 Dominus, suscitans  
 do Nathan expro-  
 teriam gloriatio-  
 Rex sit: et com-  
 est magnus ille ma-  
 animaduertit: No-  
 centem, adeo ut  
 peccatum Domini  
 minus transisset  
 Deinde sentes qui  
 na morte filij, con-  
 Ad eundem m-



Simile exemplum in Nathan Propheta habemus. PRIMUM, montem deiecit, hoc est, Hypocrisin in Dauide: Qui commissso adulterio & homicidio securè uixit, tanquam re benè gesta: Idq; proposita parabola de duobus uiris, quorum unus erat pauper, alter diues, Diues habebat oues & boues plurimas: pauper autem nihil habebat, nisi unicam ouem, quam emerat, & nutrierat, & quæ creuerat apud eum cum filijs eius, simul de pane illius comedens, & de calice eius bibens, & in sinu eius dormiens, eratq; illi sicut filia. Sed cum peregrinus ad diutem uenisset, accepit hanc pauperis ouem diues, & suo hospiti apposuit, parcens suis. Cum hoc Dauid audiret, indignatus est dicens: Filius mortis est qui fecit hoc. Respōdit Nathan: Tu es ille uir: Vriam Hetheum occidisti gladio, & uxorem eius accepisti in uxorem tibi. Ecce ego, ait Dominus, suscitabo aduersus te malum. En quomodo Nathan exprobet Dauidi peccatum, tollit materiam gloriationis, ne putet se non puniendum, cō q; Rex sit: & comminatur illi pœnas. Hic deiectus est magnus ille mons, & hypocrisis: uerū, cum animaduertit Nathan Dauidem deiectum & identem, adeo ut diceret cum magno eiulatu: Ego peccaui Domino: uallē hanc subleuat, dicens: Dominus transtulit peccatum tuum, non morieris. Deinde sentes quoq; amputat, dum proposita pœna morte filij, continet eum in officio.

Ad eundem modum Petrus in Actis, primum

C 3 concio=

Aliud exemplum.

DIVES.

PAUPER.

III Exemplum.



concione legis cristas Iudeorum deprimat, et mon-  
tes humiliat: peccatum illis inculcat, docet nihil  
prodesse, quod sint de posteritate Abrahe, propo-  
nit comminationes poenarum, nisi resipiscant.  
 Mox ubi audit eos compunctos corde & peccati  
 conscientia deiectos, erigit eos rursus proposito  
 Christo: in cuius nomen iubet eos baptizari. Dein-  
 de quoq; cauet ne sentes succrescant, inhortans  
 eos ad poenitentiam.

Hæc exempla sunt illustria, & ad primi homi-  
 nis conuersionem congruunt. Superbit Adam se-  
 cutus nouum doctorem Diabolum. Hunc primum  
 Deus prosternit obiurgatione, proposita peccati  
 magnitudine: mox deiectum erigit, data promissio-  
 ne Seminis, quod erat contrituru caput serpentis.

Similiter Dominus superbos Phariseos humi-  
 liat, afflictam Magdalenam exaltat, atq; ad piam  
 sanctamq; hortatur uitam dicens: Fides tua te sal-  
 uam fecit: uade in pace.

Cur peccata coram  
 non arguant  
 quidam.

Cacitas  
 Timiditas.

Ceterum ministri uerbi, qui hoc pacto non de-  
 primunt montes, non attollunt ualles, nec sentes  
 amputant, non sicut Dei, sed ut Diaboli & uentris  
 mancipia faciunt. Multi quidẽ in genere declami-  
 tant contra adulteria, incestus, usuras et alia uicia  
 Sed pauci sunt, qui in os crimina obijciunt, ut Io-  
 hannes Herodi, Phariseis & Hypocritis: ut Chri-  
 stus suis auditoribus: ut Ambrosius Theodosio.  
 Quare hoc non faciunt? Partim, quia uerè non co-  
gitat cuius uice funguntur: partim, quia metuent  
 sue

sue uite & for-  
 tem et timida  
 datum & pro  
 affuturum suis  
 quid ipius p  
 Iohannis & d  
 stantia et exemp  
 ut sit animam a  
 sus interline gl  
 rum, Amen.

IN FE  
 TATIS





deprimit, et mon-  
culcat, docet nihil  
ate Abrahæ propo-  
m, nisi respiciant,  
os corde & peccatis  
eos rurſus propoſito  
eos baptizari. Deum  
creſcant, inhortans

4, & ad primi homi-  
t. Superbi Adam ſe-  
bolum. Hunc primun  
me, propoſita peccati  
erigit, data promiſſio-  
iturū caput ſerpenti.  
rboſ Phariſeos huma-  
exaltat, atq; ad piam  
icens: Fides tua te ſal-

i, qui hoc pacto non de-  
llunt ualles, naſcentes  
a ut Diaboli & uentri  
uide in genere declina-  
ſtus, uſuras et alia uici-  
rimina obijciunt, ut be-  
& Hypocritis: ut Chri-  
Ambroſius Theodoſiu  
rim, quia uere non e-  
paritū, quia natum e-  
ſu

## ADVENTVS.

39

ſue uite & fortunis. Verū contra hanc cecita-  
tem et timiditatem opponant uocationis ſue man-  
datum & promiſſionem, qua Chriſtus promiſit ſe  
affuturum ſuis ſeruis, & ſibi imputat factum, quic  
quid ipſius ſit miniſtris. Præterea, ſe confirmabunt  
Iohannis & aliorum ſanctorum miniſtrorum con-  
ſtantia et exemplo, ſubindeq; Deum precabuntur,  
ut ſibi animum addat, ut ea facere audeant, quæ ip-  
ſius interſint gloriæ, Cui honor in ſecula ſeculo-  
rum, Amen.

1  
Mandatum2  
Promiſſio3  
Exemplum4  
Oratio.

IN FESTO NATIVI-  
TATIS CHRISTI, EVAN-  
gelium Luc. 2.



C 4 Exh



**E**Xijt decretum à Cæsare Augusto, ut censeretur totus orbis. Hæc descriptio prima facta est præside Syriæ Cyrenio. Et ibant omnes, ut profiterentur in suam quisque ciuitatem. Ascendit autem & Ioseph à Galilæa, de ciuitate Nazareth, in Iudæam, in ciuitatem Dauid, quæ uocatur Bethlehem, eò quòd esset de domo & familia Dauid: ut profiteretur cum Maria, desponsata sibi uxore, quæ erat prægnans. Accidit autem, cùm essent ibi, Completi sunt dies pariendi, Et peperit filium suum primogenitum, ac fascijs eum inuoluit, reclinauitque eum in præsepì, quòd non esset eis locus in diuersorio. Et pastores erant in regione eadem uigilantes, & excubantes excubias nocte, super gregem suum: & ecce Angelus domini, astitit illis, & claritas Domini circumfulsit illos & timuerunt timore magno. Et dixit illis Angelus: Ne timeatis, Ecce enim, annuncio uobis gaudium magnum, quod futurum est toti populo, quia natus est uobis hodie seruator, qui est Christus Dominus, in ciuitate Dauid. Et hoc uobis signum, Inuenietis infantem fasciis inuolutum, positum in præsepì. Et subito facta est cum Angelo multitudo militiæ celestis laudantium Deum & dicentium: Gloria in altissimis Deo, ac in terra pax, hominibus bona uoluntas.

ENAR-

ENAR  
Hæc histo  
Symboli  
Qui Articulu  
antiquam  
cat in eis omni  
hendunt. Et  
Christi, nel puer  
mur. Tamen mag  
Ecclesia deputat  
suis circumstan  
tantum ut oblect  
narratione: sed  
firmandis & en  
conferatur. N  
sunt ut humane  
gitemus & exerce  
endos & consolam  
rarum speciem habet  
constituamus, in q  
litescent, & sunt  
I. Historia  
tipe  
II. Vfus & pr  
D  
I. In Historia  
quorum primum e  
sus post Romanu co  
condito 3944. d Ch  
Valentin  
3960  
4121  
3931  
3944



TIVITAT.

Augusto, ut certe  
descriptio prima  
enio. Et ibant om-  
suam quisq; civita-  
oseph a Galilæa, de  
æam, in civitatem  
lehem, eò quod el-  
David: ut profiteretur  
a sibi uxore, quæ e-  
item, cum essent ibi  
lendi, Et peperit fili-  
m, ac fasciis eum in-  
um in præsepi, quod  
erforio. Et pastores  
vigilantes; & exco-  
uper gregem suum  
astitit illis, & clari-  
illos & timuerunt  
illis Angelus: Ne  
uncio vobis gaudi-  
urum est toti popu-  
hodie servator, qui  
in civitate David. Et  
nietis infantem fasci-  
in præsepi. Et subito  
ultitudo militiæ co-  
& dicentium: Glo-  
in terra pax, homini-

CHRISTI.

41

ENARRATIO TEXTVS.

**H**ÆC historia est confirmatio Articuli nostri  
Symboli, qui est: natus ex Maria uirgine.  
Qui Articulus nouam natiuitatem proponit, quæ  
antiquam & Adamicam & corruptam sanctifi-  
cat in eis omnibus, qui hunc Christum fide appre-  
hendunt. Et tametsi hic articulus de natiuitate  
Christi, uel pueris Christianis debet esse notissi-  
mus: Tamen magnas ob causas certum ei festum ab  
Ecclesia deputatum est: ut nimirum historia cum  
suis circumstantijs explicetur & discatur: non  
tantum ut oblectemur pulcherrima huius Historiæ  
narratione: sed multò magis, ut in conscientijs con-  
firmandis & erigendis, huius summi Articuli usus  
conspiciatur. Non enim sacræ Historiæ legendæ  
sunt ut humanæ, sed ut usum earum perpetuò co-  
gitemus & exerceamus, ad nos docendos, institu-  
endos & consolandos: utq; per lectionem scriptu-  
rarum spem habeamus. Porro locos duos tantum  
constituamus, in quibus plurimi alij, ut patebit, de-  
litescunt, & sunt hi.

- I. Historia Christi nati cum suis circumstan-  
tijs & membris.
- II. Vsus & praxis huius Historiæ.

DE PRIMO.

I. In Historia nouem membra consideremus,  
quorum primum est de tempore: Natus est Chri-  
stus post Romam conditam 700. anno: à mundo  
condito 3944. à Christo nato ad hodiernum diem,

Primo de circumstan-  
tia temporis

Eutropius  
755.

ENAR.

C		S		NUNC	
Valentinus	Münsterus	in	chronographia	sua	númerat annos
3960.	tot Lutherus	qy.	Hebrai	3760.	Florusbach. 3962.
4121.	Brentius		Theob. Billigery	4107.	
3931.	Francius		Eusebius	3209.	
3944.	Carion		Beda	5199.	



TEMPORIS  
meminit Euangelii.

VATICINIA  
De Christo  
duplicita.

Genes. 3.

Genes. 22.

Genes. 49.

Danielis 9.

42 IN FESTO NATIVITAT.  
nunc expleti sunt anni 1560. Sed cur Euangelista  
adeo perspicue meminit temporis, decreti Cæsa-  
ris, ducis Cyrenij: Tres sunt causæ. PRIM A, uati-  
cincia Prophetica: Sunt autem uaticinia de uentu-  
ro Christo duplicia. Alia enim simpliciter, sine  
certi temporis præscriptione, uenturum Messiam  
annunciant: qualia sunt: Semen mulieris conte-  
ret caput Serpentis. Item: Benedicentur in Semine  
tuo omnes gentes. Esaiæ 7. Ecce uirgo concipiet  
&c. David: Dixit Dominus Domino meo &c. Ba-  
laam. Ex Iacob orietur stella. Alia uaticinia tem-  
pus & annum passionis, & regni Christi prædi-  
cunt. Iacob: Non auferetur Sceptrum de Iuda, do-  
nec ueniat Zilo, id est, filius eius, scilicet mulieris:  
ac si dicat: Semen mulieris quod est promissum,  
ut destruat opera Diaboli, tum demum ueniet, ubi  
Sceptrum de Iuda ablatum fuerit: Cum ergo hic  
Lucas meminit Augusti, tributi, & peregrini du-  
cis, significat iam iam adesse tempus, in quo nasci  
Christum oportuerit, iuxta uaticinium Iacob. Da-  
niel quoq; annum crucifigendi Christi & resur-  
gendi expressit cap. 9. Scias ergo & intelligas,  
quod ab exitu sermonis, de reducendo populo, &  
edificanda Hierusalem, usq; ad Christum ducem  
hebdomade septem, et hebdomade sexaginta due:  
post hebdomadas uero sexaginta duas occidetur  
Christus: & in una hebdomada roborabit pactum  
multis, & in dimidia hebdomada cessare faciet sa-  
crificium.

Hic

Hic clare I  
Christi. Sed tria  
mada: Quando  
hebdomadas in  
Hebdomada  
de diebus heb  
domada 7. anni  
nos 490.  
Sed quando i  
monis, hoc est, a  
mias fore, ut libe  
blyonica, id est, c  
Dixit præ  
propter res dicit  
in 7. hebdomadas  
anios manserunt  
Babylonica. Deum  
annis 350. insigne  
pulus illic. Postea  
Baptizatus fuit  
tandem pro nobis  
fuit ætatis 33. ann  
inuenies Lucam  
pus nascentis C  
SECUNDE  
qui adhuc Messia  
multis seculis po  
TERTIA  
si sit natus & c



Hic clarè Daniel prædicit tempus occidendi Christi. Sed tria hic sunt obseruanda. Quid hebdomada: Quando incoanda supputatio: & cur 70. hebdomadas in tres ordines digerat.

HEBDOMADA

Hebdomada in hoc loco intelligenda est, non de dierum hebdomada, sed annorum: ut una hebdomada 7. annos contineat, & 70. hebdomadae annos 490.

Sed quando incoanda supputatio? Ab exitu sermonis, hoc est, ab eo tempore, quo prædixit Ieremias fore, ut liberaretur populus à captiuitate Babylonica, id est, captiuitatis ferè anno 20.

Inchoanda supputatio.

Diuidit præterea hebdomadas in tres partes, propter res diuersis temporibus gestas, primum, in 7. hebdomadas: nam per id tempus, hoc est, 49. annos manserunt adhuc Iudei in captiuitate sua Babylonica. Deinde in 62. hebdomadibus, hoc est, 2 annis 350. instaurata fuit Hierusalem, mansitq; populus illic. Postremò, hebdomada ultima Christus 3 Baptizatus fuit, prædicauit, miracula edidit, ac tandem pro nostra salute passus est. Passus autem fuit ætatis 33. anno. Hæc si conseras cum Historijs, inuenies Lucam iuxta hanc computationem, tempus nascentis Christi signasse.

Diuiduntur Hebdomadae.

SECVNDA causa, ut Iudæi confundantur, qui adhuc Mesiam expectant, prorsus deleta iam multis seculis politia Mosaica.

II Causa.

TERTIA causa, ut nos simus certi, quòd uerè sit natus & exhibitus Christus, quem olim De-

III.

us



# 44 IN FESTO NATIVITAT.

us promisit fore liberatorem generis humani ē  
faucibus serpentis.

## LOCVS.

2do Circumstantia oppidi  
Bethlehem sū loci. 11

Secundum de loco. Nascitur in Bethlehem &  
in peregrinatione: In Bethlehem quidem, propter  
uaticinium Micheæ, quod allegat Matthæus cap.  
2. ex Micheæ 5. cap. In peregrinatione uerò, ut si-  
gnificetur Ecclesiam Christi in hoc mundo in pe-  
regrinationibus mansuram, idq; non sine contem-  
tu & persecutione: Idem Iohannes indicat, ter re-  
petendo eandem sententiam: tenebræ eum non ap-  
prehenderunt: mundus eum non cognouit: sui eum  
non receperunt: ex his consequitur Regnum Chri-  
sti non esse mundanum.

Iohannes I.

## PARENTES.

Cur Filium Dei  
oportuerit ex  
virgine  
nasci.

I Pro-  
missio.

## II Necessitas.

3tio Circumstantia  
generis sū familia.

Tertium de parentibus. Secundum humanita-  
tem nascitur in coniugio quidem: sed ex uirgine,  
cuius rei grauissimæ causæ sunt. Prima est pro-

missio: Semen mulieris conteret caput serpentis. 3.

Item: Eccē uirgo pręgnans pariet filium. Secunda  
est necessitas: Nemo enim natus secundum naturæ  
cursum, est sine labe & peccato. Ergo debuit  
Messias ex uirginis sanguine, sine semine uirili per  
spiritum sanctum concipi, ut esset purus ab omni  
labe peccati, sicuti uerum Emanuelem Deum &  
hominem deuit.

QVARTVM, quia Christus uerus Deus &  
uerus homo est: ex primo capite Iohannis dicen-  
dum est de diuinitate Christi, & explicandæ cir-  
cumstantiæ temporis, modi, rei, loci, facti, causæ.  
Si itaq; quæris: quando fuit Christus secundum di-  
uinita-



uinitatem? Respondet Iohannes: In principio erat  
uerbum, id est, uerbum fuit ante initium omnium  
 creaturarum rerum. Non est igitur creatura Chri-  
stus. Si queris: quomodo fuit? Respondet: Et uer-  
bum erat apud Deum: ergo alia persona est à Deo  
 Patre. Si queris quid fuit? Respondet: Et uerbum  
erat Deus: quo dicto significatur, quòd una sit es-  
 sentia diuina. Si queris: quid egit? Respondet: Om-  
nia per ipsum facta sunt. Si queris: quid agit? Re-  
 spondet: illuminat omnem hominē ueniens in hunc  
mundum. Si queris: quò uenit? Respondet: In mun-  
dum uenit, in sua uenit. Si queris: quomodo uenit?  
 Respondet: Verbum caro factum est. Si queris: cur  
 uenit? Respondet: Ut daret potestatem filios Dei  
 fieri, quotquot in ipsum credunt. Si queris: quando  
 uenit? Respondet: fuit homo missus à Deo, cui no-  
 men erat Iohannes &c. Hec breuiter meminisse de  
 diuinitate Christi profuerit.

QVINTVM de cunabulis Christis, quæ nihil  
 aliud, quàm mundi contentum & paupertatem ex-  
 tremam significant, quam paupertatem Christus  
experiri uoluit, ut nos diuites redderet. In hac cu-  
nabula inspiciant arrogantes, ac deponant fastum  
huc inspiciant pauperes, ac desinant desperare,  
tanquam ob paupertatem spreti. Obseruandus est  
 hic abusus omnium rerum conditarū à Deo: Beth-  
lehem seruit lucro: Diuersorium hospitibus: Chri-  
stus Rex in stabulam reijcitur omnium rerum Do-  
minus. Sic & hodie Ecclesia spernitur, dum Impi-  
 abun-

Quando chrs  
 secundum  
 diuinitate.

Quomodo.

Quid.

Quid egit.

Quid agit

Quò uenit

Quomodo uenit

Cur uenit

Quando.

CVNABVLA  
 CHRISTI

2 Cor: 8.

Abusus omnium  
 rerum.



46 IN FESTO NATIVITAT.

abundant opibus, honoribus & potentia.

APPARITIONES

Angeloꝝ.

SEXTVM de apparitionibus Angelorum:

qui primum testantur adesse Dominum. Secundo, ipsa claritate ostendūt, qualis sit Rex recens natus Christus. Tertiò, qualia sint eius beneficia, et qualis inde Deo reddatur gloria, hymno declarant.

CONCIO

Angelorum.

SEPTIMVM de concione Angeli ad pastores. Nolite timere: Ecce enim Euangelizo uobis gaudium magnum, quod erit omni populo, quia natus est uobis hodie saluator, qui est Christus dominus in ciuitate Dauid. Et hoc uobis signum, Inuenietis infantem pannis inuolutum positum in præsepio.

Hæc concio omnium, quæ unquam antea in mundo factæ sunt, est excellentissima, cuius partes sunt plurimæ.

Non timeant.

PRIMA: Iubent Angeli ut pastores non timeant: qua re ostendunt Christum aduenisse, ut tollat maledictionem legis, & peccatum, propter quod uenit in homines maledictio.

Non debet nobis spiritum timoris.

SECUNDA: concio Euangelij: Annuncio uobis gaudium magnum. Cum magnum dicit, distinguit hoc à mundi gaudio, quod durat ad breue tempus, & debili fundamento nititur. Verum hoc gaudium, quod Angeli annunciant, Magnum dicitur quatuor de causis: Primum propter materiam, quæ magna est, nempe reconciliatio nostri cum DEO. Secundo, propter diuturnitatem & stabilitatem: perpetuò enim durat & manet constans.

Gaudium magnum.

1

2

Tertiò, primum pertinet: sed non gaudij fidei est, pertinet ad TERTIA:

Quia, inquit, hodie Christus Dominus

QUART A:

quid, Dauid, hoc est

QUINT A:

hæc erit nobis signum

in uolutum positum

facit. Primum dedi

sum querentes ab

uolunt pannis suis

non ponunt. Secunda

eri, à regnis huius m

ternum splendorem

concionis Angelicæ.

OCTAVVM

minu reuelatur. Pa

sunt. Unum, Christi

Alterum, Christi Ba

iuxta illud: Pauper

NONVM d

Gloria in excelsis

bus bona uolunt

no completitur p

que in tribus con



stans. Tertiò, propterea quòd ad paucos tantum 3.  
non pertinet: sed ad omnes qui hanc annunciatio-  
nem gaudij fide recipiunt. Quartò, quia spirituale 4.  
est, pertinens ad totius hominis salutem.

TERTIA: causa & materia huius gaudij: NATVS SALVA-  
TOR.  
Quia, inquit, hodie uobis natus est saluator, qui est  
Christus Dominus.

QVARTA: monstrat locum. In ciuitate, in- IN CIVITATE  
quit, Dauid, hoc est, Bethlehem.

QVINTA: signum uerbo additur. Ait enim, SIGNVM.  
hoc erit uobis signum: inuenietis infantem, pannis  
inuolutum, positum in præsepio. Hoc signum duo  
facit. Primum deducit eos rectà ad puerum, ne ip- 1  
sum querentes aberrant: Et si. n. omnes matres in-  
uolunt pannis suos infantes, tamen in præsepis  
non ponunt. Secundo discernit Regnum huius pu 2  
eri, à regnis huius mundi. Nam regna mundi ex-  
ternum splendorem habent: atq; hæ sunt partes  
concionis Angelicæ.

OCTAVVM de natiuitate Christi. Pri- Cum reuelatur  
mum reuelatur Pastoribus: Vnde duo discenda  
sunt. Vnum, Christi regnum non esse mundanum. I.  
Alterum, Christi Regnum pertinere ad pauperes, II  
iuxta illud: Pauperes Euangelizantur.

NONVM de carmine Angelico, quòd est:  
Gloria in excelsis Deo, in terra pax, homini-  
bus bona uoluntas. Hæc concio miro compen-  
sio complectitur fructum Dominicæ natiuitatis,  
quæ in tribus consistit. Primum enim Deo red- 1  
ditur

Carmen  
Angeli-  
cum.



49 IN FESTO NATIVITAT.

2. datur gloria. 2. Pax fit hominibus. 3. Bona uoluntas
3. Dei erga homines declaratur.

GLORIA.

Homo quare  
conditus.

Gloriam tribu-  
ere quid?

Deo tribuitur  
gloria ag-  
noscento  
in ipso.

Sapie.

Iustic.

Primum ergo, cum Angeli dicunt: Gloria in excelsis Deo: significat quod nemo possit Deo ue-  
ram gloriam tribuere sine cognitione Christi. Ho-  
mo enim erat conditus in hunc finem, ut Deo con-  
ditori gloriam tribueret. Sed per lapsum primorū  
parentum factum est, ut nec recte agnouerit De-  
um, nec glorificauerit. Sed queris: quid est Deo  
gloriam tribuere? Tribuere alicui gloriam nihil  
aliud est, quam alicui ueram uirtutem tribuere.  
Ut cum rex aliquis, iuste, sapienter, fortiter, cle-  
menter agit, tribuitur ipsi a subditis gloria, hoc  
est, subditi ipsius facta approbant, ac cum singula-  
ri beneuolentia ipsum predicant. Proinde simili  
modo Deo tribuitur gloria, quando agnoscuntur  
et uere sentiuntur ipse uirtutes, sapientia, iusti-  
cia, fortitudo, misericordia, ueritas et alie.

Sapientia Dei in eo cōspicitur, quod hominem,  
quem condiderat in suam gloriam, reparet rursus,  
ut imaginem, quam per peccatum perdiderat, per  
Filium suum, natum ex uirgine, recuperet: ac ita  
gloriam sapientiæ Deo tribuat.

Iusticia peruidetur ex eo, quod hominem, qui  
peccauerat, noluerit in gratia recipere sine com-  
pensatione iniuriæ. Nam cum aut hominem eter-  
num perire ob suum peccatum necesse erat, aut ali-  
quem in humano genere satisfacere Deo oportebat,  
qui sustineret pœnas pro toto genere humano,

Deus

Deus dedit filium  
in qua satisfecit  
merito Deo, Chri-  
Fortitudinis  
et eius semen, pe-  
ipsum regnum de-  
nes eos attinet, ga-  
benderunt.

Misericordia in  
mis perditum et o-  
ingenibus erummi-  
no, et damnatione  
in gratiam recipi-  
opera Dei excelsi  
et homines electi p-  
inuiti agnoscent.

Veritas in eo pat-  
quarum memor, exhi-  
psis enim in peccato  
Semen mulieris, quo  
penitus hanc promi-

Propter has ergo  
da est id; potissimum  
nescia. Hec glori-  
primam agnoscin-  
um. Deinde cum E-  
cum mente, uoce,  
predicamus. Quar-  
tationem Dei inuiti-



Deus dedit filium, qui assumpsit humanam naturā,  
in qua satisfecit iusticiæ Dei: quare laus iusticiæ  
merito Deo, Christo domino nato, tribuenda est.

Fortitudinis commendatio est, quod serpentem  
et eius semen, per Christum superauerit, atq; adeo  
ipsius regnum deleuerit, quantum quidem ad om-  
nes eos attinet, qui hunc natum Iesum fide appre-  
henderint.

Fortitudo.

Misericordia in eo relucet, quod humanum ge-  
nus perditum et oppressum tyrannide Diaboli, et  
ingentibus ærumnis et calamitatibus, morte, infer-  
no, et damnatione, per filium, et propter filium  
in gratiam recipiat: Hæc Dei misericordia omnia  
opera Dei excedit, quam perpetuo et Angeli boni,  
et homines electi prædicabunt, imò diaboli etiam  
inuiti agnoscent.

Misericord.

Veritas in eo patefit, quod promissionum anti-  
quarum memor, exhibeat quod olim promisit. La-  
psis enim in peccatum primis parentibus promisit  
Semen mulieris, quod erat contritum caput ser-  
pentis: hanc promissionem nunc implet dato filio.

Veritas.

Propter has ergo uirtutes, Deo gloria tribuen-  
da est: idq; potissimum ab ijs, qui sentiunt ipsius be-  
neficia. Hæc gloria tum demum ei tribuitur, cum  
primum agnoscimus hoc Dei mirandum benefici-  
um. Deinde cum Filium fide amplectimur. Tertiò  
cum mente, uoce, confessione et moribus Deum  
prædicamus. Quartò, cum quàm plurimos ad ag-  
nitionem Dei inuitamus.

Deo tribuitur  
Gloria.

D

Deinde



In terra  
pax.

Pax mutua  
consensus dei  
& hominum.

Fructus  
paxis.

Pacem tur-  
bant.

Bona uolun-  
tas.

## 50 IN FESTO NATIVITAT.

Deinde cum dicunt Angeli: In terra pax: nota-  
tatur præcipuum beneficii Christi, propter quod  
in mundum uenit, nimirum ut pax fieret inter De-  
um & hominem. Hæc pax est mutui consensus  
Dei & hominum: Dei quidem recipientis homines  
in gratiam propter Filium: Hominum uero, fide  
accipientium oblatum beneficium cum gratiarum  
actione, ac perpetua animi gratitudine. Huius pa-  
cis dulcissimi sunt fructus: Accessus ad Deum, gau-  
dium Spiritus, bona conscientia, letus de hac uita  
exitus. Hanc pacem turbant peccata contra con-  
scientiam, securitas, neglectus uerbi. Quare non  
secus, quam pestes fugienda sunt.

Postremo loco addunt: Hominibus bona  
uoluntas, Hoc est, postquam Deus hominibus per  
Christum reconciliatus est, fauet ipsis, & uera pa-  
ternaq; sopy ipsos complectitur, tanquam caris-  
simos liberos, quos sibi adoptatos in Christo caros  
habet: De hoc beneplacito etiam loquitur David  
in Psalmo 5. Quoniam tu benedices iusto Domine,  
sicut scuto beneplacito munis eum. Cum David  
hoc loco beneplacitum Dei confert scuto, mon-  
strat eius uerum usum et fructum. Significat enim  
quod fauor Dei, sit nobis uice clipei, quo munimur  
aduersus impugnantium nos tela. Diabolus sua ig-  
nita in nos tela uibrat: sed hoc scuto tuti sumus.  
Atq; ita de alijs.

### DE SECVNDO.

Vsus duplex est: Generalis, qui ex tota historia  
petitur

petitur. Et spec  
bus. Generalis e  
saluatorem De  
recipere et am  
serijs nostri is pe  
& infernocen  
secundum natu  
datur. Iq; ut si  
eridenti. Speciali  
ut à peccatis C  
stratum discamus  
bus discamus, ob  
Christum quere  
TERTIVS,  
annunciare Chri  
nstri uerbi conse  
quod idem doceam  
cus Spiritus tradit  
gelis & postoribus  
itremo discamus q  
lis canere. Gloria  
gloria in secula se  
FERIA  
NATIVI  
Euan  
Ecc ego mi  
Epientes & se  
cietis crucifige



NATIVITAT.

CRISTI

SI

petitur, Et specialis, qui petitur ex singulis parti-  
bus. Generalis ergo est, ut discamus nostrum uerū  
saluatorem Deum & hominem ex uirgine natum  
recipere et amplecti, opponendo eum omnibus mi-  
serijs nostris, peccato, morti, maledictioni, ira Dei  
& inferno: certi, quod hic Filius Dei et Mariae sit,  
secundum uaticinium Esaie, Nobis natus & nobis  
datus. Idq; ut sit iusticia & salus omni in ipsum  
credenti. Specialis usus est multiplex. PRIMVS 1  
ut à parentibus Christi, obedientiam erga magi-  
stratum discamus. SECUNDVS, ut à pastori- 2  
bus discamus, obtemperare testimonijs de Christo,  
Christum querere, & redire ad opera uocationis.  
TERTIVS, ut ab Angelis discamus, primū 3  
annunciare Christum ignotis: unde omnes pij mi-  
nistri uerbi consolari se poterunt in ministerio,  
quod idem doceant, quod antea per tantos heroi-  
cos Spiritus traditum est. Deinde discamus ab An-  
gelis & pastoribus confessionem huius Christi. Po-  
stremò discamus glorificare Deum, & cum Ange-  
lis canere, Gloria in altissimis Deo, cui sit honos et  
gloria in secula seculorum, Amen.

FERIA SECUNDA

NATIVITATIS CHRISTI,

Euangelium Matth. 23.

**E**cce ego mitto ad uos Prophetas, & sa-  
pientes, & scribas, & illorum aliquos oc-  
cideris, crucifigeturq; & illorum nonnullos  
D 2 flagel-

Vnus Generalis.

Specialis  
usus.

Ministorum  
uerbi Con-  
solatio.





flagellabitis in Synagogis uestris, & persequemini de ciuitate in ciuitatem, ut ueniat super uos omnis sanguis iustus, qui effusus est super terram, à sanguine Abel iusti, usque ad sanguinem Zachariæ filij Barachie, quem occidistis inter Templum & Altare. Amen dico uobis: uenient hæc omnia super generationem istam. Hierusalem, Hierusalem, quæ occidis Prophetas, & lapidas eos, qui ad te missi sunt, quoties uolui congregare filios tuos, quemadmodum Gallina congregat pullos suos sub alas, & noluisti? Ecce relinquetur uobis domus uestra deserta: Dico enim uobis, haud quaquam me uidebitis post

posthac, donec  
in nomine Domini

ENAR

Priusquam  
nem, quia

dicam etiam

boni filii: &

pleni spiritu

Festa celebra

more, sicut apud

intercessores in

sine horrendo sa

Sed sunt multe a

rundam sanctoru

neri sit utile, & si

PRIMA, ut e

ciatur, quæ uobis e

monito de providen

phantorum hominu

larua apparuit, in

diuinitis profecto,

bis uia uerarum

in Paulo, Petro, &

trone & alijs mi

SECUNDA

ministerio docenda

Sunt enim edita m

cationes ad minist

arina per uniuers



posthac, donec dicatis: Benedictus qui uenit  
in nomine Domini.

## ENARRATIO TEXTVS.

**P**riusquam accedamus ad textus enarrationem, quia hic dies diuo Stephano dicatus est,  
dicam quare sanctorum festa in Ecclesia Dei cele-  
brari soleant: & quid nobis in exemplo diui Ste-  
phani spectandum sit.

Festa celebrantur in Ecclesia Dei non Ethnico  
more, sicuti apud Papistas, ut sanctos patronos &  
intercessores inuocemus, id quod non potest fieri,  
sine horrendo sacrilegio & contemptu filij Dei:  
Sed sunt multe alie grauissimæ causæ, cur quo-  
rundam sanctorum festa in Ecclesijs nostris reti-  
neri sit utile, & sunt potissimum Sex.

Cur sanctorum  
Festa celebrantur.

**P**RIMA, ut perpetua historia Ecclesiæ aspi-  
ciatur, quæ nobis & uitæ regula esse debet, & ad-  
monitio de prouidentia Dei: Si enim Historias, pro-  
phanorum hominum, in quibus alicuius uirtutis  
larua apparuit, iucundum est legisse: multò iucun-  
dius erit profectò, eorum historias legere, in qui-  
bus uiuæ uerarum uirtutum icones refulserunt, ut  
in Paulo, Petro, Maria, Stephano, Magdalena, la-  
trone & alijs multis.

I Sanctorum  
Festa celebrantur.

**S**ECUNDA, ut testimonia de doctrina, de  
ministerio docendi, & de Ecclesia considerentur:  
Sunt enim edita miracula, factæ sunt mirandæ uo-  
cationes ad ministerium Ecclesiæ, illustrata est do-  
ctrina per uniuersam Ecclesiam: In his testimonijs,

D 3 pulcra-



54 FERIA II. NATIVITAT.

pulcerrimum est uidere perpetuum consensum  
ueræ Ecclesiæ in scriptis Prophetis, Apostolicis  
et in Symbolis, et diiudicare inter ueram doctri-  
nam Ecclesiæ, et omnium temporum corruptelas,  
mendacia et imposturas.

TERTIA, ut Deus celebretur, et ei gratia  
agantur, quod se patefecerit, tradiderit doctrinam  
ostenderit præsentiam suam in Ecclesia, et nos ci-  
ues fecerit eius cœtus, qui habet testimonia, ueræ  
Ecclesiæ et ueri cultus.

QUARTA, ut exempla confirmet fidem no-  
stram: Cum legimus ipsos exauditos et adiutos esse  
diuinitus, ut in Psal. 33. dicitur: Iste pauper clama-  
uit ad Dominum, Dominus exaudiuit eum, fiduci-  
am concipimus, ut et nos inuocantes iuuat. Sic er-  
go unusquisque nostrum statuatur et apud se colligat:  
Magdalenam, Latronem, Paulum poenitentes re-  
cepit in gratiam, non obstantibus eorum enormi-  
bus peccatis, quibus Deum antea offenderant: Igi-  
tur et ego ad eundem Dominum confugiam, ut me  
in gratiam recipiat. Petrum post horrendum la-  
psum uenia dignatus est: Ergo et ego lapsus non  
desperabo. Est enim semper sibi constans et sibi si-  
milis, nec est personarum acceptio apud eum.

QUINTA, ut pro uocatione singuli sancto-  
rum exempla imitemur: Paulus non fractus est  
persecutionum mole, sed constanter Euangelium  
docuit: cuius exemplum imitentur ministri uerbi.  
Iohannes non ueritus est Herodis minas: quare pius  
concio=

concionator ipse  
contemere. Al  
am domum, in  
hoc ergo disca  
alia exempla de  
SEXTA,  
memoria. et la  
De bene uis sint  
de eo quod sint u  
sint nobis uita ex  
tentis, constanti  
Ha sex causa  
memoria sancto  
tinetur, et uer  
fiant, omnia in g  
salutem cedunt.  
Iam pauca de S  
Historia hac circu  
tem, officium in E  
nis, constantiam  
Christi, consolatio  
Religio Steph  
uir plenus fide et  
fortitudine. Vbi  
ctus, quo maior i  
presertim testat  
tus in cordibus co  
tra, ubi Spiritus  
uq; fidem uerum.



concionator ipsius exemplo discat mundi furores  
contemnere. Abraham ex fide sancte instituit su-  
am domum, in uero timore Dei & inuocatione: ab  
hoc ergo discant omnes pii patres familias: & sic  
alia exempla accommodentur.

SEXTA, ut Sanctorum dulcis sit apud nos  
memoria, & laudetur eorum uirtus, quod donis  
Dei bene usi sint, quod sint domicilia Dei et testes  
de eo, quod sint ornatu ingentibus uirtutibus, quod  
sint nobis uiua exempla conuersionis, fidei, pœni-  
tentiæ, constantiæ, patientiæ et aliarum uirtutum.

Hæ sex causæ sunt grauissimæ, propter quas et  
memoria sanctorum, exemplo ueteris Ecclesiæ re-  
tinetur, & eorum festa celebrantur. Quæ cum ita  
fiant, omnia in gloriam Dei & nostram ipsorum  
salutem cedunt.

Iam pauca de Stephano dicenda sunt, in cuius  
Historia has circumstantias cogitemus: Religio-  
nem, officium in Ecclesia, defensionem suæ religio-  
nis, constantiam in confessione, Inuocationem  
Christi, consolationem, & uitæ exitum.

Religio Stephani: Stephanus fuit Christianus,  
uir plenus fide & Spiritu sancto, plenus gratia et  
fortitudine. Vbi enim uera fides, ibi Spiritus san-  
ctus, quò maior incrementa fides capit, eò magis se  
presentem testatur Spiritus sanctus, accedens mo-  
tus in cordibus congruentes cum lege Dei. Con-  
trà, ubi Spiritus sanctus non sentitur efficax, ibi  
neq; fidem ueram adesse, manifestum est. Habemus  
D 4 ergo

Religio Stephani.



ergo hic, quod in Stephano imitemur, nempe fidem efficacem, cui testimonium præbet Spiritus sanctus: non imitantur fidem Stephani, qui eam in ore habent, & interim inuoluuntur prauis cupiditatibus, & ruunt quocumq; cæci affectos eos abripiunt.

Pauperum curatores

Officium Stephani in Ecclesia fuit pauperibus ministrare, & seruare thesaurum Ecclesie in usum sanctorum pauperum: in quo officio non dubium est eum sedulum fuisse. Nam habuit Spiritum sanctum gubernatorem, ueram fidem, & caritatem, agendi regulam. Hunc ergo sibi proponant pauperum curatores & Diaconi. Primum adferant fidem, sine qua nulla diligentia, et nullum officium ritè fieri potest. Deinde in administratione declarent se regi Spiritu sancto, ne uel durius pauperes excipiant, uel ad gratiam hominum bona dispensent, uel torpeant in officio, uel etiam furentur ipsi, uel quòd uerè pauperum est transferant in alios: sed omnem fidem in officio præstent, cogitantes Deum suæ administrationis inspectorem: statuantes quòd membra Christi sint, quorum cura ipsis demandata est: uerè sentientes templa Dei esse, quibus præfecti sunt, ut ut paupertate, morbis & ulceribus scateant.

Defensio Religionis.

Quomodo defenderit Religionem quam professus est Stephanus, ostendit 6. et 7. cap. Actorum: Non in periculo abiicit confessionem: non dissimulat, ut multi: sed constans est & fortis suæ religionis

ni propugnato  
strum, quæ tu  
torinte Phari  
Iudea. sed Sect  
tum totius pop  
am religionem  
que imitemur.

Constantia et  
quod non nimis,  
datione absterrea  
piles, confessionem

Hoc nobis quocumq;  
Inuocatio Christi

iacet, ostendit &  
tate huius uiri.

cloribus, neq; frui  
lus, qui cultus erat

lapidabant, postea  
Consolatio in

filium Dei, pro quo  
dextris Dei pro se

ne pœne acerbitate  
si nos in nostra

præsens Dei amor  
Spiritu.

Exitus uitæ in  
precatione: Domine

um, exspirauit &  
ipse cursum confes



nis propugnator: non ipsum impedit multitudo se-  
ctarum, quæ tum erant plurimæ: non frangitur au-  
toritate Phariseorum ac summorum uirorum in  
Iudea. sed Sectis se fortiter opponens, solus impe-  
tum totius populi sustinet, & longa oratione su-  
am religionem defendit: quod exemplum nos quo-  
que imitemur.

Constantia eius in confessione indè apparet,  
quod non minis, non excommunicatione, non lapi-  
datione absterreatur à confessione: sed ut inuictus  
miles, confessionem in medijs periculis retinet.  
Hoc nobis quoque in exemplum propositum est.

Inuocatio Christi, cum iam obrutus lapidibus  
iacet, ostendit & fidem, & testatur de uera cari-  
tate huius uiri. Intercedit enim pro suis interse-  
ctoribus, neque frustra pro illis intercessit. Nam Pau-  
lus, qui custos erat uestium eorum, qui Stephanum  
lapidabant, postea conuersus est.

Consolatio in hac inuocatione sentitur: Nam  
filius Dei, pro quo ista sustinuit, uidit stantem à  
dextris Dei pro se interpellantem, qua consolatio-  
ne poenæ acerbitas non parum mitigata est: hunc  
si nos in nostra cruce imitemur, uerè sentiemus  
presens Dei auxilium consolantis nos suo sancto  
Spiritu.

Exitus uitæ ipsius letissimus fuit. Nam in hac  
precatione: Domine Iesu, suscipe spiritum me-  
um, expirauit & obdormiuit in Domino: Atque ita  
ipse cursum consummauit, fidem seruauit, ac iam

D S coro=

Constantia -

Inuocatio

Consolatio

Exitus uitæ



58 FERIA II. NATIVITAT.

coronam, ut strenuus uictor, cum gloria obtinet.  
Hunc ergo & nos morituri nobis proponamus.

*Summa Euan-  
gelij.*

Nunc textum Euangelij uideamus, cuius sum-  
ma est. Christus predicat pericula ministrorum  
uerbi, & comminatur poenas persecutoribus. Nos  
docendi causa quatuor locos tractabimus, Qui  
sunt.

- I. Predictio persecutionis ministrorum uerbi.
- II. Exaggeratio peccati persecutorum.
- III. Comminatio poene.
- IIII. Exprobatio ingritudinis eorum, qui Chri-  
stum inuitantem se ad poenitentiam re-  
spuunt.

DE CONCIONA.

*toribz & eoz perse-  
cutionibus.*

DE PRIMO.

Ecce ego mitto ad uos Prophetas & sapi-  
entes & scribas, & ex illis occideris, & cruci-  
figetis, & ex illis flagellabitis in Synagogis  
uestris, & persequimini de ciuitate in ciuita-  
tem. Hoc loquitur Christus ad Iudeos, qui tum ui-  
debantur ipsa Dei Ecclesia esse, & significat quan-  
ta rabie persequuntur aliquando suos legatos, Pro-  
phetas & Apostolos. Mittit quidem Deus suum  
uerbum, ut saluentur recipientes uerbum ei q; fi-  
dem adhibentes: quod autem inde quidam fiant de-  
teriores, hoc non Deo, sed malicie hominum im-  
putandum est, qui Deum trahentem per uerbum  
sequi nolunt. Cur autem persequantur impij Apo-  
stolos, explicat Dominus Matth. 10. ubi ait. Et eri-  
tis odio omnibus hominibus propter nomen me-  
um.

*Cur persequantur  
Apostoli.*



NATIVITAT.

istor, cum gloria obine-  
turi nobis proponamus.  
gelij uideamus, cuius su-  
pericit pericula ministrorum  
et nazas persecutoribus. In  
locos tractabimus, Qu

tionis ministrorum uerbi  
ati persecutorum.

ut uideamus eorum, qui Ch-  
ristum se ad penitentiam

RIMO.

uos Prophetas & sap-  
illis occideris, & cruci-

gellabitis in Synagoga  
ni de ciuitate in ciuitate

tus ad Iudeos, qui tunc  
fia esse, & significat quod

quando suos legatos. In  
mittit quidem Deus suos

recipientes uerbum egi-  
tem unde quidam sunt de

sed malicia hominum in-  
trahentem per uerbum

ersequantur impij Apo-  
latih. 10. ubi ait. Et tunc

et propter nomen me-  
um.

## CHRISTI.

59

um. Iohan. 16. Sed uenit hora, ut quisquis uos inter-  
fecerit, arbitretur se cultum prestare Deo, & hæc  
facient uobis, quia non nouerunt Patrem, neq; me.  
Hic causam ponit, cur impij ita in pios insaniant,  
uidelicet quòd Deum ignorent: quæ Dei ignora-  
tio facit, ut ipsi parricide putent se sacras uicti-  
mas offerre Deo, cum fideles occidunt. Adq; adeo  
ruunt ignorantes Deum in hypocrisin, ex hypocri-  
si in parricidium, donec compleuerint mensuras  
scelerum suorum. Quid ergo facit Christus? Venit  
ad egrotos illi, ut phrenitici, in Christum se con-  
uertunt, quem de medio sublatum cupiunt. Mon-  
strat ille per suos morbum: Illi contra, morbum non  
agnoscunt: quare & Medicum contemnunt, &  
cuius legatos persequuntur.

DE POENIS.

## DE SECVNDO.

Vt ueniat super uos omnis sanguis iu-  
stus, qui effusus est super terram à sanguine  
Abel iusti &c. Quam grauer peccent persecu-  
tores Ecclesiæ, ostendit. Dicit. n. eos fore reos toti-  
us sanguinis sanctorum, qui unquam effusus est, non  
secus, atq; ipsi sua manu omnes pios et sanctos, atq;  
adeo ipsum Christum trucidassent: Nam inter om-  
nes impios quedam impietatis cognatio est, quæ  
facit poenas æquæ graues, & reatum æqualem.

Persecutores Ecclia  
peccant.

## DE TERTIO.

Amen dico uobis, uenient hæc omnia su-  
per generationem istam. Hæc tametsi proprie  
dicuntur de persecutoribus Iudeis: tamen in uni-  
uersum

COMINATIO  
Poena.



60. FERIA II. NATIVIT.

uersum ad omnes Ecclesie persecutores perti-  
nent. Iuramentum quod interponit Dominus, nos  
docet duo. Primum, quod impij uerè aliquando ra-  
pianur ad supplicia, ut ut diu differri uideatur iu-  
dicium. Deinde, quod pij, qui persecutionem pati-  
untur, aliquando gloriose liberentur, traditis suis  
hostibus perpetuis supplicijs: Vnde discant pij,  
non succensere impijs persecutoribus, sed potius  
commiseratione super illorum certa damnatione  
tangi, et pro illis intercedere, ut Dominus eos con-  
uertat, ne omnes damnentur: quemadmodum Ste-  
phanus fecit, ut supra audiuius.

DE QVARTO.

Hierusalem, Hierusalem, quæ occidis Pro-  
phetas &c. Hæc uerba Christi compellantis Hie-  
rusalem primum exprobationem habent. Deinde  
affectum Christi erga eos declarant. Tum signifi-  
cant, quod sua propria culpa pereant. Postremo  
pœnam comminantur.

Cum enim dicit: Quoties uolui te congre-  
gare, exprobrat ingratitude, quod nec obla-  
tum beneficium recipere uoluerint, nec suæ salu-  
tis ullam rationem habuerint, tantum abest, ut be-  
nefactoris liberalitatem agnouerint, aut ei grati  
fuerint. Vtinam non magna pars eorum, qui ho-  
diè audiunt Euangelium, illis esset similis: id quod  
sanè suis declarant fructibus.

Affectum suum erga ipsos declarat Dominus,  
dum se Gallinæ confert, quæ suos pullos intimè a-  
mat,

Non succensum  
dum persecuto-  
ribus.

mat. & nihil  
tueatur. Absit  
quæ se aliud  
arcana, quam  
Nam horrenda  
torias uolum  
plex. Vere ipse  
cum Propheta  
conuertatur &  
TERTIO  
LVISTI, aper  
ille, & repugn  
eis salutem ob  
cipere in grati  
re hinc duo dis  
Indecorum de  
immanis Christi  
reluctantur Spi  
monet, qui end  
quicquid, uerba  
perant sua cul  
non speranda  
Dei, quæ quon  
QVART  
tur uobis do  
comminatio, et  
secutores, quib  
politiarum et O  
omnes persecuto



mat, & nihil non agit, quò eos ab inimicis auibus tueatur. Absit à pijs cordibus, sentire Christum apud se aliud statuisse de Iudæis, uoluntate aliqua arcana, quàm quòd lacrimis, & ore testatus est. Nam horrendum est, cogitare in Christo contradi-  
 ctorias uoluntates esse, qui ipse damnat cor du-  
 plex. Verè igitur illorum salutem uoluit, iuxta di-  
 ctum Propheta: Nolo mortem peccatoris: sed ut conuertatur & uiuat.

TERTIO loco, cum ait Dominus, ET NOLVISTI, aperte testatur Iudæos sua culpa peri-  
 isse, & repugnasse Christo ex propria malicia, qui  
 eis salutem obtulit. Non dicit, & Deus noluit re-  
 cipere in gratiam: sed TV NOLVISTI: Qua-  
 re hinc duo discamus. Primum, ut cautiore facti  
 Iudæorum damno, uerbo Dei præbeamus aures, &  
 inuitanti Christo nos obsequentes præbeamus, nec  
 reluctemur spiritui sancto, qui uoluntates omnium  
 mouet, qui audiunt Euangelium. Alterum, quòd,  
 quicumq; uerbum audientes, ei non obtemperant,  
 pereant sua culpa: quorum interitus & damnatio  
 non ascribenda ulli fato, aut uoluntati arcane  
 Dei, quasi quorundam salutem non uellet.

QUARTO, cum subiungit: Ecce relinque-  
 tur uobis domus uestra deserta. Hæc pœnæ  
 comminatio, etsi in specie pertinet ad Iudæos per-  
 secutores, quibus uastationem minatur religionis,  
 politiarum et Oeconomiarum: In genere tamen ad  
 omnes persecutores Euangelij pertinet. Commina-  
 tur



62 FERIA III. NATIVITAT.

tur autem illis, ut aliqui saltem ex ipsis resipiscant  
Nam omnes Propheticae comminationes habent  
tacitam conditionem, scilicet, nisi egeritis poenitentiam: sicut in Niniuitis uidemus, & Christum  
audimus contestantem, his uerbis: Nisi poenitentiam egeritis, omnes simul peribitis, Luc. 13.

Simus ergo admoniti hac comminatione, ut nos  
modo uelimus effugere iram Dei, seriam agamus  
poenitentiam, et Christum saluatorem nostrum ue-  
ris gemitibus imploremus, ut nos in uera fide &  
inuocatione conseruet, cui cum Deo Patre et Spi-  
ritu sancto sit laus, honor & gloria in secula se-  
culorum, Amen.

FERIA TERTIA NA-  
TIVITATIS DOMINI,

Iohan. 21.

**D**icit Iesus Petro: Sequere me. Conuersus  
Petrus, uidit illum discipulum, quem  
diligebat Iesus, sequentem, qui & recubuit  
in Coena super pectus eius, & dixit: Domi-  
ne, quis est ille qui te tradit? Hunc ergo cum  
uidisset Petrus, dicit Iesu: Domine, hic au-  
tem quid? Dicit ei Iesus: Si uelim cum ma-  
nere donec ueniam, quid ad te? tu me seque-  
re. Exiit ergo sermo iste inter fratres, quod  
discipulus ille non moreretur. Et non dixerat  
ei Iesus: non moritur? Sed, si cum uelim ma-  
nere, donec ueniam, quid ad te? Hic est disci-  
pulus



pulus ille, qui  
& scripsit hac,  
fimonium eius

ENARR.

Summa huius E-  
pistolae interrogat  
illi, ut se sequatur  
esset glorificatur  
tri, Evangelista  
rigit, qui male in-  
runt falso Iohannem  
asserit, Evangelis-  
ta uerum esse. Po-  
stulantur loci: q





pulus ille, qui testimonium perhibet de his,  
& scripsit hæc, & scimus quod uerum est te-  
stimonium eius.

#### ENARRATIO TEXTVS.

**S**umma huius Euangelij est: Postquam Christus  
interrogasset Petrum an se amaret, mandat  
illi, ut se sequatur, significans, quod se sua morte  
esset glorificaturus. Præterea correcto errore Pe-  
tri, Euangelista aliorum discipulorum sensum cor-  
rigit, qui male intelligentes uerba Domini, putâ-  
runt falso Iohannem non moriturum. Postremo  
asserit, Euangelium à Iohanne scriptum de Chri-  
sto uerum esse. Porro huius Euangelij quatuor con-  
stituantur loci: qui sunt.

I. Collo-



44 FERIA III NATIVITAT.

- I. Colloquium Christi & Petri, et mandatum Christi, ut Petrus se sequatur.
- II. Ut uocatio cuiq; sua commendatur: Ita damatur curiositas.
- III. Correctio erroris discipulorum orti ex male intellectis uerbis Domini.
- IIII. Commendatio Euangelij à Iohanne scripti.

DE PRIMO.

Et cum hoc dixisset, dicit Petro: Sequere me. Quia Petrus ter negauit Christum, uoluit Dominus terna confessione eum in suum statum et Apostolatatum restituere. Nam par erat, ut qui toties negasset suum Dominum, hac ratione & ueluti disciplina castigaretur, ac probaretur, & ut nota fieret eius conuersio. Tria autem sunt, quæ hic cum Petro agit Dominus: Primum ter illum interrogat, an se amet: cui Petrus ter quoq; respondet, ut hac terna confessione, apud alios ternam negationem ablueret, ac in suum ita locum restitueretur. Deinde ter commendat illi Apostolatus officium, dicens: Pasce oues meas, hoc est, esto Apostolus meus, qui doctrina Euangelij, Sacramentis, & sancta uita mihi congreges oues. Habemus hic munus Apostolatus, adq; omnium ministrorum uerbi, esse pascere oues Christi. Deinde Metaphora ouium significatur, qualisnam sit coetus ille hominum qui ouium appellatione signatur. Primum ergo quædam de pascendi ratione, Deinde de ouibus quædam hic dicenda sunt.

Christus



Christus pascit, & Apostoli, aliq; ministri uerbi pascunt: sed non similis omnium ratio est. Christus enim ut Dominus, ouium pastor: Apostoli ut serui. Christus intus suo Spiritu: Apostoli externo ministerio. Nam eos qui feritate morum urfi aut Leones erant, cicurant, intus Domino per Spiritum suum operante: ac ita in ouile Christi, hoc est, in regnum Christi introducunt: idq; adhibitis clauibus Ecclesie Christi, à Christo uero pastore datis. Sunt autem hæ clauæ aliæ nullæ, quàm uerbum & fides: uerbum adhibet minister, fidem ad prædicationem uerbi intus adhibet Spiritus CHRISTI. Nam prædicationis uerbi Dei, de peccatorum remissione impetranda per Christum, unica clauis est ad aperiendum regnum cælorum. Quod si is, qui audit, adiungat etiam ueram fidem, & Euangelio uerè adsentiat, accedit etiam clauis altera: his duabus clauibus recluditur regnum cælorum & impetratur condonatio peccatorum. Hoc ita esse ostendit legatio Christi, in qua, quod per clauæ figuratè dicitur, claris & significantibus uerbis exprimitur cum ait: Euntes prædicate Euangelium omni creature: Ecce habes priorem clauem. Verum cum addit: Qui crediderit, saluus erit, alteram ostendit clauem. Sunt ergo hæ duæ clauæ uerbum & fides, quibus recluditur regnum cælorum: Verbum applicatur foris per ministrum: sed uirtute Spiritus receptum gignit per fidem, qua intratur in ouile Christi.

E

Deinde



Deinde, cum pastores intromiserint oves in ovile Christi, debent eas pascere uerbo et Sacramentis: aberrantes ab ovili, pedo, hoc est, obiurgationibus reuocabunt: laborantes & egrotas consolationibus refocillabunt: & semper excubias agent circa gregem suum, ne lupi ueniant & disrumpant ovile, & dispergant oves. Hæc omnia commisit Dominus Petro atq; alijs Apostolis, imò omnibus ministris Euangelij, quando dixit Petro, *Pasce oves meas.*

Sed cur oves appellat, quos Christo adducunt Apostoli? Tres causas potissimum inuenio: quarum Prima est, quòd mansuetos esse oporteat, qui Christo dant nomina. Non enim decet eos, qui in Christi familia censei uolunt, imitari truculentiam leonum, rapacitatem luporum, astutias uulpium, libidinem hircorum, sordes porcorum, aut alios ferinos affectus exprimere.

Secunda causa est, quòd quemadmodum oves sui pastoris uocem norunt, & alienam refugiant: Ita pij solum Christum doctorem agnoscent, & eos, qui eius uocem sonant, audient, & non alios quantumuis magni nominis, imò etiamsi fuerint Angeli de cælo.

Tertia causa est, quòd quemadmodum oves suum pastorem, quocunq; iuerit, sequuntur: Ita pij Christum, in uita, in cruce, in gloria sequi debent, ipsius uitam uitæ regulam intuebuntur, ipsius crucem per patientiam, quoties opus est, sustinebunt,

adunt, ac postea  
quod; erunt par  
cum illo pati  
limur. Hinc e  
pascere gregem  
diant sui pastor  
in uita, cruce &

Tertium quo  
significat, quali  
tutus, cum ait G  
ibas, quòd uole  
tendes manus  
feret quo nol  
trus ob Christi  
cis supplicium  
terum testantur  
rone. Tamen si de  
His subiungit

trum, & iubet ut  
confessionem. Secu  
tem se inuictum  
quis; nostrum sit

D.

Conuersus  
lum, quem dilig  
cabunt in Cerna  
indifferet, dicit Pet  
Qui lesus: Si eu



nebunt, ac postea cuius in cruce socij erant, gloriæ quoq; erunt participes: quemadmodum Paulus ait: Si cum illo patimur, una etiam cum illo glorificabimur. Hinc ergo pij uerbi ministri discant recte pascere gregem Christi. Et oves sint mansuetæ: audiant sui pastoris unicam uocem: eumq; sequantur in uita, cruce & gloria.

Tertium quod agit hîc Christus, est quod Petro significat, quali mortis genere sit Deum glorificaturus, cum ait: Cum esses iunior cingebas te, et ibas, quò uolebas: cum autem senueris, extendes manus tuas, & alius te cinget, & transferet quo noles. Significatur his uerbis, quod Petrus ob Christi confessionem debeat aliquando crucis supplicium subire: quod Irenæus & pleriq; ueterum testantur Romæ factum esse regnante Nerone. Tametsi de hac re iusta potest esse dubitatio.

His subiungit Christus mandatum suum ad Petrum, & iubet ut se sequatur, non amplius abiciat confessionem, sicut antea, sed strenuè usq; ad mortem se inuictum militem Christi præstet: hoc unusquisq; nostrum sibi dictum putet.

## DE SECVNDO.

Conuersus Petrus, uidit illum discipulum, quem diligebat Iesus sequentem, qui & recubuit in Cœna super pectus eius: hunc ergo cum uidisset, dicit Petrus Iesu: Domine, hic autem quid? Cui Iesus: Si eum uelim manere donec ueniam,

E 2 quid



quid ad te? tu me sequere. Petrus audiens à Domino, quòd esset aliquando subiturus Christi nomine durum supplicium, non tam quid sibi faciendum præscribitur spectat, quàm est sollicitus alijs: est quidem paratus ad ferendam crucem Christi nomine: sed interim accedit ex infirmitate carnis quedam curiositas, quæ ea inuestigat, quæ ad se nò spectant. Tanta enim hominum imbecillitas est, ut semper in nostris aduersis respiciamus ad aliorum felicitatem: qua re facimus ipsi nobis crucem acerbiorum & difficiliorem. Libenter uellemus, ne alij nobis essent feliciores. Dulce enim, iuxta prouerbium, commune naufragium. Verùm cùm Dominus hanc curiositatem taxat in Petro, sciamus hanc reprehensionem ad nos quoque pertinere. Vt autem istud in Apostolo corrigat, ait: Quid ad te me sequere, quasi dicat: Noli respicere ad aliorum felicitatem, sed potius hoc specta, ut tuum officium facias, ac feras quicquid tibi Dominus ferendum imposuerit. Ita uult Dominus, ut nostram curemus uocationem in timore Domini: non uult, ut putemus nos infeliciores esse, si alij nobis uidentur feliciores. Nam quælibet uocatio suam habet adiunctam crucem, quæ ferenda est æquo animo. Omnes inquit Paulus, qui uolunt piè uiuere in Christo, persecutionem patientur: nemo ergo, modò pius erit, exars crucis erit. Quare curiositate prophana abiecta, unusquisq; maneat in uocatione, qua uocatus est: Sit quietus, & propria agat, iuxta Pauli consilium

*Dulce commune naufragium*

lon. Quietos uult  
prophorum in a  
marquemadmoda  
propria agere, po  
uocationis sunt, a  
quing. sunt in p  
uocatio debet esse  
as debent esse acti  
tis, si quid aduersi  
lationem petas a c  
Quarto, uocatio  
Christi commoda  
felicitate in uoca  
succedit, Deus n  
ces adhibeat. Hoc  
ties sine tuam uo  
Dei fore.

DE  
Existit inter fra  
ille non mouet  
rorem lapsus. Ch  
quid dicit: Discip  
si sine conditione  
non mori, donec  
gentie in lectione  
quam quæ dicunt  
mur itaq; quæ cla  
conditione, aut ob



lium. Quietos uult nos esse, ne instar hominum  
prophanorum in alienis negocijs nimium occupa-  
mur: quemadmodum multi hodie faciunt. Vult nos  
propria agere, hoc est, uult unumquemq; quæ suæ  
uocationis sunt, curare. Vt autem id fieri possit,  
quinque sunt in quaq; uocatione spectanda. Primum  
uocatio debet esse legitima. Deinde, fides & cari-  
tas debent esse actionum regulæ in uocatione. Ter-  
tiò, si quid aduersi in uocatione contigerit, conso-  
lationem petas à conscientia legitimæ uocationis.  
Quartò, uocationem ad gloriam Dei & Ecclesiæ  
Christi commodum referes. Postremò, quia nihil  
feliciter in uocatione absq; benedictione diuina  
succedit, Deus rogandus est, ut manus auxiliatri-  
ces adhibeat. Hoc si feceris in uero timore Dei, sen-  
ties sanè tuam uocationem non inutilem Ecclesiæ  
Dei fore.

## DE TERTIO.

Exiit inter fratres sermo, quòd discipulus  
ille non moreretur. Vide quàm facilis est in er-  
rorem lapsus. Christus dicit. Si cum uolo manere,  
quid ad te? Discipuli autem hoc intellexerunt, qua-  
si sine conditione dixisset: Volo illum manere, &  
non mori, donec ueniam. Hic ergo admonemur dili-  
gentiæ in lectione sacrorum librorum, ne aliena,  
quàm quæ dicuntur illinc extruamus. Amplecta-  
mur itaq; quæ clara & perspicua sunt: quæ cum  
conditione, aut obscure dicuntur, conferamus cum

E 3 clario=



clarioribus locis: & imploremus Deum, ut nobis  
det clauem ueræ scientiæ, quò intelligamus ea sine  
errore, quæ nostræ salutis intersunt: à quæstionibus  
inutilibus, nihil facientibus ad ædificationem, ab-  
stineamus, scientes hanc simplicitatem gratam  
Deo iuxta dictum: altiora te ne quæsieris,

## DE QVARTO.

Ipse Euangelista claudit suum Euangelium di-  
 cens: Hic est discipulus iste, qui perhibet te-  
 stimonium de his, & scribit hæc, & scimus,  
 quòd uerum est testimonium eius. Hæc est  
 ueluti quædam obsignatio Euangelij à Iohanne  
 scripti, cùm dicit, Scimus, significat Euangelium  
 esse certum uerum & infallibile. Hoc Euangelium  
 uocat testimonium, quia de Christo & eius benefi-  
 cijs testatur. In quem autem finem suum Euangeli-  
um scripserit Iohannes, exponit ipse in fine capitis  
20. cùm ait: Hæc autem scripta sunt, ut credatis,  
quòd Iesus est Christus ille filius Dei, & ut creden-  
tes uitam habeatis per nomen eius. Est ergo du-  
plex finis Euangelij: nempe noticia Iesu Christi, &  
salus per fiduciam in ipsum, Cui gloria in secula,  
 Amen.

## DOMINICA INFRA

OCTAVAM NATIVITA-  
 tis Christi, Luc. 2.

ET



**E**rant Pater & Mater eius mirantes super his quæ dicebantur de illo. Et benedixit illis Simeon, & dixit ad Mariam matrem eius. Ecce positus est hic ad ruinam, & in resurrectionem multorum in Israel, & in signum cui contradicatur. Quin & tuam ipsius animam penetrabit gladius, ut retegantur ex multis cordibus cogitationes. Et erat Anna Prophetissa filia Phanuel de tribu Aser: Hæc processerat in multam ætatem, & uixerat cum uiro annis septem à uirginitate sua. Et hæc uidua annorum ferme octoginta quatuor, quæ non discedebat de templo, ieiunijs ac deprecationibus seruiens die ac nocte: & hæc eadem hora superueniens, uicissim confitebatur Domino, & loquebatur de illo omnibus qui expectabant redemptionem Hierosolymis. Et ut perfecerunt omnia secundum Legem Domini, reuersi sunt in Galilæam in ciuitatem suam Nazareth: Puer autem crescebat, corroborabaturque spiritu, & implebatur sapientia, & gratia Dei erat super illum.

## ENARRATIO TEXTVS.

**H**OCEuangelium est pars rerum gestarum, die purificationis beatæ uirginis in Templo, postquam parentes IESV secundum legem Mosi obtulissent & constituissent puerum coram Domino. Est autem summa huius partis, quod Si-

E 4 mcon



meon & Anna testimonium dent Christo, & agnoscant illum Regem & Messiam promissum: cui impius quidem mundus sese oppositurus est in proprium malum: pii uero amplectenter ipsum sibi in resurrectionem & salutem. Constituamus autem tres locos, qui sunt:

- I. Admiratio parentum Iesu.
- II. Testimonium Simeonis & Annæ de Christo.
- III. Augmentum humanitatis Christi.

## DE PRIMO.

Parentum Christi admiratio ostendit, quod ratio nihil percipiat rerum diuinarum. Debemus ergo uoci Dei credere, eamque admirari, potius quam abnegare. Admirantur autem quod Deus nunc secundum suum æternum ac arcanum consilium miserit Messiam, quem tot Prophetæ, Patriarchæ, & Reges expectauerant: Admirantur testimonium Angelicum, admirantur senis Simeonis uocem, quæ etiam in fide confirmantur solidius.

Hec admiratio sancta quedam est cogitatio, qua reuerenter considerant & amplectuntur spiritus sancti uaticiniû: unde magis magisque in Christi cognitione proficiunt. Hoc exemplum nobis quoque proponendum est. Non mox repudiabimus, quæ ratio non capit: sed sancta cum admiratione amplecti debemus diuina oracula, & ut fides nostra noua capiat incrementa, omnia adminicula ex Prophetijs, ex miraculis, ab exemplis, ab omnibus denique rebus colligemus in maiorem admirationem

Nam



Nam ille demum in schola Christi benè profecit,  
qui quotidie cum augmento fidei magis magisque  
admiratur.

Porro Ioseph hîc dicitur pater Christi, eò quòd  
Maria fuerit ei desponsata, & quòd Ioseph manda-  
tum Dei habuerit curandi hunc puerum & eius  
matrem, & quia putatus est uulgo esse pater Chri-  
sti. Paulus dicit ad Heb. quòd Christus est ἀπα-  
τωρ & ἀμήτωρ, id est, sine patre & sine matre:  
Sine patre quidem secundum natiuitatem carna-  
lem: Sine matre uerò est, secundum natiuitatem il-  
lam admirabilem & æternam, qua filius Dei natus  
sit à Patre sine matre ab æterno: de qua natiuitate  
principium Euangelij concionatur, sicuti nuper  
audiuimus.

## DE SECUNDO.

In testimonio Simeonis, quatuor consideranda  
sunt. *Primum*, benedicit eis: qua re Simeon declarat  
suum affectum erga Christum & eius regnum, ni-  
mirum quòd cupiat bene huius noui Regis nouo  
regno: atq; hoc fecit Simeon consuetudine sancto-  
rum Patriarcharum, qui solebant senes bene pre-  
cari iunioribus. Est enim benedicere hebraica phra-  
si nihil aliud, quàm felicem successum optare ac bo-  
na precari. Hinc singuli discamus, *Primum* Chri-  
stum confiteri: Deinde eius regno benè precari,  
quod pertinet ad secundum præceptum, & ad se-  
cundam petitionem.

Benedicere

Alterum, quod considerandum est in testimo-

E 5 mio



nio Simeonis, est uaticinium, quod duo complectitur: Primum, quod Christus sit futurus multis in ruinam, ut in ipsum impingentes cadant multi & pereant, non ipsius culpa: sed ipsorum, qui hunc Christum amplecti nolunt. Sed quæret aliquis. Quo modo Christus positus sit in ruinam incredulis, qui iam sunt perdit. Bis pereunt impij, Primum propria infidelitate sunt perdit. Deinde, quia oblata salute se ultrò priuant. Perinde enim est, ac si quis ob furtum esset adiudicatus morti semel, & deinde regis filium pro se intercedentem conspueret, spreta per illum oblata liberatione. Hic meritò bis perditus dici posset, cum ob proprium furtum, tum quia liberatorem suum aspernaretur in maius supplicium. Quamuis ergo omnes impios, qui Christi nomen non audierunt, certus manet infidelitatis sue interitus: Tamen illi, qui scientes & uolentes Christum respuunt, secundam ruinam sentient, & grauius punientur. Seruus enim sciens uoluntatem Domini & non faciens, uapulabit plagis pluribus: mitius ergo erit Turcis et ethnicis in extremo die quam illis, nisi egerint poenitentiam. Alterum, quod idem Christus sit futurus resurrectio multorum in Israël, id est, liberatio à peccato, donatio iusticie, resurrectio à morte, & hæreditas omnium bonorum.

TERTIUM, quod considerandum est in Simeonis testimonio, est Apostrophe ad uirginem matrem Christi, cui prædicat crucem & persecutionem,

N A  
nem, dicens: Et tu  
bit gladius. He  
an pertineant:  
siam, cuius typ  
pus habuit hac  
ut hoc spiritus  
rei se ad sustinen  
filium suum male  
suspensi. De  
res insultus, m  
quod tandem ip  
suum uictor: h  
animo ipsius gl  
inde hac uerba  
enim uaticinio à  
hoc mundo futu  
ginis eam erigit.  
QUARTUM  
memoria considerat  
separationes ex  
qua noce signifi  
clarabunt esse h  
suum confitebu  
sanguinis effus  
aduersus scanda  
bis ductam ad  
In testimonio  
nam Prosopog  
iundat à Prophe



nem, dicens: Et tuam ipsius animam pertransi-  
bit gladius. Hæc uerba etiamsi propriè ad Mari-  
am pertineant: tamen communiter ad totam Eccle-  
siam, cuius typum gessit, referenda sunt. Maria o-  
pus habuit hac admonitione propter duo. Primum  
ut hoc Spiritus sancti oraculo admonita, compone-  
ret se ad sustinendos tristes euentus, cum uideret  
filium suum malè excipi à suis, actandem in crucem  
suspendi. Deinde, ut ita munita aduersus futu-  
ros insultus, nihilominus certa fiducia exultare,  
quòd tandem ipsius filius esset futurus suorum ho-  
stium uictor: hac freta fiducia astitit cruci, forti-  
animo ipsius gloriosum triumphum expectans. De-  
inde hæc uerba ad Ecclesiam totam pertinent. Hoc  
enim uaticinio indicatur, quòd ipsa Ecclesia sit in  
hoc mundo futura sub cruce, & simul exemplo uir-  
ginis eam erigit.

QVARTVM, quod in hoc Simeonis testi-  
monio considerandum, est, quòd Simeon dicit, di-  
sceptationes ex multorum cordibus reuelandas:  
qua uoce significat fore multos, qui apertè se de-  
clarabunt esse hostes Christi, & rursus qui Chri-  
stum confitebuntur, usq; ad extrema pericula &  
sanguinis effusionem. PRIMVM nos consoletur  
aduersus scandalum crucis. ALTERVM in no-  
bis fiduciam alat.

In testimonio Annæ duo considerata sunt: Pri-  
mum Prosopographia personæ Annæ, quam com-  
mendat à Prophetico spiritu, id est, cognitione re-  
rum



rum spiritualium seu regni Christi à parentibus, ab ætate, à castitate, à sedulitate precandi.

Hec eò pertinent, ut sanctissimæ matronæ maiorem auctoritatem concilient, ut plus uni sanctæ matronæ credamus, quàm maximæ Phariseorum & Sacerdotum turbæ, qui hunc CHRISTVM non agnoscunt.

Imitemur igitur nos potius paucos pios, quàm innumeram Impiorum turbam, quæ Euangelium persequitur. Obseruemus quoq; hic imaginem Ecclesiæ Christi, quæ est grex pusillus, non præferens splendorem mundi: sed faciem uerbi cœlestis.

Alterum est confessio Annæ, quæ tria continet.

1. Quòd cum Simeone confitetur Christum, & simul melodía aliqua Christum prædicabat: unde pij discant, ut se mutuò hortentur ad deprecandas laudes Dei.
2. Docet populum. Cessantibus enim Scribis & Phariseis, mulier sancta prodit & loquitur de illo omnibus, qui expectabant redemptionem in Hierusalem.
3. Apertè Christum *Ἰωαννῆς* & Redemptorem agnoscit. Intellexit enim istum infantem fuisse Semen illud promissum, quod contritum esset caput serpentis, ac ita hominem perditum eriperet è regno Diaboli.

## DE TERTIO.

Puerulus autem crescebat & roborabatur Spiritu, implebaturq; sapientia, & gratia Dei

Deierat super  
puer Iesus et  
in ipso se ex  
ciebat sapienti  
animi dotes. V  
cedere, manifest  
naturam: Quæ  
paulatim: In se  
gius dotes animi  
alienum est, qui  
sit, in qua & ex  
eximatus fuit:  
in suam gloriam  
gressus est. Neq;  
na & admonition  
creuisse, ut nos de  
tiam pro gratia.  
li Dei, ut perpet  
dies magis magis  
tione & omni sem  
probemus quæ sunt  
ros fidei fructus q  
quens præcedenti  
greditur in cogn  
retro greditur, ac  
& ita rursus in c  
iterum in peccata  
emplum habemus  
rinali supra om



Dei erat super illum. Hoc est, Quemadmodum puer Iesus aetate progressus est: Ita diuina natura in ipso se exeruit, ac indies magis magisque proficiebat sapientia, et una cum aetate creuerunt in eo animi dotes. Verum quia diuinitati nihil potest accedere, manifestum est haec ad humanam pertinere naturam: Quemadmodum enim corpore adoleuit paulatim: Ita secundum animam indies magis magisque dotes animi creuerunt. Neque hoc à Christo alienum est, qui nostri causa formam serui assumpsit, in qua & exinanitus fuit: Nam ut propter nos exinanitus fuit: Ita rursus paulatim creuit, donec in suam gloriam iterum per resurrectionem ingressus est. Neque hoc factum est sine nostra doctrina & admonitione. Docemur enim, illum ideo creuisse, ut nos de plenitudine eius accipiamus gratiam pro gratia. Admonemur & nos exemplo filij Dei, ut perpetuis incrementis studeamus, ut indies magis magisque abundemus in uera Dei cognitione & omni sensu: ut & uero iudicio & affectu probemus quae sint pia, sancta & honesta, & ueros fidei fructus quotidie edamus: sed ita ut dies sequens praecedentem superet. Nam qui non progreditur in cognitione Dei, & sensu pietatis, ipse retrogreditur, ac in eo paulatim extinguitur fides & ita rursus in corde ipsius sepelitur Christus, ac iterum in peccata contra conscientiam ruit. Exemplum habemus in Dauide. Is enim sapientia spiritali supra omnes suae aetatis homines profecerat,



tat, & gratia Dei erat cum illo. Sed quid factum est? Factus est sedens in suo regali solio paulò languidior: Extinguebatur paulatim ille ardor & zelus glorie Dei, qui fuit in illo dum contra Goliath pugnauit, & eum uicit: & cum in periculis uersabatur quotidie persequente ipsum Saule. Quid inde factum est? Conspicitur mulier decora & pulchra: affectus excitantur sine ullo impedimento. Ardorem enim spiritus iam prorsus friguit: uoluntas cedit affectui, ac deinde ruit in peccatum contra conscientiam commissio adulterio, cui mox addidit optimi ciuis parricidium: quæ scelera postea per integrum annum hypocrisis texit, etsi simulauit quidem pietatem, quæ iam Spiritu Dei absente exulabat.

Huiusmodi sunt multa alia exempla, quæ monent nos, ut Iesum puerum hic imitemur. Is creuit sapientia, & gratia Dei erat super illum: nos quoque crescimus sapientia salutari, et rogemus fontem sapientiæ Iesum, ut de sua plenitudine nobis largiatur: Ita futurum est, ut gratia Dei, quam obtinemus per & propter Christum, super nos maneat. Ut enim gratia Dei sola facit, ut in donis spiritualibus faciamus quotidie progressus: Ita retinetur gratia & manet, quando ipsi non torpemus, sed strenuè laboramus, ut gratiam accepisse frustra non uideamur.

Huc pertinet illud Pauli: Spiritum nolite extinguere. Suscitanda sunt igitur dona Dei crebris exerci-

DIE  
exercitijs, ut  
Dei Patris, Fili  
honor gloria,

DIE  
NIS

Et postquam  
ut circumci  
men eius IES  
Angelo prius  
ENAR

HOC festum  
causas in E  
prima est: ut scia  
um Dei erga gen  
mendat, intelligat  
die uicatur, cum i  
salutem & aliorum  
Historia est: qu  
à sua naturae te ca  
cunctis, & nom  
erat, si inditum  
Beneficium, q  
pro nobis id faci  
cet: Factus est, si  
redimeret.

Vfus denique in



T. NAT.

lo. Sed quid factum  
regali solio paulo lau-  
dantem ille ardor  
in illo dum contra Go-  
rit: & cum in pericu-  
sequente ipsam Salu-  
inspicitur mulier deco-  
ntur sine ullo impedim-  
m prorsus frigiditudo  
de ruit in peccatum co-  
mo adulterio, cui mori-  
tidum: que scelera po-  
pocrisi textit, etsi simi-  
se iam Spiritu Dei absp-

ta alia exempla, quan-  
um hic imitemur. Is co-  
erat super illum nos qui-  
turi, et rogemus fontem  
plenitudine nobis largi-  
ratia Dei, quam obtine-  
n, super nos maneat.  
it, ut in donis spiritali-  
effus: Ita retinetur gra-  
non torpemus, sed stren-  
cepisse frustra non uo-

uit: Spiritum nolite  
igitur dona Dei crebris  
exer-

DIE CIRCVMCIS. DOM. 79

exercitijs, ut indies magis proficiamus in gloriam  
Dei Patris, Filij & Spiritus sancti, Cui soli Deo sit  
honor, gloria, in secula seculorum, Amen.

## DIE CIRCVMCISIO- NIS DOMINI, EVAN- gelium Luc. 2.

**E**T postquam consummati sunt dies octo,  
ut circumcideretur puer, uocatum est no-  
men eius IESVS, quod uocatum erat ab  
Angelo priusquam in utero conciperetur.

ENARRATIO TEXTVS.

**H**OC festum de Circumcisione Domini, tres ob-  
causas in Ecclesia institutum est. Quarum  
prima est, ut sciatur Historia. Secunda, ut benefici-  
um Dei erga genus humanum, quod Historia com-  
mendat, intelligatur. Tertia, ut beneficio diuino re-  
cte utamur, cum in Dei gloriam, tum in nostram  
salutem & aliorum edificationem.

Historia est, quod Christus Dominus die octauo  
a sua natiuitate carnali, iuxta legem Mosis sit cir-  
cumcisis, & nomen ei, quod ab Angelo predictum  
erat, sit inditum, uocatusq; sit Iesus.

Beneficium, quod Historia commendat, est, quod  
pro nobis id factum sit, quemadmodum Paulus do-  
cet: Factus est sub lege, ut eos, qui sub lege erant,  
redimeret.

Vsus deniq; in his consistit, ut cognito benefi-  
cio,



80 DIE CIRCUMCISIONIS  
cio, Deo grati sumus, nostram fidem hoc facto con-  
firmemus, ac exemplo Dei patris & filij ipsius Iesu  
Christi studeamus de omnibus benè mereri. Porro,  
ut hæc nobis informandis de hoc beneficio effica-  
cius seruiant, duos locos tractabo, Qui sunt:

I. De Circumcisione.

II. De suauissimo nomine Iesu.

DE PRIMO.

Vt hanc de Circumcisione distinctius intelliga-  
mus doctrinam, hæc ordinè nobis explicanda uiden-  
tur: quomodo Deus soleat hominem de sua institue  
re uoluntate: Qualis res fuerit Circumcisio illa  
carnalis, quæq; in illa sint spectanda: unde constabit  
Sacramentorum cum ueteris, tum noui Testamenti  
ratio: Cur Christus sit circumcissus: & quæ sit spi-  
ritualis illa circumcisio sine qua salus nmini un-  
quam contigit.

*Quomodo Deus  
soleat hominem  
de sua uolun-  
tate institu-  
ere.*

Deus ante lapsum, & post lapsum, ante legem,  
sub lege, & post Christum exhibitum, semper soli-  
tus est hominem de sua uoluntate duabus instituere  
rebus: una, perceptibili mente, altera, perceptibili  
sensu, ut id, quod menti offertur intelligendum,  
quodammodo sensibus externis percipiatur: Ita uo-  
luit Deus clementissimus humanæ consulere imbe-  
cillitati.

Menti uerbum proponit, per quod suam uolun-  
tatem homini patefecit: sensibus signa aspectabi-  
lia, quæ idem docent uisibiliter, quod uerba sonant  
& menti offerunt. Hominem formatum Deus in Pa-  
radiso



radiso posuit, ei uerbum sue uoluntatis testimoni-  
um dedit: uerbo adiecit duplex signum externum,  
nempe arborem uitae, & arborem scientiae boni &  
mali. Post lapsum hominis dedit promissionem Se-  
minis, cui signa externa sacrificia adiecit. Super-  
ato diluuiio, promissionem uoce proposuit, ac eius  
signum arcum coelestem fecit. Abrahamo fit pro-  
missio Seminis, cui promissioni signum circumci-  
sionis in perpetuam rei memoriam adiecit. Pro-  
misit liberationem de seruitute Aegyptiaca, quam  
& praestitit: sed hanc promissionem agno Phasē  
obsignauit. Mosi promissionem commendauit, sed  
addito ueluti sigillo testamento sanguinis uaccae  
rufae. Tandem Deus dat Filium, & per illum pro-  
mittit credentibus uitam aeternam, quam promissi-  
onem, duobus augustissimis Sacramentis, Baptismo  
& Coena Domini, confirmauit. Breuiter: semper  
suo uerbo Dominus aliquod externum adijcere te-  
stimonium solet, ut & mente & sensu, quasi pal-  
penus, quae sit eius erga nos uoluntas. Quicquid  
enim ab homine percipitur, id fit aut mente aut  
sensu, aut utroq; simul: Verum Deus, ut certiores  
simus de nostra salute, uerbum menti, signum ex-  
ternum sensibus, proponit, & nihil non facit,  
quod ad nostram salutem facere iudicatur. Atq; ita  
Deus hominem de sua uoluntate instituere solet.

*Qualis res fuerit*  
Hoc iacto fundamento, qualenam signum fec- *Circumcisio illa*  
rit circumcisio illa carnalis & aspectabilis, facile *carnalis, qd*  
intelligitur, modò uerbum, cui hoc signum addi- *in illa spectata*  
tum

F

tum



## 82 DIE CIRCUMCISIONIS

tum est, in medium producamus. Nam signum nihil aliud est, quàm promissionis, quæ uerbo continetur, efficax quoddam Symbolum & authentica obsignatio.

Quodnam est igitur uerbum, cui circumcisio additur? Dominus Gene. 17. promisit se fore Deum Abrahami & Seminis eius, & requirit ab Abrahamo fidem huius promissionis, & ut ambulet coram se & sit perfectus, hoc est, ut omnia postponat obedientie erga se, retinens fidem & bonam conscientiam. Huic promissioni & mutuo pacto ipse Deus externam circumcisionem adiecit, ut in carne Abrahamæ testimonium esset mutui inter Deum & Abrahamum fœderis: Ait enim Dominus: hoc est pactum quod obseruabitis inter me & uos, & semen tuum post te. Circumcidetur inter uos, omne masculinum, & circumcidetis carnem præputij uestri, ut sit in signum fœderis, inter me & uos &c.

Videmus ergo hic promissionem præcedere, mandatum signi sequi, Signum præscribi, et fidem promissionis iuxta Pauli rationem, exigere: Vnde colligitur in Circumcisione esse quatuor: promissionem mandatum Dei, signum aspectabile, & fidem promissionis, quam necessario requirit promissio. Atq; hæc quatuor in Circumcisione sunt spectanda, quæ in eiusdem definitione includi debent hoc modo.

*Circumcisio Carnalis  
Quid?*

Circumcisio carnalis mandata à Deo, est resec-  
tio



Actio preputij uirilis membri, quo Deus suum pactum cum homine initum confirmat, & uicissim homo hoc diuini fauoris testimonio confirmatus se uia fiducia erigit. Quare Paulus Circumcisionem  $\sigma\phi\rho\alpha\gamma\iota\delta\alpha$ , id est, signaculum iusticie fidei appellat Rom. 4. Est enim ueluti externa promissionis de gratuito fauore Dei obsecratio: eadem de causa Stephanus in Actis Circumcisionem testamentum appellat. Quia ergo promissio necessario precedit, & fides sequitur, quæ in promissionem respicit, mutuū erit fœdus Circumcisio, Dei quidem promittentis, et hominis fide promissam gratiam recipientis, quæ promissionis fides signo externo confirmatur: Atq; hæc est Circumcisionis uera ratio. Iam duo necessario adijcienda sunt: unum, cur in seminali membro illud signum esse uoluerit Dominus. Alterum, quare etiam nunc non daret, cum promissio sit æterna.

Præcisio eius membri, quod est genitura instrumentum, significat primum totam naturam nostram, ut est propagata ab Adam, corruptam esse. Deinde significat eandem amputandam & resecandam. Caro enim & sanguis non possunt intrare in regnum cœlorum. Tertiò, significabat uenturum esse Semen promissum, quod afferret nouam natiuitatem, qua homines nascerentur filij Dei. Atq; ita si generalem rationem Circumcisionis spectes, est testimonium & obsecratio gratiæ: si Symbolum, est nature deprauatæ & mundanæ



# 34 DIE CIRCUMCISIONIS

de nota : si externam hominum societatem, est signum seu tessera, quo Ecclesia à prophanis cœtibus discernitur.

Quare nunc  
cesset cir-  
cumcisio.

Sed quare etiam nunc non durat Circumcisio, cum promissio nondum cessauit? quia unum signabatur per Circumcisionem exhibendum, quod iam exhibitum est: Nempe Semen mulieris, quod est Christus Dominus de purissimo uirginis sanguine natus. Quare etsi res promissa manet: signum tamen Circumcisionis mutatum est in Baptismum: ut sicuti Circumcisio figurabat uenturum: ita Baptismus testetur exhibitum Christum. Quare adhuc qui circumcidi uult, Christum uenturum expectat, & non credit exhibitum.

In circumcissione  
concurrunt.

Ex his quæ iam de Circumcisione dixi, facile est iudicare, quæ sit sacramentorum, cum noui, tum ueteris testamenti ratio. Ut enim in Circumcisione quatuor concurrunt: promissio, mandatum de signo, signi usus, & fides promissionis: Ita in omni Sacramenti ratione eadem concurrere necesse est: ut Sacramentum diuinum, sit signum uisibile mandatum & institutum à Deo, quo, ut Deus ergo hominem suam testatur promissionem: ita homo accipiens signum, uicissim suam erga Deum fide profitetur, eamque usu signi & cogitatione confirmat. Verum in signis singulis, spectanda est singularis analogia signorum ad res signatas: ut aquæ in Baptismo analogia ad rem signatam, hoc est, quemadmodum foris hominem abluit ab externis sordi-

foribus: Ita Ch-  
tus nostras à mo-  
Sed cur Chr-  
num pecca-  
bens exponit, &  
temporis, noster  
ere, factum sibi  
dimmet: Quare  
circumcisus: neq-  
ante suam in era  
testatus est, Circu-  
diuinitus instituit  
Iam pauca de  
circumcissione, quæ  
cordis in spiritu, n-  
per illam externam  
tubilem. De hac pro-  
circumcissione pro-  
noster ne inducatur  
3. omnium luculentis  
Circumcisionem, cui  
qui spiritum Dei  
sto, & non in car-  
bis sunt duo spect-  
us Circumcisio &  
fuit, atq; adeo aff-  
amputat quicquid  
nobis, quæ circumci-  
tum astatum. Et



sordibus: Ita Christi sanguis intus abluit conscientias nostras à mortuis operibus. Atq; ita de alijs.

Sed cur Christus circumciscus est, cùm sit extranumerum peccatorum? Hoc Paulus Galatis scribens exponit, cùm ait: Quando uenit plenitudo temporis, misit Deus Filium suum natum ex muliere, factum sub lege, ut eos, qui sub lege erant, redimeret: Quare ut natus est propter nos: ita & circumciscus: neq; uoluit Circumcisionem abolere ante suam in ara crucis peractam uictimam: qua re testatus est, Circumcisionem, Sacramentum fuisse diuinitus institutum.

Iam pauca adiicienda sunt de spiritali Circumcisione, quæ uocatur in scriptura Circumcisio cordis in spiritu, non manu facta, quæ significatur per illam externam, ut res inuisibilis per rem aspectabilem. De hac præcipit Dominus, Deut. 10. Circumcidite præputium cordis uestri, & ceruicem uestram ne induretis amplius. Sed Paulus ad Phil. 3. omnium luculentissimè, hanc spirituales definit Circumcisionem, cùm ait: Nos Circumcisio sumus, qui spiritum Dei colimus & gloriamur in Christo, & non in carne confidentes. In his Pauli uerbis sunt duo spectanda: causa seu effectus, seu actiua Circumcisio & passiua. Causa est ipse Christus, atq; adeo actiua Circumcisio est, qua Filius amputat quicquid est peccati & maledictionis in nobis, quæ circumcisio sentitur in omnibus pijs omnium ætatum. Effectus seu passiua Circumcisio,

F 3 est,

Cur Christus  
circumciscus.  
Galat. 4.

Spiritalis Cir-  
cumcisio.



86 DIE CIRCVMCISIONIS

est, qua renati amputant indies magis ac magis reliquias peccati, & student nouæ vitæ omnibus uicijs, quantum fieri potest, amputatis. Verum Paulus optimo ordine distribuit effectus: & tres statuit. 1. Vt colamus Deum spiritu. 2. Vt gloriemur in Christo. 3. Vt abijciamus fiduciam carnis abnegando nos ipsos. Ultimo loco positus primus ex ordine consequentiæ: quem secundus sequitur, & hunc qui in primo loco ponitur.

Proinde nos circumcidere oportet omnia membra cum interiora, tum exteriora. Interiora: ut sunt, mens, cor, uoluntas. Mens circumcidenda est abiectione erroris & uera Dei noticia: à corde uiciosi affectus amputari debent: uoluntas, conuersione ad Deum. Exteriora: ut sunt aures, oculi, labia, mores &c. ut iam non amplius deprauatæ naturæ obsequium præstent: sed Spiritui regenerationis obtemperent.

DE SECUNDO.

Nomina solebant imponi pueris in circumcissione, sicuti nunc baptizatis imponuntur. Tunc quidem ut essent Circumcisionis testimonia: nunc uero ut sint Baptismi collati signa. Quare quoties nostra nomina audimus, debemus reuocare in memoriam fœdus, quod cum Deo in Baptismo iniuimus.

More igitur aliorum puerorum, Christo impositum est nomen in Circumcissione, & uocatus est IESVS.

Solita

Solita autem  
uel ex arbitrio bon  
ne, nunc ex uirtu  
casu, nunc ex affe  
sine aliqua signifi  
tura. Nam Deus  
ponit hominibus  
Cor ergo filius  
tut: Propter officium  
runt: Sic enim in illu  
cibus nomen eius  
liberabit à peccatis  
est. Angelus adiecit  
peccator: ergo a mor  
no: ergo placet Patri  
& donat eterna uita  
contunda sunt cum  
ram ut usum huius  
neamus, ad quatuor

PRIMA est, quæ  
se sine hoc lesu id est  
cati admonet & per  
SECUNDA  
fontem: nam qui salu  
est. Quare nos fidei  
mur.

TERTIA, quæ  
desperationem, magis



Solita autem sunt imponi infantibus nomina,  
uel ex arbitrio hominum: idq; nunc ex cognatio  
ne, nunc ex uirtute clarorum hominum, nunc ex  
casu, nunc ex affectu: uel ex mandato Dei: idq; non  
sine aliqua significatione rei uel præteritæ, uel fu-  
turæ. Nam Deus, qui falli nequit, non frustra im-  
ponit hominibus nomina.

De nom. Iesu.

Cur ergo filius uirginis IESVS est nomina-  
 tus? Propter officium quod in mundo erat habitu-  
 rus: Sic enim iussu Dei Angelus ait, Matth. I. VO-  
 cabis nomen eius IESVM, quia populum suum  
 liberabit à peccatis eorum. Iesus enim saluator  
 est, Angelus adiecit saluandi genus, nimirum à  
 peccato: ergo à morte, damnatione, ira Dei, infer-  
 no: ergo placat Patrem, restituit imaginem Dei,  
 & donat æterna uita credentes. Hæc enim omnia  
 coniuncta sunt cum peccati condonatione. Ve-  
 rum ut usum huius nominis IESV certiozem te-  
 neamus, ad quatuor partes eum reuocabo.

PRIMA est, quod admoneat nos perditos es-  
 se sine hoc Iesu, id est, Salvatore. Quare nos pec-  
 cati admonet & pœnitentiæ.

SECUNDA, quod monstret nobis salutis  
 fontem: nam qui saluari uult, hinc hauriat necesse  
 est. Quare nos fidei in hunc Saluatorem admone-  
 mur.

TERTIA, quod sit nostra consolatio, contra  
 desperationem, magnitudinem peccati, indignita-

F 4 tem,



tem, particularitatem, potentiam & vires Diaboli: hinc hypostasis fidei nascitur.

QVART A admonet nos obedientie & gratitudinis, ne nostra culpa salute per ipsum parta excidamus, Cui gloria in secula seculorum, Amen.

## DIE EPIPHANIAE

DOMINI, EVANGELIUM

Matth. 2.



CVM autem natus esset IESVS in Bethlehem ciuitate Iudææ, temporibus Herodis Regis: Ecce Magi ab Oriente accesserunt Hierosolymam, dicentes: Vbi est ille, qui

qui natus est Rex  
illius stellam in  
doremus eum.  
turbatus est, &  
cum illo, & cor  
bus, & scribis po  
Christus nascere  
Bethlehem Iudææ  
Prophetam: Ex tu  
quaquam minim  
Ex te enim mihi q  
bernaturus est po  
Herodes clam ac  
quisiuit ab illis,  
isset. Et iussit ire in  
eti illuc, accurate  
uerò inueneritis, re  
ueniam, & adorem  
ge profecti sunt: et  
in Oriente, preced  
sa staret supra locu  
autem vidissent fir  
magnò valde. Exi  
puerum cum Ma  
adorauerunt illu  
obruerunt ei mu  
Myrrham, & oraci  
reuerterent ad Her  
vni sunt in regio





is esset IESVS in Bet  
udææ, temporibus H  
agi ab Oriente accen  
dicentes: Vbi est illu

qui natus est Rex Iudæorum: Vidimus enim illius stellam in Oriente, & accessimus ut adoremus eum. Auditis autem his Herodes Rex turbatus est, & tota Hierosolymorum urbs cum illo, & conuocatis omnibus pontificibus, & scribis populi, percontatus est eos, ubi Christus nasceretur. At illi dixerunt ei: In Bethlehem Iudææ. Sic enim scriptum est per Prophetam: Et tu Bethlehem terra Iuda, nequaquam minima es inter principes Iuda: Ex te enim mihi proditurus est dux, qui gubernaturus est populum meum Israël. Tum Herodes clam accersitis Magis accuratè perquisiuit ab illis, quo tempore stella apparuisset. Et iussis ire in Bethlehem, dixit: Profecti illuc, accuratè inquirete de puero. Vbi uerò inueneritis, renunciate mihi, ut & ego ueniam, & adorem illum. At illi audito rege profecti sunt: et ecce stella, quam uiderant in Oriente, præcedebat illos, donec progressa staret supra locum, in quo erat puer. Cum autem uidissent stellam, gauisi sunt gaudio magno ualdè, Et ingressi domum inuenerunt puerum cum Maria matre eius, & prostrati, adorauerunt illum, & apertis thesauris suis obtulerunt ei munera, Aurum & Thus & Myrrham: & oraculo admoniti in somnis, ne reuerterent ad Herodem, per aliam uiam reuersi sunt in regionem suam.

*Nich. 5.*



**H**OC festum uocatur in Ecclesia Epiphania Domini, hoc est, apparitiones Domini. Postquam. n. de Aduentu et natiuitate Domini festa celebrata sunt ab Ecclesia, uisum fuit sanctis patribus hoc etiam festum addere, ut docerent Ecclesiam de uarijs Domini in carne apparitionib. Quadruplicem aut rationem assignant, cur hoc festum Epiphania uocant, quarum prima est, quod hoc die apparuerit Magis querentibus Christum ductu stelle. Secunda, quod hoc die reuolutis 29. annis ab eius natiuitate, apparuerit eius gloria in Baptismo per testimonium Patris de coelo sonantis: Hic est Filius meus dilectus: & per uisibilem S. sancti super eum apparitionem. Tertia, quod eodem die elapso à Baptismo anno, apparuerit ipsius gloria in nuptijs, dum uertit aquam in uinum. Quarta, quod 31. ætatis sue anno rursus apparuerit gloria ipsius, dum quinq; millia hominum saturauit panibus septem. Hæ omnes apparitiones eò pertinent, ut et Christum probent uerū Mesiam & saluatorem in se credentium, & in nobis confirment fiduciam: ut certò statuamus nos salutem per ipsum consecuturos. Atq; hæc de ratione festi: nunc ad ipsum Euangelium accedamus, quod continet Historiam primi generis apparitionum Christi, nimirum quomodo Magis apparuerit, hoc est, Ethnicis, ut sciamus Christum cum suis beneficijs ad Ethnicos quoq; pertinere. Est autem summa huius narrationis

rationis Euangelica  
hymni questum  
ille inuenissent: p  
le. que eos præced  
ubi inuentum fuer  
munera: quo facto  
autem reuersi sunt in  
hoc Euangelio tracta

I. Historia cum su  
nis, que su  
II. Vnde Historia  
lationis D

DE  
Presentis Histor  
quarum singule pecu  
admonitiones.

Nato Christo in Be  
di, uenirent Magi ad  
natum Regem.

Hic tria ueniunt pe  
rum conditio. & p  
Tempus significat

RIBVS HEROT  
à Iuda, & iuxta nat

Hæc collatio naticim  
tempore, quo natus e  
sum adhuc expectant

ut certò sibi persua  
Mesiam, quem Magi



rationis Euangelicæ, quod Magi uenerint Hieroso-  
lymam quesitum recens natum: Sed cum eum non  
illic inuenissent, profecti sint, secuti ductum stel-  
la, quæ eos præcedebat donec uenerunt Bethlehẽ,  
ubi inuentum puerum honorabant, & offerebant  
munera: quo facto diuinitus admoniti per aliam  
uiam reuersi sunt in regionem suam. Duos locos in  
hoc Euangelio tractabimus, qui sunt:

- I. Historia cum suis circumstantijs & doctri-  
nis, quæ sunt plurimæ.
- II. Vsus Historiæ, & spiritalis significatio ob-  
lationis Magorum.

DE PRIMO.

Præsentis Historiæ circumstantiæ sunt multæ,  
quarum singulæ peculiare continent doctrinas et  
admonitiones.

Nato Christo in Bethlehem temporibus Hero-  
dis, ueniunt Magi ab Oriente, ut adorent recens  
natum Regem.

Hic tria ueniunt perpendenda, tempus, Mago-  
rum conditio, & finis aduentus.

Tempus significatur, cum dicitur TEMPO-  
RIBVS HERODIS: cessauerat enim sceptrũ  
à Iuda, & iuxta uaticinia Christus nasci debuit.  
Hæc collatio uaticiniorum de natiuitate Christi et  
tempore, quo natus est, ut confutat Iudeos, qui ip-  
sum adhuc expectant: ita piorum fidem confirmat,  
ut certò sibi persuadeant hunc ipsum esse uerum  
Messiam, quem Magi querunt.

Mago-



Magorum conditio, quod fuerint non ex Iudeis: sed ex gentibus: unde discimus, quod hic novus Rex, natus in Bethlehem, etiam ad gentes pertineat, quæ Magorum exemplo monentur, ut Christum querant & adorent.

Magi

Magi præterea dicebantur: qua appellatione eorum dignitas & officij excellentia significatur. Est enim Magus hebraica vox, & dicitur à meditando & docendo, quæ duo ad Reges & sacerdotes potissimum spectarunt: Vnde Perse suos reges & Sacerdotes Magos appellarunt. Quid hinc docemur? Christus in præsepi reclinatus iacet contentus à suo populo: Magi uerò ab Ethnicis oriundi ueniunt, ut adorent: qua re significatur, quod etsi regnum Christi non sit de hoc mundo, esse tamen regnum magnificum & gloriosum, imò celeste, quod multi agnoscent non offensi eius externa & humili coram mundo specie.

SECUNDA circumstantia est, quod Magi ueniant Hierosolymam, & illic querant recens natum Christum. Iudei qui libros Propheticos in manibus habuerunt, quibusq; commissa erant oracula Dei, stertunt securi, Christum non querunt: sed illi, qui eorum iudicio ad Ecclesiam Dei non pertinebant, querunt. Sed ubi? In Regia ciuitate Hierusalem: quò cum uenissent, & nihil de hoc rege audirent, non parum quassata est illorum fides: nihilominus tamen, se signo erigunt. Dicunt enim: uidimus eius stellam. Didicerant haud dubiè ex reliquis

liquis scholæ Dani  
turus, talis stella te  
TERTIA  
deranda: nam mon  
enim præsepe, in qu  
non esse de hoc mun  
coelestem illum esse  
præsepe docet ipsum  
fectum: Ita stella eum  
dam proponit, in qua  
nobis contentibilem  
sue despectus reddat  
rantia perseverans  
Quidam hic que  
& alij aliud sentiant,  
tribus proprietatibus  
ferat, nempe sita, mota  
fuerit in infima aëris re  
proficiscentibus manifest  
quod non circulariter  
gressa est, ut dux uia,  
bis & ignis, ante pop  
proceffit splendor qu  
die stelle, noctu tant  
du eluxit. Non ergo  
stella, quales sunt, quæ  
ergo, Cometa ne fuit  
faret fuisse: sed Ang  
et quemadmodum Ep



liquijs scholæ Danielis, quādo Christus esset nasciturus, talis stella tempus nascentis significaret.

TERTIA circumstantia est diligenter cōsideranda: nam monstrat qualis rex sit Christus. Vt enim præsepe, in quo iacuit, arguit regnum ipsius non esse de hoc mundo: Ita stella de cælo apparens cœlestem illum esse regem docet. Et quemadmodū præsepe docet ipsum humilem esse in mundi conspectu: Ita stella eius regni Maiestatem aspiciendam proponit, in fidei nostræ profectum, ne eum nobis contemptibilem prauus & malignus gentis suæ despectus reddat: quæ gens adhuc in sua ignorantia perseuerans Christum persequitur.

Quidam hîc quærent, qualisnam fuerit stella, & alij aliud sentiunt, sed hoc manifestum est, quod tribus proprietatibus ab alijs perpetuis stellis differat, nempe situ, motu & splendore. Situs, quod fuerit in infima aëris regione, alioqui certum iter proficiscentibus monstrare non potuisset. Motus, quod non circulariter mouebatur: sed rectâ progressa est, ut dux uia, non secus atq; columna nubis & ignis, ante populum exeuntem de Ægypto processit. Splendor quoq; differentiam facit: quia aliæ stellæ, noctu tantum micant, hæc etiam interdiu eluxit. Non ergo fuit naturalis & perpetua stella, quales sunt, quæ in firmamento sunt. Quid ergo, Cometa ne fuit? Similis quidem Cometa apparet fuisse: sed Angelum Dei fuisse non dubium est, quemadmodum Epiphanius testatur. Hic enim

Qualis stella.

appa-



apparuit in forma stelle, ut & Christi regnum ostenderet cœleste, et ipsum Christum ueram stellam ac faciem predicaret, qui hominem solus à tenebrarum regno in suum gloriosum regnum introducit prætenso sui uerbi face, & illustrante ipsius Spiritu corda hominum, unde Zacharias CHRISTVM appellat Orientem ex alto, illuminantem eos, qui sedent in umbra mortis. Et Ioannes: Erat lux uera, quæ illuminat omnem hominem uenientem in hunc mundum.

QUARTA circumstantia est de Herode, & tota ciuitate Hierusalem. Herodes turbatur & tota Hierosolyma cum eo. Herodes metuit regnum à se translatum iri in recens natum Regem. Non enim intellexit Christi regnum fore cœleste, & non de hoc mundo: unde Ecclesia canit: Hostis Herodes quid times, non adimit terrestria, qui regna dat cœlestia. Hierosolymitanorum ingratitude et oscitantia notatur, qui tædio malorum fracti, abiecerant iam spem redemptionis & salutis promissæ: Potius uoluerunt cum impio Herode sub seruitute uiuere, quàm nouum regem, qui æternam libertatem adferret, recipere. Sed ea est hominum deprauata natura, quòd satius iudicent retinere aliquam tranquillitatem carnis, quàm cum aliquo periculo Christum salutis autorem recipere.

QUINTA concilium Herodis & Sacerdotum continet, cum Prophetia Micheæ Prophetæ. Herodes alioqui religionis & Prophetiarum contemptor,

tentor, iam turbatur. Nam audita  
conijcit regem illu  
se, olim diuinitus  
Sincere ex scriptu  
dñi Micheæ testim  
se toti scripture  
magnificanti impi  
non uidetur: sed qua  
do cristas deprimat  
nem proponit, quam  
ptos mores, doctrina  
mox fremunt impi  
fuit, iam blasphemus  
dñe fatentur mores  
um Dei esse, affundisse  
esse personam sublimem  
ram ubi uentum est ad  
mus illum esse solum be  
est, solum Saluatorem,  
cessorem, & neminem  
in illum fide iustificatus  
illorum mores, doctrin  
sunt stare cum hoc Ch  
rumpunt scripturas, &  
Christum docent sicut  
persequuntur, quem  
tates, qui hic primu  
ent responderunt, &



temtor, iam turbatus, ubi Christus nasceretur, quaerit. Nam audita interrogatione Magorum, mox conijcit regem illum, de quo quaerunt, Messiam esse, olim diuinitus promissum: sed quid Sacerdotes? Sincerè ex scriptura respondent, producto in mediū Micheae testimonio, qui tamen postea se furiosè toti scripturae opposuerunt. Scripturam enim magnificiunt impij, donec suis affectib. aduersari non uideatur: sed quando peccatum accusat, quando cristas deprimit, quando mortem & damnationem proponit, quando deniq; aliquid contra receptos mores, doctrinam, et traditiones tentatur, ibi mox fremunt impij, non amplius agnoscitur Christus, iam blasphemus appellatur. Papistae nostri hodiè fatentur nobiscum Christum unigenitum filium Dei esse, assumsisse naturam humanam, unam esse personam subsistentem in duabus naturis: uerum ubi uentum est ad Christi officium, & dicimus illum esse solum Iesum, solum Christum, hoc est, solum Saluatorem, solum Pontificem & intercessorem, & neminem saluari posse, nisi qui sola in illum fide iustificatus fuerit: Hic fremunt, quia illorum mores, doctrina & traditiones non possunt stare cum hoc Christi officio: ideo partim corrumpunt scripturas, partim abijciunt, & eos, qui Christum docent sincere & purè, gladio & igne persequuntur, quemadmodum Scribae & Sacerdotes, qui hic primum cum Simeone & Anna sincerè responderunt, postea tanquam phrenetici, fidem



fidem Christi abiecerunt, & eum cū suis ministris persecuti sunt. Atq; ita nō satis est, si Papistæ cum sinceris Doctoribus in primis principijs conueniant: sed oportet esse in toto fundamento & omnibus fidei articulis constantem consensum: Non ergo scrutemur uerba ad eius perditionem, sicuti Herodes fecit: non negligeret, ut Scribæ & Pharisei, qui monstrant quidem uiam: sed quam ipsi non ambulant, qui similes fuerunt fabris Arce Nohe, quam cū edificassent, ipsi perierunt: Nohe aut cum suis est saluatus, sicuti hīc Magi saluati sunt, perditis Scribis & Sacerdotibus. Sed scrutemur scripturam cum Simeone, Anna, Maria & alijs, qui inde salutem adepti sunt.

Iam paucis Prophetiam Micheæ uideamus. Ita enim ait: Et tu Bethlehem in terra Iudæ, nequaquam minima es inter duces Iudæ. Ex te enim exibit Dux, qui pascet populum meum Israel, & egressus eius ab initio à diebus æternitatis. Hoc Micheæ testimonium multa de Christo docet: Primum locum natiuitatis eius monstrat. 2. Eius officium docet, quod est Dominatorem agere in Israël ad pascendum populum suum. 3. Incarnationem eius, qua uerus homo sit natus ostendit: Nam cū dicit AB INITIO, indicat incarnationem Christi, qui iam ab initio mundi promissus fuit, ut suo tempore secundum carnem nasceretur. 4. Cū ait, à diebus æternitatis, significat eius diuinam naturam, qua ante conditum

munus

mundum fuit. s. C  
naturis subsistens.  
gressiones eius,  
nam et humanam  
sone unitatem sub  
phetam precipuos  
xiste, qui solus ab a  
SEXTA circa  
dis, qui cum prudente  
spiritu non est enim p  
est consilium aduersu  
gos, tanquam una c  
retur, querit tempu  
de certior de Magis  
nerint puerum, non re  
eundem adorare cuper  
uulpes Herodes, sed co  
precipuum, nec ipse na  
ris gratia per aliquot a  
clima ratio fuisse ad i  
Deus illorum consilia im  
annis quaesierunt Paup  
ita dominus infatigabili  
quidem hominem. Lu  
Hinc discamus quod  
consilia impiorum per  
SEPTIMA circa  
Magorum, qui Christo  
tatum munera, Auta



*mundum fuit. 5. Quòd una persona sit in duabus naturis subsistens. Cum enim ait, egressus seu egressiones eius, nomen plurale ad naturam diuinam et humanam pertinet: Singulare, EIVS, personæ unitatam subindicat. Atq; ita uidemus Prophetam præcipuos nostræ fidei articulos coniunxisse, qui fusiùs ab alijs enarrantur.*

*SEXTA circumstantia est de astutia Herodis, qui cum prudenter se egisse putat, maximè desipit: non est enim prudentia, non est astutia, non est consilium aduersus Dominum: clam uocat Magos, tanquam unà cū illis natum regem amplectetur: querit tempus apparitionis stellæ, quasi inde certior de Messia fieri uellet: iubet ut cum inuenerint puerum, sibi renunciēt: ac si unà cum ipsis eundem adorare cuperet. Ecce quantum hìc sudat uulpes Herodes, sed consilium quod erat in hac re præcipuum, nec ipse nec Iudæi secuti sunt. Si honoris gratia per aliquot uiros deduxisset Magos, facilima ratio fuisset ad inueniendum infantem: sed Deus illorum cōsilia infatuauit. Hodie, imò multis annis quæsiuerunt Papistæ perdere religionem: sed ita dominus infatuauit illorum consilia, q ne unū quidem hominem Lutherum potuerint perdere. Hinc discamus quòd Deus sit custos Ecclesiæ, & consilia impiorum perdat iuxta Psalmum primum.*

*SEPTIMA circumstantia est de oblatione Magorum, qui Christo inuento, regi Iudæorum obtulerunt munera, Aurum, Thus, & Myrrham: mu-*

G

nera

Proph:  
21.



nera sanè, quorum illa terra fertilis erat. Hic duo discamus. Primum, quod nos qui Christo homagium præstamus, debemus aliquid de nostris facultatibus conferre ad conseruationem ministerij. Alterum, de prouidentia Dei, qui isto munere uoluit tanquam uatico ad exilium prospicere puero recens nato, & parentibus eius: unde discamus quòd Deus nolit suam Ecclesiam deserere.

OCTAVA circumstantia, quòd Magi in somnis admoniti, per aliam uiam reuersi sint in regionem suam: quare & Herodes delusus est, & Deus declarauit, quòd suorum etiam dormientium curam habeat.

## DE SECVNDO.

Singulæ circumstantiæ huius historiæ aliquam doctrinam suppeditant Ecclesiæ, sicuti uidimus: nunc autem quantum ad usum generalem attinet, duo discamus à Magis: quorum prius est, quærere Christum ductu stellæ. Alterum, inuento Christo munera offerre. Ductum stellæ cum ipsis sequimur, quando nobis lucernam pedibus nostris, solum uerbum Dei proponimus, & eū in uerbo suo quærimus: inuento Christo munera offerimus cum Magis, Aurum, Thus, & Myrrham, quando Aurum, hoc est, puram fidem & castam uitam: Thus, id est, confessionem, inuocationem, gratiarum actionem: Myrrham, id est, patientiam sub cruce & afflictione exhibemus. Præterea offeremus Mariæ, id est, Ecclesiæ Christi, & ministerio uerbi, & Ioseph, id est,

DOM. I. PO.  
cōij qui præsent Ec  
mouemus ministeri  
bus, ut quam optime  
do per Christum le  
gloria in secula, Am

DOMIN  
EPIPHAN



ET cū factus es  
decim, ascendens  
secundum consuetudinem  
manusq; diebus cū  
per Iesum Hierosoly  
ma parentes eius. C



HANIE.

ra fertilis erat. Hic  
nos qui Christo homi  
aliquid de nostris  
ruationem ministeri  
dei, qui isto munere  
illam prospicere puer  
eius: unde discamus  
in deferere.

instantia, quod Ma  
lam uiam reuersi sint  
& Herodes delusus  
suorum etiam dorm

ECFANDO.

tie huius historie  
Ecclesie, sicuti m  
ad usum generalem at  
quorum prius est, qua  
Alterum, inuento C  
iam stella cum ipsi  
nam pedibus nostris  
us, & eu in uerbo su  
munera offerimus cu  
Myrrham, quando  
& castam uitam: Th  
ionem gratiarum affe  
ntiam sub cruce & ap  
rea offerimus Marie,  
nisterio uerbi, & iosep

DOM. I. POST EPIPHAN. 99

est, ijs qui præsunt Ecclesie, munera: hoc est, pro  
mouebimus ministerium totis uiribus & facultati  
bus, ut quam optimè habeat Ecclesia in hoc mun  
do per Christum Iesum Dominum nostrum, cui  
gloria in secula, Amen.

DOMINICA I. POST  
EPIPHANIAM, Luc. 2.



ET cum factus esset Iesus annorum duo-  
decim, ascendit illis Hierosolymam  
secundum consuetudinem diei festi, consum-  
matisq; diebus cum redirent illi, remansit  
puer Iesus Hierosolymis, & non cognoue-  
runt parentes eius. Cæterum rati eum esse in

G 2 comi.



comitatu, uenerunt itinere diei, & requirebant eum inter cognatos & inter notos: Et cum non inuenissent eum, reuersi sunt Hierosolymam, quærentes eum. Et accidit post tri-duum, inuenerunt illum sedentem in medio Doctorum, audientem illos, & interrogantem eos. Stupebant autem omnes qui eum audiebant, super intelligentia & responsis eius: & uiso eo admirati sunt. Et dixit mater eius ad illum. Fili, cur fecisti nobis sic? Ecce Pater tuus & ego dolentes quære-bamus te, & ait ad illos: Quid est quod quære-batis me? An nesciebatis quod in his, quæ Patris mei sunt, oportet me esse? Et illi non intellexerunt sermonem quem locutus est ip-sis, & descendit cum eis, uenitq; Nazareth, eratq; subditus illis. Mater autem eius con-seruabat uerba omnia hæc in corde suo. Et Iesus proficiebat sapientia, & ætate, & gratia apud Deum & homines.

## ENARRATIO TEXTVS.

**H**IC textus pars est Historiæ de gestis Christi, & continet quid egerit duodecimo suæ æta-tis anno, uidelicet q; specimen quoddam suæ uoca-tionis exhibuerit, disputando & differendo, cum legis doctoribus. Quid autem egerit Dominus à tempore quo oblatus sit in templo, usq; ad duodeci-mum annum, et quid deinde à 12. ad 30. ferè, sacra Historia non meminit: quare id scire nostra non in-terest:

EPIT  
terre: sufficit enim u  
uolunt patefacere,  
cognitione, & uera p  
ocosi Monachi scrip  
ate Christi, Euang  
quam Dominus dedet  
Est autem summa d  
decim annos natus, cu  
Pascari proficiscitur  
tu amissus inquiratur, in  
parentibus reprehendi  
mandato, nempe Dei, e  
gocia curare, atq; in a  
tus, proficit sapientia  
homines.

I. Exemplum Ioseph  
proficiscitur  
ponitur.  
II. Tentatio Mariæ  
pueri.  
III. Cura & officium p  
liberorum nati  
rentes.  
III. Profectus Christi  
tia.

DE  
Et cum factus ei  
scendentibus illis  
tum consuetudinem



terest: sufficit enim nobis, ista cognoscere, quæ Deus uoluit patefacere, ut quæ nos erudiunt, in Dei cognitione, & uera pietate: illis igitur omiſſis, quæ ociosi Monachi scripserunt de infantia & puerili ætate Christi, Euangelium præsens iuxta gratiam, quam Dominus dederit, explanabimus.

Est autem summa huius Historiæ. Christus duodecim annos natus, cum parentibus suis in festo Pascatos proficiscitur Hierosolymam: qui in reditu amissus inquiritur, inuenitur inter doctores, & à parentibus reprehensus, defendit se superioris mandato, nempe Dei, quod oportuerit se ipsius negotia curare, atq; ita descendit cum illis, est subditus, proficit sapientia, ætate, gratia apud Deum & homines.

- I. Exemplum Ioseph, Mariæ, & Christi, proficiscentium Hierosolymam nobis proponitur.
- II. Tentatio Mariæ & Ioseph ex amissione Iesu pueri.
- III. Cura & officium parentum erga liberos, & liberorum uicissim obedientia erga parentes.
- IIII. Profectus Christi, in sapientia, ætate & gratia.

## DE PRIMO.

Et cùm factus esset annorum duodecim ascendentibus illis Hierosolymam secundum consuetudinem diei festi. Hic primum

G 3

quædam



quedam de festis Iudæorū sunt admonenda. Deinde exemplum Ioseph, Mariæ & pueri spectandum.

Deus in ueteri Testamento instituit uaria & multiplicia festa, ut populum suum de præstitis beneficijs admoneret, erudiret rudes, & omnes in uero Dei cultu contineret: Verum non omnia festa erant æquè solennia. Quotidiè manè & uespere fiebant sacrificia. Singulis septimanis, septima dies celebris erat. Habebant singuli menses peculiare festum. Tria præterea solennia festa singulis celebrabantur annis.

Quotidiè manè & uespere fiebant oblationes in memoriam æterni cultus debiti Deo, addebantur preces à pijs, reuocabant in memoriam promissionem Seminis, in quam fide intuebantur in omnibus suis oblationibus. In huius locum Ecclesia substituit matutinas & uespertinas preces.

SEPTIMO quoq; die hebdomadis memoria celebrabatur creationis rerum, adhibitis sacrificijs & gratiarum actione: in cuius locum Ecclesia substituit diem primum septimane, in memoriam secundæ creationis, hoc est, regenerationis, quæ fit per resurrectionem Domini, quæ primo die hebdomadis contigit: atq; ideo ab Ecclesia Apostolica iste dies, Dominicus dictus est.

Singulis mensibus in exordijs mensium, hoc est, in Neomenia festum celebrabatur in memoriam conseruationis: Nam cum uiderent lunam semper seruare ordinarios motus et illuminationes, uoluit Deus,

*Festum Neomeni-  
arum.*



Deus, ut pro toto gubernationis beneficio gratiæ Deo agerentur: atq; ideo hoc festum Neomemorum instituit. Hoc festum etsi Christianos non obligat: tamen non minus nos gratos esse oportet Deo, quàm pij Iudæi fuerunt.

Singulis annis tria solennia festa habebant, quæ sunt, Pascha, Pentecoste, Scenopegia. Pascha erat institutum in memoriam liberationis ab Ægyptiorum seruitute: Pentecoste, in memoriam datæ legis in monte Sina: Scenopegia, in memoriam habitationis populi in deserto quadraginta annis in Tabernaculis, ut hac ceremonia reuocarent totum beneficium liberationis ab Ægypto in memoriam. In locum horum trium festorum Iudaicorum, substituit Ecclesia, Pascha in memoriam resurrectionis Domini, qui nos de seruitute Diaboli liberavit: Pentecosten in memoriam confirmationis Euangelij per uisibilem exhibitionem Spiritus sancti, & miraculosa linguarum dona: Et natalitia Domini in memoriam dati & exhibiti Christi.

Porro in tribus illis solennib. & annuis festis, debebant omnes masculini sexus uenire Hierusalem iuxta legem Mosi: cui legi hîc Ioseph & puer Iesus se subiiciunt, cum ut legi satisfacerent, tum ut suo exemplo nos excitarent ad reuerentiam erga ministerium et pias ceremonias, quas ideo seruare pios decet, quia sunt Pedagogia quedam & disciplina ad conseruandam religionem utilis.

Verum discernendum est inter ceremonias di-

Pascha.

Pentecoste

Scenopegia.



mina autoritate institutas, & eas quæ gravitatis et ordinis causa institutæ sunt: ad illarum observatorem obligamur iure diuino. Requirit enim à nobis Christus, ut baptizemur singuli semel, ut sacra ipsius Cœna participemus sæpè, ut eius uerbum assidue audiamus: at humanæ ceremoniæ non ita obligant, modò absit contumacia, contentus & scandalum.

Quemadmodum igitur hîc audimus Mariam, Ioseph, & puerum Iesum festa, ceremonias Iudæicas, singulari religione obseruasse: ita nos discamus magnificere ceremonias nostras, & illis libenter interesse, ac alios nostros bono exemplo ad obedientiam & pietatem inuitare.

## DE SECUNDO.

Consummatisq; diebus, cùm redirent, remansit puer in Hierusalem &c. Hîc incipit Evangelista describere tentationem Mariæ & Ioseph: in qua tentatione quatuor sunt circumstantiæ persandæ: Prima recitat aliquot occasiones huius tentationis. Secunda tentationem ipsam & crucem Ioseph & Mariæ describit. Tertia, factum illorum in hac tentatione exponit. Quarta consolationem habet.

PRIMA occasio indicatur his uerbis. Remansit puer Iesus in Hierusalem, Quare, inquit, non significauit parentibus? Primum, ut significaret se nō esse tantū Mariæ filium: sed Dei quoq; quod plus est, ideoq; non tam parentem matrem, quam



quàm æternum Patrem respexit. Deinde, ut suo exemplo doceat pueros, non expectandum esse consilium parentum, ubi obedientia Deo præstanda agitur: Deo enim plus quàm parentibus debetur. Tertiò, ut parentes suos maioris diligentie admoneat, atq; adeò omnes qui liberos habent, ut diuinitus commissum depositum obseruarent diligentius. Quartò, ut ipsi, Maria & Ioseph, disciplina hac castigatoria admoniti, cogitarent seriò, qualesnam sua natura essent: nempe ignaui & segnes, non per omnia suo satisfaciens officio.

SECVNDA indicatur occasio, cum dicitur & non cognouerunt parentes eius. Hic taxatur aperte negligentia parentum Iesu, quæ negligentia fuit nõ leue peccatum: unde nec leuis crux extitit in corde uirginis, sensit partem gladij suum cor tetigisse, cuius duodecimo anno antea mentionem fecerat sanctus Simeon. Cogitabat tantum thesaurum commissum sibi à Deo, ut illum obseruaret: contulit summam miseriam cum miseria Eue: Nam ut illa genus humanum à Diabolo seducta perdidit: Ita uirgo existimauit se sua negligentia amisisse mundo promissum Saluatorem.

TERTIA occasio tentationis & crucis indicatur cum dicitur, existimantes ipsum esse in comitatu, ex negligentia enim error nascitur.

Iam ipsa satis dura tentatio & crux sequitur. Quærentes Iesum integro triduo, ipsum non inueniunt. Amissus non inuenitur inter cognatos: gra-

G S uis



uis crux. Amisus non inuenitur inter notos: grauior crux. Quæsitus triduo non inuenitur: grauissima crux.

Sed quid faciunt in hac acerbissima cruce moestissimus Ioseph, afflictissima uirgo? Redeunt Hierusalem, ingrediuntur Templum, inueniunt amissum inter doctores sedentem disputantem.

Hic rursus concipiunt consolationem & tantquam è tenebris inferni liberatur, uiso puero Iesu.

Hæc in nostram doctrinam & consolationem scripta sunt: non enim aliter nobis accidit in nostra tentatione & cruce. Amittitur Christus thesaurus noster preciosus. Quæ occasio? Negligentia: non audimus uerbum, non inuocamus, raro sacramento Cœnæ utimur, in nullis denique pietatis studijs nos exercemus. Hanc negligentiam sequitur error, labimur ex uno peccato in aliud: ex una heresi in aliam. Hinc tandem nascitur mala conscientia, quæ parit desperationem. Quid in his ærumnis faciendum? querendus est Christus, is solus hisce malis mederi potest. At ubi quæso querendus est? inter cognatos & notos nostros? nequaquam. Vbi ergo? In sancta ciuitate Hierusalem, id est, in Ecclesia. Apud quosnam? Apud eos qui uerbum habent, hic ubi amissum Christum inueneris, retinendus est fide, inuocatione, & sanctis moribus: ne nos rursus deferat, & nos amisso Christo pereamus, sicut Iudas fecit.

DE TERTIO.

Quia



Quia factum Ioseph & Maria monet nos de cura & officio parentum erga liberos: similiter factum pueri Iesu monet, de officio puerorum & obedientia erga parentes, de utroq; ideo breuius dicam, quia de ea re solet in Catechesi diligentius doceri.

Quantum igitur ad parentes attinet, has sequentes admonitiones necessarias esse iudico.

PRIMUM cogitent parentes, se ideo generare liberos, ut liberi nati sint ciues Ecclesie, ac Deum, una cum ipsis colant, & ubi ipsi obdormierint in Domino, Dei cultores suo loco relinquant. Vtinam non pauci essent, qui hoc serio cogitarent.

DEINDE statuant se omnem operam perdituros, nisi pueros suos in timore Domini educauerint, & saepe opem diuinam implorauerint, contra tot insidias, quas diabolus struit tenebrae aetati. Audimus multos conqueri de inobedientia puerorum suorum: sed non animaduertunt, quod diuinitus puniantur, quod uelint suos pueros probos efficere, sine benedictione Domini, quam raro serio implorauerunt.

TERTIO cogitent, quam nobilis res sit puer: quem ipse Dominus in utero matris formauit, aluit, in lucem produxit, donauit corpore & anima, ut ipsum Deum archetypum tanquam in tabella referat.

QUARTO sciant haec ordine curanda esse: corpori debet nutrimentum, educationem, uestes,

&



Et aliquando uirgas, ut liberos in officio contineant: *Animæ debent doctrinam, eam duplicem, pietatis et ciuilitatis, illa bonam conscientiam apud Deum obtinent, hac bonam famam coram hominibus consequuntur. His enim duabus rebus potissimum in hac uita studere debemus. Paulus utramque complectitur, cum ait: Parentes educate liberos in disciplina et correptione Domini. Cõfirmatur Tobia facto, qui filium suum instituens ait: Omnibus dieb. uitæ tuæ in mente habeto Deum, et caue ne peccato consentias. Hic primum pietatis studium commendat filio: Deinde ne cõsentiat peccato, hoc est, ne auscultet eis, qui se ad peccandum inuitant: Requirit ergo à filio sanctam quãdam ciuilitatem.*

POSTREMO cogitent parentes, quàm multa cumulent peccata et committant, qui, ut par est, non faciunt officium in educandis liberis suis. *Primum naturæ legem uiolant, quæ omnibus dictat officium suum esse, piè et honestè prolem educare. Deinde contra Deum peccant: mandatum enim Dei et auctoritatem contemnunt: Is enim cum iubet piè honesteq; liberos educari, contemtor Dei est, qui imperata recusat. Tertiò contra dignitatem suam, Deus enim parentes, loco quodammodo suo uult esse, quantum ad externam disciplinam attinet: sed hanc dignitatem uilipendunt, qui officium negligunt.*

Hæc peccata multiplices pœnæ sequuntur spirituales et corporales, in ipsis parentibus et in liberis

EPI  
liberis: Atque a  
Lam puerorum e  
Iesu pueri exemplum  
magnopere sit ne  
Primum, ascen  
unde discant boni pa  
lere, ac sacros cultus  
se ceremonias Ecclesiæ  
Deinde discant q  
eri discant, quæ re q  
bijs, et audire recta  
suis non dissipant, d  
quod ignorant: non  
men exemplum nobis  
eri pii, reuerſi domum  
si quid dabi haberent  
Præterea, Christiani  
propter uerbum Dei ac  
pueri discant: pluri De  
parentes, in maiori pre  
ui, quàm edicta parentu  
Postremo, Christiani  
illis subiectus. Hinc q  
parentes, ac eis obte  
et honesta sunt. Hæc u  
magnificas promissio  
uicula uicula cum his  
nihil habent comminati  
que etiam ad posteri



liberis : Atque adeò in tota posteritate.

Iam puerorum officiũ erga parentes quale sit, Iesu pueri exemplum euidenter docet: adeò ut non magnopere sit necessum aliunde præcepta petere.

Puerorum  
officiũ.

Primum, ascendit Hierusalem cum parentibus: unde discant boni pueri cum parentibus Deum colere, ac sacros cœtus amare, ac reuerenter interesse ceremonijs Ecclesiæ.

Deinde disputat, quærit, audit : hinc nostri pueri discant, quære quæ ignorant, disputare de dubijs, & audire recta docentes: Quamuis aut̃ Christus non disputauit, de quo dubitauit: non quæsiuit, quod ignorauit: non audiuit rectius docentes: Tamen exemplum nobis prodest. Deberent ergo pueri pij, reuersi domum cum parentibus disputare, si quid dubij haberent de rebus auditis &c.

Præterea Christus parentes, cognatos, notos propter uerbum Dei amittit : hinc nostri quoque pueri discant, pluris Deum facere, quàm carnales parentes, in maiori precio habere uerbum Dei uiui, quàm edicta parentum.

Postremo, Christus redit cum parentibus, et est illis subiectus. Hinc pueri nostri discant reuereri parentes, ac eis obtemperare in omnibus quæ pia & honesta sunt. Hæ uirtutes puerorum, ut habent magnificas promissiones de bono successu in hac uita: Ita uicia cum his uirtutibus pugnantia in pueris habent comminationes & pœnas grauissimas, quæ etiam ad posteritatem eorum se extendunt:

nam



110      DOMINICA II. POST  
nam ut plurimum nepotes ueluti hereditate acci-  
piunt maiorum uicia.

DE QVARTO.

Quia de quarto loco nonnulla die abhinc octa-  
uo dicta sunt tantum unum & alterum uerbum  
dicam. Iuxta diuinam naturam Christus non cre-  
scebat etate, sapientia & gratia: sed iuxta huma-  
nam naturam, quam, quia ueram assumpsit, in ea cre-  
uit etate, sapientia & gratia. Cuius exemplum  
utinam imitemur, ut cum etate, sapientia &  
gratia coram Deo & hominibus accresceremus.  
Hoc autem ut fiat, donet nobis Christus, Cui glo-  
ria in secula seculorum, Amen.

DOMINICA II. POST

EPIPHANIAM, EVANGE-  
lium Iohan. 2.


**E**T die tertia nuptiæ fiebant in Cana Ga-  
lilææ, & erat mater Iesu ibi. Vocatus est  
autem & Iesus, ac discipuli eius ad nuptias.  
Et ubi defecisset uinum, dicit mater Iesu ad  
eum: Vinum nō habent, dicit ei Iesus: Quid  
mihi tecum est mulier? nondum uenit hora  
mea. Dicit mater eius ministris: Quodcūq;  
dixerit uobis facite. Erant autem ibi lapideæ  
hydriæ sex positæ, secundum purificationem  
Iudæorum, capientes singulæ metretas binas  
aut ternas. Dicit eis Iesus: Implete hydrias  
aqua. Et impleuerunt eas usq; ad summum,  
Et



Et dicit eis: Infundite  
clino; & tulerunt. Poi-  
architriclinus aquam  
que sciret unde esset.  
qui hauserant aquam,  
cit ei: Omnis homo  
num ponit, & cum in  
quod deterius est.  
num usq; ad hoc ter-  
um signorum Iesus:  
nifestauit gloriam  
cum discipuli eius.

ENARRAT





Et dicit eis: Infundite nunc, & ferte architriclino: & tulerunt. Postquam autem gustasset architriclinus aquam in uinum uersam, neque sciret unde esset, sed ministri sciebant, qui hauserant aquam, uocat sponsum, & dicit ei: Omnis homo primo loco bonum uinum ponit, & cum inebriati fuerint, tunc id quod deterius est. Tu seruasti bonum uinum usque ad hoc tempus. Hoc edidit initium signorum Iesus in Cana Galilææ, & manifestauit gloriam suam, & crediderunt in eum discipuli eius.

ENARRATIO TEXTVS.

HOC



**H**OC Euangelium pars est Historie Christi, in qua suam gloriam in nuptijs manifestam reddit: Nam uini miraculo, & suam naturam diuinam declarat, & officium insinuat, & ueritatem suae doctrine, tanquam diuino quodam sigillo obsignat: Naturam quidem suam diuinam eo declarat, quod naturas rerum uerbo permutat: ad ipsius enim mandatum aqua fit uinum. Officium uero ostendit, quod imploratus opem ferat indigentibus. Certitudinem doctrine hoc miraculo ueluti obsignat: Nam ne quis de certitudine doctrine ipsius, quae coelestis est, dubitet, diuinum edit opus, quod doctrine testimonium reddit: unde discipuli eius in fide confirmantur.

Loci autem quos in hac concione tractabimus, erunt quatuor.

- I. De nuptiarum solennitate.
- II. De ipso coniugio iam inito & confirmato.
- III. De presenti miraculo, cum suis circumstantijs.
- IIII. De exemplis uitae quae hinc sumi possint.

DE PRIMO.

De nuptijs dicturus, haec ordine dicam. 1. Inter quas personas, natura & pietas nuptias approbet. 2. Qua uia futuri coniuges debeant nuptias aggredi. 3. Qualis consensus, & quorum esse debeat. 4. Cur in coetu Ecclesiae publico stipulationem publicam fieri conueniat. 5. Quale conuiuium nuptiale esse deceat.

In



In personis matrimonium ineuntibus spectanda sunt quatuor, cognatio, affinitas, religio & naturales uires, quæ in coniugio requiruntur. Quantum ad cognationem et affinitatem attinet, arcendi sunt à matrimonio, qui se inuicem attingunt gradibus consanguinitatis & affinitatis in Levitico prohibitis. Præterea eam uiolare gradus, à magistratu ciuili prohibitos, nequaquam licet. Quid autem in religione fieri expediat, factum Abrahamæ aliorumq; sanctorum, interdictum Pauli, pericula, imò in multis horrendi lapsus ostendunt. Abraham cum suo Isaaco uxorem diligere instituit, mandauit procuratori domus suæ Eleezer, ut non acciperet filio suo, de filiabus Cananeorum: sed abiret ad cognationem suam, et inde acciperet uxorem filio suo Isaac. Sciuit enim Abraham, quantum, mali in familia pariat dispar religio: Hinc enim contentiones, hinc blasphemie, hinc impedimenta cultus & inuocationis Dei.

Interdictum Pauli est, ne ducamus iugum cum infidelibus: quòd non solum de doctrina intelligendum est: sed de omni uitæ consuetudine. Qui tetigerit picem, inquit Salomon, coinquinabitur ab ea. Neq; enim fieri potest, ut qui cum impio conuersetur, non aliquid labis ipse etiam contrahat.

Pericula & multi horrendi lapsus ex dispari coniugio sequuntur, testis Salomon est, qui prophetarum mulierum conuictu factus est idolatra: Testis est Achab, qui impie Iezabelis consilio adeo fu-

Inter quas personas  
nā & pietas nup-  
tias approbet.

H rit,



rit, quòd Prophetas Dei trucidare non ueritus sit, ac tandem ruit in aeternum exitium: tantum potest impie mulieris malicia.

His accedat puerorum educatio, quæ legitima esse nequit, quando parentes diuersam colunt religionem: Tum enim aut pueri omnino prophani fiunt, omnis religionis contemtores, aut hypocritæ, cum propter alterum parentum, quod sentiunt, confiteri non audent.

Quartò requirit in personis, quæ contrahent matrimonium, ne altera alteram fallat, cum uel morbo & frigidityte exhaustæ sint uires, uel alioqui in natura defectus sit, ut quis ad matrimonij beneuolentiam reddendam non fuerit idoneus.

Viam, qua futuri coniuges debeant nuptias agredi, docent exempla, pietas & honestas. Hæc enim tria simul docent, quòd non à leuitate, ut sæpè fit, non inter pocula, non à libidine incoandus sit contractus. Abraham petit suo filio coniugem, parentes Rebecca consentiunt. Postea queritur puellæ consensus, & Isaac eam in uxorem ducit. Iacob seruit Laban longo tempore, parentes puellæ de nuptijs sollicitat, quorum uoluntati accedit uirginis pudicus consensus. Pietas quoq; idem suadet: Nam ut quartum præceptum præcipit honorari parentes: Ita uult etiam, ut hic honor parentibus deferatur, ut de nuptijs liberorum statuunt, utq; liberi nihil in hac re tentent cum contumelia parentum. Hoc etiam ipsum omnibus dictat natura,

Exemplum Abraham.

Pietas.

Honestas.



tura, ut honesta sit hæc copula, quæ non nisi per mortem finire aut dissolui potest.

Postquam autem hac via omnia legitimè tentata sunt, propius rem accedere oportet, & audientius mutuus contrahentium consensus, qui minimè coactus esse debet: sed liber, ut neutra pars se coactam dicere iure possit. Quamquam enim à parentibus rectè sit initium: tamen parentibus non licet inuitos cogere: Nam præterquam quòd coactum matrimonium non sit uerè matrimonium, accedit hoc mali, quòd rarò in talibus res benè succedat.

Cur autem in cœtu Ecclesiæ stipulationem publice fieri conueniat, quatuor sunt causæ. I. Vt sciant qui contrahunt hunc statum in Ecclesia locum habere. 2. Vt uoce ministri instituantur futuri coniuges in hoc sui coniugij auspicio. 3. Vt testis sit Ecclesia stipulationis factæ, ne cum scandalo uiuant, ac si contubernium potius esset, quàm coniugium. 4. Vt inuentur publice precibus totius Ecclesiæ, quò inceptum matrimonium cedat in gloriam Deo, ipsis in commodum, adeoq; toti Ecclesiæ in ædificationem per piam in sancto coniugio conuersionem.

Restat ut de conuiuio nuptiali breuiter aliquid dicatur, in quo quid abesse, quidq; adesse oporteat, considerandum est. Abesse omnino oportet à Christianis nuptijs. 1. Crapulam. 2. Superbiam. 3. immodicos sumtus. 4. Turpes & scurriles sermones, quales solent esse impudicorum tibicinium.

H 2 5. m

Consensus.

Stipulatio cur  
fiat in cœtu  
Ecclesiæ.

Coniugium  
nuptiale.



5. Impedimentum pietatis, ne uidelicet eo tempore indulgeant conuiuio, quando sacra in templis fiunt, unde Deus offenditur, proximus scandalizatur, et multis est occasio lapsus. Contra, adesse debent. 1. Pietas. 2. Honeſta hilaritas. 3. Sancta colloquia. 4. Crebra uota, ut Deus hunc ſuum ſtatum ſua benedictione ſecundet: Hæc enim legimus in ſanctorum nuptijs fuiſſe uſitata, quare etiam Deus ſua bonitate huiusmodi nuptias eſt proſecutus.

## DE SECVNDO.

Postquam iam de nuptijs quedam ſignauimus, breuiter nunc de ipſo inito & confirmato matrimonio nonnulla adijciam, & tantum duo faciam: Primum cauſas finales coniugij cõmemorabo. Deinde quibus uirtutibus conſuetudo coniugalıs amabilis & dulcis redditur, exponam.

*Cauſa finales  
matrimonij.*

Cauſas finales matrimonij quatuor eſſe omnes pij norunt: quarum PRIMA eſt mutuum adiutorium: Nam, cùm Salomon dicit: uæh ſoli, ſignificat mutuum adiutorium & ſocietatem neceſſariam eſſe, quò melius & tranquillius ærumnas huius uitæ feramus. Propter hanc cauſam poſſunt contrahere matrimonium ſenes, quorum corpus effæctum eſt, ut gignere non poſſint.

SECVNDA cauſa, eſt procreatio ſobolis: uult enim Deus iſto pacto humanum genus ſeruare. Atq; ideò ad primos parentes dixit: Crescite et multiplicamini, & replete terram.

TERTIA cauſa eſt, ut ſit Eccleſia domeſtica, in

EP  
cuius quæ parentes  
Prophetica ſunt  
religione doceant  
quedam, perpetua  
irrigentur, ut tunc  
fructum fidei producant  
QVARTA  
huius corrupta & deper  
luc: Propter fornicat  
an habeat. Eſt. n. con  
puriffimum ſcorum  
multa et horrenda  
contumax uolatio  
realis eſt peruerſio  
ſæda tranſgreſſio. 4  
p. Plagam eſt horre  
mus: ſed eius cui ſuo  
uit. 6. Reſurrexerunt  
n. ſecurus eſt, quam tan  
pus, quod olim ad eter  
horrenda templa Dei  
autem tunc tot peccat  
quiſquam manus ultra  
Ceterum conſue  
dulcis redditur hoſes  
tue eriguntur, mutua  
pie præſtito officio.  
Pietas iure prim  
ſuble et firma amicitia



ea, in qua parentes, tanquam Prophetae, dignitate Prophetica sunt ornati, ut suos liberos de Deo & religione doceant, & liberi, tanquam plantulae quaedam, perpetua doctrina & exhortationibus irrigentur, ut tandem fiant arbores dulcissimum fructum fidei producentes.

QVARTA causa, est uitatio scortationis in hac corrupta & deprauata natura: ita. n. ait Paulus: Propter fornicationem unusquisque uxorem suam habeat. Est. n. coniugium remedium contra impurissimum scortationis & adulterij scelus, in quo multa et horrenda scelera concurrunt: Primum. n. contumax uiolatio legis diuinæ est. 2. Legis naturalis est peruersio. 3. Legum ciuiliū turpis & foeda transgressio. 4. Regenerationis cœnum est. 5. Plagium est horrendum: non. n. nostri iuris sumus: sed eius qui suo precioso sanguine nos redemit. 6. Resurrectionis dehonestamentum est, Quid n. foedius est, quàm turpissimo scelere foedare corpus, quod olim ad æternam resurget gloriam. 7. Est horrenda templi Dei prophanatio, I. Cor. 6. Cum autem hic tot peccata concurrant, non est quod quisquam manus ultrices Dei se euasurum putet.

Ceterum consuetudo coniugum amabilis & dulcis redditur hisce quinque: Pietate, uirtute, mutua ἐπιεικεία, mutuo amore, & utrinque sedulo & pie præstito officio.

Pietas iure primum locum tenet. Nulla enim stabilis et firma amicitia est, nisi à Deo ortum ha-

H 3 beat

Coniugium  
dulce red,  
dicitur.



beat: quare pietatem prælucere necesse est: cum enim coniuges decreuerunt Deo obedire, omnia postea facilia fiunt.

Virtus & morum probitas inter coniuges, mutuam oblectationem parit. Hæc enim cum exercetur, consuetudinem uitæ reddit amabiliorem.

Mutua ἐπιείκεια, qua æqui boniq; consulimus alter alterius mores & errores, omnino est necessaria: Nam in hac imbecillitate naturæ multa errata incidunt, quæ nisi mutua condonatione teguntur, horrendi tumultus orientur.

Mutuus amor ex pietate ortum habens & uera uirtute, facit, ut non minus acutè in aliorum uicia intropiciamus: sed multa aut non animaduertimus, aut si audiuerimus, amore tegimus: operit enim multitudinem peccatorum caritas.

Officium utrinq; piè & sedulò præstitum iugum leue & suaue reddit. Cum enim coniuges se mutuò animaduertunt, & uident parem diligentiam in officio, fit & suauior consuetudo, & magis utrinq; excitantur ad officia præstanda, ut alter alteri æqualia reddat.

Hæc quinq; ubi non adsunt, uitæ consuetudo omnium acerbissima est, imò ipsa morte durior. Quare pij dent operam, ut hæc uirtutes perpetuò in sua uita conspiciantur.

#### DE TERTIO.

Explicatis locis, qui præbuerunt occasionem huic miraculo: nunc ipsum miraculum cum suis  
cir=

ET  
circumstantiis uide  
plures, ut sunt tem  
et responsio, appa  
confirmatio mirac  
Tempus notat  
Galileam perueni  
num miraculorum  
Tempus igitur mon  
miraculum perpend  
Occasio miraculi  
potest. Ipse nuptie  
lesu uiuatio ad nu  
uigini ad uiuand  
Deficiente igitur  
dicit: Vinum non hab  
cum est ualeret, non  
quidem hoc dicit, uel  
filius opem ferat, præse  
demerit: sed Cor  
idq; maximas ob caus  
matris titulo: sed ma  
pellat. Deinde atriqui  
uenit hora mea. Den  
uidet enim quæ sup  
enture de invocati  
quid quæ propria esse  
lum in eie essent tran  
reponso perpetuam  
in seculis tradit, ne



circumstantijs uideamus. Sunt aut circumstantie plures, ut sunt tempus, occasio, intercessio matris et responsio, apparatus miraculi, miraculum ipsum confirmatio miraculi, usus & fructus eiusdem.

Tempus notatur quod & tertio die, ex quo in Galileam peruenerit factum sit, & omnium primum miraculorum quæ Dominus edidit, fuerit: Tempus igitur monet, ut singulari diligentia hoc miraculum perpendamus.

Occasio miraculi quadruplex è textu colligi potest. 1. Ipsæ nuptiæ in Cana celebrate. 2. Matris Iesu inuitatio ad nuptias. 3. Defectus uini. 4. Cor uirginis ad iuuandum promptissimum.

Deficiente igitur uino, Mater Iesu ad Filium dicit: Vinum non habent: Cui Iesus, Quid mihi tecum est mulier? nondum uenit hora mea. Mater quidem hoc dicit uel commiserationis causa, uel ut filius opem ferat præsentī necessitati, quacūq; tandem ratione: sed Christus matri durius respondet: idq; maximas ob causas: non hic dignatur eam matris titulo: sed mulierem simpliciter eam appellat. Deinde ait: quid mihi tecum? nondum enim uenit hora mea. Dominus hic longius prospicit: uidet enim quæ superstitiones aliquando erant orituræ de inuocatione Mariæ uirginis. Videt quod quæ propria essent Dei & mediatoris, in illam impiè essent translaturi. Quare hoc duriori responso perpetuam & grauem doctrinam omnibus seculis tradit, ne immodicus sanctorum cultus



sui officij honorem obscurer: atq; ideo matrem propriam in uulgarem mulierum ordinem cogit: Non ergo de causa leui matrem ita alloquitur: Quid mihi tecum? sed ut inter suum officium & matrem, adeoq; alios sanctos discernat. Non uult partiri officium, quod suum est proprium, & matri partem attribuere: sed sibi soli uendicat saluatoris officium: Impie ergo superstitiosi uirginem salutarunt reginam coeli, aduocatam, uitā, dulcedinem, matrem gratiæ, atq; adeo salutem mundi: Nulla enim pars redemptionis Mariæ ascribenda est. Quod autem addit, nondum uenit hora mea, duo insinuat, nempe se nequaquam incogitantia uel torpore cessasse, et sibi rem curæ furturam, ubi oportunitas se offerret.

Quid hinc mater Iesu? quodcumq; ait ministris, dixerit uobis, facite: hoc ad apparatus miraculi pertinet: concipit tantum mater bonam spem, ut presenti necessitati succurrat filius. Quod autem dicit ministris: Quicquid iusserit uobis facere, facite, nobis suppeditat generalem doctrinam in Ecclesia, cuius et typus et membrum est beata uirgo. Quid ergo Ecclesia hinc discit? ut cum beata uirgine iubeat ministris adeoq; omnibus Christianis, ut Christo obtemperent faciendo quicquid ille iusserit, ut ut parum ratione consensum esse uideatur.

Iam Dominus oblata oportunitate iubet ministris, ut hydrias, id est, uasa aquaria sex, quæ illic erant



erant destinata purgationi superstitiosæ Iudæo-  
rum, quarum singulæ capiebant binas aut ternas  
metretas, hoc est, omnes simul circiter sex Amer-  
uini capiebant, has inquam hydrias iubet Dominus  
implere aqua usq; ad summum: quo facto iubet da-  
ri Architricino. Nam arcana uirtute Christi, ui-  
num iam erat, quod modò fuit aqua: quod cum gu-  
stasset Architrclinus, dicit sponso: Omnis homo  
primum bonum uinum ponit, & cum inebriati  
fuerint, tum id quod est deterius: Tu autem serua-  
sti bonum uinum usq; adhuc. Hoc additum est ad  
confirmationem miraculi: testatur enim Architri-  
clinus, hoc uinum multò nobilius fuisse quàm id,  
quo antea usi sunt.

Iam sequitur usus & fructus miraculi, Et ma-  
nifestauit ( inquit Euangelista ) gloriam suam, &  
crediderunt in eum discipuli eius. Destinatum igitur  
erat hoc miraculum duabus rebus, nempe ma-  
nifestandæ Christi gloriæ & fidei discipulorum  
confirmandæ. Quæcunq; enim miracula mundo  
ostendit Christus, totidem diuinæ eius gloriæ te-  
stimonia fuerunt, & totidem doctrinæ ipsius ac  
fidei in auditoribus obsignationes.

Hic est ergo uerus usus miraculorum Christi,  
ut eius gloria illustrata, & per illa ueluti authen-  
tica sigilla confirmata ipsius doctrina, in ipsum ui-  
ua fiducia recumbamus. At miracula quæ uel ob-  
scurant gloriam Christi, uel fidem extinguunt, præ-  
stigie Diaboli sunt, à quibus, ut nobis caueamus,

H S monet

Fructus mira-  
culorum.



monet Dominus Matth. 24. Surgent, inquit, Pseudochristi & Pseudoprophetae, & dabunt signa et magna prodigia: Ita ut in errorem inducantur, si fieri possit, etiam electi: Ecce praedixi uobis. Nemo ergo credat miraculis, nisi quae gloriam Christi manifestant, & ueram in ipsum fidem alunt & confirmant.

## DE QVARTO.

Quia in hoc Euangelio multarum personarum fit mentio, nunc quid doctrinae & admonitionis, à singulis petendum sit, breuiter ostendam.

Primum igitur ab omnibus his conuiuiis discamus exemplum frugalis hilaritatis, modò absit luxus & insania: de qua re in primo loco plura dicta sunt.

A sponso & sponsa discamus, Christum recipere in nostra conuiuia, quod tum denique fit, quando in timore Dei, & cum gratiarum actione utimur donis Dei ad honestam hilaritatem, & relinquimus domi eos, qui non sunt inuitati.

A miraculo discant sponsus & sponsa, quòd, si Christus ab ipsis ad nuptias inuitetur, mutaturus sit aquam in uinum, hoc est, omnia amara in dulcia conuertet, eos prosequetur sua benedictione, adeò ut nihil sit ipsis defuturum.

A Christo discamus pro nostris facultatibus, iuuare sponsum & sponsam, hoc est, Ecclesiam ornare quibuscumque id tandem poterimus modis.

A Christo rursus res, quae in abusu et superstitione

EPH  
tion fuerunt, trans  
in gloria Dei & Ecc  
mi. Hydris hic se  
ce, sed Christus eis  
gloriam, & in adf  
Ecclesiastica quae cum  
liorem usum conuerit à  
A Maria discamus  
one & inopia, & inno  
qua adfit benedictione.  
Ab Archiricimo d  
Christi facta approbat  
A ministris discam  
cotemperare, & non  
quam facere quid iubeat  
A Christo, Maria, &  
familiaritatem cum homin  
lere illorum tenuitatem d  
honestas nuptias nostra p  
cultatibus, cum res possit  
Hec copiosius diximus  
hec materiam, quam conti  
in tractari solet. De  
matrimonio, ostendi qu  
violatio sexti precepti  
suis circumstantijs, & q  
eius exempla personarum  
commendant. Deus aut  
Christi det nobis suam



tionem fuerunt, transferre ad bonum piumq; usum, ut glorie Dei & Ecclesie in ædificationem seruiant. Hydrie hic seruerunt superstitioni Iudaeæ: sed Christus eis utitur ad illustrandam suam gloriam, & in ædificationem Ecclesie. Ita bona Ecclesiastica quæ olim erant, in abusu, nunc in meliorem usum conuerti deberent.

A Maria discamus affici aliorum commiseratione & inopia, & inuocare Deum, ut pauperibus sua adsit benedictione.

Ab Architriclino discamus purgatis mentibus Christi facta approbare.

A ministris discamus Christo iubenti operas obtemperare, & non tam spectare quid iubeat, quam facere quod iubeat.

A Christo, Maria, & discipulis simul discamus familiaritatem cum hominibus colere, boni consilii illorum tenuitatem: discamus etiam pauperum honestas nuptias nostra præsentia honorare, & facultatibus, cum res postulat, iuuare.

Hæc copiosius diximus de hoc Euangelio, quia hæc materia, quam continet, non nisi semel in anno tractari solet. Dixi de ratione nuptiarum, de matrimonio, ostendi quoq; quantum peccatum sit uiolatio sexti præcepti: Exposui miraculum cum suis circumstantiis, & quid doctrinæ et admonitionis exempla personarum in hoc Euangelio nobis commendent. Deus autem pater Domini nostri Iesu Christi det nobis suam gratiam, ut hoc miraculo con-



124 DOMINICA III. POST  
lo confirmati, Deo Patri, Christo & Spiritui sancto  
ueram tribuamus gloriam in uero timore Dei  
& fide, cui soli immortalis & uiuus Deo sit honor,  
gloria & imperium in omnia secula seculorum,  
Amen.

DOMINICA III. POST  
EPIPHANIAM, EVAN-  
gelium Matth. 8.



Cum descendisset autem de monte, secutæ sunt eum turbæ multæ: Et ecce leprosus accedens adorauit eum dicens: Domine, si uelis, potes me mundare: protensaque manu tetigit

EPIPH  
tetigit illum, dicer  
propterea mundata  
illi Iesus: Vide, ne c  
replum Sacerdoti  
sic offerri Moles in  
cum ingressus fuit  
eum Centurio obi  
Domine famulus m  
rahyticus, ac grauit  
illi Iesus: Ego cum  
respondens Centuri  
sum idoneus, ut te  
tantum dic verbum  
meus. Nam & eg  
testati subditus, & l  
dico huic, uade, & u  
nit, & seruo meo, fac  
tem cum audisset Iesu  
sequentibus se: Amen  
quidem tantum fidei  
uobis, quod multi ad  
uenturi sunt, & accu  
& Isaac, & Iacob in re  
regni episcientur in  
ent ploratus & strid  
sus centurioni: Abi  
dis, ita fiat tibi, & fa  
hora illa.  
ENARRAT



CA III. POST

ri, Christo & Spiritu  
gloriam in uero timore  
trali & uiuo Deo sit  
in omnia secula seculi

CA III. PO

NIAM, EVAN-  
am Matth. 8.



isset autem de monte  
urbæ multæ: Et ecce  
auit eum dicens: Do-  
mundare: protensaq

EPIPHANIAM.

325

tetigit illum, dicens: Volo, mundus esto: ac  
protinus mundata fuit illius lepra. Et dicit  
illi Iesus: Vide, ne cui dixeris, sed abi, ostende  
teipsum Sacerdoti, & offer munus, quod ius-  
sit offerri Moses in testimonium ipsis. Porro  
cùm ingressus fuisset Iesus Capernaum, adiit  
eum Centurio obsecrans eum, & dicens:  
Domine famulus meus decumbit domi pa-  
ralyticus, ac grauiter discruciat. Et dicit  
illi Iesus: Ego cùm uenero, medebor illi. Et  
respondens Centurio, dixit: Domine, non  
sum idoneus, ut testum meum subeas: Imò  
tantum dic uerbum, & sanabitur famulus  
meus. Nam & ego sum homo alterius po-  
testati subditus, & habeo sub me milites, &  
dico huic, uade, & uadit, & alteri, ueni, & ue-  
nit, & seruo meo, fac hoc, & facit. Hæc au-  
tem cùm audisset Iesus, admiratus est, & ait  
sequentibus se: Amen dico uobis ne in Israel  
quidem tantum fidei reperi. Dico autem  
uobis, quod multi ab Oriente & Occidente  
uenturi sunt, & accumbent cum Abraham,  
& Isaac, & Iacob in regno cœlorum: filij uerò  
regni ejicientur in tenebras exteriores, illic  
erit ploratus & stridor dentium: & dixit Ie-  
sus centurioni: Abi, & quemadmodum cre-  
dis, ita fiat tibi, & sanatus est famulus eius in  
hora illa.

ENARRATIO TEXTVS.

HOC



**H**oc Euangelium proponit nobis affectū Christi erga genus humanum, & precipuē erga eos, qui ad se in anxietate & cruce confugiunt. Quod enim uerbis promisit, dicens: Venite ad me omnes, qui laboratis & onerati estis, & ego reficiam uos, & inuenietis requiem animabus uestris, Id hīc facto declarat. Nam postquā in monte Patris uerbum docuisset, descendit, & opere quod docuit complet, suam doctrinam miraculis confirmans. Duo siquidem miracula hīc edit: uerbo sanat leprosum, mandato absentem centurionis filium curat. Horum miraculorum usus est, ut & Christum uerum Messiam esse comprobent, & eundem uelle afflictis se inuocantibus opem ferre testentur, non secus atq; huic leproso & Centurioni se inuocantibus opem tulit. Caterū quō nobis præsētia miracula ad maiorem instructionem seruiant, quatuor locos tractabo, qui sunt.

- I. Generalis doctrina de omnibus miraculis Christi.
- II. De leproso et eius curatione et circūstātijs.
- III. De Ethnico Centurione, eius fide, & cura pro famulo.
- IIII. Laudatio fidei huius Ethnici.

## DE PRIMO.

Quia Euāgelica historia multa miracula Christi, quibus suam gloriam manifestat, doctrinam confirmat, et fidem in auditoribus auget, continet: uolo breuem & generalem doctrinam tradere, cuius  
usus



usus erit in omnib. particularibus miraculis Christi. Cur autem Dominus addat suo sermoni miracula, proximo die Dominico dictum est, & iam statim breuiter in principio repetij. Verum ut plenam doctrinam miraculorum habeamus, plura sunt excutienda, quæ ut in certum claudantur numerum, quinque questionibus omnia subijciam: Quæ personæ: qui fines: quis modus: & quis usus: curque hodie non edantur miracula.

De miraculis  
questiones.

Personæ sunt triplices: Primum morbis & tyrannide Diaboli oppressæ. Deinde spectatores miraculorum. Postremo Christus miracula edens.

Fines sunt plures. 1. Ut Christus suam gloriam manifestet. 2. Ut doctrinam suam obsignet. 3. Ut hominum fides confirmetur, qui miracula cernunt. 4. Ut Deus glorificetur uisis ipsius stupendis operibus. 5. Ut paulatim regnum Diaboli destruat. Quæcunq; miracula eduntur contra hos fines, damnantur, ut præstigiæ Diaboli, Mathæi 24.

Modus uariis est: nunc enim solo uerbo edit miracula, ut hîc: nunc, ut precium sui corporis ostendat, manum applicat: nunc ad Deum præmissa gratiarum actione: nunc sola uirtute sine uerbo, ut aquam in uinum coruertit. Ad hunc modum etiam pertinet fides eius, qui miraculo iuuatur, ut in hoc Euangelio legitur.

Usus triplex est: ut miraculose sanatus non amplius peccet: ut spectatores fiduciam de sanatore concipiant: utq; nos, qui miracula domini legimus, de



de gloria Christi & de doctrina confirmemur, simul fidem in ipsum concipiamus, quod non secus erga nos affectus sit, quam fuit erga illos.

V.

Præsentia Christi  
in Ecclesia

Sed cur iam nulla miracula fiunt? Cæcus planè est, qui nulla miracula hodiè conspicit. Ecclesia Christi est exiguus grex, quem Diabolus Rex tenebrarum, & Papa Antichristus persequuntur, & omnes nervos intendunt eò, ut ueram Christi religionem extinguant: id tamen non possunt. Vnum Lutherum totus mundus persequabatur: sed pilum de capite ipsius non tetigerunt. Quare? Miraculo se ipsum adq; adeo pusillum suum gregem defendit Deus. Hæc præsentia Dei in Ecclesia satis miraculosa est, ut non alia miracula querere sit necesse. Deinde miracula & uirtutes sanationum corporum & uisibiles donationes. S sancti solummodo in primitiua Ecclesia edebantur, ut in perpetuum in omnem posteritatem Christi gloriam, doctrinam & nostram fidem confirmarent. Quorum usus apud nos est, ut sciamus ea fuisse authentica quædam sigilla, quibus Deus suam doctrinam in perpetuum confirmatam & obfirmatam uoluit.

## DE SECVNDO.

In leproso qui sanatur, spectentur sex: Infirmitas, personæ conditio, fides, inuocatio, patientia, confessio.

Infirmitas  
Leprosi.

Infirmitas leprosi pœna peccati est: quare ipsum iræ diuinæ admonet, et iusti Dei iudicij. Est. n. omnis crux, omnis calamitas, et quicquid aduersi nobis in

his in hac uita accidit, quæ Deus accusat, quæ Dei iustissimam sine cognitione uide sepe fit, ut he paulatim tenebatur de ti, nunquam, uel ad finit: Hoc uno declar Thebanus, orta in suo quod atrox scelus, a Vocat Tirestiam sacer di arte monstret aut pier quod tota resp infestetur: Depreh et non alium istud gra lerat. n. de proprii ma duerat, liberos: Nam p tibus, ut interimeretur, tum erat, parci guerra stus, bella gessit pro Th bene gesta ei regnum it castam in uxore dederu priam matrem in uxore catum Oedipo innotu spexit totum regnū g pier suum factū, de ira none adigitur in despa ximum adimit sibi co. Deinde conficiet



bis in hac uita accidit, ueluti concio quedam diuina, qua Deus accusat peccatum, ostendit suā iram: quam Dei iustissimam iram cum homo cogitat serio, sine cognitione Christi, in desperationem ruit: undè sepe fit, ut homo uel sibi manus afferat, uel paulatim tabescat dolore: Conscientia enim peccati, nunquam, uel ad momentum illum tranquillum finit: Hoc uno declaremus exemplo: Oedipus rex Thebanus, orta in suo regno Pestilentia, cegitat ali- quod atrox scelus, à se uel suis perpetratum esse: Vocat Tiresiam sacerdotem: iubet ut sua auguran- di arte monstret autorem tam atrocis sceleris, propter quod tota respublica adeò graui pestilentia infestetur: Deprehendit tandem Oedipus seipsum et non alium istud graue scelus perpetrasse. Sustulerat. n. de propria matre, quā ignarus in uxorem duxerat, liberos: Nam puer expositus est à parenti- bus, ut interimeretur: sed pastor, cui hoc manda- tum erat, parcit puero eleganti, qui tandem uir fa- ctus, bella gessit pro Thebanis feliciter, & pro re benè gesta ei regnum tradiderunt, et reginam Io- castam in uxore dederunt: ducit ergo ignarus pro- priam matrem in uxorem. Postquā aut hoc pec- catum Oedipo innotuit per sacerdotem, & con- spexit totum regnū grauissima peste infestari propter suum factū, de ira Dei cogitat: Huius cogita- tione adigitur in desperationem. In hac desperatio- ne primum adimit sibi oculos, ne hunc solem aspi- ciat. Deinde conscientia sceleris excarnificatus,

I                      magno



magno eiulatu iubet, ut astantes à se discedant, ne uel umbra sua noceat bonis. Postea fugiens à regno, uixit cæcus & mendicus, donec desperatione absorptus, perijt. Mater Iocasta peccati cōscientia impatiens doloris, mox ubi innotuit culpa, sibi uitam laqueo finiuit: Adeò horrendum & fœdum malum est peccatum, quando homo illud cordis oculis uerè intuetur.

Personæ leprose conditio admodum dura fuit: nam separatim à cœtu populi Dei illum uiuere oportuit. Quo ingenti dolore haud dubiè multi contabuerūt: nam non solum à societate hominum fuerunt exclusi: uerumetiam consolatione per uerbi prædicationem destituti erant. Præterea quinque notis erant ab alijs hominibus distincti, quæ res non parum auxit dolorem. Prima nota, uestimentum dissolutum & dissectum. Secunda, caput detectum. Tertia, os coopertum. Quarta habitatio semota ab hominum consuetudine. Quinta, publica proclamatio, qua immundus proclamabatur, ut indignus qui inter Israëlitas in populo Dei uersaretur. Atque hæc conditio fuit huius leprosi: his malis si non accessisset fides in Christum, prorsus dolore fuisset extinctus.

Accedit ergo Christum, concipit fidem & tametsi sensit se damnationem meruisse: tamen liberali promissione Christi se erigit. Audiuerat haud dubiè hanc uocem Christi: Venite ad me omnes qui laboratis & onerati estis. Audiuerat haud dubiè à

Iohan-

EP  
Iohanne de Christo:  
peccatorum mundi. Lep  
co. Item sanitas con  
sum recumbens.

Ex hac fide Chri  
germanus fructus inu  
nequit, iuxta illud: Qui  
non crediderunt.

Verum in inuocatio  
exemplum proponitur.

Domine, si uis, pote  
modum David expulsi  
tibi se restitui. Si ita D  
leprosus hoc beneficia  
mani Domini, qui meli  
uit, quam nos ipsi.

Hæc præterea oratio  
fuit exemplum habet. Scrib  
bantur eos, qui Christum  
pauper contentus leprosi  
cipibus & sacerdotibus  
tuit Christum omnipote  
Messiam: cuius confan  
imitari decet.

Iam leprosi huius ca  
phores sunt circumstant  
singula peculiares doctri  
que leprosi tangit: pron  
loquor: uerbo tubet eu



Iohanne de Christo: Ecce Agnus Dei qui tollit peccata mundi. Leprosus ergo hic cognito medico, spem sanitatis concipit, certa fiducia in Christum recumbens.

Ex hac fide Christum inuocat: est enim fidei germanus fructus inuocatio, ut quæ sine fide fieri nequit, iuxta illud: Quomodo inuocabunt, in quem non crediderunt.

Verum in inuocatione singulare patientie exemplum proponitur. Ait enim Christo leprosus: Domine, si uis, potes me mundare? Quemadmodum David expulsus regno, cum conditione petijt se restitui, si ita Deo bonum uideretur: Ita hic leprosus hoc beneficium corporale relinquit in manu Domini, qui melius nouit, quæ nobis expediunt, quàm nos ipsi.

Hæc præterea oratio insigne confessionis Christi exemplum habet. Scribe & Pharisei persequuntur eos, qui Christum confitebantur: sed hic pauper contemptus leprosus uel fremantibus principibus & sacerdotibus Christum confitetur, statuit Christum omnipotentem esse, adeoq; uerum Messiam: cuius constantem confessionem & nos imitari decet.

Iam leprosi huius curatio spectanda est, in qua plures sunt circumstantiæ examinandæ, quarum singule peculiare doctrinas habent. Manu corpus leprosi tangit: promittit alacriter quod petit leprosus: uerbo iubet eum mundum esse: effectus,

1 2 hoc



hoc est, mundatio à lepra sequitur continuo: munda-  
dato dat triplex præceptum, ut nemini dicat, ut  
ostendat se Sacerdoti, ut offerat munus secundum  
legem.

Manus extensio et attactus corporis leprosi im-  
mense gratiæ & bonitatis Christi symbolum fuit,  
quo facto mirum in modum leprosi fidem auxit.  
Nam cum uidebat filium Dei non solum non ab-  
horruisse instar aliorum hominum à suo colloquio:  
Verumetiam suam immunditiam manu tetigisse,  
singulari Spiritus gaudio est perfusus.

Cum hoc contactu coniungitur promissio: Vo-  
lo: leprosus ait, si uis. Christus uolo respondet. Hinc  
apud se leprosus conclusit se mox sanatum iri.

Promissioni addit Mundus esto: qua uoce su-  
am diuinam potentiam declarat, confirmat doctri-  
nam, & fidem in spectatoribus & Historiæ lecto-  
ribus auget: uelle enim Christi facere est: omnia  
quæ uoluit in coelo & in terra, fecit. Hæc Christi  
potentia consolabitur nos aduersus potentiam Di-  
aboli &c.

Et confestim est mundata lepra eius. Hoc  
ipsum miraculum est & beneficium erga lepro-  
sum: quo beneficio tanquam simbolo quodam no-  
tat: quod is paratus sit, ad purgandos omnes à sua  
spirituali lepra, qui ad ipsum fide accedunt.

Mandata sequuntur, primum ne leprosus cui-  
quam dicat: huic mandato zelo quodam predican-  
di beneficii Christi leprosus non optemperat, in  
qua

ET  
quæ re non parum pe-  
gratius referre benefi-  
cedentiam potius,  
ceptus est sacrificium  
Secundum & te  
Vade ostende te  
tuum in testimoniu  
stus, ut legi Moysi hoc  
mittitur sacerdotibus  
stos de catu respiciant  
huic suo testimonio.  
uidentur, idèd factum  
bolum gratitudinis i  
essent erga Deum.  
Papiste, quæ ex hoc  
Litem extrinsecum e  
stulsi sunt, & fide depre-  
dientum sensum detorqu  
quam nos retineamus in-  
cendum est.

DE TE  
Historia continens  
tributum, plurimas docti-  
quam, quo melius tene-  
i. Obseruanda est im-  
n Ethnici. Primum sa-  
cor: unde docetur ben-  
mnes pertinere, non e-  
san. Ut enim omnes



quā re non parum peccauit. Debebat enim non gratias referre benefactori iuxta suum sensum: sed obedientiam potius, quā nullum aliud Christo acceptius est sacrificium.

Secundum & tertium mandatum sequuntur: **Vade ostende te Sacerdoti, & offer munus tuum in testimonium ipsis.** Hoc fecit Christus, ut legi Moysi hoc pacto satisfaceret, in qua committitur sacerdotibus iudicium de lepra, ut infectos de cœtu reiiciant, & sanatos recipiant publico suo testimonio. Quod autem offerre sanati iubentur, idē factum est, ut ista oblatio esset symbolum gratitudinis illorum, qui sanitatem adepti essent erga Deum.

Papistæ, qui ex hoc loco confessionem auricularem extruunt cum enumeratione peccatorum, stulti sunt, & fœdē deprauant scripturam, eam in alienum sensum detorquentes. De confessione, quam nos retinemus in nostris Ecclesijs, aliās dicendum est.

## DE TERTIO.

Historia continens beneficium Centurioni exhibitum, plurimas doctrinas, quas numeris distinguam, quō melius teneri possint, habet.

**I.** Obseruanda est imago duplicis populi Iudaici et Ethnici. Primum sanatur Iudæus. Deinde Ethnicus: unde docemur beneficia Christi promiscuè ad omnes pertinere, non esse distinctionem Iudæi, & Græci. Vt enim omnes peccauerunt & egent glori-



ria Dei: Ita omnibus Christus suum beneficium offert fide recipiendum.

2. Diuersa conditio Iudæi et Ethnicus non caret doctrina. Iudæus erat pauper, Ethnicus diues? non ergo Christus respectum habet præsentis fortune, non contemnit pauperem, non reijcit diuitem. Iudæus erat plebeius, nobilis uerò Centurio: in regno ergo Christi, non habent rationem maiorum stemmata: sed in Christum fides, qua omnes siue nobiles siue ignobiles, filij Dei nascuntur. Iudæus erat in mundo contentus, Centurio aulicus honoratus: sed ex fide æstimat Dominus, quis sit apud se honorator.

3. Iam ex circumstantijs quæramus, qualis fuerit fides Centurionis: quòd Ethnicus fuerit extra populum Dei peculiare, satis humiliat ipsum. Posset quidem gloriari apud homines de Centuriatus dignitate: sed hæc gloriatio nullum locum habet apud Deum: Nam ut ait apud Hieremiam Dominus, qui gloriatur, in me gloriatur, qui facio misericordiam, iudicium & iusticiam: non ergo Centurio sine poenitentia accedit Christum: sed agnita sua miseria, opem Christi implorat pro famulo, idq; ex uera fide, qua re ipsius etiam caritas erga proximum declaratur, Cum autem dicit: Non sum dignus, ut intres in domum meam: item, tantum dic unum uerbum, & sanabitur puer meus, & se peccatorem fatetur, & Christum diuinam naturam præditum agnoscit, in quem & credit.

At



At cū subiungit: Nam & ego homo sum sub potestate constitutus &c. significat quā facile sit Christo diuina uirtute etiam absentes iuuare solo uerbo & uoluntate, cū ipse sit homo sub aliena potestate constitutus, possit famulis præscribere quæ facienda, & ipsi imperata faciunt.

4. Hic quæstio oritur de aliena fide. Centurio credit sed famulus eius sanatur: unde certam hanc doctrinam colligimus, quod pii sua fide possint alijs impetrare corporalia beneficia: sed an aliquis aliena fide saluari possit salute æterna, quæstio apud Christianos nulla est: Nam illi sciunt neminem saluari sine propria fide, quæ quidem acquiri potest, cū pii pro alijs orant, ut Deus ipsis largiatur fidem.

## DE QVARTO.

In hoc præconio fidei Ethnici plura sunt consideranda. Primum admonitio Christi, quæ ad eius humanitatem refertur: Indicat enim affectus humanos, sed sine peccato. 2. Iurat se non inuenisse tantam fidem in Israël. Iudæi enim non solum uerbum, uerum etiam signa requirebāt: sed hic Ethnicus modicum doctrinæ gustum cū haberet, solo uerbo est contentus. Mariæ fides perfectior erat: sed ex perfectiori instructione, & certioribus & pluribus signis: maior igitur est Centurionis fides secundum aliquam partem, non secundum absolutam fidei rationem. 3. Docemur hoc loco, quod oporteat fidem crescere, & quotidiana incrementa



136 DOMINICA IIIII. POST  
 sumere. 4. Docet hic Christus de uocatione genti-  
 um, ut ipse cum Abraham, Isaac & Iacob colligan-  
 tur in unam Ecclesiam per fidem in Christum. 5.  
 Prædictio reiectionis Iudæorum propter suam in-  
 credulitatem cum interminatione pœnæ. 6. Cum di-  
 cit Centurioni, Vade, fiat tibi ut credidisti, sig-  
 nificat omnia possibilia credenti, quemadmodum  
 Christus alibi testatur, Cui honor & gloria in se-  
 cula seculorum, Amen.

DOMINICA IIIII. POST  
 EPIPHANIAM, EVAN-  
 gelium Matth. 8.



ET

ET  
 cum ingre-  
 ti sunt eum d-  
 magnus factus est  
 petetur à flucti-  
 Et accedentes di-  
 dicentes Domine  
 cit illis: Quid tim-  
 ducia? Tunc exci-  
 mare, & facta est tr-  
 homines admiraba-  
 hic, quia uenti, quo

ENARR.  
 Hoc Euangelii  
 hic ponit ob oca-  
 riculis, eoq; inuare, se-  
 cum sum in tribulatione  
 tribulationis, exaudiat  
 Ad eundem modum Ap-  
 docet, quid in periculis  
 cum Apostolis Christi  
 quo nobis petentibus  
 summa Euangelij, q-  
 discipulis in mari pre-  
 titus increpet mare,  
 ta magna secuta est  
 bus. Locos autem tres  
 Varietas tenta-  
 do.



Christus de uocatione  
nam, Isaac & Iacob  
in per fidem in Christo  
Iudeorum propter  
terminatione pene. 6.  
e, fiat tibi ut credidit  
bilis credenti, quem  
ur, Cui honor & glori  
en.

ANIAM, EVANG  
lium Math. 8.



**E**T cū ingressus esset Iesus nauim, secu-  
ti sunt eum discipuli sui : & ecce motus  
magnus factus est in mari, adeo ut nauis o-  
periretur à fluctibus, ipse uerò dormiebat.  
Et accedentes discipuli excitauerunt illum,  
dicentes: Domine, serua nos, perimus. Et di-  
cit illis: Quid timidi estis exigua præditi fi-  
ducia? Tunc excitatus increpauit uentos &  
mare, & facta est tranquillitas magna. Porro  
homines admirabantur, dicentes: Qualis est  
hic, quia uenti, quoq; & mare obediunt illi.

## ENARRATIO TEXTVS.

**H**oc Euangelium rursus indolem Christi no-  
bis ponit ob oculos, quæ est suis adesse in pe-  
riculis, eosq; iuuare, secundum Psalmi dictum: Te-  
cum sum in tribulationibus. Item: Inuoca me die  
tribulationis, exaudiam te & honorificabis me.  
Ad eundem modum Apostolorum exemplum hic  
docet, quid in periculis sit faciendum, uidelicet ut  
cum Apostolis Christum nostra fide excitemus,  
quò nobis petentibus opem ferat. Hæc est autem  
summa Euangelij, quòd Christus periclitantibus  
discipulis in nauì præ tempestate subito orta, exci-  
tatus increpet mare, & uentum, unde tranquilli-  
tas magna secuta est, & admiratio in spectatori-  
bus. Locos autem tres tractabimus, qui sunt.

I. Varietas tentationum piorum in hoc mun-  
do.

I 5

II. Hi-



- II. Historiæ præsentis explicatio cum suis circumstantijs.
- III. Pulcherrima imago Ecclesiæ Christi in hoc mundo.

## DE PRIMO.

Quia hoc Euangelium meminit tentationis in nau, uolo breuiter indicare tentationum genera, quibus homines sollicitantur: idq; ideo, ut agnitis, periculis, quæ nos undiq; circumstant, sinus uigilantiores, ne tentationibus fracti abijciamus confessionem ac gratia excidamus. Sicuti enim Christi discipuli inter maris fluctus tentabantur de uita: Ita singuli Christiani, omni ferè hora salutis suæ naufragium timere debent.

Tentationum genera sunt multa: aut. n. tentatio Deum autorem habet, aut à diabolo proficiscitur, aut ab hominibus uenit, aut in ipso qui tentatur causam habet, aut res circumstantes molestant.

Deus tentat, ut nobis ipsis reddamur probatio res: non enim tentat, ut sciat, quem nihil latet: sed ut scire nos faciat, quantum in pietate profecerimus. Et tentat Deus in moribus, & in doctrina, & in signis iræ. In morib. tentauit Abraham, quando iussit eum mactare filium suum unigenitū Isaac in holocaustum: Verū Abraham obediendo Deo in re adeo dura & difficili, factus est sibi ipsi probatior, & uidit uerum suæ fidei fructum, præferre obedientiam erga Deum omnib. rebus mundi. Sic hodiè pij diuinitus tentantur, dum mandatis Dei pro-



III. POST  
explicatio cum

go Ecclesie Christi

PRIMO.

lum meminit tentationem  
dicare tentationum genera  
tantur: idq; ideo, ut ap-  
daq; circumstanti, sum-  
mibus fracti abijciamur  
excidamus. Sicut enim  
s fluctus tentantur a  
u, omni fere hora salu-  
debent.

mera sunt multa: aut, na-  
babet, aut à diabolo prop-  
us uenit, aut in ipso qua-  
ut res circumstantes me-  
nobis ipsis reddamur pro-  
ut sciat, quem nihil latet  
quantum in pietate prop-  
in moribus, & in doctrina  
ib. tentauit Abraham, qu-  
lum suum unigenitum  
Abraham obedientiam  
cili, factus est sibi ipsi  
sue fidei fructum, pro-  
um omnib. rebus man-  
nuntur, dum mandati

EPIPHANIAM.

139

propositis, omnium uirtutum morumq; regulis  
certissimis probatiores sibi redduntur per sponta-  
neam obedientiam. Ac contra qui scientes & uolen-  
tes ruunt in peccata, & succumbunt tentationi,  
sunt rei iræ Dei, donec resipiscant.

Deinde in doctrina quoq; tentat nos Deus, quā-  
do permittit Pseudoprophetas uenire, et uaria do-  
gnata erronea proponere, de quo tentationis gene-  
re loquitur Moses Deut. 13. Si surrexerit in medio  
tui Propheta, aut qui somnium se uidisse dicat &  
prædixerit signum atq; portentum, & euenerit  
quod locutus est, & dixerit tibi: camus & sequa-  
mur Deos alienos, & seruiamus ijs ( hoc est, si no-  
uum modum colendi Deum instituat ) non audies  
uerba Prophete illius & somniatoris, quia tentat  
uos Dominus Deus uester, ut palam fiat, utrum di-  
ligatis eum, an non, in toto corde, et in tota anima  
uestra. Hæc tētatō Deo ascribitur, quatenus pro-  
bationis est, & non seductionis. Ad eundem modū  
hodie dat nobis uerbum: sed permittit oriri here-  
ses plurimas, ut eo pacto nos tentet probetq;, an  
illum uerè ex uia sinceraq; fide diligamus. Ali-  
quando in signis tentat Dominus, dum in cælo, ter-  
ra, mari, horrenda sue iræ signa proponit, quæ si-  
gna mirū in modum piorum animos concutunt.  
De hoc tentandi genere loquitur Moses Exod. 20.  
Nolite timere, ut enim tentaret uos uenit Deus, &  
ut terror illius esset in uobis, & non peccaretis.

Diabolus tentat defectione à doctrina, præsum-  
tione



140 DOMINICA IIII. POST  
tione in officio, idolatricis cultibus & multis alijs  
modis: de quibus dicendum est Dominica secunda  
quadragesima.

Homines, cum hostes, tum amici tentant nos ua-  
rijs modis, doctrina, hypocrisi, exemplo, consilio,  
promissione, comminatione.

Inuenit etiam homo in seipso, à quibus tenta-  
tur, ut sunt peccatum hereditarium. Deinde mul-  
ti affectus inde pullulantes, qui nos sollicitant, ut  
aliquid contra Deum tentemus. Tentatur inter-  
dum homo à dotibus aut animi aut corporis, qua-  
les sunt pulcritudo, robur, ingenium, artificium  
&c. Hoc tentationis genere, qui superari nolit, co-  
gitet omnia diuinitus collata in Dei gloriam & a-  
liorum commodum.

Res quoque circumstantes sæpè piorum mentes  
tentant & perturbant, quarum quædam ante nos  
sunt, ut quæ imminet: quædam post, ut quæ præ-  
terierunt: quædam à dextris, ut quæ iucunda sunt:  
quædam à sinistris, ut quæ tristia existant. Ante  
nos, mors minatur, iudicium Dei horrendum ex-  
cruciat, infernus os patens habet. Post nos seu re-  
trò à tergo sunt præterita peccata, quæ conscien-  
tiam hominis cruciant. A dextris sunt diuitiæ, ho-  
nores, potentia, quæ multos homines in æternum  
exitium præcipitant. A sinistris sunt paupertas,  
probra, contentus, infamia, pericula in terra, ma-  
ri, domi, foris. Hæc tentationum genera sunt gra-  
uissima, quæ superantur fide, inuocatione, crebris  
suspi-



suspirijs ad Deum pro auxilio, morum innocentia, breuiter, perpetua seriâq; pœnitentia. Hæc de tentatione uolui hoc loco dicere, ut nos excitemur ad uigilantiam et precationē, ne intremus in tentationem. DE SECVNDO.

In huius miraculi historia sequentes sunt considerandæ circumstantiæ.

1. Tentatio fidei. Discipuli habent secum in nauem Dominum, atq; ideò nauigant securius: sed hæc securitas non ita diuturna fuit: Nam tempestate orta, nauis fluctibus obruitur: unde factum est, ut qui paulò antea securi nimium fuerunt, iam fluctibus maris desperabundi obijciantur: Quare nemo, nimium fidat secundis: sed in rebus secundis metuat.

2. In hoc periculo grauißimo Christus dormiuit, cum ut uires laboribus fatigatas somno recrearet ac reficeret, tum ut discipulorum fidem exploraret, non quòd ipse scrutator cordium quicquam ignorarit: sed ut ipsi sibi discipuli fierent notiores. Præterea etiam ideo Dominum dormisse credendum est, ut in discipulis maior fides excitaretur, & maiore timore perculsi discipuli, Christum uehementius inuocarent, ac in maximo periculo præsens auxilium maioris facerent. Nam si Christus uigilasset, opem laborantibus, ut in graui periculo, sua sponte, sine discipulorum precibus tulisset. Etsi autem omnia, quæ ad nostram sunt salutem necessaria, ex sua bonitate et paterno erga suos affectu dare paratus est: non tamen nisi rogatus dare



dare solet: Est enim oratio ordinarium instrumentum ad impetranda omnia, quæ nobis à Deo necessaria sunt: idq; ea de causa, ut ipsum quidem uerum Deum creatorem & fontem omnis boni ueneremur, nos uerò imponentes creaturas (ut quæ sine Deo nec quicquam habemus, nec quicquam ualemus) agnoscamus.

3. Praxis fidei hic conspicitur: Fides enim non est ociosus assensus aut cogitatio: sed est fortis gigas, qui uicit mundum, ut Iohannes inquit. Hec est uictoria, quæ uicit mundum, fides uestra: uincit quidem fides: sed per uictorem quem possidet. Hec fides habet mundum hostem, hoc est, peccatum, mortem, Diabolum, pericula, carnem. A parte peccati stat lex, conscientia, desperatio. A parte fidei stat Euangelium, sacrificiū CHRISTI, certa fiducia. Cum ergo suo fulmine, fumo, igne, uaporibus, tonitru te adoritur lex, accipiat fides Euangelium, illudq; legi opponat.

Cum ergo lex dicat: omnis qui non fecerit omnia quæ scripta sunt in libro legis, maledictus est, oppone Euangelium: Omnis qui credit in Filium, habet uitam æternam.

Mors cum minetur mortem, oppone ei mortis uictorem Iesum Christum, qui morti uictæ exprobrans ait: ubi mors aculeus tuus, ubi ô inferne uictoria tua? idem apud Iohannem ait: Qui credit in me, non gustabit mortem in æternum: sed transibit à morte ad uitam. Mors igitur pio homini utilis est:



est: nam est tantum transitus ad meliorem uitam  
tantum abest ut pijs formidabilis esse debeat.

Diabolus quidem accusat, & magnum catalo-  
gum facinorum texit, sed oppone ipsi Christi sen-  
tentiam de ipso, qui ait: Princeps huius mundi iam  
iudicatus est, & illud Pauli: Deus est qui iustificat,  
quis est qui condemnet? si obijcit nobis iniustici-  
am nostram, Respondeamus cum Paulo: Eum qui  
non nouit peccatum, fecit peccatum, ut nos fiere-  
mus iusticia Dei in ipso.

Pericula similiter peccati nos coarguunt: Sunt  
enim ueluti concio iudicij Dei de peccato, Respon-  
de iudicium à Dei domo incipere, & Dominum  
omnem filium quem recipit castigare, idq; in bo-  
num filij.

Caro sollicitat ad desperationem: sed tu carnem  
subijcito spiritui, et dic ipsius iudicium hic nullum  
habere locum: atq; ita mille occurrunt, quæ salu-  
tem nostram impedire uolunt.

Potuit ergo Nero, peccato, lege, morti, carni  
ita exprobrare? nequaquam: nam soli filij DEI  
hoc ius habent, alij tenentur captiui sub peccato,  
quia serui sunt peccati, ut qui peccatum faciant,  
illi indulgendo aduersus Spiritum, imò spiritu ex-  
tincto prorsus. Quicumq; ergo uult peccato, legi,  
morti, Diabolo, carni & c. exprobrare, uideat an  
sentiat ueram pœnitentiam, uideat an habeat fi-  
dem & bonam conscientiam: Deniq; uideat an ita  
sit compositus, quòd omnia uitæ commoda post-  
ponat



144 DOMINICA IIIII. POST  
ponat obedientie erga Deum abiecto peccandi  
proposito.

4. Christus duo reprehendit in discipulis. Pri-  
mum pusillanimitatem, quia non debebant timere  
eo presente: cuius cum tot miracula uidissent, fa-  
cile didicisse potuerunt eum non perire posse, cui  
Christus presens adest. Deinde fidei paruitatem,  
quia non crediderunt eum posse tantum dormien-  
do, quantum uigilando, tantum mari, quantum ter-  
ra, qui terre erat & maris creator.

5. Ut autem dormiendo declarauit se hominem  
esse: ita hic imperando uentis se Deum esse docet:  
utrumq; seruit fidei nostre tenuitati. Humanitas  
enim uoluntatem erga nos, diuinitas uero faculta-  
tem docet, quæ duo ad omnem actionem proæreti-  
cam requiruntur.

6. Christus, ut breuiter complectar, hac Historia  
ostendit, se uerè uelle salutem hominum, & præser-  
tim eorum, qui se inuocant. Nam ut uult se in peri-  
culis à nobis inuocari: ita etiam uult paternum  
suum erga nos affectum, dum à periculo liberat,  
declarare.

#### DE TERTIO.

Hec allegoria est suauissima: pingitur enim hic  
fors & imago Ecclesiæ. Mare est mundus: Naui-  
s est Ecclesia: uentus est Diabolus: pius coetus cre-  
dentium discipuli sunt: Christus est ueritas: Euan-  
gelium fides.

Primum hic obserua, antequam Christus cum  
disci-

EPH  
discipulis in nauim in-  
est, hoc est, mundus se-  
Verum post ingressum  
tempestas ualida, adeo  
quid? Adest qui imper-  
Dominus: hinc ergo pro  
nauiculam, id est, Eccle-  
riam hic diligenter specta-  
pro uera agnoscamus. H-  
est ornator, intus caput  
suum ornatum interius  
habet gubernatorem. U-  
omnes pios, habet uerbo  
ro usu, & obedientiam &  
sauris contentis est: hoc m-  
2. Obseruetur quid ha-  
tranquillo mari: sed turbe-  
hac illic impellunt: quod in  
di Historia docet. Denique  
nauiculam in medio posuit:  
filij Dei, mox illam turbant  
randis modis iactata est:  
post Noe ad Abrahamum  
scriptum ad Christum, qui  
uent in mundum. Neque a-  
tius eius. Sed quænam ca-  
nauiculam ferre nequeat  
perarguit, hoc est, mun-  
dum, quos peccati reos p-



discipulis in nauim ingreditur, mare tranquillum est, hoc est, mundus securè stertit in suis peccatis: Verùm post ingressum Christi in nauim, excitatur tempestas ualida, adeò ut nauis uideatur obrui. Sed quid? Adest qui imperet mari & uentis Christus Dominus: hinc ergo primùm discamus, extra hanc nauiculam, id est, Ecclesiam non esse salutem. Verùm hic diligenter spectandum, ne hostilem nauim pro uera agnoscamus. Hostilis nauis foris quidem est ornatior, intus capatior: sed habet uera nauis suum ornatum interius, & multò augustiorem habet gubernatorem S. sanctum, habet naucleros omnes pios, habet uerbum Dei, Sacramenta in uero usu, & obedientiam erga ministerium: his thesauris contenta est hæc nauis in tantis fluctibus.

2. Obseruetur quòd hæc nauis non uersetur in tranquillo mari: sed turbetur fluctibus, qui ipsam huc illuc impellunt: quod uerissimum esse ipsa mundi Historia docet. Deus condito mundo, hanc nauiculam in medio posuit: uerùm Diabolus hostis filij Dei, mox illam turbauit procellis: postea miserandis modis iactata est usq; ad tempora Nohe: post Nohe ad Abrahamum: inde ad tempora Moyses: tum ad Christum, qui, ut hanc nauim saluaret, uenit in mundum. Neq; adhuc conquieuerunt fluctus eius. Sed quænam causa est cur mundus hanc nauiculam ferre nequeat: quia Ecclesia mundi opera arguit, hoc est, mundi sapientes stulticiæ accusat: iustos peccati reos peragit: diuites non beat:

K

sed



sed infelices & miseros pronunciat, nisi pietas uera diuitijs præsit moderatrix: Atq; hoc est quod Christus promisit fore, cum ait: Spiritus sanctus mundum peccati, iusticiæ, iudicij arguet. Quid peccauit Abel in Cain, qui ipsum horrendè occidit? Respondet Ioannes: Opera eius fuerunt bona, & fratris mala. Quid Nohe? Quid Ieremias? quid Esaias? quid Christus? deniq; quid tot sancti martyres inde usq; ab initio mundi? mundum de tenebris ad lucem deducere uoluerunt, ut renunciatis mundanis concupiscentijs piè, honestè, iusteq; homines in mundo uiuerent. Hanc gratiam mundus suis benefactoribus referre solet: fluctibus enim uult obruere eos: sed non succedunt illi omnia ex uoto: non potest nauiculam hanc funditus perdere: nam ex sanguine Martyrum noui nascuntur Martyres.

Discamus igitur hanc sanctam aduersus scandalum persecutionis at paucitatis artem. Si offendit te iactatio nauis respice ad Christum qui præsens in naui adest. Si paucitas te turbat, respice ad Arcam Nohe, ad Sodomitas, ad reliquum mundum totum: ea quæ sunt optima nunquam placuerunt, nisi paucissimis, Ecclesia in principio exigua fuit: in medio maxima: in fine ita rursus exigua erit, ut uideatur operta fluctibus, malicia Diaboli, prauis doctrinis demoniorum & sceleratis moribus.

Discamus proinde in his fluctibus excitare Christum nostra inuocatione, qui à sua naui nunquam abest.

EPIPH  
adest: sed eam Spiritu  
disciplina gubernat: C  
tu sancto, honor &  
vni, Amen.

DOMINICA  
EPIPHANIA  
Iam 21



Alia parabolam  
Assimilatum est  
mini seminanti bonu  
sed dormientib. homi  
nibus & seminauit 2



abest: sed eam Spiritu sancto, uerbo, Sacramentis,  
disciplina gubernat: Cui una cum Patre & Spiri-  
tu sancto, honor & gloria sit, in secula seculo-  
rum, Amen.

## DOMINICA V. POST

EPIPHANIAM, EVANGE-  
lium Matth. 13.



**A**liam parabolam proposuit eis, dicens:  
Assimilatum est regnum cœlorum ho-  
mini seminanti bonum semen in agro suo,  
sed dormientib. hominibus, uenit illius ini-  
micus & seminauit Zizania inter triticum,  
K z abñtq̃,



abſtq̃. Cū autem germiſſet herba et fructum feciſſet, tunc apparuerūt Zizania: Accedentes autem ſerui patrisfamilias, dixerunt illi: Domine, nonne bonum ſemen ſeminaras in agro tuo: unde igitur habet Zizania: Ille uerò dixit illis: Inimicus homo fecit. Serui autem dixerunt illi: uis igitur abeamus & colligamus ea? at ille dixit, non: ne dum colligatis Zizania, eradicetis cum illis ſimul & triticum: ſinite pariter crefcere utraq̃, uſq̃ ad meſſem, & in tempore meſſis dicam meſſoribus: colligite primum Zizania, & colligate ea in faſciculos ad comburendum ea: triticum uerò congregate in horreum meum.

## ENARRATIO TEXTVS.

**O**ccaſionem huic Euangelio præbuerunt auditores Chriſti, quorum alij fuerunt Hypocritæ, qui ſibi tamen non parum placuerunt, quòd accenſerentur gregi Chriſti: Alij fuerunt ſinceri et boni: ſed quia uiderunt confuſam bonorum cum malis ſimul mixturam, non parum turbabantur illorum mentes. Vt ergo & illos ſuæ hypocrifeos et pœnæ olim ſecuturæ admoneret, & hos, propoſita futura ſeparatione & mercede, ad conſtantiam et infractam fiduciam erigeret, hanc proponit parabola. Cuius hic ſenſus eſt, quòd bonis mali permiſti eſſe debeant in Eccleſia, donec hic mundus ſte- terit, qui in fine ſeculi ſunt à ſe inuicem ſeparandi, ut pijs merces, impijs uero commerita reddatur pœna:

parapervinet proinde  
portas terreat, ac p  
nitentiam: & conſol  
an malorum armet.

quatuor ſunt:

- I. Quale ſit regn
- II. De hoſtibus hui
- III. Oratio diſcipulo
- et cur Deus
- IV. De pœnis hoſtium

DE

Regnum coloru  
PRIMVM enim ca  
nitentiam: appropri  
non eſt aliud regnum  
tas, qui Deus nos inſtan  
tibus: Nam creptos e  
tis, ſibi nos uendicat, ut  
leſtem uitam ſanctæ poſ  
appropinquat regnum  
tutionem ad beatam uit  
nam felicitatem in Chri  
ſignificat ipſum Chriſt  
regnum colorum aggr  
minat: Regnum coloru  
ſignificat fructum pra  
miorum, atq̃ tunc e  
in, iuſticia, gaudium ſi



pœna: pertinet proinde hoc Euangelium eo, ut hy-  
pocritas terreat, ac proposita pœna inuitet ad pœ-  
nitentiam: & consoletur pios, eosq; ad tolerantiam  
malorum armet. Porro loci huius Euangelij  
quatuor sunt:

- I. Quale sit regnum Christi in hoc mundo.
- II. De hostibus huius regni.
- III. Oratio discipulorum Christi contra hostes,  
et cur Deus patiatur hostes in Ecclesia.
- IIII. De pœnis hostium Christi & præmijs pio-  
rum.

## DE PRIMO.

Regnum cœlorum uaria in scriptura significat.  
PRIMUM enim cum Iohannes dicit, agite pœ-  
nitentiam: appropinquat enim regnum cœlorum,  
non est aliud regnum cœlorum, quam uitæ noui-  
tas, qua Deus nos instaurat in spem beatæ immor-  
talitatis: Nam ereptos à seruitute peccati & mor-  
tis, sibi nos uendicat, ut in terra peregrinantes cœ-  
lestem uitam iam fide possideamus. Cum ergo dicit,  
appropinquat regnum cœlorum, significat resti-  
tutionem ad beatam uitam, adeoq; ueram & æter-  
nam felicitatem in Christo proponit. DEINDE  
significat ipsum Christi Euangelium, quo ciues in  
regnum cœlorum aggregantur, ut cum dicit Do-  
minus: Regnum cœlorum intra uos est. TERTIO  
significat fructum prædicati Euangelij in cordi-  
bus piorum, atq; tunc est, ut Paulus Rom. 14. defi-  
nit, iusticia, gaudium spiritus & pax in conscien-



150 DOMINICA V. POST  
tius nostris. QVARTO significat ipsam futurā  
felicitatem in aeterna uita post iudicium: ut cū  
Christus promittit fore, ut multi ab oriente et oc-  
cidente ueniant & accumbant cum Abraham, Isa-  
ac & Iacob in regno cœlorū. QVINTO ipsam  
uisibilem Ecclesiā significat in hoc mundo, in qua  
sunt boni et mali permixti usq; ad messē, hoc est,  
consummationem seculi. In hac significatione ca-  
pitur regnum cœlorum in hoc præsenti Euange-  
lio: de quo regno nunc pauca ex præsenti parabo-  
la dicam. Simile est regnum cœlorum homi-  
ni, qui seminauit bonum semen in agro suo  
&c. Homo seminans, est Christus uerus Deus et ue-  
rus homo: Ager est mundus: semen sunt filij regni.  
Horum trium singula plura docent.

Primum enim cū Christus dicitur seminator,  
hec significantur. 1. Quanta sit Ecclesiæ dignitas,  
quæ autorem habet Filium Dei. 2. Quod sapientes  
mundi non seminant Ecclesiam: id. n. solius Christi  
est: quare nec sapientia mūdi conseruatur. 3. Quod  
officium Christi sit seminare, hoc est, docere iusti-  
ciam & salutem æternam. 4. Quod nullus possit  
semen bonum fieri, id est, iustificari & innouari  
ad uitam æternam, sine Christo seminatore.

Deinde cū Christi ager dicatur mundus, plu-  
ra nobis cogitanda offeruntur. 1. Quod non unum  
aliquod regnum mundi, non Italia, non Græcia, non  
Iudæa, non deniq; ulla natio sub sole possit sibi soli  
uendicare, quod sit ager Domini; nam totus mun-  
dus

EP.  
dicitur ager ille, in quo  
sua seminat. Quar-  
tus homo potest iusti-  
rum exclusum effici  
gloriam sibi soli, ut di-  
citur, quod immensa  
tis omnibus per uer-  
bum hoc est, sapientiam, uer-  
nem & redemptionem. 3.  
uandum: Nam hac Met-  
cultura sit necessaria.  
tione penitentie est ar-  
ritu Christi irrigandū  
tur & perit.  
Semen est hic & id.  
crescit. Quid seminat  
quod ut offert gratiam  
in uerbum requirit pariter  
Euangelium Christi, ager  
sancto fouetur & conser-  
pessibus, carne, & crea-  
reat. Deinde semen dicatū  
tur, nempe triticum ipso  
enim uerbum Dei seu E-  
corruptibile, quo renas-  
Hec ergo descriptio  
Ecclesiæ Dei in hoc mun-  
do, quod Ecclesiā nō s-  
pōda: Quare uariis



duſ eſt ager ille, in quem ſuum ſemen conijcit Chriſtus ſeminator. Quare ut nulla natio, adeoq; nullus homo poteſt iuſte conqueri, ſe de regno cœlorum excluſum eſſe: ita nullus populus poterit hanc gloriam ſibi ſoli, ut dixi, uendicare. 2. Hic conſpicitur, quòd immenſa ſit Dei miſericordia offerentis omnibus per uauſtum orbem Chriſti beneficia, hoc eſt, ſapientiam, iuſtificationem, ſanctificationem & redemptionem. 3. Cur ager dicatur, obſeruandum: Nam hac Metaphora ſignificatur, quòd cultura ſit neceſſaria. Nam ut ager hic prædicatione pœnitentiæ eſt arandus: Ita ſanguine & ſpiritu Chriſti irrigandus eſt, alioquin ſemen ſuffocatur & perit.

Semen eſt hic & id quod ſeminatur, & id quod creſcit. Quid ſeminatur? Euangelium Chriſti, quod ut offert gratuitam remiſſionem peccatorũ: ita iugem requirit pœnitentiam. Hoc ſemen, id eſt, Euangelium Chriſti, ager excipit fide: ſed ſpiritu ſancto fouetur & conſeruatur, ne obrutum tempeſtatibus, carne, & cruce intermoriatur, & pereat. Deinde ſemen dicitur id, quod eſt ſemine naſcitur, nempe triticum ipſum, hoc eſt, filij Dei. Eſt enim uerbum Dei ſeu Euangelium, ſemen illud incorruptibile, quo renaſcimur in filios Dei.

Hæc ergo deſcriptio eſt regni cœlorum, id eſt, Eccleſiæ Dei in hoc mundo. Vnde primùm docemur, quòd Eccleſia nō ſit opus hominis alius, quàm filij Dei: Quare uanus eſt Papa, cùm gloriatur ſe

K 4 huus



huius Ecclesie seminatorem esse. Deinde, quod humanis doctrinis non edificetur Ecclesia, sed tantum Euangelio Iesu Christi, quod qui purum docent, cooperarij sunt Christi seminantis.

## DE SECVNDO.

Hec parabola docet, quod regnum Christi sit suos habiturum hostes, quemadmodum etiam prima promissio habet Gen. 3. Semen serpentis insidiabitur semini mulieris. Hoc quam uerum sit docet Ecclesie Historia inde à promissione Seminis in hunc usq; diem. Vbi est Abel, ibi est etiã aliquis Cain: ubi Isaac, ibi etiam Ismaël: ubi Iacob, ibi etiam Esau aliquis: ubi Dauid, ibi Saul: ubi Christus, ibi Iudas: ubi Paulus, ibi Nero aliquis, nec est quod aliud speremus: perpetuò enim Satan as insidiatur Ecclesie Christi, quam aut prorsus abolere, aut prauis doctrinis & moribus contaminare conatur.

Sed quando ueniunt hostes: Cùm homines dormiunt, uenit inimicus homo & seminat Zizania, Hoc somno, cùm ministri uerbi, tùm auditores taxantur. Ministri uerbi dormire dicuntur, cùm non fideliter faciunt officium, docendo, quæ salutaria sunt: monendo eos, qui seigniores uidentur: obiurgando eos, quos uiderint non recta uia incedere ad ueritatem Euangelij: consolando pavidas conscientias: & confutando erronea dogmata, quæ cum fundamento, hoc est, articulis fidei pugnant. Auditores quoq; dormire dicuntur, cùm uel segniter uerbum audiunt: uel frigent & paulatim deficiunt,

ETIP  
not quemadmodum b  
Cum ita dormiunt  
maida: ideo, quia ho  
hoc est, Ecclesiam na  
dilatate mendacio &  
Quid facit inimic  
mini. Quidia falsam &  
gnantem cum articulis  
fo & deinceps comit  
uera et sincera Euange  
quoq; hic inimicus ad  
ares ueneno inficitat.  
ris saluatoris salutem  
contentum in multitudine  
Zizania, id est, filij neq;  
2. Sophiste, & Tyranni  
atq; hi omnes contrarij  
pulsam illum Christi g  
Sed quid est quod dicit  
sto Zizaniarum semina  
Diabolus ab Hypocritis  
dicit? Nullo pacto: sed inde  
personam induit non u  
tus Dei et angelus lucis  
pulsis uidere est, qui i  
& arcanas reuelatione  
prestigijs fallantur.  
Atq; ita hic secundu  
Ecclesia habet suos ho



unt, quemadmodum hodiè uidemus multos facere.

Cum ita dormiunt homines, uenit inimicus homo, idq; ideò, quia hostis Christi est, cuius regnum, hoc est, Ecclesiam uastare cupit, & suum regnum dilatare mendacio & homicidio.

Quid facit inimicus homo? seminat in agro Domini. Quid? 1. falsam & hæreticam doctrinam pugnantem cum articulis fidei: idq; coepit in Paradiso & deinceps omnibus ætatibus. Vbicunq; enim uera et sincera Euangelij doctrina prædicatur, ibi quoq; hic inimicus adest, ut fontes saluatoris salutare ueneno inficiat, ne homines ex fontibus puris saluatoris salutem hauriant. 2. Seminat uerbi contemptum in multis. Ex his seminibus nascuntur Zizania, id est, filij nequam, ut sunt. 1. Hypocritæ, 2. Sophistæ, 3. Tyranni, 4. Blasphemi, 5. Scelerati: atq; hi omnes coniunctis copijs Ecclesiam, hoc est, pusillum illum Christi gregem oppugnant.

Sed quid est quod dicit, inimicum hominem iactato Zizaniorum semine in agro domini abire? an Diabolus ab Hypocritis, Sophistis, Tyrannis discedit? Nullo pacto: sed ideò abire dicitur, quia aliam personam induit: non uult uideri hostis: sed spiritus Dei et angelus lucis, quemadmodum in Anabaptistis uidere est, qui iactant quidem spiritum Dei & arcanas reuelationes, cum tamen meris Satanae prestigijs fallantur.

Atq; ita hic secundus locus primùm docet, quòd Ecclesia habet suos hostes etiam in medio agro,

K 5

hoc



hoc est, in externa societate Ecclesiae. 2. Monet, ne assentiamur hostibus. 3. Discamus hostes à ueris ciuibus Ecclesiae discernere. 4. Monet, ne nos exemplo multorum aut deficiamus ab Ecclesia prorsus, aut offendamur calamitate Ecclesiae, quæ in hac uita hostium iniurijs exposita est.

## DE TERTIO.

Serui patremfamilias accedunt & dicunt, nonne bonum semen seminasti in agrum tuum: per hunc accessum seruorum ad patremfamilias, significatur oratio piorum pro Ecclesia contra sectas & scandala in Ecclesia: Pij enim ut perpetuò precantur bona & salutaria Ecclesiae, ita deprecantur mala & nociua, id quòd in Psalmis Dauidicis passim uidere licet: Rogate, inquit, quæ ad pacem sunt Ierusalem: Ita prosperentur diligentes te. Contrà, hostes cõfundantur, ait, et pereant, qui uolunt mihi malum. Item Psal. 7. Conuertatur labor eius in caput eius, atq; in uerticem eius iniquitas ipsius descendat.

Sed quomodo hoc stare potest cū Christi præcepto qui iubet, ut oremus pro maledicentibus nobis & iniuriam nobis facientibus? Oratio Ecclesiae contra hostes habet semper annexam conditionem pœnitentiæ & conuersionis: Est enim sensus, ut aut conuertantur per pœnitentiam, aut confundantur & pereant: ne perpetuo blasphemias in Deum crepent, & sanctis Dei sint molesti. Orandum est ergo pro hostibus ut conuertantur, quòd si non

EP  
si non conuertantur,  
confundantur, frustra  
aut Ecclesiae Christi  
Vis ne iniquum  
mus catquis ait, mi  
ne forte colligentes Z  
triticum. Primum hic  
neg. de pastorem, neq;  
rari sed tantum offendit  
infirmi, dum uident in  
ros. Pastoribus enim  
tulis, quo separant in  
excommunicant, quò  
poscant, & boni eorum  
nentur. Magistratus es  
sed secularis, ut uocant,  
sacris punit & episcopi  
res et magistratus uel ma  
cium: tamen ita magis  
quin aliquæ feces impura  
remanant, quòd cum uo  
di: sed admoniti hoc po  
possumus, reliqua Deo  
Christus hoc dicto in  
desia: sed tantum fidei  
desiant, cum malos se  
ergo loco colligamus.  
ui, qui tam patienter  
ergo pœnitentiam. 2.



Si non conuertantur, orandum est contra eos, ut confundantur, frustrati suis consilijs, quibus struunt Ecclesie Christi insidias.

Vis'ne, inquit famuli, ut eamus & eradicemus eas quibus ait, non: sed finite utraq; crescere, ne forte colligentes Zizania, eradicetis simul & triticum. Primum hic sciendum est, quod Christus neq; de pastorum, neq; magistratuum officio dissecrat: sed tantum offendiculum tollit, quo turbantur infirmi, dum uident in Ecclesia multos esse impuros. Pastoribus enim commissus est gladius spiritualis, quo separant impuros ab Ecclesia, dum eos excommunicant, quod pudore suffusi tandem resipiscant, & boni eorum contagione non coinquinentur. Magistratui est etiam gladius commissus, sed secularis, ut uocant, quo turbatores humane societatis punit & eiecit. Quanquam autem pastores et magistratus uel maxime sedulo fecerint officium: tamen ita nunquam purgabunt Ecclesiam, quin aliquae feces impurae doctrinae & prauae uitae remaneant, quod cum uidemus, non debemus offendere: sed admoniti hac parabola, purgare quantum possumus, reliqua Deo committentes. Non enim Christus hoc dicto indulget alendis sordibus in Ecclesia: sed tantum fideles suos hortatur, ne animo deficiant, cum malos secum ferre cogatur: Ex hoc ergo loco colligamus. 1. Quanta sit misericordia Dei, qui tam patienter malos in Ecclesia fert, ut agant poenitentiam. 2. Quod his consolemur nos

con=



contra scandalū paucitatis obedientium Euangelio.  
3. Quod confutentur Anabaptistæ, qui negant illū  
cœtum Ecclesiam esse, in quo sunt multi scelerati.

## DE QVARTO.

Et in tempore messis dicam messoribus:  
colligite primum Zizania, & colligate ea in  
fasciculos ad comburendum, triticum uerò  
congregate in horreum meum. Hic concio-  
natur de separatione piorum ab impijs, quæ est  
futura in consummatione seculi. Deinde prædicit  
fore, ut impij puniantur: pij uerò aggregentur in  
regnum Dei. Quemadmodum enim Zizania colli-  
guntur & igni mandantur: triticum uerò colligi-  
tur & in horreum seruandum reponitur: ita in fi-  
ne seculi futurum est, ut impij tradantur æternis  
pœnis cruciandi, pij uerò liberentur & donentur  
æternæ uitæ possessione. Hoc sine parabola Chri-  
stus Matth. 26. ita exprimit in sententia extremi  
iudicij, ubi impijs dicturus est: Ite uos maledicti in  
ignem æternum, Pij uerò: Venite benedicti Patris  
mei, & possidete regnum uobis paratum ab ini-  
tio. In summa, Impijs lata duplex pœna nomina-  
tur, maledictio, & ignis æternus, quia enim con-  
temserunt beneficium Christi gratuito sibi obla-  
tum, maledictioni omnium creaturarum subijcien-  
tur, quæ pœna quam sit horrenda, nulla lingua ex-  
plicare potest. Deinde duplici punientur igni,  
nempe malæ conscientie, cuius ingens cruciatus  
nunquam finietur: & igne corpus urente non  
con-

EPH  
consonante: nam a  
tum perpetuum igne  
necius, non ita fr  
nostra.

In sententia pio-  
rum, nempe benedi-  
reditas: illa opponit  
pœnis: Duplex ergo a-  
uam a pœnis impioru-  
sorum, utrumque efficax  
ad operandum in no-  
perpetuamq; pœnitent-

Hoc ergo pacto de-  
scopum, ut relinquit  
relinquat iniquus cogi-  
peccatorum deperat, &  
ctum conuertatur ad De-  
ignoscendum. In hoc M  
est in eo omnipotens mi-  
omnipotentia, Cui gloria

DOMINIC  
GESINÆ, E  
Ma

Simile est regnum  
Infamilias, qui  
tulo, ad conducen-  
tum Conuentione.



consumente: nam æternis pœnis corpus destina-  
tum, perpetuum ignem sentiet. Si hæc seriò cogi-  
taremus, non ita frigidi essemus in rebus salutis  
nostræ.

In sententia piorum duplex proponitur præ-  
mium, nempe benedictio paterna, et regni Dei hæ-  
reditas: Illa opponitur maledictioni, hæc æternis  
pœnis: Duplex ergo argumentum hinc sumamus:  
unum à pœnis impiorum, Alterum à præmijs iu-  
storum, utrunq; efficax est (modò ritè cogitetur)  
ad operandum in nobis timorem Dei & ueram  
perpetuamq; pœnitentiam.

Hoc ergo pacto tota hæc parabola hunc habet  
scopum, ut relinquat impius uia suam qua peccat,  
relinquat iniquus cogitationem suã, qua de remiss:  
peccatorum desperat, & secundum Prophetæ di-  
ctum conuertatur ad Dominum, quia multus est ad  
ignoscendum. In hoc **MULTO** nihil deest, sed  
est in eo omnipotens misericordia & misericors  
omnipotentia, Cui gloria in secula, Amen.

## DOMINICA SEPTIMA

GESIMÆ, EVANGELIUM

Matth. 20.

**S**imile est regnum cœlorum homini pa-  
trifamilias, qui exiit primo statim dilu-  
culo, ad conducendos operarios in uineam  
suam. Conuentione autem facta cum opera-  
rijs in



rijs in singulos dies denario, misit eos in vineam suam. Et egressus circiter horam tertiam, uidit alios stantes in foro ociosos, & illis dixit: Ite & uos in vineam meam, & quocumque iustum fuerit, dabo uobis. Illi autem abierunt. Rursum autem exiit circiter sextam & nonam horam, & fecit similiter. Circa undecimam uero exiit, & inuenit alios stantes ociosos, ac dixit illis: Cur hic statis totum diem ociosi? Dicunt ei: quia nemo nos conduxit: Dicit illis: abite & uos in vineam meam, & quicquid fuerit iustum, accipietis. Cum autem uespera facta esset, dicit Dominus uineæ procuratori suo: uoca operarios, & redde illis mercedem, incipiens à postremis usque ad primos. Et cum uenissent qui circa undecimam horam uenerant, acceperunt singuli denarium. Venientes autem & primi, arbitrati sunt, quod plus essent accepturi, & acceperunt ipsi quoque singuli denarium. Et cum accepissent, murmurabant aduersus patrem familias, dicentes: Hi nouissimi unam horam fuerunt in opere, & illos pares nobis fecisti, qui portauimus pondus diei & æstum. At ille respondens, dixit: amice, non facio tibi iniuriam. Nonne denario pactus es mecum? Tolle quod tuum est, & abi. Volo autem huic nouissimo dare sicut & tibi. An non licet mihi facere

cere



facere quod uolo in rebus meis? An oculus tuus malus est, quod ego bonus sim? sic nouissimi erunt primi, & primi nouissimi: Multi enim sunt uocati, pauci uerò electi.

## ENARRATIO TEXTVS.

**H**ÆC parabola imaginem Ecclesie nobis ob oculos ponit: nam in ea ostenditur, quomodo in Ecclesia, quæ uineæ confertur, agitur. Quemadmodum enim operarij se habent ad uineam: sic se habent homines ad Ecclesiam. Operarij autem in uineam alij maturius, alij serius uocantur: alij multum diuq; alij parum breuiq; laborant tempore: sic hominum alij citius, alij tardius prædicatione Euangelij Ecclesie aggregantur: alij minus, alij magis laborant. Præterea, ut paterfamilias alijs ex conducto dat mercedem diurnam, alijs ex gratia tantundem: ad eundem modum cœlestis Pater æquè in omnes munificus est, qui in Ecclesia sua laborant. Deinde ut paterfamilias superbos & contumaces abire iubet, & eos, qui ipsius liberalitatem boni consulunt, fouet: Ita DEVS Pater, eos qui quærent mercedem operum, reijcit, cum eos, qui ex gratuita ipsius beneuolentia pendunt, æterna donat uita. Atq; ita sensus huius Euangelij est, quòd nemo debeat suis operibus uel fidere, si sunt multa: uel desperare, si sunt nulla: sed tantum ex bonitate DEI pendeat, ambulans in timore DOMINI. Porro loci tres constitui possunt

I. Quod



- I. Quòd quilibet Christianus conductus sit in uineam Domini, ut laboret.
- II. Generalis doctrina de bonis operibus & mercede bonorum operum.
- III. De dicto Christi: Sic erunt nouissimi primi, & primi nouissimi: multi sunt uocati, pauci uerò electi.

## DE PRIMO.

Ecclesia Dei sepè in scripturis uinea Domini dicitur: idq; primum, quia Dominus eam elegit & dignatus est fœdere gratiæ & æternæ salutis, innumerisq; beneficijs prosecutus est, plantauit & coluit. Tota Ecclesia uinea est: singuli autem Christiani palmites sunt, qui & alia ratione operarij dicuntur. 2. Hæc appellatio ostendit, quanti Dominus suam Ecclesiam æstimet: nulla enim possessio uinea preciosior est. Nam nulla plus operæ & assidui laboris flagitat. 3. Cùm Ecclesiam uineam suam appellat Dominus, suam curam & sollicitudinem erga nos commendat. 4. Significat hæc appellatio nos assiduo cultu & continua cura indigere, & manum à Domino adhiberi oportere, si ueros et fructuosos palmites habere uelit. 5. Quòd qui in Ecclesiam recepti sint, debeant fructum bonum producere. Vt enim non labruscas, sed uuas uini palmites producant: ita Christiani non carnis, sed spiritus opera faciant.

Iam quomodo quilibet Christianus in uinea Domini laborare debeat spectandum est. Vt enim in  
uinea

SEPTV.  
uinea uaria sunt offi-  
rigit, alius punit, ali-  
rit, alius fodit, alius i-  
sa diuersa sunt uoca-  
rietate in Ecclesi-  
ordinat singulis labor-  
ni dat falcem, alij lega-  
rimilia alius concionat-  
us paterfamilias, alius i-  
pulus, alius artifex &c.  
Verum hic quilibet  
bit. An suus labor sit  
a patrefamilias. 2. Q-  
randum. 3. Quid quom-  
An labor tuus sit in  
familias, scias ex duobus  
catione. Preceptum ha-  
hanc uineam plantandam  
conseruandam facit. hoc  
edificationi Ecclesiæ &  
politij & Oeconomij a-  
ptus est in prima tabula.  
Deinde non sufficit labo-  
legitima sit uocatio fac-  
sunt laborem in ui-  
uere est & nullum fru-  
uiter laborandum uita-  
a plus quam alius, aut  
uaria. 2. Ne spectes



uinea uaria sunt officia: alius enim plantat, alius rigat, alius putat, alius alligat, alius pedamenta ponit, alius fodit, alius terram stercorat: Ita in Ecclesia diuersae sunt uocationes et officia, pro quorum uarietate in Ecclesia laborandum est. Dominus ordinat singulis labores suos pro sua uoluntate, uni dat falcem, alij ligonem, alij cultrum siue securim: Ita alius concionator est, alius magistratus, alius paterfamilias, alius in schola doctor, alius discipulus, alius artifex &c.

Verum hic quilibet in suo labore tria spectabit. 1. An suus labor sit utilis in uinea & mandatus à patrefamilias. 2. Quid uitandum sit inter laborandum. 3. Quid quomodoq; faciendum.

An labor tuus sit utilis & mandatus à patrefamilias, scias ex duobus, præcepto nimirum et uocatione. Præceptum habet omnis labor, qui ad hanc uineam plantandam, rigandam, fouendam, conseruandam facit. hoc est, labor qui gloriæ Dei, edificationi Ecclesiæ & hospitij Ecclesiæ, id est, politijs & Oeconomij deseruit, diuinitus præceptus est in prima tabula, & in quarto præcepto. Deinde non sufficit laborem præceptum esse, nisi legitima sit uocatio facta ad laborandum: Qui. n. sibi sumit laborem in uinea sine uocatione, temerarius est & nullum fructum edit.

Inter laborandum uitare oportet. 1. Ne superbiaris, si plus quam alius, aut etiam melius tibi laborare uidearis. 2. Ne spectes mercedem operæ præsti-

L

tæ:



te: sed preceptum patrisfamilias, qui ut labores in uinea te collocavit. 3. Ne minus laborantes contemnas. 4. Ne murmures contra patremfamilias, si liberalis uidetur in eos, qui te minus laborasse uidentur.

Quid inter laborandum spectandum et assidue cogitandum. Primum unumquemque cogitare oportet, se non ad ocium: sed ad laborem introductum esse in uineam Domini. Nullus. n. in uinea Domini relictus est locus segniciei aut torpori: nullus sine patrisfamilias offensione, quod sibi iniunctum est, in alium reijcere potest: Quare strenue laboret, qui in hanc uineam introductus est sine fraude: Nam maledictus est, qui facit opus Domini fraudulenter. 2. Inter laborandum cogitet se stare in conspectu Domini, qui non solum uidet externas actiones, sed etiam secreta cordium, et ex cordis affectu opus aestimat, potius quam ex operis effectu. 3. Hec Domini inspectio ad sollicitudinem agendum, laborantem sollicitabit, ut alacri animo æstum et pondus diei ferat. 4. Sola bonitas patrisfamilias Dei precipientis laborem spectanda est, sola inuitabit ad strenue præstandum officium. 5. Vbi omnia feceris, dices te inutilem seruum esse: Nam si uel superbias, quod prior ueneris in uineam Domini, uel contemnas alios, qui te minus laborasse uideantur, uel murmures contra patremfamilias, qui æque liberalis est in alios atque in te, audies: Amice, non facio tibi iniuriam, non ne denario pactus es mecum?

SEPTV.  
com: tolle quod tu  
et quod uolo facere  
us malus est, quod  
nancur in murmur  
nati sui laboris. 2. C  
familias non admittit  
potius. 3. Quod in uinea  
as benignitatem: tales  
opibus sectantur uacu

DE DE  
ut doctrinam de be  
telligent, tria sunt  
MYM, que requirant  
DEINDE, que sunt  
TERTIO, cur Deus  
promissiones adueni de  
mercede dignetur.

Quantum ad primum  
runtur, ut aliquod opus  
bonum dici possit. Præce  
3. Fides. 4. Finit uerus. 5.  
tur defectus.

Quod autem ad boni  
ter preceptum, manifeste  
conditio nostra, ex ma  
culis diuini ratione.

Nostre conditio est, q  
dominus Deus noster: c  
per nobis facienda: ita



cum: tolle quod tuum est, & abi. An non licet quod uolo facere in meis? An oculus tuus malus est, quod ego bonus sum? Tria hic taxantur in murmuratione. 1. Quod confidat dignitati sui laboris. 2. Quod liberalitatem in patrefamilias non admiretur & prædicet, sed culpet potius. 3. Quod inuideat alijs liberalis patrisfamilias benignitatem: tales sunt omnes, qui iusticiam ex operibus sectantur uacui fide.

## DE SECVNDO.

Vt doctrinam de bonis operibus distinctius intelligamus, tria sunt nobis perpendenda: PRIMVM, quæ requirantur ad boni operis rationem. DEINDE, quæ sint causæ bonorum operum. TERTIO, cur Deus adeo multas & præclaras promissiones adiecerit bonis operibus, & cur ea mercede dignetur.

Quantum ad primum attinet, quinque requiruntur, ut aliquod opus ab homine factum merito bonum dici possit. 1. Præceptum. 2. Spiritus Christi. 3. Fides. 4. Finis uerus. 5. Gratia qua boni consiliur defectus.

Quod autem ad boni operis rationem requiratur præceptum, manifestum est ex his quatuor: ex conditione nostra, ex mandato, ex prohibitione, ex ultus diuini ratione:

Nostra conditio est, quod simus serui Dei, & is Dominus Deus noster: Quare ut ipsius est præcipere nobis facienda: ita nostrum est ipsius uoluntatem



tatem sequi, tanquam regulam certissimam officij nostri.

Iam docet mandatum Ezech. 20. In præceptis meis ambulate, & iudicia mea custodite, & facite ea. Esai. 48. Ego Dominus Deus tuus docens te utilia, ambulare te faciens in uia qua ambulas. Hier. 33. Speculatorem dedi te domui Israël, audies ex ore meo sermonem, & annuntiabis eis ex me.

Prohibitio est manifesta Deut. 12. Non facietis singuli quod sibi rectum uideatur. Ezech. 20. In præceptis patrum uestrorum nolite incedere.

Cultus Dei ratio requirit, ut opus quod placeat, sit præceptum: Vnde Dominus pronunciat se frustra coli mandatis & doctrinis hominum. Et Esai. 29. unum ex flagitijs nominatur, propter que mala minatur populo suo Dominus, quod coluerint ipsum mandatis hominum. Quare Paulus Colos. 2. omnem ἐθελοθρησκείαν manifestè damnat.

Hinc ergo patet, quòd ad boni operis rationem requiratur præceptum Dei: Sit ergo uerbum Domini lucerna nostra, quæ nobis præluceat in omnibus nostris actionibus.

Secundò requiritur ad boni operis rationem Spiritus Christi. Quicumq; enim spiritu Dei aguntur, hi sunt filij Dei. Spiritus carnis commaculat opus, adeò ut qui in carne sunt, Deo placere non possint. Opus est ergo spiritu regenerante nos in novos homines, sine quo nec nos, nec opera nostra placent.

Tertio



*Tertio requiritur fides: Fide enim persona reconciliatur Deo & fit iusta: propter fidem ergo placent quoq; opera: Nam sine fide impossibile est placere Deo: Quicquid enim non fit ex fide peccatum est.*

*Quarto requiritur finis uerus ad operis bonitatem, quemadmodum hæc uerba Augustini testantur: Noueris (inquit) non officijs, sed finibus à uicijs discernendas esse uirtutes: officium autem est, quod faciendum est: finis uero propter quod faciendum est. Cum itaq; facit aliquid homo, ubi peccare non uidetur, si non propter hoc facit, propter quod facere debet, peccare conuincitur: esse autem finem ultimum omnium actionum nostrarum gloriam Dei decet, cui multi alij sepe subordinantur.*

*QVINTO, ad boni operis rationem requiritur gratia, quâ boni consulitur defectus: Nam tametsi fide iustificatus, non satisfacit legi Dei, imò sentit multas maculas in omnibus suis operibus: tamen ipsius opera uerè placent Deo, & quod est in illis uicium tegit gratia.*

*Ista ergo quinque requiruntur ad boni operis rationem, sine quibus opus nequaquam coram Deo bonum dici potest: nunc quod secundo loco promissi, causas recitabo, quæ nos ad bene agendum per mouebunt, & sunt in uniuersum tres, Neceſſitas, Dignitas, Præmium.*

*Neceſſitas quintuplex est: mandati, debiti, fidei retinendæ, uitæ uitationis poenarum, & conuerſionis.*



NECESSITAS prima, est mandatum Dei, cui omnes creaturæ rationales obedire debent. Et Paulus ait: Hæc est uoluntas Dei sanctificatio uestra.

SECUNDA necessitas, est debitum, de quo Rom. 8. Debitores sumus Dei, non carnis: non enim sumus nostri iuris: sed eius qui redemit nos suo precioso sanguine.

TERTIA necessitas, est fides, quæ retineri nequit, ubi peccatis contra conscientiam indulgemus: Vnde Paulus: Si quis suorum & maxime domesticorum curam non habet, fidem abnegauit & infideli deterior est. Milita militiam honestam, habens fidem & bonam conscientiam.

QUARTA necessitas est uitatio poenarum: Propter iniquitates, inquit Dauid, corripis filios hominum.

QVINTA necessitas, est cōuersio: Viuo ego dicit Dominus, nolo mortem peccatoris: sed ut conuertatur & uiuat. Cū enim fit conuersio, homo uiuificatur & regeneratur in nouum hominem, ut iam spiritu facta carnis mortificet, Rom. 8.

Secunda causa bonorum operum est dignitas. Nam iustificati sunt filij Dei: sunt templum Dei sanctum: sunt reges & sacerdotes, uncti à Spiritu sancto, qui induti iusticiam, Deum mente, uoce, confessione, & moribus prædicare debent.

Tertia causa, est præmium, hoc est, compensatio patientiæ, & obedientiæ credentium erga Deum:

SEPT  
um: Nam Deus pro  
fide expectare debe  
nobis præstitis: sed  
Moses Hebr. xii. legi  
nem. Cū ergo De  
duo faciemus. Prima  
& imperfectionem  
patientem in suis pr  
fidei promittentis bon  
Perpendendum ter  
allicerit promissionem  
mercede dignetur:  
sunt quinque.  
PRIMA, ut sit  
Vult enim sciri Deus  
ab ipso creatis, & mon  
clesia dari & conferre  
implant bonis, & dū  
SECUNDA, ut  
Deum etiam in hac uitā  
Timoth. 4. Pietas habet  
ta & futura.  
TERTIA, quia  
corporalem esse com  
tatione, sicut gratiam  
sua peti, & expectare  
QUARTA, ut  
mitione gratiæ. Bene  
uolunt gratia obsequi



um : Nam Deus promittit præmium , quod nos ex fide expectare debemus , non nitentes operibus à nobis præstitis : sed promissionibus gratuitis : Ita Moses Hebr. 11. legitur respexisse ad remunerationem. Cum ergo Deus promittit remunerationem , duo faciemus. Primum nostri operis indignitatem & imperfectiōnem agnoscamus. Deinde Deū promittentem in suis promissis ueracem statuemus , freti promittentis bonitate , non operis dignitate.

Perpendendum tertio loco proposui , cur Deus adiecerit promissiones bonis operibus , & cur ea mercede dignetur : Huius rei causæ potissimum sunt quinque.

PRIMA , ut sint testimonia prouidentiae Dei. Vult enim sciri Deus & bona corporalia res esse ab ipso creatas , & non casu spargi , sed ab ipso Ecclesiae dari & conseruari , iuxta dictum : Esurientes impleuit bonis , & diuites dimisit inanes.

SECUNDA , ut sint testimonia , quod uelit Deus etiam in hac uita seruare Ecclesiam : unde 1. Timoth. 4. Pietas habet promissiones praesentis uitae & futurae.

TERTIA , quia Deus uult & necessitatem corporalem esse commonefactionem de fide , inuocatione , spe , gratiarum actione , & uult hæc bona fide peti , & expectari per patientiam

QUARTA , ut sint commonefactiones de promissione gratiae. Beneficia enim corporalia , fidelibus sunt gratiae obfignatio.

L 4 Quinta



QVINT A, quia Deus uult utrumq; fieri: & Ecclesiam esse subiectam cruci, & inter ipsa pericula seruari in hac uita. Vtrumq; Esai. 17. indicatur: Domine Deus noster salua nos de manu Zennacherib, ut cognoscant omnia regna terræ, quod tu solus sis Dominus.

## DE TERTIO.

Sententia, qua hanc parabolam claudit Dominus, diligenter obseruanda est. Sic nouissimi erunt primi, & primi nouissimi. Quare? Multi enim sunt uocati, pauci uerò electi.

Huius sententiæ propositio, quæ est paradoxon rationi, ut erigit pusillanimes agnoscentes suam infirmitatem: ita Hypocritas superbos, tumentes opinione iusticiæ & sanctitatis, deiicit, & uoluti diuino quodam fulmine prosternit. Sed qui sunt primi? Qui nouissimi? Primi apud seipsos sua opinione & operum suorum æstimatione, erunt nouissimi apud Deum, id est, nullius precij, imò homines sententia Dei damnati.

Nouissimi apud seipsos sunt, qui seriò agnoscunt suam uilitatem & infirmitatem, & qui nihil sentiant se habere meriti, hi erunt primi apud Deum, hoc est, Deo accepti, modò firma fide in Christum mediatorem recumbant.

Ratio sententiæ huius, Multi sunt uocati, pauci uerò electi, duo docet: unum quanta sit bonitas & misericordia Dei uocantis omnes ad agnitionem sui filij per Euangelium. Alterum, quanta sit

SEPT.  
sit ingratitudo hominum  
uenerunt qui sunt  
agentes penitentia  
operibus, adeoq; sub  
fidant, cum mente  
glorificantes. Hec e  
net, ut agnoscamus  
per Euangelium. Sen  
titudinem mundi, non  
cia. Tertio, ut iung  
uera inuocatione illu  
lum recipiunt in glo  
la, Amen.

DOMIN  
GESINÆ

QVm autem tunc  
& singulis ciu  
eum, dixit per simi  
mentem faciebat, a  
um: & inter seminat  
uiam, & conculca  
comederunt illud.  
uam, & enarum ar  
morem. Et aliud ce  
reus spinæ suffoca  
clit in terram bon



fit ingratitude hominum, è quibus adco pauci inueniuntur qui sunt electi, hoc est, sinceri, pij, & agentes pœnitentiam seriam: sunt pauci qui suis operibus, adeoq; sibi totis renunciant, & soli Deo fidunt, eum mente, uoce, confessione & moribus glorificantes. Hæc ergo sententia nos primùm monet, ut agnoscamus beneficium Dei, qui nos uocat per Euangelium. Secundò, ut detestemur ingratitudinem mundi, non acceptantis oblata beneficia. Tertiò, ut iungamus nos pœnitentia, fide & uera inuocatione illis paucis, qui sincerè Euangelium recipiunt in gloriam Dei. Cui honor in secula, Amen.

## DOMINICA SEXA.

GESIMÆ, EVANGELIUM

Luc. 8.

**C**VM autem turba plurima conueniret, & è singulis ciuitatibus properarent ad eum, dixit per similitudinem: Exiit qui sementem faciebat, ad seminandum semen suum: & inter seminandum, aliud cecidit circa uiam, & conculcatum est, & uolucres cœli comederunt illud. Et aliud cecidit super petram, & enatum aruit, quia non habebat humorem. Et aliud cecidit inter spinas, & simul enatæ spinæ suffocauerunt illud. Et aliud cecidit in terram bonam, & enatum fecit fru-

L s ctum





etum centuplum. Hæc dicens, clamabat: Qui  
habet aures ad audiendum, audiat. Interro-  
gabant autem eum discipuli eius, dicentes,  
quæ esset ista parabola. At ille dixit: Vobis  
datum est nosse mysteria regni Dei, cæteris  
autem per parabolas, ut uidentes non uide-  
ant, & audientes non intelligant. Est autem  
hæc parabola: Semen est sermo Dei: qui au-  
tem iuxta uiam, hi sunt, qui audiunt, deinde  
uenit diabolus, & tollit sermonem de corde  
eorum, ne credentes seruentur. Nam qui su-  
pra petram, ij sunt, qui cùm audierunt, cum  
gaudio suscipiunt sermonem, & hi radices  
non habent, qui ad tempus credunt, & in  
tempo-

SE  
tempore tentatio  
in spinas cecidit  
solicitudinibus  
uitæ euntes, suffi-  
Quod autem in  
in corde honeste-  
nem retinent, &  
eniam.

ENARRA

Hoc Evangelium  
Ecclesie militum  
tu ex incorruptibili  
sibi coetu quales,  
tores, feminis natum  
enim enuere feminis  
naturali, iusto in terra  
non omne fert fructum  
ram iactatur, sed uix qu  
auros habet auditores  
lucem producit fructu  
I. Parabola expl  
II. Genera audier  
III. De dicto Dom  
endum, a

DE

Cause cur Dominica  
his plures sunt. Prim  
petrum: Prophetæ  
Christus aduenies in



tempore tentationis recedunt. Quod autem in spinas cecidit, hi sunt, qui audierunt, & à sollicitudinibus & diuitijs ac uoluptatibus uitæ euntes, suffocantur, nec referunt fructū. Quod autem in bonam terram, hi sunt, qui in corde honesto ac bono audientes sermonem retinent, & fructum afferunt per patientiam.


## ENARRATIO TEXTVS.

**H**oc Euangelium continet pulcram imaginem Ecclesiæ militatis in hoc mundo, & nascentis ex incorruptibili semine uerbo Dei, in cuius uisibili cœtu quales, & quàm multiplices sint auditores, seminis naturalis similitudine depingit: Idem enim euenire semini cœlesti testatur, quod semini naturali, iacto in terram, accidere solet. Nam ut non omne fert fructum, quod ab agricola in terram iacitur: sed uix quarta pars: Ita uerbum Dei uarios habet auditores, in quorum paucissimis salutarem producit fructum: Loci tres sunt:

- I. Parabolæ explicatio.
- II. Genera auditorum uerbi Dei.
- III. De dicto Domini: Qui habet aures ad audiendum, audiat.

## DE PRIMO.

Causæ cur Dominus in parabolis locutus sit turbis, plures sunt. Prima esse potest prædictio Prophetarum: Prophetæ etenim prædixerunt fore, ut Christus adueniēs in parabolis esset docturus. Fuit autem



m. Hæc dicens, clamab  
audiendum, audiat  
eum discipuli eius, d  
arabola. At ille dixit:  
e mysteria regni Dei,  
ibolas, ut uidentes non  
res non intelligant. E  
Semen est sermo Dei:  
hi sunt, qui audiunt,  
& tollit sermonem de  
entes seruentur. Nam  
nt, qui cum audierunt  
nt sermonem, & hi  
ad tempus credunt



autem antiquissima docendi ratio, parabolis & Symbolis docere. 2. Quia hoc genus docendi mirifice in oculos, & animos hominū incurrit. 3. Quia quæ huiusmodi imaginibus et symbolis traduntur, memoriam iuuant, ut doctrina per ista, ueluti symbola, ad posteritatem omnem transmittatur. 4. Parabole quoq; duriores obiurgationes molliunt, & uelo quodam tegunt, ut minus offendant: postea autem animo perceptæ & intellectæ erudiunt, & idem quod perspicua doctrina efficiunt, & interrim neminem traducunt.

Porro partes huius parabule sunt: Seminator, semen, fructus, terra.

Seminator Deus est, qui tametsi per homines semen in terram mittit: tamen ipse una adest & operatur: quare ministri uerbi coadiutores Dei dicuntur: quo nomine significatur utrunq; scilicet, quod & Deus suo modo operatur, & homines cooperatorum suam operam Deo collocant. Hic duo discamus: Primum esse preciosum et nobile semen: uidemus. n. in mundo, quò præclarius fuerit semen, eò prudentiores & peritiores adhiberi, qui semen in terram iaciunt. Si reges mudi dicerentur adhibitis sapientibus mundi, hoc semen in terram mittere, omnes admirarentur: omnes singulari cura cuperent hoc semen cognoscere: sed hic iam adest seminator Deus, adsunt Oeconomi mysteriorum Dei: quare necesse est, & seriam & nobilem in primis hanc esse sationem. Alterum, quod hinc discamus,

2225,



mus, est, magnum flagitium esse, grauiſimisq; pœ-  
nis plectendum: uel huius ſeminatoris Dei ſemen  
in terram, id eſt, in cor prius aratro legis præpa-  
ratum, non recipere: uel receptum non maximo  
cultu, ſolicitudine, ac diligentia fouere ut creſcat,  
quò ſeminatori gratiſſimum ferat fructum.

Semen eſt ipſum uerbū Dei, non hominis, quod  
ſemen filius Dei unigenitus attulit è ſinu Patris:  
hoc ſemen uiuum eſt, quare ſi fructum aliquando  
non proferre uidetur, non ſeminis, ſed terræ culpa  
eſt. Hoc ſemen qui uel uiciant, ut heretici faciunt:  
uel ſuffocant, ut hypocritæ: uel ui opprimunt, ut  
tyranni: uel adulterinum ſubſtituunt, ut Papiſtæ,  
ſentient olim iuſti Dei iram, qui ut ſemen purum  
dedit: ita idem purum et minime uiciatum uult ſer-  
uari, quod apud ſuam Eccleſiam depoſuit in theſau-  
ris Prophetarum & Apoſtolorum reconditum.

Fructus, quem hoc ſemen producit, ſeminis, ut  
decet, naturam imitatur, poſtquam excreuit. Pri-  
mum. n. ex eo in terram iactò, naſcitur pœnitentia,  
hoc eſt, uitæ prioris ſclerate mutatio: quemadmo-  
dum enim nobile aliquod ſemen, terræ uiſceribus  
conceptum, ſua uirtute ſuffocat urticas, quæ prius  
terram occupârunt: Ita hoc ſemen herbas malas,  
quas in corde hominis ſeminauit Diabolus, hoc eſt,  
peccata ſuffocat uera contritione, ut non amplius  
ut antea fructum ferant lethalem ad damnationē.  
Deinde hoc ſemen unâ cum ſalutari pœnitentia  
producit fidem, cuius fructus eſt Deo gratiſſimus:  
ex hac



ex hac fide tanquam è spica proueniunt semina, hoc est, filij Dei, iuxta illud: Qui credunt, dedit hanc dignitatem, ut filij Dei fierent. Hi, ut inquit Petrus, renati sunt, non ex corruptibili semine: sed incorruptibili per sermonem uiuentis Dei, & manentem in æternum. Filij Dei ita ex semine incorruptibili Dei nati, proferunt suum fructum, nempe bona opera & patientiam, quibus usq; ad messem ager Domini fecundus floret.

## DE PRIMO.

Ex seminis conditione iacti in terram, genera auditorum uerbi Dei quatuor colligere est: Semen enim iactum in terram, aut non concipitur terræ uisceribus, aut concipitur cū fructu, sed mox flaccescente & pereunte, aut concipitur cum fructu durante usq; ad messem: atq; hæc uarietas ex conditione terræ prouenit: nam si in uiam cadit semen, non agit radicem, sed aut conculcatur pedibus, aut à uolucris deuoratur. Si in petricosa loca cadit, quia in altum radices non mittit, enatum mox perit: si inter spinas cadit, à spinis suffocatum moritur sine utilitate: Si in terram bonam iactum fuerit, fructum fert, eumq; copiosum. Hinc esse quatuor auditorum genera, manifestè Dominus concludit: de quibus nunc ordinè dicendum est.

PRIMUM auditorum genus hoc modo parabola significatur. Aliud cecidit super uiam, & conculcatum est. Parabola à Domino ita explicatur. Qui secus uiam hi sunt, qui audiunt, deinde



deinde uenit Diabolus, & tollit uerbum de corde eorum, ne credentes salui fiant. In hac explicatione multa concurrunt diligenter perpendenda. 1. Quæ causa sit, quod non ferat fructum, nimirum quia terra dura & sicca est, hoc est, corda audientium sunt saxeæ & dura, adeo, ut uerbo non cedant. Durescunt autem corda peccandi consuetudine, impunitatis spe, cogitationibus Epicureis, exemplis peccantium infinitis, & diaboli dolis. Quod autem Dominus ait sermonem seminum in cordibus eorum, Perinde est, ac si dicat, uicio hominum et prauitate fieri, quod de corde auditorum eripiat: Deo proinde iniuriam faciunt, qui illi suam damnationem ascribunt: Ille enim in omnes misericors: is semen mittit in terram, hoc est, mittit qui Euangelium doceant: sed hominum culpa euenit, quod sine fructu conculcetur. 2. Diligenter obseruandum est, quod Diabolus dicatur uenire & tollere sermonem de corde: unde colligimus hunc salutis nostræ hostem, ut sationis tempore solent famelicæ aues, simulac prodit in medium doctrina, instare & irrumperè ad eam rapiendum, priusquam humore concepto germinet: hoc Satanae perpetuum studium esse, historia omnium temporum docet, ac Petrus testatur, cum ait: eum tanquam Leonem rugientem querere quæ deuoret. Sicuti enim primis nostris parentibus aduersatus est, idque per uerbi diuini ablationem de corde ipsorum: ita hodiè simili studio incumbit, ut uer-



ut uerbum prædicatum infructuosum apud auditores maneat. 3. Est obseruandum, quòd Euangelium sit salutis prædicatio. Nam cum dicit, Diabolus tollere uerbum de cordibus auditorum, ne salue fiant, satis indicat uerbum Dei nostræ salutis destinatum esse. 4. Obseruanda est hic magna fidei laus, dum nostræ salutis causa, aperta uoce Christi hic uocatur, ut credentes, inquit, salui fiant. Quemadmodum enim salus ministerio Euangelij hominibus offertur: Ita sola fide recipitur oblata salus & retinetur: Vnde Apostolus: Euangelium est potentia Dei in salutem omni credenti. 5. Ut magna nostra ingratitude taxatur, qui salutem oblatam per uerbum contemnimus: Ita execrandus est eorum error, qui uerbo uocali suam uirtutem adimere conantur, qui sanè diaboli organa sunt ad impediendum hominum salutem.

SECUNDVM auditorum genus hac parabola notatur. Aliud cecidit super Petram & enatum exaruit, quia non habuit humorem. Parabola à Domino explicatur his uerbis. Nam qui super Petram, hi sunt, cum audierint, suscipiunt cum gaudio sermonem: hi tamen radices non habent qui ad tempus credunt, et tempore tentationis recedunt: dum crux non premit et persecutio, non infimum locum in Ecclesia habent: uerum ubi persecutio oritur propter Euangelium, succumbunt, & in ipsis fides emoritur sine fructu: huius generis



generis auditores sunt, proò dolor, plurimi. Cum  
 primùm in hoc regno repurgata doctrina Euan-  
 gelij esset, plurimi uisi sunt Euangelium seriò am-  
 plecti: sed cum uiderent amicos offendi: cum anim-  
 aduerterent non parum suæ autoritati apud Pa-  
 pistas decedere, & iam pressius eos crux tangeret,  
 obliti dulcedinis Euangelij, quod cum gaudio pri-  
 us susceperāt, ab eo turpiter cum ignominia sum-  
 ma et animarum suarum horrendo interitu disce-  
 dunt miseri, quibus satius fuisset nunquam bonum  
 Euangelij gustasse, quàm ut cum tanta ignominia  
 gratia & salute rursus exciderent.

TERTIV M auditorum genus parabola hac  
 pingitur, Et aliud cecidit inter spinas, & simul  
 enatæ spinæ suffocauerunt illud. Parabolam  
 Dominus interpretans, ait: Quod autem in spi-  
 nas cecidit, hi sunt, qui audierunt, & à solici-  
 tudinibus & diuitijs ac uoluptatibus uitæ  
 euntes, suffocantur, nec referunt fructum. In  
 hac explicatione Domini plura sunt considerāda.  
 primùm q̄ hoc genus hominum fuerit idoneum ad  
 fouendum intus sementem, hoc est, q̄ uera poeni-  
 tentia sint ad Dominum cōuersi, credant et ament  
 uerbum Dei. Deinde, quòd aliunde proueniat cor-  
 ruptio seminis, hoc est, uerbi Dei in corde hominis  
 seminati, nempe à spinis. Quemadmodum semē bo-  
 na terra conceptum, enatum sæpè spinarum com-  
 plexu corrumpitur, ut prorsus pereat ante mes-  
 sem: Ita multi in principio pij & colentes Deum,  
 M spinis



spinis ante finem uitæ suffocantur, spinis, inquam, sollicitudinum, diuitiarum & uoluptatum. Tertio obseruandum hic est, quod Dominus hic ponat tria genera spinarum, quæ sementem cœlestem, postquam in culmum assurrexit, suffocant: ut sunt sollicitudines seu curæ huius seculi, ut Mattheus habet, diuitiæ, seu, ut Mattheus et Marcus habent, deceptio diuitiarum & uoluptates uitæ.

Cum ergo hæ sunt spinæ, quibus uerbum Dei suffocatur, & nemo nostrum sit, qui non ingenti spinarum copia & quasi densa silua refertus sit, danda est opera, ut si spinas ipsas omnino euellere non possimus: saltem aculeos ipsorum retundamus, ne diuinam sementem confodiant & perdant.

Quantum igitur ad PRIMVM spinarum genus attinet, ita retundatur, si toti huic mundo cum suis concupiscentijs renunciemus, & utamur hoc mundo tanquam non utentes: quemadmodum monet Paulus.

SECUNDVM genus non nocebit, si Salomonis consilio usi fuerimus, qui ait: Si diuitiæ affluunt, noli cor apponere. Item Pauli, qui ait: Præcipe diuitibus in hoc seculo, ne superbiant, ne sperent in diuitiarum incertitudine: sed in Deo uiuente, qui præbet nobis abundè omnia ad fructum: sed ut benè agant, & diuites esse studeant in bonis operibus, & sint liberales erga alios.

TERTIVM genus spinarum, uoluptatis uitæ est, quæ in delicijs, pompa, gloria mundi, delicijs



catis cibus & uestibus, & rebus ueneris posita  
sunt: quæ omnes & singule semen diuinum suffo-  
cant, ut fructum uitæ æternæ producere nequeat.  
Hæc ergo spinas diligenter cauant, quibus salus  
æterna curæ est.

QVARTVM genus auditorum hac para-  
bola parte notatur. Et aliud semen cecidit in  
terram bonam, & dedit fructum emergen-  
tem atq; crescentem, & attulit unum trigin-  
ta, & unum sexaginta, & unum centum: Ex-  
plicatur parabola à Domino his uerbis: Quod au-  
tem in terram bonam cecidit, ij sunt, qui corde bo-  
no & benigno audientes sermonem retinent, &  
fructum afferunt in patientia. In hac explicatione  
quinq; obseruanda sunt, quæ bonam terram, in  
uam iactum est semen Domini, definiunt. 1. Est  
orde bono et benigno recipere semen et uerbum  
audire. 2. Retinere semen, id est, non obliuisci uer-  
i auditi, sed illud perpetuò meditari. 3. Est fru-  
ctum facere in uera pietate, sanctitate, caritate &  
ocationis munere. 4. Quòd hunc fructum in  
patientia ferre oporteat, ne uidelicet ullis rebus  
namus à fide, & fructu producendo nos abdu-  
i. 5. Quòd non omnes æquè multum fructus pro-  
erant: ait enim Dominus: unum triginta, unum se-  
aginta, unum centum, hoc est, qui credunt Eu-  
ngelio pro mensura fidei fructificant: alij plus,  
lij minus. Hoc in fructibus discrimen docet et  
onsolatur: docet quidem, quòd semen DEI non  
M 2 debeat



debeat esse infrugiferum, modò salutare ipsum nobis esse cupiamus: consolatur uerò eos, qui benigno & bono sunt corde, & multum fructus cupiunt producere in horreum Dei: sentiunt tamen se uiribus destitui, & non posse sexagesimum aut centesimum prouentum reddere. Hi non despondeant animum: nam paterfamilias etiam inferiores dignatur suo honore & bonitatis elogio.

Quisquis ergo suæ salutis amans est, studeat fructum facere, pro suæ uocationis ratione: & quando se parum producere animaduertit, petat opem à patrefamilias, & in ipsius confidat bonitatem, qui non abiicit eum, qui uel minimum fructum profert.

## DE TERTIO.

Dum hæc diceret, ait Euangelista, exclamans alta uoce, ait: Qui habet aures ad audiendum audiat. Quoniam autem exclamat Dominus, significatur & ipsius affectus erga homines, quod cupiat eos saluos fieri, et hominum surditas ad audiendum ea quæ salutis sunt. Deinde cùm ait: Qui habet aures ad audiendum audiat, haud obscure indicat, se duo genera auditorum habere, quorum quidam sunt surdi, non quòd non audiant externis auribus: sed quòd in intima cordis non reponant quæ audiunt. Huius generis auditorum quanta sit copia, docent scelerati mores multorum, qui fidem in ore habent sine fructu omni, in uita et moribus: quidam sunt auriti, quod auribus externis capiunt,

in m=



in intima cordis reponunt, fructum seminis pro  
 mensura fidei producentes. Verum sciendum, ne-  
 minem sua industria sibi aures, quibus fructuosè  
 uerbum Dei audire possit, formare & aptare: sed  
 oportere aures ipsas à domino perforari. Cum  
 enim uerbum foris in auribus sonat, adest Spiritus  
 sanctus in uerbo efficax, qui aures cordis aperit ad  
 audiendum, & recipiendum uerbum, modò ipsi no-  
 stra malicia spiritui aperienti non reluctemur. Ta-  
 met si enim solus Dominus aures aperire potest, &  
 omnibus se paratum exhibet, tamen illis solis aperi-  
 untur, qui sua contumacia Domino non resistunt.  
 Quare nostrum est perpetuis suspirijs ad Domi-  
 num clamare, ut aures nostras aperiat, corda præ-  
 paret, affectus purget, quò uerbum audiamus in  
 nostram salutem & gloriam Dei, Cui honor &  
 gloria in secula, Amen.

DE TERTIO.

## DOMINICA QVIN-

QUAGESIMÆ, EVANGE-

lium Matth. 3.

**T**Vnc autem accedit Iesus à Galilæa, ad  
 Iordanem ad Iohannem, ut baptizaretur  
 ab illo. At Iohannes prohibebat illum,  
 dicens: Mihi opus est, ut abs te baptizer, &  
 tu uenis ad me? Respondens autem Iesus di-  
 xit ad illum: Omitte nunc, sic enim decet  
 nos, ut compleamus omnem iusticiam.  
 Tunc omittit illum. Et baptizatus Iesus

M 3 ascen-





ascendit protinus ab aqua : & ecce aperti sunt illi cœli, & uidit spiritum Dei descendentem tanquam Columbam, & uenientem super ipsum. Et ecce uox de cœlis dicens : Hic est Filius meus dilectus, in quo mihi bene complacitum est.

ENARRATIO TEXTVS.

**H**OC festum institutum est in Ecclesijs nostris propter historiam Baptismi Christi, quæ historia præcipuum factum, quod unquam in mundo contigit, continet: neq; unquam continget, priusquam Christum uiderimus uenientem in nubibus cum Angelis suis & potestate magna. Si ergo delectat

QUINQ;  
leant nos matorum  
maximi Herois by  
canditate oblectat  
an sola plura com  
rie mundi afferre  
dimus ad huius Hui  
sunt diluende quæ  
nam hoc festum in Ec  
sacris ordinatione  
hoc tempore anni po  
questionem respond  
propter nostram sal  
sacra ordinatione in  
rie partem non om  
eam proponere.

Ad posteriorem di  
ueniat maxime eam  
de causis. Primus  
Historia. Hactenus ex  
natiuitate Domini. 2.  
paritione. 4. de oblati  
spuatione eius in tem  
Quid aut egerit a di  
bil scriptum est, missi  
rentibus. 5. de Baptis  
re optime recitatur.  
atione. 9. de doctrina  
11. de resurrectione  
12. de missione Spi



lectat nos maiorum Heroum historia, habemus hic maximi Herois historiam, quæ non solum sua iucunditate oblectat animos legentium: Verumetiam sola, plura commoda affert, quàm omnes Historiæ mundi afferre possunt. Priusquam autem accedimus ad huius Historiæ expositionem, duæ nobis sunt diluendæ questionēs: Quarum prior est, cur nam hoc festum in Ecclesiastica nostrarum Ecclesiarum ordinatione sit institutum: Posterior, cur hoc tempore anni potius quàm alio. Ad priorem questionem respondeo. Historia Christi textitur propter nostram salutem, ideò uoluit etiam Ecclesiastica ordinatio in Dania hanc potissimum historiæ partem non omittere: sed certo tempore anni eam proponere.

Ad posteriorem dico, quòd hoc tempore conueniat maximè eam historiam tractare: idq; duabus de causis. Primum propter ordinem & seriem Historiæ. Hactenus enim ordinè audiuius. 1. de natiuitate Domini. 2. die Circumcisione. 3. de apparitione. 4. de oblatione eius in templo. 5. de disputatione eius in templo cùm ageret 12. annum. Quid aut egerit à duodecimo anno usq; ad 29. nihil scriptum est, nisi quòd fuerit subiectus suis parentibus. 6. de Baptismo eius qui hoc anni tempore optimè recitatur. 7. sequitur de ieiunio. 8. de tentatione. 9. de doctrina & miraculis. 10. de passionē. 11. de resurrectione. 12. de ascensione in cælum. 13. de missione Spiritus sancti, qua Christi do-

M 4 Arina



doctrina confirmata est. 14. sequuntur reliquo tempore anni conciones uariæ, in quib. beneficia Christi Ecclesiæ commendantur, proponuntur pietatis exempla, inuitantur homines ad piam sanctamque uitam. 15. de iudicio extremo, & præmijs piorum & pœnis impiorum. Hæc sunt præcipua membra historiæ Christi, qua optimo ordine, prout res gestæ sunt, singulis annis in nostris Ecclesijs tractantur. Est præterea alia causa, cur hoc anni tempore de Baptismo Christi agit nostra Ecclesia, nimirum ut doceatur, qualenam uestimentum deceat Christianos contra Diabolicum illum & Ethnicum furorem, & debacchandi ritum, qualis hactenus in usu fuit in multis locis Christiani orbis, non sine graui Dei offensa. Atq; hæc de præsentis festo dicta sufficiant. Loci tres:

- I. Historia Baptismi Christi, cum suis circumstantijs.
- II. Vsus Historiæ in Ecclesia.
- III. Nostri Baptismi ratio & usus.

## DE PRIMO.

In Baptismo Domini plures sunt perpendenda circumstantiæ, & potissimum hæc quinque. 1. Quæ personæ hîc agant. 2. Locus. 3. Colloquium Christi & Iohannis. 4. Baptizatio Christi. 5. Euentus, seu id quod contigit Baptizato Domino. De his quinque circumstantijs ordine dicam.

PRIMA: Tunc uenit Iesus à Galilæa ad Iohannem. Hîc duas personas habemus. Iohannem, qui in spiritu

ritu Helie missus est  
min: Vnde pater eius  
co de eo dixit ad Iohannem  
dilectum uocaberis:  
parare uias eius: et  
cuius nomen plus  
nullus maior de mul  
hic alteram personam  
um & hominem: Ad  
quibus nihil præclar  
Iohannes fuit sum  
eterni Dei æternus  
dignitas & autorita  
tur quanta sit, & d  
qui à Deo profectus  
habet mundum ex  
SECUNDA: V  
signatur celebrati Bap  
meminit Euangelistam  
olim in Iordane contig  
nos colligamus, quæ  
spiritualis.  
Primum itaq; occu  
git christi populus duc  
rum promissam: Nat  
tatem aquæ ab altera  
huius populo Dei iter  
patus arcam Domini  
stant ante populu



ritu Helie missus erat ad præparandam viam De- *es. 40. 3. mat. 3.*  
 mini: Vnde pater eius Zacharias spiritu propheti- *hic. 1.*  
 co de eo dixit adhuc infante: Et tu puer Propheta  
 altissimi uocaberis: præibis. n. ante faciem Domini  
 parare uias eius: ea de causa Christus ipse pronun- *mat. 3. 11.*  
 ciat Iohannem plus quàm Prophetam esse, & quo  
 nullus maior de muliere natus sit. Deinde habemus  
 hic alteram personam, nempe ipsum Christum, De-  
 um & hominem: Ad sunt ergo hic due persone,  
 quibus nihil præclarius habet hic mundus uniuersus:  
 Iohannes fuit summus Propheta Dei: Christus  
 æterni Dei æternus filius: quorum quia & summa  
 dignitas & autoritas existit, nobis hic insinuatur  
 quanta sit, & dignitas & autoritas Baptismi,  
 qui à Deo profectus celebratur per eos, quibus ni-  
 hil habet mundus eximium magis.

SECVNDA: Venit ad Iordanem. Hic locus  
 signatur celebrati Baptismi. Iordanis non frustra  
 meminit Euāgelista: uult enim, ut ad miracula, quæ  
 olim in Iordane contigerunt respiciamus, ut inde  
 nos colligamus, quæ sit uis & efficacia Baptismi  
 spiritualis.

Primum itaq; occurrit miraculum, quod conti- *mat. 3.*  
 git cùm populus duce Iosua ingrederetur in ter-  
 ram promissam: Nam Iordanis fluuius contra na-  
 turam aque ab altera parte stetit ut murus, præ-  
 buitq; populo Dei iter, ut siccis transiret pedibus,  
 secutus arcam Domini, quam sacerdotes Dei præ-  
 ferebant ante populum. Isto typo significatum est,

M S nos



nos è regno Satanae, in regnum Dei transferri per baptismum, præcepente Christo, qui uera propitiationis arca est.

*2143.2* Helias pallio diuisit Iordanem, ac transgressus fluuium in cœlum subiectus est. Naaman Syrus leprosus ablutus in Iordane ad iussu Prophetæ sanitati est restitutus. Vt autem Heliae factum transitum in cœlum per Baptismum fieri adumbrat: Ita Naaman Syri purgatio spiritualem per Baptismum fieri mundationem à peccatis figurat: Nam quod foris figurat baptismus, id intus sua uirtute operatur Dominus. Cum igitur hic sit Iordanis mentio, meminerimus quòd spiritualiter de Baptismo nostro significet.

**TERTIA**, At Iohannes prohibebat illū, dicens: Mihi opus est, ut abs te baptizer, & tu uenis ad me? Respondens autem Iesus, dixit ad illum: Omitte nunc, sic enim decet nos, ut compleamus omnem iusticiam: tunc omittit illum. In hoc colloquio plura sunt spectanda membra: Primū de prohibitione, qua Christum obnoxè prohibebat & oratione & manu. Duo quidem hic diligenter perpendit Iohannes, sed tertium negligit. Perpendit se indignū esse, ut qui soluat corrigiam calceorum Christi, ne dum eius nudū corpus abluat. Deinde perpendit, q̄ Christus sit immunis à peccato, atq; ideo iudicat ipsum non indigere Baptismo, ut eo abluatur in signum pœnitentiæ. Tertium, ut dixi, neglexit: nempe quòd esset & sui officij,

QUINQ  
officij, & officij Chr  
ri, & non indignit  
dicere. Christum no  
spectaret ad officium  
Christo, Omitte n  
plere omnem iusti  
as: ego autem ueni  
ram, faciamus ergo ut  
Hic ergo tria à Ioh  
serre nos indignos ej  
ministerium comenit  
stum cum esse, qui se  
luere uolet. Tunc ma  
stra uocatione, mem  
nostra, sed argente op  
QUARTA. Et b  
nus filius Dei, sanctus, in  
tis, & excelsor coelis, b  
natur: plures possunt ad  
uolunt per baptismum  
& hoc quasi scindere  
esse. Secundo, ut Bap  
mortis, sepultura &  
suam passionem Bapti  
plius Zebedei responsa  
ens, Potestis baptiza  
ror: Tertio, ut sancti  
modis baptizandis: a  
sa consecrantur man



officij, & officij Christi. Debebat. n. officium intueri, & non indignitatem suæ personæ debebat iudicare. Christum non aliquid moliri posse, quod nō spectaret ad officium Mediatoris. Atq; ideo audit à Christo, Omitte nunc: sic enim decet nos implere omnem iusticiam. Tu missus es ut baptizes: ego autem ueni ut baptizatis salutem conferam, faciamus ergo uterq; quod nos doceat.

Hic ergo tria à Iohanne discamus: Primū agnoscere nos indignos esse, quibus ullum in Ecclesia ministerium committatur. Deinde agnoscere Christum cum esse, qui solus à maculis peccati nos abluere ualeat. Tum mandato Christi obedire in nostra uocatione, non impediēte nos indignitate nostra, sed urgente officium mandato Domini.

QVART A: Et baptizatus Iesus: hic æternus filius Dei, sanctus, immaculatus, purus à peccatis, & excelsior cœlis, baptizatur. Sed cur baptizatur? plures possunt assignari causæ: Primum. n. uoluit per baptismum inaugurari ministerio Dei, & hoc quasi fœdere ostendere se ministrum Dei esse. Secundò, ut Baptismus externus esset figura mortis, sepulturæ & resurrectionis suæ: unde & suam passionem Baptismi nomine designauit, cum filijs Zebedæi responderet Matthæi uicesimo, dicens, Potestis baptizari Baptismo quo ego baptizor? Tertiò, ut sanctificatas relinquere aquas omnibus baptizandis: non enim Sacramenta Ecclesiæ consecrantur murmure Sacerdotis, tanquam magica

*Cœlū cœlis baptizatur.*



magica incantatione: sed Sacramentorum conficitur consecratio institutione, facto, promissionibus Christi ac nostra obedientia erga ipsum. Quarto, Baptismum nobiscum communem habere uoluit, ceu certissimum unionis & societatis, quam nobiscum habere dignatus est, testimonium & pignus: Vnde Paulus probat nos esse filios Dei, qui Christum per Baptismum induimus. Quotquot, inquit, baptizati estis, Christum induistis. Quinto, ipse facere uoluit, quod omnibus facere imperauit, quemadmodum ait Augustinus: optimè enim is docet, et imperat, qui suæ doctrinæ typus est, & imperata primus facit.

QVINTO euentes consideretur. Nam quæ contigerunt baptizato Christo et orante, sunt omnium maxima miracula quæ unquam contigerunt. Primum aperitur cælum, quæ re significatur, & quod solus Christus sit uia in cælum, quem induimus in Baptismo, & quod cælum clausum maneat omnibus, qui Christum uiam unicam in cælum non agnoscant. Deinde uidit Spiritum Dei descendentem quasi Columbam, & sedentem super eum: Hæc dulcissima imago est beneficiorum Christi. Nos oēs in diluuiio peccati perditī eramus: sed Christus uenit nobis arca, qui nos in se recipit à diluuiio, in cuius testimonium uenit Columba, & quiescit super eum. Huius rei typus erat Arca Noë, & columba quam emisit, quæ reuersa ramum olivæ in ore habuit, in signum siccati diluuij: Ita hic S. sanctus, in specie

QVINTO  
specie columbe appo  
peccatorum: sed in  
Ecclesia Christi, ubi  
data est uox de celo  
dilectus per quem  
diuinus Patrem cor  
se. Quid queso pote  
gis suspendam: o dep  
detestanda furditas: Pa  
angelum de celo, &  
lum, nos furdi non an  
quid queso docet: Hi  
lectus. En testimoniu  
si salus tibi cura est  
Ideo dilectum appell  
simus sed in dilecto, in  
lum propter se amat, in  
tura enim sumus filij in  
uere adoptamur in filios  
ne Dei: In quo comp  
quem sum placatus &  
tus. Hic tria sunt alio  
sine Christo Deus sit  
catum, quo Deum off  
sus sit reconciliatio  
cio pro peccato. Sang  
us ab omni iniquitati  
uentis & reconcili  
pino obsequanda. H



specie columbæ apparens, testis est absorpti diluuij peccatorum: sed in sola Arca est salus, hoc est, in Ecclesia Christi, ubi S. sanctus habitat. Tertiò audita est uox de cælo, dicens: Hic est filius meus dilectus, per quem placatus sum. Ecce hîc audiuius Patrem cœlestem præconem Euangelij esse. Quid queso potest admirabilius esse? quid magis stupendum? ô deploranda cœcitas hominum, ô detestanda surditas: Pater cœlestis sonat suum Euangelium de cælo, & nos cœci non intuemur cœlum, nos surdi non audimus uocem docentis. Sed quid queso docet? Hic est, inquit, Filius meus dilectus. En testimonium Patris de Filio, huic crede, si salus tibi curæ est, is natura est filius, nos gratia. Ideo dilectum appellat, non quòd nos dilecti non simus: sed in dilecto, in quo solo nos caros habet: illum propter se amat, nos uerò propter illum. Natura enim sumus filij iræ, Ephes. 2. per Christum uerè adoptamur in filios, unde sequitur in concione Dei: In quo complacitum est mihi, id est, per quem sum placatus & humano generi reconciliatus. Hic tria sunt alto animo perpendenda. 1. Quòd sine Christo Deus sit nobis iratus, idq; propter peccatum, quo Deum offendimus. 2. Quòd solus Christus sit reconciliatio nostri: ipse enim est propitiatio pro peccato. Sanguis enim Iesu Christi purgat nos ab omni iniquitate. 3. Quòd hæc paterna beneuolentia & reconciliatio sit fide accipienda ac baptismo obsignanda. Hanc fidem sequi debet noua obedi-



obedientia & gratitudo erga Deum. Ecce habes summam Euangelij, ad quam in omni uita & mortis hora respicere debemus: non enim aliunde solida conscientie consolatio sumi potest. Atq; hæc sint breuiter dicta de narratione Euangelica.

## DE SECVNDO.

Etsi usus ex ijs quæ dicta sunt facile colligi potest: tamen quædam hîc capita recitabo: Primum ergo sciamus, quòd noster Baptismus hîc consecratur, & sanctificetur aqua Baptismi per Christum, quia aqua baptizari dignatus est. Deinde totum spectaculum nobis ob oculos, tanquam in imagine Ecclesiam Christi depingit, hîc conspicitur Iohannes doctor in Ecclesia: ubi enim uerbum Dei non est, ubi non auditur docentis uox, illic Ecclesia monstrari non potest. Deinde Christus baptizatur: à benè enim instituta Ecclesia, usus Sacramentorum abesse non potest. Tertiò Christus baptizatus orat, cuius exemplum membra ipsius imitantur, & Deo uerum cultum ex fide præsent. Quarto, Filius stat in medio: uox Patris sonat de cælo: Spiritus sanctus requiescit super Baptizatum: idem reuera hodiè fit in nostra Ecclesia: Deus enim Pater, Filius & Spiritus sanctus suæ Ecclesiæ adest, & per uocem prædicantium testatur suam beneuolentiam erga Christi Ecclesiam. Per Filij præsentiam testatur, quòd nos in filios adoptauerit, & per Spiritum sanctum testatur se gubernare Ecclesiam suam: unde & nos hanc fiduciam

conci-



concipiamus, quod portæ inferorum non sint præualitura aduersus eam.

DE TERTIO.

Pleraq; quæ ad nostrum Baptismum pertinent, sunt in superioribus locis explicata: Quare breuiter quedam attingam, quæ præcipue scire necessarium est, atq; duo dicam: quale sit signum Baptismus, & quæ sit uera eius meditatio.

Quale ergo signum est Baptismus? Primum est testimonium gratiæ, eiusq; & exhibitæ, & applicatæ baptizato, nimirum quodd Deus sit illi placatus per Christum, quod sanè testimonium requirit fidem. Deinde est symbolum hoc signum, quod quadam ratione docet: Est enim signum uirtutis spiritualis Christi, nimirum quod Christus sua morte, sepultura, & resurrectione sit nostri liberatio à morte, sepulcro, & donator uitæ æternæ. Deinde est symbolum uitæ nouæ coram Deo, quemadmodum Paulus Rom. 6. docet his uerbis. Quotquot baptizati sumus in Christum Iesum, in mortem eius baptizati sumus, consepulti igitur sumus cum ipso per Baptismum in mortem, ut quemadmodum Christus excitatus est ex mortuis, ita et nos in nouitate uitæ ambulemus.

Præterea, coram hominibus est tessera quedam professionis, qua testamur nos esse membra Christi, & hostes Diabolorum.

Meditatio pia Baptismi in his rebus posita est.

PRIMUM statuere oportet, quod baptis-

mus



mus noster sit firmissima quædam obsignatio, & Sacramentum nostræ reconciliationis cum Deo.

DEINDE, Baptismus debet nobis esse perpetua quædam admonitio, quòd hæc reconciliatio sit facta, per sanguinem, mortem, sepulturam ac resurrectionem Christi.

TERTIO admonebit nos mortificationis carnis & uiuificationis spiritus, adeoq; perpetue in hoc mundo pœnitentiæ, & futuræ per Christum glorificationis.

QUARTO, admonebit nos, quòd regenerationis beneficium sit donum & opus totius Trinitatis, in cuius nomine baptizamur, ut ipsi adhareamus, ac colamus per totam uitam, Cui honor & gloria, in secula seculorum, Amen.

## DOMINICA PRIMA

IN QUADRAGESIMA

Euangelium Matth. 4.

**T**Vnc Iesus subductus fuit in desertum à Spiritu, ut tentaretur à diabolo. Et cum ieiunasset dies quadraginta ac noctes quadraginta, tandem esuriit. Et accedens ad eum tentator, dixit: Si filius Dei es, iube ut lapides hi panes fiant. At illi respondens, dixit: scriptum est: Non solo pane uicturus est homo, sed omni uerbo quod egreditur per os Dei, Tunc assumit illum Diabolus in sanctam ciuitatem

QUADRAGESIMA



uitem; & statuit eu  
mpli, dicitq; illi, Si  
te deorsum: Nam scrip  
mandaturus est de te, a  
ne quando impingas in  
um. Dixit illi Iesus: Rur  
tentabis Dominum De  
illum illum Diabol  
sum ualde, & comme  
mundi, & gloriam illo  
omnia dabo tibi, si  
ra. Tunc dicit illi Ie  
pau est enim Domi  
ra, & illum solum c





MINICA PRI

QVADRAGESIMA  
Evangelium Matth. 4.

Jesus subductus fuit in desertum, ut tentaretur à diabolo. Et post quadraginta ac novem dies esurivit. Et accedens ait: Si filius Dei es, iube ut hoc pane victurus eris. At illi respondens, dixit: Solo pane vivitur homo, sed non solo pane egreditur peribulum. Diabolus in sancto

uitatem, & statuit eum super pinnaculum templi, dicitq; illi, Si filius es Dei, præcipite deorsum: Nam scriptum est: Angelis suis mandaturus est de te, ac manibus tollent te, ne quando impingas in lapidem pedem tuum. Dixit illi Iesus: Rursus scriptum est: non tentabis Dominum Deum tuum. Rursum assumit illum Diabolus in montem excelsum ualdè, & monstrat ei omnia regna mundi, & gloriam illorum, & dicit illi: Hæc omnia dabo tibi, si prostratus adoraueris me. Tunc dicit illi Iesus: Abi Satana: scriptum est enim: Dominum Deum tuum adorabis, & illum solum coles. Tunc dimittit illum.

N

lum



lum Diabolus, & ecce Angeli accedebant  
ac ministrabant ei.

## ENARRATIO TEXTVS.

**Q**uemadmodum proximo die Dominico au-  
diuimus historiam Baptismi Christi, in qua  
maximæ res continentur: Ita hoc Euangelium eti-  
am partem historię Christi continet, uidelicet de  
eius ieiunio & tentatione: quibus rebus Deus sin-  
gulari sapientia suum Filium humiliari uoluit, &  
ostendere, quàm uerum sit, quod olim prædixit: ni-  
mirum quòd ut serpens insidiaturus esset calcaneo  
Seminis mulieris, hoc est, quòd Christi persone  
ac eius regno esset Satan positurus insidias (id  
quod hæc Historia uerissimum esse ostendit) ita  
idem Semen contritum esse caput serpentis: Cu-  
ius rei specimen quoddam in hac Historia uidemus.  
Hæc omnia eò referenda sunt, ut & Christi obe-  
dientiam sub cruce discamus, & sciamus qualem  
clipeum oporteat oponere tentationibus & iacu-  
lis Diaboli. Loci duo.

I. De Ieiunio.

II. De Tentatione.

## DE PRIMO.

In hoc loco duo spectanda sunt: Primum que-  
nam sit ratio ieiunij in genere. Deinde quid senti-  
endum sit de Christi ieiunio in specie.

Ieiunium est abstinentia ad tempus à cibo &  
potu, qua corpus affligitur et ueluti mortificatur.  
Et est triplex: Indifferens, pium & impium.

Indiffer

*Ieiunium qd  
e & quotup  
lex?*



INICA I. IN  
& ecce Angeli acco  
ci.

RATIO TEXTU

modum proximo die Domi

historiam Baptismi Christi

minuentur: In hoc Euan

torie Christi continet, ut

7 tentatione: quibus rebu

na suum Filium humiliat

am uerum sit, quod olim p

ui serpens insidiaturus es

liaris, hoc est, quod Chri

no esset Satan positum in

Historia uerissimum esse ch

contritum esse caput p

men quoddam in hac Hist

eo referenda sunt, ut et

o cruce discamus, et scia

ueritat opone tentationi

Loco duo.

De ieiunio.

De Tentatione.

DE PRIMO.

loco duo spectanda sunt: Po

no ieiunij in genere. Deinde

e Christi ieiunio in specie.

est abstinentia ad temp

que officij et uelut m

e Indifferens, piam et imp

## QVADRAGESIMA.

195

~~Indifferens ieiunium est, cum uel pra inopia~~  
~~uel ualetudinis causa, uel ingenti aliquo animi mœ~~  
~~rore abstinetur à cibo & potu.~~ Hoc per se nec pla  
cet nec displicet Deo, uerum prout fides et patien  
tia adfuerint, placere & displicere putandum est.

~~Ieiunium pium, Christianum et acceptum Deo,~~  
~~est abstinentia non solum à cibo & potu, qua cor~~  
~~pus premitur et mortificatur: Verum etiam ab om~~  
~~nibus alijs rebus, quæ carni ullam uoluptatem ad~~  
~~ferre possunt, eò pertinens, ut plenū sit spiritus im~~  
~~perium per ueram pœnitentiam, piam orationem,~~  
~~& seriam renunciationem omnium iniuriarum,~~  
~~quibus proximus ladi potest. Nam corporis affli~~  
~~ctio per ieiunium, est symbolum mœroris animi~~  
~~propter peccatum, et testimonium ueræ pœniten~~  
~~tiae. Huius fines sunt (propter quos & acceptum~~

~~est) tres: Mortificatio carnis: Excitatio spiritus: &~~  
~~intensius omnis pietatis studium.~~ Huiusmodi fuit  
ieiunium Pauli, cuius meminit 2. Cor. 6. & certè  
deberent pij homines sancto ieiunio sæpè spiritum  
excitare, ne carnis concupiscentijs succumberent.

Est autem hoc sanctum et Christianum ieiuni  
um duplex. Priuatum et solenne. Priuatum, est quod  
quis sua sponte sibi imponit, uel pietatis excitat  
de causa (quale ut sæpè aliàs, ita potissimum ante  
sacram synaxim, à quolibet Christiano, cuius caro  
hac castigatione indiget, institui uellem) uel officij  
noui capeffendi gratia, ut se quis eo prepararet ad  
meditationem officij, oreteq; ut Deus auspicijs sui

N 2

munc

*Fines Ieiunij*

*Christia  
nim Iju  
nim di,  
plex.  
NB*

4  
10 11



muneris propicius aspires: huiusmodi fuit olim ieiunium Moysi in monte, et Helie in deserto, & ieiunium Christi in deserto, cuius hic fit mentio.

~~Solenne ieiunium pium et Christianum, est, quod Magistratus pius, siue gubernatores Ecclesiarum indicunt, uel ut presens malum: ut pestis, gladius, secte, seditiones etc. uera poenitentia et inuocatione Dei tollatur aut mitigetur: uel ut mala quae ob peccata grassantia imminere uidentur, caueantur.~~ Huius generis ieiunia à sanctis Regibus et Prophetis saepe indicta sunt, quae Deo fuerunt grata propter poenitentiam, fidem, inuocationem, caritatem, meditationem beatæ uitæ, et huiusmodi alia, quae in Christiano ieiunio adesse solent & omnino debent. De hoc duplici ieiunio, priuato & solenni, tenenda est hæc regula, quod ut priuatum liberum est in arbitrio cuiusq; positum: Ita solenne mandato magistratus, caritatis lege, & publici commodi necessitate obligat, quare illud contumaciter uiolare grande peccatum est.

~~Impium seu Pharisaicum ieiunium, est abstinentia à certo cibi genere, quæ putatur cultus Dei esse per se, & res Deo grata propter ipsum opus, ideoq; meritoria.~~ Quasi uero Deus moraretur externa opera, ubi conscientia est impura: & ieiunium per se esset in eo genere operum, quæ Deo immediatè & simpliciter probantur, quemadmodum ea, quæ in lege sua, hoc est, Decalogo præscribit, et non potius esset externum quoddam exerci-

*Regula de Ieiunio  
observanda.*



INICA I. IN

exercitium, & quedam corporalis exercitatio, ad  
lium finem spectans, nimirum ut poenitentiae, ora-  
tioni, carni domandae, caritati, meditationi beate  
uite subseruiat: Merito ergo Propheta huiusmodi  
Hypocritica ieiunia damnant: in quibus plurima  
horrenda scelera concurrunt: Vt opinio cultus, fi-  
ducia operis, necessitas, coactio, delectus ciborum  
necessarius, modus ieiunandi, quo uel porci sagina-  
ri possint, meditatio fraudis & iniuriae proximo-  
rum.

Potest autem hoc ieiunium Pharisaicum diuidi  
in duo genera, ut unum statum, aliud arbitrium  
dicatur. Statum ordinarium est, & certo tempore  
anni affixum, quale apud Papistas quadragesimale  
ieiunium, ut uocant, & ieiunium quatuor tempo-  
rum Apostolorum, quibus suffragia Apostolorum  
umere uoluerunt, & cuiusmodi plurima, in quibus  
nihil, praeter meram superstitionem & multipli-  
cem impietatem exercuerunt.

Arbitrium ieiunium, est quod aliquis arbi-  
trio suo, quo Deum sibi debitorem faciat, deligit:  
quale illius fuit, qui iactabundus in oratione sua ad  
Dominum ait: Ieiuno bis in Sabbato ubi suum iei-  
unium, ut opus sanctum & meritorium praedicat, ac  
Deum admonet, ne eius obliuiscatur.

Haec sint dicta in genere de ieiunio, nunc pauca  
de Christi ieiunio adijciam. De hoc ita ait Euange-  
lista: Tunc ductus est Iesus in desertum a spi-  
ritu, ut tentaretur a Diabolo, & cum ieiunas-  
set

Ieiunij Phari-  
saicj duo ge-  
nera.

4  
10 11



sed quadraginta diebus & quadraginta noctibus postea esuriit. Hic primum tempus notatur nimirum quod statim à Baptismo ieiunauerit. Deinde notatur locus, nempe desertum. 3. Modus ieiunij, uidelicet quod quadraginta diebus & noctibus absq; omni cibo uixerit. 4. Miraculum, quod & tanto tempore potuerit absq; cibo uiuere, & quod non esurierit tanto spacio: nam non sensit famem priusquam quadraginta dies & totidem noctes præterierant.

Sed cur Christus hoc fecit? Primum, ut hoc miraculo testaretur de sua diuina potentia. Deinde propter figuram: Moses enim typus Christi, in monte ieiunauit quadraginta dies & totidem noctes. 3. Ut satisfaceret pro gula primorum parentum & nostra. 4. Propter uocationem: Hoc enim usitatum Deo est, cum uelit aliquem arduo officio præfici, sicuti in Mosè & Helia uidemus. 5. Ut esset exemplum nobis, ut nos sobrij perpetuò in timore Domini uiuamus.

Est igitur usus ieiunij Christi agnoscendus, qui est multiplex. 1. Ut cogitemus quantum fuerit humiliatus filius Dei. 2. Ut exemplo filij Dei sobrie orationi studeamus. 3. Ut illi gratias agamus, qui nostro nomine tantum ieiunium sustinuit.

Deinde ab altera parte cauendus est abusus, ne uidelicet abutamus hoc sancto Christi ieiunio, quod fit, si uel præceptum uniuersale faciamus ex hoc Christi facto: uel putemus nos fieri participes

ieiunij



ieiunij Christi per nostrum fictum ieiunium: uel  
suspiciemus ieiunium nostrum peccatorum remis=  
sionem mereri, ex opere operato, sicuti Thomas  
Aquinas sacrilege docet: uel iudicemus cum Am-  
brobio hoc quadragesimale ieiunium à Pontifici=  
bus Ecclesie impositū esse necessitatis, ita ut nemo  
pius habeatur, nisi qui hoc ieiunium seruārit. Hæ  
omnes opiniones pugnant ex diametro cum ipso  
fidei fundamento, quod est solius Christi merito  
saluari credentes.

At dicunt: Omnis Christi actio nostra est in-  
structio: Is autem ieiunauit quadraginta dies: ergo  
nos debemus hoc factum Christi imitari. Verum  
quidem est, quod dicunt, omnis Christi actio nostra  
est instructio, sed non est uerum, quod omnis Chri=  
sti actio sit nobis imitanda, id quod ex actionum  
Christi differentijs manifestum est: Sunt enim acti=  
ones Christi aliæ morales: aliæ miraculosæ: aliæ pe=  
culiæ. Morales uitam ac mores nostros instru=  
unt: est enim ipse perfectissimum uirtutum exem=  
plar. Miraculosæ, inter quas hoc ieiunium nume=  
ro, mentem nostram de ueritate doctrinæ Christi  
informant & confirmant. Peculiæ seu piacula=  
res sunt, quæ ad redemptionis & expiationis bene=  
ficiū pertinent: Hæ salutis fiduciam in nobis fo=  
uebunt & alent. Atq; ita omnis Christi actio est  
quidem nostra instructio, sed non omnis imitanda  
sed tantum quæ ad mores & uitam, iuxta legis de-  
calogū scriptum pertinent:



Licet ne ergo ieiunium quadragesimale ieiunare licet, modo seruentur in eo conditiones, quas suprà dixi in sancto & Christiano ieiunio seruandas esse. Et sanè apertè fateor isto tēpore singulari sobrietate opus esse, ad meditandum beneficium redemptionis, quòd tūm solet in nostris Ecclesijs quotidie proponi in enarratione passionis Dominicæ: sed coactio & necessitas abesse debent.

## DE SECVNDO.

Accedens ad eum tentator &c. In his Christi tentationibus uidere licet: Primum, quanta sit audacia Satanae & studium eius ad destruendum regnum Christi. Nam ne quidem filio Dei pepercit, sed eum accedit, tentat: & quemadmodum regnum Dei in Paradiso inuasit & superior est factus: Ita nouum Paradisum regnum Christi molitur destruere, ac eius regem telis tentationum adoritur. Deinde hinc licet uidere quàm sit humiliatus filius Dei, ut non solum sit afflictus ieiunijs, uerumetiam tentationibus Satanae sit petitus.

Ceterum, ut nos hinc salutare instructionem accipiamus, Primum de tentationibus Christi dicam. Deinde quare sit tentatus: Postremò, quid nobis doctrinae & consolationis sit petendum ex tentationibus Christi.

In singulis tentationibus Christi, quæ tres hic numerantur, quatuor spectemus. 1. Quæ occasio. 2. tentationis modus. 3. tentationis finis. 4. modus uictoriae.

Quantum



Quantum itaq; ad primā attinet tentationem, eius occasio hisce Euangelistæ uerbis indicatur: Et cum ieiunasset quadraginta diebus & quadraginta noctibus, postea esuriit. Ecce qualem occasionem nactus est. Christus ieiunat: parat se ad officium capeffendum: sed Satan aliud molitur, & ex bono facto Christi eius perdendi materiam captat. Hoc perpetuum Satane studium fuit, & ut benefactis sanctorum & peccatis abutatur illis in perniciem: sed nouit Deus qui sunt sui, & potest eos è tentatione eripere.

Tentationis modus sequitur: ait enim tentator: Si filius Dei es, dic ut lapides isti panes fiant: finis huius tentationis fuit, Christo persuadere, periculum facere, an Deus miraculo suam diuinitatem comprobare uellet: quod si non faceret, ut suspicaretur Dominus se Deo curæ non esse. Pugnat ergo hæc tentatio cum prouidentia Dei, qua Deus suis filiis prouidet omnia, quæ sunt ipsis ad salutem & præsentem uitam necessaria.

Modus uictoriæ sequitur: Cui respondens dixit: Scriptum est, Non in solo pane uiuit homo: sed in omni uerbo quod procedit de ore Dei. Hic uidemus in uerbo Dei uictoriam esse sitam aduersus Satanā. Satan uult persuadere Christo, quod sit periturus, nisi ex lapidibus panes faciat: sed Christus negat hominem uiuere solo pane seu cibo corporali. Cibus enim non nutrit, nisi accedat benedictio diuina, à qua panis robur capit.

N S scri-



scriptum est enim, Comedent & non saturabuntur. Scripturam autem huc adductam à Christo habes Deut. 12. Quo in loco consolatur Moses populum in deserto, ubi nō erat panis: sed Deus Manna de cœlo dedit, & aquam de petra. Hanc promissionem Christus sibi atq; omnibus pijs applicat: significans fore, ut in medio famis Deus suis sit adfuturus et necessaria suppeditaturus. Huius promissionis exempla habemus in Israëlitis, Helia, Eliseo, Mose, & hic in Christo. Huc illud Prophetæ: Non confundentur in templo malo, & in diebus famis saturabuntur. Hæc promissio, cum ad nos quoque pertineat, arripienda est fide, et opponenda est Satanae, ne nos tentatione famis evertat. Atq; hæc de prima tentatione Christi & eius usu sint breuiter dicta. Secunda sequitur.

Occasio secundæ tentationis hisce uerbis describitur: Tunc assumpsit eum Diabolus in sanctam ciuitatem, & statuit eum supra pinna-culum Templi. Ecce occasionem, Ecce artificium Satanae, qui ex re qualibet perdendi materiam petit.

Modus tētionis additur, Si filius Dei tu es, mitte te deorsum: scriptum est enim, Angelis suis mandabit de te, & in manibus tol-lent te, ne fortè offendas ad lapidem pedem tuum. Finis, ut Christus tentaret aliquid contra uocationem, ac ita in se iram Dei prouocaret, quemadmodum primi parentes fecerunt. Nam

postea



postquam uidit magnus iste, quod Christus scriptura se erigit, conatur scripturam mendacijs suis inuoluere. Psalmus ille, quem citat Satan, loquitur de prouidentia Dei, quod uelit Deus quemlibet pi-  
um in suis uijs, hoc est, in suo uitæ genere et uoca-  
tione legitima conseruare: non præcipit, ut aliquid  
temerariè faciamus contra uocationem. Sed quomodo Christus hoc Satanae telum ignitum extinxit? Verbo: ait enim. Rursus est scriptum: Non  
 tentabis Dominum Deum tuum. Hæc habemus Deut. 6. ubi tentare Deum significat aliquid  
 audere per diffidentiam: siue in rebus prosperis  
 siue aduersis: quare talis tentatio aduersatur fidei  
 & Dei timori. Qui enim in rebus prosperis secu-  
 rus uiuit, & deponit timorem Dei, is certò tentat  
 Deum contra primum præceptum: rursus qui in  
 calamitosis succumbit, quasi Deus nullam nostri  
 curam gereret, etiam tentat Deum uocando in du-  
 bium eius promissiones. Ecclesia hodiè uexatur  
 cruce, & experitur foris pugnam & intus ter-  
 rorem, hic certè non est tentandus Deus: non est  
 dicendum, si sumus eius populus: si uerum est hoc  
 Euangelium quod profiteamur, cur ergo non hoc  
 tempore nos iuuat? cur hostibus omnia tam pro-  
 sperè succedere permittit? hic fortiter cum Chri-  
 sto dicamus, Non tentabis Dominum Deum tuum.  
 Sequitur tertia tentatio.

Tertie tentationis occasio hisce uerbis indica-  
 tur: Iterum assumpsit eum Diabolus in mon-  
 tem

*Tentare De-  
um qd?*



tem excelsum ualde, & ostendit ei omnia regna mundi & gloriam illorum. Vide, in prima tentatione abusus est cruce Christi ad ipsum tentandum: nunc illi regna mundi proponit, ut illorum gloria perstringatur ac ruat contra Deum. Tentatio hæc est: Hæc omnia dabo tibi, si cadens adoraueris me: Finis fuit, ut Christus fieret idolatra: sed contra hanc tentationem uictoria potitur Dominus. Primum repellendo Satanam, qui ausus est sibi arrogare diuinos honores. Deinde perfodiendo ipsum gladio Dei dicens: scriptum est, Dominum Deum tuum adorabis, & illi soli seruiēs. Hæc scriptura habetur Deut. 6. in qua duo sunt: præceptio & prohibitio. Præcipit enim, ut unum Deum adoremus, & ei seruiamus diuinis cultibus, iuxta primam Tabulam: prohibet ut ullis creaturis istum honorem tribuamus, siue Diabolis, siue hominibus, siue Angelis. Sit hæc regula nobis perpetuò in conspectu aduersus omnes Pa-pistarum dolos.

Sed cur tentatus est Christus? 1. Vt nos tentati sciamus nos habere pontificem per omnia tentatū. Deinde, ut nos eius exemplum erudiat, ne sinamus Diabolum ullis rebus nos auocare à uero timore Dei. Cum ergo uult nobis persuadere, quod non sumus Deo curæ, quando premimur cruce & multis ærumnis, respiciamus ad filium Dei, et gladio, quo ipse usus est, reprimamus hostem. Cum nos sollicitat, ut aliquid tentemus contra uocationem, unde conijci

QV  
conijci possunt  
potamus gladi  
muret ad idola  
in nullam damna  
uia laboremus,  
tione, & munia  
filij Dei, Cui uict  
ria sancto sit gl  
DOMIN  
DA IN  
EM



VT digressus  
Tyri & Sidor



conijci possumus in salutis & uitæ discrimen, op-  
ponamus gladium Dei. Cum magis premijs nos  
inuitet ad idolatriam, caueamus ne istis hamis nos  
in nassam damnationis pertrahat. Breuiter, in tota  
uita laboremus, & crescamus in uera Dei cogni-  
tione, & muniamur aduersus Satanam presentia  
filij Dei, Cui uictori nostro unà cum Patre & Spi-  
ritu sancto sit gloria in secula, Amen.

DOMINICA SECVN-

DA IN QVADRAGESIMA

Euangelium Matth. 15.



ET digressus illine Iesus, secessit in partes  
Tyri & Sidonis. Et ecce mulier Cananæ,  
quæ



quæ à finibus illis uenerat, clamabat ad illum, dicens: Miserere mei Domine, fili Dauid: filia mea miserè à Dæmonio agitatur. Ille uerò non respondit ei uerbum. Et accedentes discipuli eius, rogabant illum, dicens: Amitte illam, nam clamat post nos: at ille respondens, dixit: Non sum missus nisi ad oues perditas domus Israëliticæ. Illa uerò uenit & adorauit eum, dicens: Domine succurre mihi. At ille respondens, dixit: Non est honestum sumere panem filiorum & obijcere catellis. Hæc autem respondit: Certè Domine, etenim catelli edunt de micis, quæ cadunt de mensa Dominorum suorum. Tunc respondens Iesus, dixit illi: ô mulier, magna est fides tua fiat tibi sicut uis, & sanata fuit filia eius ex eo tempore.

## ENARRATIO TEXTVS.

**H**Oc Euangelium ad nos gentes præcipue pertinet: Exemplum enim huius mulieris Ethnicæ, gentes recipi docet. Nam ut eam inuocantem recepit & iuuuit: ita nos quoq; uult recipere: non enim apud Dominum est acceptio personarum, ut & Petrus ait: In ueritate comperio, quòd non sit personarum acceptor Deus: sed in omni gente, qui timet Dominum & operatur iusticiam, acceptus est illi. Est autem hoc immotum decretum Dei, quòd ut omnes impœnitentes abijciat & damnet: Ita quicumq; agunt pœnitentiam, & ex fide Deum inuocant



inuocant per Mediatorem unicum Iesum Christum recipiantur, & sola bonitate Dei saluentur. Cuius decreti exemplum uidemus in hac muliere, quæ sub cruce inuocat exauditur, et fide iustificata saluatur, iuxta illud Ioëlis: Omnis qui inuocauerit Nomen Domini, saluus erit. Loci tres:

- I. Quæ uera & salutaris pœnitentia.
- II. Cur Christus hanc mulierem repulerit.
- III. Viua imago ueræ Ecclesiæ.

DE PRIMO.

Ommino necessarium est rectè doceri homines de uera pœnitentia: ea enim nisi adfuerit, nemo saluari potest: ideo dicam clarè & distinctè quid sit salutaris pœnitentia: quomodo fiat: & quibus absoluitur partibus.

Christiana & salutaris pœnitentia absq; omni dubio, est conuersio hominis ad Deum, ut fiat noua creatura, iuxta ipsius uoluntatem, quantum fieri potest in hac infirmitate, uiuens: Vel, ut clarius dicam, salutaris pœnitentia est uerus dolor de offensa Dei, cum uoto ac spe ueniæ propter uictimam filij Dei, & uoluntate, singulariq; studio omne posthac peccatum uitandi, Deoq; totam uitam posthac approbandi.

Hanc esse ueram definitionem salutaris pœnitentiæ, unico Ezechielis testimonio ostendi potest. Hic enim Propheta cap. 18. ita ait: Conuertimini et agite pœnitentiam ab omnibus iniquitatibus uestris,



stris, & non erit uobis in ruinam iniquitas: projice à uobis omnes iniquitates uestras, & facite uobis cor nouum & spiritum nouum.

Hoc testimonio tria continentur: Primum est inuitatio ad pœnitentiam: Nemo, inquit Dominus, uenit ad me, nisi quem Pater traxerit. Secundum est promissio: Non erit uobis in ruinam iniquitas. Tertium est pœnitentiæ descriptio: Agite, inquit, pœnitentiam: Vult nos ergo dolere de offensa Dei. Projice à uobis omnes iniquitates uestras: ergo fugam et odiū peccati requirit. Cū ait, conuertimini ad Deum, fidem requirit, sine qua nemo ad Deum conuerti potest: fide enim, ut inquit Paulus, accessum habemus ad Deum. Præterea cū additur: facite uobis cor nouum, et spiritum nouum, ut noua simus creatura postulat, iuxta Dei uoluntatem uiuentes. Hinc cōficitur quòd uera et salutaris pœnitentia sit dolor uerus de offensa Dei, cum uoto ac spe ueniæ, ardentiq; studio omne peccatum uitandi, ac Deo in posterum totam uitam approbandi. Hoc in illustri exemplo clarius uideamus. Dauid post horrendum lapsum in adulterium & homicidium, pœnitentiam agit iuxta formam in Psalmo expressam. Primum ait: Miserere mei Deus secundum magnum misericordiam tuam. Hic & dolet ob suam miseriam, quòd Deum adeò indignè offenderit, & agnoscit Deum misericordem: unde uotum & spes in eo extitit, ac uiua in Messiam fiducia. Quantus autem fuerit dolor, quantaq; fides, qua



qua superauit dolorem, idem Psalmus multis uerbis indicat: cum autem addit in eodem Psalmo: Spiritum nouum crea in uisceribus meis, se nouam creaturam fieri optat. Huiusmodi multa sunt exempla: ut Adam, Manaßis, Petri, Latronis, Magdalenæ &c. quæ nos cogitare oportet, ut illorum exemplo & erudiamur de uera poenitentia, & seriam poenitentiam cum illis agamus.

Etsi autem ex ijs, quæ diximus, mediocriter intelligi potest, quomodo fiat uera poenitentia: tamen illud distinctius declarare uolo: nihil enim homini magis necessarium est, quam ut uera poenitentia reconcilietur Deo & saluetur. Ut igitur nos ad Deum. Præterea sciamus quomodo uera poenitentia agatur, obseruanda sunt septem puncta.

Noticia Dei requirentis obedientiam. Hæc sumitur ex Decalogo: Ego sum Dominus Deus tuus, qui eduxi te de terra Ægypti etc. Hic requiritur Deum agnitionem sui: deinde sequitur qualem obedientiam postulat: Nō habebis Deos alienos coram me. Tertio comminationes additæ testantur, quod damnet inobedientiam: uisitans (ait) iniquitatem patrum in filios, in tertiam & quartam generationem. Postremo etiam de Deo sciendum est, quod sit misericors, secundum uocem Euangelij. Antequam igitur ad ueram poenitentiam pateat aditus, requiritur noticia Dei requirentis obedientiam, iudicantis & amnantis serio inobedientiam, et rursus misericors & recipientis peccatores in gratiam propter Mediatorem.

O

2. Hanc



2. Hanc noticiam sequi debet examen factorum nostrorum ad Legem Dei, & singula præcepta seorsim sunt consideranda. Primum ergo in hoc examine uide, an Deū habeas cui soli fidas, an ipsum timeas, an ames, an totis uiribus colas, an ipsius nomen tibi sit sacrosanctum, an ipsum prædices, celebres, inuoces, quemadmodum primæ Tabule præcepta præcipiunt, Ad eundem modum examen instituendum est in secunda Tabula de proximo etc. Ex hoc examine uenies in cognitionem tuæ turpitudinis, & iuste damnationis propter Dei offensam: huiusmodi examen à nobis requirit, quoties scriptura nos hortatur ad pœnitentiam.

3. Hoc examine inito ex agnitione peccati, & iudicii Dei, oritur uehemens pavor in conscientia, quem pauorem augent circumstantiæ iudicii Dei, quæ sunt præsentis calamitates, tyrannis diaboli, infernales pœnæ, mors æterna & damnatio.

4. In hoc ingenti pauore, nisi fides succurreret, infiniti homines perirent. Nam in hoc pauore, ex contemplatione misericordiæ Dei promissæ propter Christum, concipitur fiducia remissionis peccatorum. Atq; ita homo tanquam ex inferno eluatur & apprehendit manum filij Dei, qui se ex inferno eripit. Hic mens promissiones Dei cogitat, intuetur filium Dei pendentem in cruce pro tuis & meis peccatis: Audit uocem Ioelis consolatione plenissimam: Conuertimini ad Dominum Deum uestrum, quia gratosus & misericors est, tardus



ad iram, & uelox ad pietatem, & parcens super  
malicia. Harum promissionum exempla conside-  
rentur, ut nos istis confirmemus.

7. Cognita hac Dei misericordia peccator con-  
cipit spem ueniae, & incipit palam suum deplora-  
re peccatum, confitetur Deo suam turpitudinem,  
& confugit seria oratione & ardenti corde ad  
misericordiam Dei.

Qui hoc pacto per hos gradus ascendit: Pri-  
mo uenies in cognitionem agnoscens Deum, ipsius Iudicium & miseri-  
cordiam, sicuti iam expositum est, is hac fiducia  
absoluitur à peccato suo, & iustificatur corā Deo,  
non sua iusticia, sed Christi, quæ omni credenti im-  
putatur. Nam uera nostri iustificatio est credentis  
personæ in Christum absolutio à peccato, imputa-  
tio iusticiæ Christi, acceptatio ad uitam eternam  
gratis propter Christum.

Iustificatus fide & adoptatus in filium & re-  
uerentius agit gratias Deo, celebrat Deum, et to-  
tam uitam in posterum emendat.

Verum ut hæc clarius à nobis intelligi possint,  
proponam exemplum salutaris pœnitentiæ, de qua  
uidistis, & sumam Manassæ regem Iuda, in cu-  
ius pœnitentia saluari hæc omnia conspiciuntur,  
quemadmodum in ipsius oratione apparet.

PRIMUM enim cum inquit, DOMINE  
omnipotens, Deus patrum nostrorum Abraham et  
Isaac & Iacob, quem omnes pauent & tremunt à  
ultu uirtutis tuæ, & insustentabilis est ira com-  
minatio



minationis tuæ super peccatores, immensa uerò et inperuestigabilis misericordia promissionis tuæ, quoniam tu es Dominus altissimus, graciosus, misericors, & multum miserens, & pœnitens super malicias hominum.

In his uerbis Manaßis, est 1. Agnitio Dei. 2. Debitæ obedientiæ testificatio. 3. Iudicij diuini in peccatores confessio. 4. Misericordiæ noticia et prædicatio.

DEINDE secundum sequitur, uidelicet examen factorum Manaßis ad normam legis, ita enim ait: Peccaui super numerum arenæ maris, multiplicatæ sunt iniquitates meæ Domine.

TERTIO, quantus pauor fuerit in corde ipsius ostendit, cum ait: Et non sum dignus intueri & aspicere altitudinem cœli præ multitudine iniquitatum mearum.

QUARTO in his pauoribus erigit se cogitatione misericordiæ, & ait: Et nunc flecto genua cordis mei precans ad te Domine, qui promissisti pœnitentiam et remissionem peccatorum, qui peccauerunt tibi.

QUINTO sequitur ueniæ precatio: Quare peto rogans te: Remitte mihi Domine, remitte mihi, & ne simul perdas me cum iniquitatibus meis, neq; in eternum iratus reserues mala mihi, quia tute Deus, Deus, inquam pœnitentium, & in me ostendas omnem bonitatem tuam.

SEXTO, hæc præcatus statuit se exauditum.



per peccatores, immen-  
 misericordia promittit  
 dominus altissimus, gratia  
 tuam miserens, & p  
 m.

SEPTIMO, hanc gratuitam iustificationem  
 sequitur emendatio in tota uita. Vnde sequitur in  
 psius oratione: Et laudabo te semper omnib. dieb.  
 uite meae, quoniam te laudat omnis uirtus cœlorū,  
 & tibi est gloria in secula seculorum, Amen.

Hanc rationem agendi pœnitentiam omnes san-  
 ti semper sunt secuti. Dauid agnoscit Deū, agno-  
 scit iudicium Dei, agnoscit misericordiam, suum  
 actum examinat, pauet ob peccatum: erigit se fi-  
 lucia misericordiæ, precatur ueniam, iustificatur  
 TIO, quantus pavor facit, iustificatus Deum celebrat. Hæc in Psalmo 51.  
 onspiciuntur.

Audiuimus quid sit pœnitentia, & quomodo  
 iat, iam quæ sunt eius capitales partes tenendum  
 st, & numerantur tres, quæ sunt Contritio, Fides,  
 & Noua uita.

Ad contritionem requiruntur prima tria, quæ  
 unt agnitio Dei, examen facti & pavor consci-  
 ntia ob peccatum.

Ad fidem tria proxima, cogitatio misericor-  
 ia, petitio ueniae, & iustificatio.

Ad nouam uitam requiritur ultimum, quod in  
 ordis, oris, & uite institutione secundum Legem  
 Dei consistit.

## DE SECVNDO.

Scribitur in hoc Euangelio, quod Christus re-  
 pulerit



pulerit hanc mulierem. Quare hoc facit? quare dicit se tantum missum esse ad oues quæ perierunt de domo Israël? An non idem Dominus est, qui dicit, Venite ad me omnes, qui laboratis & onerati estis &c. Respondeo: Dominus hoc fecit non sine magnis causis. 1. Hoc fecit ut mulieris fides hac mora excrccetur & cresceret. 2. Vt esset exemplum pietatis aduersus pertinaces Iudeos, qui Christum contemserunt. 3. Vt ostenderet Dominus se uelle uinci à nobis assiduitate præcum nostrarum. 4. Vt hoc exemplo doceret præsentis spectatores ueram pietatis indolem. Sed Dominus aliam causam assignat, cur hanc mulierem repulerit: dicit enim, Non sum missus, nisi ad oues, quæ perierunt de domo Israël. Respondeo: Hoc non dicit Christus, quasi negaret gentibus accessum ad gratiam suam: Fuit enim illa mulier gentilis, sed aliæ causæ sunt. 1. Vult hic notare obstinatam maliciam & ingratitudinem Iudeorum, qui Christum peculiariter ad se missum non agnouerunt. 2. Quod uerbum Dei ipse Christus, ante mortem suam prædicaret Iudeis, & post mortem daret mandatum prædicandi gentibus: Nam Dominus prohibuerat prædicare Euangelium inter gentes ante suam mortem. Verum postea cum à morte excitatus esset, dedit hoc mandatum Apostolis: Ite in mundum uniuersum, & prædicate Euangelium omni creature &c. Hoc mandatum manifestè ostendit, quod Christi beneficia ad Iudeos & gentes pertinent, hoc

QVAD  
hæc, quod om  
CHRISTVM  
am agunt, sint  
matris sangu  
dolu, & anden  
am immortalitate  
qui CHRISTV  
dij penitentia,  
pens cum Diabol  
mus fuit, est, &  
dij penitentiam  
urum: ita fuit, e  
um, qui peniter  
sue finis reges,  
fici.

DE  
Pulcerrima imag  
lorum membrorum  
uolere. Primum en  
na mulier obrutur  
dij & singula eim  
res qui uolunt pie  
tem patientur. Hoc  
uolere iugum suum  
conformes suo Filio.  
eius sumus illi fu  
na. 3. Ecclesia in  
natum aliud af  
reuen ad DEV.



hoc est, quod omnes ex Iudæis & gentibus, qui  
 CHRISTVM recipiunt, & ueram pœnitentiam  
 agunt, sint participes beneficiorum Christi,  
 ita ut ipsius sanguine omnia illorum peccata sint  
 abolita, & tandem in extremo die surgant ad bea-  
 tam immortalitatem & uitam æternam. Verum  
 qui CHRISTVM recipere recusant, uiuentes  
 absq; pœnitentia, illi absq; misericordia æternis  
 pœnis cum Diabolo punientur: Nam sicut Do-  
 minus fuit, est, & erit misericors omnibus agen-  
 tibus pœnitentiam, absq; omni conditione perso-  
 narum: ita fuit, est & erit implacabilis iudex eo-  
 rum, qui pœnitentiam non agunt: non moratur,  
 enim, Non sum missus, nisi  
 de domo Israël. Responden-  
 ti.

## DE TERTIO.

Pulcerrima imago Ecclesiæ Christi, & singu-  
 lorum membrorum describitur in hac Cananea  
 muliere. Primùm enim quemadmodum hæc Cana-  
 nea mulier obruitur calamitate: ita & tota Ec-  
 clesia & singula eius membra. Hinc Paulus: Om-  
 nes qui uolunt piè uiuere in Christo, persecutio-  
 nem patiantur. Hoc Christus docet cum iubet nos  
 tollere iugum suum: Vult enim Deus nos fieri  
 conformes suo Filio in afflictionibus & arumnis,  
 qui olim sumus illi futuri conformes in gloria, Ro-  
 man. 8. 2. Ecclesia in his calamitatibus orat opem:  
 nam nullum aliud asylum habet Ecclesia, quam o-  
 rationem ad DEVM, qua impetratur auxilium.

O 4

3. Chri-



3. Christus uidetur auertere aurem, dum nō statim impetramus quæ uolumus. 4. Ecclesia exemplo huius mulieris non desinit precari: sed perseuerabit in oratione, donec impetrauerit quod petit.

Porro singula membra Ecclesiæ hinc quod discant habent.

1. Vnusquisq; nostrum se agnoscat Canem, hoc est, impium & indignum gratia Dei.

2. Clamet cum hac muliere, miserere, miserere.

3. Si tentaris, persiste tamen huius mulieris exemplo: si non hodie aut cras te exaudierit: tu tamen preces non erunt inanes, sed uerè exaudientur propter Christum, si ex fide, huius mulieris exemplo, oraueris.

4. Agnosce te canem cum hac muliere: sed talem, qui ex micis cadentibus de mensa domini sui saturetur, ideoq; in oratione persistite.

5. Futurum est & tibi, quod huic mulieri accidit, quæ prius canis dicebatur, mox pro filia agnita est: tanta est misericordia Domini, Cui honor & gloria in secula seculorum, Amen.

## DOMINICA TERTIA

IN QUADRAGESIMA,

Euangelium Luc. II.

**E**T erat eiciens Dæmonium, & illud erat mutum, cumq; eiecisset dæmonium, locutus est mutus, et admiratæ sunt turbæ. Quidam autem ex eis dixerunt: per Beelzebub prin-



principem dæmonum  
in tentantes, sig  
no: ipse autem c  
rum, dixit eis: C  
ipsum diuitem, &  
domum cadit. Qu  
uersus seipsum di  
regnum eius: qu  
ne eiecit dæmon  
pædicio eiecio d  
pædicio exiecio  
eius. Porro si c  
pædicio peruenit  
homo armatus cu





principem dæmoniorum eiicit dæmonia. Et  
 alij tentantes, signum de cœlo quærebant ab  
 eo: ipse autem cùm sciret cogitationes eo-  
 rum, dixit eis: Omne regnum aduersus se-  
 ipsum diuisum, desolatur & domus supra  
 domum cadit. Quòd si Satanas quoque ad-  
 uersus seipsum diuisus est, quomodo stabit  
 regnum eius? quia dicitis: per Beelzebub  
 me eiicere dæmonia. Quòd si ego Beelzebub  
 præsidio eiicio dæmonia, Filij uestri cuius  
 præsidio exijciunt? ideo ipsi iudices uestri  
 erunt. Porro si digito Dei eiicio dæmonia,  
 profectò peruenit ad uos regnum Dei. Cùm  
 fortis armatus custodit atrium suum, in pa-  
 ce sunt

INICA III. 18

et auertere autem, dum  
 volumus. 4. Ecclesia ex  
 m desinit precari: sed pri-  
 me impetraverit quod per  
 gula membra Ecclesie huius

ijq; nostrum se agnoscat  
 um & indignum gratia De-  
 cum hac muliere, miserem-  
 uris, persiste tamen huius  
 in hodie aut cras te exaudien-  
 non erunt inanes, sed uere  
 ter Christum, si ex fide, huius  
 oraueris.

nosce te canem cum hac uir-  
 tute cadentibus de mensa  
 uideq; in oratione persis-  
 rum est & tibi, quod huius  
 prius canis dicebatur, non  
 tanta est misericordia Domini  
 in secula seculorum, Amen.

INICA TER

IN QVADRAGESIMA

Evangelium Luc. II.

eiiciens Dæmonium, &  
 cum ei eiecisset dæmon-  
 ius, et admirante summo  
 ex eis dixerunt: per Be-



ce sunt ea quæ possidet: Vbi uerò fortior eo superueniens, uicerit eum, uniuersa arma eius aufert, in quibus confidebat, & spolia eius distribuit. Qui non est mecum, contra me est, & qui non colligit mecum, dispergit: Cùm immundus spiritus exierit ab homine, ambulat per loca arentia, quærens requiem, & non inueniens, dicit: Reuertar in domum meam, unde exiui. Et cùm uenerit, inuenit eam scopis mundatam atq; ornatam, tunc uadit, & assumit septem alios spiritus secum nequiores ipso, & ingressi habitant ibi, & fiunt extrema hominis illius peiora primis. Factum est autem, cùm hæc diceret, extollens uocem quædam mulier de turba, dixit illi: Beatus uenter qui te portauit, & ubera quæ suxisti. At ille dixit: Quinimo: Beati qui audiunt sermonem Dei, & custodiunt illum.

## ENARRATIO TEXTVS.

**H**OC Euangelium, dilecti, clarè ostendit, cur Christus uenerit in hunc mundum, et assumeret humanam naturam, nimirum ut & nouum regnum incoaret, & regnum Diaboli aboleret, hoc est, quòd Deus dicit Gene. 3. Semen mulieris conteret caput Serpentis, quod Iohannes interpretatur, cùm ait: Christus apparuit, ut destrueret opera Diaboli, hoc est, regnum Diaboli, quod à peccato incipit, peccato edificatur, damnatione eterna



eterna absoluitur. Huius Satanae regni destructo-  
rem declarat se Christus in hoc Euangelio, dum li-  
berat hominem obsessum à Diabolo. Nam cum Di-  
abolum expellit, primùm significat se potentiorē  
diabolo esse. Deinde se ipsius hostem declarat. Tum  
signo ostendit se humani generis saluatorem. Præ-  
terea ostenditur hic ingratitudo mundi erga suum  
Saluatorem, cum impij Iudæi adscribunt Satanae o-  
pera Dei. Postremò in fine huius Euangelij, mulier  
clamās dat Christo occasionem monstrandi uerā  
beatitudinem: Nam dum mulier clamat: Beatus  
uenter qui te portauit, Is respondet: quinimo, Bea-  
ti qui audiunt uerbum Dei & custodiunt illud.  
Loci quatuor.

- I. Differentia regni Satanae & regni Christi.
- II. Contentio inter Iudæos & Christum, in qua  
Iudæi reprehendunt Christi factum, ip-  
se uerò illud defendit.
- III. Quid futurum est illis, qui Christum rece-  
ptum rursus reiiciunt, obtemperantes  
Satanae.

IIII. Quæ sit uera beatitudo & felicitas.

DE PRIMO.

Et Iesus eiciens Dæmonium. Hæc uerba  
apertè testantur duo diuersa esse regna: Christi  
& Satanae, & esse maximam differentiam inter  
hæc duo diuersa regna, adeò ut nunquam inter ea  
conuenire possit. Cum ergo Diabolus & Christus  
duo sint potētissimi diuersorum regnorum reges,  
de



de utroq; dicemus, ut intelligatur, quantum mali est in Satanae regno, & quantum boni & felicitatis in Iesu Christi salutari regno.

De Diabolo hæc quatuor puncta consideranda sunt. 1. Quis sit. 2. Quid faciat. 3. Cur faciat. 4. Cur Deus permittat ut faciat.

Quis ergo est? Quantum ad naturam, est creatura Dei, sicuti Angeli Dei: quantum ad studium & peruersitatem, quam ex se habet, est mendax, latro, fur: qui perpetuo homicidio & mendacio gaudet, & nihil magis expetit, quam humani generis æternum interitum. Quod talis sit Diabolus, docet fraus eius, qua primos homines decepit.

Quid facit Diabolus? Videmus in hoc Euangelio, quod hunc miserum hominem reddat cæcum et mutum. Considera, quæso, hic Diaboli crudelem tyrannidem aduersus hunc miserum. 1. Aures obturat illi. Quare? ne uerbum Dei audiat. Cur hoc cupit? Quia scit Diabolus primum gradum in cælum esse, uerbum Dei audire: Nemo enim sine auditu uerbi Dei unquam salutem consecutus est: Euangelium enim, ut inquit Paulus, est potentia Dei in salutem omni credenti. 2. Cor obsidet, ne uerbum in eo locum habeat. Quare hoc facit? Quia scit sine fide, quæ ex uerbi auditu est, neminem iustificari. Nam ut Christus dicit, qui non credit, ira Dei manet super eum. 3. Reddit mutum. Quare? ne confiteatur Christum suum saluatorem: nam scit neminem saluum fieri sine oris confessione: sic enim

Paulus



Paulus Rom. 10. ait. Corde creditur ad iusticiam, ore fit confessio ad salutem. 4. Reddit hunc miserum cœcum ne uideat. Quare? ne uideat opera Dei enarrantia gloriam Dei, ut David testatur, cū ait: Cœli enarrant gloriam Dei, & opera eius annunciat firmamentum. Ecce occludit Satan huic misero homini omnes uias salutis.

Quare hoc facit iste malignus? 1. Quia ipse damnatus est, & nullam salutis spem habet. 2. Odio Christi tanto laborat, quod ipsius regnum ferre nō potest. 3. Odio implacabili, aduersus humanum genus inflammatur, adeo ut cupiat omnes secum æternū damnari: Ideo Petrus inquit, 1. Petri 5. Diabolus, ut Leo rugiens circumit, querens quem deuoret.

Sed cur Deus hoc permittit Satanae, ut ita homines uexet? 1. Hanc pœnam nostro peccato meruimus: quicquid enim nobis mali acciderit, nobis ipsis adscribemus, & causam in nobis ipsis quaeremus. 2. Deus hoc permittit, ut intelligamus quanta sint beneficia Christi erga Ecclesiam: nemo enim melius intelligit libertatis aut sanitatis commoda, quàm qui aliquādo carceris mala et morbi molestias expertus est. 3. Ut Christum inuocemus contra Diabolum, qui solus eum superare potest. 4. Ut fide nos aduersus illum muniamus, iuxta illud: Cui fortes resistite in fide. Est enim fides uictoria mūdi, ut ait Iohannes: Hæc est uictoria quæ uincit mundum, fides uestra. 5. Ut præsentia Christi liberati à Satanae



Satane, tyrannide, et agnoscamus Christum in nobis habitare, iuxta illud 1. Reg. 17. Vt sciat omnis terra, quod sit Deus in Israel, id est, in Ecclesia, & Deum predicemus qui nos liberat.

De Diabolo audiuius, quis sit, quid faciat, cur Ecclesie exitio studeat, & cur id Deus permittat: Nunc de rege Christo audiamus, de quo dicam: Quis sit, quid faciat, & cur faciat.

Quis est Christus? Deus & homo à Patre ante secula natus, æternus Deus cum æterno Patre & Spiritu sancto, quemadmodum in Symbolis confitemur: Descendit de cælo propter nostram salutem, & assumpsit humanam naturam, ut sua morte liberaret nos ab æterna morte & supplicio.

Quid facit? Hoc docet nos præsens Euangelium. 1. Aperit huic surdo aures: Deinde eijcit ex illo Diabolum: soluit linguam, ut loqui possit: oculos quoque aperit. Hoc ipsum quotidie facit in sua Ecclesia. 1. Aperit aures, ut audiamus uerbum: quicunque enim libenter audit uerbum Dei, sciat aures suas apertas esse, & qui contra non audit uerbum libenter, sciat suas aures adhuc à Satana obturatas esse. Quare qui nondum habet aures ad audiendum uerbum, confugiat ad Christum, i solus aperit. 2. Cor à Diabolo liberat, ut credere possimus: nam Iohannis 6. docet Christus, quod fides sit opus Dei: ita enim ait: Hoc est opus Dei, ut credatis in eum quem ipse misit. Si ergo non credis, adhuc diabolus occupat cor tuum: quare Christus ad eum  
duo



us est, qui solus eum superare potest. 3. Solut linguam, ut cum ore etiam confitearis, predices & inuoces.

Cur autem hoc facit Christus? 1. Quia est amans hominum, quorum naturam assumpsit, quando homo conceptus & natus est ex Maria uirgine. 2. Quia est hostis Diaboli. 3. Quia officium eius est, ut hostis sui Diaboli regnum inuadat, ipsum hostem spoliet, ac omnes in se credentes donet uita aeterna.

Ex his iam apparet, quantum sit discriminis inter regnum Diaboli et Christi. In regno diaboli est peccatum & mors: In regno Christi est iusticia & uita. In regno Satanae est damnatio: in regno Christi est absolutio à damnatione, & salus. In regno Satanae sunt tenebrae: in regno Christi est lux perpetua. In regno Satanae est cruciatus: in regno Christi est gaudium. In regno Satanae conspicitur diabolus cum damnatis omnibus: in regno Christi Sancti fruuntur conspectu Dei & immortalitatis gloria, per Christum Iesum. Hinc ergo admonemur, & quanto cum studio fugiendum sit regnum Satanae, & quanta diligentia conandum sit, ut ciues constituamur beati regni Christi.

## DE SECVNDO.

Iudaei uidentes hoc factum Christi, tanquam legati Satanae, se totis uiribus Christo opponunt, & dicunt, in Beelzebub principi Demoniorum eijcit demonia. Vide quanta sit mundi malicia:

Dei



Dei opus diabolo ascribit, quò in peccatis suis moriatur. Quis mortalium tanta insania insurgeret aduersus Christum, nisi spiritu Satane excitaretur? Verùm Christus illam contumeliam Dei nequaquam fert, sed fortissimis argumentis istam Diabolicam contumeliam confutat.

PRIMUM argumentum: Nemo potest per unum Diabolum alium eijcere: Ergo uos improbè asseritis me in nomine Beelzebub eijcere demonia: Nam si unus Diabolus alij Diabolo uim faceret, & eum eijceret, non esset stabile regnum Diaboli. Nunc autem uidemus regnum Satane maxime stabile, & firmum esse. Nam omne regnum contra se diuisum, desolabitur: Vbicunq; enim est discordia, ibi certus expectandus est interitus.

SECUNDUM argumentum est: Si ego in nomine Beelzebub eijcio demonia: uestri quoq; filij in eodem nomine eijciunt demonia: sed hoc uestro ipsorum iudicio est falsum: nam uos Dei uirtute illos demonia eijcere fatemini: quare improbè facitis, cum me demonia in nomine Beelzebub eijcere asseritis.

TERTIUM argumentum: In digito Dei, id est, potentia diuina eijcio demonia, ergo falsò Diabolo ascribitis opus meum.

QUARTUM argumentum: Fortis à fortiori superatur: Diabolus à me superatur: Nam illum eijcio, illius spolia capio: igitur sum illo fortior. Cùm fortis armatus custodit artium suum,  
in



in pace sunt ea quæ possidet. Quis est ille fortis armatus? Serpens antiquus: Custodit atrium suum dum habitat in incredulis, dum hominum sensus excæcat, ne Christum agnoscant: atq; tum omnia quæ possidet, sunt in pace, quando scilicet filet uerbum Dei, & sonant humane traditiones. Verum cum gladius stringitur, quod est uerbum Dei, nox diabolus cogitur cedere: nam Christus qui in uerbo est, potentior est Satana.

QVINTVM argumentum: Qui non est mecum, contra me est, & qui non colligit mecum, dissipat, hoc est, diabolus dissipat Ecclesiam, & ergo colligo Ecclesiam, ergo inter me & diabolum non conuenit, quod autem diabolus dissipet Ecclesiam, probat pulcherrima similitudine.

## DE TERTIO.

Cum immundus Spiritus exierit de homine, hoc est, cum diabolus, qui et ipse immundus est, & animos hominum coinquinare multis modis uolet, exierit de homine, quemadmodum iam de mihi hoc, qui obsessus erat, mea uirtute eiectus est.

Quid tum facit? Ambulat per loca inaquosa, uærens requiem, & non inueniens, dicit: Reuertar in domum meam unde exiui: Ambulat per loca inaquosa, id est, per corda non irrigata fluuio S. sancti. Quid est quod querat requiem & non inueniat? hoc dicto significatur eius studium: non enim satis est ei nocuisse, nisi magis noceat.

Quanto perdendi homines studio laborat, non contentus

P tentus



tentus est multa corda possidere, nisi ad ea redeat, à quibus antea expulsus: unde dicit: Reuertar in domum meam unde exiui. His uerbis significatur, quòd non sinat intentatos eos, qui fide purgati sunt: sed conetur rursus, in eorum corda intrare, quòd eos à regno CHRISTI abducatur: quòd cum sit, fiunt nouissima hominis illius peiora prioribus, quia sit de nouo hostis Christi, expellit Spiritum sanctum, & grauiiores poenas luet, nisi rursus per ueram poenitentiam eiecerit diabolus. Obseruemus ergo, quàm periculosum sit ijs, qui semel Christo dederunt nomina, & rursus se iugo Diaboli subiiciunt. Hic enim ut grauiissime in Spiritum sanctum peccant, ita etiam grauiissime poenae sunt ipsis metuendae. Quare qui salutis suae ulla tanguntur cura, citò resipiscant, & strenuè aduersus Satanam militent: ne eos rursus in peccatorum diluuium precipitet.

## DE QVARTO.

Factum est cùm hæc diceret, extollens uocem quædam mulier de turba, dixit illi: Beatus uenter &c. Ac ille dixit: Quinimo, Beati qui audiunt uerbum Dei & custodiunt illud. Hic primùm obseruemus diuersa hominum iudicia de uerbo Dei. Quidam admirantur et amant uerbum, ut hæc mulier: Quidam male lequuntur de uerbo, ut illi, contra quos hic Christus agit. Nam semper à principio mundi fuerunt tales auditores uerbi. Cain uerbum contempsit: Abel amauit. Nohe  
amauit



MINICA III. II

QVADRAGESIMA.

227

corda possidere, nisi  
expulsus: unde dicitur: Re-  
am unde exiit. His  
non sinat intentos eos, quia  
ad conetur rursus, in eorū  
is a regio CHRISTI  
et nouissima hominis illius  
fit de nouo hostis Christi,  
om, & maiores penas la-  
peruenientiam eiecerit dolo-  
go, quam periculosum sit  
cederent nomina, & rursus  
pccant. Hic enim ut grauius  
pccant, in etiam grauius  
tueret. Quare qui saluti su-  
e, cito resipiscant, & streua-  
dicerit: ne eos rursus in pccatū  
eripiat.

amauit uerbum: et reliquus totus mundus contem-  
sit. Tempore Hieremie paucissimi uerbum Pro-  
phetarum receperunt cum fructu: plerique ad uete-  
rem idolatriam redire maluerunt. Hinc apud Iere-  
miam dicunt: Quando sacrificauimus reginæ cœli  
(id est, soli) omnia fuerunt nobis prospera: abun-  
dauius frumento &c. Ad eundem modum nostri  
dicunt: quando Missas audiuius, dedimus Mona-  
chis, omnia fuerunt in meliore precio, maior erat  
timor Dei, maiorq; caritas: Hanc gratiam refert  
mundus Deo pro suo beneficio. Dat nobis uerbum  
salutis: nos potius uolumus humana somnia. Offerit  
gratis: nos uolumus Monachorum nugis mereri.  
sed istis omiſſis audiamus Christum, Beati, inquit,  
qui audiunt uerbum Dei & custodiunt il-  
lud. Hæc pauca uerba sunt, & habent additam  
magnam promissionem.

Quodnam est illud uerbum Dei? Aliud esse  
DE QVARTO. non potest quam quod Propheta tradiderunt:  
Christus suo confirmauit sanguine: Apostoli do-  
cuerunt. Quodnam est illud? Eius summam habet  
puerilis nostra doctrina Catechismus, & sunt de-  
cimæ præcepta, Symbolum: doctrina de Sacramen-  
tis, & quam singulis diebus Dominicis auditis ex  
Euangelio, hoc est, ut uno dicam uerbo, quam Pro-  
pheta, Christus & Apostoli docuerunt. Hoc uer-  
bum uult audiri: ergo uult ministros esse & pa-  
stores, qui hoc uerbum docere possint. Nam cum  
dedit uerbum, offerat salutem, quæ fide ex auditu

P 2 perci-



percipitur, necessarium est, ut sint qui hoc uerbum doceant.

Verum, quia non satis est docere & audire uerbum, nisi custodiatur, addit Dominus : Et custodiunt illud : Quid est custodire uerbum ? Est uerbum auditum discere, retinere, eiq; credere, & ex fide Deo ueram obedientiam prestare. Ita Abraham pater noster fecit, audiuit uerbum, retinuit, eiq; obediuit, & ex fide tantam obedientiam prestitit, quod potius, mandante Deo, uoluerit suum unigenitum filium mactare, quam Dei preceptum uiolare. Sed quis est inter nos qui Deo hanc obedientiam prestat ? filij uolumus Abrahe dici, sed nolumus patris uestigijs insistere. Quid illis promittit qui audiunt & obediunt ? Beati, inquit, qui audiunt Verbum &c. Beati, id est, sunt ab omni miseria liberi, à peccato & damnatione. Beati, id est, donati uita & gloria aeterna per Iesum Christum dominum nostrum, qui cum Patre & S. sancto uiuit unus Deus in secula seculorum, Amen.

## DOMINICA LAETA, RE, IOHAN. VI.

Post hæc abiit Iesus trans Mare Galilææ, quod est Tiberiadis, & sequebatur eum turba multa, quia uidebant eius signa quæ faciebat super his, qui infirmabantur. Subiit autem in montem Iesus, & ibi sedebat cum disci-



discipulis suis. I  
dies ludæorum.  
ho Iesus, & uidit  
ret ad se, dicit ad  
mus panes ut edat  
tenans eum : ipse  
curus. Respondi  
rum denariorum  
unusquisq; pusilli  
dici unus ex disci  
et Simonis Petri  
panque panes ho  
bi hæc quid sur  
am Iesus : Faci





discipulis suis. Instabat autem Pascha festus  
 dies Iudæorum. Cū sustulisset ergo oculos  
 Iesus, & uidisset quod multa turba ueniret  
 ad se, dicit ad Philippum: Vnde ememus  
 panes ut edant isti? hoc autem dicebat  
 tentans eum: ipse enim sciebat quid esset fa-  
 cturus. Respondit ei Philippus: Ducento-  
 rum denariorum panes non sufficiunt eis, ut  
 unusquisque pusillum quippiam accipiat. Di-  
 cit ei unus ex discipulis ipsius Andreas, fra-  
 ter Simonis Petri: Est puer hīc, qui habet  
 quinque panes hordeaceos, & duos pisces,  
 sed hæc quid sunt inter tam multos? Dixit  
 autem Iesus: Facite ut homines discumbant:  
 P 3 Erat

MINICA LÆTARE.

RE. IOHAN. VI.

hæc ab ipse Iesus trans Mar-  
 tiri Tiberiadis, & sequen-  
 tia, quia uidebant eius  
 per his, qui infirmabant  
 monem Iesus, & ibi sed-



Erat autem gramen multum in eo loco: Discubuerunt ergo uiri numero ferme quinque millia. Accepit autem panes Iesus, cumque gratias egisset, distribuit discipulis suis: Discipuli uero discumbentibus. Similiter & ex piscibus quantum uolebat. Vt autem impleti sunt, dicit discipulis suis: Colligite quae superfuerunt fragmenta, ne quid pereat. Collegerunt ergo & impleuerunt duodecim cophinos fragmentorum ex quinque panibus hordeaceis, qui superfuerant his qui comederant. Illi ergo homines cum uidissent quod Iesus fecerat signum, dicebant: Hic est uerè Propheta ille, qui uenturus est in mundum. Iesus ergo cum cognouisset quod uenturi essent, ac rapturi ipsum, ut facerent ipsum Regem, secessit iterum in montem ipse solus.

## ENARRATIO TEXTVS.

**S**umma huius Euangelij est, quòd Christus doctrinam quam tradit Matth. 6. Primum quaerite regnum Dei & iusticiam eius (id est, Dei) & cetera adijciuntur uobis, hic facto suo & exemplo confirmet: ut nos uerbo Christi & miraculo eius edocti, curam uentris abijciamus, & sequamur Christum in desertum, ei; omnem curam pro nobis relinquamus, iuxta eius mandatum: lacta in Dominum curam tuam, & ipse te enutriet. Vult ergo totum hoc Euangelium docere, quòd qui uerbum



uerbum Dei audiant, ament & conseruent, non sint perituri fame, quia Christus eorum in se curam recipit. Loci tres.

I. Quòd Deus habeat curam illorum qui se sequuntur:

II. Circumstantie presentis miraculi, & eius apud nos usus.

III. Factum huius turbæ uolentis Christum Regem creare: Item de Christi fuga.

## DE PRIMO.

In hac prima doctrina multa perpendenda sefferunt, quorū singula aliquam doctrinam & admonitionem suppeditant: ut sunt Christi professio, operatio, ardor turbæ ad ipsum audiendum, quid turbam mouerit, quæ utilitas inde ad turbam peruenerit, & quid nos ab exemplo turbæ & facto Christi discedere debeamus.

Profectio Christi narratur his uerbis: Abiit Iesus trans mare Galilææ quod est Tyberiadis. Fuit autem Tiberias urbs in honorem Tiberij Imperatoris ab Herode extructa apud Iordanem. In hac profectione Christi, obseruandus est finis & exemplum. Finis fuit ut latè propagaret uum Euangelium, doctrina & miraculis. Exemplum est, ut nos Christum imitemur, quisque in sua uocatione, non parcentes nobis: sed nocte dieq; per terram, per mare, nostræ studeamus uocationi respondere. Neq; hoc exemplum est ministris



uerbi imitandum tantum, sed omnibus iuxta rationem uocationis cuiusq;

Quid in hac professione agit Christus? Marcus cap. 6. dicit Christum misertum fuisse eorum, quia erant sicut oves non habentes pastorem, & coepit eos docere multa. Matthaeus addit, quod tota die fuerit occupatus in sanandis aegrotis. Hae qua tuor offerunt perpendenda. 1. Affectus Christi. 2. Causa istius affectus. 3. Quales simus sine ministerio uerbi. 4. Quis finis ministerij.

Cum Christus miseretur turbæ, monemur, ut cogitemus, quam paternè sit erga nos affectus, ut qui nostris calamitatibus afficiatur: hoc est, quod Apostolus dicit ad Hebræos: Nos habemus Pontificem, qui potest compati infirmitatibus nostris. Cur aut misertus sit turbæ, causa fuit quæ narratur à Marco, Quia erant sicut oves, non habentes pastorem. Sed quales sūt oves sine pastore? Misere, expositæ furum & luporum iniurijs. Cum autem hoc diceret Dominus, populus per falsos doctores erat abductus à uero Dei cultu in uarias superstitiones, quarum fructus est animarum interitus: quemadmodum nos olim in Papatu experti sumus, ubi pro uero cultu Dei fuerunt in Ecclesiam inuectæ horrendæ superstitiones, ut inuocatio sanctorum, prophanatio Sacramentorum, purgatorium & alia nugæ, quæ hodiè utinam in multorum animis non resideret. Hinc ergo discamus, quales sint homines sine ministerio uerbi, nempe quod sint ueluti oves

in



in deserto uagantes: ubi omni momento periculum graue illis immineat à furibus & lupis, imò ut uno uerbo dicam: Vbi non est uerbum Dei, ibi nulla salus. Discamus & hinc finem ministerij uerbi. Homines sine uerbo sunt, sicuti oves uagantes sine pastore. Ergo uerbum est illis ueluti baculus pastoralis, quo homines è deserto ad suum pastorem congregantur: Est & ueluti pabulum, quo reficiantur et alantur: Est & remedium, quo animæ nostræ sanantur. Breuiter, Est semen immortale, per quod renascimur ad uitam æternam, quando uerbo prædicato credimus: quanta autem sit diuini uerbi necessitas, hinc facile intelligitur.

Ardor populi ad audiendum Christum hinc etiam indicatur. Sequebatur, inquit Euangelista, eum multitudo magna: Idq; in locum desertum procul ab urbibus, ubi nec cibus nec potus erat. Vide maximum ardorem, quo populus gestit Christum audire, ut nullam curam corporis sui habere uideatur: hora multa præterijt, inquit Marcus.

Cur autem Christum ita secuta sit turba, explicat Iohannes in hodierno Euangelio: cum ait: Quia uidebant signa quæ faciebat. Signa autem fuerunt cū testimonia potentie diuinæ in Christo, tum doctrinæ quædam signacula, et summæ beneuolentiæ Christi erga homines indicia: Nam in horum trium cogitatione deuenerunt per signa & miracula quæ Dominus fecit.

Ex hoc ergo, quòd hæc turba sit Christum secu

P S ta, hoc



ta, hoc percepit commodum, quod in salutis sue cognitionem deueniret: nam cum doctrinam suam, quam ore docuit, stupendis miraculis confirmauit, fidem uerbo adhibuerunt, qua fide illi omnes saluati sunt, qui usq; ad finem perseuerarunt. Deinde & corporalia beneficia perceperunt multi: nam sanauit male habentes, quemadmodum referunt alij Euangelistae.

Quomodo iam huius turbæ exemplum est nobis imitandum? 1. Hanc turbam imitatur, si uerbum Dei diligenter audiamus et ei credamus, conuicti miraculis Christi, quibus ueritatem suae doctrinae confirmauit. 2. Imitabimur etiam hanc turbam in eo, quod regule à Christo Matth. 6. traditae obediat, ita enim Christus ait: Querite primum regnum Dei, & iusticiam eius, & cetera adiunguntur uobis. Hic ordo est diligenter ab omnibus pijs obseruandus. PRIMAE cura debet esse regni Dei, & iusticiae Dei. DEINDE etiam suo loco pro uocationis ratione est laborandum. Nam ita scriptura ait: In sudore uultus tui uesceris pane tuo. Et in Psalmo dicitur: Labores manuum tuarum manducabis. Paulus quoq; dicit: Qui laborat, manducet. Ita labor omnib. praescribitur, sed iuxta rationem cuiusq;, alius est enim labor pastoris, alius agricolae, alius Regis, alius Cancellarij & Senatoris. Verum cauendū est omnibus, ne ordine inuerso laborent, quod faciunt illi, qui primam quidam curam uentris habet, postremam uero mentis. Qui ergo



ergo Magistratum gerit, sic cogitet: Meus Christus dicit, primum querite regnum Dei & iusticiam Dei, & postea reliqua huic uite necessaria: huic precepto mei Domini obtemperabo, certus quod uerè, quod promisit, sit præstaturus, ut ratio et mundus totus obmurmuret. Et hunc ordinem à Christo præscriptum conetur euertere. Deus datus pascit: cur me ipsi obedientem non pasceret? Dat corpus: cur non uestem? dat animam: cur non cibum? dat æterna: cur non temporalia? Quicumque ergo pius est, debet hanc regulam CHRISTI sequi, Querite primum regnum Dei & iusticiam eius, et cætera adicientur uobis. Verum, pro hoc dolor, multi contra hanc regulam peccant. Primum enim qui non solum ipsi uerbum Dei non audiunt, sed alijs impedimento sunt, ut non audiant, quemadmodum impij mariti faciunt, qui suas uxores à uerbo retinent, auariciæ suæ explendæ gratia. Hi suo temerario ausu irrumpunt in officium Dei, & Christi præceptum malignè contemnunt: unde quicquid agunt malè succedit. Primum uolunt corpori prospicere, Deinde si quando uacat, animæ exiguam curam habent. Colligo, inquit aliquis, uxori meæ & liberis. Rectè facis, & probotuum studium: natura enim hoc docet, & ratio dicat, ut maritus uxoris & prolium curam habeat, & Paulus dicit, Qui negligit suos est infidelior: sed collige iuxta Christi regulam, & huius turbæ exemplum. Primum quære regnum Dei,



Dei: Deinde in uocatione tua sis diligens. Si aliter feceris, liberi tui non gaudebunt ex tuis laboribus: nam maledictus labor est tuus, & maledictus fructus laborum tuorum erit, nec proderit liberis tuis. Est enim hoc dictum uerissimum: Ex malè quaesitis non gaudet tertius haeres. Experientia docet quòd malè à parentibus parta, liberi ut plurimum cum meretricib. in ganeis, in potationibus, in contentionibus & litibus absumere turpiter soleant: Quare si pietas nobis cordi est, Christi regulam et huius turbæ exemplum imitemur, quòd si fecerimus, sentiemus liberalem manum Dei erga nos.

## DE SECVNDO.

Iam uideamus praesentis miraculi circumstantias, quae multae sunt. Primum Dominus dicit Philippo: Vnde ememus panes ut manducent hi? Cur hoc additur ab Euangelista? Hoc autem dicebat tentans eum, hoc est, ut experiretur quid haberet fidei, qui antea uiderat aquam in uinum conuersam esse in Cana Galilaeae.

Sed quid respondet Philippus? Ducentorum denariorum panes non sufficiunt eis, ut unusquisque modicum accipiat. Hic Philippus immemor miraculorum, quae antea uiderat, rationem suam in consilium adhibet, quasi diceret, Magna turba est, requiritur ad eam saturandam magna pecunia, & nos nihil ferè habemus, frustra enim de pane emendo disputatur, deliberatio frustra adhibetur, dum impossibilitas impedit.

Sed



Sed uenit alius discipulus Andreas, et dicit pu-  
erum adesse, qui habeat quinque panes hordeaceos,  
& duos pisces: sed hæc nihil ad tantam turbam: hic  
discipulus etiam desperat.

Sed quid adhuc Christus? Dicit ergo eis: Facite  
homines discumbere, quasi dicat, cum hoc sit im-  
possibile uestro iudicio, ut tanta turba hic conser-  
uari possit, ne fame pereat: Ego qui illis dixi et uo-  
bis: Querite primum regnum Dei & iusticiam  
eius, & cetera omnia adicientur uobis, ostendane  
facto, meam promissionem non esse uanam: uos sal-  
tem iubete turbæ, ut ad comedendum discumbat.

Hic discipuli magistro obtemperant, et uiri nu-  
mero, quasi quinque millia se ad comedendum com-  
ponunt expectantes miraculosam saturitatem.

Cum ita discumberent, accepit Iesus panes illos  
quinque hordeaceos et pisces, ac primum facta bene-  
dictione, & actis gratijs, distribuit discumbenti-  
bus, quantum uolebat. Postquam autem saturati  
sunt, dixit discipulis suis: Colligite quæ supersunt  
fragmenta, ne quid pereat. Et illi obtemperantes  
collegerunt duodecim cophinos fragmentorum.  
Uidetis miraculum, quo Christus suam diuinam po-  
tentiam, suam promissionem & suum officium con-  
firmat.

Quid nos hinc discere debemus? Multæ sanè  
doctrinæ hinc peti possunt.

Primum confirmatur id, quod in primo loco  
uidimus, uidelicet, quod qui Christum sequun-  
tur,



tur, non sint fame perituri, quemadmodum iam audiuiſtis.

DEINDE hoc miraculo confirmatur affectus Christi erga eos qui ſequuntur, de qua re etiam in prima doctrina audiuiſmus.

Præterea confirmatur hoc miraculo, quòd contra rationis iudicium Chriſtus poſſit iuuare quando uult. Nam ut regnum Chriſti & regnum mundi ſunt diuerſa: ita alia fieri poſſunt in regno Chriſti, quàm in regno mundi. Nam qui regno Chriſti præſidet, omnipotens eſt, cuius uelle eſt fieri: omnia n. quæ uoluit, ut inquit Dauid, fecit in cælo & in terra. Cùm igitur proponit nobis Euangelium miranda Dei opera, de reſurrectione mortuorum, de uita æterna, de æternis impiorum pœnis, et huiusmodi alia, non adhibebimus in conſilium rationem noſtram, ut ab illa quæramus quid fieri poſſit, ſed ſolum uerbum Dei interrogabimus, ſi enim Deus aliquid dicit, mox ueniet nobis in mentem eius potentia & ueritas: quia potens eſt, nihil eſt ei impoſſibile: & quia uerax, quicquid dicit ratum & firmum erit. Dicit enim, cælum & terra tranſibunt, uerba autem mea non tranſibunt.

Docemur & hoc miraculo & Chriſti factò, quòd Deus res modicas piorum augere uelit ſua benedictione: non enim in magna rerum copia ſita eſt ſaturitas: ſed in benedictione Domini, quæ ſola diuites facit. Vnde Chriſtus Lucæ 12. Non in abundantia cuiuſq; uita eius ex ijs quæ poſſidet. Et  
David



David Psalmo 121. Et abundantia diligentibus te.  
Sæpius accidit, quod pauper aliquis timens De-  
um melius pascitur pane & olere, quàm diues im-  
pius ex præciosis ferculis & dulcissimo uino. Pau-  
per Lazarus melius pascebatur micis, quæ ei uix  
dabantur, quàm diues epulo ex suis delicatis cibus.  
Hæc diligenter cogitemus singuli, ac expectemus  
promissionem Domini, ut nostris laboribus bene-  
dicat, & nostrum panem augeat. Is enim iussit ora-  
re & dicere, Panem nostrum quotidianum da nobis  
hodie.

Ad hæc docet nos Christi factum, ut usurpa-  
turi diuina beneficia, gratias agamus Deo pro suo  
dono, & petamus, ut suum donum sua benedictio-  
ne consecrare uelit: Creatura enim Dei sanctifi-  
catur per uerbum & oratione, quemadmodum  
Paulus docet 1. Timot. 4. Verum fit, ut multi, quia  
non agnoscunt diuina beneficia, & multò minus  
gratias agunt datori, uel in magna rerum copia  
sint egentes, uel magna premantur paupertate.  
Quare hortor uos, ut hoc Christi exemplum imi-  
temini, quoties bonis Dei donis uti uolueritis. At-  
que hoc sit dictum de præsentis miraculo. Sequitur  
iam tertius locus.

## DE TERTIO.

Cùm uidissent (dicit Euangelista) quod Ie-  
sus fecerat signum, dicebant: Hic est uerè il-  
le Propheta qui uenturus est in mundum. Ie-  
sus ergo cùm cognouisset, quod uenturi es-  
sent



sent, ut raperent se, & facerent se Regem, fugit iterum in montem ipse solus:

Hic duo proponuntur exempla, Vnum turbae, alterum Christi. In turba duo uidemus, Vnum: quod ex miraculo agnoscit Messiam, id quod recte a turba factum est, nam Propheta Isaias praedixit fore, ut cum uenerit in mundum Messias, magna miracula esset editurus, per quae agnosceretur. Haec tenus ergo recte iudicauit turba. Alterum, quod uidemus in turba, est error iudicii turbae, quae cum uideret ex miraculo Iesum esse Messiam, uoluit eum in Regem creare. Sed Christi regnum non est mundanum, sicuti ipse Pilato dixit, Regnum meum non est de hoc mundo. Voluit quidem turba gratia esse Christo, sed non secundum scientiam suam declarauit gratitudinem. Vnde nos discamus gratitudinem erga Deum ab hac turba: uerum quia illa errauit in facto, nos uerbum Dei pro regula gratitudinis amplectamur.

Ceterum cum Christus cognouisset imperitum turbae Zelum uolentis se in Regem creare, fugit in montem, & non patitur se Regem a turba creari. Quid nos hinc discamus? PRIMVM, quod modo dixi, quod regnum Christi non sit mundanum. DEINDE quod nullum honorem expetere debeamus contra nostram uocationem. Vnusquisque sit contentus eo dignitatis gradu, ad quem uocatus est, et non inuadat alienam functionem gloriae cupiditate. Verum haec tria spectemus, quisque in sua uocatione.

Pri-





Primū laboremus strenuē in timore Dei. 2. Non queramus uulgi laudes, si quid boni egerimus.

3. Hoc sit nostrum propositum, ut Deo & ipsius Ecclesiæ seruiamus in timore Dei, qui aliter agūt, nihil rectē faciunt: offendunt Deum: suam superbiam produnt, quos Deus sepē sinit labi, ut ipsorum stulticia innotescat, ac ita suæ arrogantiae poenas luant. Quod ne nobis quoq; accadat, rogemus Deum, ut nos suo Spiritu gubernet, Cui soli & aeterno Deo sit honor, laus & gloria in secula seculorum, Amen.

## DOMINICA IVDICA

IOHAN. VIII.



Q

Quis



**Q** Vis ex uobis arguet me de peccato? Porro si ueritatem dico, quare uos non credidistis mihi? Qui ex Deo est, uerba Dei audit: propterea uos non auditis, quia ex Deo non estis. Responderunt ergo Iudæi & dixerunt ei: Nonne benè dicimus nos, quòd Samaritanus es tu, & dæmonium habes? Et respondit Iesus: Ego Dæmonium non habeo, sed cohonesto Patrem meum, & uos ignominia affecistis me. Ego autem non quæro gloriam meam, est qui quærat & iudicet. Amen dico uobis: si quis sermonem meum seruauerit, mortem non uidebit in æternum. Dixerunt ergo illi Iudæi. Nunc cognouimus quòd dæmonium habes: Abraham mortuus est & Prophetæ, & tu dicis: qui sermonem meum seruauerit, non gustabit mortem in æternum. Nunquid tu maior es patre nostro Abraham, qui mortuus est, & Prophetæ mortui sunt: quem teipsum facis? Respondet Iesus: Si ego glorifico me ipsum, gloria mea nihil est. Est Pater meus, qui glorificat me, quem uos dicitis Deum uestrum esse, & tamen non cognouistis eum, ego autem noui eum: & si dixerò, quòd non nouerim eum, ero similis uestri mendax, sed noui eum, & sermonem eius seruo. Abraham pater uester exaltauit, ut uideret diem meum, & uidit atq; gauisus est. Dixerunt ergo Iudæi



daï ad eum: Quinquaginta annos nondum habes, & Abraham uidisti? Dixit eis Iesus, Amen amen dico uobis, Antequam Abraham nasceretur, ego sum: Tollebant ergo lapides Iudæi, ut iacerent in eum. Iesus autem abscondit se & exiuit è Templo.

## ENARRATIO TEXTVS.

**H**Oc Euangelium continet singularem doctrinam de Christo, & eiusdem doctrinæ oppositionem per Christi hostes. Quemadmodum .n. Christus suam personam, officium & doctrinam defendit, & monstrat uerum salutis fontem: Ita Iudæi Christi hostes se opponunt personæ, officio, & doctrinæ Christi, et contra illum agunt: tribus armis, quibus Satanas inde usq; ab initio mundi uictus est. Arma autem illa tria hæc sunt: Hypocrisis (vducaartis hellighed) Sophistica (Kraagloff) Tyrannis (offeruold) Habet ergo hoc Euangelium duplicis regni descriptionem, uidelicet Christi & Satanae. Vt enim Christus hic suum regnum tueatur: ita Satanae satellites sui Domini partes agunt. Verum quia nostra interest potius quid dicat Christus, quam quid contra sentiat Satanas, ex uerbis Christi duas doctrinas huius Euangelij proponam, & quid ad singulas responderint ac fecerint hostes Christi declarabo. Loci duo.

Quòd quemadmodum CHRISTVS sit uerus Messias: ita omnis qui eum non audit à Deo non sit.

Q2

II. Quòd



II. Quòd qui uerbum Christi seruet, à morte eterna liberetur. Et in his duabus præcipuis huius Euangelij doctrinis, contentio- nem inter Christum & Iudeos exponam, in qua expositione multæ particulares doctrinæ se offerunt.

## DE PRIMO.

Primæ doctrinæ partes sunt duæ: Vna, quòd Christus sit uerus Messias, Altera, quòd qui Christum non audit, à Deo non sit. De priori parte ita habet textus: Quis ex uobis arguet me de peccato? Si ueritatem dico, quare uos non creditis mihi? Doctrinam Christi reprehenderunt Iudæi, quia Satanas & eius ministri oderunt ueritatem. Christus suam doctrinam uitæ innocentia, Prophetarum testimonijs & uarijs miraculis confirmauit, ut et agnosceretur à Iudæis uerus Messias esse, & ab illis crederetur Christo in salutem. Cùm ergo illi instinctu Satanae, odio Christi, & amore suæ falsæ doctrinæ, quàm à maioribus acceperant, se Christo totis uiribus opponerent: Christus contrà sitiens salutē humanam, suam innocentiam, doctrinam et officiū defendit, ut saltem quosdam ex suis hostibus lucrifaciat Deo, et à damnationis præcipitio reuocet. De innocentia ergo suæ personæ primū querit. Quis (inquit) ex uobis arguet me de peccato? quasi diceret: palàm uixi inter uos ab infantia mea ita innocenter, ut nemo uestrum possit me ullius peccati arguere: Hoc autē

cūm



cum sit proprium Messiae, quare me Messiam olim  
promissum non agnoscitis? Nam solus Messias est  
absq; omni peccato. Cum ergo nemo uestrum pote-  
rit me peccati conuincere, stultè facitis, qui non  
solum me non agnoscitis Messiam: uerumetiam me  
ut peccatorem condemnatis. Huc addit de doctrina

sua: Si ueritatem dico uobis, cur non creditis  
mihi? quasi dicat: cum doctrinam meam innocen-  
tia uitæ, testimonio Prophetarum, et multis mira-  
culis ita ueram esse doceam, ut uelit nolit, eam  
ueram esse fateamini, cur non creditur mihi? pror-  
sus insanus est, qui id quod uerum esse nouit, tan-  
quam falsum persequitur: sed ea est natura homi-  
num, qui malè institutus est à puero, difficulter ab  
errore reuocatur: adeò à teneris assuescere multū  
est. Verum hic quid à Christo & à Iudeis disca-  
mus? A Christo quidem discant omnes ministri uer-  
bi, uitam suam instituere & ita docere, ut nemo  
quicquam habeat, quòd uel in uita, uel in doctrina  
auguere possit. Tametsi enim solus Christus purus  
erat ab omni peccato: tamen qui eius Euangelium  
docere uolunt cum fructu, debent publicis crimi-  
nibus carere. Poëta enim rectè dicit:

Turpe est doctori cum culpa redarguit ipsum.

Quomodo enim, quæso, sacerdos potator, pota-  
tores reprehendere poterit? quomodo audebit scor-  
tator scortatores & adulteros castigare? quomodo  
auarus auariciam? Usurarius usuram? contentio-  
sus, lites? Superbus superbiam damnare? In summa,

Q 3

qui



qui alios uult arguere, ipse debet esse sine culpa: Qui autem dicunt: Facite ut doceo, & nolite facere, ut ago, non sunt Christi ministri, sed Satana. Nam nemo docere censendus est, nisi uita exprimat, quod uerbis docet. Ita enim Paulus docet Timotheum: Esto forma gregis, id est, quod uoce doces, uita exprime, ut doctrina exemplum uiuum in te conspiciant auditores tui. Vnde & de se Paulus dicit: Estote imitatores mei, sicuti ego Christi. Deinde qui audiunt Euangelium, debent aliquid ab his Iudeis discere, non quidem ut cum illis se Christo & suis doctoribus opponant: sed ut eorum damnatione admoniti poenitentiam agant, & Christi beneficio saluentur.

De altera parte primæ doctrinæ, ita ait textus: Qui à Deo est, uerba Dei audit, propterea uos non auditis, quia ex Deo non estis. Causam assignat cur Iudæi tam malignè doctrinam Christi contemserint, uidelicet, quod non fuerint à Deo, sed à Satana. Non loquitur hic de humana natura, quæ uerè à Deo est, sed de malicia hominum, quæ est à Diabolo: hæc enim malicia facit, quod homines uerbum Dei non libenter audiant. Hic unusquisque se examinet, & de se ipso statuaturum à Deo sit aut à Diabolo. Qui etenim uerbum Dei libenter audit, habet testimonium Christi quod sit à Deo: contrà qui uerbum contemnit & persequitur, uerè est à diabolo: tametsi hoc libenter non uolunt audire homines impij. Sed quemadmodum  
hic



hic Iudæi Christum, qui sibi hoc indicauit, perse-  
 quebantur & calumniabantur: ita hodie ministros  
 Euangelij persequuntur, qui uoce illorum declarā-  
 tur à Diabolo esse. Quid ergo hæc dicunt Iudæi? Re-  
 sponderunt & dixerunt ei: Non ne benè dicimus  
 nos, quòd Samaritanus es tu, & demonium habes?  
 Hæc est ars Satanae, quòd quando non potest infi-  
 ciari ueritatem, confugit ad conuicia: ita & hodie  
 fit quando non possunt homines negare, quin uer-  
 bum Dei sit, quo illorum impietas arguitur, statim  
 confugiunt ad conuicia, & aliquid quærunt, quod  
 in ministris Euangelij reprehendāt. Sed quid facit  
 hic Christus? Respondit: Ego dæmonium non  
 habeo, sed honorifico Patrem meum, & uos  
 inhonorastis me: Ego autem non quæro  
 gloriam meam, est qui quærat & iudicet. In  
 hac responsione Christus primùm negat se habere  
 dæmonium, quod ex eo confirmat, quòd quærat  
 gloriam Dei, quod non faciunt qui pacta cum Di-  
 abolo fecerunt. Deinde conuicium in Iudæos re-  
 torquet, cùm inquit: & uos inhonorastis me,  
 qui Deum honoro. Qui enim eos conuicijs affici-  
 unt qui Deum honorant, à Diabolo eos duci ne-  
 cesse est. Præterea cùm addit: Ego non quæro  
 gloriam meam, est qui quærit & iudicat, re-  
 mouet à se inanis gloriæ cupiditatem, & se in suo  
 officio Patri commendat. Ex hac Christi respon-  
 sione, ministri uerbi tria discant. I. Tueri se quan-  
 tum fieri possit, à conuicijs quibus afficiantur, ne  
 illorum



illorum ministerium uilescat, ubi ipsi in contem-  
tum uenerint. 2. Conuicatorib. sua peccata obijce-  
re, quòd non tam contra homines, quàm contra De-  
um ipsum belligerantur. 3. Suam gloriam non qua-  
rere: sed Dei, & certò sibi persuadere, quòd Deus  
ipsorum innocentiam tueatur.

## DE SECUNDO.

De secunda doctrina ita sonant uerba domini  
Amen amen dico uobis: si quis sermonem  
meum seruauerit, mortem non uidebit in æ-  
ternum. Hæc uerba sunt benè perpendenda, quæ  
summum beneficium Christi erga homines conti-  
nent, uidelicet q, qui sermonem Christi seruauerit,  
non sit uisurus mortem in æternum. Verùm quò  
hæc melius intelligamus, uolo ordinè explicare  
quid continent. Primùm enim hîc obseruandum est  
iuramentum Christi. 2. Quales simus sine Christo  
3. Quid per illum consequi liceat. 4. Quomodo be-  
neficiorum Christi participes fieri ualeamus.

Iuramentum eò pertinet, ut confirmet nos de  
ueritate Dei contra omnes humanas & diabolicas  
doctrinas, contra sensum carnis, atq; adeò contra  
totum regnum Diaboli, quod Sophistica, Hypocri-  
si, & tyrannide constat: non enim fieri potest, ut  
filius Dei fallat, qui tanto iureiurando fidem sue  
doctrinæ fecit.

Quales sumus sine Christo? per Christum fit,  
ut non uideamus mortem in æternum: quare sine  
Christo, æternæ mortis sumus rei. Est autem ut  
qua



quadruplex uita : ita & quadruplex mors.

PRIMA uita est natura, qua naturaliter in hoc mundo uiuimus. Hæc uita bona quidem per se est, quia est donum Dei, quod promittit in Quarto præcepto: sed uariat pro conditione hominū. Abrahamo quidem fuit bona, quia is ea usus est in gloriam Dei: Neroni uerò fuit mala, quia ea usus est, cū in contumeliam Dei, qui eam dedit, tum in suam ipsius condemnationem. Huic uitæ naturali opponitur mors naturalis: quæ mala quidem per se est, quia est pœna peccati: sed pro conditione hominū uariat. Nam ut Abrahamo hæc mors fuit transitus ad uitam meliorem, quare ei bona fuit: ita Neroni fuit ianua gehennæ, igitur ei mala erat.

SECUNDA uita est peccati, qua scilicet uiuit peccatum in homine, & regnat per concupiscentias suas, ut in omnibus impijs. Hæc perpetuò mala est, quia ad damnationem tendit. Huic opponitur mors peccati, qua mortificatur peccatum in nobis, quod fit, quando in uera pœnitentia & timore Dei uiuimus. Hæc mors peccati semper est bona, quia transitus ad uitam æternam.

TERTIA uita est gratiæ, qua uiuit Christus in nobis per gratiam: hæc semper bona est, quia est donum Dei, & uia ad gloriam. Huic opponitur mors gratiæ, hoc est, priuatio gratiæ, quod fit, quando relabimur in peccata, & abijcimus fidem. Hæc semper est mala, quia est uia ad gehennam.

QUARTA uita est uita æterna, qua pij ui-

Q 5 uent



uent cum Deo & Angelis in æterna beatitudine: hæc uita maximè bona est. Huic opponitur mors æterna, quæ est æterna damnatio, huic morti æternæ obnoxij sunt omnes sine Christo: nisi enim Christi beneficio ab hac morte liberamur, erit nobis perpetuum peccati stipendium: sicut Paulus dicit Rom: 6. Tales ergo sumus sine Christo, hoc est, miseri, damnati, & rei æternæ mortis.

Sed quales per Christum euadimus: Hoc Christus iuramento astruit, nimirum quod ab æterna morte liberati donemur æterna uita, in qua erit gaudium sine fine.

Quomodo Christi beneficiorum reddimur participes? Respondet hoc Euangelium: Amen amen dico uobis, si quis sermonem meum serauerit, non uidebit mortem in æternum. In uerbo igitur Christi magnus thesaurus est: qui hoc seruat, habet Christum, qui solus est uia ad uitam. Quid est seruare uerbum Christi? Est illud audire, illud discere, eiq; credere, iuxta illud: qui credit in filium, habet uitam æternam. Quare? quia qui credit, iustificatur fide sua, hoc est, absoluitur a peccato, donatur iusticia Christi, et acceptatur propter Christum ad uitam æternam. Qui igitur uitam æternam cupit, hæc obseruet quæ iam dicta sunt, uiuat in perpetua pœnitentia, audiat uerbum Christi, ei credat, et usq; ad mortem in fide perseueret: ita futurum est, ut hæc naturalis mors sit illi transitus futura ad æternam uitam.

Sed



Sed quid Iudei dicunt ad hanc Christi salutem doctrinam? Christus dicit, Qui custodierit sermonem meum, non uidebit mortem. Iudei respondent: Nunc cognouimus quod dæmonium habes: Abraham mortuus est & Prophetæ, & tu dicis: Si quis sermonem meum seruauerit, non gustabit mortem in æternum, numquid tu maior es Abraham patre nostro, qui mortuus est &c. quem teipsum facis? quasi dicerent. Si sermo tuus adeo est efficax, ut te audientes non gustent æternam mortem, sanè maior es Prophetis & Patriarcha nostro Abraham, qui mortui sunt: sed hoc est falsum: non enim es maior Abraham. Est igitur falsum quod dicis, qui custodierit sermonem meum, non gustabit mortem in æternum: quare blasphemus in Deum es, & habes dæmonium. Christus respondet & ait. Si ego glorifico meipsum, gloria mea nulla est, (scilicet uestro iudicio) est Pater qui glorificat me. Sententia horum uerborum est, Filius unigenitus Dei est maior seruis Dei & filiis Dei adoptiuis: Ego sum filius Dei unigenitus, quemadmodum Pater ipse de me testatur uoce sua & operibus: Prophetæ autem & Abraham sunt serui Dei & filij Dei adoptiui: Quare sum ego maior, quàm Abraham & Prophetæ: non est ergo mirum, si sermo meus est efficacior quàm illorum. Deinde Sophistica sunt usi: nam quod Christus dixit de æterna morte, illi de naturali morte inter-



interpretati sunt, sed malignè. Quare Christus pergit eos reprehendere, dicens: Si dixero quod non noui eum, ero similis uobis mendax. Nam uos dicitis, uos nouisse quem non nouistis. Sed quid est nosse Deum? Est. 1. scire quis sit, nempe Pater, Filius, & Spiritus Sanctus. 2. credere in illum. 3. iuxta ipsius uoluntatem uitam instituire.

Verum quia Iudæi de Patre Abraham gloriabantur, pergit Christus ostendere, quàm uana sit ista iactantia, & ait: Abraham pater uester exultauit, ut uideret diem meum, uidit & gauisus est. His uerbis tria docet Christus. 1. Quod fuerit antequam assumeret humanam naturam, nempe ab æterno, æternus Deus. 2. Quod Abraham in se crediderit: nam credere in Christum, est spiritualiter Christum uidere. Videtur autem Christus tripliciter: Spiritualiter tantum, ut Abraham, & nos qui in illum credimus hodie: Corporaliter tantum, ut Iudæi uiderunt ipsum, qui hîc cum eo colloquebantur: Corporaliter & Spiritualiter simul, ut sancti, qui cum Christo in terra uersati sunt, & nos qui credimus post resurrectionem mortuorum. Prima & ultima uisio est salutaris. 3. Docet Christus his uerbis, quod Iudæi non insistant uestigijs patris sui Abraham, de quo adeo gloriantur: nam Abraham agnouit Christum, & in eum credidit, et gauisus est de eo: Iudæi autem nec in Christum credunt, nec de illo gaudet, imò potius Christum damnant



nant, quare falso gloriantur de Abraham. Sed quid respondent ad hoc Iudaei? Quinquaginta annos nondum habes & Abraham uidisti? ac si dicerent: Abraham mortuus est ante duo millia annorum et ultra: non igitur ipsum uidere potuisti, qui nondum fuisti. Christus respondet: Amen amen dico uobis, antequam Abraham foret ego sum. Tria aperte de Christo docent haec uerba. 1. Quod sit uerus Deus. 2. Quod sit uerus homo. 3. Quod Deus et homo Christus non sint duae personae, sed una tantum diuina persona, quae humanam naturam assumpsit, ut fieret uictima pro mundi peccatis. Sed quid ad hoc Iudaei? Tulerunt lapides ut iacerent in eum. Hic describitur extremum refugium Sathanæ, quod est uis et tyrannis. Haecenus egerunt contra Christum conuitijs, Hipocrisi, Sophistica: nunc tandem arma capiunt. Sed Christus abscondit se, & exit de Templo. Quo facto duo docet, Vnum quod Ecclesia diuinitus custodiatur aduersus tyrannidem Diaboli et mundi. Alterum quod non uelit suum uerbum, nec se in suo uerbo esse apud eos, qui ipsum palam persequuntur: sed tantum apud eos, qui se recipiunt & amant. Huic uero Mediatori cum Patre, & Spiritu sancto, sit honor, laus & gloria in secula seculorum, Amen.

## DOMINICA PALMARVM

MATTH. XXI.

Cum appropinquassent Hierosolymis &amp;c.

Hoc



**H**oc Euangelium bis in anno legitur, nempe Dominica prima Aduentus, & Dominica Palmarum: sed non eadem de causa. Nam Dominica Aduentus legitur, quia Prophetia Zacharie conuincitur in eo de Aduentu Christi in mundum, qui futurus erat Rex & Saluator in se sperantium: Hodie autem legitur propter Historiam, quæ hoc die gesta est, nempe sexto die antequam pateretur.

Summa autem Euangelij est, quod Christus super Asinam & pullum eius, adductos per discipulos sedens, equitauit uersus Hierusalem, cui populus acclamabat, Hosanna filio David, & palmas strauerunt in uia, & uestes suas. Deinde quod ingressus eiecerit ementes & uendentes &c. Locis sunt tres.

- I. Descriptio regis Christi & eius regni.
- II. De ciuibus huius regis et eorum officio.
- III. De ijs quæ in Templo contigerunt, postquam eò Christus est ingressus.

## DE PRIMO.

De hoc lege Dominica prima Aduentus, qui ibi est secundus locus.

## DE SECVNDO.

Hic fuit tertius Dominica prima Aduentus: unde petatur explicatio usque ad paragraphum de usu Aduentus.

## DE TERTIO.

Tertius



Tertius locus est historia eorum, quæ contigerunt in templo, postquam eò Christus ingressus est. Hæc historia in quatuor partes distribui potest, quæ sunt.

1. Electio ementium & uendentium in Templo, & eius facti ratio.
2. Sanatio claudorum & cæcorum in templo.
3. Defensio puerorum clamantium Hosanna filio Dauid.
4. Fremitus principum, sacerdotum & scribarum aduersus Christum.

DE PRIMA PARTE.

Narrat Euangelista, quòd Dominus ingressus sit templum, & eiecerit ementes & uendentes. Deinde quòd causam sui facti addat, cum inquit: Domus mea, domus orationis uocabitur, uos autem fecistis illam speluncam latronum. In facto tria perpendenda sunt. 1. Facti occasio. 2. Factum ipsum. 3. Significatio facti. Occasio facti fuit inextinguibilis auaricia sacerdotum, qui ideò hæc ordinârunt, ut qui uellent offerre, haberent ad manum uenale, quicquid cuperent. Horum auaricia cum sit damnanda, cauere sibi debent ministri Euangelij, ne artes expilandi plebem querant: quemadmodum in Papatu factum est, ubi Missas, indulgentias, & alias nugas habuerunt uenales in propriam & aliorum damnationem. 2. Perpendendum est Christi factum: nam hoc facto testatur se Regem summum Pontificem, & diuini cultus præsidem

DE PRIMO.

DE SECUNDO.

DE TERTIO.



praesidem esse: Alioqui priuata autoritate manum non admouisset: sed uoce tantum dolorem animi declarasset. Hoc factum Christi imitari debent & magistratus pius, & praesides cultus diuini, ne ex-  
tent in templis Christianorum pollutiones cultus diuini. Alij, quibus non est ea autoritas, debent dolore, & uoce testari, quod cultus diuini corruptelas improbent. 3. Significatio huius facti est perpendenda: nam ut templum pollutum erat: ita significauit spirituale fore Templi purgationem per suam mortem & resurrectionem gloriosam.

Deinde in causa huius facti, quae exprimitur hisce uerbis: Domus mea domus orationis uocabitur, uos autem &c. duo discamus: Primum quod templum uisibile sit sedes diuini cultus. Et si enim omnis locus est pijs templum, siquidem licet ubiq; Deum inuocare: tamen templum communis locus est, in quo conuenire & precari, & alia, quae ad pietatis externam disciplinam attinent, exercere oportet. Alterum, ut nos habeamus templa destinata cultui diuino in honore, & seruemus ea munda ab idolis et idolorum cultu. Verum adeo proh dolor, adheret multis Papistica superstitio, ut ne idolum de suo templo tolli permittant. Sed de hac re aliàs plura.

#### DE SECUNDA PARTE.

Secunda pars rerum gestarum à Christo in templo est, quod claudos & cecos ad se uenientes sanauerit: quo facto testatur primum, quod sit uerus  
Messias



**Messias.** Nam Propheta Isaias prædixit, ut cum uenisset Messias, talia miracula ederet. 2. Significat hoc factum officium Messie, quod est destruere opera Satanae: nam cum morbum tollit Christus, causam etiam amouet: causa autem morbi omnis, est peccatum. 3. Vsum templi indicat symbolo, quod eo destinatum esse debet, ut nos à spiritualibus moribus purgemur, quod fit, dum uerbo, quod illic prædicatur, credimus, & credentes abluimur à peccatis nostris sanguine Iesu Christi, sicuti Iohannes dicit: Sanguis Iesu Christi emundat nos ab omni iniquitate.

## DE TERTIA PARTE.

Cum pueri clamarent in templo Hosanna filio David, & obiurgarentur à Phariseis, Christus puerorum patrocinium sumit, & eorum factum scripturæ testimonio comprobat. Non ne legistis inquit, ex ore infantium & lactentium perfecisti laudem.

Hic habemus quod discamus ab utrisque, hoc est, pueris & à Christo. A pueris primum discant nostri pueri Christum agnoscere & prædicare. Christus enim cum dicit regnum cælorum pertinerere ad pueros, profecto uult puerorum fide & uoce laudari & celebrari, sed propter dolor, multi sunt pueri, qui non solum ignorant Christum, uerum etiam adeo corrupte sunt educati, ut nihil aliud didicerint quam iurare, mentiri, turpiter loqui, & alias nequicias exercere, qui non solum ipsi

R

ali



aliquando sue nequiciæ dabunt poenas: uerum etiam parentes ipsorum à Deo punientur, qui pueros ipsis in pietate erudiendos dedit, adeo sacrilegè neglexerunt. Deinde discamus à pueris, Christum confiteri in medio hostium eius. Hic aderant Pharisæi & Scribæ præcipui gubernatores Reipublice istius, qui Christum persequiebantur & irascabantur omnibus, qui Christo aliquem honorem exhibuerunt: Verum hac seuita non sunt absteriti pueri, sed quò magis prohibebantur, eò magis clamabant: ea enim est uis fidei, quòd ubicunq; sit, non possit celari, sed semper prorumpat in Dei laudes. Hoc officium ab omnibus requiritur, iuxta illud Pauli dictum Rom. 10. Corde creditur ad iusticiam, ore fit confessio ad salutem.

A facto Christi discamus primùm, quòd uelit eos, qui sibi credunt, tueri. Deinde, quòd exemplo Christi ratione uocationis debeamus innocentiam aliorum tueri, & præcipuè patrocínio nostro pijs adesse, ne ab impijs opprimantur.

## DE QVARTO.

Fremitus principum, Sacerdotum & Scribarum aduersus Christum, longè antè prænunciatus fuit uoce Dei & Prophetarum: Nam cum Deus Genes. 3. prædicit fore, ut semen serpentis calcaturum sit Semen mulieris, significat quòd Satan & eius membra homines prophani et impij sint Christum & Ecclesiam persecuturi. Et Dauid Psal. 2. non solum hunc fremitum Iudeorum aduersus Christum



Christum Spiritu praeuidet, cum ait: Quare fremuerunt gentes, & populi meditantur inania: uerumetiam ex dicto Genesis promittit futurum, ut Semen mulieris, id est, Christus, & omnes in illum credentes sint superaturi Satanam & ipsius membra. Qua autem in re consistit ista uictoria, David in eodem Psalmo indicat cum ait: Beati omnes qui confidunt in eo. Quare nos Satanæ & eius membris renunciemus, et firma fiducia recumbamus in Christum uictorem Satanæ & donatorem æternæ uitæ, cui honor & gloria in secula, Amen.

## DE COENA DOMINI, I. CORINTH. XI.

**E**Go accepi à Domino, quod & tradidi uobis, quòd Dominus Iesus in ea nocte, qua traditus est, accepit panem: & postquam gratias egisset, fregit, ac dixit: Accipite, edite: Hoc meum est corpus, quod pro uobis frangitur, hoc facite in mei commemoracionem. Ad eundem modum & poculum, peracta cœna, dicens: Hoc poculum nouum testamentum est in meo sanguine: hoc facite quotiescunq; biberitis in mei commemoracionem. Quotiescunq; enim comederitis panem hunc, & de poculo hoc biberitis, mortem Domini annunciabitis, donec uenerit,

R 2

nerit,



nerit. Itaq; quisquis ederit panem hunc, aut biberit de poculo Domini indignè, reus erit corporis & sanguinis Domini. Probet autem homo seipsum, & sic de pane illo edat, & de poculo illo bibat. Nam qui edit aut bibit indignè, iudicium sibiipsum edit & bibit, non dijudicans corpus Domini.

## ENARRATIO TEXTVS.

*Chrs pridie, ante,  
quum pateretur  
hanc coenam  
institui.*

**H**OC Festum ideo institutum est, ut Historia institutionis Coenae Dominicae hoc die in Ecclesia tractetur, quò uerus huius sacrae Coenae usus intelligi possit. Nam cum Christus pridie, antequam pateretur, hanc Coenam institueret, mandatum dedit discipulis, ut hanc Coenam in sui conseruarent memoriam. Quare necesse est, magnas & graues causas esse, cur necessarium sit, huius Coenae institutionem magnificare. Nisi enim causas institutae huius Coenae diligenter perpenderimus, non possumus satis admirari saluatoris nostri bonitatem, qui cum esset in grauissimo dolore propter imminentem mortem, uoluit tamen hanc instituere & eam commendare Ecclesiae, in firmissimum Sacramentum nostrae salutis per ipsum partae, in quo perpetuò conseruaretur foederis inter Deum et hominem sanciti sanguine Christi memoria. Verum ut nos possimus de hac Coena distinctius docere, proponam tres locos, quos hoc tempore explicabo per Dei gratiam, Loci tres:

I. Institutae huius Coenae circumstantiae, & significatio



gnificationes, unde colligetur eius plena descriptio.

- II. Vera & legitima probatio eorum qui hac Cœna utiliter uti uolunt.
- III. Verus usus legitimâq; meditatio huius Cœnæ.

## DE PRIMO.

Multæ circûstantiæ sunt in Historia institutionis huius Cœnæ, quas ordinè ex textu proponam.

PRIMA est temporis: Ita enim habent uerba textus: Dominus noster Iesus Christus in ea nocte qua tradebatur. Nam die Iouis serò, antequam die Veneris sequenti crucifigeretur, hanc Cœnam instituit: unde duo colligamus. Primum, quantum necesse est fuisse amorem Christi erga nos, qui cùm sciret se postridiè passurum, uoluit tamen hanc perpetuam suorum beneficiorum memoriam instituere. Alterum, quòd huius Cœnæ celebratio debeat à nobis fieri in uera pœnitentia, quemadmodum postea rursus dicetur.

SECUNDA circumstantia est de conuiuiis, qui fuerunt in hac Cœna: in ea præsuit Christus: aderant discipuli boni & mali. Boni quidem fuerunt infirmi ualde: malus fuit solus proditor Iudas. Hinc docemur quòd Christus uelit semper adesse huic Cœnæ, & quòd Cœna hæc pertineat ad discipulos Christi, & tametsi impij quoq; se immiscent: cedit tamen hæc Cœna illis in iudicium & damnationem, quemadmodum postea rursus dicetur.

R 3 Tertia

## TEMPVS

Quo die coenam instituit.

## CONVIVÆ

Chrs adest semper huic Cœnæ.



BENEDICTIO.

TERTIA circumstantia est benedictionis: nam accepto pane gratias egit. Si filius Dei ante usum rerum egit gratias, quid nos decet?

ELEMENTA.

QUARTA circumstantia est elementorum: nam pane & uino usus est in huius Cœnæ institutione. Quemadmodum enim homo externus alitur pane & uino: ita spiritualiter internus homo alitur corpore & sanguine Christi.

RES INVISIBILES.

QUINTA circumstantia est rerum, quæ inuisibiliter adsunt in hac Cœna: ut sunt uerum corpus & uerus sanguis domini nostri Iesu Christi.

FOEDVS.

SEXTA circumstantia est mandatum: mandat enim ut Ecclesia perpetuò hunc ritum celebrandæ Cœnæ retineat: Hoc facite, inquit.

SEPTIMA circumstantia est fœderis noui, Hic calix, inquit, nouum testamentum est in meo sanguine. Cur autem uocetur hæc Cœna nouum testamentum, postea dicitur.

FINIS

OCTAUA circumstantia est finis institutæ cœnæ, quæ his uerbis exprimitur: Hoc facite, inquit, in mei recordationem, hoc est, quotiescunque utimini hac Cœna, memoriam beneficiorum, id est, Pæssionis & Resurrectionis meæ recolite, et annunciate mortem meam donec ueniam.

NONA circumstantia ex octaua sequitur, nimirum quod celebratio huius Cœnæ pertineat ad adultos tantum, qui possunt doceri de morte Domini, & qui publice gratias agere possunt Domino pro beneficijs suis.

Hæ



Haec sunt circumstantiae huius Coenae diligenter  
perpendendae: Nunc quae sunt huius Coenae signifi-  
cationes ostendam: nam ut Agnus Paschalis plures  
habuit significationes, in ueteri testamento: ita &  
haec sacra Christi Coena, quae in locum agni Pa-  
schalis successit. Vt ergo Agnus Paschalis. 1. admo-  
nebat populum de beneficio olim praestito, id est,  
de liberatione à seruitute Aegyptiaca: 2. Confir-  
mabat fidem utentium. 3. Adumbrabat futuram ui-  
ctimam Christi. 4. Perpetui foederis inter Deum  
& homines typus erat: Ita Coena haec habet quoq;  
uarias significationes: idq; partim respectu prae-  
teriti temporis, partim praesentis, partim futuri, par-  
tim aeternitatis: quas significationes nunc expo-  
nam quàm possum clarissimè: Deus adsit & mihi  
docenti & uobis audientibus, ut in Dei gloriam  
cedat, & in nostri salutare instructionem.

Quae est significatio Coenae respectu praeteriti  
temporis? si tempus praeteritum respicimus, est haec  
sacra Coena commemoratio quaedam historiae de pas-  
sione Domini, iuxta Christi mandatum: Hoc faci-  
te in mei commemorationem: Quotiescunq;  
ergo uel ipsi accedimus ad Coenam, uel alioqui in-  
ter sumus Coenae celebrationi, debemus meminisse  
mortis, sepulturae & resurrectionis Domini.

Quae est significatio Coenae respectu praesentis  
temporis? Primum significat nos uniri & incor-  
porari Christo idq; spiritualiter. Ita enim Pau-  
lus docet, cum ait: Calix benedictionis cui benedi-

R 4 cimus,

Significationes  
Coenae Domi-  
nicae.

Agnus Pas-  
chalis.

Coena respectu  
praeteriti tem-  
poris qd.

Coena respectu  
praesentis tem-  
poris qd.



cimus, non ne communio sanguinis Christi est: panis quem frangimus, non ne communio corporis Christi est: hoc est, communicatio corporis et sanguinis Domini facit nos habere quandam communionem cum Christo. **II** Deinde significat nos quoque uniri inter nos spiritu Christi, qui unam hanc Coenam communicamus: Cuius communicationis symbolum unus panis existit, ut Paulus testatur, cum ait: Quoniam unus panis, unum corpus sumus multi. Quemadmodum enim panis, ex multis compactus est granis: ita qui unam communicant, in unum corpus, cuius corpus est Christus, spiritualiter coalescunt: atque ideo Paulus hanc Christi coenam vocat communionem. Hinc quidam ex sanctis patribus ait: Coena dicitur communio. **1.** Quia communicamus per ipsam Christo. **2.** Quia participamus eius carnem et diuinitatem. **3.** Quia communicamus et unimur inuicem per ipsam.

Coena dicitur  
communio.

**III** Deinde significat haec Coena nos spiritualiter alii et sustentari corpore et sanguine Christi. Ut enim panis et uinum corpora humana nutriunt, augent, conseruant, exhilarant: ita corpus Christi et sanguis alit, auget, conseruat et exhilarat animas nostras ad uitam aeternam, modo uera fides in nobis sentiatur.

Coena respectu futuri  
temporis quod  
significat.

Quae est significatio huius Coenae respectu futuri temporis? Haec sacra Coena significat, quod uirtute corporis Christi resuscitati ex mortuis, nostra quoque corpora olim resurgant, ut fiant conformis glorioso



Igorioso corpori Christi. Vnde Paulus: Si Christus resurrexit, & nos resurgemus, ut fruamur perpetua praesentia Christi corporis in omni aeternitate. Vnde quidam sancti Patres hanc Coenam uocauerunt uaticum, quia admonebat ante mortem sumentes hanc Coenam, quod Christus esset in ipsis uia ex his aerumnis ad aeternam beatitudinem.

Quae est significatio Coenae Domini respectu aeternitatis? Est perpetuum fauoris Dei erga homines testimonium, nullo tempore mutationi obnoxium, ac propterea uocat ipse Dominus hanc suam Coenam nouum testamentum, ut quod nulli ueritati unquam obnoxium fiat. Verum ut hoc intelligatur clarius, dicam breuissime, quae in omni testamento concurrunt, etiam hic adsint: adhuc

In omni testamento sunt quinq; .1. Testator qui facit testamentum. 2. Bona quae testator legat. 3. Scripti haeredes. 4. Mors testatoris. 5. Conditiones seruandae à scriptis haeredibus. In hoc nouo testamento testator est Christus: haereditas uitae aeternae possessio: Haeredes sunt filij Dei, id est, omnes qui credunt in Christum: Mors testatoris Christi intercessit. Nam mortuus est & sepultus, et resurrexit tertia die: Conditiones seruandae à scriptis haeredibus sunt, ut in Christum credant, eiq; obtemperent, ac uitae innocentiam tueantur usq; ad finem, & si lapsi fuerint in peccatum, seriam ante mor-

R S tem

Patres quomodo  
hanc Coenam  
uocauerunt?  
Viaticum.

Coena respectu aeternitatis quid significat?

In Testamento  
concurrunt.

Testator Quis?

Haeredes Qui?

Conditiones  
seruandae.



Nouum Testa.  
mentum  
Quid?

tem agant poenitentiam. Hinc iam quid sit nouum testamentum concludamus hoc modo: Nouum testamentum est foedus aeternum, sancitum morte testatoris Iesu Christi de gratia Dei, remissione peccatorum & donatione uitae aeternae, promissa omnibus gentibus & populis in Christum crucifixum credentibus.

## DE SECUNDO.

Cum Paulus dicit: Probet seipsum homo, & sic de pane illo edat, & de Calice bibat; nam qui ederit indignè, aut qui biberit indignè, iudicium sibi edit & bibit. Hae uerba Pauli quatuor confirmant. 1. Quod usus Coenae in Ecclesia debeat esse. 2. Quod sit necessaria ante usum huius Coenae probatio. 3. Quod indignè usurpans hanc Coenam grauissimè peccet. 4. Quod haec Coena tantum porrigenda sit ijs, qui se probare possunt. De secundo tantum dicam, uidelicet quomodo unusquisque se probare debeat, qui hac Coena utiliter uti cupit.

## PROBATIO.

Quomodo ergo debet se probare qui hac Coena uult uti? hoc Paulus docet 2. Cor. 13. his uerbis: Vos ipsos probate, num sitis in fide: uos ipsos probate. An non cognoscitis uosmetipsos, quod Christus sit in uobis? Ex quibus uerbis intelligitur, quod ista probatio in hoc sita est, ut uera sentiatur fides & Christi praesentia in nobis, hoc est, ut planioribus uerbis dicam: is probatus est, & dignè accedit ad sacram Christi Coenam, qui reuerenter in timore Dei,

Quis digne accedit  
ad sacram  
Coenam?



Dei, in uera poenitentia, in uera fiducia, & cum pio proposito ad hanc Coenam accedit: & contra, qui sine reuerentia, sine timore Dei, sine uera poenitentia, sine uera fiducia, & cum proposito peccandi accedit, is indignè accedit, nō dijudicans corpus & sanguinem Domini, & sibi iudicium manducat: quare omnis qui accedit hanc Coenam, et habet animum manendi in suis peccatis, is blasphemus est, & cum Iuda Sacramentum sumit.

Ut autem rudes homines, non temerè praesument hanc Coenam adire, utilis est instituta disciplina confessionis & absolutionis in Ecclesijs nostris: Nam hæc disciplina multum iuuat ad hoc, ut quis se legitime probare possit.

Verum ut de confessione & absolutione rectè iudicare possimus: Primum sciendum est, quod ut duplex est confessio: Ita & duplex absolutio. Vna confessio est coram DEO tantum, cum uidelicet quis suum peccatum coram Deo confitetur, agnoscit se peccatorem, & petit ueniam propter Christum: sine tali confessione nullus adultus saluatur. Sic confessus est Dauid cum inquit: Miserere mei Deus, quia peccaui tibi: ne intres in iudicium cum seruo tuo, quia non iustificabitur in conspectu tuo omnis uiuens. Sic & Daniel confessus est, quando ait: Peccauimus, & iniquè egimus cum patribus nostris. Sic Publicanus, quando non audebat eleuare faciem in cœlum: sed percussit pectus suum dicens: Deus propicius esto mihi peccatori. Huic confessio

Quis indignè accedit?

Confessio coram Deo.



confessione respondet absolutio, quæ fit per solum Deum: & hæc fit quando homo credit promissioni gratuite. Quicumq; enim credit, est à peccato iustificatus, id est, absolutus à peccato: Nam cum peccatum sit defectus à lege et uoluntate Dei, cum obligatione ad æternam mortem & damnationem, erit profectò absolutio, liberatio hominis creditis, ab obligatione ad æternam mortem & damnationem. Sic absolutus est Manasse, David, latro in cruce, Magdalena. Ita nos quotidie absoluihur, quando dicimus ex uero corde: Credo remissionem peccatorum, et cum precamur ex fide, remitte nobis debita nostra. Hoc dictum sit de primo genere confessionis & eiusdem absolutione.

*Præuata confessio.*

Alia confessio est disciplinæ, cum homo consilij doctrine, & confirmandæ fidei suæ causa accedit ministrum Ecclesiæ, agnoscit se peccatorem, petit consolationem, cupit erudiri uerbo Dei, quò ipsius conscientia tranquilla reddi possit. Hic minister uerbi debet eum, qui sic confitetur erudire: & si nouit ipsum, debet uicia, quæ in eo auimaduertit, ipsi indicare: debet ostendere ei magnitudinem iræ Dei aduersus impœnitentes: & rursus si confitens dolet ob suum peccatum, & promittit emendationem, debet eum consolari promissionibus Euangelij: & si dicat se promissionibus credere, debet ei minister Christi nomine testari, quòd habeat Deum propitium, & annunciare illi remissionem peccatorum in nomine Patris, et Filij, et Spiritus sancti,



*Si, cum seria admonitione de peccato in posterum vitando, ne posteriora eius hominis fiant peiora prioribus. Atq; hæc sint dicta de secundo, confessione publica, & absolutione quæ ei respondet. De confessione publica, & absolutione publica alio tempore dicendum est, Item de confessione quæ fit fratribus quos offendimus.*

## DE TERTIO.

*Iam restat, ut quis sit uerus usus, & quæ sit huius sacrae Cœnæ legitima meditatio, dicamus. Cum ergo hæc sacra Christi Cœna, sit Sacramentum nostræ, per uictimam Christi, redemptionis, hæc ordines sunt meditanda & serio æstimanda in huius sacrae Cœnæ perceptione.*

*PRIMO in mentem communicantibus uenire debet causa mortis Christi, nempe peccatum generis humani, Rom. 4. Mortuus est propter peccata nostra. Esa. 53. Percussit eum propter iniquitates nostras.*

*SECUNDO cogitandus est finis uictimæ Christi, qui est, ut nos redimeret à iure peccati & mortis. 2. Cor. 5. Eum qui non nouit peccatum, fecit peccatum, ut nos fieremus iusticia Dei in ipso. Iohan. 1. Sanguis Iesu Christi purgat nos ab omni iniquitate. Ioh. 1. Agnus Dei tollit peccata mundi.*

*TERTIO, ex præstantia huius uictimæ cogitandum est, quantam necesse est fuisse iram Dei duersus peccatum, quæ non potuit hostijs expiari, nisi hostia filij Dei unigeniti.*

*Quarto*



Misericordia Dei  
erga nos.

Amor Fili Dei.

Contritio unde  
nascitur?

270

## DE COENA DOMINI.

QUARTO cogitanda est maxima miseria cordia Dei, qui uoluit nos miseros peccatores in gratiam recipere propter Filij satisfactionem.

QUINTO cogitandus est ingens amor filij Dei, qui natura humana assumpta uoluit fieri uictima pro nobis, & in se deriuare iram Dei, & iusticie Dei crucis supplicio satisfacere. Hec omnia uult nos cogitare filius Dei, cum iubet ut haec Coena fiat in sui recordationem.

Cum haec ita meditamur, ex contemplatione irae Dei nascitur contritio, ex cogitatione misericordiae & piacularis uictimae, fides: ex quibus gratiarum actio, confessio, patientia & aliae uirtutes, de quibus haec Coena nos admonet.

Breuitur, ut ipse filius Dei nobiscum foedus faciat, quod nos clementer recipiat: Ita nos uicissim cum ipso foedus facimus, quod ei credamus, & beneficia eius grati accipiamus: quod ut uerè faciamus, donet nobis huius Coenae institutor Iesus Christus, cui cum Patre & Spiritu sancto, honor & gloria in secula, Amen.

## PASSIO DOMINI NOSTRI IESU CHRISTI, IUXTA ORDINEM historiae concinnata, ex collatione quatuor Euangelistarum.

ET cum Hymnum cecinissent, egressus Iesus ibat, ut solitus erat, trans torrentem Cedron



Cedron, in montem Oliuarum. Secuti sunt  
autem illum & discipuli. Tunc dicit illis,  
Omnes uos scandalum patiemini in me in  
ista nocte. Scriptum est enim: Percutiam  
pastorem, & dispergentur oues gregis. Post-  
quam autem surrexero, præcedam uos in  
Galilæam. Respondens autem Petrus ait  
illi, Et si omnes scandalum passi fuerint in  
e, ego tamen nunquam scandalum patiar.  
Ait illi Iesus, Amen dico tibi, quod hodie in  
nocte hac priusquam gallus bis cecinerit,  
erabnegabis me. At ille uehementius dice-  
bat, Imò si me oportuerit commori tibi, non  
eabnegabo. Similiter autem & omnes dis-  
cipuli dicebant.

Tunc uenit Iesus cum illis in uillam, quæ  
dicitur Gethsemani, ubi erat hortus in quem  
introiuit ipse & discipuli eius. Nouerat autem  
& Iudas proditor eius locum, quia frequen-  
ter Iesus conuenerat illuc cum discipulis suis.  
Tunc Iesus ait illis, Sedete hîc donec ual-  
lam & orem illic. Et assumpto secum Petro  
& Iacobo & Iohanne duobus filiis Zebedæi,  
cepit expauescere, dolere, & grauiter angî.  
Et dicit illis, Tristis est anima mea usque ad  
mortem. Manete hîc & uigilate mecum, o-  
rantes ne intretis in tentationem. Et progres-  
sus pusillum ab eis ferme ad iactum lapidis,  
prostratusque genibus, procidit in faciem suam  
pro-



prostratus in terram, & orauit, ut si possibile esset transfret à se hora, dicens: Abba, Pater mi, omnia possibilìa sunt tibi, si possibile esset transeat à me calix iste, ueruntamen non sicut ego uolo, sed sicut tu. Et uenit ad discipulos, & reperit eos dormientes, & dicit Petro: Simon dormis? Adeò non potuistis una hora uigilare mecum? Vigilate & orate, ut ne intretis in tentationem. Spiritus quidem promptus est, sed caro infirma. Rursus altera uice abijt & orauit, dicens: Pater mi, si non potest hic calix transire à me, nisi bibam illum, fiat uoluntas tua. Et reuersus inuenit illos iterum dormientes. Erant enim oculi eorum grauatì, neq; sciebant quid responderent. Et relictis illis, iterum abijt, & orauit tertio eundem sermonem, dicens, Pater, si uis, transfer Calicem hunc à me, ueruntamen non mea uoluntas, sed tua fiat.

Apparuìt autem illi Angelus de cœlo confortans eum. Et correptus labore, prolixius orabat. Et erat sudor eius sicut guttæ sanguinis decurrentes in terram. Et cum surrexisset à deprecatione, uenissetq; ad discipulos suos, reperit eos dormientes præ mœstitudine. Et ait illis: Dormite posthac & requiescite, quid dormitis? Sufficit. Ecce appropinquauit hora, & filius hominis traditur in manus peccatorum, Surgite, eamus, ecce appropin-



propinquauit qui me tradit, orate autem ne intretis in tentationem.

Et continuo adhuc eo loquente, ecce Iudas unus è duodecim, accepta cohorte et ministris à pontificibus ac Pharisæis & senioribus & scribis, antecedens turbam multam, uenit illuc cum laternis ac facibus, cum gladijs & fustibus. Dederat autem hic proditor commune signum illis dicens: Quemcunque osculatus fuero is est, comprehendite illum, & abducite cautè. Iesus itaque sciens omnia, quæ uentura erant super se, processit ac dixit eis: Quem quæritis? Responderunt ei: Iesum Nazarenum. Dicit eis Iesus, Ego sum. Stratus autem & Iudas qui prodebat eum cum plis. Ut ergo dixit eis, ego sum, abierunt retrorsum & ceciderunt in terram. Iterum ergo interrogauit eos: Quem quæritis? Illi autem dixerunt, Iesum Nazarenum. Respondit Iesus, Dixi uobis, quod ego sim. Si ergo me quæritis, finite hos abire, ut impleretur sermo quem dixerat: Ex ijs quos dedisti mihi non perdidí quenquam. Et appropinquauit Iesu Iudas, ut oscularetur eum, confestimque procedens dixit: Rabbi aue, ac deosculatus est eum. Dixitque illi Iesus: Amice ad quid ades? Iudas, osculo filium hominis prodis? Tunc recesserunt & manus suas iniecerunt in Iesum, & comprehenderunt eum. Videntes autem ij qui

S

circa



circa ipsum erant, quod futurum erat, dixerunt ei: Domine percutiemus ne gladio? Simo ergo Petrus, cum haberet gladium, eduxit eum & percussit summi sacerdotis servum, & abscidit auriculam eius dexteram. Erat autem nomen servus Malchus. Respondens autem Iesus ait, Sinite hucusque. Et ait Petro: Immitte gladium tuum in uaginam. Omnes enim qui acceperint gladium, gladio peribunt. An putes, quod non possum nunc rogare Patrem meum, & exhibebit mihi plusquam duodecim legiones angelorum? an non bibam calicem quem dedit mihi Pater? Quomodo ergo implebuntur scripturae? quia sic oportet fieri. Et cum tetigisset auriculam servi, sanavit eum. In illa autem hora dixit Iesus ad eos, qui venerant ad se principes sacerdotum & magistratus templi & seniores. Tanquam ad latronem existis cum gladiis & fustibus ad comprehendendum me, quotidie apud vos sedebam docens in templo, & non extendistis in me manus. Sed haec est hora illa uestra & potestas tenebrarum, ut impleatur scripturae. Hoc autem totum factum est, ut complerentur scripturae Prophetarum. Tunc discipuli omnes relicto eo fugerunt. Et unus quispiam adolescentulus sequebatur illum, amictus sindone super nudum, & comprehendunt illum adolescentuli. Ille uero relicta sindone, nudus effugit ab illis.

Cohors

Oportuit christum  
pati.



Cohors igitur & tribunus ac ministri Iudeorum comprehensum Iesum ligauerunt, & abduxerunt eum ad Annam primum. Annas erat socer Caiphæ, qui erat Pontifex anni illius. Erat autem Caiphas is, qui consilium dederat Iudæis, quod expediret unum hominem mori pro populo. Et duxerunt eum ad Caipham pontificem, id est, principem sacerdotum, ubi omnes summi sacerdotes, tribus & seniores conuenerant. Sequebatur autem Iesum eminus Simon Petrus & alius discipulus usque ad atrium pontificis: Discipulus autem ille erat notus pontifici, & introiit cum Iesu in atrium pontificis. Petrus autem stabat ad ostium foris. Exiit ergo discipulus ille alter, qui erat notus pontifici, & dixit ostiariæ, & introduxit Petrum. Stabant autem serui & ministri, qui prunas condesserant inferius in medio aule, quia frigus erat, & calefaciebant se. Erat autem cum eis Petrus stans & calefaciens se, ut uideret neminem. Ancilla ergo summi sacerdotis, quæ erat ostiaria, ad lumen Petrum se calefacientem intuita, defixis in illum oculis dixit: Et tu cum Iesu eras, Num & tu ex discipulis es hominis istius? At ille abnegauit coram omnibus dicens: Mulier, non sum, Non noui Iesum, neque scio quid dicas.

Pontifex ergo interrogauit Iesum de discipulis.

S 2

discipu-

I Negatio

11

12



scipulis suis & de doctrina ipsius. Respondit ei Iesus: Ego palàm locutus sum mundo. Ego semper docui in synagoga & in templo, quò omnes Iudæi conueniunt, & in occulto locutus sum nihil. Quid me interrogas? Interroga eos, qui audierunt, quid locutus sim ipsis. Ecce hi sciunt quæ dixerim ego. Hæc autem cùm dixisset, unus assistens ministrorum dedit alapam Iesu, dicens: Sicci'ne respondes pontifici? Respondit ei Iesus: Si mala locutus sum, testare de malo, sint bene, cur me cædis? Miserat eum Annas uinctum ad Caiphā pontificem.

Gallus primo  
canit.

## II Negatio.

Stabat autem Simon Petrus in uestibulo, & calefaciebat se. Et pusillum post primam negationem, cùm exiret ad uestibulum, gallus cecinit, & uidit eum altera ancilla, & rursus coepit dicere ihs qui astabant ibi: Et hic erat cum Iesu Nazareno. Dicunt ergo ei, Num & tu ex discipulis eius es? Et alius dixit, Et tu de illis es. Et iterum negauit cum iurando, dicens: Homo, non sum, sed neq̃ noui hominem. Et post pusillum, interuallo interiecto ferè unius horæ, alius quidam affirmabat cum ihs qui astabant, dicens: Vere & tu ex illis es. Nam & Galilæus es, & loquela tua te manifestum fecit. Dicit ei unus ex seruis pontificis, cognatus eius cuius absceiderat Petrus auriculam, Non ne ego te uidi in



di in horto cum illo? Tunc cœpit execrari  
ac peierare, non noui hominem istum de  
quo dicis. Et continuò adhuc illo loquente  
gallus iterum cecinit. Et conuersus Domi-  
nus intuitus est Petrum, Et recordatus est Pe-  
trus uerbi Domini Iesu, qui dixerat ei, Pri-  
usquam gallus cecinerit bis, ter me negabis.  
Et egressus foras fleuit amarè.

Principes autem sacerdotum & seniores  
& totum conciliū quærebant falsum testi-  
monium contra Iesum, ut morti eum trade-  
rent, & non inueniebant, etiam cū multi  
falsi testes accessissent, non enim erant satis  
donea testimonia. Nouissimè autem uene-  
runt duo falsi testes, & testimonium falsum  
erebant aduersus illum, dicentes: Nos audi-  
uimus eum dicentem: Ego possum diruere  
& diruam templum hoc Dei, quod est ma-  
nibus factum, & tribus diebus aliud sine ma-  
nibus factum extruam. Et ne sic quidem sa-  
tis idonea erant testimonia illorum. Et sur-  
gens summus sacerdos in medium, interro-  
gabat Iesum, dicens: Nihil respondes? Cur  
isti aduersus te dicunt testimonia? Iesus au-  
tem tacebat, neq; quicquam respondebat.  
Rursus princeps sacerdotum interrogauit &  
dixit illi: Tu es Christus filius benedicti?  
Adiuro te per Deum uiuum, ut dicas nobis,  
an tu sis Christus filius Dei. Dicit illi Iesus:

S 3

Tu di-



Tu dixisti, ego sum. Veruntamen dico uobis: amodo uidebitis filium hominis sedentem à dextris uirtutis Dei, & uenientem in nubibus cœli. Tunc princeps sacerdotum abscidit uestimenta sua dicens: Blasphemauit, quid insuper egemus testibus? Ecce nunc audistis blasphemiam eius, quid uobis uidetur? Illi uerò omnes condemnauerunt eum, dicentes: Reus est mortis. Tunc uiri qui tenebant Iesum, illudentes ei, expuerunt in faciem eius, & colaphis eum cæciderunt. Alij uerò cum obtexissent faciem illius, palmas in faciem eius dederunt, maximè serui, dicentes: Vaticinare nobis Christe, quis est ille qui te percussit? Et alia multa conuiciantes dicebant in eum.

Manè autē factō conuenerunt oēs principes sacerdotum & scribæ senioresq; populi ac totum concilium, & inierunt consilium aduersus Iesum, ut eum morti traderent. Et duxerunt eum in concilium suum, dicentes: Num tu es ille Christus? Dic nobis. Et ait illis: Si uobis dixero non creditis: quod si etiam interrogauero, non respondebitis mihi, neq; dimitteris. Ex hoc tempore erit filius hominis sedens à dextris uirtutis Dei. Dixerunt autem omnes: Tu ergo es filius Dei? Qui ait: Vos dicitis me esse. At illi dixerunt: Quid adhuc desideramus testimonium? Ipsi enim audi-



audiuimus ex ore eius. Et surgens uniuersa multitudo eorum uinctum abduxit Iesum à Caïpha in prætorium, tradititq; Pontio Pilato præsidì. Erat autem adhuc mane.

*Traditur Pilato.*

Tunc uidens Iudas qui eum tradiderat, qd damnatus esset, pœnitentia ductus, retulit triginta argenteos principibus sacerdotum & senioribus, dicens: Peccaui tradens sanguinem innoxium. At illi dixerunt: Quid ad nos? Tu uidebis. Et proiectis argenteis in templo recessit, & abiens laqueo se suspendit.

*Iudas se suspendit.*

Suspensus autem crepuit medius, et effusa sunt omnia uiscera eius. Principes autem sacerdotum acceptis argenteis, dixerunt: Non dicet eos mittere in corbonam, quia precium sanguinis est. Consilio autem inito, emerunt est illis argenteis mercede iniquitatis agrum figuli in sepulturam peregrinorum. Et innotuit omnibus habitantibus Hierosolymæ, ita ut appellaretur ager ille lingua illis uernacula Akeldama, hoc est, ager sanguinis, usq; in hodiernum diem. Tunc impletum est, quod dictum est per Ieremiam Prophetam dicentem: Et acceperunt triginta argenteos precium æstimati, quem estimatum emerunt à filiis Israël, & dederunt æs in agrum figuli, sicut constituit mihi Dominus. Iudæi autem non introiuerunt in prætorium, ne contaminarentur, sed ut ederent pascha. Exiuit ergo Pilatus

S 4      latus



latus ad eos foras, & dixit: Quam accusa-  
tionem affertis aduersus hominem hunc? Re-  
sponderunt & dixerunt ei, Si non esset hic  
nocens, haudquaquam tibi tradidissemus e-  
um. Dicit ergo eis Pilatus, accipite eum uos,  
& secundum legem uestram iudicate eum.  
Dixerunt ergo ei iudæi: Nobis non licet in-  
terficere quenquam. Vt sermo Iesu implere-  
tur quem dixit, significans qua morte esset  
moriturus.

Cœperunt autem illum grauiter accusare  
summi sacerdotes & seniores de multis, di-  
centes: Hunc deprehendimus euerterentem  
gentem, ac uerantem tributa dare Cæsari, &  
dicentem se Christum regem esse. Introiuit er-  
go iterum in prætorium Pilatus, & uocans  
Iesum interrogauit eum, dicens: Tu es ille  
rex iudæorum? Respondit Iesus stans ante e-  
um: A temetipso hoc tu dicis, an alij dixi-  
runt tibi de me? Respōdit Pilatus: Num ego  
iudæos sum? Gens tua & pontifices tradide-  
runt te mihi, quid fecisti? Respondit Iesus.  
Regnum meum non est ex hoc mundo. Si  
ex hoc mundo esset regnum meum, ministri  
mei utiq; decretarent, ne traderer iudæis. Nūc  
autem regnum meum non est hinc. Dixit ita  
que ei Pilatus. Ergo rex es tu? Respondit Ie-  
sus. Tu dicis, Ego sum rex. Ego in hoc natus  
sum, & ad hoc ueni in mundum, ut testimo-  
nium



ras, & dixit: Quam  
 aduersus hominem  
 & dixerunt ei, Si non  
 aquaquam tibi tradidi  
 go eis Pilatus, accipit  
 in legem uestram iudi  
 go ei Iudæi: Nobis no  
 inquam. Ut sermo le  
 dixit, significans qua  
 runt autem illum graui  
 cerbores & seniores de  
 Hunc deprehendimus  
 ac uerantem tributa dan  
 se Christum regem esse  
 in pratorium Pilatus  
 interrogauit eum, dicen  
 rum? Respondit Iesus  
 me ipso hoc tu dicis, p  
 le me? Respondit Pilatus  
 me? Gens tua & pontifi  
 cibus, quid fecisti? Respo  
 meum non est ex hoc m  
 undo esset regnum meum  
 secretarent, ne traderet  
 rum meum non est huius  
 us. Ergo rex es tu? Res  
 s, Ego sum rex. Ego in  
 de ueni in mundum, &

nium feram ueritati. Omnis qui ex ueritate  
 est, audit uocem meam. Dicit ei Pilatus:  
 Quid est ueritas? Et cum hoc dixisset, iterum  
 prodijt ad Iudæos, & dicit eis: Ego nihil in  
 uenio noxæ in hoc homine. Et cum accusa  
 retur à principibus sacerdotum & seniori  
 bus, nihil respondit. Pilatus autem rursus in  
 terrogauit illum dicens: Non respondes  
 quicquam? Ecce quàm multa dicunt aduer  
 sum te testimonia, non audis? Et non respon  
 dit ei ad ullum uerbum, ita ut miraretur præ  
 ses uehementer. At illi inualecebant, Com  
 mouit populum docens per uniuersam Iu  
 dæam, exorsus à Galilæa usque ad hunc lo  
 cum. Pilatus autem audita mentione Gali  
 lææ, interrogauit, num homo Galilæus esset.  
 Et ut cognouit, quod ad Herodis ditionem  
 pertineret, remisit eum ad Herodem, qui &  
 ipse Hierosolymis erat per id tempus.

Herodes autem uiso Iesu gauisus est ual  
 de. Tenebatur enim multo iam tempore cu  
 piditate uidendi illum, eò quod audiret mul  
 ta de eo, & sperabat se signum aliquod ui  
 surum ab eo. Interrogabat autem eum mul  
 tis sermonibus. At ipse nihil ei respondebat.  
 Stabant autem principes sacerdotum et scri  
 bæ acriter accusantes eum. Spreuit autem il  
 lum Herodes cum exercitibus suis. Cumque  
 illulisset, indutum ueste alba, remisit ad Pila  
 tum,

Herodi mittitur  
 Chvr.

S 5

tum,



tum. Et facti sunt amici inter se Pilatus & Herodes in eodem die, nam antea similitates inter eos intercesserant.

Pilatus autem conuocatis principibus sacerdotum ac magistratibus & plebe, dixit ad illos, Obtulistis mihi hunc hominem quasi auertentem populum, & ecce ego coram uobis interrogans, nullum crimen inuenio in homine isto, ex his de quibus accusatis eum, sed ne Herodes quidem: Nam remisi uos ad illum, & ecce nihil dignum morte actum est ei. Emendatum ergo illum dimittam.

In festo autem necesse habebat & consueuerat præsides turbæ dimittere unum uinctum quemcunque postulassent. Habebat autem tunc uinctum insignem, uidelicet latronem, qui dicebatur Barrabas, qui cum seditionis autoribus coniectus fuerat in carcerem, qui per seditionem quandam in ciuitate factam homicidium patrauerant. Et cum acclamasset turba, coepit flagitare, ut faceret, quemadmodum semper fecerat ipsis. Itaque congregatis illis respondit Pilatus, Consuetudo est uobis, ut unum dimittam uobis in Pascha. Vtrum ergo uultis dimittam uobis, Barrabam, an Iesum regem illum Iudæorum, qui dicitur CHRISTVS? Sciebat enim quod propter inuidiam tradidissent illum summi sacerdotes. Sedente autem illo pro tribunali, misit



Vxor ad Pilatum  
mittit.

misit ad eum uxor eius dicens: Nihil tibi cum iusto illo, multa enim passa sum hodie in somnis propter eum. Principes autem sacerdotum & seniores concitauerunt turbas, persuadentes ut sibi potius dimitti peterent Barrabam, Iesum uero perderent. Respondens autem praeses ait illis: Vtrum uultis uobis e duobus dimittam? Et exclamauit simul uniuersa turba dicens: Tolle hunc, & dimitte nobis Barrabam. Iterum autem Pilatus locutus est ad eos, uolens dimittere Iesum, & ait: Quid igitur uultis faciam Iesu, quem dicitis regem Iudaeorum? At illi rursum clamauerunt omnes: Crucifige, crucifige eum. Ille autem tertio dixit ad illos: Quid enim mali fecit? Nullum crimen capitale comperio in eo. Castigatum ergo dimittam illum. At illi magis clamabant, dicentes: Crucifigatur. Et instabant uocibus magis postulantes ut crucifigeretur. Et inualecebant uoces eorum, ac summorum sacerdotum.

Tunc ergo apprehendit Pilatus IESUM & flagellauit. Milites autem praesides abduxerunt eum intro in atrium, quod est praetorium, & conuocant ad eum totam cohortem, exutumque induunt purpura siue chlamyde coccinea, & plectentes coronam de spinis imponunt capiti eius, dantque arundinem

Flagellatur.



nem in dextram eius, & genu flexo ante eum, illudentes ei coeperunt salutare, dicentes: Aue rex iudæorum: Et dabent ei alapas. Et cum expuissent in eum, acceperunt arundinem & percutiebant caput eius, & positis genibus adorabant illum.

Exiuit iterum Pilatus foras, & dicit eis: Ecce adduco eum uobis foras, ut cognoscatis, quod nullam causam in eo inuenio. Exiuit ergo Iesus foras, gestans spineam coronam & purpureum pallium, Et dicit eis: Ecce homo. Cum ergo uidissent eum pontifices & ministri, clamabant, dicentes: Crucifige, crucifige. Dicit eis Pilatus, accipite eum uos & crucifigite. Ego enim non inuenio in eo causam. Responderunt ei iudæi, Nos legem habemus, & secundum legem nostram debet mori, quia filium Dei se fecit. Cum ergo audisset Pilatus hunc sermonem, magis timuit. Et ingressus est iterum in prætorium & dicit ad Iesum, Vnde es tu? Iesus autem responsum non dedit ei. Dicit ergo ei Pilatus, Mihi non loqueris? Nescis quod potestatem habeam crucifigendi te, et potestatem habeam absoluendi te. Respondit Iesus, Non haberes potestatem aduersus me ullam, nisi tibi datum esset à supernis, propterea qui me tradidit tibi maius peccatum habet. Ex eo quærebat Pilatus absolvere eum. Iudæi autem clamabant,



bant, dicentes: Si hunc absolueris, non es amicus Cæsaris. Quisquis se regem facit, contradicit Cæsari.

Pilatus autem cū audisset hunc sermonem, produxit foras Iesum, seditq; pro tribunali in loco, qui dicitur lithostrotos, Hebraicè autem Gabbata. Erat autem parasceue paschæ hora ferme sexta, Et dicit Iudæis, Ecce rex uester. Illi autem clamabant, Tolle, Tolle, crucifige eum. Dicit ergo Pilatus, Regem uestrum crucifigam? Responderunt Pontifices, Non habemus regem nisi Cæsarem. Tunc ergo Pilatus uidens, quod nihil proficeret sed magis tumultus fieret, uolens turbæ facere satis, adiudicauit ut fieret quod illi postulabant. Et accepta aqua abluīt manus coram populo: Innocens ego sum à sanguine huius iusti, uos uidebitis, Et respondens uniuersus populus dixit, Sanguis eius super nos, & super filios nostros.

Dimisit autem illis Barrabam, qui propter seditionem & homicidium coniectus fuerat in carcerem, quem poposcerent. Iesum autem flagellatum & illusum tradidit arbitrio illorum ut crucifigeretur.

Accipientes autem Iesum milites, exuerunt eum purpura, & induerunt eum uestibus proprijs, et abduxerunt eum baiulantem suam crucem, ut crucifigeretur. Exeuntes au-

tem



tem inuenerunt quendam pretereuntem, hominem Cyrenæum, nomine Simonem, uenientem ex agro, patrem Alexandri & Rufi. Hunc apprehendentes coegerunt, ut tolleretur crucem eius. Et imposuerunt illi crucem, ut portaret post Iesum. Sequebatur autem illum multa turba populi ac mulierum, quæ plangebant & lamentabantur eum. Conuersus autem ad illas Iesus dixit: Filiæ Hierusalem nolite flere super me, sed super uobis ipsis flete & super filiis uestris. Quoniam ecce uenient dies in quibus dicent: Beati steriles & uentres qui non genuerunt, & ubera quæ non lactauerunt. Tunc incipient dicere montibus, cadite super nos, & collibus, operite nos, quia si in humido ligno hæc faciunt, in arido quid fiet? Ducebantur autem & alij duo cum eo facinorosi, ut interficerentur.

Et ducunt eum in locum qui dicitur hebraicè Golgata, quod est, si interpreteris, caluariæ locus. Et ibi dederunt ei acetum siue myrrhatum uinum cum felle mixtum bibere. Et cum gustasset, noluit bibere.

Et crucifixerunt eum in Golgata, & cum eo duos latrones, unum à dextris & alterum à sinistris eius, medium autem Iesum, Et impleta est scriptura, quæ dicit: Et cum iniquis deputatus est. Erat autem hora tertia dum crucifixerunt eum,

Iesus



Iesus autem dicebat, Pater, remitte illis,  
nesciunt enim quid faciant.

Scriptum autem & titulum Pilatus, id est,  
inscriptionem causæ illius, & posuerunt su-  
per crucem ad caput Iesu, Erat autem scriptum,  
*IESVS NAZARENVS REX IUDÆORVM*, Hunc ergo titulum multi Iu-  
dæorum legerunt, quia prope civitatem erat  
locus, ubi crucifixus est Iesus: Et erat scriptum  
etiam Hebraicis, Græcis et Latinis. Dicebant  
ergo Pilato pontifices Iudæorum, Noli scri-  
bere, Rex Iudæorum, sed quod ille dixerit:  
Rex sum Iudæorum. Respondit Pilatus,  
Quod scripsi, scripsi.

Milites ergo cum crucifixissent Iesum, ac-  
ceperunt uestimenta eius, & fecerunt quatuor  
partes unicuique militi partem, & tunicam.  
Erat autem hæc tunica inconsutilis, à summo  
contexta per totum. Dixerunt ergo inter se, Ne  
cindamus eam, sed fortiamur de illa cuius  
est, ut scriptura impleretur quæ scripta est per  
prophetam, dicens: Partiti sunt sibi uestimen-  
ta mea, & super uestem meam miserunt sor-  
tem. Sedentes autem seruabant eum ibi. Et  
milites quidem hæc fecerunt, Et populus sta-  
bat spectans.

Stabant autem iuxta crucem Iesu mater  
eius, & soror matris eius Maria uxor Cleo-  
phæ & Maria Magdalænæ, Cum uidisset ergo  
Iesus



Iesus matrem ac discipulum astantem, quem diligebat, dicit matri suæ, Mulier ecce filius tuus. Deinde dicit discipulo, Ecce mater tua. Et ex illa hora accepit eam discipulus in sua.

Qui autem præteribant, conuicia faciebant in eum, mouentes capita sua, & dicentes, Væ qui demoliris templum & in tribus diebus extruis. Serua te ipsum, Si filius Dei es, descende de cruce. Similiter & summi sacerdotes illudentes inter sese cum scribis & senioribus & populo dicebant, Alios seruauit, seipsum seruare non potest. Si hic est ille Christus, rex Israël, ille Dei electus, seruet seipsum, descendatq; nunc de cruce, ut uideamus & credamus ei. Confidit in Deo, liberet eum nunc, si uult eum. Dixit enim, Filius Dei sum. Idipsum autem & latrones qui crucifixi erant cum eo exprobrabant conuiciantes ei. Illudebant autem ei & milites accedentes, & acetum offerentes ei, atq; dicentes, Si tu es rex ille Iudæorum, saluum te fac. Vnus autem de his qui pendebant facinorosorum, conuicia dicebat in eum, dicens: Si tu es Christus te ipsum serua & nos. Respondens autem alter, increpabat eum, dicens: Ne tu quidem times Deum, quod in eadem damnatione es? Et nos quidem iustè, nam digna factis recipimus, hic uerò nihil mali gessit. Et dicebat ad Iesum, Domine memento mei, cum



cum ueneris in regnum tuum. Et dixit illi Iesus, Amen dico tibi, hodie mecum eris in Paradiso.

Ab hora uero sexta tenebrae factae sunt super uniuersam terram usque ad horam nonam, & obscuratus est Sol. Et circa horam nonam clamauit Iesus uoce magna, dicens, Eli, eli,amma azabthani? quod est, si quis interpretetur, Deus meus, Deus meus, cur deseruisti me? Quidam autem illic stantium, cum auissent, dicebant: Ecce Heliam uocat iste. Sciens autem Iesus, quod omnia iam consummata essent, ut consummaretur scriptura, dicit, Patris. Vas igitur erat positum aceto plenum, & continuo accurrens unus ex eis, cum acceptam spongiam impleisset aceto & hyssopo, imposuit harundini, obtulitque ori eius, & biberet, & cum ceteris dicebat, Sinite, uiuamus an ueniat Helias ad deponendum eum. Cum ergo accepisset Iesus acetum, dixit, Consummatum est. Et iterum clamauit uoce magna, dicens: Pater in manus tuas commendo spiritum meum. Et cum haec dixisset, inclinato capite tradidit Spiritum.

Et ecce uelum templi scissum est medium in duas partes à summo usque ad imum, & terra mota est, & petrae scissae sunt, & monumenta aperta, & multa corpora sanctorum, qui dormierant surrexerunt, & egressi è monumentis

T

mentis



mentis post resurrectionem eius uenerunt in sanctam ciuitatem, & apparuerunt multis.

Centurio autem qui astabat ex aduerso illi, & qui cum eo erant custodientes Iesum, uidentes quod sic emissio clamore expirasset, uisoque terræ motu, & his quæ facta fuerant, timuerunt ualde, & glorificauerunt Deum, dicentes, Vere hic homo iustus erat & filius Dei. Et omnes turbæ eorum, qui simul accesserant ad spectaculum istud, & uiderant quæ contingebant, percutientes pectora sua reuertebantur.

Stabant ibi omnes notæ eius procul, & multæ mulieres quæ secutæ erant eum à Galilæa, hæc uidentes. Inter quas erat Maria Magdalene, & Maria Iacobi parui & Ioseph mater, & Salome mater filiorum Zebedæi, quæ etiam, cum esset in Galilæa, secutæ fuerant illum, & ministrauerant ei, aliæque complures, quæ simul à Galilæa ascenderant cum eo Ierosolymam.

Iudæi ergo, quoniam parasceue erat, ut non remanerent in cruce corpora Sabbato (erat magnus dies ille Sabbati) rogauerunt Pilatum, ut frangerentur eorum crura & tollerentur. Venerunt ergo milites, & primi quidem fregerunt crura, & alterius, qui crucifixus est cum eo, Ad Iesum autem cum uenissent, ut uiderunt eum iam mortuum, non frege-



fregerunt eius crura, sed unus militum lancea latus eius fodit, & continuo exiuit sanguis & aqua. Et qui uidit testimonium perhibuit, & uerum est testimonium eius. Et ille scit quod uera dicit, ut & uos credatis. Facta sunt enim hæc ut scriptura impleretur, Os non comminuetis ex eo. Et rursus alia scriptura dicit, Videbunt in quem pupugerunt.

Post hæc autem cum uespera facta esset, quoniam erat parasceue quæ præcedit Sabbatum, uenit Ioseph Arimathiensis, oriundus ab Arimathæa ciuitate Iudæorum, uir diues, Senator, bonus & iustus, qui non consenserat consilio & facto eorum. Erat enim & ipse expectans regnum Dei. Nam & discipulus erat Iesu, sed occultus propter metum Iudæorum. Hic summa audacia ingressus est ad Pilatum, & petiit ab eo, ut tolleret corpus IESU. Pilatus autem admiratus est si iam mortuus esset. Et accersito ad se Centurione interrogauit illum, an iamdudum mortuus fuisset. Et cognita re ex Centurione, donauit corpus IESU ipsi Ioseph, iubens reddi illi. Et Ioseph mercatus est sindonem. Venit autem & Nicodemus, qui nenerat primum ad IESUM nocte, ferens mixturam myrrhæ & aloës, ad libras ferme centum. Acceperunt ergo corpus Iesu depositum, & in-

T 2 uolue-



uoluerunt illud in sindone munda, obuinxeruntque linteis cum aromatibus, sicut mos est ludæis sepeliri: erat autem in eo loco, ubi crucifixus est, hortus, & in horto monumentum Ioseph nouum, quod is exciderat in Petra, in quo nondum quisquam positus erat. Ibi ergo quia parasceue erat ludæorum, & sabbatum illucescebat, quod in propinquo esset monumentum, posuerunt Iesum. Et aduoluto saxo ingenti ad ostium monumenti abierunt. Erat autem ibi Maria Magdalene & Maria Iose, sedentes contra sepulcrum, & aliæ mulieres, quæ & ipse uenerant cum Iesu de Galilæa, spectantes, ubi & quemadmodum positum erat corpus eius.

Reuersæ uerò parauerunt aromata & unguenta, ac sabbato quidem quieuerunt secundum præceptum.

Postero autem die, quæ sequitur post parasceuen, conuenerunt principes sacerdotum & Pharisei ad Pilatum, dicentes: Domine recordati sumus, quòd impostor ille dixit adhuc uiuens, Post tres dies resurgam. Iube ergo muniri sepulcrum usque in diem tertium, ne quando ueniant discipuli eius & furentur eum, dicantque plebi, surrexit à mortuis: & erit nouissimus error peior illo priore. Ait illis Pilatus, Habetis custodiam. Ite, munite sicut scitis. Illi autem abeuntes munies



munierunt sepulcrum obsignato lapide, adhibitis custodibus.

## ENARRATIO TEXTVS.

**C**VM nullum opus sit magis admirandum, quàm opus redemptionis, quæ est Passio & mors Domini nostri Iesu Christi, iuxta dictum Petri in prioris primo: Non redempti estis caducis rebus auro & argento: sed precioso sanguine agni immaculati & incontaminati, nempe Iesu Christi, decet nos, carissimi fratres & sorores, summo studio incumbere, ut huius mirandi operis historiam cognoscamus, præsertim cum nobis commendetur in articulis fidei nostræ, ubi profiteamur nos credere in filium Dei Dominum nostrum Iesum Christum, qui est passus sub Pontio Pilato, crucifixus et mortuus &c. idq; in eum finem, ut ex noticia historię, in nobis fides per Spiritum sanctum excitetur: unde fiat, ut huius mirandi operis fructus ad nos pertingat.

Ceterum quò distinctius & clarius de hoc admirando opere dicere possimus: diuidam totam doctrinam de passione Domini in tres locos seu articulos, qui sunt:

- I. Quotupliciter Dominus est passus.
- II. Passionis Domini æstimatio & fructus.
- III. Pia et salutaris meditatio Passionis Domini.

## DE PRIMO.

Quia nos peccauimus anima & corpore, & debuit fieri satisfactio pro utroq; Dominus noster

T 3

Iesus

Peccauimus anima  
& corpore.



Filius Dei passus  
est corpore & ani-  
ma.

ANIMA PAS-  
SVS

In horto chris-  
tiani  
sanguinem  
sua dedit.

Iesus Christus passus est & anima & corpore: Idcirco dicam de utriusque passione, anime uidelicet & corporis Domini.

Quod sit in anima passus testatur ipse & uoce & signo. Voce, cum dicit: Tristis est anima mea usque ad mortem: et in cruce: Deus meus, Deus meus cur deseruisti me? Huc pertinet & Prophetia Dauid de Christo: Dolores inferni circumdederunt me, id est, maximis doloribus afficiebar. Signo testatur dolorem apud sepulcrum Lazari Ioh. II. & in horto. Apud sepulcrum, cum cogitat tyrannidem Diaboli in genus humanum, et generis humani miseriam: Nam omnes dolores animi, quos perpassus est Christus 33. annis usque ad mortem eius, sunt pars passionum, quibus afficiebatur filius Dei. In horto testatur maximam fuisse anime sue tristitiam, dum pro doloris acerbitate sudauerit sanguineas guttas. Naturale quidem est, quod homo lacrimet & sudet interdum in ingenti dolore, audito subitaneo malo: sed nullus unquam inuentus fuit, qui sudorem sanguineum pro dolore sudauerit: ne mo enim tantum dolorem sustinere posset.

Si queritis causas huius ingentis doloris, scitote non unam esse, sed multas: quarum hæ sunt precipue.

PRIMA: cogitatio tyrannidis in humanum genus, & maxime miserie, qua omnes homines propter defectionem à Deo premebantur.

SECUNDA: cogitatio iræ Dei, quam ipse sustineret



sustinere debuit, propter peccata nostra, quæ in se recipit. Tametsi enim ipse fuit immunis ab omni peccato: tamen in se recipit reatum peccatorum totius mundi. Vnde Iohannes: Agnus Dei tollit, id est, in suo corpore gestat, peccata mundi, sensit igitur uerè filius Dei iram Patris: qui sensus tantum dolorem in sanctissima anima excitauit, quod sanguinem sudauerit.

TERTIA: cogitatio supplicij, quod in sanctissimo suo corpore mox sequenti die se perpassurum præuidit, & contumelia qua afficeretur.

QUARTA: cogitatio ingratitudinis maxime partis orbis terrarum. Præuidit enim fore, quod multi sapientes, multi potentes, & alij omnino essent hoc suum supplicium pro illis redimendis susceptum aspernaturi, imò se & suos persecuturi: præuidit etiam quod maxima pars eorum, qui Christianum nomen portant, suis sceleribus effecturi essent, ut hoc suo beneficio se ipsi ingrati præuarent. Hæ quatuor cause acerbissimum dolorem in corde Christi excitârunt.

Hunc dolorem Domini & nos cogitare debemus, quò ad fidem & pietatem excitemur, ne cum ingrato mundo pereamus.

Hæc sint breuiter dicta de animæ Christi cruciatiu: nunc de corporis supplicio dicam. Etsi enim corporis ipsius cruciatus incepit in præsepi, quando matri DOMINI nullus erat locus in diuersorio, & postea cùm octaua à natiuitate sua die,

T 4 sanguis

SUPPLICIO  
Corporis.



sanguinem in circumcisione effudit: & deinde usque ad tempus, quo uictima est factus in ara crucis pro nobis: Hoc tamen tempore dicam de eo supplicio quod sustinuit postremum. Etsi autem iam ex Historia, quam recitavi, facile à quouis intelligi potest, quam uarijs modis sit afflictus in sanctissimo suo corpore Dominus: tamen quod latè in Historia sparsum est, in breuem summam contraham & distribuam pro ratione locorum, in quibus est afflictus supplicio. Sunt autem hæc loca: hortus, domus Caiphæ, sacerdotum conciliabulum, domus Herodis, prætorium, golgata, hoc est, locus extra urbem, ubi sumebatur supplicium de latronibus.

Quid passus est in horto? Osculo traditus est: manus militum in eum iniectæ sunt: comprehensus est & uinctus tanquam fur & latro abductus est: ubi & illum omnes ipsius discipuli deseruerunt.

Quid passus est in domo Caiphæ? Illuditur falsis testimonijs & conuicijs obruitur, & à ministro sacerdotis alapa ceditur.

Quid patitur in concilio sacerdotum? falsis testimonijs grauatur, illuditur, expuitur in faciem eius, colaphis ceditur, obiecta facie percutitur, et iubetur uaticinari quis illum percusserit.

Quid patitur in domo Herodis? Contemptum tyranni & totius aulæ ipsius, & in extremi contemptus testimonium, indutum Iesum ueste splendida misit Herodes ad Pilatum.

Quid patitur in prætorio? Illic accusatur: pro-

ducum



ducuntur aduersus eum falsi testes: petitur ut crucifigatur: à militibus Pilati induitur purpura in maiorem contemptum: corona spinea imponitur capiti ipsius: datur arundo in dextram eius, & genuflexione illuditur hoc scommate, Ave rex Iudeorum: expuebatur in faciem eius, dabantur illi a lapæ, percutiebatur sanctissimum caput eius fustibus, et tandem ad petitionem sacerdotum et totius populi adiudicatur cruci, mortis generi contemptissimo.

Quid patitur iam condemnatus? Imponitur humeris ipsius lignum crucis, in quod erat affigendus: crucifigitur inter duos latrones, ut ipse inter eos maxime facinorosus iudicetur: crucifixo datur uinum myrrhatum cum felle mixtum: & tandem in his grauissimis cruciatibus moritur. Hinc apparet quam acerbum supplicium sustinuerit filius Dei dominus noster Iesus Christus.

Sed quarum rerum nos admonebit supplicij grauitas? sanè multarum, & præcipuè quatuor.

*Grauitas supplicij.*

PRIMUM. n. magnitudo iræ Dei aduersus peccatum conspicitur: peccatum enim nostrum ita prouocauerat iram Dei, ut nō potuerit placari nisi per filium Dei, qui humana natura assumpta, nostram uicem sustinet, & satisfacit iusticiæ Dei.

SECUNDO hic conspicitur fœditas peccati: Nam pro delicti qualitate supplicia quoq; uariant. Latro rota punitur, fur patibulo, homicida gladio, puer delinquens uirga, uerum filius Dei

T S turpis



turpissimam mortem & execrabilem in lege Dei perpeffus est, qua re significatur, quàm abominabile sit peccatum in conspectu Dei.

TERTIO conspicitur hic humiliatio filij Dei, qui infra omnes creaturas deiectus fuit: qua humiliatione testatur amorem suum erga genus humanum, cuius redimendi causa tanta sustinuit.

Isa. 53.

QUARTO conspicitur horrendum & implacabile odium Iudeorum aduersus sibi missum saluatorem. Tametsi aut nihil est hic factum præter consilium Dei: Nam longè antea passio Christi est præfigurata et prædicta à sanctis Dei Prophetis, ut Petrus dicit in prioris primo: tamen Iudei hoc non fecerunt, ut Dei consilio obtemperarent: sed ut suo odio satisfacerent. Ea enim est mundi natura, quòd eos qui scelera acerbius reprehendunt, è medio sublato cupiat, quòd licentius peccare liceat. Hæc sint breuiter dicta de primo loco.

#### DE SECVNDO.

Vidimus qualis fuit Christi passio, nunc quod secundo loco promisi, ostendam quæ sit passionis Christi æstimatio coram Deo, & quis fructus inde proueniat.

Quæ est ergo eius æstimatio coram Deo? Passio Domini nostri Iesu Christi est sacrificium propitiatorium, in quo æternus filius Dei homo factus & sacerdos perpetuus à Deo constitutus, obtulit se per spiritum æternum æterno Patri, ut ista sua oblatione placaret iram Dei, & satisfaceret pro culpa



culpa & poena humani generis, ut omnes, qui in illum credunt & credituri sunt, per eundem sanctificentur ad uitam eternam, iuxta illud Ioan. 17. pro illis sanctifico meipsum. Hinc patet quæ sit aestimatio passionis Domini, et quid fructus inde ad nos homines proueniat, modò in Christum uiua fiducia recumbamus. Christus Mediator inter nos et Deum constitutus, sacrificio suo, id est, morte & passione placat iram Dei, ipse Sacerdos seipsum offert Deo, idq; ut nos à reatu damnationis liberet. Videmus proinde quinq; esse in hoc sacrificio.

In Sacrificio.

1. Sacerdos est ipse Christus. 2. Victima seu res quæ offertur est ipse Sacerdos. 3. Deus est cui hoc sacrificium offertur. 4. Mundus est pro quo fit hæc oblatio. 5. Pactum & foedus est, quòd hæc oblatio fidelibus tantum cedat in salutem.

Sed quì fieri potest, ut unius Christi mors sit satisfactoria pro totius mundi peccatis? Ecce agnus Dei, inquit Iohannes, qui tollit peccata mundi: nam ex indiuidua & ineffabili unione diuinæ & humanæ naturæ in una persona est dignitas, aestimatio & meritum infinitum omnium operum & passionum Christi. Cum ergò dicitur, filius hominis redemit nos per meritum passionis suæ, opus infiniti precij & ualoris nominatur, quia is filius hominis qui est passus, etiam est Deus. Item mors hominis est satisfactio, quia est mors hominis qui est Deus. Obediëntia filij hominis est nostra iniusticia, quia est obedientia hominis, qui est Deus.

Ita



Ita filius hominis remittit peccata, quia est Deus, Caro Christi est cibus uitæ, quia est caro hominis, qui est Deus. Tametsi autem diuina natura in Christo non est passa, sed humana tantum, ut Petrus ait: Christus est passus carne, tamen passio est personæ: adeo ut quicquid contumeliæ factum est humanitati Christi, id totum in contumeliam personæ cesserit, iuxta illud: Dominum gloriæ crucifixerunt: unde Ecclesia confitetur filium Dei passum esse, quia in humana natura assumpta est passus.

Quæ sit aestimatio passionis Domini coram Deo dictum est, & quis sit eius fructus in genere: nunc autem quo fructus passionis Domini conspiciatur melius, cum in partes distribuam: sunt igitur hi fructus.

Fructus passi-  
onis.

PRIMVS, Deo præstita est obedientia. Philip. 2. Humiliauit seipsum factus obediens usque ad mortem crucis.

SECUNDVS, Diabolus est uictus: In hoc (inquit Iohannes) apparuit Christus, ut destruat opera Diaboli, iuxta primam promissionem: semen mulieris conteret caput serpentis,

TERTIVS, homo à peccatis saluatus est & iustificatus. Ecce, inquit Iohannes, agnus Dei, qui tollit peccata mundi. Item Rom. 4. Mortuus est propter peccata nostra 2. Cor. 5. Eum qui non no- uit peccatum, fecit peccatum, ut nos fierimus ius- ticia Dei in ipso, hoc est, Christum fecit pro pec- cato hostiam, ut ipsius iusticia nos iustificemur co- ram Deo.

Quar-



QVARTVS, æquatio Iudæorum & gentium, iuxta illud Ephes. 2. ipse enim est pax nostra, qui fecit utraq; unum, & interstitium maceræ soluens, inimicitias per carnem suam, legem mandatorum in decretis abolens, ut duos conderet in semetipsum in unum novum hominem, faciens pacem, ut reconciliaret ambos in uno corpore Deo per crucem.

QVINTVS, Mors abolita est, Hoseæ 13. Ero mors tua ô mors. Breuiter Christi uictima est nostra redemptio. Nam est precium persolutum pro nobis, quo Deus placatus est, homo redemptus, Diabolus uictus, atq; adeò omnia in cælo & in terra uni capiti Christo subiecta sunt Ephes. 1.

## DE TERTIO.

Pia & salutaris meditatio Passionis dominicæ ad sex partes reuocari potest, quas Christiani non tantum hoc tempore: uerum toto suæ uitæ tempore meditari debent. Harum enim partium pia meditatio non solum confutat eos, qui in Papatu putant se satisfacisse officio, si toties dominicam orationem & salutationem Anglicam recitauerint, procumbentes coram idolis erectis in superstiosum cultum: uerumetiam mirum in modum pios confirmat & consolatur, proponam igitur ordinem sex partes huius meditationis.

PRIMA: ueniet nobis in mentem, quantam necesse sit iram Dei fuisse ob peccatum hominum, quæ non potuit placari ullius creaturæ opere: sed necesse

Meditatio Passio-  
nis.



necesse fuerit unigenitum filium Dei mori, quò iram Dei hac iusta pro peccato satisfactione soluta placaret.

SECVNDA: ueniet nobis in mentem, quàm immensa & imperuestigabilis fuerit misericordia Dei patris, qui potius uoluerit filium unigenitum sustinere acerbissimam mortē, quàm genus humanum à se conditum perdere. Fortè cogites Deum potuisse alia ratione genus humanum liberasse. Tu quis es, qui Deum uis docere quid potuerit: cogita de iusticia Dei & misericordia simul: ut enim misericordia mouit illum ad saluandum: ita iusticia eum mouit ut fieret iusta iniuriæ compensatio. Homo peccauit, debuit ergo aut perire, ut satisfaceret: non autem potuit purus homo satisfacere iusticiæ Dei, neq; debuit alius quàm homo: Sapientia ergo Dei hinc inuenit ex misericordia remedium, ut filius Dei æternus fieret homo, quò & posset, quia Deus, et deberet, quia humanam naturam in se recepisset, satisfacere iusticiæ Dei. Ita in Christi passione apparet mixta cum misericordia iusticia, & utramq; temperauit sapientia.

TERTIA: ueniet in mentem summus & inenarrabilis amor filij Dei erga genus humanum, qui uoluit in se deriuare iram Patris, ac sustinere tam ignominiosam mortem: idq; pro inimicis suis, ut Paulus testatur Rom. 5.

QUARTA: ueniet tibi in mentem uera ratio, qua tibi possit applicari fructus passionis domini



minica, ut tibi sit salutaris. Fit autem hæc applicatio, uerbo, fide, & Sacramento. Verbo offertur quasi manu Dei beneficium passionis Domini, ubi & quoties prædicatur Euangelium Iesu Christi, & ministri uerbi uice Dei omnibus, qui audiunt Euangelium, fructum passionis Domini ostendunt. Deinde cum ita offertur quasi manu Dei beneficium passionis Domini, debet fide recipi quasi manu quadam hominis, quam fidem Spiritus sanctus efficit in hominibus audientibus & obtemperantibus Euangelio: præterea Sacramento utroque, Baptismo & Coena Domini obsignatur, ac eius uis & usus tanquam in tabellis pingitur, quemadmodum hæc audiuius. Cum igitur recitas articulum fidei de passione Domini, firmiter statue, & certissime crede, quod pro te mortem filius Dei subierit, quod cum feceris, mortis Domini es participes, adeo tota Christi obedientia, tua sit absolutio à peccato & tua iusticia. Est autem duplex obedientia in Christo consideranda: Obedientia crucis, & obedientia legis, quæ eius erat perfecta impletio. Ut obedientia crucis est expiatio peccati: ita obedientia legis nobis imputatur in iusticiam, Rom. 5.

QVINTA: cum ita participes sumus effecti passionis Domini per fidem, in mentem nobis ueniet, qualis nam sit fors piorum in hac uita. Quemadmodum enim Christus est passus: Ita uult & reliquos pios pati, ut sint conformes imaginis filij Dei;

Obedientia Christi  
duplex.

Obedientia crucis  
quid?



Dei: Vnde Paulus Rom. 6. Ideo enim *compatimur*,  
ut *unà cum illo glorificemur*.

SEXTA: ueniet nobis in mentem quid Chri-  
stus à nobis, quos suo sanguine redemit, requirat:  
nam cum iam ab ipso redempti sumus, debemus ei  
obedire. Quid uult ipse? 1. ut renunciemus hosti  
ipsius Diabolo. 2. ut fugiamus peccatum, ne rursus  
scientes & uolentes Deum nostris peccatis offen-  
damus. 3. ut sanctitati & pietati studeamus, & ser-  
uiamus illi in uero timore omnibus diebus uite no-  
stræ: quod si fecerimus, finem fidei reportabimus  
salutem animarum æternam, quam donet nobis De-  
us Pater per Iesum Christum Dominum nostrum,  
AMEN.

## HISTORIA RE- SVRRECTIONIS DO- MINI NOSTRI IESV CHRISTI ex collatione quatuor Euangelista- rum concinnata.



CUM præterisset Sabbatum, Ma-  
ria Magdalene, & altera Maria  
quæ Iacobi dicitur, & Salome,  
& Ioanna, & cæteræ quæ cum  
eis erant, quæ uenerant cum Ie-  
su de Galilæa, emerunt & parauerunt aro-  
mata, ut uenirent & ungerent Iesum. Nam  
sabbato quieuerant secundum præceptum  
Vespera



Vespera autem sabb-  
bati, id est sabbatorum, id  
est sabbatorum, cum adhuc ei-  
us sabbatorum, ueniunt  
sabbatorum, portantes qu-  
dam.  
Et cum terræ motus  
egressus enim Domini  
sabbatorum deuoluit lap-  
ides super eum. Erat  
et uestimentum e-  
ius timore autem ei-  
us facti sunt ueluti  
terra autem dice





Vespera autem subbatorum quæ luceſcit  
in unam ſabbatorum, id eſt, manè profundo  
crepuſculo, cùm adhuc eſſent tenebræ primo  
die ſabbatorum, ueniunt ex orto ſole ad mo-  
numentum, portantes quæ parauerant aro-  
mata.

Et ecce terræ motus factus eſt magnus,  
Angelus enim Domini deſcendit de cœlo,  
& accedens deuoluit lapidem ab oſtio, ſe-  
debatq; ſuper eum. Erat autem aſpectus eius  
fulgur, & uestimentum eius candidum ſicut  
nix. Præ timore autem eius concuſſi ſunt cu-  
ſtodes, & facti ſunt ueluti mortui.

Mulieres autem dicebant ad inuicem,

V

Quis



Quis reuoluet nobis lapidem ab ostio monumenti? Nam erat magnus ualde. Et cum respexissent, uident lapidem esse reuolutum à monumento. Et ingressæ in monumentum, non inuenerunt corpus Domini Iesu. Currit ergo Maria Magdalena, ut hæc nunciet. Et factum est, dum mulieres mente consternatæ essent de hoc, quòd non inuenissent corpus Iesu, ecce duo uiri steterunt iuxta illas in uestibus fulgurantibus. Cum expauissent autem & declinarent uultum in terram, dixerunt ad illas. Quid quæritis uiuentem cum mortuis? Non est hîc, sed resurrexit. Recordamini ut dixerit uobis cum adhuc in Galilæa esset, dicens, quòd oportuerit filium hominis tradî in manus hominû peccatorû, & crucifigi, & die tertio resurgere. Et recordatæ sunt uerborum eius, & egressæ à monumento, nunciauerunt postea hæc omnia illis undecim & cæteris omnibus, Et dicebant ad Apostolos hæc, & uisa sunt apud illos ceu deliramentum uerba illarum, neq; crediderunt illis. Cum uerò currit Maria Magdalena (ut dictum est) uenit ad Simonem Petrum, & ad alterum discipulum quem amabat Iesus, & dicit illis, Sustulerunt Dominum ex monumento, & nescimus ubi posuerunt eû.

Surgens ergo Petrus exiit & ille alius discipulus, & uenerunt ad monumentum. Currebant

PASC  
rentem duo firm  
recurrunt citius P  
mentum, & cû  
in istamina, non  
ergo Simon Petrus  
monumentum  
pola, & sudarium  
petrus non cum Iesu  
paratim inuoluitur  
ergo introiit &  
prior uenerat ad m  
& credidit. Non  
uram, quòd oport  
gere. Discipuli en  
pilos. Et Petrus m  
Maria autem stabat ad  
horas. Dum ergo fle  
mentum, & uidit d  
sedentes, unum  
sedentes, illic ubi p  
Dicit ei illi, Mulier  
sustulerunt Dominu  
posuerunt eum. Hæc  
est resursum, & u  
dicit quòd Iesus est  
uid ploras? quem  
quod hortulanus  
eum alportasti eum



reabant autem duo simul, & ille alius discipulus præcurrit citius Petro, uenitq; prior ad monumentum, & cum se inclinasset, uidit posita lintheamina, non tamen introiuit. Venit ergo Simon Petrus sequens eum, & introiuit in monumentum, Et uidit lintheamina posita, & sudarium quod fuerat super caput eius, non cum lintheaminibus positum, sed separatim inuolutum in unum locum. Tunc ergo introiuit & ille alius discipulus, qui prior uenerat ad monumentum, uiditque & credidit. Nondum enim nouerant scripturam, quod oportuisset eum à mortuis resurgere. Discipuli ergo abierunt rursus ad metipsum. Et Petrus mirabatur quod acciderat.

Maria autem stabat ad monumentum foris plorans. Dum ergo fletet, inclinauit se in monumentum, & uidit duos Angelos amictos albis sedentes, unum ad caput, & alterum ad pedes, illic ubi posuerant corpus leui. Dicunt ei illi, Mulier quid ploras? Dicit illis, sustulerunt Dominum meum, nec scio ubi posuerunt eum. Hæc cum dixisset conuersa est retrorsum, & uidit Iesum stantem, nec sciebat quod Iesus esset, dicit ei Iesus: Mulier quid ploras? quem quæris? illa existimans quod hortulanus esset, dicit ei: Domine si tu asportasti eum, dicito mihi ubi posuerunt ad monumentum.

V 2 fueris



fueris eum, & ego eum tollam, Dicit ei Iesus: Maria: Conuersa illa dixit ei: Rabboni, quod dicitur Magister. Dicit ei Iesus: Noli me tangere, Nondum enim ascendi ad Patrem meum, Sed uade ad fratres meos & dic eis, ascendo ad patrem meum & patrem uestrum, & Deum meum & Deum uestrum: Hæc est illa Maria Magdalene, de qua Iesus eiecerat septem Dæmonia, cui cum surrexisset apparuit primùm, manè primo die Sabati. Illa autem profecta renunciauit discipulis, qui cum illo fuerant, lugentibus ac flentibus, quòd uidisset Dominum, & ea dixisset sibi. Et illi cum audissent quòd uiueret ac uiuus esset ab illa, non crediderunt.

Ingressæ autem mulieres in monumentum, uiderunt adolescentem à dextris, amictum stola candida, & expauerunt. Erat autem Angelus Domini. At ille dicit eis: Nolite timere uos, scio enim quòd Iesum Nazarenum qui crucifixus fuit, quæritis, Non est hîc, surrexit enim, sicut dixit, Venite & uidete locum ubi posuerunt Dominum. Et abeuntes citò, dicite discipulis eius & Petro, quòd surrexit à mortuis, & ecce præcedit uos in Galilæam, illic eum uidebitis, sicut dixit uobis. Ecce dixi uobis. Et abeuntes celeriter fugerunt à monumento cum timore & gaudio magno, & currebant, ut renuncia-

rent



rent discipulis eius, Habebat autem illas tremor & stupor, neque cuiquam quicquam dicebant, timebant enim. Cum autem essent ad renunciandum discipulis eius, ecce Iesus occurrit illis dicens: Auete. Illæ autem accesserunt & tenuerunt pedes eius, & adorauerunt eum. Tunc ait illis Iesus: Nolite timere, Ite renunciate fratribus meis, ut eant in Galilæam, & ibi me uidebunt.

Quæ cum abissent, ecce quidam ex custodibus uenerunt in ciuitatem, ac renunciauerunt principibus sacerdotum omnia quæ acciderant, Et congregati cum senioribus, consilio habito, pecuniam copiosam dederunt militibus, dicentes: Dicite, Discipuli eius non sunt uenerunt, & furati sunt eum nobis dormientibus. Et si hoc auditum fuerit à præside, nos persuadebimus ei, & securos uos faciemus. At illi accepta pecunia, fecerunt sicut erant docti, & diuulgatus est hic sermo apud Iudæos usque in hodiernum diem.

## ENARRATIO TEXTVS.

**H**oc festum summum omnium festorum est, in quo proponitur nobis Articulus de resurrectione Domini ex mortuis, idque tertio die, iuxta scripturas, qui per suam gloriosam resurrectionem, ut uictor mortis, peccati, Diaboli: ita redemptor omnium, qui in se credere non recusauerint, factus est. Solet autem in hoc festo dici ex Historia resurrectionis, & currebant, ut



rectionis, de beneficio seu fructu eiusdem et de usu.  
 quæ omnia hoc præsens Euangelium continet: Nar-  
 ratur ab Angelo quod Christus resurrexerit, Hec  
 est historię summa: iubentur mulieres non timere,  
 Et est fructus huius beneficii: ac mulieres Christi  
 excitatum quærunt, quarum exemplo nobis salu-  
 taris resurrectionis Domini usus commendatur,  
 quare non frustra Paulus Timotheo scribens, ait,  
**Memento** quod Iesus Christus resurrexerit à mor-  
 tuis. Nam ut dicit idem Apostolus Roma. 10. si in  
 corde tuo credideris, quod Deus eum suscitauit ex  
 mortuis, saluus eris. Ceterum quod nobis hic arti-  
 culus fidei nostrę reddatur confirmator., tres lo-  
 cos tractabo in hac concione, qui sunt.

I. Quotuplex sit probatio resurrectionis Domini

II. Cur tertia die resurrexerit. (ni.

III. Quis sit resurrectionis Christi fructus.

DE PRIMO.

*Triplici genere confirmatur  
 resurrectio Domini*

Triplici testimoniorum genere confirmatur  
 resurrectio Domini: nam sunt testimonia antece-  
 dentia, coniuncta & consequentia, de quibus ordi-  
 nē dicam.

**I**

Vt antecedentia testimonia resurrectionis do-  
 mini diligenter expendamus, admonet Christus  
 Lucæ 24. ubi ita ait: Sic scriptum est, & sic opor-  
 tuit Christum pati & resurgere tertia die, et præ-  
 dicari in ipsius Nomine poenitentiam & remissio-  
 nem peccatorum omnibus gentibus. Sed ubi hoc  
 scriptum est? Ipse respondit & ait: In Moſe, Pro-  
 phetis



phetis & Psalmis de me scriptum est. Proinde in Mose, Prophetis & Psalmis debemus querere testimonia antecedentia resurrectionis Domini.

In Mose est duplex genus testimoniorum de resurrectione Domini: Nam & clavis dictis prænunciatur, & figuris multis adumbratur. Clara sunt hæc dicta: Semen mulieris conteret caput serpentis, id est, Christus diabolum superabit, quod non fieri potuit, nisi per resurrectionem Christi ex mortuis: nam si Christus mansisset in sepulcro, Diabolus uictor fuisset Christi. Donec etenim iacuit in sepulcro Christus, nulla Christi uictoria, id est, nullus triumphus erat: Verum dum aperto sepulcro prodiit de sepulcro uiuus Dominus, se uictorem Satanae & triumphatorem declarauit. Huc et illud dictum pertinet: In semine tuo benedicentur omnes gentes terre. Vt ergo in morte maledictio: ita in uita Christi benedictio conspicitur. Adumbratur etiam figuris in Mose. Adam dormiens & postea excitatus, figura fuit morientis & resurgentis Christi. Sic enim ait Augustinus: præfigurata est in protoplasta Adam Christi resurrectio, quia sicut ille post soporem surgens Euam de latere suo fabricatam agnouit: ita Christus è morte resurgens, ex uulnere lateris sui edificauit Ecclesiam. Isaac quoque impositus rogo ut cremaretur, liberatus tamen per Angelum, typus fuit Christi oblatus in cruce, & postea è morte exempti uirtute diuina. Ioseph coniectus in carcerem, & postea

In Mose de  
Christo  
testi-  
mo-  
ni-  
a.  
Genf: 3.

Genf: 18. 12. 22

Figura.

Adam.

Isaac.

Ioseph.



stea eductus ad summos honores figurabat mortem  
& resurrectionem Domini.

Prophetarum  
testimo  
nia.

Figura  
Samson.

Ionas.

In Psalmis  
testimo  
nia.

In Prophetis quoque sunt & dicta & figurae de  
hac resurrectione, de qua loquitur Isaias cap. 53. Si  
posuerit pro peccato animam suam, uidebit semen  
longaeuum, & uoluntas Domini in manu eius diri-  
getur. Daniel aperte dicit Christum occidendum,  
& tamen perpetuo regnaturum. Hoseas quoque di-  
cit, tertia die uiuificabit nos. Figurae inter multas  
sunt haec. Samson obseratis portis clauditur in ciui-  
tate: Dominus obsignato clauditur monumento.  
Samson fractis seris, subtractisque portis securus e-  
uadit: Christus ruptis inferni potestatibus liber e-  
greditur. Sicut perit nauis, nisi Ionas perditum de-  
tur: ita perit mundus, nisi Christus patitur. Et si-  
cut Ionas fuit in uentre piscis tribus diebus, et po-  
stea in terram eiectus est: ita Christus triduum in  
terra erat, & postea uiuus de sepulcro prodijt.

In Psalmis quoque sunt testimonia & figurae re-  
surrectionis Christi. Psalmus 2. totus agit de regno  
& sacerdotio Christi. Psalm. 15. Non dabis sancto  
tuo uidere corruptionem. Psalm. 22. concionatur de  
passione Domini & resurrectione. Psalm. 110. De  
torrente in uia bibit, propterea exaltabit caput.  
Idem Dauid adumbrat mortem & resurrectionem  
Domini. Dauid toties fugiens, & tandem ad re-  
gnum euectus, typus fuit humiliationis Christi &  
glorificationis per resurrectionem. Huiusmodi  
probationes mortis & resurrectionis Domini,  
multae



multæ sunt in Mose, Prophetis & Psalmis, sed pauca recitavi ob temporis angustiam. Huc accedit quod Christus sæpius præmonuit suos de sua morte & resurrectione.

Coniuncta testimonia sunt etiam duplicia, nempe clara dicta & signa. In hoc Evangelio Angelus dicit: Surrexit & non est hic. Signum conspicitur, uacuum sepulcrum: terræ motus, ostendit se Dominum primum Magdalene: Deinde pluribus Apostolis: tum 500. fratribus: & 40. diebus cum suis uersatur discipulis, & tandem multis conspicientibus uisibiliter ascendit in cælum.

Consequentia testimonia sunt etiam duplicia, nempe uox Apostolorum, ac totius Ecclesiæ uox confidentis Christum suum Dominum & Mediatorem. Deinde sunt signa quoque. Internum est spiritus Christi in corde credentium, qui illis testimonium reddit, quod Christus uiuat, Externa signa sunt baptisimus & Cæna: nam Baptismo figuratur mors, sepultura, resurrectio Christi, ut Paulus docet Ro: 7. Cæna Domini quoque resurrectionem Christi nobis commendat. His testimonijs antecedentibus, coniunctis & consequentibus, qui non credit, olim uidebit iudicem in nubibus uenturum, quem hic in terra non agnouit saluatorem.

## DE SECVNDO.

Cur tertia die surrexit? Cur non distulit ad extremum diem, ut nos unà cum illo surgeremus? Tertia die surrexit primū propter prophetias, fuit

V 5 enim



**II** enim prædictum ab Hosea Propheta et præfiguratum in Iona, ut tertia die resurgeret. Deinde ut satisfaceret suis promissionibus: promisit enim discipulis, quod postquam esset traditus gentibus, & illusus ab illis occideretur, & tertia die resurgeret. Non autem antevertit tertium diem, ut omnibus constaret, eum uerè mortuum fuisse. Ostendit ergo se iacens in sepulcro 40. horis uerè mortuum. Cur autem non distulerit resurrectionem in extremum diem, in promptu sunt grauissimæ causæ.

*Cur christi resurrectio  
non sit in extremum  
diem reserua-  
ta.*

**PRIMA** quia scriptum erat: Non dabis sancto tuo uidere corruptionem. Non enim debuit corpus Christi in sepulcro putrescere. 1. quia erat ex castissimæ uirginis sanguine factum operante Spiritu sancto. 2. quia dum uersaretur in mundo illud purum & incontaminatum seruauit: indignum proinde fuisset tale corpus fieri uermium escam.

**SECUNDA** causa, cur non distulit resurrectionem, est spes nostra: ita enim Petrus ait, Benedictus Deus & pater Domini nostri Iesu Christi, qui regenuit nos in spem uiuam per resurrectionem Christi ex mortuis.

**TERTIA** causa, ut esset primus resurgens: ut. n. Adam erat primus qui apparuit in mortali corpore, propter peccatum: ita Christus primus debuit apparere immortalis corpore iustificante & sanante nostra corpora ab æterna morte.

Tametsi autem omnes resurgemus, & alij quidam præter Christum resurrexerunt: tamen maximus



imum discrimen est inter Christi resurrectionem  
& aliorum. Primum enim Christus resurrexit  
propria uirtute: id nemo præter illum solum po-  
tuit unquam facere. Deinde alij qui excitati sunt,  
ut filius uiduæ, filia Archisynagogi & Lazarus, ac  
alij surrexerunt iterum morituri: at Christus re-  
surrexit ad immortalitatem. Præterea differt Chri-  
sti resurrectio ab aliorum resurrectione fructu et  
efficacia. Christus enim uirtute sua excitat alios,  
id quod erat significatum in horto ubi erat sepul-  
tus, & resurrexit iam oriente sole. Postremo &  
tempore differt Christi resurrectio à nostra: Chri-  
stus enim, ut iam ostensum, est & symbolum pro-  
fitetur, surrexit tertia die, nostra uero resurrectio  
differetur ad extremum diem: Tum enim appare-  
bit æterna uita & sempiterna iusticia, quam datu-  
rus est omnibus suis, id est, in se credentibus. Hæc  
sint dicta de secundo loco, cur Christus resurrexe-  
rit tertia die, quomodo illius resurrectio à nostra  
differat, ut per resurrectionem Christi uiuam spem  
concipiamus æternæ & incorruptibilis heredita-  
tis in cælo.

## DE TERTIO.

Iam tertius locus de fructu resurrectionis Chri-  
sti restat, qui est copiosior & abundantior, quam  
ut humana lingua explicari possit. Paulus dicit  
omnia per Christum esse instaurata in cælo & in  
terra. Primum enim Christus prodiens de sepul-  
cro, apparet uictor, triumphator mortis, inferni  
& sa-



et satanae, atq; ita satisfacit promissioni olim de illo editae. Semen mulieris conteret caput serpentis: quod explicans Iohannes ait: Christus apparuit ut destruat opera diaboli. Verum quantum ad nos homines, propter quorum salutem de coelo descendit, factus homo, mortuus est et resurrexit, quadruplex fructus resurrectionis Christi spectandus est. Nam resurrectio Christi. 1. est nostra iustificatio. 2. est uirtus qua in nobis domatur peccatum. 3. Exemplum nouitatis uitae et causa. 4. est causa nostrae resurrectionis eiusq; pignus certissimum: de hoc quadruplici fructu ordine dicam.

Fructus resurrec-  
tionis domini  
m.

PRIMVS itaq; fructus resurrectionis domini est iustificatio nostri, de quo fructu Paulus Ro. 4. Mortuus est propter peccata nostra, et resurrexit propter iustificationem nostri. Et Daniel cap. 9. Auferetur iniquitas et adducetur sempiterna iusticia. Quanti autem precij sit hic fructus perpendendum est, quod nobis magis dulcescat. Nos nascimur in peccato et rei irae Dei. Ephes. 2. Nos omnes natura filij irae sumus: peccati stipendium est mors, Rom. 6. ab hac morte per resurrectionem Christi liberamur: nam per Christum absoluihur à reatu peccati, atq; adeo à morte aeterna. Hinc illud in Apocalypsi: Beatus et sanctus qui habet partem in resurrectione prima, in his secunda mors non habet potestatem: sed erunt sacerdotes Dei et Christi, et regnabunt cum illo. Vt enim prima mors per Adam est: ita resurrectio prima est per Chris-



Christum huc et illud: Beati qui lauant stolas suas in sanguine agni, ut sit potestas eorum in ligno uite, & per portas intrent ciuitatem.

SECUNDVS fructus resurrectionis Domini est, quod ea sit uirtus quæ in credentes transfunditur, qua sit, ut possint à uicijs ad uirtuteu pergere. Hæc uirtus nobis in Baptismo confertur et cõfirmatur Coena Domini, modò nos ipsi nobis non defuerimus. Porro hæc uirtus sentitur in ijs tantum, qui ex immortali semine sunt regeneriti, 1. Pet. 1.

TERTIVS fructus est exemplū: nam, ut Paulus inquit, Christus resurrexit, ut nos in nouitate uite ambulemus: qui ergo uicijs suis indulgent, qui uiuunt sceleratè et impurè, testantur suo facto, qd Christum contemnant: Cuius resurrectio nobis, ut uite degendæ speculū proposita est, Nam illi existimant Christum flagellatū, spinis coronatū, fudisse sanguinem in ara crucis, ut liceat ipsis indulgere omnib. furoribus, tyrannidi, superbæ, libidinibus, et hoc pacto, quantum in se est, de nouo crucifigūt filium Dei. Nos igitur qui non solū dici: uerum etiam esse cupimus qui dicimur, hoc est, Christiani, id quod res est cogitemus, uidelicet quod Christus mortuus sit pro peccato expiando corū, qui illum fide recipiunt, & in uera pœnitentia uiuunt, per mortificationem ueteris hominis, et uiuificationem noui hominis. Quatuor sunt mala, quib. grauantur

cupis=

Mala quibus grauantur  
homines sunt.  
Ignorantia.  
Reatus.  
Concupiscentia.  
Metus.



concupiscentiæ ingeniæ, & metus damnationis æternæ. Contra ignorantiam Christus est nobis sapientia, dum nos per Euangelium docet de sua erga nos uoluntate: nisi. n. uerbo Dei de uoluntate instrueremur, perpetuis tenebris nostra mens inuolueretur, quæ tenebræ luce Euangelij depelluntur.

Contra reatum peccati est Christus nobis iusticia: nam ipsius obedientia nobis imputatur credentibus, ut iam non peccatores: sed ut iusti in Dei conspectu appareamus.

Contra uicia & concupiscentias carni ingeniæ Christus est nobis sanctificatio, dum uirtute suæ resurrectionis per S. sanctum nos sanctificat.

Contra metum damnationis æternæ, est Christus nobis redemptio. Hæc quatuor Christi beneficia Paulus coniungit 1. Cor. 1. his uerbis: Christus factus est nobis à Deo sapientia, iusticia, sanctificatio et redemptio: qui ergo extremum et ultimum beneficium expetit, debet per priores, tanquam per gradus ad illud properare, ubi enim Christum didicit, debet in eum credere: ubi credit, debet eius Spiritu sanctificari, id est, exemplo resurgentis Christi, nouam uitam uiuere. Hanc nouam uitam tandem sequetur plena liberatio in extremo iudicio, quando reddet unicuique iuxta facta sua: Sit ergo hic tertius fructus resurrectionis Domini, de quo modò dixi, uidelicet, ut in noua uita iuxta ipsius exemplum uiuamus. Hinc illud Pauli. si surrexistis cum Christo, quæ sursum sunt sapite, &c.

Quartus



QUARTVS fructus resurrectionis Domini est, quod sit & causa & pignus nostre resurrectionis, qua animæ mortuorum coniungentur rursus corporibus, in secundo Christi Aduentu, cū ueniet iudicaturus uiuos & mortuos. Hinc Paulus 1. Cor. 15. prolixè disputat, & hoc argumentum tractat: Christus resurrexit à mortuis, ergo et nos resurgemus. 1. Thess. 4. Nam si credimus, quod Iesus mortuus est & resurrexit, sic & Deus eos qui obdormierunt, per eum abducat cum illo. Et Ioh. 5. Veniet hora, in qua omnes, qui in sepulcris sunt, audient uocem eius & prodibunt, qui bona egerunt, in resurrectionem uitæ, qui uerò mala fecerunt, ad resurrectionem iudicij. Hic fit mentio duplicis resurrectionis, scilicet uitæ & iudicij. Resurrectio uitæ est, quæ promittitur ijs, qui benè fecerunt. Resurrectio iudicij est, quam comminatur ijs, qui malè fecerunt. Huc & illud Pauli Rom. 10. Hoc est uerbum fidei quod prædicamus: si confessus fueris ore tuo Dominum Iesum, & credideris in corde tuo, quod Deus eum suscitauerit ex mortuis, saluaberis, id est, resurges ad resurrectionem uitæ & salutis æternæ.

Atq; hæc sint breuiter dicta de resurrectione Domini: unde primū confirmanda est fides nostra de resurrectionis Articulo. Deinde confutandus est error Iudeorum, qui negant Christi resurrectionem. Tum admonebimur de fructu resurrectionis, ut per eam & nos à peccato in hac uitā resur-

*Resurrectio duplex.*



resurgamus, et tandem in extremo die resurgamus  
ad resurrectionem uitæ per Christum Dominum  
nostrum, cui cum Patre & S. sancto sit honor, laus  
& gloria in seculo seculorum, Amen.

## FERIA SECUNDA

PASCHATOS, Luc. 24.



**E** Tecce duo ex illis ibant eodem die in ca-  
stellam, quod aberat spacio stadiorum  
sexaginta ab Hierusalem, nomine Emaus, &  
ipsi confabulantur inter se de his omnibus  
quæ acciderant. Et factum est dum confabu-  
larentur ac disputarent, & ipse *I E S U S* ap-  
propin-



propinquans ibat unà cum illis. Cæterum  
oculi eorum tenebantur, ne eum agnosce-  
rent, in alia enim forma apparuit eis. Et ait  
ad illos, Qui sunt hi sermones, quos confer-  
tis inter uos ambulantes, & estis tristes? Ac  
respondens unus, cui nomen Cleophas, di-  
xit ei, Tu solus peregrinus es Hierosolymis,  
qui ignores, quæ facta sunt illic his diebus?  
Quibus ille dixit, Quæ? & dixerunt ei, de  
Iesu Nazareno, qui fuit uir Propheta, potens  
opere & sermone coram Deo & toto popu-  
lo, & quomodo eum traditum summi Sa-  
cerdotes & Principes nostri in condemnati-  
onem mortis, & crucifixerunt eum. Nos au-  
tem sperabamus eum esse illum, qui redem-  
turus esset Israël. Atqui super hæc omnia ter-  
tius dies est hodie, quo hæc facta sunt. Sed &  
mulieres quædam ex nobis attonitos reddi-  
dêre nos, quæ diluculo uenerunt ad monu-  
mentum, & non inuento corpore eius, uene-  
runt dicentes, se etiam uisionem Angelorum  
uidisse, qui dicerent eum uiuere. Et abierunt  
quidam eorum, qui erant nobiscum ad mo-  
numentum, & ita reppererunt, sicut mulieres  
dixerant, ipsum uerò non uiderunt. Et ipse  
dixit ad eos, O stulti & tardi corde ad cre-  
dendum in omnibus quæ locuti sunt Pro-  
phetæ. Non ne hæc oportuit pati Christum  
& intrare in gloriam suam? Et exorsus à Mo-  
se, &

X

se, &amp;



se & omnibus Prophetis, interpretabatur illis in omnibus scripturis quæ de ipso erant. Et appropinquauerunt castello quod ibant. Et ipse præ se ferebat se longius ire. Et coegerunt illum dicentes, Mane nobiscum, quoniam uergit ad uesperam, & inclinatus est dies. Et intrauit ut maneret cum illis. Et factum est dum accumberet cum eis, accepit panem, & benedixit ac fregit, & porrigebat illis. Et aperti sunt oculi eorum, & agnouerunt eum, & ipse euauit à conspectu eorum. Et dixerunt inter se, Nonne cor nostrum ardebat in nobis, dum loqueretur nobis in uia, & aperiret nobis scripturas.

Et surgentes eadem hora regressi sunt Hierosolimam, & inuenerunt congregatos undecim, & eos qui cum illis erant, dicentes, Surrexit Dominus uerè & apparuit Simoni, Et ipsi narrabant quæ gesta erant in uia, & quomodo fuisset agnitus ipsis ex fractione panis, nec his illi crediderunt. Erat autem uespera die illo, qui erat unus sabbatorum, & fores erant clausæ, ubi erant discipuli congregati propter metum Iudæorum.

#### ENARRATIO TEXTVS.

**S**umma huius Historiæ est, quod Christus eodem die, quo resurrexerat, apparuerit duobus discipulis proficiscentibus Emaus (fuit autem Emaus uicinus duobus ferè miliaribus distans à Hierusalem)



tem) Et cum illis differuerit de Messia, quos cum instruxisset atq; illis fractione panis se notum reddidisset, euauit ab illorum oculis. Verum illi iam certi facti de resurrectione ipsius, mox redeunt Hierosolymas, atq; omnia quæ acciderant, narrauerunt discipulis undecim. Vt autem nos hanc Historiam intelligamus facilius, eam distribuam in quatuor partes, quæ sunt.

- I. Quid egerint hi duo discipuli antequam Christus ad eos ueniret in itinere.
- II. Colloquium Christi & discipulorum in uia.
- III. Quid acciderit in domo.
- IIII. Quid fecerint illi discipuli instructi à Domino.

Hæ partes singulæ habent suas doctrinas & admonitiones, quas in singularum explicatione ostendemus.

## DE PRIMA PARTE.

Duo ex illis ipso die, quo resurrexerat Dominus, ibant in castellum, quod erat in spacio stadiorum 60. quæ faciunt septem millia passuum, et passus quadringentos, hoc est, plus minus duo milliaria. Hæc occasio fuit colloquij: & cum ita irent colloquebantur de Christo. Hinc duo nos discamus. Primum occasionem non negligendam esse exercende pietatis. Deinde ubi hanc nacti fuerimus, non esse alienis negocijs & friuolis interrompendam. In his discipulis uidemus tria, 1. Signum pietatis.



tatis. 2. Fidei infirmitatem. 3. Admirationem eorum  
quæ acciderant.

Quòd de Christo & eius gestibus sint locuti  
piè, ex eo conuincitur, quod isto suo colloquio Chri-  
stum ad se alliciant. Infirmitas fidei fuit, quòd tam-  
etsi antea Prophetias de Christo audierant: tamen  
tardiores fuerant ad perfectè credendum: Ita fides  
Christiana habet suam conceptionem & suam te-  
neritudinem, quæ fouenda est donec adolescat col-  
loquijs de Christo. Admirati sunt quoq; de ijs quæ  
acciderant: nihil enim maiori admiratione dignum  
est, quàm mortuum de sepulcro uiuum prodire.  
Hæc admiratio erat mixta spe & metu, seu assensu  
& dubitatione: quemadmodum enim carnis sensus  
et rationis iudicium ad dubitandum sollicitauit eos,  
ita igniculus fidei, qui in ipsis erat, restitit dubita-  
tioni, etsi admodum languidè. Ita fit sepe in Chri-  
stianis, Caro una ex parte adoritur, & hominem  
in diffidentiam pertrahere conatur: Spiritus ex  
altera parte se carni opponit, nunc languidius,  
nunc fortius. Verùm ne succumbat spiritus, collo-  
quijs de Christo, id est, meditatione & auditione  
Euangelij, alijsq; pijs exercitijs est excitandus. Hoc  
ergo exemplo cõfirmatur dictum prophetiæ Isaie  
42. qui ait de Christo: Arundinem quassatam non  
perfringet, nec linum fumigans extinguet, in ue-  
ritate proferet iudicium. Hæ duæ similitudines  
docent, quomodo Christus agat cum suis, in quibus  
aliquam pietatis scintillulam repererit.

Arun-



Arundinis quassata similitudine significat se nolle eos, qui semifracti sunt, frangere omnino & conterere, sed leuare potius & sustinere, ut quid boni in ipsis erit, conseruet atq; adaugeat. Hi duo discipuli semifracti fuerunt & non procul à casu, adeò uento carnis agitabantur: sed Christus ne cadant sua subleuat gratia. Deinde Metaphora lini fumigantis sumpta est à lychnis, quæ propter fumum quem edunt, non extinguuntur, modò adsit qui manum admouet, ita ubicunq; emicat aliqua pietatis scintilla, Christus adest & eam fouet atq; excitat, ut clarius ardeat, sicuti in his duobus discipulis uidemus. Hinc maxima nobis haurienda est consolatio. Etsi nos infirmi homines uacillamus ac claudicamus, tametsi iam quassati aut laxati sumus, tamen nos non statim abiicit quasi prorsus inuiles, sed diu perfert, quoad firmiores & constantiores reddiderit, modò horum discipulorum exemplum imitemur.

## DE SECUNDA PARTE.

Et factum est cùm fabularentur & inter se quærerent, ipse Iesus appropinquans ibat cum illis. Hoc Christi factum, Primùm confirmat promissionem Christi, quæ est: ubicunq; fuerint duo uel tres cõgregati in nomine meo, in medio eorum sum: quod tametsi non fit corporaliter semper, tamen uerè spiritualiter, id quod hac sua corporali presentia uult significare. Hinc ergo discamus, de quo in priori historię huius parte admonui, quòd

X 3 qui-



quicumq; piè de Christo inquirunt aperiunt Christo ianuam ad se iuuandos, ac ipsum doctorem suis pijs exercitijs accersunt sicuti eotrà prophani homines impuris suis sermonibus, ei ianuam, quò minus ad se ueniat, occludunt. Hoc confirmatur, non solum hoc exemplo: uerumetiam dicto Prophetae Isaie 66. Ad quem respiciam? nisi ad pauperculum & contritū spiritu & trementem sermones meos.

Sed quid est quod dicit Euangelista: Oculi eorum tenebantur, ne eum agnoscerent. Hinc monemur de nostra imbecillitate: neq; enim oculi nostri neq; aures suo funguntur officio, nisi eam facultatē eis diuina concesserit clementia: si ita se habet res cū oculis corporeis, multò magis de oculis mentis uerum est. Hinc tria discamus: Vnum, quòd nullæ sint sensuum aut mentis nostræ uires, nisi facultas illis diuinitus detur. Alterum, ne nostra mente & nostris sensibus abutamur in contumeliā creatoris: quod si fecerimus, metuenda est pœna, ne omnem mentem & sensum nobis adimat. Tertium, ut ab eo petamus & illuminationem & conseruationem sensuum, in ipsius gloriam.

Et ait illis: qui sunt hi sermones, quos confertis ad inuicem ambulantes, & estis tristes. Hæc satis ostendunt, quod antea dixi, eos uersatos fuisse inter metum & spem, sed tantum metum non superasse. Verū Dominus hīc uacillantes confirmat, quod Paulus dicit: Dominus non finit uos tentari supra id quod potestis: sed faciet cum tenta-



tentatione etiam euasione, ut possitis sustinere. Hic duo illi discipuli succubissent, & illorum fides fuisset extincta tentatione, id quod illorum tristitia testatur, nisi Christus mox aduenisset & illorum ruinam crexisset: horum exemplo & Christi facto, & nos consolemur & erigamus.

Et respondens unus, cui nomen Cleophas, dixit: tu solus peregrinus es in Hierusalem, & non cognouisti quæ facta sunt in hisce diebus? Miratur Cleophas, quod solus ignoret, quod toti ciuitati notum erat, & omnibus qui illuc ad festum Paschæ confluerant peregrinis.

Quibus ille. Quæ? De Iesu Nazareno &c. Responsio Cleophas quatuor habet. 1. Confessio est de Christo, & testimonium, qualis nimirum fuit: qui (inquit) uir Propheta, potens in opere & sermone coram Deo & omni populo.

Hæc descriptio tria de Christo habet. Primo loco, quod Christus sit Propheta, id est, doctor uoluntatis Dei à Deo missus. Deinde q, non fuerit uulgaris Propheta: sed potens in opere & sermone, id est, excellens uitæ sanctitatis et docendi facultate. Tertiò additur, coram Deo & hominibus, quo significatur Christum ita Propheticum munus obijisse, quod se sanctè in omnibus gesserit, tanquam sub Dei oculis. Hæc Christi confessio magna fuit, etsi non plena. Pharisei, sacerdotes summi, Pilatus, Herodes, Christum tanquam blasphemum occiderunt: Hi discipuli cum à Deo missum

X 4 testan



testantur, unde nos hanc hauriamus doctrinam, & in religione non sit sequendum potentium iudicium: sed uerbi Dei regula. Illi offensi erant externa specie Christi: hi ueritatem Dei secuti, se quantum potuerunt blasphemis istis opposuerunt.

SECUNDVM, quod est in Cleophae responsione, est narratio Domini: in qua, & a quibus sit damnatus, & quo mortis genere sit affectus testatur. Summi, inquit, sacerdotes & principes nostri in damnationem mortis eum tradiderunt. Hostes Christi aperte pronuntiat summos sacerdotes & principes: unde & nos monemur, paulam accusare eos qui Euangelium persequuntur, ut Papa facit & multi tyranni in orbe terrarum. Deinde quo mortis genere sit affligit indicat, cum inquit, & crucifixerunt eum, Quo mortis genere nullum fuit ignominiosius in mundo: quo tamen non est absteritus Cleophas, quò minus illum pro uiro sancto habuerit.

TERTIVM, quod est in Cleophae responsione, est confessio fidei in Christum. Nos, inquit, sperabamus quòd ipse esset redempturus Israel, fatetur aperte Cleophas se in Christum credere, quem summi sacerdotes occiderunt: atq; hæc est indoles ueræ fidei: qui enim fide credit ad iusticiam, ore confitetur ad salutem.

QUARTVM, quod est in responsione Cleophae, est fidei imbecillis confirmatio ex promissione Christi, & testimonio mulierum, uisione Angelorum



gelorum & discipulorum quorundam testificati-  
one. Nam cum tertium diem nominat Cleophas, id  
facit ideo, quia Dominus promiserat se tertio die  
resurrecturum. Hanc promissionem completam  
credit, etsi inter spem & metum iactatur: sed con-  
tra metum adhibet fidei fomenta, ne prorsus extin-  
guatur. Quod autem corpus à mulieribus non fuisse  
reperitum narrat, & oblatam illis Angelorum  
uisionem indicat, & quod de sepulcro uacuo dixe-  
rant mulieres, uirorumq; testimonio idem fuisse  
probatum, eò pertinet, ut sibi certò persua-  
deat Christum surrexisse. Ita pius homo inter fidem  
& metum dubius, fidei adhibet fulcimenta, & con-  
tra metum pro sua uirili luctatur.

Sed quid ad hæc Dominus? O stulti, inquit, &  
tardi corde ad credendum omnibus, quæ locuti sunt  
Prophete: Hic primum fides nostra habet quod à  
Christo discat. Christus reprehendit quidem in il-  
lis discipulis cum discendi, tum credendi tardita-  
tem, sed non abiicit imbecilles: sed suo more eos  
potius paternè castigat & imbecilles iuuat, ne me-  
tu fracti fidei igniculum extinguant. Venit enim  
ut medicus esset infirmorum, non ut infirmos ter-  
rore occideret. Hinc nos discamus, quod Christus  
non uelit quenquam abiicere, qui exiguam & im-  
becillum fidem habet, modò eam confirmari & au-  
geri per uerbum Dei permittat. Sed quid repre-  
hendit in his duobus discipulis? Duo. Ignorantiam  
seu discendi ignauiam, & tarditatem ad creden-

X S dum



dum Prophetis. Ignauia impediuit intellectum: tarditas remorata est fidem. Etsi enim habuerunt per exiguam fidem: tamen oportuit eos maiores progressus fecisse, qui non solum ab ineunte aetate Prophetarum uaticinia de Christo audiuerant, sed et ipsum Christum praedicentem, quo mortis genere erat afficiendus, et quod tertia die iterum uiuus de sepulcro erat egressurus. Hic et nostra taxatur ignauia, qui per tot annos audimus Euangelium, inter quos tamen multos inuenire est, qui nondum didicerunt symbolum Apostolicum, quibus admodum metuo, nisi mature resipiscant.

Postquam Christus reprehendit, incipit docere, quod est boni magistri, ait igitur: Non ne haec oportuit pati Christum, & ita intrare in gloriam suam? Haec Domini docentis propositio est, cuius hic sensus est: Christus debuit iuxta Prophetarum uaticinia pati mortem crucis, et postea excitatus a mortuis in suam gloriam intrare. Pati quidem debuit propter peccata nostra: resurgere uero propter iustificationem nostri, Rom. 4. Cum ergo fatimini me Christum esse, debetis etiam ex Prophetis scire, quod me oportuerit mori et resurgere a mortuis. Hoc etiam ex Mose et Prophetis ostendit: sed Euangelista, quibus scripturae locis hoc fecit, non explicat. Non est tamen dubium quin promissionem de Christo primum Adae propositam exposuerit, quae est: Semen mulieres conteret caput serpentis, et huiusmodi alias multas, quales haec

¶ die



audiuistis. Moses mandato Dei erexit aneum serpentem in deserto, in quem qui aspexerunt, à suis sanabantur plagis: quem typum Christus explicans Iohan. 3. ait: Sicut Moses exaltauit serpentem in deserto: ita oportet filium hominis exaltari, ut omnis qui credit in eum, non pereat, sed habeat uitam eternam. Verum cum hæc ex Mose & Prophetis recitat, appropinquant pagum, quò iter instituerant, & ille finxit se longius ire, at illi cogunt eum & rogant ut apud se maneat. Hinc nos discamus, quo in loco habere debeamus eos, qui nos errantes obiurgant, & in uiam sanæ doctrinæ reuocant. Non hic rursus obiurgant Christum & eum stultum uocant: sed agnoscunt suam stulticiam & præbent se dociles ei, quòd de errore suo & stulticia liberentur. Hoc omnes faciunt pii: contra, impij fremunt & aduersus eos insaniunt, qui se in uiam reuocare conantur monstrato eorum errore, sicuti nuper audiuius Iudæos fecisse.

DE TERTIA PARTE.

Iam quid in domo gestum sit, sequitur: Et factum est (inquit Euangelista) dum discumberet cum eis, accepit panem & benedixit ac fregit, & porrigebat eis. Et aperti sunt oculi eorum, & cognouerunt eum. Hic exponit Euangelista, quòd discipuli agnouerint Dominum in fractione panis: nam quoties Dominus sumebat cibum, habuit & peculiarem modum precandi, & singularem gestum porrigendi panem: quæ cum sepe



sepe in Christo animaduertissent, agnouerunt ipsum, qui iam excitatus à mortuis, eundem morem seruauit, quem antea. Quemadmodum itaq; discipuli hoc gestu agnouerunt Christum: ita nos eius exemplo discamus, quoties pane uestimur, ipsi uite auctori gratiarum actionem offerre, quæ nota nos à prophanis hominibus discerneret.

Porro agnitus Christus euauit ab oculis eorum: ipsi uerò suauius de eo iam colloquuntur quàm antea. Non ne (inquiunt) cor nostrum ardebat in nobis in uia, dum loqueretur nobis & aperiret nobis scripturas. Hic obseruamus fructum uerbi Dei in hominibus. Etsi aut Christum iam non apparet corporaliter & nobis loquitur: tamen loquitur nobis per ministros uerbi, sicut ait: Qui uos audit, me audit. Quis est ille fructus? Qui autem uerbum Dei auribus & corde audit, in eo ignis quidam incenditur, & incipit ardere cor eius: ut ergo qui hunc ardorem in corde suo non sentit, quando uerbū Dei audit, habet aures, sed nō ad audiendum, & cor, sed non ad intelligendum: idq; suo proprio uicio, quia Spiritui sancto resistit: ita qui hunc ardorem sentit in suo corde, habet testimonium loquentis spiritus Christi in se, & quod ueram uiuamq; fidem habeat: Quare mone-mur, ut in timore Dei summa cum reuerentia & desiderio uerbum Dei audiamus.

DE QUARTA PARTE.

Et surgentes eadem hora regressi sunt in Hieru-

PASCHA  
FERIA  
PASCHA



Mauiem hae  
pse, discumbe



Hierusalem, & inuenerunt congregatos undecim zc. Hæc docent, quòd ardor ille, qui in nobis ad prædicationem uerbi accenditur, non sit ociosus: sed se mox etiam foris ostendat: nam qui Christum uerè nouit, is etiam cupit, ut alij etiam ipsum agnoscant, ut multi simul eum prædicare possint. Vt talis ardor in nobis accendatur, faxit saluator noster Iesus Christus, cui cum Patre & Spiritu sancto sit honor in secula, Amen.

# FERIA TERTIA

PASCHATOS, Luca 24.



**D**V M autem hæc loquuntur, uenit Iesus ipse, discumbentibus illis, & stetit in medio



medio eorum & dicit eis, Pax uobis. Et exprobrauit illis incredulitatem suam & cordis duriciem, quod ipsi qui se uidissent resurrexisse non credidissent. Expaufacti uero & contriti existimabant se spiritum uidere, Et dixit eis, Quid turbati estis, & cogitationes ascendunt in cordibus uestris? Videte manus meas & pedes meos, quia ego ipse sum. Contrectate me & uidete, quia spiritus carnem & ossa non habet, sicut me uidetis habere. Et cum hæc dixisset, ostendit eis manus & pedes, & latus suum. Gauisi sunt ergo discipuli uiso Domino. Adhuc autem illis non credentibus, & præ gaudio mirantibus, dixit eis, Habetis hinc aliquid edulgentis? At illi obtulerunt ei partem piscis assi, & aliquid de fauo apianio, Et accepit & in conspectu illorum comedit, & dixit ad eos, Hæc sunt uerba, quæ locutus sum ad uos, cum adhuc uobiscum essem, quod necesse foret implere omnia quæ scripta sunt in lege Moyse, & Prophetis, & Psalmis de me. Tunc aperuit illorum mentem, ut intelligerent scripturas, Et dixit eis, Sic scriptum est, & sic oportebat Christum pati & resurgere à mortuis tertia die, & prædicari in nomine eius poenitentiam ac remissionem peccatorum in omnes gentes, initio facto ab Hierosolymis. Vos autem estis testes horum. Et dixit eis iterum, Pax uobis. Sicut



Sicut misit me Pater, ita & ego mitto uos.  
Hæc cum dixisset, flauit in eos, & dicit eis:  
Accipite Spiritum sanctum, Quorumcunq;  
remiseritis peccata, remittuntur eis, quorum-  
cunq; retinueritis, retenta sunt.

## ENARRATIO TEXTVS.

**H**ÆC est quinta apparitio Domini ipso die  
Paschatos, qua apparuit discipulis confabu-  
lantibus de ipso. Primum enim apparuit Mariæ  
Magdalene, e qua septem eiecit demonia. 2. Ap-  
paruit mulieribus redeuntibus à sepulcro. 3. Ap-  
paruit Petro. 4. Cleophae & socio eius. 5. Vt hic  
textus habet, undecim discipulis de illo confabu-  
lantibus. Loci duo.

- I. Salutatio Christi & testimonia quibus pro-  
batur eius resurrectio.
- II. Neceſſitas mortis et resurrectionis Christi, &  
eiusdem usus, uidelicet quòd oporteat in e-  
ius nomine prædicari poenitentiam & re-  
missionem peccatorum omnibus gentibus.

## DE PRIMO.

Iesus stetit in medio eorum & dixit eis:  
Pax uobis. Discipuli mæsti loquuntur de Chri-  
sto, qui illis adest iuxta promissionem: ubicunq; fu-  
erint duo uel tres congregati in nomine meo, ego  
ero in medio illorum. Etsi enim id non semper fit  
corporaliter: tamen uerè fit. Non enim unquam  
faciet contra suam promissionem. Quid autem as-  
fert quando uenit, ostendit eius salutatio, qua hic  
suos



suos mœstos consolatur discipulos. Nam cum datus est Christus mœstis in cōsolationem, hic pacem offert dicens: PAX VOBIS. Hæc pax, quam suis optat, non est vulgaris, sed diuina: non mundi, sed regni cœlorum, inter Deum & hominem. Verum ut nos intelligere possimus, quātum sit bonum hæc pax, quā Christus suis offert, copiosius exponam, quæ in huius pacis consideratione concurrunt: unde huius pacis plenam descriptionem colligemus.

Quia pax sancitur inter partes disidentes, Primū spectandum est, quænam sint partes disidentes. Sunt autem duæ: Deus & homo. Deus felix & beatus est sine homine, homo miser & damnatus est sine Deo: ergo Deus non opus habuit, ut pacem cum homine quæreret, sed homo sine pace cum Deo extremè miser est, atq; ideò nulla re magis opus habet, quā pace cum Deo.

Deinde cum partes disidēt, necesse est aliquam offensam præcessisse. Hæc offensa non à Deo, sed ab homine initium sumit. Quænam est illa offensa? Peccatum. Hoc peccatum fuit quædam à Deo proditoria defectio ad diabolum, cui se homo subiecit. Quanta autem sit hæc offensa, facile æstimare est ex eius magnitudine, multitudine, turpitudine et pœna. Magnitudo est, q̄ creatura creatorem offendit & contempsit, qui hominis summum bonum fuit. Multitudo ex eius fructibus spectatur. Turpitudine ex horrenda contaminatione humani generis, quæ secuta est hanc offensam. Pœna, maledictio



& damnatio, ut taceam innumeras calamitates & erumnas, quibus humanum genus in hac uita tantum non oppressum est.

Cognita offensa, quæ fecit nos Dei hostes, tertio loco mediator considerandus est, qui certè debuit esse talis, qui et Deum offensum placare posset, & qui illatam iniuriam iustè compensaret. Deum offensum creatura non potuit placare, iniuriã compensare Deus non debuit: Querendus igitur fuit talis mediator, qui & potuit per potentiam, et debuit per naturam. Cum talis non potuit haberi, æternus Dei filius altera persona in trinitate uenit in mundum, et assumpsit humanam naturam, & factus est homo, Iesus Christus. Hic Iesus Christus coniunctus est Deo Patri diuinitate, & homini per humanitatem: Quare potuit ut Deus, debuit ut homo, qui nostram causam in se recipit.

Hic mediator compensauit iniuriam: nam nostrum reatum in se recepit, pro quo pœnas luit in ara crucis, ac ita satisfecit iusticiæ Dei. Verũ quia nos adhuc manemus peccato coinquinati, Christus tota sua uita in hoc mundo legi Dei obediuit perpetuò, plenè & perfectè, quam iusticiam credentibus imputat, ut sint iusti in Dei conspectu: atq; ita uictima sua iram Dei placat, & obedientia sua nos uestit, ut iusti appareamus in conspectu Dei.

Facta compensatione reconciliatio inter Deum & hominem inita est: nam Pater placatus est per obedientiam Filij.

Y

Verũne



Verum quia in omni reconciliatione necesse est inter eos, qui reconciliantur, aliquod pactum intercedere, hoc quoque in hac cum Deo pace constituta conspicitur: Nam ut ex parte Dei est liberalis et paterna misericordie promissio, iuxta illud: Ero Deus tuus, et seminis tui post te. Item: Hic est filius meus dilectus, in quo mihi complacui. Vivo ego, nolo mortem peccatoris, sed ut conuertatur, et uiuat, ita ex parte hominis est fides, qua paterna promissio accipitur, quaque adoptamur in filios Dei per unigenitum filium Iesum Christum.

Ceterum quia in pactis adhiberi solent obsignationes, neque hæ in hoc summo pacto amisse sunt. Sunt autem triplices obsignationes. Prima est iuramentum Christi: Amen amen dico uobis, qui credit in me habet uitam æternam. Secunda est obsignatio per Sacramenta, Baptismum et Cœnam Domini, quæ sunt firmissima pacti inter Deum et hominem sigilla, quæ nunquam uiolabuntur, nisi homo sua culpa abiecerit fidem. Tertia obsignatio est Arrabon spiritus, qui testimonium dat spiritui nostro, quod simus filij Dei. Huc etiam illud pertinet 2. Corinth. I. obsignauit nos, et dedit Arrabonem spiritus in cordibus nostris. Hæ sunt obsignationes et sigilla, quibus pax inita inter Deum et hominem obsignatur et confirmatur, ut rata sit.

Præterea, ne quis existimet hanc pacem ad paucos quosdam pertinere, obseruanda est eius promulgatio, quæ est uniuersalis: Christus enim ascendens

surus



surus in cœlum, mandatum dedit discipulis, ut hanc pacem proclamarent per uniuersum orbem: ita enim ait: Ite in mundum uniuersum, & prædicate Euangelium omni creaturæ. Pertinet igitur hæc pax ad omnes, qui uocem Euangelij recipiunt & in Christum credunt, perseverantes usq; in finem. Nam ita ait Dominus: Beatus qui perseverauerit usq; ad finem: non est enim satis benè incepisse, nisi quis quotidianos faciat progressus.

Si quæris huius gratissimæ pacis fructus, inuenies plurimos in hac uita, & post resurrectionem, In hac uita habes huius pacis beneficio, accessum ad Deum tanquam ad Patrem clementissimum per Iesum Christum. Ita enim inquit Paulus: Fide iustificati pacem habemus cum Deo per Iesum Christum, per quem & accessum habemus ad gratiam hanc, in qua stamus. Secundus huius pacis fructus, est bona conscientia: antea enim peccati conscientia nos uexat: uerum postquam hanc pacem sentimus, conscientia bona & læta redditur, sicut latronis in cruce, quando audiuit, Hodie eris mecum in Paradiso. Ad eundem modum cum audimus in Euangelio annunciari remissionem peccatorum credentibus, conscientia credentium redditur tranquilla. Cum hac bona conscientia coniunctum est gaudium spiritus, quo efficitur, ut in medijs afflictionibus gloriemur, ut inquit Paulus. Verum hæc gloriatio, & hoc gaudium spiritus augetur meditatione uerbi, oratione, usu Sacramentorum, et ali-

X 2 is pijs



is pijs exercitijs. Hunc fructum & quartus sequitur, nimirum fraterna dilectio. Cum enim intelligimus, et fide sentimus nobis Deum communem Patrem, per communem Mediatorem nobis reconciliatum, incipimus nos inuicem diligere, tanquam huius thesauri communes heredes. Hunc quartum fructum sequitur quintus, qui est letus decessus ex uita, quemamodum Simeon conspecto autore huius pacis Christo ait: Nunc dimitte seruum tuum in pace, quia uiderunt oculi mei salutare tuum.

Post resurrectionem, huius pacis fructus erit perpetua iucunditas, perpetua leticia & fructio conspectus Dei, & sanctorum omnium, qui uiuerunt inde usque ab initio mundi: hunc fructum nemo in hac uita satis cogitare potest.

Postquam iam dictum est fusius, quæ in hac pace concurrunt: nunc contraham in breuem summam seu descriptionem, quæ sit hæc pax. Pax igitur inter Deum & hominem est mutuus consensus Dei & hominis, Dei quidem hominem propter Christum in gratiam recipientis: hominis uero oblatam gratiam fide recipientis, ac obedientiam erga Deum serio promittentis. Hæc sint dicta de pace, quam Christus hic offert, non solum discipulis undecim qui tum aderant: uerum etiam nobis & omnibus, qui hanc pacem uolunt recipere, cum illis per Euangelij prædicationem offertur. Post hæc pacificam salutationem sequitur in textu, quomodo se Christus probauerit uerè à mortuis resurrexisse,



xisse, et id ita prænunciatū in Mose, Prophetis, & in Psalmis ostendit. Verū quia de his die Paschatos & heri audiistis: nunc tantū de necessitate & usu mortis & resurrectionis Christi dicam.

## DE SECVNDO.

Sic scriptum est, & sic oportebat Christum pati & resurgere à mortuis tertio die, ac prædicari in nomine eius pœnitentiam & remissionem peccatorum omnibus gentibus, initio facto ab Hierosolymis.

Primum ergo cū dicit: sic scriptum est, uult ut non ratio, sed scriptura apud nos ualeat, quoties de regno Dei fit quæstio. Vbi autem hoc scriptum sit, addit inquit: Neceſse est impleri omnia in lege Moſis, & in Prophetis & in Psalmis. Cū igitur queritur de salute, consulendus est Moſes, legendi sunt Prophetæ, & cognoscendi sunt Psalmi, deinde scripta Euangelistarum & Apostolorum. Quicquid cum istis scriptis pugnat repudiandum est, tanquam à Satana profectum.

Quid scriptum est? quod oportuerit sic pati Christum et resurgere ex mortuis tertio die. Cū dicit, SIC OPORTEBAT, necessitatem mortis & resurrectionis Christi indicat.

Quare ergo oportebat? 1. Vt impleretur scriptura, quæ mentiri nequit. Vt enim Deus manet in æternum: ita eius uerbum in æternum manet, & Christus dicit: Cælum & terra transibunt, uerba autem mea non transibunt. 2. Oportebat hoc fieri,

Y 3 quia



quia ita Deus decreuit. Nullo. n. pacto fieri potest, ut quod Deus certò constituit, non procedat. 3. Oportebat Christum pati propter hominum redemptionem à pœnis æternis, quas suis peccatis meruerant: nisi enim Christus fuisset passus, nos in peccatis sub ira Dei mansissemus. 4. Oportebat Christum pati propter gloriam, qua postea coronandus erat. 5. Oportebat Christum pati in nostri instructionem et consolationem: is cum caput sit, debuit præcedere, cum in cruce tum in gloria. 6. Oportebat Christum pati, ut figuris responderet ueritas: mul-  
tæ. n. figure ueteris testamenti, mortem & resurrectionem Christi representabant, de quib. dictum est die Paschatos. Breuiter, ut uno uerbo omnia complectar, Christus passus, mortuus & excitatus est, ut placaretur Deus offensus, saluaretur genus humanum, & destrueretur regnum Diaboli.

Habemus quanta fuerit necessitas mortis et resurrectionis Christi, iam audiamus, quis sit fructus & usus huius admirandi operis. Id quod Dominus hisce uerbis exponit: Et prædicari in nomine eius pœnitentiam & remissionem peccatorum omnibus gentibus. Ex his primùm colligitur, quid sit Euangelium, & quæ eius summa. Euangelium est prædicatio pœnitentiæ & remissionis peccatorum propter Christum. Summa Euangelij est, quòd liberatio à peccatis & salus contingat per solum Iesum Christum. Verùm ut platius nobis euadat, quanta beneficia nobis offerantur



tur per Euangelium, quæ omnia sub his Christi uerbis latent, paulò copiosiore descriptionem ex scripturis adferam.

Euangelium est uniuersalis prædicatio, in qua annunciantur liberatio à maledictione legis & ira Dei, et proclamatur remissio peccatorum, salus ac uita æterna credentibus in filium Dei propter eiusdem uictimam, secundum promissiones olim patribus factas, ut perpetuò gloria bonitatis Dei prædicetur, utq; porro dignos Euangelio fructus edāt homines per Christum liberati, tandemq; uita fruantur æterna.

In hac descriptione primùm significatur à quibus malis per Euangelium liberamur, nempe à maledictione legis, iuxta illud Galat. 3. Christus factus est pro nobis execratio, hoc est, execratione, quam nos meruimus nostris peccatis, is in se recepit, ut nos fieremus hæredes iusticiæ et benedictionis. Hoc etiam testatur Paulus 2. Corin. 5. ubi ita ait: Eum qui non nouit peccatum, fecit peccatum, ut nos fieremus iusticia Dei in ipso. Hoc est, Christus qui immunis erat ab omni peccato, factus est reus pro nobis: ergo rectè dictum est nobis per Euangelium annunciari liberationem à maledictione legis. Deinde, quia cum maledictione legis etiam ira Dei erat coniuncta, liberamur etiam ab ira Dei, cum credimus Euangelio. Qui non credit (inquit ueritas) ira Dei manet super eum: proinde qui credit, non amplius est sub ira: sed sub gratia. Iam ubi



gratia regnat, nulla uis est tyrannidis Diaboli, nullus stimulus mortis æternæ, nullus motus inferni: ab istis ergo malis liberationem prædicat Euangelium.

Sed quæ bona sunt quæ annunciat? Annunciat remissionem peccatorum, salutem & uitam æternam. Nos rei peccati sumus natura, maledicti & damnati ad mortem æternam: sed iam Christus in suo Euangelio annunciat nobis remissionem peccatorum, salutem, & uitam æternam, quæ bona nobis meruit sua morte & gloriosa resurrectione.

Habemus à quibus malis liberamur per Euangelium, & quæ bona nobis offeruntur per idem: nunc sequitur, quibusnam contingant ista bona, nimirum credentibus in filium. Hoc multis probatur scripturæ testimonijs: Qui credit, inquit Christus, habet uitam æternam. Vt hanc præcedit remissio peccatorum: ita cum ea coniuncta est salus. Et Petrus dicit fidei nostræ finem esse salutem animarum. Hoc ipsum hic significatur cum dicitur: oportet prædicari poenitentiam, qua scilicet ob peccatum perpetratum dolemus & confugimus ad Christum, qui ait: non ueni uocatum iustos, sed peccatores ad poenitentiam. Post hæc sequitur, cuius beneficio tanta bona consequimur, propter uictimam Christi, id est, propter mortem et resurrectionem Christi. Vnde Paulus Rom. 4. Mortuus est propter peccata nostra, & excitatus propter iustificationem nostri.

Et



Et ne quis nouam doctrinā existimet Euangelium esse, adieci in definitione, secundum promissionem olim patribus factam, nam & Adamo post lapsum facta promissio, Gen. 3. & sepè postea repetita est, & inculcata patribus spacio 4000. annorum, donec Christus in carnem uenit.

In fine adduntur fines. 1. liberatio à legis sententia per Christum. 2. ut liberati fructus dignos Euangelio edant. 3. ut prædicent hoc tantum beneficium. 4. ut tandem plenam redemptionem consequantur in uita eterna per Dominum nostrum Iesum Christum, cui cum Patre & Spiritu sancto laus, honor, & gloria in secula seculorum, Amen.

## DOMINICA PRIMA

POST PASCHA, Iohan. 20.

**C**Um uespera esset die illo, qui erat unus Sabbatorum, & fores essent clausæ, ubi discipuli erant congregati propter metum Iudæorum, uenit Iesus, stetitq; in medio & dicit eis, Pax uobis. Et cum hæc dixisset, ostendit eis manus ac latus suum. Gauisi sunt ergo discipuli uiso Domino. Dixit ergo eis iterum, Pax uobis, Sicut misit me Pater, ita & ego mitto uos. Hæc cum dixisset, flauit in eos, & dicit eis: Accipite Spiritum sanctum, Quorumcunque remiseritis peccata, remittuntur eis: quorumcunque retinueritis, retenta sunt. Thomas autem unus ex duodecim, qui

Y S dicitur





dicatur Didymus, non erat cum eis quando uenit Iesus. Dixerunt ergo alij discipuli: Vidimus Dominum, Ille autem dixit eis: Nisi uidero in manibus eius uestigium clauorum, & mittam digitum meum in uestigium clauorum, & mittam manum meam in latus eius, non credam. Et post dies octo iterum erant discipuli eius intus, & Thomas cum eis. Venit Iesus ianuis clausis, & stetit in medio, & dixit: Pax uobis. Deinde dicit Thomæ: Infer digitum tuum huc, & uide manus meas, & admoue manum tuam, & immitte in latus meum, & noli esse incredulus, sed credens. Respondit Thomas, & dicit ei,



INICA I. POT



idimus, non erat cum  
Dixerunt ergo alij  
minum, Ille autem  
manibus eius uestige  
nitram digitum meum  
rum, & mittam manu  
non credam. Et post  
discipuli eius intus, &  
Venit Iesus ianuis clausis  
dixit: Pax vobis. De  
infer digitum tuum ha  
as, & admoue manu  
latus meum, & noli esse  
lens. Respondit Thoma

ei: Dominus meus, & Deus meus. Dicit ei Iesus: Quia uidisti me Thoma, credidisti, beati qui non uiderunt, & crediderunt. Multa quidem & alia signa fecit Iesus in conspectu discipulorum suorum, quæ non sunt scripta in libro hoc, hæc autem scripta sunt, ut credatis quòd IESVS est CHRISTVS ille filius Dei, & ut credentes uitam habeatis per Nomen eius.

ENARRATIO TEXTVS.

**H**OCEuangelium continet partem Historiæ, quàm scripsit Iohannes Euangelista de resurrectione Domini, in qua parte, uisibili & carnali præsentia, uoce, facto, & signis testatur Dominus se à mortuis resurrexisse: Et commendans discipulis ministerium uerbi, prædicat beatos fore qui in se crediderint. In fine textus additur causa finalis totius sacræ scripturæ: ita enim inquit, Hæc scripta sunt ut credatis, & ut credentes uitam habeatis in nomine eius. Cæterum quia satis dictum est superiori septimana de resurrectione Domini, nolo pluribus de ea hac uice agere: sed dicam de tribus alijs locis, qui in hoc continentur Euangelio. Loci:

- I. De ministerio uerbi, & potestate Ecclesiæ.
- II. De Thomæ confessione.
- III. De fine sacræ scripturæ.

DE PRIMO.

Verba

11



Verba textus de uerbi ministerio & potestate Ecclesie sunt hæc. Pax uobis: sicut misit me Pater, & ego mitto uos. Hæc cum dixisset, inflauit, & dixit eis: Accipite Spiritum sanctum, Quorumcunque remiseritis peccata, remittuntur eis: & quorum retinueritis, retenta sunt. Hic habemus pauca uerba, sed efficacia, quæ continent copiosam doctrinam, quam omnes Christiani scire debent. Quare uos hortor, ut sitis attentis, quò hanc doctrinam percipere possitis, quò autem id fiat commodius, distinguam hæc uerba, quibus ministerium instituitur, in quatuor partes. PRIM A pars: Pax uobis. SECUNDA pars: Sicut misit me Pater, ita ego uos mitto. TERTIA pars: Inflauit & dixit: Accipite Spiritum sanctum. QUARTA pars: Quorumcunque remiseritis peccata, remittuntur eis, & quorumcunque retinueritis, retenta sunt: de his quatuor partibus ordinè dicam.

PRIM A pars, nempe saluatio, PAX VO= BIS, consolatur non solum discipulos, qui tùm aderant, uerumetiam animum addit omnibus, qui sunt & qui futuri sunt ministri uerbi in Ecclesia. Qui ministerium uerbi in se recipit, statim habet hostem Diabolum, qui perpetuò ipsius doctrinæ & uitæ insidiatur. Si doctrinam corrumpere non potest, uitam contaminare studet, ut quod uerbis docet, quis factis neget. Si uitam non potest diabolus polluere, doctrinæ insidiatur, ut homines decepti  
erronea



erronea doctrina, damnentur. In multis & doctrina  
nam & uitam contaminat. Deinde habet minister  
uerbi etiam mundum aduersus se, qui nunc tyrannide,  
nunc hypocrisi, nunc sophistica se adoritur,  
ut officio suo non recte fungatur.

Quid faciet minister uerbi in tantis periculis?  
Cōsolabitur se hac Christi uoce: PAX VOBIS,  
et simul orabit Deum, ut se in hac pace contineat,  
ne uel doctrina, uel moribus cursum Euangelij im-  
pediat: pluris faciet pacem Christi, quam omnes  
mundi delicias & amicitias. Hæc sit ergo consola-  
tio ministrorum Euangelij, qui pugnare debent  
aduersus Diaboli insidias, mundi tyrannidem, hy-  
pocrisin & sophisticen.

SECUNDA pars est: Sicut misit me Pa-  
ter, ita ego mitto uos. Quomodo Pater misit fili-  
um? Pater misit filium, ut regnum diaboli aboleret,  
iuxta illud: Semen mulieris conteret caput serpen-  
tis. Item Christus apparuit ut destruat opera Dia-  
boli. Quid? An non solius Christi est conterere ca-  
put serpentis? An non solius Christi est destruere  
opera Diaboli? Verè solius Christi est: sed in hoc  
tanto opere, opus est duabus machinis: uictima &  
doctrina. Christus est missus, ut solus sua uictima  
iratum Patrem placet, et diabolum superet. Deinde  
quia hoc beneficium hominibus per doctrinam  
offertur, destruxit etiam opus diaboli per doctri-  
nam. Proinde Christus missus erat ad duo, ad pla-  
candum Deum uictima, & ad docendum. Ad pri-

us



us illud, solus Christus mitti idoneus fuit: ad posterius, hoc est, ad docendum missi fuerunt olim omnes Prophetae & postea Apostoli & homines omnes, qui legitime sunt uocati ad praedicandi munus. Quantum ergo ad docendum attinet, Christus mittit discipulos, quemadmodum ipse erat à patre missus. Hinc duo colligamus. Primum discrimen inter regna mundi et Ecclesiae administrationem, seu inter gubernatores mundi et gubernatores Ecclesiarum. Ministri enim uerbi non mittuntur, ut dominetur in terra: Christus enim nullum dominium sibi uendicauit, nec mittuntur ad pompas huius mundi, quas Christus contempsit, sed ad docendum Euangelium ad erigendum regnum Dei, ad salutem annunciandam hominibus. Deinde hinc colligendum est quae sit uerbi, quod praedicant uocati ad ministerium, autoritas: Sicut Pater, inquit, me misit, ita ego uos, ut non uestro, sed meo nomine loquamini. Huc illud dictum Domini ad discipulos, Matthaei decimo, Qui uos audit, me audit, qui uos spernit, me spernit. Hinc habent, qui docent uerbum, consolationem: & qui audiunt, grauem admonitionem. Nam cum docentes uerbum pie in legitima uocatione, patiuntur aliquid ab ingrato mundo, habet ex eo consolationem, quod uice Christi fungantur, & Christus cum illis iniuriam patiatur, qui se suo tempore ulciscetur: Qui uero audiunt uerbum, admonentur primum de autoritate uerbi: non enim secus audire uerbum debent, quam si Christi-



si Christum ipsum loquentem audirent. Deinde admonentur, ut pios uerbi ministros in precio habeant, tanquam Christi legatos. Præterea admonentur pœnæ in quam iusto iudicio Dei incurrerent qui cunq; uel uerbum prædicatum, uel ipsos ministros contemnunt. Debent quoq; ministri uerbi cogitare in quem gradum dignitatis sint euecti, ne uel doctrinæ puritatem inficiant, uel moribus malis à se auditores alienent.

**TERTIA pars:** Et cum dixisset, insufflauit & dixit eis: Accipite Spiritum sanctum. Hæc uerba singularem doctrinam continent. Nam Christus his uerbis ostendit, unde uerbum quod prædicatur uoce ministrorum, habeat suam uim et efficaciam, quæ sanè non inclusa est in uoce ministrorum, nec pendet ex sanctitate & dignitate hominis: sed omnis uerbi uis & efficacia ex uirtute spiritus Christi proficiscitur: Nam cum hic Christus sufflat in discipulos, ac iubet eos accipere Spiritum sanctum, significat Spiritum sanctum perpetuò affuturum ministerio uerbi: Quasi dixisset: Ecce uos eritis ministri noui testamenti, qui Ecclesiam mihi in mundo edificabitis, per prædicationem Euangelij, & scio quàm sitis imbecilles ad tantum opus peragendum, præsertim cum Diabolus, mundus & ratio omnium hominum se uobis opponet. Quapropter huic uestro ministerio uolo adesse Spiritum sanctum, per quem labor uester erit efficax: is enim uirtute sua faciet, ut uerbum meum



meum quod prædicabitis, non sit ad uos uacuum redditurum. Hic utilem doctrinam & admonitionem colligamus. Doctrinam quidem, quod Spiritus sanctus sit alligatus uerbo, & uelit per illud esse efficax. Consolationem uerò, qua, & qui docent, et qui audiunt se erigunt præsentia Spiritus sancti aduersus suæ salutis hostes.

QUARTA pars : Quorum remiseritis peccata, remittuntur eis, & quorum retinueritis, retenta sunt. His uerbis instituit & sancit spirituales illam Ecclesiæ potestatem, quam uocamus potestatem clauium, & ostenditur clauis, qua aperitur & clauditur regnum cælorum.

Verum ut hæc utilissima doctrina clare ab omnibus intelligi possit, uolo iam in quædam puncta distinguere, quæ sunt: unde sit potestas Ecclesiastica, quid sit, penes quem sit, & in quo consistat. His punctis benè intellectis, nemo erit qui non dextrè intellecturus sit, quænam res & qualis sit potestas Ecclesiastica.

Vnde ergo est hæc potestas? A Deo per Iesum Christum. Si. n. hominem spectes, est ministeriū purum: At si Christum, sublimis est potestas, qua nulla in terra maior, uel utilior, uel dignior existit: Nam Christus sedens ad dexteram Patris in solio Maiestatis suæ, hanc potestatem administrat. Qui igitur hanc potestatem contemnit, & eius fructu priuatur, & est in filium Dei contumeliosus.

Quid est potestas Ecclesiæ? Est potestas remittendi



tendi & retinendi peccata, hoc est, prædicandi Euangelium, cui qui credit aperitur regnum cælorum, qui uero non credit, ei ostenditur esse clausum.

Penes quem est hæc potestas? Penes Ecclesiam: quando Petro & alijs Apostolis Dominus dedit clauces, apud ipsam Ecclesiam clauces has deposuit, & a qua ministri habent clauces, tanquam ancilla clauces sue heræ habet.

In qua re consistit potestas clauium? In efficacia Spiritus sancti, qui in uerbo & per uerbum est efficax, & fidem in auditoribus uerbi operatur: ita uerbum est ueluti una clauis, quam adhibet minister uerbi, & fides est altera clauis, quam adhibet Spiritus sanctus, quæ clauces cum adhibentur, aperitur regnum cælorum.

His ita explicatis, uerba huius textus altius perpendamus. Primum igitur cum dicit: Quorumcunque siste gradum et de hac uoce quorumcunque cogita, i. quod promissio gratiæ sit uniuersalis: hanc uniuersalem promissionem opposito tentationi de particularitate, & te in uniuersalem promissionem includito. Deinde hanc uocem quorumcunque multitudini peccatorum oppone. Cum igitur tentaris ad desperationem ob peccatorum tuorum multitudinem, ueniet in mentem hæc Domini promissio: Quorumcunque &c. Non dicit, si pauca peccata quis perpetrauerit, aut si multa: neque dicit, si Iudæus est, si Græcus, nobilis, ignobilis,

Z

lis,



lis, diues aut pauper: sed dicit Quorumcunq;  
Præterea hic locus monet, quod & publicè & pri-  
uatim possit fieri absolutio. Sic Deus tria millia ho-  
minum publicè absoluit. Item priuatim Corneli-  
um, sicut & Nathan Propheta Dauidem. Generali  
illa absolutione utuntur ministri uerbi quoties Eu-  
angelium prædicant. Speciali quando ratio hæc  
postulat, hoc est, quando aliquis priuatim collo-  
quium cum ministro uerbi expetit, confirmandæ  
sue fidei causa.

2. Ponitur in textu PECCATA sine addi-  
to, quare omnia peccatorum genera hic intelligi  
debent, quæ sunt quatuor. 1. uiciositas nature. 2.  
pullulantes rami ex mala radice. 3. peccata errore  
commissa. 4. peccata uoluntaria. Nullum planè  
peccatum est, quod non ignoscitur, si uenia pro-  
pter Christum petatur.

3. Verbum REMITTERE obseruandū est,  
pro quo Mattheus habet soluere. Iubet Dominus  
ut discipuli peccata remittant & soluant. Remit-  
tant quidem ut debitū: soluant uerò ut onus præ-  
grauans. Peccata siquidem sunt debita, quia ut de-  
bita obligant ad solutionem: ita peccata ad satisfac-  
tionem poenæ, nisi fiat remissio. Sunt et onera pec-  
cata, quia ut onus graue portantem deprimit, ut  
tandem sub eo cadat: ita peccata maledictionis one-  
re & legis sententia opprimunt, donec Christus  
uenerit, et onus in se leuauerit. Sed quid? potest ne  
homo peccata soluere & remittere? Deus dicit  
Isaie



Isaie 43. Ego sum, ego sum ipse, qui deleo iniquitates tuas, & peccatorum tuorum non recordabor. Hoc testimonium conuincit, quod solus Deus remittit peccatum. Rursus cum hic dicit Dominus, Quorumcunque peccata remiseritis, erunt remissa in coelo. Respondeo, Christi dictum manifeste indicat duplicem esse remissionem, unam in terris à ministris uerbi: alteram in coelo, quæ à solo Deo fit. De hac posteriori loquitur Isaias. Breuiter, Deus ut Dominus: ministri uerbi, ut serui & nuncij remittunt, qui Domini sui uoluntatem annunciant, quæ remissio fit uoluntatis Dei annunciatione. Hoc probatur Num. 6. ubi ita ait Dominus: Sacerdotes ponent nomen Domini super filios Israël, sed ipse benedicam: soluere ergo sacerdotis, est indicare culpam à Deo remissam.

Sed quomodo retinent peccata? uerbo et iuxta uerbum, hoc est, quaecunque peccata indicauerint uerbo Dei esse retenta, erunt etiam in coelo. Plura de hac re dixi in festo Coenæ Dominicæ: Quare nunc ad secundum locum pergo, de quo breuissimè dicam.

## DE SECUNDO LOCO.

De Thoma habemus duo in hac historia, nempe incredulitatem et confessionem: incredulitatem indicat his uerbis: Nisi uidero in manibus fissuram clauorum &c. non credam. Audiuit alios discipulos narrantes se uidisse Dominum: is autem immemor omnium prædictionum Prophetarum et Christi non



Si non credit. Adeo ratio hominis in rebus salutis se Deo & eius uerbo opponit. Hactenus de eius incredulitate: sequitur de eius fide & confessione. Post dies octo iterum erant discipuli & Thomas cum eis in una domo, & uenit Iesus clausis ianuis, & stetit in medio eorum, & dixit, Pax uobis, & dixit Thomæ, Infer digitum tuum huc, & uide manus meas &c. & noli esse incredulus, sed fidelis. Audita uoce Domini, & conuictus manifesto signo, concipit fidem, ex qua hanc promittit confessionem, Dominus meus, & Deus meus. A Thoma igitur duo discamus, unde fides sit, & qualis uera fidei confessio. Fides ex uerbo & signo, sicuti nos habemus Euangelium uerissimum Christi uerbum, & signa duo augustissima, Baptismum & Cœnam Domini. Hæc fides concepta uerbo & confirmata signo, ueram edet confessionem, qualis hæc Thomæ est, qui hic clamat, Dominus meus, & Deus meus. Hæc Thomæ confessio, si rectè perpenditur, quatuor continet. Primum enim agnoscit Christum eundem hominem esse, qui ante triduum fuit occisus à Iudeis. Deinde cum Deum appellat, eius diuinitatem fatetur. Tum cum non duos Dominos aut duos Deos dicat, agnoscit unitatem personæ. Postremo cum meus Dominus & meus Deus dicit, officium redemptionis profitetur, in quem & ipse uiuere cumbit fide.

DE TERTIO.

Beati





Beati qui non uiderunt & crediderunt.

Hæc uniuersalis doctrina de credentibus est obseruanda: nam hic Christus disertè pronunciat beatos qui credunt, etiam si oculis corporeis non uiderint Christum. Huc pertinet tota scriptura, ut inquit. Hæc aut scripta sunt, ut credatis, quòd Iesus est filius Dei, et ut credentes uitam habeatis in nomine eius. Finis ergo scripturæ est, ut credamus: finis fidei, ut credentes habeamus uitam æternam, quam donet nobis autor uitæ Iesus Christus, cui cum Patre & Spiritu sancto sit honor in secula, Amen.

## DOMINICA SECVNDA

DA POST PASCHA, Iohan. 10.



Z 3 Ego.



**E**go sum pastor ille bonus. Bonus Pastor animam suam dat pro ouibus. Mercenarius autem, & qui non est pastor, cuius non sunt oues propriæ, uidet lupum uenientem, ac deserit oues, fugitq; & lupus rapit ac dispergit oues. Mercenarius autem fugit, quia mercenarius est, & oues non sunt illi curæ. Ego sum pastor ille bonus, & cognosco oues meas, & cognoscor à meis. Sicut nouit me Pater, ita ego noui Patrem, & animam meam pono pro ouibus. Et alias oues habeo, quæ non sunt ex hoc ouili, illas quoq; oportet me adducere, & uocem meam audient, & fiet unum ouile, & unus pastor.

## ENARRATIO TEXTVS.

**O**ccasio, cur hoc Euangelium proponitur in Ecclesia hoc tempore hæc est. Audiuius in proximo paschatis festo, in quem finem oportuerit Christum pati & resurgere ex mortuis, nimirum ut in nomine eius prædicaretur pœnitentia & remissio peccatorum omnibus gentibus: per quam prædicationem, destrueretur regnum Sathane, & erigeretur regnum Christi. Hoc autem cum aliter fieri non potest, quàm per fideles uerbi ministros, quos scriptura pastores uocat, placuit Ecclesiæ, hoc die proponere Euangelium de summo pastore Iesu Christo, de eius cura erga oues: idq; ideò, ut fideles uerbi ministri huius pastoris exemplum, in doctrina, uita, & cura pro ouibus imitentur.



tur. Haftenus de occasione cur hodie praesens Euangelium proponitur. Summa autem Euangelij est quod ut Christus se uerum pastorem esse, et curam habere suarum ouium profitetur: ita ex aduerso lupos esse testatur, qui ouili suo insidiantur, quos uidentes mercenarij fugiunt, ac oues lupis lacerandas relinquunt: contra quorum perfidiam Dominus promittit se suas oues curaturum, & significat se adhuc alias habere oues quas adducet, ut fiat unum ouile & unus pastor.

Loci tres:

- I. De pastore Christo alijsque ueris pastoribus.
- II. De lupo. Mercenario, & fuga mercenarij.
- III. De ouibus Christi, earum nota & unitate ouilis.

D E P R I M O.

In primo loco de pastore Christo habemus duo: Vnum, quae sit eius indoles, Alterum, quae sint eius beneficia erga Ecclesiam. Quantum autem ad Christum pastorem attinet, semper meminisse debemus confessionis Thomae, quam ab hinc die octauo audiuiimus. Is enim cum dicit, Dominus meus & Deus meus, Primum confitetur eum, quem alloquitur, eundem hominem esse, qui erat crucifixus & mortuus, quem nunc uere a mortuis surrexisse agnoscit. 2. Confitetur eundem hominem esse quoque uerum Deum: Dicit enim, ET DEVS MEVS. 3. Confitetur hunc hominem & Deum unam personam:

Z 4

sonam:



sonam: non. n. dicit Domini mei, sed Dominus meus.  
 4. Confitetur hunc θεάνθρωπον (personam unicam  
 quæ est Deus & homo) esse suum saluatorem: Nam  
 Dominus meus, qui mei curam habet, & Deus me-  
 us est, qui me in suam fidem & gratiam recipit.  
 Confitetur ergo Christum uerum Messiam & sal-  
 uatorem mundi esse, adeoq; uerum illum pastorem  
 olim promissum, de quo Zach. 10. Suscitabo pasto-  
 rem in terra. Hunc Petrus uocat pastorem et Epi-  
 scopum animarum. Hæc dixi breuiter ex confes-  
 sione Thomæ de Christo pastore, ut quæ sit huius no-  
 stri pastoris indoles intelligamus: Iam uerba Do-  
 mini audiamus. Ego (inquit) sum pastor bonus  
 Sed quid pastor bonus? pastor bonus ponit ani-  
 mam suam pro ouibus suis, hoc est, pastor ille  
 bonus est, qui adeo suas oues diligit, quod potius  
 uelit mortem oppetere, quam oues suas laceratio-  
 ni & prædæ furum & luporum relinquere. Hoc  
 promissum etiam facto declarauit, qui pro ouibus  
 suis turpissimam mortem est perpeffus.

Habemus quantus sit amor Christi erga suas  
 oues: Iam ut conspiciamus beneficia, quæ ex mera  
 bonitate præstat, similitudinem pastoris ouium  
 Christo pastori accommodabimus. Quid ergo facit  
 bonus ouium pastor? 1. colligit oues. 2. præcedit. 3.  
 educit eas in pascua. 4. pascit eas. 5. excubias super  
 eas agit. 6. regit. 7. defendit. 8. læsis medetur. 9. er-  
 rantes castigat uirga pastorea. 10. in sua reducit  
 pastor. Hæc omnia beneficia Christus spiritualiter  
 Ecclesiæ præstat. Pri-



PRIMUM ergo Christus pastor colligit oves. Sed quando? per prædicationem Euangelij. Hoc cœpit facere mox post lapsum primorum parentum: nam in spiritu adfuit Prophetis, & multas oves sibi collegit. Deinde ipse uenit, ut ouem perditam quæreret: & hodie dat prædicatores, qui suo nomine colligunt oves.

DEINDE præcedit oves. Quomodo? In cruce et in gloria: in cruce quidem, dum uarias in hac uita ærumnas perpeſſus eſt, quas etiam ſanctos experiri neceſſe eſt: in gloria, dum per reſurrexerit a mortuis in gloriam cœleſtem intrauit, quem ſuo tempore ſequentur, quotquot eius ueræ oves fuerunt.

TERTIO educit eas in paſcua, in amœniſſima prata, ut Dauid Pſalmo 23. loquitur: In paſcuſ herbſis accubare me facit, ad aquas reſectorias deducit me.

QUARTO, eductas in prata paſcit ſpiritu & uerbo: Spiritu quidem, dum intus animum confortat: uerbo uerò, dum prædicatur Euangelium, unde concipitur fides in hunc paſtorem.

QVINTO, excubias ſuper eas agit, & tanquam in ſpecula ſedet, ut obſeruet, ne quis ex inſidijs oves adoriatur. Hoc autem agit per ſuos Angelos, per fideles uerbi miniſtros, per pium Magiſtrum, Breuiter, per bonos rectores in familijs, politijs, æconomijs.

SEXTO, regit, ſcilicet Spiritu, uerbo, et di-

Z 5 ſciplina,



sciplina, unde David: Dominus regit me, & nihil mihi deerit, in loco pascuæ me ibi collocavit.

SEPTIMO, defendit, unde Paulus: Si Deus pro nobis, quis contra nos? Et David: Etiam si ambulauero in ualle umbræ mortis, non timebo malum, quia tu mecum es: Virga tua & baculus tuus ipsa me consolata sunt.

OCTAVO lesis medetur, ut enim oues sepe spinis & uenenis inficiuntur, quæ à perito pastore sanantur: ita Christus pastor suas oues spinis malorum morum & ueneno pestiferæ doctrine lēsas curat & sanat, unde Psalmus 146. Qui sanat contritos cordē, & alligat contritiones eorum. Ezech. 34. Ego pascam oues meas, et ego eas accubare faciam, quod perierat requiram, et quod abiectum erat reducam, & quod confractum fuerat alligabo, & quod infirmum fuerat consolidabo.

NONO errantes castigat uirga, dum cruce premit, ac ueluti capistrum inijcit. Hoc si non faceret bonus ille pastor, multæ huius mundi delicijs, felici rerum successu abducerentur à grege, & se ipsas in ora luporum conijcerent: unde David de se inquit, Bonum est mihi Domine, quod humiliasti me, ut discerem iustificationes tuas.

VLTIMO in sua reducit pastas, In hoc mundo Christus suas oues colligit, pascit, defendit, curat tanquam in deserto in peregrino regno: uerum in extremo die suas oues in sua reducet, hoc est, in Patriam, ubi pij cum Christo perpetua pace & securitate fruuntur.

Dixi



Dixi de Christo pastore, eius indole, cura & beneficijs erga oues, id est, omnes qui in se credūt: nunc aliquid adijciam de pastoribus, qui sub illo sunt constituti, ut curam dominici gregis habeant. Et optandum esset, ut omnes doctrinam, uitam & curam erga oues haberent, qualem summus ille pastor: uerū quia id non fit, obseruanda sunt quatuor pastorum discrimina & genera.

V N V M genus est eorum, qui benè docent et benè uiuunt, exemplum summi pastoris imitantes. Talis fuit Isaias, Hieremias, Ezechiel, & alij Prophetæ: talis fuit Paulus, Petrus, tales sunt hodiè omnes pij parochi & Episcopi, qui doctrina, uita, confessione alijs prælucent: Hi à Davide & Daniele comparantur stellis lucentib. in cælo, ubi Christi solis æterno lumine illustrantur: Hi, ut Paulus ait, digni sunt duplici honore, hi ædificant ciuitatem Dei utraq; manu.

SEC V N D V M genus eorum est, qui malè docent & malè uiuunt. Hi peßimi sunt, qui utraq; manu templum Dei destruunt, quales multos fore his postremis temporibus prædixerunt Petrus & Iudas Apostoli.

T E R T I V M genus eorum est, qui benè quidem docent, sed malè uiuunt. Hi quod dextra manu in Ecclesia ædificant, sinistra rursus destruunt, & sunt omnino similes fabris lignarijs, qui arcam Noë extruxerunt. Hi enim alijs parantes Arcam, per quam à Diluuio sunt liberati, ipsi in medijs perie-



perierunt fluctibus. Talis olim fuit Iudas, & hodie multi inueniuntur. Dicunt quidem facite sicut docemus, nolite opera nostra imitari. De his locutus est Christus: cum scribæ et Pharisei sedent in Cathedra Moſis, qui dicunt, facite, nolite facere opera illorum. Horum damnatio iusta est: ſciunt enim & docent facienda, ipſi tamen non faciunt, cum Turpe eſt doctori, cum culpa redarguit ipſum. Bernardus igitur benè ait: Pastores debent impinguare pecus ſuis potius quàm alienis exemplis.

QVARTVM genus eſt eorum, qui malè docent, ſed benè uiuunt, ita ut publicis criminationibus non ſint obnoxij. Hi hypocrite ſunt, & maximum damnum faciunt. Nam cum homines admirantur externam morum ſpeciem, facile etiam pertrahuntur, ut doctrinam amplectentur: ut multi ex uobis in Papatu uidiftis Monachos, qui non ſolum ſibi ſancti uiſi ſunt: uerum etiam alijs ſua bona opera uendiderunt: ita & animabus hominum & facultatibus eorum inſidiati ſunt. Dixi de quatuor generib. paſtorum ſeu doctorum in Eccleſia, quorum primum tantum laudabile eſt, & Chriſti regnum in multorum ſalutem ædificat, idq; iuxta doctrinam & mandatum ſummi paſtoris Ieſu Chriſti.

#### DE SECVNDO LOCO.

Iam ſequitur ſecundus locus de lupo & mercenario, quorum ille oues Chriſti lacerat & perdit: hic oues periclitantes, in luporum faucibus relinquit. Ita enim ait textus: Mercenarius autem & qui



qui non est pastor, cuius non sunt oves propriæ, uidit lupum uenientem, dimittit oves & fugit, & lupus rapit ac dispergit oves. Hic nos scire oportet, quis nam sit ille lupus, de quo Dominus loquitur, & quæ sit eius in oves inuadendi ratio, & quando Mercenarius fugere putandus sit.

Quis est igitur lupus, de quo Dominus hic loquitur? Est diabolus: Is enim cum primum homo conditus erat, eum adoritur, inuadit & in terram prostermit: Ideò hodiè circumit famelicus, quærens quem deuoret, neq; cessabit, donec hic mundus steterit.

Quomodo quæso inuadit oves Christi? Non una uia eas adoritur: sed ei est quadruplex inuadendi ratio: uel enim Sophistica, uel tyrannide, uel flagitijs, uel hypocrisi in oves Christi impetum facere consuevit.

Sophistica inuadit, quando uel uicia uirtutum titulis ornat, uel pro ueritate Dei errores ingerit, quò miseras oves Christi perdat. Inuocare sanctos, mereri uitam æternam operibus sunt grauisima uicia: sed ea tanquam bona opera defendit, et sic de multis alijs.

Tyrannide inuadit Christi oves, quando facit, ut uel uictu, uel præsidij præsentis uitæ destituantur, uel aperto bello eos adoritur, ut Euangelij puritatem uel turbet, uel prorsus aboleat.

Flagitijs et scandalis oves Christi inuadit, quando mul-



do multos pertrahit in crimina, per quæ excutitur Spiritus sanctus, & homines rursus fiunt Satanae obnoxij. Quàm multi hodiè de machina prosteruntur, nemo est qui non uidet, quo pacto regnant inuidia, obtrectiones, potationes, scortationes et alia horrenda scelera. Hæc cum uidemus, certum testimonium habemus Satanae inuadentis in ouile Christi.

Hypocrisi etiam inuadit in ouile Christi, quoties sua externa specie sanctitatis grauissima scelera tegit, quemadmodum in Monachis olim factum est, & hodiè in ijs fit, qui Pharisaismum nondum deposuerunt.

Habemus iam quibus uijs lupus, qui est Diabolus, inuadit in ouile Christi: iam de mercenarij fuga dicemus: Est enim mercenarius cuius non sunt propriae oues, atq; ideo fugit, uidens accelerantem lupum.

An non Christus interdum fugit? An non mandauit discipulis suis, Cum persecuti uos fuerint in una ciuitate, fugite in aliam? An non Paulus ipse fugit cum demissus est in corbe per murum? Iam cum certum sit, nec Christum lupum fuisse, nec Apostolos reliquos, necesse est, ut nō de quauis fuga intelligendum sit, quod Dominus hic de fuga dicit. Verum sciendum est, q. sit fuga corporis et fuga animi: illa interdum licita est, hæc non. Sed quænam est animi? cum aliquis ab officio præstando fugit, & hæc fuga quadruplex est, iuxta quadrupli-

cem



cem lupi inuasionem in ouile Christi: Nam quicumque uerbi minister ulla de causa se non opponit sophisticæ, tyrannidi, flagitijs, hypocrisis, mercenarius est, & non uerus pastor. Pastor enim bonus. 1. opponet se Sophisticæ, defendendo ueram doctrinam & reprehendendo, confutandoq; falsam, sed mercenarius ad hanc lupi inuasionem timet, non audet defendere ueram doctrinā, ne aliquid de terrenis commodis amittat. Quare uel conniuet ad falsam doctrinam, uel saltem nō ut deberet reprehendit, quod cū facit, fugere dicitur, non quidem corpore, sed animo, quia officium deserit. Secundō, Bonus pastor opponet se tyrannidi: uerū quia sunt duo pastorum genera, unum ciuile, alterum Ecclesiasticum, ut ciuilis pastor armis, ita Ecclesiasticus precibus opponet se luporum tyrannidi. Qui hoc non facit mercenarius est, non pastor. Tertio, bonus pastor opponet se flagitijs reprehendendo & excommunicando eos, qui suis moribus Ecclesiam offendunt, quemadmodum Iohannes reprehendit Herodem, Christus Phariseos, & Prophetæ omnes sui seculi uicijs se opposuerunt. Diabolus fidei adulterium persuasit, persuasit incestum, auariciam, libidines, potationes. Hic pastor bonus non timet homines, sed Deum, & hominum uicia ex officio carpit. Contra mercenarius, de sua quiete sollicitus, non audet aperire os. Si reprehendit, in genere id facit, non audet reos in faciem obiurgare cum Prophetis alijsq; ueris pastoribus.



pastoribus. Sed possit aliquis talis mercenarius obijcere. Ecce hic sum, non fugi. Respondet Augustinus: Quia tacuisti, fugisti: tacuisti, quia timuisti. Quarto, bonus pastor opponet se hypocrisi, quando detrahit laruam externorum hypocritarum, & ostendit quàm turpis sit facies peccati: sed mercenarius lupum hunc fugit, non audet offendere quenquam, ne in hominum odium incurrat.

Iam quæstio excutienda restat, num fuga corporalis semper sit licita. Ad quam respondeo: Pastor aliquis qui de loco in locum fugit, uel rei agende gratia, uel tædij causa, uel ob ingratitudinem hominum, certè mercenarius est & non pastor. Verùm si Tyranni persequuntur & insidiantur uite alicuius, licet pio pastori fugere manus tyranni, ut postea, si id fieri potest, reuersus magis prosit uiuus, quàm mortuus prodesse potuit: uerùm hic pietas regula esse debeat.

## DE TERTIO LOCO.

Tertius locus est de ouibus Christi, earum nota, & quòd sit unum ouile & unus pastor. Oues Christi sunt omnes, qui Christum audiunt & eum ueluti oues sequuntur, in uera simplicitate, innocentia, mansuetudine et obedientia. Neq; aliæ notæ sunt ouium Christi, quàm pietas erga Deum, caritas ergo proximum, in uita puritas, et in uocatione sancta quedam cura & industria. Quòd autem dicit, se alias oues habere, quæ adducendæ sunt in idem ouile, significat ex gentibus & Iudeis unam esse



esse sanctam Ecclesiam catholicam. Et simul mo-  
 dum, quo adducuntur oues, exprimit, cum ait: Et  
 audient uocem meam. Prædicatio ergo Euan-  
 gelij, & prædicati Euangelij fides facit, ut ouili  
 Christi aggregemur. Qui ex hoc loco statuunt fo-  
 re, quòd ante iudicium tantus sit futurus consen-  
 sus in uera religione, ut nullæ sint futuræ hæreses,  
 nulla schismata, toto cælo errant: nam omnia uati-  
 cinia Prophetarum contrarium docent. Et Chri-  
 stus cum dicit: Putatis ne cum uenerit filius homi-  
 nis, quòd sit inuenturus fidem super terram, signi-  
 ficat ob persecutiones fore, ut plurimi à fide desi-  
 niant, & quòd propior est dies Domini, eò magis  
 sicut Diabolus, ut Sophistica, tyrannide, flagitijs,  
 & Hypocrisi pusillum Christi gregem turbet:  
 Quare nos oremus Christum Pastorem animarum  
 nostrarum, ut ipse uelit nos in tantis periculis de-  
 fendere in sui nominis gloriam. Cui cum Patre &  
 Spiritu sancto sit honor, laus & gloria in secula,  
 Amen.

## DOMINICA TERTIA

POST PASCHA, Iohan. 16.

Pusillum, & non uidebitis me, & iterum  
 pusillum, & uidebitis me, quia ego ua-  
 do ad Patrem. Dixerunt ergo quidam ex di-  
 scipulis eius inter se: Quid est hoc quod di-  
 cit nobis. Pusillum & non uidebitis me, &  
 iterum pusillum: & uidebitis me, & quia ego  
 uado





uado ad Patrem? Dicebant ergo: Quid est  
hoc quod dicit, pusillum. Nescimus quid  
loquatur. Cognouit autem Iesus, quod uel-  
lent ipsum interrogare, & dicit eis: De hoc  
queritis inter uos, quod dixi, Pusillum & non  
uidebitis me, & iterum pusillum & uidebi-  
tis me. Amen amen dico uobis, plorabitis &  
lamentabimini uos, mundus contra gaude-  
bit. Vos autem moerore afficiemini, sed moe-  
ror uester uertetur in gaudium. Mulier cum  
parit, dolorem habet, quia uenit hora eius:  
cum autem peperit puerum, iam non me-  
minit anxietatis, propterea quod gaudeat  
hominem esse natum in mundo. Et uos igitur



tur nunc quidem moerorem habetis, sed iterum uidebo uos, & gaudebit cor uestrum, et gaudium uestrum nemo tollet à uobis. Et in illo die me non interrogabitis quicquam.

ENARRATIO TEXTVS.

**H**oc Euangelium pars est concionis Christi, quam habuit pridie antequam pateretur, in Cœna coram discipulis suis, in qua concione multa locuit. Nam de officio suo, morte, cruce, resurrectione, & glorificatione uerba fecit. Deinde de Ecclesia disseruit, quæ sit, & quæ sit eius in hoc mundo fortuna futura: quod sit habitura aduersarios qui eam impugnent: quod fide tandem sit superatura omnes suas ærumnas, ad quam partem etiam præsens Euangelium pertinet. Consolatur enim discipulos suos, quos moestos animaduertit ex predicatione suæ crucis: prænunciat fore, ut exciatus à mortuis, rursus sit eos uisurus: & addit pulcherrimam de muliere parturiente similitudinem, cum qua similem fortunam experietur Ecclesia: quemadmodum enim tristis puerpera consolationem maximam capit, ex prole nata: ita Ecclesia elata è præsentis uitæ ærumnis, plena tandem gloria cum Christo fruetur, modò in eius fide usq; ad finem constans perstiterit. Loci tres.

Præmonitio Christi de sua morte & resurrectione.

I. Infirmitas Apostolorum adeoq; omnium mortalium.

1 2 3. Crux



III. *Cruce Ecclesie in hoc mundo & eiusdem gloriosa ac leta liberatio.*

*DE PRIMO.*

*De morte & resurrectione Christi breuius dicam, quia nuper omnia copiosius audiuius. Modicum, inquit, & non uidebitis me, & iterum modicum & uidebitis me, quia uado ad Patrem. Hic Christus paulò obscurius prædicit suam mortem & resurrectionem. Sensus autem est: Modicum & non uidebitis me, id est, mortuus ad triduum in sepulcro iacebo, ut me non uideatis: & rursus modicum & uidebitis me, hoc est, excitatus à mortuis conspiciar à uobis quadraginta diebus, antequam uisibiliter ascendam in cælum sublatus nube, è conspectu uestro. Et hoc est quod dicit, quia uado ad Patrem, id est, per mortem transitum faciam à cruce ad gloriam cœlestem. Quid, an non post ascensionem adest suæ Ecclesiæ? Imò adest iuxta suam promissionem usq; ad consummationem seculi, non quidem corporali modo, sed spiritali. Nam uerbum Dei & gratia Spiritus sancti sunt speculum, in quo Christus uult aspicere et hic aspectus satis est, quo contenti esse debemus, donec ipse ad iudicium uenerit: nam postea perpetuò fruemur eius conspectu.*

*Sed cur discipulos suæ mortis et resurrectionis admonuit? Multæ sanæ sunt causæ, quarum præcipua est, quam ipse assignat his uerbis: Hec prædixi uobis, ut cum facta fuerint credatis: mul-*

*tum*



tum enim confirmantur animi hominum, cum uident euentum prædictionibus respondere. Neque quicquam magis crexit Apostolos, quàm quòd uiderunt omnia respondere prædictionibus Christi: unde & eius diuinitatem intelligere, & eius officium perspicere potuerunt. Deinde uoluit Dominus his crebris præmonitionibus discipulorum suorum infirmitati consulere, idq; est fidelis magistri, ut habita ratione captus eorum, quos docendos suscepit, illorum ruditati crebris inculcationibus earundem rerum, medeatur. Præterea quoq; ideo prædixit suam mortem & resurrectionem, quòd discipuli scirent eum suam præsciuisse mortem & resurrectionem, & libenter usq; ad mortem Patri obtemperasse, ut nos à morte liberaret. Hæc Christi concio nobis quoq; accommodanda est: nam non dissimile nobis accidit. Modicum abesse à nobis uidetur, dum nos sine consolatione relinquit luctantes sub cruce. Deinde rursus uidetur, quando per Euangelium nos consolatur, & sui Spiritus præsen. iam in nostris precibus testatur.

## DE SECVNDO.

Ruditas discipulorum Christi in rebus salutis his uerbis describitur. Quid est (inquiunt) quod dicit nobis, modicum & non uidebitis me, & iterum modicum & uidebitis me, & quia uado ad Patrem, nescimus quid loquitur. Valde mirum est quòd toties admoniti, non solum typis, figuris & anigmatibus: uerum etiam claris

4 3 uerbis



uerbis de morte & resurrectione Domini, non tam  
 men intelligere potuerint. Quæ huius rei causa  
 est? Duplex sanè causa est: Vna quòd opinio semel  
 mente concepta, non facile euellatur, præsertim si  
 altas radices egit. Iudæi atq; adeò ipsi discipuli Do-  
 mini somniârunt Christi imperium ciuile fore, ut  
 ipse Christus summus imperator, subiecto toto ter-  
 rarum orbe dominaretur, atq; ipsi discipuli proxi-  
 mi ab eo essent futuri, id quod satis filiorum Zebe-  
 dæi mater declarauit, quando petijt, ut alter filio-  
 rum sederet Christo à dextris, alter à sinistris. Al-  
 tera causa, est caligo in toto humano genere, qua  
 fit, ut nemo possit quæ Dei sunt percipere, nisi do-  
 ctorem habeat Spiritum sanctum. Hinc nos disca-  
 mus, 1. deplorare hanc nostram cœcitatē. 2. audire  
 frequentius uerbum, quò ab ista caligine ignora-  
 tiæ liberemur. 3. rogare ipsum Deum, ut ipse nos  
 doceat, iuxta illud Psalm. 25. Deduc me in ueritate  
 tua, & doce me, quia tu es Deus salutis meæ: bonus  
 & rectus est Dominus, propterea docebit pecca-  
 tores in uia. Sed nobis cauendum est, ne cum Domi-  
 nus doceat, aures cordis ad eius uocē occludamus,  
 quemadmodum omnes illi faciunt, qui uerbum Dei  
 sine fructu audiunt. Qui autem ita aures ad uocem  
 Dei occludunt, tandem commerentur, ut perpetuò  
 relinquantur in sua cœcitate & ignorantia. Deus  
 nos conseruet, ne in hanc ingratitude pœnam  
 incurramus, qua uidemus multos esse horribili-  
 ter punitos. Multos enim inuenias, quos si inter-  
 roges



rogos post auditam concionem, quid perceperint, non habent uerbum quod respondeant: interrogati de sermonibus habitis in conuiuio aut in placito, possunt singula referre, ita ut ne unum quidem uerbum eos fugiat. Quæ est ratio? In quibusdam hoc facit naturalis ruditas de rebus salutis: in quibusdam autem & poena, ut audientes non audiant, & intelligentes non intelligant. Quapropter, carissimi, maturè respiscamus, imploremus opem diuinam, & quando sentimus tedium audiendi & discendi uerbū Dei in nobis mox cogitemus, quòd Diabolus struat nobis insidias, mox confugiamus ad orationem, qua petamus à Deo, ut et doceat nos, & suo Spiritu faciat suo uerbo locum in nobis.

## DE TERTIO.

Amen dico uobis, quòd plorabitis & flebitis uos, mundus autem gaudebit. Vos autem contristabimini, sed tristitia uestra uertetur in gaudium. Idem repetit, quòd paulò antè dixit de sua morte & resurrectione: nam signo proposito triplici, quid eueniet, indicat, sed obscurius. Ploratu discipulorum significatur mors Christi & sepultura. Gaudio mundi significatur triumphus Iudeorum occidētium Christum: nam illo mortuo, putabant se suamq; rempublicam securam fore. At cū subiungit, tristitia uestra uertetur in gaudium, significat se ex mortuis resurrecturum, unde rursus gaudium concipient discipuli. Hoc ipsum declarat proposita similitudi

4 4 ne mu



ne mulieris parturientis, quæ quidē dum parturit, graues dolores sentit: Verū postq̃ puerum natum uidet, tantum percipit gaudium, q̃ doloris quē paulō antea sensit, prorsus immemor reddatur. Ad eundem modum discipuli Domini, mortuo & sepulto Domino, graues dolores animi sentiunt: sed mox excitato ex mortuis Domino, præ gaudio præteriti doloris obliuiscuntur. Atq; hoc est, quod dicit: iterum autem uidebo uos, & gaudebit cor uestrum, q̃ me à mortuis excitatum uidebitis: & gaudium uestrum nemo tollet à uobis, id est, postea non sum moriturus, ut ex mea morte concipiatis dolorem: sed perpetuò uiuā, et ita uos Spiritu meo de noticia Dei instruam, ut non amplius sit uobis opus me quicquam interrogare. Ita simpliciter uidimus sensum textus: Nunc autem hæc omnia ad Ecclesiam omnium temporū transferenda sunt, quæ in hoc mundo erit sub cruce, dum impij letantur: uerū tandem apparente Christo plenum & perfectum gaudium in omni æternitate consequetur. Nam istud triduum, quo Dominus passus est et excitatus, imago est crucis Ecclesiæ, gaudij mundi, id est, impiorum persequentium Christum, & ipsum in suis membris occidentium, & gloriose liberationis Ecclesiæ, quæ tum futura est plena, quando Dominus ueniet in nubibus, cum gloria & potestate magna, & assumet suos ad æterna gaudia, & impios tradet Diabolo æternis pœnis cruciandos.

Cum



Cum igitur hic locus admonet nos de cruce Ecclesie, & eius gloriosa liberatione: Dicam **1.** Quid sit crux & quam uaria. Deinde, quæ cause crucis. Tum, discrimen inter crucem piorum et supplicia impiorum. Ad hæc, quo animo, pio sit crux ferenda. Postremo, unde cōsolatio sub cruce petenda sit.

Quid est crux? Est quæuis afflictio, cui membra Ecclesie Christi in hoc mundo obnoxia sunt. Cuius differentie quadruplices esse uidentur.

**1.** Nam crux pij hominis uel est animi dolor afflictioq; corporis, idq; uarijs de causis: ut ex accepto damno, tristi amicorum casu, siti, nuditate, carcere, tortura, ut sanctus Iacob summum dolorem animi habuit propter amissum filium Ioseph. Ioseph corporis afflictionem in carcere expertus est: Lazarus extra portam diuitis famem & corporis ulcera sensit, & multi pij hodie, uarijs animi et corporis exercentur æumnis.

**2.** Vel est pugna acerrima carnis & spiritus in pijs: Nam caro semper concupiscit aduersus spiritum, interdum uincit & prorsus uidetur spiritum prosternere, ut in Dauide uidemus, qui uictus carnis concupiscentijs in pessima scelera homicidij & adulterij lapsus est, et nisi reuocatus fuisset ad penitentiam, & rursus imperio spiritus fuisset subiecta caro, æternum periisset. Hinc Paulus clamat: Quis me liberabit de corpore mortis huius? gratia Dei per Iesum Christum.

**3.** Vel est difficultas uocationis in Oeconomia,

a 5 poli



politia & Ecclesia. Quantam crucem pij etiam mariti & matronæ experiuntur, in educandis liberis, in quærendis necessarijs uitæ, nōrunt illi qui hoc experti sunt. Qui gerunt magistratum: ut reges, nobiles, consules, præfecti, non sunt immunes à cruce, modò alioqui pij sint: Ita quoq; pij Episcopi, parochi & alij Ecclesiarum ministri, sæpè ex difficultate officij grauem experiuntur crucem.

4. Vel crux est certi delicti pœna, sicut sunt multæ causæ calamitatum Ecclesiæ, de quibus causis iam dicam.

Quæ sunt itaq; crucis Ecclesiæ causæ? Quædam causæ crucis in nobis sunt: quædam extra nos. In nobis sunt tres causæ crucis, quarum prima est peccatum inhabitans, hoc est, originale: hoc peccatum, nisi coërceretur, produceret fructus exitiales. Secunda est concupiscentia inde pullulans, tanquam flamma ex igni, quæ flamma nisi aqua crucis extingueretur, incendium inferni exciteret. Tertia causa in nobis, sunt quotidiani lapsus, quos peccatum originis per suas concupiscentias gignit. Septies, inquit Salomon, in die cadit iustus & resurgit. Hos quotidianos lapsus reprimunt crux nobis diuinitus imposita, ne cum hoc mundo damnemur in peccatis nostris.

Deinde sunt & extra nos causæ crucis, sed diuersæ. Nam Deus ex paterna bonitate, nos sua uirga uisitat. Quemcunq; enim recipit, castigat, non alio affectu quàm bonus pater. Deinde Diabolus insidiat



insidiatur Ecclesiæ, ut in Iob uidemus: Sed Deus ei limites præscribit, ultra quos progredi non ualet. Præterea membra Diaboli, hoc est, tyranni & mali homines in mundo, qui Ecclesiæ molestias faciunt in hac uita. Sunt & aliæ causæ crucis, quas omittam, & dicam de discrimine crucis piorum et supplicij impiorum.

Quod est igitur discrimen inter crucem piorum & supplicia impiorum, postquam sæpè in hoc mundo uidemus pios & impios grauibus ærumnis affici? Sunt sanè multa discrimina.

PRIMUM discrimen sumitur à causis efficientibus: Nam ut afflictio piorum proficiscitur ex paterno amore Patris cœlestis erga filios suos, ita supplicia impiorum ex ira & furore iusti iudicis Dei proueniunt, qui sceleratos punit, ut hostes & aduersarios.

SECUNDUM discrimen sumitur à causis finalibus, pij enim cruce exercentur in illorum bonum: impij uerò supplicijs afficiuntur in ipsorum malum, nisi resipiscant.

TERTIUM discrimen sumitur ab effectibus: pij enim, ut Iob, Dominum benedicunt & inuocant sub cruce: impij autem fremunt aduersus Deum & indignantur: pij erudiuntur, impij confunduntur: pij probantur, impij perturbantur: pij sub cruce sperant, impij uerò desperant.

QUARTUM discrimen à tempore petitur. Pij ad breue tempus, ut postea cum capite Christo glorifi-



glorificentur: impij uerò perpetuo malo inuoluantur, quorum præsens afflictio præludium est æternarum poenarum in inferno.

QVINTVM discrimen à loco sumitur. Pij in hoc mundo tantum erudiuntur: impiorum ignis nunquam extinguetur: hic enim mala cruciantur conscientia, illic æterna ira Dei obruti, nunquam finienda luent supplicia. Ita habemus discrimina crucis piorum et afflictionis impiorum: nunc pauca adijciam de consolatione, qua pij se sub cruce erigere debent.

Vnde ergo petenda est consolatio? I. Pius qui sub cruce premitur duo considerabit in sua afflictione, nempe iudicium & misericordiam. Iudicium quidem, quòd propter sua peccata puniatur: Ideò Christus dicit, Noli peccare, ne quid deterius tibi accadat. Misericordiam uerò, quòd ideò puniatur, ut conuertatur & agat poenitentiam, iuxta illud I. Cor. II. Cum iudicamur à Domino corripiamur, ne cum hoc mundo damnemur. Fidelis ergo cum exercetur cruce, ex paterna misericordia consolationem petat.

SECVNDO, pius in cruce petet consolationem ab exemplis, cuiusmodi multa ad Hebr. II. recitantur, & Paulus sæpè nobis proponit exemplum Christi, cui nos conformes fieri oportet in cruce, ut olim cum illo glorificemur. Patitur enim pius cum Christo, tanquam eius membrum: Nam ut Christus passus est, primum, ut obediret Patri: deinde,



inde, ut uinceret & damnaret peccatum nostrum,  
ita & nos Deo obedire debemus sub cruce, & uin-  
cere & damnare peccatum nostrum: non quidem  
illud expiando, ut ipse fecit, sed mortificando.

TERTIO, pius consolationem petit à finibus  
crucis, non enim castigatur pius cruce ut pereat,  
sed ut coërceatur, & ueluti freno quodam retine-  
atur, ne à Deo deficiat.

QUARTO pius consolabitur se ex præsena-  
tia Dei: ita enim Deus inquit, Ego tecum sum in  
tribulatione. Nisi enim Deus nos sua præsencia in  
cruce tueretur, omnino desponderemus animum,  
& abijceremus confessionem.

QUINTO petet pius consolationem ex pro-  
missione liberationis, mitigationis poenarum, &  
auxilij diuini. Clamauerunt, inquit Psalmus, Patres  
nostri, & exaudisti eos.

SEXTO petet pius consolationem ex colla-  
tione præsantis afflictionis & futuræ gloriæ: Illa  
momentanea est, hæc æterna. Hæc sint dicta de cru-  
ce piorum. Deus det nobis gratiam, ut sub cruce

Deum uera patientiâ glorificemus per Ie-  
sum Christum Dominum nostrum,  
Cui honor & gloria in secula  
seculorum, Amen.

## DOMINICA QVAR

TA POST PASCHA,

Iohan. 10.

Vado





**V**ado ad eum qui misit me, & nemo ex uobis interrogat me, quò uadam. Sed quia hæc locutus sum uobis, mœstitudo impleuit cor uestrum. Sed ego ueritatem dico uobis, expedit uobis, ut ego uadam. Si enim non abiero, consolator ille non uenit ad uos. Sin autem abiero, mittam eum ad uos. Et cum uenerit ille, arguet mundum de peccato, & de iusticia, & de iudicio. De peccato quidem, quia non credunt in me. De iusticia uerò, quia ad Patrem uado, & posthac non uidebitis me. De iudicio autem, quia Princeps huius mundi iam iudicatus est. Adhuc multa habeo, quæ uobis dicam, sed non potestis



restis portare nunc. Cū autem uenerit ille, qui est Spiritus ueritatis, ducet uos in omnem ueritatem. Non enim loquetur à semetipso, sed quaecunq; audierit, loquetur, & quæ futura sunt annuntiabit uobis. Ille me glorificabit, quia de meo accipiet, & annuntiabit uobis. Omnia quaecunq; habet Pater, mea sunt, Propterea dixi, quod de meo accipiet, & annuntiabit uobis.

## ENARRATIO TEXTVS.

**H**oc Euangelium est pars concionis Christi quam habuit post Cœnam, pridie quàm pateretur, in qua, ut die abhinc octauo admonui, præmonuit discipulos suos de sua passione, morte, resurrectione, & de Ecclesiæ persecutione, consolatione & statu regni sui, qualis futura esset usque ad eum qui consummationem seculi, differunt: idq; in eum locutus sum uobis, ut discipuli confirmarentur in fide, & ne uelut uelut. Sed ego uelut uelut confessionem, propter crucem & scandalum inde orta inter multos. Ista causa fuit etiam huius concionis, quam recitauit: cuius summa est, quod Christus polliceatur Ecclesiæ aduocatum, doctorem & gubernatorem Spiritum sanctum: unde indicatur discrimen inter administrationem regni politici & regni Christi. Illud enim exterius opus habet neruis, ut legibus, magistratuum ordinibus, publicis pœnis &c. Hoc, uerbo, spiritu, disciplina paterna & Sacramentis administratur.

Loci tres.

I. Vtili-



- I. Utilitas et necessitas abitus Christi ad Patrem, in quo regnum Christi describitur.
- II. Quid efficiat Spiritus sanctus in mundo.
- III. De dicto: Multa habeo uobis dicere, sed non potestis portare modò.

## DE PRIMO.

Vado ad eum qui misit me, & nemo uesitum interrogat me, quò uadis: hoc est: Nunc mea mors imminet & uictoria super morte, quam nactus ad Patrem ascendam. Quòd ita obscure loquatur Dominus, idcò facit, ut discipulos excitet ad inquirendum de sua morte & resurrectione diligentius: uerum illi nihil minus cogitarunt, quàm ut traderetur tam turpi morti, quem illi Messiam agnouerant: adeò cœcutit ratio in diuinis, repetit hîc in terra, non potest rectè de rebus cœlestibus & de regno Christi cogitare.

Quia, inquit, hæc dixi uobis, tristitia impleuit cor uestrum, hoc est, quia auditis me mentionem facere mortis et crucifixionis, tristitia afficimini: nec enim intelligitis, quid boni mea mors & resurrectio sit uobis apportatura. Sed ueritatem dico uobis: expedit uobis, ut ego uadam, quasi dicat: Non cogitabitis de mea morte, quasi de morte alterius hominis: sed hoc scitote, quòd mea mors, mea resurrectio, & abitus ad Patrem singularem utilitatem uobis adferet. Utilitas aut hæc in summa est. Ut Christus natus, circumcissus, oblatus, Doctor factus est: ita etiam passus est & exci-



DE PRIMO. *Si enim non abiero, Paracletus non uenit ad uos, quasi diceret, uestra causa patiar, uestra causa re- uirgam, uestra causa uadam ad Patrem, ut inde uo- is Paracletum, consolatorem & aduocatum mit- am. His uerbis duo innuit. Vnum, quod Ecclesia ita habitura hostes in hoc mundo, & quod sit exer- endae cruce. Alterum, quod in cruce & persecu- tione sit habitura consolatorem & aduocatum Spi- ritum sanctum, quem ipse donabit ei. Ita enim ait: Cum autem abiero, mittam eum ad uos. Hec omnia eo pertinent: ut cum discipuli uideant Chri- stum tradi à Iuda, rapi ad supplicia, condemnari ad mortem turpissimam, animum aliquo modo rigant, freti his Christi promissionibus. Hinc & os petamus consolationem, quoties in regnis mun- di affligimur, & cogitemus discrimen inter re- gnum Christi & regnum mundi. In illo est Spi- ritus sanctus, aduocatus & consolator, quem Pater tribuit petentibus, iuxta promissionem Christi: Et tribuit Spiritum sanctum petentibus: in hoc afflictio & miseria.*

DE TERTIO.

五

In



In secunda parte textus dicit, quid Spiritus sanctus facit in mundo. Cum uenerit (inquit) ille arguet mundum de peccato, & de iusticia, & de iudicio. De peccato quidem, quia non crediderunt in me: De iusticia uero, quia ad Patrem uado, & iam non uidebitis me: de iudicio autem, quod princeps huius mundi iam iudicatus est. Hec Christi uerba ad duo tempora referenda sunt, nempe ad illud quod mox consecutum est ascensionem Domini, & ad reliquum totum tempus, usq; ad consummationem seculi. PRIMVM ergo dicam quomodo intelligenda sint haec uerba, respectu temporis quod mox consecutum est ascensionem Domini, quando Spiritus sanctus uisibiliter die Pentecostis datus est Apostolis. Primum dicit: Spiritus sanctus arguet mundum de peccato, hoc est, ita conuincet mundum reum peccati, ut nihil habeat, quod prae texat. Mundus, id est, hostes à quibus sum relictus, spretus, & in crucem adactus, manifesto spiritus testimonio, ac propria conscientia conuictus fatebitur se errasse, & uehementer peccasse, quod in me non crediderit. Hoc quam uerum fuerit, ostendunt illi, quos Petrus arguit homicidij Act. 2. Hi enim conuicti de suo peccato, dicunt: Quid faciemus uiri fratres: ita hi ad homicidij confessionem adacti sunt, & agnoscunt se uehementer peccasse, quod illum occiderint in quem credere potius debuissent.

Deinde arguet mundum de iusticia. De cuius iusticia



**Iusticia?** Mundi ne? Non: Mundus. n. nullam ueram iusticiam habet. De cuius ergo iusticia? De Christi iusticia. Conuincet enim Spiritus sanctus coram mundo, quòd Christus uerè iustus fuerit. Hoc ita esse, ex subiecta ratione patet. Quia, inquit, uado ad Patrem, & amplius non uidebitis me. Hoc est, cum mundus apertè in Ecclesia spectabit Spiritum sanctum, per me in uos effusum, fateri cogetur me uerè iustum fuisse, & non blasphemum & impium, propterea quòd me dicerem Dei filium: Spiritus sanctus enim testabitur de mea innocentia.

Præterea arguet Spiritus sanctus mundum de iudicio, quia princeps huius mundi iudicatus est. Quid hoc est? Mundus qui me per ludibrium Christum dixit, & iussit ut de cruce descenderem, conuincetur per Spiritum sanctum, quem die Pentecostes in uos effundam, quòd iniquè iudicauit. Nam Spiritus sanctus faciet, ut re ipsa intelligant & cognoscant me Diabolo superato per resurrectionem, imperium exercere in mundo, cum nemo uobis resistere poterit. Hic est horum uerborum sensus, si ea ad efficaciam Spiritus in die Pentecostes referamus. Neq; tamen ad illud tempus pertinent ita, quin etiam ad totum tempus usq; ad seculi huius consummationem referri possint ac debeant, quemadmodum nunc declarabo.

**PRIMUM** ergo Spiritus sanctus arguet mundum de peccato, hoc est, reum ostendet peccati. Cuiusnam peccati? quòd, inquit, non credide-

b 2 runt



runt in me. An ergo non sunt alia peccata, quæ arguet Spiritus sanctus, quàm infidelitas seu non credere in Christum? Sanè sunt infinita & horrenda peccata contra primam & secundam Tabulam. Quare ergo hoc solum posuit? Quia hoc manente, & cetera detinentur, & hoc discedente, & cetera remittuntur. Vt ergo cum infidelitate omnia reliqua peccata adsunt: ita ubi fides est in Christum, omnia peccata remissa sunt. Nam credenti promittitur uita æterna, quòd non fieret nisi peccata remissa essent. Hic ergo uidemus, quàm sit necessarium in Christum credere. Sed quid est in Christum credere? Est statuere illum esse Pontificem & regem, qui sua morte expiauit peccatum, & resurrectione gloriosa adduxit iusticiam, seu quòd suo sanguine, qui Deus & Homo est, sibi Ecclesiam acquisierit, Act. 20. Hæc fides non est opus hominis, sed Dei: non est nata ex ratione, sed ex uerbo Dei. Porro uerbum Dei est duplex: Lex & Euangelium. Lex tollit fiduciam nostri: Euangelium operatur fiduciam Christi. Lex enim proponit nobis iustam uoluntatem Dei, uidelicet ut custodiamus legem alioqui uoluntate Dei damnandi. Euangelium proponit nobis gratiosam uoluntatem Dei, quæ est quod Deus uelit nos remissis peccatis, propter Christum in gratiam recipere. Vt ergo ex lege deuenimus in cognitionem nostræ imbecillitatis, & ex hac in cognitionem uoluntatis Dei iustæ, et iudicij, unde & in desperationem: Ita ex noticia Euangelij de-



lij deuenimus in cognitionem misericordiae Dei, propter Christum datum, ut fieret uictima, & tolleretur peccata omnium in se credentium. Ex hac cognitione, operante Spiritu sancto, concipitur fides, qua abolentur omnia peccata, et offertur Christi iusticia, ut non amplius ut peccatores damnemur, sed iusti & filij Dei, in conspectu eius appareamus. Quibus & hereditas uita aeterna est promissa, iuxta illud: Qui credit in filium, habet uitam eternam, qui uero incredulus est Filio, non uidebit uitam: sed ira Dei manet super eum. Cur ita? quia in peccato suo manet, propter quod ad poenas eternas obligatus est, iuxta illud: Qui non credit in Filium, ira Dei manet super eum. Ira nomine maledictio & poena cum damnatione coniuncta, significatur. Hinc patet quam necessaria fides sit, & quid efficiat.

Deinde sequitur. Et arguet mundum de iusticia, quia uado ad Patrem, & amplius non uidebitis me. Hoc est, S. sanctus arguet mundum, quod non sectetur ueram iusticiam, qua coram Deo consistere possumus, illa autem iusticia est Christi, uidelicet quod ipse uadens ad Patrem, illic est Pontifex & interpellator pro credentibus: nam Christum pati & interpellare apud Patrem est credentium iusticia. Sed quia hoc non statuit infidelis mundus, arguitur à Spiritu sancto: is enim efficaciter conuincit, quod non aliunde possit hominibus iusticia contingere, quam ex imputatione iusticiae Christi

b 3 quæ



quæ illis contingit, qui in ipsum credunt. Hæc sunt noua & admiranda omnibus ijs, qui iusticiam fidei non intelligunt: sed somniant se iustos esse, uel externa obedientia legis, uel humanis traditionibus, ut olim Pharisei & hodiè Papistæ faciunt. Hi non intelligunt, quòd omnia opera mundi sint longè imperfectiora, quàm ut potentiam Diaboli & mortem superare possint. Sed quomodo probatur quòd Christi obedientia sit nostra iusticia? Id probatur firmissimis scripturæ testimonijs. Paulus Rom. 5. Quemadmodum per inobedientiam unius, scilicet Adæ, peccatores constituti sunt multi: Ita per obedientiam unius Christi, iusti constituentur multi. Hanc Christi iusticiam nobis imputatam habemus, quando in eum credimus, iuxta illud Rom. Corde creditur ad iusticiam. Item: Credidit Abraham Deo, & imputatum est ei ad iusticiam. Paulus Roman. 3. Arbitramur hominem iustificari fide absq; operibus legis. Hoc ipsum significat hic Christus, cum ait: Arguet Spiritus sanctus mundum de iusticia, quia uado ad Patrem. Hoc est, Spiritus sanctus non solum me iustum conuincet fuisse: uerum etiam iusticiam eorum esse, qui in me crediderint, manifestabit.

Præterea sequitur: Et arguet Spiritus sanctus mundum de iudicio, quia Princeps huius mundi iudicatus est. Hoc est, Spiritus sanctus conuincet inuito mundo, me Semen illud esse, quod promissum erat, ut contereret caput serpentis,



is, id est, quod iudicaturum erat principem huius mundi: cum quo etiam iudicata & damnata sunt omnia eius membra: nam si caput damnatum est, quid poterunt membra? Quare sauiat Diabolus contra pios quantum uelit: nihil tamen potest. Insistabitur quidem: sed non prosternet, donec fidem eruauerimus firmam & constantem. Ita enim ait Iohannes: Hæc est uictoria, quæ uincit mundum, fides uestra. Per mundum significatur ipse Satanas, cum uniuersa sua cohorte, tyrannis, Sophistis, Hypocritis & piaculis. Nam Christus per suum Spiritum confudit iudicium Satanae, qui per suos satellites condemnat Euangelium. Non enim cursum Euangelij impedit: etiamsi id sæpissime facere conatur flumine sanguinis, inde usq; ab initio mundi, & ab initio.

Habemus quomodo Spiritus sanctus arguet mundum: Nunc breuiter uidemus, quid in Ecclesia faciat. Primum adest efficax in uerbo & Sacramento. Vbiq; enim uerbum Dei pure prædicatur, & Sacramenta iuxta institutionem Christi administrantur, illic adest & uult esse efficax in auditoribus uerbi & participantibus Sacramento. Qui autem uerbum uel ociose audiunt, uel Sacramento utuntur sine reuerentia, hi se opponunt Spiritui sancto, & uerbi & Sacramenti ministerium contemnunt in suum proprium malum & damnationem.

Deinde, ut hic textus docet, adest Spiritus sanctus

b 4 ctus



ctus Ecclesiæ, ut Consolator, Aduocatus, Doctor ueritatis. Nam nos in hoc mundo premimur uarijs malis, contra quæ opus est Consolatore, ne fracti aduersis, confessionem abijciamus. Aduersarius noster Diabolus quotidie nos accusat: quemadmodum Iob accusauit. Hic non consisteremus sine aduocato, qui testatur nos Deum habere propicium, qui non uelit nos abijcere propter nostra peccata, modò penitentiam egerimus. Deinde multa & profunda ignorantia laboramus, ut non possimus, quæ Dei sunt, intelligere. Quare opus habemus doctore. S. sancto, qui nos in omnem ueritatem ducet, iuxta hanc Christi promissionem: Cum autem uenerit Spiritus ueritatis, docebit uos omnem ueritatem.

Venit autem Spiritus sanctus dupliciter, uisibiliter & inuisibiliter. Visibiliter uenit in Apostolos die Pentecostes, quemadmodum suo tempore audimus. Inuisibiliter uenit in corda hominum, quando prædicatur Euangelium, & obsignat ueritatem Euangelij in cordibus auditorum. De utroq; Spiritus aduentu loquitur Christus. Nam quòd in Apostolis præcessit uisibiliter, id sequitur inuisibiliter, ubicunq; purè docetur Euangelium.

Sed quò spectat doctrina Spiritus sancti? Non loquetur à semetipso, sed quæcunq; audiet loquetur, id est, Spiritus sanctus eandem doctrinam uos docebit, quam ego docui, & quæcunq; uentura sunt annuntiabit uobis: Hoc est, quale sit meum regnum futurum in hac uita & post resurrectionem communem,



nē, reuelabit uobis : Et me glorificabit, quia de meo accipiet et annuntiabit uobis: Hoc est, Spiritus sanctus suo testimonio et efficacia gloriam mihi à Patre datam stabiliet, ita ut portæ inferorum nihil præualere possint aduersus regnum meum, nunquam enim poterunt meam obscurare gloriam.

## DE TERTIO.

Nunc restat ut dicamus de dicto : Adhuc habeo uobis multa dicere: sed non potestis portare modò. Hoc loco abutuntur Papistæ, ac si Apostoli non plenam doctrinam tradidissent Ecclesiæ: idq; in eum finem astruunt, ut suas Missas, inuocationem sanctorum, rosaria, indulgentias, aquam lustralem, & alias Antichristi fraudes confirmant. Verum Christus loquitur ad Discipulorum captum, & de infirmitate quam habuerunt ante suam mortem, & de dono quod accepturi erant post resurrectionem in die Pentecostes. Quasi dicat. Multa dicerem uobis de meo regno & mysterijs alijs: sed iam nondum plenè edocti estis per Spiritum, quem suo tempore dabo uobis, qui ducet uos in omnem ueritatem, id est, in plenam de meo regno cognitionem. Hanc plenam ueritatem consecuti sunt Apostoli ipso die Pentecostes, quam postea scriptis tradiderunt. Nos eandem ueritatem petere debemus, & ea soli contenti erimus, si modò discipuli Spiritus sancti esse uelimus, cui cum Deo Patre & æterno Filio sit honor, laus et gloria in secula seculorum, Amen.

b s DO.



## DOMINICA QVINTA

POST PASCHA, Iohan. 16.



**A** Men amen dico uobis, quæcunq; petieritis Patrem in nomine meo, dabit uobis. Haftenus non petistis quicquam in nomine meo. Petite & accipietis, ut gaudium uestrum sit perfectum. Hæc per proueria locutus sum uobis. Veniet tempus, cum iam non per proueria loquar uobis, sed palàm de Patre meo annuntiabo uobis. In illo die in nomine meo petetis. Et non dico uobis, quòd ego rogaturus sim Patrem pro uobis. Ipse enim Pater amat uos, quia uos me ama-



OMIN. V. POIT

NICA QV  
ST PASCHA,



PASCHA.

395

amastis, & credidistis, quòd à DEO exiue-  
rim. Exiui à Patre, & ueni in mundum, ite-  
rum relinquo mundum & uado ad Patrem.  
Dicunt ei discipuli eius: Ecce nunc aperte  
loqueris, nec prouerbiū ullum dicis. Nunc  
scimus, quòd scis omnia, nec opus est tibi,  
ut quis te interroget. Per hoc credimus,  
quòd à Deo existis.

ENARRATIO TEXTVS.

**S**apienter hoc Euangelium hodiè Ecclesie pro-  
ponitur. Continet enim præcipuum Christia-  
norum opus, quod et illorum propriū est: soli enim  
Christiani hunc cultum inuocationis præstare pos-  
sunt. Nam postquam proximo die Dominico tradi-  
tum sit, quæ sit uera fides, quæ iusticia, quod iudici-  
um, Breuiter, quodnam sit regnum Christi, & in  
quibus situm sit: oportune hoc die, de præcipuo  
cultu, quem ciues regni Christi præstare possunt,  
qui est uera Dei inuocatio, prædicatur. Et quia  
nullum exercitium piorum est magis necessarium,  
quàm oratio, & nullum opus sit difficilius, quàm  
rectè orare, uolo hac concione tantum de oratione  
dicere: & quò facilius hanc doctrinam intelliga-  
mus, duo de oratione dicam: quæ sunt.

- I. Quid sit Christiana oratio & quotuplex.
- II. Quæ sint conditiones, quæ in omni oratio-  
ne adesse debent.

His enim duobus locis explicatis, spero q̄ ne-  
mo sit futurus, modò se docilem præbuerit, qui non  
planè



planè & clarè intelligat, quidnam sit Christiana oratio, & quàm necessario orandi cultus à nobis requiratur.

## DE PRIMO.

Quid est ergo Christiana oratio?

Est supplex eleuatio mentis ad Deum, aliquid à Deo petentis, aut pro acceptis beneficijs gratias agentis. Quòd autem sit duplex eleuatio mentis ad Deum, primum confirmatur Davidis testimonio, qui precaturus ait Psalm. 25. Ad te Domine leuavi animam meam. Deinde ex forma precandi nobis à Domino præscripta: Pater noster qui est in caelis. Præterea ex gestu precantium, qui solent oculos in cælum leuare inter precandum. Hoc igitur scire oportet, quòd non sit tantum uocis strepitus oratio: sed quòd sit eleuatio supplex cordis ad Deum, cum qua supplici cordis eleuatione uerba quæque ex ore procedunt.

Sed quotuplex est Christiana oratio? Est quadruplex. Deprecatio (aff bedelssē) Adoratio (tilbedelssē) postulatio (saarbedelssē) et gratiarum actio. Hæc quatuor orationis genera breuiter declarabo.

Deprecatio ergo est supplex eleuatio animæ hominis ad Deum, qua petitur liberatio ab ijs, quæ molestiam adferunt. Vt cum petimus nos liberari à tyrannide, uiolentia, morbis, fame & alijs quæ nobis aspera uidentur.

Adoratio est supplex eleuatio animæ hominis ad Deum, qua beneficium aliquod petimus: ut cum  
peti-



petimus incrementa fidei, dilectionis, patientiæ, castitatis, & cum petimus ea quibus opus habemus ad huius uitæ sustentationem.

Postulatio est supplex eleuatio animæ hominis ad Deum, qua alius pro alio petit, uel omnes pro se nuicem intercedunt, ut cum oramus pro morbo laborantibus, alijs'ue, qui nostra pace indigent.

Gratiarum actio est supplex eleuatio animæ hominis ad Deum, qua Deo gratias agimus, uel pro beneficijs nobis ipsis, alijs'ue præstitis, uel pro maioribus nobis alijs'ue sublatiis. Iam tenemus quid sit Christiana oratio, & quot sint eius genera: nunc restat, ut de piæ orationis perpetuis circumstantiis dicamus.

## DE SECVNDO.

In omni pia precatione, has quinque perpetuas proprietates et circumstantias adesse oportet: quæ sunt. 1. affectus cordis in eo, qui precaturus est. 2. cogitatio causarum, quibus ad orandum impellamur. 3. quisnam sit inuocandus. 4. per quem exauiamur. 5. quid petere ab optimo Deo oporteat. Nam hæ circumstantiæ facient nobis discrimen inter inanem Battologiam Ethnicorum, & efficacem precationem piorum. Quare rogo uos carissimi, ut diligenter has perpetuas orationis circumstantias, & discatis, & perpendatis.

Prima circumstantia piæ orationis est affectus cordis, ut cor sit benè compositum inter precandum: Nam si honestas expostulat, ut corpus benè com-



nè componamus, quando cum honoratioribus hominibus nobis erit sermo: multò magis par est, ut cum coram Deo, in conspectu Angelorum, animus noster quàm optimè sit compositus. Qualis ergo debet esse eius affectus, qui cum fructu inuocare uelit? Primum omnium exuat omnem cogitationem propriæ gloriæ, dignitatis & meriti. Deinde uerè inopiam suam sentiat, statuatq; se prorsus omni ope destitutum, nisi Dominus ipse manus auxiliatrices porrexerit. Tum uera pœnitentia se coram Deo prosternat. Postremò fiducia promissionum diuinarum accendatur ad precandum. Qui enim uel tumet opinione propriæ uirtutis, uel suam inopiam non sentiat, uel uera pœnitentia se coram Deo non prosternat, uel fide careat, cum Pharisæo orat, & non cum Publicano, hoc est, non orat uerè & efficaciter.

Secunda circumstantia est causarum, quibus ad orandum commoueri debemus. Sunt autem multæ causæ, ex quibus quasdam recitabo, quò maius orandi desiderium in nobis excitetur.

PRIMA causa est mandatum Dei, cui obedire omnes creaturas decet. Inuoca me (inquit) in die tribulationis. Et Christi Apostoli sepe ad orandum ex mandato Dei nos inuitant. Hanc causam diligenter cogitare debemus, quæ in nobis orandi affectum excitet.

SECUNDA causa est promissio: promissit enim Deus se exauditurum preces nostras, sicuti in  
hoc



hoc Evangelio dicitur: Quicquid petieritis Patrem in nomine meo, dabit vobis. Item in Psalmo, *Exaudire quid?*  
*Exaudire quid?*  
 nuoca me in die tribulationis, et exaudiam te. Ex-  
 audire nihil aliud est, quam largiri petita.

TERTIA causa est crux premens, id est, sensus cum nostræ, tum aliorum inopiæ. Hic debemus circumspicere, quid domi, quid foris nos premit: debemus perpendere pericula publica & privata: debemus angustias Ecclesiæ militantis in hoc mundo contra diabolum et eius membra cogitare, breuiter, omnes necessitates urgentes in hac uita animo cogitandæ sunt, quibus ad inuocandum excitamur.

QUARTA causa est uictoria in tentationibus: unde Iacob. i. iubemur orare quoties tentationibus infestamur. Et Christus inquit: Orate, ne inretis in tentationem. Non enim facile uel insidijs diaboli, uel improbitate mundi, uel instigatione uisiose carnis superabitur, qui serio & assidue orat. Hinc Salomon: Turris fortissima nomen Domini, hoc est, inuocatio Dei aduersus omnia mala tutissimum est presidium.

QUINTA causa, Satanae uariæ technæ, qui nobis in doctrina & in moribus insidiatur. Paulus 1. Cor. 10. iubet nos gladium Spiritus, qui est uerbum Dei, sumere contra Satanam per omnem deuotionem & orationem.

SEXTA causa, fructus uberrimus orationis crebra: nam consuetudo orandi nos in timore Dei



et pietate conseruat. Non enim facile lapsus est expositus, qui perpetuis precibus munitus, pietatem serio meditatur: contra, qui orandi studium negligunt, uarijs casibus sunt obnoxij. Plerique rapiuntur ad supplicia, ignorant formam precandi à Christo præscriptam: et si qui norunt, interroganti fatentur se rarius orasse.

SEPTIMA causa, exempla sanctorum, quorum præcipua cura in uita fuit Deum serio inuocare. Iudaicus populus ter in die orauit, mane, meridie, uesperis. Sic et Daniel fecit, atque adeo alij multi, quorum laudatur pietas. Sed inter nos multos inuenies, qui loco orationis, non solum mane, meridie et uesperis: uerumetiam integris noctibus et dieb. scelera perpetrant, ut molle puluinar diabolo faciant, quò securius in illorum pectoribus quiescere possit. Has grauissimas causas serio nos cogitare oportet, quò ueternum nostrum pellamus, et ad serio inuocandum excitemur.

Sed quidnam his causis grauissimis præteritis, inquiunt, Deus scit quibus indigemus, et ipse nobis benè uult: Nam est noster Pater, ergo non opus est, ut nos fatigemus precibus. Respondeo: uerum quidem est, quòd Deus sciat quibus indigemus, et uerè est noster Pater, modò eius filij simus per fidem, neque ideo petimus, ut Deum doceamus quid ignoret. Sed rursus sciendum est, quòd non uult turbari ordinem à se institutum. Vt enim instituit quòd uelit nos alere cibo et potu, quòd tamen posset facere sine



conferuat. Non enim sine istis medijs: ita uult ut bona, quæ cum ad salutem nostram, tum ad huius uitæ sustentationem pertinent, impetremus precibus quæ ex fide manant. Non habetis, dicit Iacob 4. quia non petetis: petitis et non accipitis, quia male petitis. Et Christus dicit: Dominus dabit Spiritum sanctum petentibus, non dicit ociantibus aut securè uiuentibus. Petentium est igitur, modò salutaria nobis cupiamus. Agnoscendum est utrumq; et Dei bonitas, qui paratus est ad dandum petentibus, et nostra inopia, qui Spiritum trahere ualemus, nisi nos sustentet.

Tertia circumstantia, quisnam sit inuocandus: de hac circumstantia non opus esset dicere, nisi inuenirentur adhuc qui sanctos, nescio quos, inuocant. Quare dicam breuiter de hac summopere necessaria circumstantia. Et disertè dico, quòd solus Deus sit inuocandus. Hic solus Deus est Pater, Filius, et Spiritus sanctus. Filius ut idem Deus cum Patre et Spiritu sancto est inuocandus. Deinde est etiam inuocandus, ut Mediator inter nos et Deum. Quòd solus Deus sit inuocandus, quatuor rationibus confirmatur, quarum Prima est mandatum: nam de solo Deo inuocando mandatum habemus. Tunc autem cum nihil placet Deo sine fide, et fides non potest esse sine uerbo: sequitur neminem esse inuocandum, nisi de quo mandatum habemus.

Secunda est promissio: nulla inuocatio habet promissionem, nisi quæ fit ad Deum, igitur temerè inuocamus id, quod non est Deus.

c Tertia



Tertia est exemplum: nulla exempla sanctorum habemus, qui sanctos inuocauerunt: Quare nos insistamus illorum uestigijs, & nulli deferamus hunc diuinum cultum, nisi cui debetur, hoc est, soli Deo.

Quarta est manifesta prohibitio: Dominum Deum tuum adorabis, et illum solum coles. Quare certissimum tenendum est, quod Diabolus inuenerit inuocationem creaturarum, hoc est, sanctorum propter tres fines. Primum, ut Christo suum honorem reciperet. Deinde, ut ignominia afficeret de mortuos sanctos: Præterea, ut perirent idolatra qui sanctos inuocant. Moneo uos igitur, qui adhuc in errore estis, ut resipiscatis maturè, ne præter expectationem incidatis in manus Dei uiuentis. Neq; iuuat, quod quidam se hoc facere dicant bona intentione: nam omnis intentio hominis in rebus salutis est mala, nisi quæ regitur uerbo Dei et Spiritu sancto. Sic enim ipse Deus dicit: Præue sunt cogitationes hominis à principio. Et Paulus dicit: Animalis homo, (id est, qui non habet Spiritum Dei) non percipit ea quæ sunt Dei.

Quarta circumstantia: per quem inuocandum. Scriptum est enim quod Deus non exaudiat peccatores: Est nobis datus Mediator Iesus Christus, in cuius nomine inuocabimus, quemadmodum nos hodiè Christus in Euangelio docet, inquit: Quicquid petieritis Patrem in nomine meo, dabit uobis, Huius ergo fiducia, non nostra dignitate freti inuoc



et inuocabimus, certi quod Deus per ipsum uelit nos exaudire. Verum quia hec Christi sententia est insignis & plena consolatione, uolo eam distinctius explicare: nam multas admonitiones utiles continet hoc dictum IN NOMINE MEO, id est, propter me & in agnitione & fiducia mei, multa complectitur: Nam docet, monet & consolatur.

Quid queso docet? 1. Excludendam esse dignitatem nostram. Non enim freti nostra dignitate: sed Christi patrocinio inuocabimus. 2. Separandam esse a pia oratione Hypocrisin. Phariseus in sua oratione multa gloriabatur de sua sanctitate: Non sum, inquit, ut ceteri homines: offero decimas de omnibus que possideo: ieiuno bis in Sabbato. Hic non in Christi nomine inuocauit: sed fretus sua sanctitate, uerba fudit inania potius quam orauit. 3. Gloriationem Ethnicam deponendam esse. Ethnici enim putarunt se exaudiri, cum ipsi prius id a Deo meruissent, ut Agamemnon putauit se exauditum iri propter suas Hecatombas. 4. Docet discrimen inter Christianam orationem et aliorum omnium hominum. Sola enim fides in Christum facit discrimen inter orationem Christianorum & aliorum. Turce, Iudei, Ethnici & similes putant se quidem inuocare, sed reuera non inuocant, quia fiducia Mediatoris sunt uacui, nec agnoscunt illum Deum esse, qui est Pater, Filius, & Spiritus sanctus.

Cuius rei monet hoc dictum, IN NOMINE

c 2 MEO,



ME O? Monet nos nostræ cœcitat̃is. Nam cū Christus iubet nos petere in nomine suo, non est dubium, quin magna sint illa, quæ sunt nobis petenda. Hoc ergo dicto admoniti, aperiāmus oculos et circūspiciāmus, quæ publica, quæ priuata: quæ interna, quæ externa: quæ spiritualia, & quæ corporal̃ia bona sunt petenda nobis: & contrā quæ mala sunt deprecanda.

Quomodo consolatur nos hoc dictū, IN NOMINE ME O? Consolatur nos contra duo orationis impedimenta maxima, quæ sunt indignitas et diffidentia. Contra indignitatem enim nostram, uult nos opponere suam dignitatem, cū ait: Petite in nomine meo. Contra diffidentiam uult nos suam promissionem opponere. Verū multi non accipiunt quod petunt, quia malè petunt, fidem Christi negligunt, aërem potius uerberant Battologia inani, quā cœlum ardenti fidei affectu penetrant. Hi non possunt iustè conqueri, quod sepe orent, & nihil impetrent. Quare ne in illorum inueniamur numero, ex fide oremus.

Quinta circumstantia est de rebus, quas petere & quas deprecari oportet. Res petendæ sunt in discrimine triplici. Vel enim agitur gloria Dei, uel agitur salus nostra, uel bona ad huius uitæ commoditatem spectantia aguntur.

Gloriam Dei ante omnia propagari petimus, iuxta illam precationem: Sanctificetur nomen tuum. Verū hīc non debemus Deo modum prescribere:



bere: ipse enim scit optimè, quo modo sua gloria illustrari possit: sed uera fiducia petere, & persuadere nobis quòd nos exaudire uelit.

Salutem nostram etiam petimus, sed absq; omni conditione, quia habemus uniuersalem promissionem salutis. Omnis enim qui inuocauerit nomen Domini, hic saluus erit.

Verum bona, quæ ad hanc uitam faciunt, petamus cum duplici conditione, uidelicet si uel gloriam Dei impetratio eius, quod petitur, non impedit, uel nostram salutem remoratur.

Ad eundem modum mala, quæ cum his generibus bonorum pugnant, deprecanda sunt. Primi & secundi generis mala sunt deprecanda sine conditione: at ea mala, quæ nobis in hac uita molesta sunt, deprecanda sunt cum conditione non impedite gloriæ Dei & nostræ salutis: omnia enim gloriæ Dei postponenda sunt. Hæc sint dicta de oratione. Deus det gratiam, ut radicem agant in cordibus nostris per Iesum Christum, cui honor & gloria in secula seculorum, Amen.

## IN DIE ASCENSIONIS DOMINI, Marc. 16.

**D**iscumbentibus undecim, apparuit Iesus, & exprobrauit illis incredulitatem suam, & cordis duritiem, quòd his, qui ipsum uidissent resuscitatum, non credidissent.

c 3

Et di-





Et dicebat eis. Ite in mundum uniuersum, & prædicate Euangelium omni creaturæ. Qui crediderit & baptizatus fuerit, saluus erit. Qui uerò non crediderit, condemnabitur. Porro signa eos, qui crediderunt, hæc subsequenter. Per nomen meum Dæmonia eijcient, linguis loquentur nouis, serpentes tollent, & si quid lethale biberint, non nocebit eis. Super ægrotos manus imponent, & benè habebunt. Itaq; Dominus quidem, postquam locutus fuisset eis, receptus est in cœlū, & consedit a dextris Dei. Illi uerò egressi prædicauerunt ubiq; Domino cooperante, &

sermo-



sermonem confirmante per signa subsequen-  
tia.

## ENARRATIO TEXTVS.

**H**oc festum in Ecclesia institutum est propter  
Articulum fidei nostræ, in quo profite-  
mur nos credere in Iesum Christum ascendentem in cœ-  
lum, postquam à sua gloriosa resurrectione 40. di-  
bus cum suis discipulis fuisset conuersatus. In hoc  
est, ut in alijs, tria sunt perpendenda. Primum hi-  
toria cum suis circumstantijs. Deindè beneficium,  
quod nobis collatum est. Postremò, uerus usus &  
meditatio historiæ. Hæc tria se offerent in enarra-  
tione huius Euangelij: cuius summa est, q̃ Domi-  
nus 40. die à sua resurrectione apparuerit discipu-  
lis suis, quibus, exprobrata illis prius incredulitate  
& cordis durtie, dat mandatum prædicandi Eu-  
angelium per orbem terrarum, & quis fructus ex  
prædicatione ea perueniet ad auditores, modò Eu-  
angelium fide receperint, ostendit. Præterea ut  
omnes prædicationi illorum habeatur, promittit se-  
miraculis doctrinam confirmaturum. Hoc dato  
mandato uisibiliter in cœlum ascendit, & sedet ad  
dextram Patris. Verùm discipuli, mandato eius ob-  
temperantes, profecti sunt prædicatum Euangeli-  
um, quod Dominus sequentibus signis confirma-  
uit. Hæc Euangelij summa est. Loci tres:

- I. Reprehensio Apostolorum.
- II. Institutio ministerij uerbi.
- III. Ascensio Christi in cœlum.



Quadragesimo die à resurrectione apparuit discipulis, exprobrauitq; eis incredulitatem illorum & duritiem cordis, quòd his qui uiderant eum surrexisse non crediderunt. Duo reprehendit in discipulis: Duritiem cordis & incredulitatem, hoc est, radicem & eius fructum. Radix est duritia cordis, quæ cum ab origine sua, tum à propria uiciositate sumit incrementa & uires: non enim potest homo, non afflatus Spiritu sancto, quicquam eorum intelligere, quæ sunt Spiritus Dei. Huius pessimus radicis fructus sunt plurimi & mali. Primus est, qui hic præcipue taxatur, incredulitas. Ex hac postea possimi pullulant rami, ut inobedientia erga Deum, & quicquid est hac in uita scelerum & flagitiorum. Ex quibus & radicis uirtus non suppressa intelligitur, & quanta incrementa incredulitas sumserit, animaduertitur. Nam hoc est firmissimum indicium, ubi peccatum regnat, illic incredulitas, ueluti imperatrix, cor hominis occupat.

Præter ea nos hinc discamus primum, ut nos imbecilles, exemplo Apostolorum imbecilliam, non desperemus, etiamsi statim non possimus cœlestia mysteria percipere. Semper enim Ecclesia habet sua quedam uulnera, in quæ Dominus noster suum uinum & oleum infundat. Nec est quòd quisquam speret se omnem imbecillitatem posse exuere, donec hoc mortale corpus gestauerit. Verum quemadmodum



dum olim populus Dei, introductus in terram promissam, habuit uicinos hostes Philistæos, contra quos perpetuum bellum gessit: ita nos in Ecclesiam Christi introducti, & internos & externos hostes habemus, contra quos bellum gerendum est nobis, ne ignauia torpeamus. Alterū, quod hīc discamus, est, ut ex Christi facto non abijcientis rudes discipulos et imbecilles, cogitemus quā habeamus clementem Pontificem, qui non abijcit nos propter imbecillitatem, modò aliqua fidei scintilla in nobis fuerit. Deinde & huius exemplo & nos discamus clementer & leniter cum imbecillioribus agere.

## DE SECVNDO.

Cū Christus ascensurus in cælum, mandatum dat discipulis, dicens: Euntes in mundum uniuersum, prædicate Euangelium omni creaturæ: Qui crediderit & baptizatus fuerit, saluus erit, Qui uerò non crediderit, condemnabitur: Instituit modum erigendi sui regni, & eius regni fructum indicat.

Duobus modis erigitur regnum Christi: Verbo & Sacramento. Eius fructus est salus ciuium: Contrà, omnes qui non fuerint in hoc regno ciues, damnationis sententiæ subiaceant. Hīc uidemus magnum esse discrimen inter regni mundi & regni Christi administrationem: neq; id mirum est. Mundi enim regnum carnale est: Christi uerò spirituale. Illud legibus hominum: hoc uerbo Dei erigitur & conseruatur.



Ceterum quia uerba Domini singulares doctrinas continent, uolo eam paulò fufius & diftinctius explicare, quò magis animum Chrifti erga nos, & beneficia Euangelij intelligamus.

Primum dicit: Euntes in mundum uniuersum. Vides mandatum: mittit enim difcipulos fuos, non ad unam aliquam nationem: fed ad omnes homines latè per orbem habitantes. Hinc diuitias mifericordiae Dei & precium uictimae Chrifti aestimemus. Mifericordia Dei est, ut omnes, qui per peccatum damnati erant, audiant uocem filij Dei de falute per Chriftum confequenda. Neq; enim hoc putandum est, quòd Deus uoluerit uocem Filij hominis in uniuerso mundo fonare, ut fructu eius maxima pars deftitueretur: fed potius, ut audientes uiuerent, & faluarentur per Chriftum, modò prædicationem Apostolicam fide reciperent.

Hoc clarius explicatur uoce: prædicate seu proclamate. Quibus? Omni creatura, hoc est, omnibus hominibus, absq; omni conditione personarum, nationum, sexuum. Est. n. Deus amans hominum, & uult omnium salutem, iuxta illud: Vult omnes homines faluos fieri, & ad agnitionem ueritatis uenire. Sed quid debent Apostoli proclamare? Euangelium, hoc est, letum nuncium deuictis hostibus generis humani, qui sunt peccatū, mors, Diabolus & infernus: de pace facta inter Deum et homines: de falute aeterna, quam credentes in Chriftum hereditate confequentur. Hæc summa est Euangelij:



angelij: utrum ut hæc summa intelligatur melius, definitionem uberiores dabo, quam etiam breuiter scripturæ testimonijs declarabo.

Euangelium est doctrina diuinitus reuelata, in qua annuntiatur liberatio à peccato, maledictione & ira Dei, & proclamatur remissio peccatorum, felus & uita æterna, credentibus in Filium Dei, propter eiusdem filij Dei uictimam, ut bonitas & misericordia Dei prædicetur, utq; liberati per fidem fructus Euangelio dignos ex fiducia filij prosequantur.

Hæc definitio multa continet, quæ ordinè re-ensebimus & confirmabimus.

PRIMUM dixi, quòd Euangelium sit doctrina diuinitus reuelata, id quod ex eo confirmatur, quòd est Rom. 16. ubi Paulus Euangelium mysterium absconditum à seculis pronunciat, quibus uerbis apertissimè significat, ex humana ratione non pendere Euangelium. Num si ratio ullo pacto potuisset suo acumine hanc doctrinam perspicere, nequaquam mysterium absconditum à seculis dicendum fuisset.

DEINDE dictum est in definitione, quòd in Euangelio annuncietur liberatio à peccato, maledictione legis & ira Dei. Dicit enim Daniel Propheta Christum ablaturum esse peccatum, & Paulus maledictionem Legis per Christi aduentum, abolitam esse docet: Pater cœlestis de cœlo dicit se placatum propter filium. Hoc uerissimum esse experimur.



periuntur etiam omnes pij testimonium habentes Spiritus sancti, per quem clamant: Abba Pater. Quod profectò non facerent, nisi certò statuerent, ablatum peccatum, maledictionem legis abolitam, & iram Dei placatam.

TERTIO loco additur, quod in Euangelio proclametur remissio peccatorum, salus & uita eterna: ita enim ipse Dominus ait Luc. 24. Sic scriptum est, & ita oportebat Christum pati, et prædicari in nomine eius poenitentiam, et remissionem peccatorum omnibus gentibus. Et in hodierno Euangelio dicit: Qui crediderit saluus erit. Et ipse Dominus dicit: Qui credit in filium, habebit uitam æternam. Quid multis? uniuersa scriptura remissionem peccatorum, salutem & uitam æternam pollicetur omnibus amplectentibus Euangelium.

Verùm quia hæc beneficia non contingunt omnibus: Cain enim, Iudas, Saul et multi alij perierunt, et hodie, proh dolor, magna pars mundi ruit in æternum exitium, additur in definitione QVARTO loco, quod hæc beneficia contingant credentibus. Clarè. n. dicit Dominus: Qui credit in me non peribit: sed habebit uitam æternā. Ne quis aut hoc ex operum conditione pendere existimet, Paulus iustificari hominem sine operibus scribit, & idem pronunciat uitam æternam donum Dei esse per Iesum Christum, id est, contingere credentibus in Christum, non suo merito: sed Christi beneficio.

QVINTO additur: propter filij Dei uicti-

nam.



nam. Sic. n. ait Paulus, Per redemptionem quæ est in Christo Iesu. Vox enim ἀπαλῦσιν, qua Paulus utitur, significat redemptionem, quæ fit soluto precio pro capitis pœna. Tale precium pro nobis soluit Christus, quando pro nobis factus est peccatum, ut nos fieremus iusticia Dei in ipso, 2. Cor. 5.

SEXTO additur: ut bonitas & misericordia Dei prædicentur. Quod confirmatur exemplo cohortis Angelorum canentis nato Domino hunc hymnum: Gloria in excelsis Deo, & in terra pax, & hominibus bona uoluntas. Hoc ideo esse factum existimemus, ut omnes qui hunc Christum agnoscunt, discant castissimorum Angelorum exemplo bonitatem & misericordiam Dei prædicare, præsertim cum natura clamitet reddendam esse gratiam benè meritis.

POSTREMO in definitione Euangelij additur, ut fructus Euangelio dignos edant liberati per Euangelium. Dicit enim Paulus Ephes. 2. nos in Christo Iesu creatos ad bona opera, in quibus ambulandum est. Et idem Paulus dicit, nos in luce debere ambulare, cum simus lucis filij. Quomodo enim, quæso, conuenit, nos ex seruitute peccati exemptos esse, & tamen peccati seruitute & eius iugo premi? Apparuit, inquit Paulus, gratia Dei salutaris omnibus hominibus, ut abnegatis omni impietate & humanis desiderijs, sobriè, piè & iustè uiuamus in præsentī seculo.

Cum igitur firmis rationibus ostendimus per  
Euange-



Euangelium tollit peccatū, maledictionem et iram Dei, & succedere in horum locum iusticiam, salutem & uitam eternam propter Christum, dum in ipsum credimus, & quod uelit nos Deus, propter hoc beneficium suam bonitatē predicare, ac in tota uita gratitudinem ostendere, sequitur Euangelium esse, sicut dixi, doctrinam diuinitus reuelatam, in qua annuntiatur liberatio à peccato, maledictione legis & ira Dei, & proclamatur iusticia, salus & uita eterna, omnibus credentibus in Christum, propter eiusdem uictimam, ut bonitas & misericordia Dei predicetur, & ut liberati per Euangelium dignos Euangelio fructus edant.

Hec de Euangelio sint dicta. Quod autem additur de Baptismo, quo beneficium Euangelij applicatur & obsignatur, dicam alio tempore, quod & audiuius Dominica prima quadragesimæ.

## DE TERTIO LOCO.

Iam sequitur locus, qui est proprius huius Festi: nam quod Dominus in cœlum ascenderit, narrat Euangelista. Quare de ascensione Christi in cœlum, quæ est Articulus fidei nostræ, pauca dicam, idq; clarissimè.

In hoc ergo Articulo de ascensione Domini sunt tria nobis in primis spectanda. 1. Descensus: nam prius quàm ascenderit, descendit. 2. Ascensio. 3. Fructus ascendentis Christi.

In descensu Christi de cœlo in terram duo spectanda sunt: Donum & exemplum. Donum quidem.



dem, quod Christus de cœlo descenderit, & humanam naturam assumeret, ut per suam uictimam, peccata nostra expiaret. Per Christi enim uictimam placatus est Pater, & propter Mediatorem Christum ita humiliatum, omnes credentes recipiuntur & sunt filij & heredes Dei. Ideo enim Dominus descendit de cœlo, ideò se humiliavit & deiecit, ut nos ascenderemus ex terris ad cœlos, & ut exaltaremur ad æternam uitam & gloriam. Exemplum uerò ut & nos descendamus & humiliemur. 1. Petri 2. Christus passus est pro nobis, nobis relinquens exemplum, ut sequamur uestigia eius.

Ascensus Christi in cœlum qualis fuerit, ostendit scriptura. Ascendit uisibiliter, corporali et Phisico motu, & nubes suscepit eum in cœlum. Vnde illud: Ascendit supra omnes cœlos: Eph. 4. Neq. n. ascendendo humanam naturam in diuinam mutauit, aut ita diffundit, ut sit ubiq. cum diuinitate.

Fructus ascendentis Christi est multiplex, sicuti ex uarijs scripture locis colligere est facile.

PRIMVS ergo fructus, quod Christus sit triumphator suorum hostium, qui sunt peccatum, mors, diabolus, infernus. Hos enim hostes deuicit, & super eis triumphum egit, per suam gloriosam ascensionem. Deleuit peccatum, quando est factus uictima pro peccato. Deleto peccato exarmata est mors, nam peccatum est aculeus mortis. Destructa morte: Diabolus suas uires & arma amisit. Postremò quia infernus tantum eos deuorat, qui



qui sub peccato, morte & Diabolo sunt, sequitur Christum peccati, mortis & Diaboli uictorem, infernum quoque deuicisse.

SECUNDO ascendit, ut sit nobis caput, quod in cœlum prius ascendit, quo nobis uiam monstret: unde Ioh. 14. Ego abeo paratum uobis locum, & assumam uos ad me.

TERTIO ascendit, ut de cœlo spargat radios sue uirtutis in uniuersum mundum. Ephes. 4. Ascendit supra omnes cœlos, ut omnia impleat. Non ergo ascendit, ut abesset: sed ut præsenti uirtute regat cœlum & terram, & adsit sue Ecclesie usque ad consummationem seculi.

QUARTO ascendit, ut det dona hominibus, Ephes. 4. Ipse autem dedit, alios quidem Apostolos, alios Prophetas, alios Euangelistas, alios Doctores. Hoc est, ascendit ut sit efficax in ministerio, illud uirtutibus admirandis confirmans & obsignans in cordibus hominum.

QUINTO ascendit, ut habeamus in cœlo aduocatum. 1. Ioh. 1. Si quis peccauerit, habemus aduocatum apud Patrem, Iesum Christum iustum, & ipse est propiciatio pro peccatis nostris.

SEXTO ascendit, ut ad se corda nostra trahat, Matt. 6. Vbi est thesaurus tuus, illic & cor tuum. Coloss. 3: Si surrexistis cum Christo, que sursum sunt querite, ubi Christus sedet ad dexteram Patris: debet ergo nostra conuersatio esse in cœlo, ubi noster saluator in gloria sedet, cui cum Patre

&



& Spiritu sancto sit honor, laus & gloria in secula  
seculorum, Amen.

## DOMINICA SEXTA

POST PASCHA, Iohan. 16.



**C**um uenerit Paracletus, quem ego mit-  
tam uobis à Patre, spiritus ueritatis, qui  
à Patre procedit, ille testimonium perhibe-  
bit de me. Quin & uos testes estis, quia ab  
initio mecum estis. Hæc loquutus sum uo-  
bis, ne quid offendamini. Alienos à Synago-  
gis facient uos. Sed ueniet tempus, ut quis-  
quis interficiet uos, uideatur cultum præsta-  
re Deo. Et hæc facient uobis, quia non noue-

d rune



runt Patrem neq; me. Sed hæc locutus sum uobis, ut cū uenerit tēpus illud, reminiscamini eorum, quōd ego dixerim uobis. Hæc autem uobis ab initio non dixi, quia uobiscum eram.

## ENARRATIO TEXTVS.

**E**ST & hoc Euangelium pars concionis Christi, quam habuit ad discipulos pridē quam pateretur: cuius summam nuper audiuius. Hic autem textus continet promissionem aduocati Spiritus sancti, qui aderit Ecclesiæ, quando ipsa ab impio mundo persecutionem patietur. Nam Christus futurum esse pronunciat, ut tanta rabie ferantur aduersus Ecclesiam impij homines, & presertim Iudei, ut religionis Zelo ruant toto impetu contra pios: adeoq; persuadeant mundo cultum quandam Dei esse pios trucidare, eosq; extra suos coetus eijcere. Huius autem furoris causam esse ait ignorantiam & cecitatem, nimirum quōd nec Dei iram aduersus peccatum agnoscant, nec beneficia Christi intelligant. Loci tres.

- I. Officia Spiritus sancti & ministrorum uerbi in Ecclesia.
- II. Admonitio, ne pij scandalo offensi abijciant confessionem & fidem. (one.)
- III. De cruce piorum & eorum gloriosa liberati-

## DE PRIMO.

Cū autem uenerit Paracletus, quem ego mittam uobis à Patre, is restabitur de me:



me: sed & uos testabimini. Hæc uerba primam doctrinam huius Euangelij continent, nimirum quod Spiritus sanctus & Apostoli, adeoq; eorum successores debeant testari de Christo.

De Spiritu sancto hæc sunt colligenda ex textu. 1. quod sit unus Deus cum Patre et Filio. 2. quod sit distincta persona à Patre & Filio. 3. quod procedat à Patre & Filio. 4. quod detur Ecclesie à Christo. Cur autem detur Ecclesie exponitur, nimirum ut sit Paracletus, ut sit doctor ueritatis, ut testetur de Christo: de quibus officijs breuius ideo dicam, quia hæc sunt repetenda die Pentecostes.

Cur uocatur Paracletus seu aduocatus? ut hac appellatione innuitur Ecclesie persecutio & accusatio siue condemnatio à prophano mundo: Ita expresse significatur, quod non sit deferenda à Christo tempore persecutionis: sed Christus mittat ei aduocatum, nempe Spiritum sanctum.

Conditiones autem aduocati sunt quatuor. Prima, ut adsit reo, id est, ei qui uim aut iniuriam patitur, seu accusatur ab impio mundo. Secunda, ut causam hominis adeoq; totius Ecclesie in se recipiat tanquam suam. Tertia, ut doceat & admoneat errantem, & instruat ne causa cedat. Quarta, ut consoletur afflictum: proinde cum Spiritus sanctus aduocatus dicitur, significatur, quod sit Ecclesie patronus, causam eius in se recipiat, doceat ac consoletur Ecclesiam.

Deinde dicit textus, quod Spiritus sanctus sit  
d z futurus



futurus Doctor ueritatis: quo nomine primum indicatur, quòd homines suo pte ingenio ueritatem salutarem assequi non possint. Deinde quòd ueritatis doctrina non sit legis sed Euangelij: legis enim doctrinam ratio aliquo modo suo pte ingenio intelligit. Tum quòd Spiritus sanctus in docentibus & discipulis sit efficax. Facit enim ut docentes intelligant ueritatem, & discipuli recipiant. Præterea admonemur, ut hunc doctorem ueritatis imploremus, ut nobis clauem scientiæ donet, caueamusque, ne nostra impuritate ipsum castum Spiritum à nobis pellamus. Nam cum sit sanctus, id est, mundus, castus & sanctos efficiens, non habitat in corde impuro, id est, in eo quod in suis sordibus se inuoluit, & ut sus in uolutabro se coinquinat.

Ad hæc dicit: hic Spiritus sanctus testabitur de me. Cuius officij participes etiam erunt ministri uerbi.

Sed quid testatur Spiritus sanctus de Christo? & quid de eodem testabuntur ministri uerbi? Primum testatur Spiritus S. et ministri uerbi de Christo, quòd sit uerus Deus secundum scripturam, unus in diuinitate cum Patre & Spiritu sancto, sicuti nos in symbolo profitemur. Secundò testatur Spiritus sanctus, quòd Christus sit uerus Homo, iuxta symbolum: Qui conceptus est de Spiritu sancto, natus ex Maria uirgine. Tertiò testatur Spiritus sanctus, quòd Christus, etsi Deus et homo: tamen unus sit Dominus, unus Christus, una persona, quemadmodum



modum symbolum testatur, & Christus ipse de se, cum ait: Nemo ascendit in cœlum, nisi qui descendit de cœlo filius hominis, qui est in cœlo. Quartò testatur Spiritus sanctus de Christi officio, quòd sit Pontifex & rex. Pontifex quidem, quia uictima Patrem placavit, qui sua intercessione nos Deo adducit. Rex uerò, quòd hostes nostros deuicerit, peccatum, mortem, Diabolum, infernum, & ad iudicium sit uenturus iudicatum uiuos & mortuos. Hæc quatuor spiritus testatur de Christo: hæc quatuor nobis in simbolo de Christo commendantur: Hæc quatuor omnes sinceri ministri Dei testabuntur de Christo, donec uenerit ad iudicium.

## DE SECVNDO.

Hæc locutus sum uobis, ut non scandalizemini. Significat Christus in quem finem ita multum de Ecclesia, de Spiritu sancto, de sua morte & resurrectione dixerit: nimirum ut his confirmati, ne cum reliquo mundo scandalizentur. Hæc admonitio admodum necessaria est omnibus temporibus: nam mundus est plenus scandalis: Vah, inquit Christus, mundo à scandalis: significans graua supplicia manere eos, qui ob scandalum ab Euangelio deficiunt. Vt autem unusquisque nostrum rectè iudicare possit de scandalo, plenam doctrinam de scandalo proponam.

Scandalum in genere est, quicquid impedit hominem à recto Euangelij cursu: hoc est, dictum, uel factum, uel apparentia, ut ita dicam, externa, quod

d 3 cuidam



cuidam, uel causa, uel occasio offensionis est, ut à recto salutis cursu, uel impediatur, uel deflectat.

Huius scandali plura sunt genera. Est enim unum scandalum, quod datum uocant. Alterum quod acceptum nominatur, quæ qualia sunt, definitionibus & exemplis declarabo.

Datum igitur scandalū, est quod oritur aut ex facto dicto'ue in se malo, aut ex facto dicto'ue in se indifferenti, id est, nec bono nec malo, sed intempestiue commisso. Vtrumq; grauitè prohibitum est uoce Dei, et Christus pronunciat melius esse hominem demergi in medium maris, quàm ulli esse scandalo. Exempla sunt hæc: Arius negauit diuinam naturam in Christo, qua re plurimos offendit, et fuit et sibi et alijs multis causa æternæ damnationis. Dauid suo adulterio scandalo fuit omnibus sui regni incolis, qui nisi resipuisset, æternū perisset. Contra hoc scandalum orat Salomon, cū inquit: Custodi me à laqueo quem posuerunt mihi, et à scandalo operantium iniquitatem. Hoc scandali genere maxima pars mundi offensa hæret in damnatione, & quotidie multi præcipites dantur in ruinā hoc scandalo offensi, cū priuatim, tū publicè. Priuatim offenduntur pueri, serui, coniuges. Pueri uident parentes à cultu Dei abstinere, abstinēt & ipsi: audiunt ipsos parentes iurare, iurant & ipsi eorum exemplo: audiunt eos impudicè loqui, illi mox exemplum imitantur: iniqui. n. tenacius hærent: uident potantes, fallentes, iniquè cum proximis



mis agentes, illi quoq; ut discipuli easdem artes discunt: sed uah illis per quos hæc scandala fiunt. Illi enim seminarium Ecclesiæ Christi turbine et tempestate scandalorum deijciunt & calcant.

Hoc domesticum scandalum, est semen omnium malorum in mundo. Ea enim quæ pueri à parentibus discunt, retinēt senes, et eadem quoq; suos pueros docent. Quare parentes qui Deum timent, summa cura cauere debent, ne suis pueris sint scandalo: piè igitur loquantur, rectè omnia agant, Deum colant, & suos pueros ad simile studium inuitent, ac eos in correptione & admonitione Domini erudiant, quemadmodum Paulus monet, & perpetuò meminerint huius dicti Christi, quod est Marci 9. Quisquis offenderit unum ex paruis istis, qui credunt in me, bonum esset ei potius, si circumponeretur saxum molare circa collum eius, et projiceretur in mare.

Præterea hoc scandalum etiam committitur cum à magistratu, tum à subditis. Vt cum Hieroboam uitulum adorandum prostituit in Samaria: cum idem tyrannide sanctos Dei Prophetas persecutus est. Est autem hoc scandalum grauissimum in ministris Ecclesiarum, cum illi uel praua doctrina, uel impura uita, multis præbent occasionem malè loquendi de Euangelio, & pluribus infirmis efficacem occasionem lapsus præbent: ut sunt auari, scortatores, potatores, homicide & alij, qui suis moribus offendunt Ecclesiam, qui sa-

d 4 ne



nè à cordatis Episcopis deponi deberent, ne sua ruina plures secum in lapsum traherent. Neq; subditi hic excusari debent: uidemus enim qualis sit mundus: omnes corrupti sunt. Quis non ebrietate offendit? Quis non temeraria iurandi consuetudine scandalizat? quotus quisq; non aliquem laqueum struit ad offendiculum?

Verum quia scandalum datum non est simplex. Aliud enim ex malo datur dicto aut facto. Aliud datur ex facto non in se malo, sed intempestiue facto: sciendum est quod primum genus absq; omni conditione fugiendum sit omnibus quibus salus æterna curæ est. Verum quantum ad illud scandalum attinet quod datur ex indifferenti re, non semper fugiendum est, sed hoc iuxta hominum discrimen est agendum. Quidam homines sunt firmi, ut qui iam nôrunt Christianam libertatem: Quidam sunt infirmi, qui habent initia religionis: sed non sunt satis edocti de Christiana libertate: Quidam sunt obstinati & indociles et contumaces. Primum genus non offenditur usu rerum indifferentium, imò potius gaudet de Christiana libertate. Tertium genus offenditur quidem, sed eos non curabis: sunt enim hostes Christi. Neq; ab usu rerum indifferentium abstinebis propter ipsos, multò minus abstinendum est à ueris uirtutibus: ut sunt uerus cultus Dei, uera inuocatio, uera fidei confessio. Neq; à uera doctrina, sed Christi exemplo, inuitis etiam portis inferorum, uerum Euangelium doce

¶



et profitere. Sic enim Christus fecit: sic Prophe-  
ta: sic Apostoli, adeoque omnes pii omnibus tempo-  
ribus. Solet communiter dici, quod qui recte iudi-  
cat, recte docet et recte facit, non debeat propter  
scandalum abstinere ab eo quod rectum est. Hoc  
sanè uerissimum est, et confirmatur et Apostolo-  
rum exemplis. Verum de medio genere hominum,  
hoc est, de infirmis, notanda est regula Pauli: Pri-  
usquam offendam infirmum meum fratrem, non  
uescar carnibus in æternum. Ad eundem modum  
de alijs rebus Adiaphoris iudicandum est: Nam in  
omnibus nostris factis, ratio mutue caritatis et  
edificationis habenda est.

Verum hoc datum scandalum, de quo iam di-  
ctum est, habet et aliam differentiam à discrimine  
personarum sumtam. Aliæ enim personæ in aliqua  
dignitate constitutæ sunt: aliæ obscuræ priuatam  
uitam degentes. Scandalum quod datur, à persona,  
in aliqua dignitate constituta multò est eo graui-  
us, quam quod datur à priuata persona, quæ non in  
dignitate aliqua est, atque ideo meretur grauiora  
supplicia, cum propter personam ipsam, quæ su-  
um locum in quem à Deo cuncta est commaculat,  
tum propter homines alios, quibus lapsus causam  
prebuit efficaciorē, suo exemplo malo. Vt enim  
quò ingentius fuerit saxum cadens ab alta rupe,  
eò plura fragmenta facit, ita quò dignior fuerit  
persona, et in sublimiori dignitatis culmine con-  
stitutæ, eò plures in lapsum secum trahit cum ca-

d 5 dit.



dit. Vt minister uerbi peccans ebrietate, seortatio-  
ne, homicidio, aut alio flagitio, maiori offendiculo  
est, quàm miles, aulticus, aut nauta siue rusticus, atq;  
ideo maiori poena coërcendus & puniendus est:  
nam plures secum in ruinam trahit. Ad eundem  
modum de alijs iudicandum est. David in regno  
Iudaico, non solus adulter & homicida erat: attamen  
eius peccatum ob maius scandalum inde or-  
tum, in conspectu Dei aliorum delictis multò fuit  
atrocius: Quare & grauioribus poenis, preser-  
tim corporalibus est punitus. Multò grauius  
peccat ebriosus paterfamilias, quàm seruus: Nam  
ille exemplum domesticum est: hic ut contentus,  
non nisi ab improbis in exemplum trahitur. Atq;  
hactenus de dato scandalo.

Acceptum scandalum est, quod aliquis sibi su-  
mit à rectis factis aliorum, aut alijs rebus: et est du-  
plex: Humanum et Diabolicum. Humanum partim  
impiorum, partim piorum est. Impiorum quidem,  
quando impij offenduntur aut rectè factis piorum,  
aut libero Adiaphororum usu, aut etiam externa  
Ecclesie forma. Nam cum impij uident cruce pre-  
mi pios, & esse ueluti reiectamenta in mundo, oc-  
casionem inde maioris ruine accipiunt impij: ut  
Iudei qui offendeantur humilitate Christi & ca-  
lamitate Ecclesie, quemadmodum hodie offendun-  
tur multi uulneribus Ecclesie. Contrà, pij accipi-  
unt scandalum, quando uident impios florere: quan-  
do Ecclesia à Tyrannis opprimitur: cum multi in-

nocen-



nocentes trahuntur ad supplicia: cum heresibus turbare Ecclesiam animaduertunt. Verum hoc scandalum rursus superant, partim cōfirmante eos Spiritu sancto: partim exemplis Ecclesie Christi: partim ardentibus precibus. Nec ullum prastantius est aduersus huius generis scandala remedium, quam opponere perpetuam consuetudinem Dei, qui in hoc mundo ideo sinit Ecclesiam suam obrui uarijs calamitatibus, ut olim glorificetur cum filio suo dilecto Domino nostro Iesu Christo.

Diabolicum scandalum est, cum homines prae posterè captant, quæ ad peccandi licentiam obtinent, ut Cham qui absq; dubio ita proteruè insultauit patri, ut sibi impune peccandi licentiam acquireret. Tales hodie uidemus permultos, qui uicia sanctorum patrum plusquam studiosè conquirunt, ut incestum Loth, ebrietatem Nohe, concubinitum Abrahæ, adulterium & homicidium Dauid, periurium Petri, durius iugum quod imposuit Ægyptijs Ioseph, rapinam Zachæi, ut sine pudore ad omnem nequitiam se prostituant: imò ex hominum uicijs querunt, quomodo se obdurent ad Dei contemptum. Quare non immeritò hoc genus scandali Diabolicum uocatum est, ut quod calumnijs fulcitur in contumeliam Dei.

## DE TERTIO LOCO.

Tertius locus est de persecutione seu cruce Ecclesie. De quo loco uide suprà Dominica tertia à Paschate.

D O.



## DOMINICA PENTE

COSTES, Euangelium Iohan. 14.



Si quis diligit me, sermonem meum serua-  
 bit, & Pater meus diliger eum, & ad eum  
 ueniemus, & mansionem apud eum facie-  
 mus. Qui non diligit me, sermones meos nō  
 seruat: & sermo quem auditis non est meus,  
 sed eius qui misit me Patris. Hæc locutus  
 sum uobis, apud uos manens. Paracletus au-  
 tem ille, qui est Spiritus sanctus, quem Spiri-  
 tum mittet Pater in nomine meo, ille uos do-  
 cebit omnia, & suggeret uobis omnia, quæ-  
 cuncq; dixi uobis. Pacem relinquo uobis,  
 pacem



pacem meam do uobis, nō quomodo mundus dat, ego do uobis. Ne turbetur cor uestrum, neq; formidet. Audistis quōd ego dixi uobis, Vado, & uenio ad uos. Si diligere-  
tis me, gauderetis utiq; quōd dixerim: Vado ad Patrem, quia Pater maior me est. Et nunc dixi uobis, priusquam fiat, ut cū factum fuerit credatis. Posthac non multa lo-  
quar uobiscum. Venit enim princeps mundi huius, & in me non habet quicquam. Sed ut cognoscat mundus, quōd diligo Patrem. Et sicut mandatum dedit mihi Pater, sic fa-  
cio: Surgite, eamus hinc.

## ENARRATIO TEXTVS.

**H**oc festum, quod Pentecosten, id est, quinquagesimam uocamus, est institutum in memori-  
am confirmati Euangelij die quinquagesimo à re-  
surrectione Christi. Nam eo die Dominus noster  
mittit de cælo Spiritum sanctum, qui sedet super  
Apostolos uisibiliter instar flammæ ignis, qui non  
solum Apostolos in omnem ueritatem, iuxta pro-  
missionem Christi deducit: uerum etiam toti mun-  
do confirmat Iesum in cælo esse, & inde hoc stu-  
pendo facto suam confirmat doctrinam. Sicut enim  
quinquagesimo die post Pascha Iudaicum, quod pri-  
mum comederunt in Ægypto, lata est Lex: & eius  
doctrina magnis miraculis confirmata est, quem-  
admodum scribitur Exod. 19. Ita post uerum Pa-  
scha, id est, post occisum agnum Dei, qui est Iesus  
Chri-

DOMINICA  
NICA PEN  
S, Euangelium Ioh.



git me, sermonem  
er meus diligit  
manfionem apu  
n diligit me, serm  
mo quem auditis  
mitit me Patris. H  
uod uos manens. Pa  
fi Spiritus sanctus  
rer in nomine meo  
s suggeret uobis co  
bis. Pacem relin



Christus, uoluit Deus Euangelium filij sui confirmare hoc mirando facto, id est, uisibili donatione Spiritus sancti, quemadmodum in uespertina concione fusius audiemus.

Iam Euangelium dulcissimum accedamus, quod est etiam pars illius longæ concionis, quam habuit Dominus ad discipulos pridie quam pateretur. Summa autem textus, quem audiuitis, est, quod Christus tradat ueram notam fidei & dilectionis Dei, & eiusdem fidei & dilectionis fructus, nimirum ut discipuli sint pacatis conscientijs per Spiritum sanctum, quem promittit Patrem missurum in suo nomine. Monet etiam Christus de sua contra Satanam uictoria, ut uel ex hac uictoria cognoscat Mundus quam carus sit Patri. Pertinent autem hæc omnia ad confirmandos discipulos, ne scandalo crucis à confessione deficiant. Loci quatuor.

- I. Vera nota fidei & dilectionis Dei.
- II. Fructus & usus seruati uerbi Dei.
- III. Promissio Christi de Spiritu sancto Paracleto.
- IIII. De pace quam suis promittit Christus.

## DE PRIMO.

Si quis diligit me, sermonem meum seruabit. Hæc uerba diligenter obseruemus. Veram enim notam fidei & dilectionis Dei ostendunt. Qui diligit Christum, libenter ipsum audit: libenter seruat, quod audit: libenter facit quod seruat.

Hæc



Hec enim natura coniuncta sunt. Videmus inter homines hunc morem esse, quod non sine tadio eos audiant, erga quos non optime sunt affecti: Contra nihil magis expeti, quam ut magis audiant cum summa animi obseruantia eos, quos intime amant, presertim cum sciant sapienter & prudenter, multa salutaria & utilia ab illis dici.

Sed quis est sermo Christi? Primum agere poenitentiam. Ita. n. et eius prece Iohannes Baptista, et ipse suam concionem est orsus. Hic eius affectus erga nos indicatur: Nam sine poenitentia impossibile est saluari. Vnde dicit: Nisi poenitentiam egeritis, omnes peribitis. Secundò, credere Euangelio, hoc est, statuere Christum sibi talem esse, qualis nobis per Euangelium annunciat, id est, saluator, iustificator & redemptor. Huius fidei finis est salus animarum, 1. Pet. 1. & apud Iohannem: Qui credit in Filium, habet uitam eternam. Tertiò, ex hac fide fructum producere. PRIMVM, pietatem erga Deum seu cultum Dei. SECVNDVM, innocentiam uite, & sanctificationem animi et corporis. TERTIVM, dilectionem proximi manentem ex uera fide & sincero corde, & bona conscientia. QVARTVM, opus uocationis facere in timore, in gloriam Dei & utilitatem proximi. Has omnes uirtutes patientia uera ornat, que est quedam erga Deum sub cruce obedientia. Qui meus uult esse discipulus, inquit Dominus, tollat crucem suam & sequatur me.

Quid?



Quid? Cùm tam multa requiris, An non sola fide iustificamur & saluamur? Verum quidem est: Sed discernendum est inter salutis causas, & obedientiam quam requirit à suis Deus. Sola fide iustificamur: sed iustificati noui facti sumus homines, nempe filij Dei, qui iam exemplo Patris nouam & beatam uitam degere debemus.

Verùm hìc quoq; tenendum est, quòd ut duplex nota est filiorum Dei: ita etiam duplex est nota filiorum Satanæ. Nota enim filiorum Dei, alia est interna, alia externa. Interna est pœnitentia, fides, pietas, bona conscientia. Externa est auditus uerbi, & honesta conuersatio inter homines. Nam ut Christus hìc indicat amorem sui uerbi et auditum, notam esse suorum discipulorum: Ita Petrus honestam conuersationem requirit inter homines, unde Deus glorificari, & Ecclesia ædificari possit: At nota filiorum Satanæ interna est, esse sine pœnitentia, sine fide, sine pietate, mala conscientia, imperium malorum affectuum, externus contemptus uerbi et improba uita. Has notas obseruate, et unusquisq; seipsum examinet, utrum sit inter filios Dei censendus, an inter filios Satanæ. Si inter filios Satanæ se senserit esse, reuocet quàm primum gradum, ne citius opinione præcipitetur in iudicium. Si inter filios Dei se intellexerit esse, agat gratias Deo, petat incrementa fidei, dilectionis & aliarum uirtutum, petat se confirmari Spiritu sancto, ne Satanæ technis à pio sanctoq; cursu abducatur.

DE



Et Pater meus diligit eum: & ad eū uenimus, & apud eum mansionem faciemus. Hic recitantur dulcissimi fructus seruati uerbi Christi.

PRIMVS est, quod Pater diligit seruantes uerbum Christi. Habet enim eos caros in dilecto, Ephe. I. Hoc quantum sit bonum ex eo intelligi potest, quod qui in Christum non credunt, manent sub ira Dei, iuxta illud: Qui non credit in Filium, manet ira Dei super eum. Vbi ira Dei est, ibi peccatum, mors, damnatio, infernus, diaboli tyrannis, breuiter, omne malum. Contrā, ubi amor Dei, ibi uicti hostes sunt, ibi salus, ibi gaudium, ibi uita æterna. Cogitemus ergo de hoc primo fructu seruati uerbi Christi, ut eius cogitatione magis accendamus ad amorem uerbi.

SECVNDVS fructus est: & ad eum, inquit, uenimus. Quo aduentu nullus honor maior esse poterit. Si Deus Pater, Filius et S. sanctus ueniunt ad eum, qui seruat sermonem Christi, profectō sequitur, quod antea non uenerint ad ipsum: sed fuerit sub Diaboli potestate, et in regno tenebrarum, ubi mors & damnatio regnant. Magna amicitia est, si Rex uenit ad subditum, magnus honor est à maiori uisitari: sed huic honori nullus alius conferri potest, quod Deus Pater, Deus Filius, & Deus Spiritus sanctus ueniunt ad hominem diligentem Christum, & seruantem sermonem eius.

TERTIVS fructus est, quod non solū Tri-

c

nitas



nitatis ueniat ad hominem seruantem sermonē Christi: uerum etiam faciat mansionem apud eum, & in eo maneat. Significat Christus hac dulcissima promissione, audientes uerbum Christi et illud seruantes esse templa Trinitatis, in quibus habitat Pater, Filius & Spiritus sanctus. Tametsi autem tota Ecclesia, unum Dei templum dicitur: tamen singuli Christiani, singula Spiritus S. templa sunt. Ecce quam magnifica est hæc promissio. Si quis promitteret misero homini magnum auri thesaurum, merito sanè gauderet & exultaret, quod è paupere et misero, diues & felix esset factus. Verum hic longè maximus thesaurus promittitur, nempe inhabitatio Trinitatis in nobis, quæ omnibus thesauris infinitum præstantior est.

Sed quid facit Pater inhabitans in homine? quid Filius? quid S. sanctus? Pater homines in quibus habitat sua politia, protegit & tuetur aduersus furorē satanæ, cum in omnes incredulos plenum imperium exerceat Satan. Filius eosdem sua sapientia & luce docet & illuminat, contra omnes nebulas omnium tenebrarum. Spiritus sanctus eosdem sua sanctitate sanctificat, consecrat & ungit in Prophetas, reges, sacerdotes et sanctos Domini. In prophetas quidem, quia ea uidemus oculis fidei nostræ, quæ nullus corporalis oculus intueri potest: ea audimus aurib. fidei, quæ nulla auris corporalis percipere potest. De hoc Prophetico munere concionatur Iohel, quemamodum Lucas etiam meminit

Act.



Act. 2. In reges, cum quia Dei filij effecti sumus per uictoriam Christi, tum quia uirtute Christi dominamur morti & inferno, Luc. 22. dispono uobis regnum, quemadmodum pater disposuit mihi. In Sacerdotes, quia cum credimus in Christum habemus ius offerendi Deo sacrificium laudis: habemus libertatem inuocandi Deum, per Christum unicum Mediatorem, et summum sacerdotem: habemus auctoritatem docendi uerbum Dei, sed quilibet pro sue uocationis ratione. In sanctos uero, quia per fidem in Christum, non aliter reputamur puri, quam si Legem perfecte impleuissimus. Vide quam multiplices fructus adfert secum obseruatio & amor uerbi Christi: nulla maior dignitas, nulla gloria, nullum decus magis eximium esse potest. Sed quid hinc discimus? ut digne uiuamus tanto honore, ne nostra impuritate Deum expellamus e cordibus: sed potius ipsum perpetuis laudibus celebremus in uera pietate & sanctificatione. Quod huius nos moneat tanta dignitas debeat, docet Petrus 1. Petri 2. ubi ita ait: Vos estis genus electum, regale sacerdotium, gens sancta, populus quem sibi DEVS ut proprium uendicat, ut predicetis uirtutes illius, qui e tenebris uos uocauit in admirabilem suam lucem. Qui quondam eratis non populus, nunc estis populus Dei: qui quondam non consecuti misericordiam, nunc estis misericordiam consecuti. Hinc infert Apostolus: Abstinete ergo a carnis cupiditatibus, quae militant aduersus animam, &

e 2 conuer-



conuersationem uestram habete honestam intergentes. Quot igitur beneficia Dei erga nos audimus, tot erunt nobis stimuli ad pie sancteq; uiuendum. Quare cum Christus hic tanta promittit, & cum diuina Trinitas in credentibus habitet, demus operam, ut simus mundi & puri, quemadmodum decet templa Dei esse: simus spirituales reges, ut dominemur peccato, & non amplius seruiamus ei in concupiscentijs nostris: simus sacerdotes, qui Deo uiuas hostias offeramus, eumq; ex fide Christi inuocemus: simus sancti & segregati à prophanis mundi turbis, ne in pristinas sordes rursus incidamus.

## DE TERTIO LOCO.

Paracletus autem Spiritus sanctus, quem mittet pater in nomine meo, ille docebit uos omnia &c. Hæc est Christi promissio, qua pollicetur suis Spiritum sanctum. Antea audiuius, quæ sit Christianorum dignitas: nunc quid cum hac dignitate coniunctum sit audiamus. Et quia hæc pro illorum dignitate explicare non possumus, uolumus infantum more de singulis, quæ hic dicuntur in hac magnifica promissione, balbutire. Continent igitur hæc pauca uerba septem de Spiritu sancto puncta, quæ breuiter recitabo, & ad nostrum usum accommodabo. Hæc enim puncta causas missi & dati Spiritus sancti continent.

PRIMUM dicitur Paracletus: hac de appellatione, etsi nonnihil dixi die abhinc octauo, tamen



tamen ea hodie repetere fortè non erit inutile.

Dicitur itaq; Paracletus, hoc est, aduocatus, ut adsit afflictis, illos doceat, illos consoletur, illorum causam tanquam suam in se recipiat, ac tandem nos impellat, ut clamemus ac ex corde dicamus: Abba Pater, Miserere nostri propter filium tuum, quem nobis saluatorem dedisti. Atq; hæc est prima causa dati Spiritus sancti.

SECUNDA est, ut nos uiuificet, atq; ideo dicitur Spiritus. Est autem duplex uita: una naturalis, qua omnia animantia uiuunt: Hæc durat ad breue tempus, nam morte tandem absorbetur. Alia uita Dei est, à qua dicit Paulus alienatos esse eos, qui non cognouerunt Christum. Huius uite autor est spiritus ille Christi, quem suis promisit discipulis. Hæc non est momentanea: sed perpetua, ut quæ Dei æterni propria est. Hanc uiuunt omnes, qui in filium Dei credunt, Gal. 2.

TERTIA causa missi & dati Spiritus sancti est, ut sanctificet, à quo effectu sanctus dicitur: sanctificat autem dum in nobis fidem operatur, dum nos regenerat, dum nostram mentem, affectus & uoluntatem reformat: breuiter, dum efficit, ut simus nouæ creaturæ, iuxta Dei uoluntatem uiuentes.

QUARTA causa missi & donati nobis Spiritus sancti, est, ut inter nos quandam confirmet caritatem: ideo à Patre ad filios mitti dicitur. Vt enim Pater intima storga & caritate complecti-



tur suos filios: ita nihil magis expetit, quam ut filij, Patris unigeniti imitantes, fraternam inter se colant caritatem. Hoc facere decet eos, qui Deum communem Patrem agnoscunt: Qui uero id facere recusant, illi uel filij nunquam fuerunt, uel turpiter à Patris ingenio degenerauerunt.

QVINTA causa missi Spiritus sancti est, ut ab illo discamus qualiter Pater noster cœlestis erga nos affectus sit. Ideò dicit Dominus: Et docebit uos omnia. Quid? an aliud docebit, quam quod Propheta & Moses docuerunt? An aliud quam quod in scriptura nobis commendatur? Nullo pacto. Eadem enim docebit. An non sufficit scriptura? Sufficit quidem, quantum ad doctrinam attinet, non quantum ad nostrum captum: Nam etiam si millies audiamus uerbum: tamen inefficax est, nisi ille intus doceat. Vnctio enim, ut inquit Apostolus, docet omnia.

SEXTO causa missi & donati Spiritus sancti indicatur hoc dicto, In nomine meo, quo dicto significatur ultimus finis donati Spiritus sancti, qui est, ut in Christum credentes saluentur. Nam cum Christus salus nostra sit, & Spiritus sanctus eius nomine mittatur, non est dubium, quin nostræ salutis causa mittatur.

SEPTIMA causa est, ut Christi sermonem in nobis confirmet. Ille uos, inquit, docebit omnia: ille surgeret uobis quæcunq; dixi. Hec de Spiritu sancto in Euangelio nostro, quod hodie



in Ecclesia legitur, breuiter significantur, plura in symbolo adhuc breuius notantur: quæ sunt, quod sit uerus Deus, & quod tertia persona in diuinitate, quod uiuificet & sanctificet, & quod in illum uiua fiducia, ut in Patrem & Filium, recumbere debeamus. Verum de his plura aliàs, & quedam nuper audiuius.

## DE QVARTO.

Pacem meam relinquo uobis, pacem meam do uobis, non quomodo mundus dat, ego do uobis. Hæc promissio Christi etiam est magnifica, & maior sanè quàm mundus intelligit. An non dicit Christus, sicuti nuper audiuius, in mundo pressuram habebitis, et uos eijcient de synagogis suis? Sic est. Ideò Christus distinguit inter duplicem pacem: pacem mundi, & pacem suam. Pax mundi qualis sit, nemo non intelligit: At pax Christi qualis sit, soli filij Dei intelligunt. Nam ea est de qua Euangelium sonat, de qua prima Dominica à Paschate copiosè dixi. Verum ut breuiter ea repetam: Pax CHRISTI est reconciliatio nostri cum Deo, remissio peccatorum, donatio Spiritus sancti, ac uita æterna, iuxta orationem Ecclesiæ: Deus, qui corda fidelium Sancti Spiritus illustratione docuisti, da nobis, quam mundus dare non potest, pacem, et ut corda nostra sint tranquilla. Hanc pacem donet nobis filius Dei, cui cum Patre & Spiritu sancto sit honor & gloria in secula, Amen.



## FERIA SECUNDA

PENTECOSTES, Iohan. 3.



**S**ic Deus dilexit mundum, ut filium suum unigenitum daret, ut omnis qui credit in eum, non pereat, sed habeat uitam æternam. Non enim misit Deus filium suum in mundum, ut condemnet mundum, sed ut seuietur mundus per eum. Qui credit in eum non condemnatur: Qui uero non credit, iam condemnatus est, quia non credit in nomen unigeniti filij Dei, Hæc est autem condemnatio, quòd lux uenit in mundum, & dilexerunt homines magis tenebras quàm lucem. Erant enim



enim opera eorum mala. Omnis enim qui mala agit, odit lucem, nec uenit ad lucem, ne arguantur opera ipsius. Qui autem operatur ueritatem, uenit ad lucem, ut conspicua fiant facta ipsius, quod per Deum sint facta.

## ENARRATIO TEXTVS.

**H**eri audiuius, confirmatum esse Euangelium Iesu Christi per stupendum miraculum, uidelicet, quod miserit Christus de cælo Spiritum sanctum uisibili forma, quem non solum senserunt Apostoli, uerumetiam uiderunt omnes, qui eo die adfuerunt Hierosolymis: quemadmodum narrat Lucas Acto. 2. Hodie Ecclesia proponit Euangelium, in quo Christus proponit summam eius doctrine, ad quam confirmandam, datus erat Spiritus sanctus in die Pentecostes. Colloquitur autem Christus cum Nicodemo, qui fuit ex Phariseis, et princeps Iudeorum, quemadmodum audiemus latius Dominica Trinitatis. Huic proponit Christus in textu, quem legi, salutis & damnationis causas, monstratque unde sit et salutis origo, & unde damnatio ueniat. Dicit Christum ideo datum esse, ut credentes per ipsum saluentur: reliquos testatur herere in sua damnatione: quemadmodum clare uidebimus in textus enarratione. Loci:

- I. Commendatio dilectionis Dei et misericordie erga homines.
- II. Instrumentum, quo hominibus applicantur beneficia Christi, signatur.

e 5

3. Con=



III. Consolatio piorum contra tentationem peccati & iudicii.

IIII. Discrimen inter credentes et nō credentes.

## DE PRIMO.

Sic Deus dilexit mundum, ut filium suum unigenitum daret. His paucis uerbis commendatur nobis Dei dilectio & misericordia: idq; non nudis uerbis: sed facto omnium maximo. Non est enim uera dilectio, quæ uel in corde tantum latet, uel in lingua sedet: sed quæ ex intimo cordis affectu proficiscens, uoce & facto se declarat. Quomodo ergo hīc diligit Deus? Diligit adeo, ut etiam Filium suum pro mundo redimendo dederit precium redemptionis, ut sua morte, morti & damnationi addictos redimeret. De hac Dei dilectione loquitur Paulus Rom. 5. Commendat nobis suam caritatem Deus, quod cum adhuc essemus peccatores, Christus pro nobis mortuus sit. Et Rom. 8. Si Deus pro nobis, quis contra nos? qui etiam proprio Filio non pepercit: sed pro nobis omnibus tradidit eum. Quotidiē maxima argumenta caritatis Dei erga homines contemplamur in tota uita & rerum gubernatione. Verū illa caritas, quæ ita in rebus huius uitæ relucet, uix est tenuis umbra illius summæ dilectionis, qua nos in filio (quem dedit in amarissimam mortem pro nobis) complectitur. Hæc Dei dilectio habet summam misericordiam coniunctam, de qua in multis locis Moses, Prophetæ, et Psalmi concionantur, unde pauca testimonia desu-



desumam, ad nos confirmandos de uoluntate Dei  
 erga nos. Moses Exod. 34. ita ait: Dominator Do-  
 mine Deus misericors, & clemens, & multæ mise-  
 rationis, & uerax, qui custodis misericordiam in  
 millia, qui aufers iniquitatem & scelera atq; pec-  
 cata. Deut. 5. Ego sum Dominus Deus tuus, & fa-  
 ciens misericordiam in multa millia diligentib. me,  
 et custodientibus præcepta mea. Esa. 16. Et præpa-  
 rabitur in misericordia solium. Ionæ 4. Scio enim  
 quia tu Deus clemens & misericors, patiens &  
 multæ miserationis, & ignoscens super maliciam.  
 David Psal. 32. Misericordia Domini plena est ter-  
 ra. Et Psal. 102. Secundum altitudinem cœli à ter-  
 ra, corroborauit misericordiam suam super timentes  
 se. Item Psal. 103. Misericordia Domini à secu-  
 lo usq; ad seculum super timentes eum, & iusticia  
 eius super filios filiorum. Item in eodem Psalmo:  
 Pius & clemens Dominus, lentus ira, & magnus  
 misericordia, non secundū iniquitates nostras agit  
 nobiscum, neq; secundum iniquitates nostras re-  
 tribuit nobis: sed secundum altitudinem cœli à ter-  
 ra præualuit misericordia eius super timentes  
 eum. Sicut miseretur pater filiorum: ita miseretur  
 DOMINVS timentibus eum. Huiusmodi sunt  
 multa scripturæ testimonia, quæ nobis dilectionem  
 & misericordiam Dei inenarrabilem commen-  
 dant, & eius dilectionis & misericordiæ ampli-  
 tudinem, effectum & applicationem monstrant.  
 Amplitudo enim misericordiæ Dei in his cerni-  
 tur,



tur, q̄ se in millia extēdat, quòd impleat terram, q̄  
excedat cœlum & terram, quòd sit ueluti Pater  
misertus filiorum. Effectus enim seu fructus cerni-  
tur in eo, quòd tollat peccatum, quòd iustificet pec-  
catores, quòd à pœna debita absoluat. Hæc miseri-  
cordia in filio fundata est, quia sua uictima iusti-  
ciæ Dei satisfecit, & sua obedientia erga legem  
Dei iusticiam nobis comparauit. Applicatio huius  
misericordiæ fit diligentib. Deum, timentib. ipsum,  
et custodientib. præcepta eius, hoc est, credentibus  
in Christum, qui ex fide nouam obedientiam præ-  
stant. Sed de hac re plura in secundo loco dicenda  
sunt: Nos hîc uerba textus altius perpendamus. Ita,  
inquit, Deus dilexit mundum. Quis diligit? Deus,  
Quem diligit? Mundum. Hîc siste gradum, & de  
hac uoce cogita. Diligit mundum: ergo salutaris  
ipsius dilectio non ad solos Iudeos pertinet: sunt. n.  
pars mundi. Diligit mundum: ergo nō paucos quos-  
dam de mundo, ut sanctos & probos, qui in mundo  
sunt: imò Christus ideò uenit in mundum, ut pecca-  
tores saluos faceret. Quid ergo per mundum sig-  
nificat? Omnes homines qui sunt in mundo. Ecce,  
inquit Iohannes, agnus Dei q̄ tollit peccata mundi.  
Item, Deus uult omnes homines saluos fieri. Quo-  
tiescunq; ergo audimus Deum mundum diligere,  
cogitemus nos partem mundi eius esse, quem dili-  
git. Quî fit quòd diligit cùm simus peccatores?  
Deus duo in nobis inuenit. Vnum quod ipse fecit:  
Alterum quod à nobis profectum est. Quòd simus  
homines



homines constantes animo & corpore, ab ipso est: hanc suam creaturam diligit Deus. Quod autem sumus peccatores, non ab ipso habemus: sed à nobis ipsis profectum est: hoc odit Deus, & pro hoc expiando dedit Filium, & uult ut illi, qui uolunt misericordiæ ipsius esse participes, hoc in se mortificent perpetua pœnitentia. Sed quomodo Deus mundum diligit: ut dederit filium pro eo, nempe ut ipse mundi peccatum in se reciperet, & pro eo moreretur in cruce. Magna sanè dilectio, qua nulla maior esse potest. Verùm hic ratio offenditur, quæ Dei consilium non intelligit, ac ita obijcit. An non Deus est omnipotens? Est sanè. Nonne omnia quæ uult potest? potest profectò. An nõ ergo fuisset melius, si alio modo suam erga homines dilectionem ostendisset? Respondet Augustinus. Si fecisset aliter neq; hoc placuisset. Placuit, inquit Paulus, per stultam prædicationem saluos facere credentes. Quare nos seposito rationis iudicio, dicamus cùm Dauid: Lucerna pedibus meis uerbum tuum. Deinde hoc sciendum est, quod Deus non solum sit omnipotens: uerum etiam iustissimus, maximè misericors et sapientissimus. Lapsus erat genus humanum in peccatum. Quid hinc requirebat iusticia? Certè ut secundum peccati magnitudinem puniretur genus humanum. Ut peccatum fuit infinitum (nam eo infinitum bonum offensus erat) ita requirebat Dei iusticia, ut uel infinitas pœnas lueret genus humanum, uel fieret insta pro pœna compensatio. Hanc compen-

4  
10 11



compensationem nemo potuit præstare, nisi Deus. Verum quia Deus non debuit poenam, assumpsit humanam naturam filius Dei, & in ea satisfecit pro peccatis mundi. Atq; ita Deus se non solum omnipotentem, uerumetiam iustissimum, maxime misericordem et sapientissimum declarauit. Solus enim ille inuenit uiam, quam ratio inuenire non potuit. Dedit filium, qui diuina potentia superauit peccatum, mortem, Diabolum & infernum, qui sua misericordia nos recepit, qui sua iusticia Dei iusticie satisfecit, qui sua sapientia uiam salutis inuenit.

## DE SECVNDO.

Vt omnis qui credit in eum non pereat, sed habeat fidem æternam. Hic instrumentum proponitur, quo nobis beneficia Mediatoris Christi applicantur. Verum quia hæc uerba sunt filij Dei, & præcipuus flos seu clenodium totius sacre scripture, uolo ea singulatim perpendere, et quid doctrine ex singulis uocibus sit hauriendum ostendam.

PRIMUM inquit: Omnis, Hæc uox, omnis medetur duabus grauissimis tentationibus, quarum una est de particularitate: altera de indignitate propter multitudinem peccatorum. Multi sunt, qui fatentur quidem Deum propitium esse multis propter Christum: sed dubitant, an ad se quoque pertineat tantum bonum. Hæc grauis est tentatio, cui medetur filius Dei hac una uoce omnis. Nam si ad omnes se non extenderet beneficium Christi, nequa-



nequaquam dixisset omnis: sed multi, aut quidam. Demus ergo Christo laudem ueritatis, & firmiter unusquisque statuatur, Christi beneficia ad se quoque pertinere. Deinde alia tentatio oritur ex cogitatione magnitudinis peccatorum, quam augent ærumne presentis uitæ. Huic quoque medetur Christus hac uoce, omnis. Non enim dicit omnis iustus, uel minora peccata committens, sed omnis, scilicet qui in hoc uasto mundo inuenitur. Hoc confirmat etiam precium redemptionis. Sanguis Christi, inquit Iohannes, emundat nos ab omni iniquitate, id est, ab omni eo, quod à nobis iniquè perpetratum est contra legem Dei. Nemo ergo desperet propter magnitudinem morbi: Medicus Christus sapiens est, & efficax remedium contra omnes morbos habet, suam mortem & obedientiam.

DEINDE sequitur secunda uox, Qui credit: qua uoce distinguitur genus humanum in duo genera hominum, quorum alij credunt, alij non credunt. Credunt, qui statuunt Christum sibi propitium esse, iuxta promissionem: Non credunt, qui condemnant Euangelium, qui nolunt Christo fidem adhibere, hi sua culpa non credunt. Beneficium quidem se ad omnes extendit, & omnibus offertur iuxta mandatum Christi: sed tantum à credentibus accipitur, iuxta mandatum & promissionem Christi. Euntes in mundum uniuersum, prædicate Euangelium omni creaturæ, qui crediderit saluus erit. Ecce omnibus offertur benefi-

cium.



cium : sed soli credentes illud apprehendunt : reli-  
qui uero sua culpa pereunt. Tametsi. n. Deus sua mi-  
sericordia uult omnes saluos fieri: tamen uult iusto  
suo iudicio perire incredulos, quos saluari uolui-  
set, si salutem fide amplecti non recusassent.

TERTIA uox est, In eum, Is enim saluatur,  
qui in eum, id est, in Dei filium, uerum hominem et  
saluatorem mundi Iesum Christum credit. Quid est  
in eum Credere? est desperare de teipso, & omnia  
bona sperare ab ipso.

QUARTA uox sequitur, non pereat. Hac  
uoce duo indicantur. Primum, q. omnes nō creden-  
tes in Christum damnationis sententiae subiaceant.  
Alterum, quod solius Christi merito homines sola  
fide ab hac damnationis sententia absoluantur. Est  
ergo hoc maximum beneficium Euangelij, liberari  
à commérito exitio & aeterna damnatione.

QUINTA uox, sed habeat uitam aeter-  
nam. Hoc est summum Euangelij beneficium,  
Mors aeterna debetur nobis ex nostro merito : uita  
aeterna debetur nobis ex Christi merito : modò in  
eum firma fiducia usq; ad finem recumbamus. Ex  
his iam firmum discrimen colligendum inter Le-  
gem et Euangelium: inter opera et fidem. Lex pro-  
mittit uitam aeternam: sed facientibus legem. Ve-  
rùm quia nemo legi satis facere potest, sequitur ne  
minem per legem uitam aeternam consequi. Euan-  
gelium promittit uitam aeternam gratis omnibus  
qui in Christum credunt, quia Christus pro omni-  
bus



his ijs legis iusticiæ satisfecit. Fides igitur accipit  
gratuitum beneficium, quod lex adfert cum condi-  
tione impletæ legis: Verum nacti hoc beneficium  
fide, debemus opera facere, non ut illis mereamur  
cælum & uitam æternam: sed ut filij Dei, ipsi ue-  
ram obedientiam, & nostram fidem ex suis operi-  
bus declarem in omni pietate & honestate.

DE TERTIO.

Non enim misit Filium suum Deus in  
mundum, ut condemnet mundum: sed ut  
saluetur mundus per ipsum. Qui credit in  
eum, non condemnabitur: Qui autem non  
credit, iam iudicatus est, quia non credit in  
nomen unigeniti filij Dei. Hæc uerba tertium  
locum continent, nempe consolationem & terro-  
rem. Illa consolatur credentes, agnoscentes sua pec-  
cata: hoc terret contumaces qui in Christum nolunt  
credere. Cum aut dominus facile uideret, quæ esset  
hominum infirmitas, & maxime eorum, qui uerè  
sententiam legis cogitant. Illi. n. dum audiunt mor-  
tis sententiæ subiaccere omnes, qui legi plenam obe-  
dientiam non præstant, non possunt non pauescere  
ad legis minas: hos igitur consolatur Christus &  
ait: Non misit Deus filium suum, ut condem-  
net mundum, sed ut saluetur mundus per ip-  
sum. Loquitur de primo suo in mundum Aduen-  
tu, qui fuit ad saluandum peccatores agentes pœ-  
nitentiam. Hæc enim dulci inuitatione usus est: Ve-  
nite ad me omnes qui laboratis & onerati estis, &

f ego





ego reficiam uos. Item, Non ueni uocare iustos: sed peccatores ad pœnitentiam. Quotquot ergo uoci Christi obtemperant et pœnitentiam agunt, liberi sunt à iudicio condemnationis. Ita enim ait ueritas, qui credit in eum, non iudicatur, scilicet iudicio condemnationis. Hæc promissio consolabitur nos aduersus leges & conscientie sententiam. Is enim qui uenturus est iudex uiuorum & mortuorum, dicit clara uoce: qui credit in eum non iudicatur. Huius promissionis fiducia aduersus minas legis, terrores mortis, flamas inferni, tyrannidem Diaboli, in hora mortis erit nobis necessaria: non enim fieri potest, ut ipsa æterna ueritas mentiatur. Hactenus de consolatione credentium: De terrore eorum, qui nolunt Euangelio credere, sequitur. Qui autem non credit, iam iudicatus est, quia non credit in nomen unigeniti filij Dei. Quid? An non ergo aliud futurum est iudicium? Imò ad iudicandum ueniet filius hominis suo tempore, quemadmodum promisit. Quid ergo est quod dicit, iam iudicatus, id est, condemnatus est? Hoc dicto ostendit, qualesnam sint omnes filij Adam sine fide, id est, sine Christo Mediatore, uidelicet quod sint iudicati, id est, condemnati, scilicet quantum ad causam attinet & materiam. Causa enim & materia damnationis in ipsis est, quæ est transgressio Legis diuinæ, & contumax rebellio aduersus Deum. Præterea legis sententia, olim à Deo creato primo homine proposita, & deinde repeti-



repetita in monte Sina est, quod maledictus sit omnis, qui non obedierit Deo iuxta ipsius mandatum. Ad hanc maledictionem obligati sunt omnes, qui non credunt in filium Dei, qui solus eorum maledictionem in se recepit, qui in se crediderint. Hoc ita esse significant quæ sequuntur: Hoc est autem iudicium, quod lux uenit in mundum, & dilexerunt homines magis tenebras quam lucem. Hoc est, ideo homines condemnabuntur, quia lucem filij Dei fide non receperunt: sed potius in sua ignorantia permanere uoluerunt, idque ideo, quia eorum opera erant mala.

## DE QUARTO.

Omnis enim qui malè agit odit lucem, & non uenit ad lucem, ut non arguantur opera eius. Fures cum furari uolunt tenebras amant: Ita homines qui nondum ad benè agendum sunt nati per fidem Christi, toto impetu ad malè agendum feruntur, ideo lucem Euangelij oderunt: cum contrà, qui sincerè agit, benè sibi conscius, uenit ad lucem, id est, sua opera manifestè facit, non ueretur hominum conspectum. Id est, qui uenit ad Christi lucem, et eius spiritu benefacere dicit, is non manet diutius in ignorantie tenebris, sed ut lucis filius ambulare conatur. Hinc ergo discamus, primum differentiam inter credentes & non credentes. Discrimen enim ab operibus pendendum est, sicuti Dominus in alio loco ait: Bonae arbor, bonum fructum facit: Mala uerò malum

f 2 produ-



producit fructum. Deinde etiam discamus, quod lux Euangelij non ferat, ut ueteribus tenebris inuoluamur. Huc tot Cristi adhortationes & Apostolorum. Apud Matthæum ait Dominus: Sic luceat lux uestra coram hominibus, ut glorificent Patrem coelestem. Et Paulus ait: Lucis filij estis, tanquam in luce ambulate. Ad eundem modum & Petrus: Ad quem accedentes lapidem uiuum, ab hominibus uerò reprobatum, à Deo quidem electum, & honorificatum, & ipsi tanquam lapides uiui superedificamini, domus spiritualis, sacerdotium sanctum, offerentes spirituales hostias acceptas Deo per Iesum Christum: nemo igitur cogitet per Euangelium datam esse licentiam peccandi. Euangelium à peccato liberat, quare non uult ut liberati amplius peccati iugo se submittant. Si, inquit Saluator, filius uos liberauerit, uerè liberi eritis: Qui facit peccatum, seruus est peccati. Cum igitur liberi simus per Iesum Christum, libertate nostra ita utamur, ut simus serui non peccati: sed Dei per Christum Iesum Dominum nostrum, cui honor in secula, Amen.

## FERIA TERTIA PENTECOSTES, Iohan. 10.

**A**men amen dico uobis, qui non intrat per ostium in stabulum ouium, sed ascendit aliunde, ille fur est & latro. Qui autem intrat per ostiū, pastor est ouium. Huic ostia-





ostiarius aperit, & oues uocem eius audiunt. Et proprias oues uocat nominatim, & educit eas: Et cum proprias oues emiseric, ante eas uadit, & oues illum sequuntur, quia nouerunt uocem eius. Alienum autem non sequuntur, sed effugient ab eo, quia non nouerunt uocem alienorum. Hoc prouerbium dixit eis Iesus: Illi autem non cognouerunt quæ essent, quæ loqueretur eis. Dixit ergo eis iterum Iesus: Amen amen dico uobis, ego sum ostium ouium. Omnes quotquot ante me uenerunt, fures sunt & latrones, sed non audierunt oues eos. Ego sum ostium, per me

f 3 fi

4  
10 11



si quis introierit, seruabitur, et ingreditur, et egredietur, & pascua inueniet. Fur non uenit, nisi ut furetur, & mactet ac perdat. Ego uero ut uitam habeant, & abundantius habeant.

## ENARRATIO TEXTVS.

**H**Eri audiuius de uita eterna, quam consequimur fide Christi: hodie nobis monstratur uerum ostium & ostiarius, ne quis à uera uitæ æternæ ianua aberret, & quærat uiam aliam, aut ostium per quod ad uitam peruenire non potest. Vt autem hūc Euangelij textum melius intelligamus, obseruanda est eius occasio & scopus, unde summa sententiæ colligetur. Occasio fuit: Christus sanauit hominem cæcum, qui cæcus à natiuitate fuerat: quo facto suam declarauit diuinitatem, & se Mesiam olim promissum ostendit. Verum Pharisæi & scribæ, qui tūc habebantur pastores populi Dei offendeabantur, ut qui Christo honorem Messie & pastoris ueri promissi inuidebant: contra quorum impietatem se tuctur, & uerum pastorem esse defendit. Scopus ergo est, ut monstret uerum ouile, id est, ueram Ecclesiam definiat, cuius ipse solus sit uerus pastor. Habemus occasionem & scopum huius concionis: Summa autem est, quod & confutat Scribas, qui se pro ueris pastoribus uenditârunt, et se asserit uerum pastorem esse, in cuius ouili sunt quotquot audiunt ipsius uocem, & se sequuntur, et ab alienis, id est, à falsis pastoribus discedunt.

Loci



Loci duo:

- I. De falsis pastoribus.  
II. De uero pastore & ouili uero.

DE PRIMO.

Amen amen dico uobis, qui non intrat per ostium in ouile ouium, sed ascendit aliunde, ille fur est & latro. Hæc descriptio est falsi Prophetæ, & unius proposito exemplo, omnes falsos Prophetas intelligit. Falsus Prophetæ est qui non intrat per ostium. Quid est non ingredi per ostium? est aliam salutis uiam proponere, quam solum Christum. Quicumq; igitur à Christo aberrat, ab ostio oberrat, et est falsus pastor. Arius negauit Christi diuinitatem, aberrauit ergo ab ostio: Est enim Christus uerus Deus. Eontinus Christi humanitatem negauit, aberrauit igitur ab ostio: est enim Christus homo uerus. Sabellius posuit in Christo duas personas, aberrauit igitur ab ostio: est enim Iesus Deus & homo unus Dominus & unus Christus. Papistæ dicunt, quòd non solo Christi merito saluemur, errant igitur ab ostio: Christus enim solus mundi saluator est. Pharisei & Papistæ obtrudunt nobis humanas traditiones loco Euangelij, quare ab ostio aberrant, & intrant in ouile, id est, in Ecclesiam per aliam doctrinam, quam Moysis, Prophetarum, Psalmorum & Apostolorum: hoc enim est ascendere aliunde. Obseruemus igitur hinc ueram notam falsorum Prophetarum, quæ est aliunde, quam per uerum Christi

f 4 Euan.



Euangelium, & per Christum ipsum ascendere in  
ouile, & sumere sibi docendi officium. Hi falsi do-  
ctores sunt fures & latrones. Latrones dupliciter  
sunt: Primum, quia sentiebant suam doctrinam sa-  
tis esse ad salutem, & eam esse quæ sola pasceret,  
cum tamen non sit intellectus uerbi nisi aperiente  
Christo & ueluti recludente ostium. Secundò, quia  
nouas etiam traditiones comminiscabantur, quas  
putabant ad salutem conducere: Quemadmodum  
etiam à Papistis factitatum esse manifestum est, qui  
hoc opus, hanc missam, hoc rosarium, hanc inuoca-  
tionem sanctorum, hunc ordinem docuerunt salu-  
tem mereri. Fures præterea sunt: quia primum do-  
lo ueram doctrinam auferunt. 2. Cor. II. sicut Ser-  
pens Euam seduxit astutia. Deinde, quia postquam  
ueram doctrinam suffurati sunt, obtrudunt impi-  
am doctrinam, qua manus impiorum confortant  
& contristant cor iusti, Ezechielis 13.

Sed quid est quod postea in textu sequitur:  
Quotquot ante me uenerunt fures sunt & la-  
trones: Non ne Moses, Elias, Esaias, Heliseus, Hi-  
cremias, Daniel, et multi alij uenerunt ante Chri-  
stum: si uenerunt ante ipsum, fuerunt fures & la-  
trones, sicuti hîc Dominus clarè pronunciat. Illi  
uenire dicuntur ante Christum, qui sine Christo  
ueniunt, qui sine ipsius doctrina & spiritu ueni-  
unt: uerum sancti Dei Prophete uenerunt cum  
Christi spiritu & doctrina: ergo non ante Chri-  
stum uenerunt, nec fuerunt fures aut latrones: sed  
ueri



ueri pastores ouilis Christi. Hinc rectè Augustinus: cum illo ueniunt qui cum uerbo Dei ueniunt. Ego, inquit, sum uia, ueritas & uita. Si ipse est ueritas, cum ipso ueniunt qui ueraces fuerunt. Quot ergo ueniunt sine illo sunt fures et latrones, id est, ad furandum & occidendum ueniunt spontè. Fures quidem sunt, quia quod alienum est, suum esse dicunt. Latrones, quia & quod sunt furati occidunt. Videte ergo quantum periculum sit à falsis doctoribus: oues Christi sibi uendicant, ut fures: easdem occidunt, ut latrones. Meritò ergo Christus in Euangelio hortatur omnes, ut caueant sibi à Prophetis falsis, id est, à falsis pastoribus, qui ueritatem Dei non adferunt.

## DE SECVNDO.

Qui autem intrat per ostium, pastor est ouium. Hic de bono pastore agit, et definit bonū pastorem esse, qui per ostium intrat. Sunt aut quatuor genera bonorum pastorum. Primum. n. Deus ipse pastor suarum ouium dicitur, iuxta illud Hier: 22. Ecce ego congregabo reliquias gregis mei de omnibus terris, ad quas eieceram eas, et conuertam eas ad rura sua, & crescent, & multiplicabuntur. Item Psal. 23. Dominus pastor meus, nihil mihi deerit, in hoc loco pascuæ me collocauit. Deinde Christus Deus & homo est etiam pastor uerus, sicuti in hoc Euangelio testatur & nuper audiuius. Ego sum pastor bonus: quod inde probauit, quod suas oues uita redimeret. Tertium genus pastorum, sunt

f s pij



pij doctores, de quib. loquitur Dominus apud Hie-  
 remiam: Suscitabo inter eos pastores et pascent. Et  
 Christus Petrum pastorem facit cum ait: Pasce o-  
 ues meas. Quartum genus pastorum est magistra-  
 tus civilis. Vnde David rex, pastor populi dicitur:  
 et olim reges pastores populorum dicebantur. Ve-  
 rum de primo & ultimo genere pastorum non lo-  
 quitur Dominus in hoc Euangelio: sed tantum de  
 medijs generibus, hoc est, de seipso et alijs pijs do-  
 ctoribus Ecclesie: De quibus nonnihil dicam: sed  
 breuius, quia nuper de hac materia dictum est. Bo-  
 nus igitur pastor in genere est: Primum, qui intrat  
 per ostium, id est, qui cum Christo uenit & ad-  
 fert uerum Euangelium, quemadmodum Prophe-  
 ta et Apostoli olim fecerunt, & hodie oēs quot-  
 quot sincerè docent Euangelium. 2. pascit oves, nō  
 caduco, sed salutari pabulo, scilicet uiuifico uerbi  
 Dei. 3. ostiarius hic aperit, id est, Christus facit, ut  
 uerbum sit efficax & proficiat ouibus ad salutem.  
 Nisi. n. Christus aperit, frustra laboratur, nec oves  
 efficaciter pascuntur. 4. proprias oves uocat nomi-  
 natim, h. ē. nouit suas oves, amat & cura singulari  
 cōplectitur. 5. uadit ante eas. Quomodo? doctrina,  
 uita & cruce. Debet enim bonus pastor esse forma  
 gregis in doctrina, uita & cruce. 6. oves illum se-  
 quuntur, scilicet in doctrina puritate, in uita san-  
 ctimonia, & patientia sub cruce. Sed quare oves  
 sequuntur illum? 1. Quia uocem eius agnoscunt.  
 2. Quia ab alieno fugiunt: nam eius uocem non no-  
 uerunt.



uerunt Habemus hic descriptionem non solum uer-  
ri pastoris. uerumetiam uerarum ouium, quæ in  
uno sunt ouili summi pastoris Dei. Quid est ouile?  
Est Ecclesia Catholica. Quæ sunt oues? omnes qui  
uocem pastoris audiunt, eum sequuntur, & fugi-  
unt ab alienis pastoribus, qui reuera non sunt pa-  
stores: sed fures & latrones. Hic tenendæ sunt dif-  
ferentiæ ueræ Ecclesiæ, & falsæ Ecclesiæ. Veræ  
Ecclesiæ propriæ notæ sunt hæ, quas qui non ha-  
bet, sciat se non esse de ouili Christi.

Quæ sunt istæ notæ ueræ Ecclesiæ seu ueri ou-  
ilis Christi? Prima est uox incorrupta doctrinæ  
cœlestis, iuxta illud: oues meæ uocem meam audi-  
unt. 2. usus Baptismi integer. 3. usus Cœnæ Domi-  
nicæ iuxta Christi institutionem. 4. usus clauium  
iuxta mandatum Christi. 5. crux. 6. mutua ouium  
Christi caritas. 7. mutua pro se inuicem preces.  
8. conseruatio ministerij uerbi. Hæ sunt ueræ notæ  
Ecclesiæ Christi, quas paucioribus uerbis compre-  
hendere licet: ut discamus primam notam esse ou-  
um Christi, incorruptam Euangelij uocem. Secun-  
dam, legitimum usum sacramentorum. Tertiam,  
obedientiam erga ministerium uerbi. In his eni-  
tribus continentur octo illæ quas posui.

Habemus in genere, quis sit bonus pastor, &  
quæ sint ueræ oues: nunc ea accommodemus ad ex-  
empla. Primum ad Christum summum pastorem &  
eius oues, Deinde ad alios uerbi ministros, qui sub  
Christo pastore, etiam dicuntur pastores.

Chri-



Christus probat se bonum Pastorem esse ex eo, quod uitam suam ponat pro ouibus: is enim de cœlo descendit, ut quæreretur quod perierat, ut sanaret quod languidum erat, et consolidaret uulnera ouibus à lupis inflicta. Hic præcessit oues doctrina puritate, uitæ innocentia & cruce: hic pascit oues saluifico pabulo Dei, id est, uerbo Euangelij: hic oues errantes colligit: hic lupos pede suo arcet. Breuiter nihil carius habet salute suarum ouium. Huius oues sunt Abel, Abraham, Isaac, Iacob, Dauid, Ioseph, Anna, Maria, Simeon & multi alij, qui relicto errore, uoci Christi præbuerunt aures, eum sequentes in doctrina, uita & cruce, quem etiam suo tempore sequentur in gloria. Si enim cum illo patimur, cum illo glorificabimur. Huius oues sunt hodie quotquot Euangelio credunt, & Christum uera confessione & pietate colunt.

Quem autem fructum oues Christi à suo pastore, qui & ostium est & ostiarius, expectabunt, Christus ostendit, cum inquit: Per me si quis introierit, saluabitur & ingredietur et egredietur, & pascua inueniet. Hoc est, si quis relictis tenebris, me lucem secutus fuerit, ingredietur scilicet fide, & egredietur confessione, pietate & caritate, & pascua inueniet, scilicet per uerbum uitæ in hoc mundo & æternam beatitudinem in futura uita.

Deinde sunt boni pastores omnes pij ministri uerbi, qui exemplum Christi in pascendis ouibus sequuntur




sequuntur. Talis fuit Helias, talis Hieremias, talis Esaias, tales Apostoli, tales hodie omnes qui Christum sincerè prædicant, et oves præcedunt doctrinæ, uita et cruce, qui lupos non fugiunt: sed arcant ab ouili Christi gladio spiritus & ardentibus præcibus. Hi etiam habent proprias oves, eos qui eorum uocem audiunt, ac ipsos sequuntur in doctrinæ, pietate & patientia. Quid? an non oves ad solum Christum pertinent? Pertinent quidem. Quomodo ergo dicit eas pastorum esse qui eas pascunt? Sunt pastorum si curam spectes: solius uero Christi, si possessionem et uerum dominium. Is. n. suo precioso sanguine sibi oves suas acquisiuit. Verum quia nuper etiam audiuius concionem de pastore et ouibus, nolo hic plura dicere: sed cōmendo uos omnes summo pastori nostro Iesu Christo, cui cum Patre & S. sancto sit honor & gloria in secula, Amen.

## DOMINICA TRINITY

TATIS, Euangelium Ioh. 3.

**E**Rat homo ex Phariseis, Nicodemus nomine, princeps Iudæorum. Hic uenit ad IESUM nocte, et dicit ei: Rabbi, scimus quod à Deo ueneris Magister. Nemo enim potest hæc signa facere, quæ tu facis, nisi fuerit Deus cum eo. Respondit Iesus, et dixit ei: Amen amen dico tibi: Nisi quis natus fuerit è supernis, non potest uidere regnum DEI. Dicit ad eum Nicodemus: Quomodo potest





test homo nasci cū sit senex? Num potest  
in uentrem matris suæ iterum introire ac na-  
sci? Respondit Iesus: Amen amen dico tibi,  
Nisi quis natus fuerit ex aqua & spiritu, non  
potest introire in regnum Dei. Quod natum  
est ex carne, caro est, & quod natum est ex  
spiritu, spiritus est. Ne mireris, quod dixi ti-  
bi, Oportet uos nasci è supernis. Spiritus ubi  
uult, spirat, & uocem eius audis, sed nescis  
unde ueniat, & quò uadat: sic est omnis qui  
natus est è spiritu. Respondit Nicodemus &  
dixit ei: Quomodo possunt hæc fieri? Re-  
spondit Iesus et dixit ei: Tu es ille Magister  
Israelis, & hæc ignoras? Amen amen dico  
tibi,



tibi, quod scimus loquimur, & quod uidi-  
mus, testamur, & testimonium nostrum non  
accipitis. Si terrena dixi uobis, & non credi-  
tis, quomodo si dixero uobis cœlestia credi-  
turi sitis? Et nemo ascendit in cœlum, nisi qui  
descendit è cœlo, filius hominis, qui est in cœ-  
lo. Et sicut Moses exaltauit serpentem in de-  
serto, ita exaltari oportet filium hominis, ut  
omnis, qui credit in eum, non pereat, sed ha-  
beat uitam æternam.

## ENARRATIO TEXTVS.

**H**oc festum meritò nostri symboli seu fidei fe-  
stum dici poterit. Est enim institutum, ut do-  
ceatur in Ecclesia de Deo, qui est unus & uerus  
in essentia, trinus in personis, & de eius erga Ec-  
clesiam beneficijs. Nam postquam superioribus do-  
minicis de Christo, eiusq; beneficijs, de dilectione  
Patris mittentis Filium in mundum, de missione  
Spiritus sancti ad confirmandum Christi Euange-  
lium dictum est: commodum iudicauit Ecclesia  
hæc omnia simul coniungere, & de ijs hoc docere:  
quò breuiter in memoriam, quæ fusiùs declarata  
sunt, reuocentur. Proponit aut Ecclesia hunc tex-  
tum Euangelicum, quem audiuiſtis, sapienti consi-  
lio: Nam in eo beneficia Dei erga Ecclesiam pro-  
ponuntur. Vt enim Pater Filium mittit, ut fiat ui-  
ctima pro peccato, ita Spiritus sanctus datur, qui  
credentes ad uitam æternam regenerat. Est ergo  
summa



summa præsentis Euangelij, quòd regenerati fide Christi sint hæredes uitæ æternæ, beneficio & merito Christi, quem Pater misit. Vt autem certum teneamus ordinem, in hac concione dicam.

- I. De noticia Dei.
- II. De spiritali regeneratione.
- III. De cōsolatissimo Christi dicto: Sicut Moses exaltauit serpentem in deserto: ita oportet exaltari filium hominis &c.

## DE PRIMO.

Cum noscere Deum sit uita æterna, operæ præ-  
tium est, ut homines ad ueram noticiam Dei aspi-  
rent. Est aut noticia Dei duplex. Vna est gentilis,  
naturalis, & Philosophica, & hæc est imperfecta.  
Nam mundi sapientes, qui uerbo Dei non erant in-  
stituti, in quatuor errarunt. 1. in substantia. 2. in  
personis. 3. in prouidentia. 4. in uoluntate. Epicurei  
ab omnibus exploduntur, qui negarunt ullum De-  
um esse. Sapientes, qui unum Deum sunt confessi,  
errarunt in substantia: nam non putarunt hunc  
esse Deum, qui est Pater, Filius & S. sanctus. Nec  
rectè iudicarunt de personis. Prouidentiam Dei  
quidam sustulerunt: quidam uniuersalem negarunt:  
putarunt enim Deum maxima curare, non autem  
hæc terrena. Voluntatem Dei de gratuita miseri-  
cordia ignorarunt prorsus: at quod punire uelit  
aliquando contumaces propriæ conscientie testi-  
monio admonebantur. Sed unde gentes hanc qua-  
lemcunq; noticiam Dei habuerunt: David & Pau-  
lus



lus ex creatura eas hanc de Deo noticiam habuisse  
 testantur. Paulus. n. Rom. i. ait: Id quod de Deo cog-  
 noscitur, manifestum erat ipsis: Deus. n. eis manife-  
 stant. Nam quæ eius sunt inuisibilia, dum per res  
 creatas intelliguntur, ex creatione mundi perui-  
 dentur, æterna scilicet eius tum potentia, tum di-  
 unitas, ad hoc, ut sint ipsi inexcusabiles. David di-  
 cit: Cæli enarrant gloriam Dei, et opera manuum  
 eius annunciat firmamentum: hoc est, Cælum quod  
 uidemus ostendit Deum opificem. Summa aut cogni-  
 tionis Philosophicæ de Deo huc redit. Primum ho-  
 mo res conditas contemplans huc perducitur, ut  
 aliquem esse fateatur, à quo hæc omnia sint condi-  
 ta, et cuius uirtute administrantur cuncta: inde ue-  
 ro ad æternam eius potentiam ac diuinitatem per-  
 ueniat. Insuper necesse est. Siquidem eum, qui omnia con-  
 siderit, rebus omnibus conditis antiquiorem, ac  
 proinde æternum esse oportet: & incredibilis ista  
 uis, quæ tantæ moli regendæ sufficiat, excellentior  
 sit necesse est, quauis alia etiam præstantissima uir-  
 tute. Id ipsum autem est, quod Deum uocamus, qui  
 unus nisi unus sit, certè neq; is sit, qui omnia con-  
 siderit, neq; qui omnia administret, ac proinde nec  
 æternus neq; omnipotens, deniq; nec Deus fuerit.  
 Hæc summa noticiæ Dei est, apud mundi sapientes:  
 Cuius noticiæ usus est triplex. Primus, ut homines  
 Deum ex creaturis agnoscant. 2. ut agnitum uene-  
 rentur. 3. ut non colentes Deum agnitum sint in-  
 excusabiles. Primus & secundus proprius est finis  
 g noticia



noticiae Dei. Tertius est accessorius hominum culpa. Altera noticia Dei est ex scriptura seu ex uerbo Dei, quae noticia summam in symbolo continetur Apostolico, quae est, ut credamus esse unum Deum: ut credamus esse tres personas in una diuinitate: ut cognoscatur uoluntas Dei, & eius erga Ecclesiam beneficia: ut modus à nobis intelligatur, per quem beneficiorum sanctae Trinitatis participes fieri possimus.

Verum ut haec Dei noticia plenior à nobis haberi possit, quatuor membra de hac salutari Dei noticia proponam & explicabo: quorum primum erit confirmatio, quod tantum sit unus Deus. Secundum, ostensio quod sint tres personae in una diuinitate. Tertium, quid in singulis personis sit spectandum. Quartum, quinam sit salutaris usus noticiae Dei.

PRIMUM, confirmatio petenda est ex testimonijs. Testimonia autem confirmantia unitatem Dei sumam ex Mose, Prophetis, Psalmis & Apostolicis scriptis. Moses Exod. 20. Deus. & ait: Ego Dominus Deus tuus, qui eduxi te de terra Aegypti, non habes alios Deos coram me. Deut. 6. Audi Israël: Dominus Deus noster Deus unus est, Esaie 43. Ante me non est formatus Deus et post me non erit: Ego sum ego sum Deus, & non est absque me salutare. 44. Ego primus & nouissimus, & absque me non est Deus. Psal. 18, Quis Deus praeter Ichouah, & quis fortis praeter Deum nostrum Paulus 1. Cor. 8. scimus quod non sit alius Deus quam unus. 1. Tim. 2. unus est Deus. Haec



us. Hec testimonia & multa alia, unum esse Deum  
evidenter conuincunt, id quod etiā Catholica con-  
fiteatur Ecclesia, dum ait : Credo in unum Deum.

SECUNDVM de personis: esse aut tres per-  
sonas in una diuina natura, non multiplicata : sed  
una numero manente, ratio non capit : Quare po-  
tius hoc mysterium est uenerandum, quā scrutan-  
dum. Hinc Bernardus: scrutari hoc temeritas est,  
nosse uerò uita est æterna. Et Salomon : scrutator  
maiestatis opprimitur à gloria. Quare hinc ratio-  
nem nostram sub uerbo Dei captiuam teneamus, et  
scripturæ testimonijs de tanto mysterio credamus.  
Cur autem Ecclesia credat tres esse personas u-  
na diuina natura, hæc est ratio : unus tantum est  
Deus, quod iam multis testimonijs probatum est :  
Pater est Deus, Filius est Deus, Spiritus sanctus est  
Deus: Ergo Pater, filius et Spiritus sanctus unus est  
Deus. Quod autem Pater sit Deus, similiter Filius  
& Spiritus sanctus, probatur quadrupliciter, 1. ex  
claris scripturæ uerbis, 2. ex operibus. 3. ex cultu  
qui debetur Patri, Filio & Spiritui sancto, 4. ex  
Ecclesiæ perpetuò consensu.

Clara scripturæ uerba sunt Matth. 3. Pater so-  
nat de cælo : Filius stat in fluuio : Spiritus sanctus  
descendit, ut columba super Christum. 1. Iohan. 5.  
Tres sunt qui testimonium perhibent in cælo, Pa-  
ter, Verbum & S. sanctus, & hi tres unum sunt.

Deinde idem opera ostendunt. Pater creat, Fi-  
lius creat, & Spiritus sanctus creat : Pater iusti-

g 2 ficat,



ficat, filius iustificat, & Spiritus sanctus iustificat: Pater omnia gubernat, filius omnia gubernat, & Spiritus sanctus omnia gubernat. Hæc opera creationis, iustificationis, & gubernationis Dei sunt propria. Quare cum hæc Patri, Filio & Spiritui sancto communiter tribuantur, diuinam eorum naturam fateri necesse est.

Idem confirmat & cultus. Pater inuocatur, Filius inuocatur, Spiritus sanctus inuocatur: nunc autem solus Deus inuocandus est, & in solum Deum credere licet: Quare Pater, & Filius, & Spiritus sanctus Deus unus est.

Huc & testimonium Ecclesiæ pertinet. Hæc est aut fides Catholica, ut unum Deum in Trinitate, et Trinitatem in unitate ueniremur, non confundentes personas, nec substantiam diuidentes. Nam alia est persona Patris, alia Filij, alia Spiritus sancti.

TERTIVM de ijs quæ spectanda sunt in personis. In personis spectanda sunt quinque: 1. essentia. 2. persona. 3. personalis distinctio. 4. opus. 5. uoluntas.

Essentia seu natura eadem est Patris, Filij & Spiritus sancti. Non est enim aliud Pater, aliud filius, aliud Spiritus sanctus: Nam una est diuina essentia & natura simplex, atque ideo dicitur Pater esse in Filio & Spiritu sancto, Filius in Patre & Spiritu sancto, Spiritus sanctus in Patre & Filio.

ALTERVM, quod spectandum est in Trinitate, est persona, uidelicet quæ alia sit persona Patris alia Filij, alia. S. sancti. In hac personarum Trinitate, ni-



te, nihil est prius, nihil posterius, nihil maius, nihil minus: idq; nec tempore, quia omnes personæ sunt coeternæ, nec natura, quia omnes sunt unius & eiusdem essentiae, nec dignitate, quia sunt coæquales, nec intellectu, quia simul intelliguntur.

TERTIVM, quod est spectandum in personarum Trinitate, est personalis distinctio. Hic primum observandum est, quomodo Deus à creaturis discernatur: Deinde, quomodo personæ diuinæ à se inuicem distinguantur. Distinctiones, quibus Deus à creaturis distinguitur, sunt hæc. 1. in una & indiuidua natura non multiplicata, sunt tres personæ. 2. Deus est mens æterna. 3. Deus est creator. 4. Deus est in mundo & supra mundum. 5. Deus est in omni loco & in nullo loco. Hæ quinque proprietates soli Deo competunt, & nulli creaturæ.

Personæ à se inuicem distinguuntur duplicibus proprietatibus, interioribus & exterioribus. Interioriores sunt gignere, nasci, procedere. Solus Pater gignit filium: solus filius nascitur è Patre: solus Spiritus sanctus procedit ab utroq;. Exteriores proprietates sunt, mittere & mitti. Solus Pater mittit: Filius & Spiritus sanctus mittuntur, sed diuersimodè. Filius missus assum sit humanam naturam, in qua uictima factus est: Mittitur Spiritus sanctus in corda, ut nouam lucem in cordibus accendat.

QUARTVM, quod in personis considerandum dixi, est opus Trinitatis. Hic observanda est regula Augustini, Opera diuinitatis ad extra sunt

8 3 indi



indiuisa: sed seruata cuiusq; personæ proprietate. Pater creat, filius creat, Spiritus sanctus creat. Pater regenerat, Filius regenerat, & Spiritus sanctus regenerat. Sed pater creat per Filium, & res creatas Spiritus sanctus conseruat: Pater regenerat in Filio per Spiritum sanctum.

QVINTVM, quod considerandum in personis dixi, est uoluntas: quæ qualis sit docent. 1. facta præterita & præsentia. 2. præcepta. 3. comminationes & promissiones legales. 4. promissiones Euangelij. 5. exempla. 6. ἀποστολική, seu quod non sit acceptor personarum. Hæc omnia simul docent, quod Deus irascatur peccantibus, & uelit eos punire, & quod uelit peccatum remittere omnibus ad Mediatorem confugientibus, & dare eis uitam æternam, nulla nationum aut populorum habita ratione.

Iam usus restat qui est multiplex. Primum igitur hæc rectè formabunt iudicium nostrum de Deo. Talem enim Deum agnoscere debemus, qualem se patefecit uerbo & testimonio, iuxta uersiculum: Ecce Deum credas quod de se prædicat ipse. Secundò hæc docent nos rectè sentire de creatione, quæ est opus totius Trinitatis. 3. Rectè sentire de reparatione generis humani, quæ est etiam opus totius Trinitatis, ut supra dictum est. 4. Hæc confirmant Articulos fidei nostræ de Deo & Trinitate. 5. Hæc nos ad rectè inuocandum instruunt. Inuocatio enim in hunc solum Deum est dirigenda, qui  
est



est Pater, Filius et Spiritus sanctus. 6. Nos hæc mo-  
nent, ut sollicitè et sanctè uiuamus, tanquam in Dei  
conspectu. Hæc sint de Deo et Trinitate dicta, quæ  
omnia in symbolo nostro breuiter indicantur.

## DE TERTIO.

Nisi quis renatus fuerit ex aqua & Spiri-  
tu, non potest intrare in regnum Dei. Hæc est  
secunda doctrina quam proposui, quæ ut melius in-  
telligatur, duo sunt obseruanda. Primum cum quo  
loquatur Christus. Alterum, quæ fuerit huius dicti  
ocasio. Qualis autem fuerit cum quo locutus est  
Christus, exponit textus. Fuit uir honestus & no-  
bilis: fuit princeps Iudeorum: fuit Phariseus, qui  
uixit inculpate secundum legem. Occasio autem  
fuit hæc. Nicodemus uenit ad Christum nocte, qui  
ut Phariseus iudicauit se iustum ex legis operi-  
bus, sacrificijs & sabbatims: quare mirabatur  
Iohannem nouam doctrinam proponere de iusti-  
cia & Baptismo, quam ipse legis doctor ignora-  
bat. Huius igitur iudicium præuenit Christus hoc  
dicto: Nisi quis natus fuerit denuò, non po-  
test intrare in regnum Dei. Ad hæc uerba stu-  
pescit Nicodemus & ait: Quomodo potest  
homo cum sit senex iterum nasci? cui Chri-  
stus: Amen dico tibi, nisi quis renatus fuerit  
ex aqua & Spiritu, non potest intrare in re-  
gnum DEI. Hic Christus dicit se non de carna-  
li natiuitate, quemadmodum eum intellexit Nico-  
demus, loqui: sed de spiritali, quam necessari-



am esse eo probat, quod prior nostra natiuitas est immunda. Quod natum (inquit) est ex carne, caro est. Id est, quicquid nascitur in hac uiciositate naturæ, immundum et reum est, atq; ideo regni Dei non est capax. Huc addit modum regenerationis, Spiritus ubi uult spirat, & uocem eius audis, sed nescis unde ueniat, aut quò uadat: sic est omnis qui natus est ex spiritu. Hoc est, quemadmodum uentus tum primum sentitur, quando spirat, tametsi nemo nouit unde ueniat, aut quò uadat: ita spiritualis hæc regeneratio fit occulto quodam modo uirtute Spiritus sancti, quæ cum facta est, sentitur per noui hominis novos motus.

Verum ut hæc intelligamus, obseruanda sunt organa & instrumenta huius spiritualis natiuitatis. 1. Semen huius natiuitatis est uerbum Euangelij, quod annunciat uoce ministrorum. 2. Spiritus sanctus, qui in prædicatione Euangelij est efficax, operatur fidem qua & assentimur uerbo Dei, & statuimus nobis Deum esse propicium propter Filium, & simul innouat naturam ad nouam obedientiam. 3. Cum hæc beneficia accipiuntur fide, tanquam in agrum cordis, homo regenitus mox sentit in se motus Spiritus sancti: aqua foris adhibetur, tanquam sigillum, internæ regenerationis, & testimonium collatæ gratiæ Christi. Huius regenerationis effectus conspiciuntur in mente, in affectibus, in uoluntate, in externis operibus. Nam mens luce Dei illustratur, affectus purgantur, uoluntas fit



fit prompta, et obedientia noua omnium uirium in-  
coatur: breuiter, qui credit regenitus est.

## DE TERTIO.

Sicut Moses exaltauit serpentem in deser-  
to, ita oportet exaltari filium Dei, ut omnis  
qui credit in eum non pereat: sed habeat ui-  
tam æternam. Historia exaltati serpentis in de-  
serto est in quarto libro Moſis cap. 12. quàm figu-  
ram hic Christus ad suam personam applicat, di-  
cens: Sicut Moſes exaltauit, serpentem. Hoc  
Christi dictum multa continet. PRIMVM enim  
apertè testatur, quòd lex non tollat peccatum: nam  
si lex tolleret peccatum, non opus esset expiatione  
per uictimam Christi. Deinde cur sit datus Meſſi-  
as, & cur filius Dei assumserit humanam naturam  
indicat: datus est enim ut exaltaretur in cruce, &  
ita per eum salus mundo contingeret. Præterea o-  
stendit hoc dictum, Christi regnum spirituale esse  
& æternum. Tum docet qualis sit iusticia, qua con-  
sistimus coram Deo, seu quomodo participes red-  
dimur beneficiorum Christi, uidelicet cùm credi-  
mus in Christum exaltatum, id est, mortuum in ara  
crucis. Postremò dulcissima est consolatio hîc  
proposita, quòd gratia hæc, quæ est in cælum adi-  
tus, offeratur omnibus: Id quod indicat uniuersalis  
particula OMNIS qui credit. Nos igitur bonam  
spem concipiamus de salute, quæ omnibus offertur  
per Iesum Christum, cui cum Patre & Spiritu san-  
cto sit honor in secula seculorum, Amen.



## DOMINICA PRIMA

POST TRINITATIS, EV=

angelium Luc. 16.

**H**omo quidam erat diues, qui induebatur purpura & bysso, & epulabatur quotidie splendide. Erat autem quidam mendicus, nomine Lazarus, qui iacebat ad ianuam eius hulcerosus, cupiens saturari de micis, quæ cadebant de mensa diuitis. Sed & canes ueniebant, ac lingeabant hulcera eius. Accidit autem ut moreretur mendicus, & deportaretur ab Angelis in sinum Abraham. Mortuus est autem & diues, ac sepultus est, atque in tartaro sublati oculis suis, cum esset in tormentis, uidit Abraham eminus, & Lazarum in sinu eius. Et ipse clamans, dixit, Pater Abraham, miserere mei, & mitte Lazarum, ut intingat extremum digiti sui in aquam, ac refrigeret linguam meam, quia crucior in flamma hac. Dixit autem Abraham: Fili recordare, quod receperis bona tua in uita tua, & Lazarus similiter mala. Nunc autem hic solatio fruitur: tu uero cruciaris. Et super hæc omnia inter nos & uos hiatus ingens firmatus est, ut nō, qui uolunt hinc transire ad uos, non possint, neque istinc huc transcendere. Ait autem: Rogo ergo te Pater, ut mittas eum in domum patris mei: habeo enim



enim quinque fratres : ut testificetur illis, ne & ipsi ueniant in hunc locum cruciatus. Ait illi Abraham : Habent Mosen ac Prophetas, audiant illos. At ille dixit, Non pater Abraham, sed si quis ex mortuis ierit ad eos, respicient. Ait autem illi : Si Mosen & Prophetas non audiunt, neque si quis ex mortuis resurrexerit, credent.

ENARRATIO TEXTVS.

**A** Dominica Aduentus huc usque, proposita est doctrina de singulis Articulis, fidei nostrae : nunc in sequentibus Dominicis, usque ad dominicam Aduentus, proponitur de miraculis Christi, & fidei natura uerisque fructibus : idque ideo, ut miraculorum doctrina confirmetur Euangelij ueritas & doctrina de fide, et fructibus eius nos ad bona opera excitetur. Docet autem Christus de bonis operibus quinque modis. 1. Interdum enim simplici doctrina est contentus, ut cum dicit : Estote misericordes : agite poenitentiam, facite fructus poenitentia dignos. 2. Interdum suum exemplum proponit, quod suos uult imitari, ut cum dicit : Discite a me, quia mitis sum & humilis corde. 3. Interdum proponit parabolas, ut de bono uillico, de uirginibus decem, de semine in terram iacto, quales multae sunt passim in Euangelicis historiis. 4. Interdum minimis utitur, ut cum dicit : Nisi abundauerit iusticia uestra, plus quam scribarum & Phariseorum, non intrabitis in regnum caelorum. Item, uae uobis Scribae, Phari-



Pharisæi, hypocritæ etc. 5. Interdum proponit præmia & pœnas in illustribus exemplis, quemadmodum hoc Euangelio facit. Breuiter, nihil non agit Dominus, ut suos honestæ uitæ studiosos faciat.

Iam accedamus ad hodiernum Euangelium: Cuius summa est, quod Christus Dominus propositis duobus exemplis dehortetur ab impietate & crudelitate aduersus pauperes, & exhortetur ad pietatem, & constantiam in ferendis ærumnis huius uitæ. Nam ut diuitis Epulonis exemplo docet, quæ pœna maneat impios: ita pauperis Lazari exemplo hortatur ad pietatem & honestam uitam in timore DEI. Vsus ergo erit, ut diuites & crudeles erga suos proximos, uideant tanquam in tabula, quas pœnas olim luent, si non resipiscant maturè, Deinde, ut pauperes pij & afflicti in hac uita huius pauperis Lazari exemplo se erigant, & patienter expectent liberationem & beatam requiem, si in fide ad mortem perseuerauerint.

Loci tres:

- I. Descriptio huius Epulonis, cū suis doctrinis.
- II. Descriptio Lazari, cum suis consolationibus.
- III. Dictum Domini: habent Moysen et Prophetas.

DE PRIMO.

Homo quidam erat diues, qui induebatur purpura & bysso. In hoc primo loco quatuor sunt obseruanda: quæ sunt, 1. generalis reprehensio eorum, qui sunt crudeles in pauperes. 2. causa damnationis huius diuitis. 3. uerus usus diuitiarum.

4. sta-



4. Status animarum impiorum post hanc uitam.  
PRIMUM ergo cum hic Epulo damnatur,  
in genere reprehenduntur omnes qui sunt duri in  
pauperes, & qui cum ipsi affluunt diuitijs, nulla  
cura pauperum tanguntur, quales multi sunt in  
mundo. Hec reprehensio etiam ad eos pertinet,  
qui neq; consilio, neque re ministerium uerbi, aut  
egentia Ecclesie membra iuuant, quare unusquisq;  
apud se cogitet, & huius Epulonis damnatione  
admonitus sapere discat.

Causa damnationis huius Epulonis non sunt  
diuitie & splendor uestium & deliciae in cibis,  
modò temperatae fuissent, quod ex ipso Euangelio  
patet: nam pauper Lazarus in diuitis Abrahami  
sinu receptus est. Si enim diuitiae fuissent effica-  
cae, ut pauperes pji & offices causae damnationis, damnatus fuisset & Abra-  
ham: damnatus fuisset Dauid, & multi reges, &  
alii qui diuites fuerunt. Verum diuitiae, splendor  
& huiusmodi alia, occasio possunt esse damnatio-  
nis, quando uidelicet homines istis abutuntur in  
contumeliam Dei & contemptum proximi, in su-  
perbiam et luxum. Sed quae fuerunt causae damna-  
tionis huius Epulonis? tria horrenda mala, quae in textu  
disertè notantur: quorum primum fuit securitas  
carnalis, quae habuit secum haec mala, quòd nò ege-  
rit poenitentiam, quòd nullam sensum iudicij &  
ire Dei habuerit, quòd nulla cura officij tangere-  
tur. Nam haec perpetuò secum habet carnalis secu-  
ritas. Alterum malum, propter quod damnatus fuit  
hic



hic Epulo, erat luxus & crapula, quibus & corpora & animæ grauantur, ne quid possint homines de rebus suæ salutis cogitare. Tertium malum, quod causa fuit damnati Epulonis, erat neglectus Lazari, quæ res satis indicat, quod nullam fidem habuerit: ubi enim fides uera est, non potest in miseros & egenos esse crudelitas. Propter has tres causas damnatus est Epulo, cuius exemplo multi quotidie ad damnationem certam properant, qui suis diuitijs securitatem, crapulam & neglectum membrorum Christi fouent. Quare si nobis salus cordi est, maturè resipiscamus, caueamusq; ne donis Dei in nostram perniciem abutimur.

TERTIO loco ex hoc exemplo colligendum est per contrarium, quis sit uerus usus diuitiarum, qui uerus usus in his quatuor est positus.

PRIMVS est, ut conseruamus partem nostrarum facultatum ad conseruationem ministerij, quem usum confirmat primum finis hominis: est enim homo conditus, ut Deum agnoscat & celebret. Quare & bona quæ habet, ad istum finem referenda sunt. Deinde hunc usum confirmant sepius repetita mandata Dei. Deus enim mandat, ut Ecclesiam nostris facultatib. iuuenimus. Præterea hunc usum stabiliunt piorum regum & sanctorum exempla, qui nihil in uotis magis habuerunt, quam suis diuitijs ministerium uerbi ornare, & conseruare. Contra hunc primum & pium diuitiarum



tiarum usum peccant multi: inter quos sunt primū, qui suas diuitias conuertunt ad ruinam ministerij, quemadmodum multi tyranni olim & hominē faciunt. Deinde qui auferunt bona Ecclesiastica & sibi occupant. Tum etiam, qui ex suis facultatibus nihil conferunt ad conseruandum ministerium uerbi. Præterea & illi, qui uel precibus, uel artibus alijs bona Ecclesiastica ad se honesto titulo transferunt, quasi essent Ecclesie ministri, cum sint prorsus canes muti, qui nec unquam seruiunt Ecclesie, aut Reipub: nec possunt unquam seruire, uentres pigri, & bestie inertes, qui tamen Prælati, Canonici & uicarij & Abbates salutare uolunt.

SECUNDVS uerus & legitimus diuitiarum usus est, ut earum partem conuertamus ad conseruandam & ornandam Rempublicam: in qua uiuimus. Sunt enim Respublicæ Ecclesie hospitia: quibus etiam gratitudinem debemus, etiamsi alia commoda ad nos non peruenirent. Contra hunc usum multi peccant, ut sunt: qui iusta tributa non soluunt: qui iniusta exigunt: qui tributa non conuertunt ad rerumpublicarum conseruationem, sed ad luxum & crapulam.

TERTIVS usus rectus & legitimus diuitiarum est, ut unusquisq; suum statum honestè tueatur sine sordibus. Contra quem peccant primū, qui potationibus, comessationibus, uestibus suo statui non conuenientibus suas res abliguriunt, quem



quemadmodum multi faciunt. Deinde etiam auari, qui sordibus suis oblectantur, & suum statum honestè, ut decet, non tuentur, qui & malè uestiuntur, & malè edunt, cum interim eorum pecunia erugine corrumpatur in arca.

QVARTVS diuitiarum uerus usus & legitimus est, ut partem aliquam in pauperes erogemus, & maximè in eos, qui cum paupertate pietatem coniunxerunt. Est enim hæc potissima causa, cur Deus finit esse pauperes inter nos, ut faciat periculum, an ipsius misericordiam imitari uelimus, iuxta mandatum Christi: Estote misericordes, sicut Pater uester cœlestis misericors est. Contra hunc usum etiam multi peccant cum hoc diuite Epulone, cuius olim in supplicijs erunt socij, qui ipsum magistrum crudelitatis erga egenos in hoc mundo sint secuti.

QVARTVM sequitur, quod in Epulonis exemplo cōsiderandum dixit, uidelicet, qualisnam fit status animarum eorū, qui ex hac uita sine fide discedunt. Nam cum Christus dicit diuitem Epulonem apud inferos sublati oculis uidisse Abrahamum eminus, et petiuisse intingi extremum digiti Lazari in aquam, ad refrigerandam linguam suam, depingit tabulam, quæ statum animarum impiorum post mortem repræsentat: in qua hæc notantur. 1. summus cruciatus & conscientie perpetuus uermis. 2. memoria crudelitatis quam exercuerant in miseros. 3. uotum recreationis per eorum officia  
in



in quos in hac uita crudeles erant. 4. quod non sit futurus finis tormentorum, et quod frustra expetatur ulla in tormentis refectio. Quod enim hic Dominus per colloquium Epulonis & Lazari depingit propter nostrum captum, id ipse Epulo in sua conscientia sensit, quam Dominus, qui omnia nouit, ignorare non potuit. Hæc igitur impietatis poena ad seriam poenitentiam inuitet, ne inuiti ad poenam pertrahamur.

## DE SECVNDO.

Et erat quidem mendicus nomine Lazarus, qui iacebat ad ianuam eius, ulceribus plenus, cupiens saturari de micis, quæ cadebant de mensa diuitis, & nemo dabat. In hoc Lazari exemplo multa sunt obseruanda, unde nos & doctrinam et consolationem capere poterimus.

PRIMUM hic confirmatur cōcio Petri, qui dicit iudicium à domo Dei incipere: punit enim suos in hac uita Deus, ut tanquam freno quodam retineantur in officio. Si enim omnia succederent illis ex uoto, ebrij facti felici rerum successu, à pietate defletherent ad impietatem. Vnde Moses de populo Iudaico dixit: Sedit populus manducare et bibere, & surrexit ad ludendum, hoc est, in idolatriam & alia scelera lapsus est. Quare memores sumus dicti Pauli I. Cor. II. Cum iudicamur, id est, affligimur, à Domino corripimur, ne cum hoc mundo damnemur. Ad paternum igitur Dei animum respiciamus, quoties duris afficimur in hac uita, et

h cruce



cruce admoniti timeamus Deum piè & innocenter uiuendo.

DEINDE hoc exemplo Lazari docemur non omnes coram Deo miseros esse, qui in hac uita sint calamitosi: nec econtrà omnes placere Deo, qui in hac uita uidentur felices & beati. Lazarus in hac uita miser fuit: sed Deo erat carus. Epulo in hoc mundo felix: sed Deo displicebat. Quæ causæ Lazarus timuit Deum ex uiua fide: Epulo autem Deum non timuit, fide enim uacuuus erat.

TERTIO, in Lazaro uidemus exemplum prouidentie Dei iacet contentus & spretus: uerum cum nunc absq; omni consolatione iaceret, uenerunt canes & linxerunt ulcera eius: quo significatur, quòd Deus non sinat pios ita calamitatibus obrui, quin consolationes ærumnis admisceat. Neq; enim dubium est quin prouidentis Dei factum sit, ut canes uenirent & lingerent ulcerosum in maiorem damnationem diuitis Epulonis & familie eius. Nam familia Domini sui impietatem est imitata: textus enim dicit, & nemo dabat te.

QUARTO obseruemus hic communem sortem piorum & impiorum. Moritur Epulo, moritur & Lazarus. Mors quidem utriq; est communis: sed non mortis euentus. Epulo enim per mortem ad miseriam transijt: Lazarus uerò ad felicitatem peruenit.

QUINTO hîc obseruetur in Lazaro Angelorum ministerium. Epulo uiuum Lazarum con-

tem



temfit: sed mortui animam Angeli deportant: qui in uita contentus erat, in morte curatur & honoratur ab Angelis Dei. Neq; hoc in solo Lazaro accidit: sed quod de illo legimus, commune est omnibus. Nam ut piorum animæ Deo curæ sunt: ita à sanctis Angelis in portum salutis & felicitatis deportantur.

SEXTO in Lazari exemplo uidemus qualis status sit animarum piorum post hanc uitam. Deportatur Lazarus in sinum Abrahæ. Quid est sinus Abrahæ? Sicuti Abraham idcò pater fidelium dictus est, quia penes ipsum depositum fuit æternæ uitæ fœdus, quod fidei custodia seruatum filiis suis primum, deinde cunctis gentibus quasi per manus tradidit: Filij eius uocantur, quicunq; eiusdem promissionis sunt hæredes: Ita post mortem dicuntur in eius sinum colligi, quia eiusdem cum eo fidei fructum percipiunt. Nam quemadmodum filij, dum uespere ab operibus diurnis domi congregantur, & ueluti in sinu paterno fouentur, ita pij post labores exhaustos in hac uita, post mortem colliguntur in beata requie, ubi benè & beatè habent usq; ad resurrectionem mortuorum. Hic Abrahæ sinus uocatur etiam Paradisus, ut in illo Christi dicto ad latronem, Hodie eris mecum in Paradiso: ubi est iuxta Psalmum, Abundantia leticiarum ex uultu Dei, et perpetuæ iucunditates in dextra eius. Breuius, Beati qui in Domino moriuntur, quia perpetuò cū Domino erūt, et perpetuo gaudio fruuntur.

b z

Porro



Porro quantum ad colloquium Abrahæ & Epulonis attinet, sciendum est, quod ista acciderunt spiritualiter. Ita enim apud se cogitavit Epulo in tormentis, & tale responsum accepit iste in propria conscientia.

SEPTIMO obserua in Lazaro imaginem Ecclesiæ in hac uita. Est enim afflicta & contemnitur à potentibus & diuitibus huius mundi.

## DE TERTIO.

Habent Mosen & Prophetas, audiant illos. Hæc grauissima est admonitio in primis utilis. Hoc enim dicto multi damnantur.

PRIMUM damnatur omnis qui Mosen & Prophetas non recipit. Nam hi dati sunt diuinitus, ut ad Deum nos ducant, & salutis uiam monstrant. Qui ergo hos non recipit, manet in sua dānatione.

SECUNDO damnantur recipientes, sed tamen pluri facientes humanas traditiones, & potius uitam instituunt iuxta præcepta hominum, quàm iuxta præcepta Dei, contra apertum Dei interdictum. Ita enim ait apud Heremiam cap. 20. In præceptis meis ambulate, & non in præceptis patrum uestrorum.

TERTIO damnatur hic Gregorius Papa, Anabaptistæ & alij Enthusiastæ, qui nouas de cœlo reuelationes querunt, ac magis fumis uiciosi & melancolici cerebri, quàm uoci cœlesti credunt: imò relinquunt uerbum & prorsus abijciunt.

QUARTO, discamus hinc magnificare doctrinam



Trinitatem Mosis, Prophetarum & Apostolorum, que lucerna nobis erit ad eternam salutem, modo eius ductum sequamur: nullum enim habet mundus prestantius clinodium, quam uerbum Dei. Hoc Dauid pluris fecit, quam aurum prestantissimum: hoc Lazarus in mundo pauper diues erat coram Deo: hoc Iob in medijs erumnis se crexit. Quare & nos charissimi, amenus uerbum Dei, sciamus esse instrumentum, quo nobis offertur thesaurus omnium preciosissimus Christus Iesus & per illum uita eterna, quam donet nobis Pater coelestis per eundem Iesum Christum, cui honor & gloria in secula seculorum, Amen.

## DOMINICA SECVNDA TRINITATIS, Luc. 14.

**H**omo quidam apparauerat coenam magnam, & uocauit multos, misitque seruum suum hora coenae, ut diceret inuitatis: Venite, quia iam parata sunt omnia. Et coeperunt simul omnes excusare. Primus dixit ei: Villam emi, & necesse mihi est exire & uidere illam, rogo te, habe me excusatum. Et alter dixit, luga bouum emi quinque, & eo ad probandum illa, rogo te, habe me excusatum. Et alius dixit, Vxorem duxi, & ideo non possum uenire. Ac reuersus seruus, renunciauit haec Domino suo. Tunc iratus paterfamilias, dixit seruo suo: Exi citò in pla-

h 3 teas



teas & uicos ciuitatis, & pauperes ac debiles, claudosq; & cæcos introduc huc. Et ait seruus: Domine, factum est, ut imperasti, & adhuc locus est. Et ait Dominus seruo: Exi in uias & sepes, & compelle intrare, ut impleatur domus mea. Dico enim uobis, quod nemo uirorum illorum qui uocati sunt, gustabit cœnam meam.

## ENARRATIO TEXTVS.

**S**icuti proximo die Dominico impedimentum salutis esse contemptum proximi in Epulone ostensum est: ita in hoc Euangelio, aliud impedimentum cauendum docemur, ne uidelicet nostras possessiones & negocia, curasq; rerum mundanarum pluris faciamus, quàm Euangelium Christi, ne uel sinamus nos commodis & uoluptatibus huius mundi impediri & occupari, quò minus ueniamus ad cœnam, ad quam per Euangelij prædicationem uocamur.

Porro occasio huius parabole, fuit uox cuiusdam Pharisei in conuiuio, ad quod Christus erat inuitatus. Nam cùm Christus pronunciaisset retributum iri in resurrectione iustorum ijs, qui sunt liberales erga pauperes, Phariseus Christi sermonem approbaturus ait: Beatus qui comedit panem in regno Dei. Verùm quia Christus huius Pharisei, & maxime partis gentis iudaicæ mores peruersos & præposterum studium uidit: proponit hanc parabolam, in qua & Iudeorum iustam reiectionem



iectionem, & gentium gratuitam receptionem pingit. Cuius parabola scopus & finis est, ne sinamus huius uitæ res caducas nobis impedito esse, quo minus in cœnam cœlestem inuitati per Euangelium ueniamus.

Loci quatuor.

- I. Magnitudo misericordie Dei pingitur in hac cœna.
- II. Ingratitudo mundi notatur in ijs qui uocati recusant uenire.
- III. De coactione, quomodo cogat & per quos.
- IIII. Comminatio pœnæ eorum, qui Euangelium non recipiunt.

DE PRIMO.

Quanta sit misericordia Dei erga genus humanum, multis indicijs ostenditur. Nam non solum uox Dei, uerum etiam ingentia Dei beneficia erga totum mundum, & præcipuè erga Christi Ecclesiam ineffabilem misericordiam Dei testantur. Misericordia (inquit Dauid) Domini plena est terra. Argumentum maximum huius misericordie est datus filius, ut mundum in extremam miseriam demersum redimeret, idq; per suam mortem & passionem, quò homines ab hac miseria liberati, donarentur æterna uita, quæ hîc cœna magna dicitur, Et in Mattheo nuptie regis: ad quam cœnam magnam homines uocantur, ex mera Dei misericordia, quò in ea saturentur delicijs spiritualibus in omni æternitate.

h 4 Verum



Verum ut nobis magis dulcescant laetitia huius cœnæ, circumstantias quæ in textu notantur, proponam seorsum, & quid doctrinæ & admonitionis ex singulis petendum sit dicam.

PRIMA itaq; circumstantia in hac cœnâ spectanda, est de eo, qui ad hanc cœnam inuitat: nam inde eius æstimatio dependet. Quis ergo instruit hanc cœnam? Num rex aliquis mundanus? Non: Imò magnificienda esset eius regis liberalitas & laude extollenda misericordia, qui miseris et pauperibus regale conuiuium & magnificè instructum pararet. Sed quis est? Deus Pater cœlestis Dominus dominantium & rex regum, solus diues & laeticijs abundans. Hæc circumstantia bonitatis & misericordie Dei clarissimum testimonium est.

SECUNDA circumstantia est, quòd hic Pater familias Deus ad cœnam inuitet. Sed quid cœnæ nomine significatur? Ipsum Euangelium eaq; omnia, quæ cum Euangelio coniuncta sunt: ut est salus et uita æterna. Vide quanta misericordia hic relucet. Sed quæ ratio est appellationis? Cur hæc tanta bona cœna dicuntur? Id fit sanè non sine magnis causis, quarum de numero sunt tres præcipuè. PRIMA, quia Euangelium æternum gaudium, et nunquam finienda bona promittit. Vt enim cœna in extrema diei parte apponitur: ita bona quæ Euangelium offert, post multos exhaustos in æternis huius uitæ labores, credentibus ex mera Dei misericordia donabuntur. SECUNDA causa est



est, quia sicut uespera, quādo cœna instrui solet, est finis diei: ita ætas, in qua per ministerium prædicationis omnes ad Epulas diuinæ cœnæ inuitantur, extrema est. TERTIA, quia Euangelium extrema uox Dei est in mundo, postquam nulla alia est expectanda: sicut cœna ultimum in die cibum proponit. Nunquam enim alia de cœlo sonabit uox Dei: sed hæc eadem Euangelij uox sonabit usq; ad iudicij extremi diem.

TERTIA circumstantia est in hac uoce MAGNA, qua cōmendantur nobis diuitiæ misericordiæ Dei: non enim Deus unum & alterum regem & sapientem inuitat ad suam cœnam: sed totum mundum. Non prætermittit pauperes, non diuites negligit, non nobiles excludit, non rusticos aut ciues à suo conuiuio arcet, non paruos contemnit, non magnos fastidit: sed omnes promiscuè per orbem sparsos homines inuitat ad magnam illam cœnam: nam textus & magnam cœnam esse, & multos inuitatos testatur:

QUARTA circumstantia est de modo inuitationis. Modus exprimitur hisce uerbis: & misit seruum suum hora cœnæ, ut diceret inuitatis. Hic serui nomine intelliguntur Prophetæ, Apostoli & omnes pij Doctores, quos inde ab initio mundi misit Deus inuitatum ad hanc cœnam. Ad hanc cœnam ipse Deus Patriarcham Nohæ inuitauit. Hic inuitatus reliquum mundum uice Dei uocauit. Deinde cū ob suam ingratitudinem mundus

h 5 dilu-



diluuio periisset, inuitatur uoce Dei Abraham ad hanc cœnam. Præterea cùm mundi malicia creuisset super terram, unum populum peculiarem elegit Deus, in quo sæpè excitauit Prophetas, ut ad hanc cœnam inuitarent: idq; continuauit paterfamilias, donec proprium filium misit, Dominum nostrum Iesum Christum, quem inuitati suspenderunt in crucem. Qui excitatus à mortuis, misit Apostolos in uniuersum mundum, ut ad hanc lautissimam cœnam omnes gentes inuitarent.

QVINTA circumstantia est de hora cœnæ. Quenam est ista hora? Tempus gratiæ et tempus gloriæ. Tempus gratiæ est, quo annunciatu hominibus liberalitas & misericordia patrisfamilias, quod in tres partes distribuitur. In promissionem, exhibitionem, & tempus secutum exhibitionem. Promissionis tēpus fuit inde ab Adam usq; ad Christum natum fere 4000. annorum. Deinde exhibitionis tempus erat, dum Christus ipse in carne hic in terris uersatus est, prædicauit, obtulit seipsum precium redemptionis pro inuitatis ad hanc cœnam. Tempus secutum exhibitionem est inde à missione Apostolorum in mundum uniuersum usq; ad diem iudicij: in quo tempore & nos sumus, & inuitamur ad hanc cœnam uoce ministrorum uerbi. Tempus gloriæ est æternitas, quando in cœlesti gloria accubabimus non solum cum Abraham et Isaac: sed cum Deo Patre, Deo Filio, Deo Spiritu sancto, & fruemur æterno gaudio & lætitia in Christo Iesu domino nostro.

Sexta



SEXTA circumstantia est inuitandi forma.

Venite (inquit) quia parata sunt omnia. Hoc est, ut in Baptista & Christi inuitatione uidemus. Agite pœnitentiam & credite Euangelio: appropinquat. n. regnum cœlorũ. Hæc inuitatio requirit pœnitentiam, hoc est, prioris uitæ mutationem, ut discedamus à malo et faciamus bonum, & requirit fidem, id est, ut credamus hanc cœnam nobis apponi, non nostrum ob meritũ, sed ex mera misericordia propter Filium, qui nobis à Deo datus est sapientia, iusticia, sanctificatio, redemptio. His. n. donis & ueluti uestibus filij Dei in cœnam æternæ uitæ intrabimus. Nam sapientia sua Christus mentes nostras reformat: iusticia sua nos ornat, cùm in eum credimus: sanctificatione sua nos purificat, ac tandem recipit in suum cœnaculum, ubi erit perpetua redemptio, gloria et felicitas. Atq; hætenus de primo loco, in quo commendatur nobis misericordia Dei, quæ est à progenie in progeniem super omnes timentes eum, ut uirgo mater Domini canit.

## DE SECUNDO.

Sed omnes cœperunt uno animo se excusare: Recusarunt enim uenire ad cœnam hanc cœlestem. Quemadmodum enim sus pluri facit cœnum in quo se commaculat, quàm aurum aut preciosas gemmas: ita homines sordib. suis inuoluti fugiunt splendorem tantæ cœnæ. Quæ in re, tria deploranda sunt mala: Miseria generis humani, maxima ingratitude, & corruptum iudicium.

Miseria



Miseria est quod peccatis et maledictione oppressi homines, non solum non eluctari de suis malis conantur, uerum etiam ipsis sordibus delectantur: tantum abest, ut remedium querant. Atque hoc est, quod Christus dicit: Nemo uenit ad me, nisi quem Pater traxerit. Ingratitudo est, quod homines inuitati ad gratuitam coenam, id est, gratuitam liberationem à peccato ab ira Dei, à maledictione legis, ab inferno, à Diabolo, ad remissionem peccatorum, ad salutem uorem Dei, ad iusticiam, ad coelum, ad Deum, ut cum illo beati uiuant in omni aeternitate recusant tamen uenire. Quis hanc ingratitude sate deplorare potest. Corruptum iudicium est, quod homines pluris faciant finita bona, quam aeterna: pauca, quam multa: caduca, quam firma: terrena, quam coelestia: conseruantia hanc uitam ad modicum tempus, quam conseruantia animam et corpus in aeterna uita. Stultus ne iudicatur, qui praefert lutum auro? Sanè stultissimus, ut qui nihil rectè iudicare possit. Multò stultior est, imò in infinitum stultissimus, qui praefert mortem uitae, peccatum iusticiae, infernum caelo, diabolum Deo: Breuiter, infinita mala infinitis bonis. Hoc nostrum corruptissimum iudicium agnoscamus, & petamus nostras mentes noua luce reformari, ut rectè intelligamus, quae uera bona sunt: ordinate appetamus, quae rectè iudicamus, & usque ad finem perseueremus in querendis ijs quae ordinate appetimus.

Postquam autem haec in genere dicta sunt de miseria

ria



ria generis humani, de ingratitude summa & corruptissimo iudicio hominum: textum uideamus qui uarios modos excusationis continet. Primum dicit: Et oēs coeperūt una sententia recusare. Hoc est, maxima pars mundi ingrata contempsit gratuitū oblatū beneficium. Primus ergo dixit: Agrū emi, necesse habeo exire & uidere eum, rogo te, habe me excusatum. Hic describitur primum genus hominum excusantium se, quo sub genere omnes continentur, qui potentia sua freti recusant uenire ad hanc præclaram cœnam. Neq; tamen potentia est efficax causa huius excusationis: sed occasio tantum in ijs, qui suam potentiam à Deo esse nō agnoscunt, qui sua potentia nituntur, hoc est, baculo arundinis. Nam cū peccatum, mors, infernus, Diabolus inuadit, hominum potentia non ualet: hic sola potentia ualet, nempe Euangelium Christi, quod Paulus definit esse potentiam Dei ad salutem omni credenti. Quod autē hæc potentia, & agrotum possessio non sit efficax causa recusatæ huius cœnæ ostendunt exempla: potens fuit Dauid, & habuit agros plurimos: potens fuit & Nero, & habuit agros. Quorum ille inuitatus ad nuptias uenit, hic recusauit. Quare? Quia ille usus est potentia in gloriam Dei: hic eadem est abusus in sui interitum. Nam ea deceptus recusauit uenire ad hanc cœnam. Hic ergo monemur rectè uti agris nostris, ne sint nobis impedimento, quò minus ad hanc cœlestem cœnam ueniamus: exempla omitto.

Alter



Alter uerò dixit: Iuga bouum emi quinque, et proficiscor ad probandum ea: rogo te, habeme excusatum. Hic describitur alterum genus hominum excusantium se, quò minus ad coenam uenire possint: sub hoc genere continentur diuites huius mundi. Quid? an diuitie sunt cause efficaces huius recusationis? Nequaquam. Fuit Abraham diues, fuit & Epulo diues, de quo nuper audiuius: sed Abraham non impeditus est suis diuitijs. Nam pluris fecit hanc coenam, quàm terrenas diuitias. Contra, Epulo Ebrius fuit suis diuitijs, atq; ideò uenire recusauit. Sunt enim diuitie quando à malis possidentur, ueluti esca, qua illecti capiuntur & necantur: ideò Christus dicit eas spinas esse: et difficile pronunciat diuitem posse intrare in regnum celorum. Plato Philosophus rectè dixit, diuitias cœcas esse sine prudentia, & acutum cernere, quando sequuntur prudentiam. Ita & nos possumus dicere, diuitias spinas esse sine pietate, & rosas quando pietatem sequuntur. Nam pij diuites suis diuitijs ueluti rosis quibusdam ornant ministerium uerbi, ornant Respublicas & propriam domum. Quicunq; ergo huius mundi diuitias habet, det operam, ut earum administratrix sit pietas & caritas, ut in sanctis Patriarchis & regibus, alijsq; multis pijs & sanctis hominibus uidemus.

Et alius dixit: duxi uxorem, propterea non possum uenire. Hic describitur tertium genus hominum recusantium uenire ad hanc coenam: quo  
sub



sub genere continentur omnes, qui huius mundi uoluptatibus dediti Euangelium Christi non curant. Ducere uxorem non est per se aut malum, aut causa recusationis: sed tantum occasio in quibusdam, qui non recte utuntur dono Dei. Abraham habuit uxorem & multi pii, qui tamen non propterea recusarunt obtemperare Euangelio: Quare conuiues dent operam, ut Christum secum habeant, caueant ne occasionem mali à bono sumant. Hactenus audiuius tria genera hominum excusantium se, quæ non uenirent inuitati ad hanc cœlestem cœnam: sed ex his intelligemus omnia, quæ hominibus impedimento sunt, cur Euangelio non auscultent.

## DE TERTIO.

Seruus reuersus domum, nunciat patrifamilias quæ responderunt, & rursus missus multis collectis pauperibus & claudis, iubetur cogere homines, ut intrent, quod impleatur domus conuiuij. In hac coactione nobis proponitur summa cōsolatio. Deus enim non solum promittit, nō solum inuitat multos, non solum mandat: sed cogit & compellit intrare suam cœnam. Sed quomodo compellit? Multis sanè modis. Parentes in familia cogent suos domesticos, & disciplina domestica assuefacient eos, ut Christum audiant, pie & sancte uiuant. Hinc illud Pauli: Educate pueros in disciplina & correptione Domini. Magistratus similiter coget edictis, bonis ordinationibus, exemplo, sublatione Idololatriæ: quemadmodum Ezechias



chias & Theodosius fecerunt, qui instrumenta Idolatriæ sustulerunt. Omnium autem maxime ministrorum uerbi est cogere comminationibus & obiurgationibus, quemadmodum Christum, Prophetas & Apostolos fecisse legimus.

## DE QVARTO.

Nemo uirorum illorum, qui uocati fuerunt & recusarunt uenire, gustabunt cœnam meam. Hoc est, omnes contemtores Euangelij excluduntur de uita æterna. Nam ira Dei manet in omnes, qui non credunt in Filium. Hæc summa est quarti loci.

Ceterum usus totius hodierni Euangelij triplex est. Primus, ut considerata magnitudine misericordie Dei, gratias agamus per Iesum Christum. Secundus, ut caueamus ne ullo prætextu nos subducamus ab obedientia erga Euangelium. Tertius, ne exemplo potentum, diuitum & uoluptuorum seducamur, & ruamus in proprium exitum: sed potius totis uiribus demus operam, ut in hanc cœlestem cœnam includamur, per Dominum nostrum Iesum Christum, cui cum Patre & Spiritu sancto sit honor & gloria in secula seculorum. Amen.

## DOMINICA TERTIA

POST TRINITATIS. , Luc. 15.

**A**ccedebant ad Iesum omnes Publicani & peccatores, ut audirent illum. Et mur-  
mura-





murabant Pharisei ac scribae, dicentes: Hic peccatores recipit, ac cibum capit cum illis. Dicebat autem ad illos parabolam hanc dicens. Quis ex uobis est homo, qui habet centum oves, & si perdiderit unam ex illis, nonne relinquit nonaginta nouem in deserto, & uadit ad illam quae perierat, donec inueniat eam. Et cum inuenierit eam, imponit in humeros suos gaudens, ueniensque domum, conuocat amicos & uicinos, dicens illis: Gaudete mecum, quia inueni ouem meam, quae perierat. Dico uobis, quod ita gaudium erit in caelo super uno peccatore resipiscente, magis quam super nonaginta nouem iustis, qui non indi-

gent



gent pœnitentia. At quæ mulier habens drachmas decem, si perdiderit drachmam unam non ne accendit lucernam, & uerrit domum, quærîtq; diligenter, donec inueniat: Et cum inuenerit, conuocat amicas & uicinas, dicens: Gaudete mecum, quia inueni drachmam quam perdideram. Ita dico uobis, gaudium erit coram Angelis Dei, super uno peccatore resipiscente.

## ENARRATIO TEXTVS.

**O**ccasio hodierni Euāgelij hæc est. Cum tanta esset bonitate Dominus noster præditus, ut neminem quantumuis afflictum et magnum peccatorem fastidiret, imò potius omnes ad se inuitaret, iuxta illud Matth. II. Venite ad me omnes, qui laboratis et onerati estis, et ego reficiam uos: factum est q; ipsi publicani, cognita hac misericordia et bonitate, ad eum uenirent, quò gratiæ omnib. liberalissimè oblate participes fieret. Atq; ideò Christus non uoluit eos tantum uoce consolari, sed facto & conuersatione. Inuitatus proinde ab ijs uenit et comedebat cum illis: idq; ea de causa, ut eos Deo Patri lucrificeret, hoc est, conuerteret eos à uijs suis pessimis ad ueram & salutarem pœnitentiam, quò à maledictionis reatu absoluti heredes fierent uitæ æternæ per Iesum Christum. Hoc Christi factum obseruantes Pharisei, ut erant superbi, tumentes sua Pharisæica, id est, falsa iusticia, murmurant, ac tacitè Christum uiolatæ legis diuinæ accusant. Sed quid



quid ad hæc Christus? utrosq; docet. Publicanos qui dē, quod uenerit saluatū peccatores. Phariseos uerò, cur cū peccatoribus conuerfetur: unde colligitur Christi regnum pugnare cum Pharifeorū opinionione et Satanae regno. Nam ut Christi regnum est misericordia et remiffio peccatorū, adeò ut Angeli in cœlo gaudeant super singulis peccatorib. pœnitentiam agentibus: ita Satanae regnum est crudelis immanitas et peccati inundatio quedam. Loci duo.

- I. Murmur Pharifeorum, & cur Christus fit conuerfatus cum peccatoribus.
- II. Docetur parabolis duabus, cur Christus in hunc mundum uenerit, et quid nos facere oporteat, modò saluari uelimus.

## DE PRIMO.

Appropinquabant ei publicani et peccatores, ut audirent eum, & murmurabant scribæ & Pharisei, dicentes: hic peccatores recipit, & manducat cum illis. Hic proponuntur nobis duo hominum genera, et eorum diuersa studia. Vnum publicanorum et peccatorum, qui Christum accedunt, ut illum audiant, ut ad ipsius ouile aggregentur et saluentur. Postquam. n. audiuerunt Christum nullos peccatores reijcere: sed omnibus gratiam, modò pœnitentiam agere nō recusarent, offerre, ipsum accedere nō dubitârunt, spe magna salutis concepta. Alterum Pharifeorum & Scribarum. Hi Christi factum & misericordiam erga peccatores improbârunt, atq; ideo murmurârunt, dicentes:



dicentes: hic peccatores recipit, & manducat cum illis.

Porro huius Pharisaici murmuris plures sunt cause, quarum nonnullas recitabo, ut uideamus quo spiritu sint locuti, nosque caueamus, ne simili morbo laborantes, aliorum salutem impedire uideamur.

PRIMA ergo causa est Diaboli inuidia, quae propria est diaboli et membrorum eius. Haec enim eorum cordibus infixata efficit, ne uidere possint. Christum & publicanos unam conuersari. Tanta enim inuidia erga publicanos laborauerunt, quod noluerint eos bonorum conuersatione emendari. Huius generis Pharisei plures sunt hodie, quam qui Phariseorum titulum agnoscunt.

SECUNDA causa murmuris fuit intolerabilis superbia in Scribis & Phariseis, qua ut canes publicanos spreuerunt, adeo ut cibum capere cum illis, aut domum eandem cum illis intrare recusarint.

TERTIA causa murmuris fuit opinio iustitiae & sanctitatis. Nam ut se iustos tantum ex paternis observationibus & sacrificijs, reliquosque ut iniustos contemserunt (ut ille qui ait: Non sum sicut ceteri peccatores, nec ut ille publicanus, ieiuno bis in Sabbato etc. ita eos, qui hanc sanctitatis laruam non habuerunt, strenue tanquam anathemata & res abominabiles aspernabantur.

QUARTA causa fuit studium Christo infamiae notam inurere. Nam uulgo persuadere con-

nabantur



nabantur Christum talem esse, quales essent illi cum quibus uersaretur.

QVINTA causa fuit zelus legis diuinae, sed falsus. Mandatum. n. legis suo murmuri prætexitur: lex enim præcipit Exod. 23. ne conuersentur cū Insulis terræ. Item Exod. cap. 34. præcipitur, ne unquam cum habitatoribus terræ illius amicitiam iungerent, ne ipsis foret in ruinam, hoc est, ne illorum praua corrupti consuetudine idolatræ efficierentur, & prophani legis diuinae contemtores. Nam, ut Paulus inquit, modicum fermentum corrumpit totam massam, et ut est in uersiculo quodā: Morbida facta pecus totum corrumpit ouile. Vt una à liuore alterius liuorem contrahit: sic & malo consortio homines facillè deteriores fiunt. Sicuti & Medea quodam in loco dicit: Malarum fœminarum ingressus me malam reddidit. Huc & illud Salomonis: Qui tetigit picem, coinquinabitur ab ea. Item: Qui communicauerit superbo, induet superbiam: Et Syrac: Omnis homo sibi similē sociat. Huiusmodi scripturæ testimonia multa haud dubiè congefferant Pharisei, ut Christum infamarent.

Sed quid dicemus ad istas scripturæ sententias? pleraque ex illis habent adiunctas causas prohibita cum peccatoribus conuersationis, et ut summam dicam, prohibent adiuncta scripturæ testimonia, ne infirmi, qui facillè deteriores fieri possint, conuersentur cum ijs, qui conuerti nolunt, sed potius in hoc totis incumbant uiribus, ut alios sibi nequitie



sue socios adiungant. Primum non potuit Christo conuenire: non enim erat infirmus, ut peccatorum consuetudine contaminari posset, quare interdictum legis non in illum quadrat. Dicit. n. diserte lex, unde de reliqua dicta manant: Ne forte peccare te faciant in me, si seruiers dijs eorum, quod tibi certe erit in scandalum. Alterum non conuenit in publicanos, quibus cum Dominus hic conuersatus legitur. Non enim Christum uoluerunt sibi sue nequitiae socium adiungere: uerum accedebant, ut audirent illum, & ex auditu fidem consecuti saluarentur. Cum ergo & Christus motus misericordia conuerfetur cum illis, ut eos adducat in stabulum ouium, unde aberrarunt: & publicani sitientes salutem, cupiant subleuari ab onere peccatorum suorum, quod senserunt grauissimum esse, iniuste aduersus Christum murmurant: quos in uiam reuocare conatur propositis his parabolis: una de centum ouibus, altera de decem drachmis.

Iam ex ijs, quae dicta sunt ad criminationes Pharisaeorum, oritur questio. Nam postquam responsum est, scripturas, quae malorum consuetudinem damnant, ad infirmos pertinere, quæri potest, cum nos infirmi simus, quid nos facere oporteat, an omnino & perpetuo fugere debeamus Phariseos. Ad hanc questionem respondeo. Sunt fugiendi, & non sunt fugiendi. Imbecilles qui conscijs sunt sue imbecillitatis, quod uidelicet sint faciles et proni ad lapsus, edocti propria experientia, ipsi fugient conuersa-



uersionem eorum, à quibus sibi metuunt, ne illorum pice inquinentur & scabie inficiantur. Nam, ut dicit Iustinus martyr, mēs hominis ex malorum consuetudine scabiem quādam sibi acquirit et multis malis succis impletur. Hoc Patrum familiarium, magistratus, & ministrorum uerbi officium est, ut caueant, ne tales ferantur, quorum conuersatione simplices reddantur deteriores. Pater familias nulum seruum debet ferre in sua familia, qui pueris suis sit scandalo. Magistratus gladio coërcebit blasphemos. Ministri uerbi obiurgationibus primum castigabunt impuros: quòd si nihil ista uia proficiunt, debent eos eiicere de Ecclesia per excommunicationem, ut pii & simplices sciant, quòd sibi cauere debeant ab istorum conuictu. Quòd autem huiusmodi fugiendi sint, docet et hoc Pauli dictum, 2. Thessal. 3. Denunciamus autem uobis fratres per nomen Domini nostri Iesu Christi, ut subducatis uos ab omni fratre, qui ordinatè se gerit, & non ex tradita doctrina quā accepit à nobis. Hoc ergo sit dictum de infirmis, qui omnino sibi cauere debent ab improborum consortio. Verum quantum ad eos attinet, qui benè sunt instituti, & qui in officio sunt publico, quorum interest oues errantes ad Christum adducere, illi possunt, imò debent nonnunquam cum improbis conuersari, sicut Medicus conuersatur cum ægroto, non ut ipsius ægroti scabie inficiatur, sed ut sua arte & curandi peritia eum sanitati restituat. Ad eundem mo-



504 DOMINICA III. POST  
dum non modò licet, uerumetiam neceſſitas officij,  
& fides in miniſtris uerbi requirit, ut improbo-  
rum maliciam retegant & ſanent, quantum qui-  
dem fieri poteſt: uerùm ſi morbus fuerit incur-  
bilis, ſequentur medicorum exemplum, & quod cu-  
rare non poſſint, amplius non curent: ſed Deo to-  
tam rem cum dolore committant.

DE SECVNDO.

Quis ex uobis homo, qui habet centum  
oues &c. Hac parabola docet Chriſtus duo. Vnum  
cur in mundum uenerit: Alterum, quod ex priori  
pēdet, cur conuerſetur cum peccatoribus: unde ſe-  
quitur confutatio murmurantium Phariſæorum.  
Cur in mundum uenerit, docet exemplo paſtoris.  
Nam quemadmodum paſtor in deſertum uadit, ut  
querat ouem amiſſam: ita Chriſtus in mundum ue-  
nit, ut homines per peccatū in deſertum abductos  
querat. Deinde quia officium eſt Chriſti, querere  
peccatores, ut reuocentur ad ſalutem, quod ſanè fi-  
eri non poteſt, quin cum eis conuerſetur: hinc ſe-  
quitur improbandum eſſe murmur Phariſæorum  
aduerſus Chriſtum, qui eum à legatione ſua abſter-  
rere uoluerunt, ne ſanarentur infirmi. Aptè ergo  
alibi teſtatur: Non ueni uocare iuſtos, ſed peccato-  
res ad pœnitentiam. Hæc ſumma eſt parabola de  
ouibus: eandem rem proponit parabola de muliere  
querente pecuniam amiſſam. Iam parabolam de o-  
uibus particulatim uideamus, quò nobis fiat dulcior,  
perſpecta Chriſti paſtoris ſolicitudine pro nobis.

¶ Homo



Homo ille habens centum oves Christus Iesus est, uerus pastor, qui animam suam pro ouibus posuit, Iohan. 20.

Per ouem errantem intelliguntur omnes, qui se in deserto uagari intelligunt, id est, agnoscunt se peccatores, & cupiunt recipi, sicut hi Publicani fecerunt. Agnouerunt se peccatores, audiuerunt famam de uero pastore, atq; ideo ab illo recipi uoluerunt, dum audiunt: Venite ad me omnes qui laboratis & onerati estis, ego reficiam uos. Atq; ita textus nobis paradigma ouis errantis proponit in Publicanis, qui uocem Christi audientes ad ipsum ueniunt, ac suum errorem agnoscunt.

Per nonaginta nouem oves intellige omnes homines in mundo, qui cum hereant in suis peccatis et damnatione: tamen hoc non animaduertunt, imò se iustos et beatos putant, atq; ideo Christum audire recusant. Putant enim se iustiores esse, quam ut Christo iusto opus habeant: putant se magis sanos, quam ut Christi medici opera indigeant. Quòd hi per nonaginta nouem oves intelliguntur; ipse textus aperte conuincit. Nam nonaginta nouem oves conferuntur Scribis et Phariseis, id est, hypocritis, qui se iustos gloriabatur. Habemus quis sit pastor, quæ sit ouis errans, & quæ nonaginta nouem non errantes: iam uideamus. 1. Quando errare cepit ouis. 2. Quomodo uenit pastor errantem quæsitum. 3. Quomodo inuentam reportet in stabulum, sanet & pascat. 4. Quid acciderit inuenta oue.

i s Quando



Quando ergo errare cœpit ouis? Primum cū abducta est per lupum in desertum. Hoc est, cū Satan primos parētes à Deo abduxit. Deinde quoties reuocati homines à uijs suis pessimis sunt rursus insidijs Satanae abducti ab ouili. Ita & hodie, quoties à recta salutis uia, uel in doctrina, uel in moribus flectimus, erranti oui comparamur.

Quomodo uenit Christus pastor quæsitum ouem errantem? uenit primum in spiritu, idq; in sanctis Prophetis & Patriarchis, quoties eos excitauit, ut hominibus uiam salutis monstrarent. Sic uenit misso Mose, misso Helia, Heliseo, Isaia et alijs multis. Deinde uenit in carne, quando assumpsit humanam naturam & est pro nobis passus.

Quomodo querit, & quæsitam reportat in stabulum? Querit errantem ouem prædicatione Euangelij, dum iubet prædicari Euangelium: & reportat in stabulum, quando credentes in Ecclesiam congregat. Subijt enim in desertum et inuentam ouem imposuit humeris, hoc est, credentes in se merito suæ crucis in Ecclesiam perduxit.

Quomodo reportatam ouem in stabulum sanat & pascit? Sanat omnes contritiones eius suo sanguine, dum credentes in se absoluit à reatu, & donat sua iusticia. Pascit, dum donat eos Euangelij pabulo, & eos fouet suo Spiritu. Hæc beneficia pastoribus erga ouem errantem maxima sunt.

Sed quid accidit inuenta oue? Conuocat amicos et uicinos, dicens: Congratulamini mihi, quia



quia inueni ouem meam quæ perierat. Quid autē hoc sit exponit, cum ait: Dico uobis, quod ita gaudium erit in cœlo super uno peccatore poenitentiam agente, plus quàm super nonaginta nouem iustis, qui non indigent poenitentia. Ecce quid accidit quando peccator poenitentiam agit. Ipsi Angeli Christo pastori congratulantur. Gratulatur autē Angeli in cœlo propter tria. Primum, quia homines cum illis conditi sunt ad celebrandum Deum, quod non potest fieri ab illis, qui non agunt poenitentiam. Illi. n. omnes laudes Dei, quantum in se est, impediunt. Deinde, quia uident regnum augeri per accessionem nouorum ciuium. Tertiò, quia nihil magis illis gratum est, quàm si uideant regnum Satanæ aboleri, quod fit cum homines poenitentiam agunt. Sed quinam sunt illi nonaginta nouem iusti, qui non indigent poenitentia? an ullus igitur est absq; peccato? Certè nullus est sine peccato. Omnes enim aberrarunt et inutiles facti sunt. Sed peccatores sunt triplices. Sunt enim peccatores, qui se iustos esse putant, et propterea dicuntur non opus habere poenitentia: quod sane de ipsorum de seipsis iudicio est intelligendum: nam reuera nullus est, qui non indiget poenitentia. Deinde sunt peccatores, qui sciunt se habere peccata, & nihilo minus pergunt in peccatis, non morantes accusantem legem Dei. Sunt quoq; peccatores, qui agnoscunt peccatum, id est, oderunt peccatum, atq; ideo agunt poenitentiam & confugiunt  
ad



508      DOMINICA III. POST  
 ad Christum. Primum & secundum genus intelli-  
 guntur per nonaginta nouem: per tertium intelli-  
 gitur una errans ouis. Nonaginta nouem non agen-  
 tium pœnitentiam similitudinem referunt Scribe  
 & Pharisei. Publicani referunt ouem illam unam  
 errantem. Quid hîc docemur? Maximam esse mul-  
 titudinem eorum qui pereunt, & minimam esse que  
 recipitur, id est, uix unum ex centum singulis. Hinc  
 illa Christi querela: Multi sunt uocati, sed pauci  
 electi, id est, probi, qui uocanti Christo per suum Eu-  
 angelium obtemperant. Hoc in exemplis uidemus.  
 Ante diluuium maxima pars mundi secuta est Cai-  
 ni nequitiam, adeo q̃ tantum octo homines reperti  
 sint iusti, qui per arcam saluati sunt. Deinde rur-  
 sus per multos annos Melchizedech & Abraham  
 soli fuerunt pii ferè. Præterea ex magnis illis ciui-  
 tatib. Sodoma & Gomorra et alij, solus Loth cum  
 suis filiis. euasit, reliquis propter sua peccata in  
 incendio interemtis. Neq; aliter hodie fit: à plurimis  
 contemnitur Euangelium, à paucissimis recipitur.  
 Hoc ergo periculo admoniti agamus pœnitenti-  
 am, ne cum maxima parte ingratisimi mundi perea-  
 mus. Dominus clemens est ad nos recipiendos: An-  
 geli expectant resipiscuntiam: nostra propria salus  
 agitur, quam Christus omnibus peccatorib. offert  
 agentibus pœnitentiam, cui honor in secula Amen.

## DOMINICA QVAR- TA TRINITATIS, Lxx. 6.

Estote



**E**stote misericordes, sicut & Pater uester misericors est. Nolite iudicare, & non iudicabimini. Nolite condemnare, & non condemnabimini. Remittite, et remittetur uobis. Date, & dabitur uobis: Mensuram bonam & confertam, et concussam atq; exūdantem dabunt in sinum uestrū. Eadem quippe mensura qua metimini, metientur alij uobis. Dicebat autem illis similitudinem: Numquid potest cæcus cæcum ducere? Non ne ambo in foueam cadunt? Non est discipulus supra magistrū suum, perfectus autem omnis erit, si sit sicut magister ipsius. Quid autem uides festucam in oculo fratris tui, trabem autem, qui in oculo proprio est, non animaduertis? Aut quomodo potes dicere fratri tuo: Frater, sine eñciam festucam, quæ in oculo tuo est, ipse in oculo tuo trabem non uidens? Hypocrita, eñce primū trabem ex oculo tuo, & tunc perspicies, ut eñcias festucam, quæ est in oculo fratris tui.

## ENARRATIO TEXTVS.

**H**æc Christi concio pertinet ad tertiam poenitentiae partem. Scitis. n. q. sint tres partes: Contritio, Fides, & Noua obedientia. Contritio peccatum agnoscit, detestatur ac fugit: Fides ad Christū confugit, qui à peccato liberat, et credentes iustificat: Noua obediētia uersatur in quatuor, quæ sunt: pietas erga Deū, sanctimonia uitæ cuiusque



que apud sese, caritas proximi, & diligentia uocationis ad quam quisq; uocatus est. Cum autem hæ sint partes nouæ uitæ, proponit Christus in hoc Euangelio exhortationem ad caritatem erga proximum, quam hic per suas partes designat, et quoniam ueluti prima eius proles est misericordia erga proximum, hortatur ad misericordiam, per quam intelligit omnia officia, quæ nobis alij alijs in hac uita debemus. Quicquid enim alter alteri debet, cum soluerit, non amplius debet, excepta una caritate, quam non ita possumus reddere, quin semper simus debitores. Vnde Paulus Ro. 13. Nihil cuiquam debeatis, nisi mutuam dilectionem. Vt autem hoc Euangelium clarius intelligamus: Duo dicam.

- I. Quæ sint dilectionis seu misericordiæ opera, quæ nobis hic commendantur.
- II. Quæ sint rationes, quibus Christus nos hic hortatur ad præstandam misericordiam, id est, opera caritatis proximo.

## DE PRIMO.

Estote misericordēs &c. Cum filius Dei suos discipulos hortatur ad misericordiam, significat et quo affectu erga nos mutuò esse debeamus, et quòd in hac uita ob multas infirmitates alij aliorum opera indigeant. Quod præceptum si hodie amplecteretur, qui Christiani dici uolunt, minus esset dissensionum & minus calamitatum. Volumus quidem omnes discipuli Christi dici: sed nemo uult facere quod præcepit. Famulus imperio sui heri obedit, ancilla



ancilla oculos suos habet intentos in matremfamilias: imò nemo est, qui non magis suis in mundo superioribus auscultat, quàm multi, qui Christiani dici uolunt, suo Christo Deo & saluatori obtemperant, qui pro illis pependit in cruce, et cœlum meruit. Sed quæ est causa? quia uerbis tantum sunt Christiani, non corde. Qui enim uerè Christianus est nihil prius in uotis habet, quàm ut Christo suo, à quo & nomen et salutē habet obtemperet. Quare uos moneo, ut deposita illa carnali securitate Christo obtemperetis, & diligenter obseruetis ex hoc Euangelio, quæ officia à nobis erga proximos nostros requirat. In genere quidem requirit dilectionem, sicuti ait ad discipulos suos: Diligite uos inuicem, sicuti ego dilexi uos: in hoc cognoscet, quòd discipuli mei sitis, si uos mutuò dilexeritis. Nihil aliud hìc requirit, cùm ait: Estote misericordes. Qui enim diligunt: misericordes sunt, Et qui sunt misericordes, diligunt: ita fons aquam, & aqua fontem ostendit. Verùm ideo potius hoc loco Christus usus est misericordiæ uocabulo, quia indolem ueræ dilectionis monstrat.

Hæc misericordia, quæ ex dilectione proficiscitur, & à Christo suis discipulis in hoc Euangelio commendatur, quatuor partibus constat: quarum prima in ipso corde est, quæ est candor & Philanthropia quædam, qua & candidè de proximo sentimus, & semper meliora de ipso speramus. Hunc candorem notat Christus per contrarij remotionem



512 DOMINICA IIIII. POST  
 motionem, cum inquit: nolite iudicare. Hinc A=  
 postolus 1. Cor. 13. Caritas non cogitat malum. Atq;  
 hic sensus primæ partis misericordiæ est. Non est  
 ergo quod quisquam hoc dicto, nolite iudicare,  
 existimet tolli uel iudicium de discrimine uirtu=  
 tum & uiciorum in hominibus, uel officium pa=  
 trisfamilias, præceptoris, magistratus ciuilis &  
 ministri uerbi, uel debitam fraternam correption=  
 nem, qua alius alium errantem in uiam ex manda=  
 to Christi reuocare debet: sed tantum libidinem a=  
 nimi, qua sumimus nobis officium malè de alijs sen=  
 tiendi contra caritatis regulam. Quantum. n. ad  
 iudicium attinet discriminis honestorum & tur=  
 pium, regula est nobis Lex Dei firma & immota:  
 Quicquid enim lex Dei dicit turpe aut honestum,  
 id nos quoq; tale iudicare debemus. Qualis enim  
 esset insensibilitas ista non discernere? Debemus  
 ergo iudicare & discernere inter Neronis tyran=  
 nidem, & Fabricij clementiam: atq; ita de cæteris.  
 Patresfamilias habent mandatum instituendi pro=  
 les suas in disciplina et correptione Domini. Item,  
 Salomon uult parentes castigare suos pueros: Et  
 Heli sacerdos punitus est propterea, quod cum ui=  
 deret filios suos Ophni & Phinees malè se gerere,  
 cum in cultu diuino: nam meliores partes sacrifici=  
 orum furati sunt, tum in uita, nam libidine se conta=  
 minârunt, non eos iudicio paterno castigari. Hinc  
 manifestum est, quod dictum Christi non tollat pa=  
 trumfamilias officiũ, quod sanè exercere non pos=  
 sunt



sunt sine iudicio, & discrimine rectè & secus factorum. Præceptores præterea quid facerent sine iudicio? Alij. n. discipuli sunt uerberibus cogendi, ut faciant officium: alijs sufficit admonitio: illorum quidem ignauia castiganda: horum uerò industria est laudanda: Hic quæso non iudicio præditus esse debet Pædagogus pius? Neq; aliter de magistratu iudicandum est. Punire debet malos, et tueri bonos, quòd sanè fieri nequit sine iudicio: & Deus cùm approbat magistratum, manifestè iudiciũ eius probat, cùm sine iudicio magistratus tantum inanis sit titulus. Ministri uerbi alios recipient in Ecclesiã, alios excludent, an non illis conceditur iudicandi facultas? alios consolari debent, alios increpare: quod sanè requirit magnum iudicium. Quantum ad fraternam castigationem attinet, manifesta est præceptio Christi Matth. 18. Si peccauerit frater tuus te conscio, uade & argue eum inter te & ipsum solum. An non hìc cuilibet Christiano mandatur iudicandi officium? Ita sanè est. Quare cùm Christus dicit: Nolite iudicare, non tollit necessaria officia superiorum in hac uita, nec eneruat disciplinam Ecclesiasticam: sed tantum cohibet petulantiam hominum, qui uel corrupto iudicio, male de proximis sentiunt, uel citra fidem & caritatem ius censorium sibi in alios uendicant, quod uicium pleriq; cùm insectantur in alijs, sibi impune permittunt. Vix ullus se iustè excusare potest.

SECUNDA pars misericordie, quam Chri-

k

stus



stus erga proximum requirit, notatur his uerbis: Nolite condemnare, quo dicto requirit, ut benigne et amanter de proximo loquamur renunciantes turpissimo illi uicio, quo proni sumus de alijs malè loqui, & eos innocenter condemnare: Breuiter, uult Christus, ut uoce & lingua nostra queramus proximi honestum nomen & incolumitatem. Pertinet quoq; hoc doctum ad priuatam condemnationem, qua alius alium ex malicia condemnat, non ad officia magistratus & ministerium uerbi, qui Dei sententiã ex officio illis demandatam pronunciant sæpè in malos. Sic Petrus Ananiam & Saphyram, ut est in Actis Apostolorum, condemnauit: sic Paulus Alexandrum & Hymenæum: sic Christus pronunciauit sententiam damnationis in hypocritas, cum diceret: Væ uobis Scribæ, Pharisæi et Hypocritæ: sic cum condemnamus Antichristum, pronunciamus iudicium Dei in ipsum. Sed hic caueat unusquisq; ne sine uerbo Dei ex petulantia potius quàm uero iudicio condemnet.

TERTIA pars misericordiæ est, iniuriam ei qui nos offendit condonare. Hoc exigitur ex uerbo: Dimittite. Nam cum sint multe mutue offensiones, quas si nobis inuicem non condonaremus, non posset ulla tranquillitas esse, imò rumpetur uinculum humanæ societatis: Quàm hoc officium sit necessarium omnib. pijs, ex precationis forma, quàm Christus nobis præscripsit, facile est iudicare, illic enim iubemur orare: Dimitte nobis debita nostra,



nostra, sicut et nos dimittimus debitoribus nostris. Hanc adiectionem, sicut et nos dimittimus debitoribus nostris, esse summè necessariam docet parabola de debitore decies mille talentorum Matt. 18. Simile est, inquit, regnum cœlorum homini regi, qui ponit rationes cum seruis suis. Quemadmodum enim hic Rex supplici seruo condonauit totum debitum, gratis ex mera liberalitate: ita Deus Pater, confugientibus in uera pœnitentia ad Christum, condonat gratis ex mera liberalitate omnia debita, id est, peccata. Verùm sicut Rex ille seruum ingratum & durum aduersus conseruos, reuocat ad pœnam, & quod antea supplicanti condonauit, iam à contumaci & duro in conseruos repetit: ita Deus Pater postquam recepit gementes in gratiam, uult nos imitari suum exemplum benignitate erga proximum, ut ipsi in nos peccanti condonemus, idq; exemplo Patris cœlestis.

Hic oritur obscura quæstio. Si condonandum est ijs, qui nos offenderunt, uidetur consequi, quòd accusare quenquam ob factam nobis iniuriam non liceat. Ad hanc quæstionem sic respondeo. Distinguendum est inter ipsam accusationem, & id quod homines mali accusationi adiungunt. Accusare quidem per se non est uiciosum: nam Paulus I. Cor. 16. permittit Christianis arbitros & iudicia. Deinde Euangelium non abolet politicam ordinationem. Præterea Deus in suo populo constituit iudices, qui causam inter fratrem & fratrem iudicant,

k 2 rent,



rent, quod sanè fieri non fuisset necesse, nisi licuis-  
set accusare. Certum est igitur, quòd accusare per  
se, modò læsus quis sit, & iniuria affectus, non sit  
interdictum Christianis. Verùm quantum ad id,  
quod homines accusationi adiiciunt, ut sunt multi  
uiciosi affectus, intemperantia, ulciscendi libido,  
inimicitia, pertinacia et similes, sciendum est, quòd  
isti affectus sunt prorsus abiiciendi, modò Christia-  
nus esse uelis. Deinde discernendum est inter eum,  
qui læsit seu rem tuam retinet, & deprecatur cula-  
pam & restituit quod iniuria tenebat, & inter  
eum, qui uel læsit & rem tuam retinet, & pergit  
ledere & rem tuam occupare. Vt illi deprecanti  
condones Christi præceptum & caritas suadet: &  
hunc accuses petendo non tam uindictam, quàm  
magistratus defensionem, Christus permittit, &  
multi sancti suis exemplis confirmant. Est præte-  
rea discernendum inter eum qui te solum offendit,  
& eum qui Deum offendit & Ecclesiam turbat.  
De illo intelligendum est Christi præceptum, non  
de hoc. Nam Caritas Dei & proximi requirit, ut  
quantum potes, tollas quæ cultum Dei impediunt,  
& scandalo sunt Ecclesiæ. Breuiter, uera fides &  
caritas satis docebunt, quando accusare sit uicium  
& quando rectè factum.

QUARTA pars misericordiæ signatur his-  
ce uerbis: Date & dabitur uobis. Hoc præcepto  
exigitur, ut indigenti proximo consilio & opere  
adsumus. Consilio, quoties illum à recto aberrare ui-  
demus:



demus: opere uerò, aliàs dando eleemosynā largius, aliàs mutuando hilariter, etiamsi simile officium ab eo non expectemus. Nam mutuare cum expectatione alicuius officij uicissim præstādi uulgare officium est, etiam inter Ethnicos et peccatores, qui nondum sunt in familiam Christi per Euangelium uocati. Haftenus de misericordia, quam ex dilectione & Christi mandato debemus proximo, & de partibus eius, quæ sunt quatuor, uidelicet: benè sentire de proximo: benè de eodem loqui: erranti noxam condonare, & indigenti, consilio & opere adesse: nunc breuiter de secundo loco dicemus.

## DE SECVNDO.

Quinq; argumentis utitur Christus in hac exhortatiōe ad misericordiā, et ad ea officia, quæ sunt præstanda proximo, quæ nunc ordinè recensebo.

PRIMUM notatur his uerbis: Sicut Pater uester misericors est. Id est, exercendo misericordiam respicite ad Patrem uestrum cœlestem: debent enim parentum mores ac facta esse norma uiuendi filijs. Cum ergo uidemus Patrem nostrum cœlestem summè misericordem esse, decet ut eius imitemur exemplum. In hoc argumento plures circumstantiæ sunt perpendendæ. 1. quòd Pater noster cœlestis sit omnipotens, nullius indigens, & tamen nobis miseris tantam præstiterit misericordiam. 2. quòd nos simus miseri peccatores. 3. quòd ille cœlestis Pater nos ex mera misericordia recipit in gratiam. 4. quòd nos natura filij iræ eramus, Ephes. 2.

k 3

5. quòd



5. quod hæc sit eius uoluntas, ut filij ipsius effecti, paternum imitemur exemplum. 6. ut quemadmodum ille nobis benefecit gratis: ita et nos alijs gratis præstemus, quod nisi fecerimus horribiliter peccamus. 1. contēnimus eius mandatū. 2. degeneramus ab ipso. 3. polluimus nos sceleribus, quæ sunt opera filiorum Satane. 4. abiicimus fidem. 5. proximus noster nostra culpa miser iacet, cuius miseria tangi deberemus. Hæc perpendant qui Christiani esse uolunt.

SECVNDVM argumentum sumitur ab utilitate, quæ ad nos ipsos uenit. Nolite, inquit, iudicare, & non iudicabimini: nolite condemnare, & non condemnabimini. Dimittite & dimittetur uobis: Date & dabitur uobis. Hic partes illas misericordiæ, quas requirit, promissionibus suis confirmat. Propositio officij est: Nolite iudicare. Promissio mercedis: seu confirmatio propositionis est: & non iudicabimini, & sic de alijs. Sensus ergo est. Qui candidè de alijs sentit, is quoq; sentiet idem sibi ab alijs præstari: qui benè de alijs loquitur, idem expectabit ab alijs: qui condonat benignè, is inueniet facilitatem similem, si is aliquando offenderit: qui consilio & opere indigentibus adest, is uicissim indigens sentiet auxilium, idq; me efficiente. Verùm contrà: qui malè sentit de alijs, idem expectabit: qui malè loquitur, malè audiet: qui iniuriam uindicat, iniuriam patietur: qui negat consilium & opem



opem indigenti, is quoq; indigens frustra opem ab alijs expectabit.

TERTIVM argumentum his uerbis proponitur: Nunquid potest cœcus cœcum ducere? Non'ne ambo in foueam cadunt? quasi diceret, Quemadmodum se habet dux cœcus ad cœcum ducendum: ita se habet homo malè docens & uiuens, ad eos quos doctrina & uita ducere deberet. Sed quando cœcus ducit cœcum, uterq; in foueam cadit: proinde qui perperam docet & malè uiuit, & alijs et sibi occasio est lapsus. Vt igitur hoc malum uitetur, rectè agendum est cùm in doctrina tum in moribus.

QVARTVM argumentum signatur his uerbis: Non est discipulus supra magistrum: perfectus autem omnis erit, si sit sicut magister eius. Boni discipuli exemplum sui magistri imitari debent: proinde cùm Christiani sint discipuli Christi, decet ut uita & moribus, quantum quidem id fieri potest, exprimant.

QVINTVM argumentum petitur à consideratione propriorum erratorum. Quid uides festucam in oculo fratris &c. Festuca in oculo fratris est erratū fratris leue: trabs in tuo est erratum magnum. Debet ergo unusquisq; sua potius uitia considerare, quàm aliena, & prius ante suam ianuam, ut dici solet, purgare. Quod ut uerè faciamus, donet nobis Christus, cui cum Patre & Spiritu sancto honor & gloria in secula, Amen.

k 4 DO



## DOMINICA QUINTA

POST TRINITATIS, Luc. 5.



**F**Actum est autem, cum turba immineret Iesu, ut audiret uerbum Dei, & ipse stabat iuxta stagnum Genezareth, & uidit duas naues stantes ad stagnum, piscatores autem descendebant ex illis, & abluebant retia. Ingressus autem in unam nauem, quæ erat Simonis, rogauit eum, ut à terra abduceret pusillum. Et sedens docebat de naui turbas. Ut cessauit autem loqui, dixit ad Simonem. Duc in altum, & laxate retia uestra in capturam. Et respondens Simon dixit illi; Præceptor, per totam



totam noctem laborantes, nihil cepimus, ta-  
men tuo iussu laxabo rete. Et cum hoc fecis-  
sent, concluderunt piscium multitudinem co-  
piosam. Rumpebatur autem rete eorum. Et  
annuerunt socijs, qui erant in altera nauí, ut  
uenirent & adiuuarent ipsos. Et uenerunt, at-  
que impleuerunt ambas naues, ita ut merge-  
rentur. Quod cum uideret Simon Petrus, ac-  
cidit ad genua Iesu, dicens: Discede à me Do-  
mine, quia homo peccator sum. Stupor. n.  
circumdederat eum, & omnes qui cum illo  
fuerant, super captu piscium quem ceperant:  
similiter autem Iacobum & Iohannem filios  
Zebedæi, qui erant socij Simonis. Et ait ad  
Simonem Iesus: Ne metuas, posthac homi-  
nes capies. Et subductis in terram nauibus,  
relictis omnibus, secuti sunt eum.

ENARRATIO TEXTVS.

**O**ccasio huius Euangelij hæc fuit: Turba audi-  
da uerbi Dei est secuta Christum quocunq;  
perrexit, ut ipsum audiret: in quem cum turba ue-  
luti incumberet præ uisendi & audiendi studio,  
cogitur nauem Petri ingredi, atq; ex ea docere tur-  
bam. Verum ut suæ doctrinæ fidem faciat, iussit eis,  
ut retia dimitterent, qui antea conquesti erant se  
tota illa nocte frustra laborasse: quod cum fecis-  
sent, magnam multitudinem piscium ceperunt, adeo  
ut ne duo quidem nauigia pisces caperent. Hoc mi-  
raculo confirmati spectatores, ut doctrinam eius

k s recepe-

11 12



receperunt, & ipsius diuinam potentiam agnouerunt. Et cum Petrus miraculo edoctus metueret, erigitur à Domino, & accipit promissionem, quod postea esset futurus piscator hominum. Hæc est summa præsentis Euangelij, quæ eò pertinet, ut non solum exemplo huius turbæ doceamur, primum querendum esse regnum Dei: uerumetiam ut confirmemur de potentia Christi. Ostendit enim Christus, quod habeat curam suorum, declarat quod nemo quicquam in sua uocatione præstare possit, nisi ipse laboranti adsit, ac operi ueluti manum adhibeat, quemadmodum dicit: Sine me nihil potestis facere. Et Psalmus ait: Nisi Dominus edificauerit domum, frustra uigilat qui custodit eam. Loci quatuor.

- I. Necessitas audiendi uerbum Dei commendatur in exemplo huius turbæ, quæ adeò auidè Christum audiuit.
- II. Imago Ecclesiæ, Doctorum & auditorum uerbi.
- III. Miraculum præsens, & eius usus.
- IIII. Exemplum Petri cum in captura piscium, tum in agnitione Christi imitandum.

## DE PRIMO.

Factum est autem, cum turba irrueret ad eum, ut ipsum audiret. Exemplum huius turbæ docet Euangelium auidè audiendum esse. Neque enim adeò auidè secuta fuisset hæc turba Christum, nisi eius doctrinam summe necessariam esse intellexisset.



lexisset. Sequitur ergo Christum hæc turba, non ut  
 obseruet ipsum: non ut in uerbis comprehendat:  
 non ut irrideat, quemadmodum Scribæ, Pharisei  
 & Hypocritæ fecerunt: sed ut audiat uerbum  
 Domini, & salutis pane saturetur. Est enim uer-  
 bum Dei panis cœlestis, cuius dulcedo est supra  
 mel & fauum, ut in Psalmo dicitur. Concurrit  
 igitur hæc turba tanquam famelici ad eum, qui  
 largam aliquam Eleemosynam distribuit: idq; non  
 immerito. Quemadmodum enim corpus satura-  
 tur pane corporeo, quia est corporeum et ipsum:  
 ita anima pane spiritali, qui est uerbum Dei, ali-  
 tur: ipsa enim spiritalis est. Deinde ut appetitus  
 cibi est signum sanitatis, & fastidium eiusdem,  
 ægotantis & languentis corporis indicium est:  
 ita appetitus uerbi Dei est animæ benè se habentis  
 signum: & econtrà, uerbi Dei fastidium arguit  
 animæ languentis ægritudinem. Imitari ergo  
 nos debemus (si nos uerbi fastidium capit) eos,  
 qui corpore ægro sunt. Ut enim illi Medicos con-  
 sulunt, ut dato pharmaco conualescant, & cibum  
 appetant: ita nos (si uerbum Dei fastidit & ad  
 illud nauseat anima nostra) debemus Christum  
 Medicum quærere nostris precibus, ut ille animas  
 nostras sui uerbi, hoc est, panis salutaris capaces  
 reddat: ne fame uerbi DEI destituti pereamus.  
 Verbum enim Dei est cibus cœlestis, hoc est, panis  
 uite, & potus, de quo qui bibit, non sitiet in æter-  
 num, Iohan. 4.

Cæterum



Ceterum ut cum hac turba possimus esurire panem uitæ, & sitire potum cœlestem, cogitanda est huius cibi necessitas, qua perspecta, nemo non hunc cibum expetet, nisi qui suam salutem omnino non curat obcæcatus & dementatus à Diabolo.

PRIMA necessitas hæc est, quod neceßè sit mori omnem animam, quæ ad finem usq; destituitur hoc cibo cœlesti. Nam primum uitam consequimur, quando ex uerbo fidem concipimus. Deinde uerbum est cibus fidei, quo ipsa alitur & nutritur. Hæc necessitas confirmatur Domini dicto: Qui non crediderit, morietur. Fides enim aliunde non est, quàm ex audito uerbi, Rom. 10.

DEINDE sine hoc cibo manet homo sub ira Dei. Qui non credit (inquit Christus) ira Dei manet super eum.

PRÆTEREA hic cibus est, qui confortat ad uitam æternam. Hinc Paulus: Euangelium est potentia omni credenti ad salutem.

POSTREMO, ut uno uerbo dicam, uerbum Dei semen est incorruptibile, sicuti Petrus Apostolus docet, quo regnimur et nascimur per gratiam filij Dei, qui antea propter primorum parentum peccatum & nostrum nati eramus filij iræ. Vt ergo natura nascimur filij iræ, id est, damnationis ad mortem æternam: ita gratia per semen uerbi Dei nascimur filij gratiæ, id est, benedictionis ad uitam æternam. Qui enim credunt, sunt filij Abrahamæ & hæredes promissionis. Proinde si salus



lus animæ nostræ: si euasio mortis, iræ Dei, & damnationis: si dignitas, qua adoptamur in filios Dei, nos moueat, simus auidi uerbi Dei, illud audiamus & conseruemus, idq; non solum exemplo huius turbæ: uerumetiam totius Ecclesiæ, quæ nihil magis expetit, quàm satiari hoc uerbo Dei.

## DE SECVNDO.

Ascendens Iesus unam nauim, in qua sedens docuit turbam stantem in littore. His uerbis pulcerrimè pingitur status Ecclesiæ militantis & fluctuantis in hoc mundo: In qua pictura obseruanda sunt tria. Nauis ipsa: Christus sedens in nauis: & turba stans in littore. Nauis ipsa adumbrat Ecclesiam: Christus notat omnes sinceros Doctores: Turba stans in littore significat uerbi auditores. Iam quemadmodum nauis in mari orta tempestate horribiliter concutitur: ita nihil in mundo magis concutitur quàm Ecclesia: id quod totius mundi historia docet. Quàm tristis fuit concussio huius nauis, quando Caim suum fratrem occidit. Deinde in Sodoma sanctus Loth: & Abraham in peregrinationibus suis. Præterea Ecclesia Dei quantum est concussa primum in Ægypto, & deinde 40. annis, ut taceam de persecutionibus quas Ecclesia perpeffa est omnibus temporibus, sub iudicibus, sub regibus, in captiuitate Babylonica. Et ut omittam alia, de nostro tempore dicam, quantum concutitur Ecclesia, ac ijs qui uolunt ciues Ecclesiæ uideri: alij hæresibus, tanquam horrendis tempe-



tempestatibus ab ipso Diabolo emissis, in eam impetum faciunt. Quid non Sacramentarij, quid non alij sectarij, Anabaptiste, libertini faciunt, ut hanc nauiculam Petri evertant? Pontifices eam hereseos condemnant: Iudaei derident: Turca aspernatur: ciuilis magistratus apud multos seditionis eam insinuat, quemadmodum in Historia impij Achab legimus, qui Helie sanctissimo Prophetae haec uerba obiecit: An non is es qui turbas Israel? Quid dicam de noua inuadendi Ecclesiam ratione, quam ipsi inuenerunt, qui Euangelici esse & dici uolunt? Impie & sacrilege bona, quae pertinent ad conseruandum ministerium uerbi, conuertunt in prophanos usus. Atq; adeo Satanas cum omnibus suis membris in hoc incumbit, ut fluctuantem Christi Ecclesiam evertat: sed fortior est Christus, quam ut portae inferorum aduersus eam praeualeant.

Dixi de Ecclesiae fluctuatione: unde & quanta sint ministrorum uerbi pericula facile est intelligere. Vt enim Christus in naui sedet: ita & illi maximam periculorum molem sustinent, & multi ad grauissima rapiuntur supplicia. At turba stat in littore, hoc est, maxima pars auditorum sunt extra periculum: nam cum oritur aliqua tempestas, uel se occultant, uel, prorsus discedunt. Haec sint breuiter de concussione Ecclesiae dicta.

## DE TERTIO.

Et dixit Dominus ad Simonem: Duc in altum, & dimitte retia ad capturam. Tunc respon-



respondens Simon, ait illi : Magister per totam noctem laborantes nihil cepimus, tuo tamen iussu laxabo rete. Et cum hoc fecissent concluderunt multitudinem copiosam &c. Hæc descriptio miraculi est. Petrus desperans de piscibus, iussu Christi demittit rete, & cepit copiosam multitudinem, ita ut duo nauigia eos ferre non potuerint. Et si autem hoc miraculum editum est, cum ad confirmandam doctrinam Christi, tum ad fidem spectatorum roborandam : tamen suo quodam modo ad nos quoque pertinet. Nam quicquid præscriptum est, in nostram doctrinam præscriptum est, ut per patientiam & consolationem scripturarum spem habeamus. Dicam itaque quomodo nobis seruiat præsens miraculum.

PRIMUM certificabit nos hoc miraculum de ueritate Euangelij: est enim ueluti authenticum sigillum, quo Deus Pater Euangelium filij sui ob-signat. Nam quidquid miraculorum Christus, Prophetæ, Apostoli unquam ediderunt, eò spectat, ut doctrinam confirmet. Ita & in Marco & in Epistola ad Hebræos legimus. Marcus ait cap. 16. Dominus cooperatus est Apostolis, & confirmabat uerbum sequentibus signis. Ad Hebr. 2. Doctrina salutis confirmata est Deo contestante signis & prodigijs, & uarijs efficacijs, & Spiritus sancti distributionibus.

DE TERTIO  
SECUNDO hoc præsens miraculum conuincit, quòd Christus non solum sit hominum ter-  
raeq;



raeq; Dominus: sed etiam maris: unde fides nostra hanc concipiet fiduciam, ut statuat nihil uel in mari posse huic potenti Domino resistere, quin possit suos potenter ab omni periculo eripere: sicuti Iohannam Prophetam ex ore Coeti eripuit sua diuina uirtute. Non est igitur quod formidemus uel Diabolorum, uel hominum, uel maris crudelitatem: modò uiua fide in Christum recumbamus. Vnde Iohannes: Hæc est uictoria, quæ uincit mundum, fides uestra.

Ad hæc docet præsens miraculum, unde laboris nostri benedictio & incrementum rerum proueniat. Petrus tota nocte laborauerat, sed frustra. Quare? quia benedictionem ex sua industria & non ex fonte benedictionis Christo quæsiuit: Verum postquam iussu Christi soluit retia, cepit magnam piscium multitudinem: quò docemur, quòd omnis benedictio ex uerbo Christi pendeat. Contra hoc peccant quatuor genera hominum.

PRIMUM increduli, qui existimant omnem benedictionem pendere ex proprio labore, aduersus quorum stulticiam Dauid cecinit Psalmum: Nisi Dominus ædificauerit domum, frustra uigilat qui custodit eam.

DEINDE impij, qui ex usuris & malis artibus, hoc est, ex benedictione Satane putant rerum & substantiarum prouenire incrementa: et profecto multi uidentur inde ditescere. Sed contra Salomon dicit: Benedictio Domini diuites facit. Neq; enim



enim statim aliquis rectè diues dicitur, cum multa possideat. Aliud est panis: aliud robur panis. Multi panem habent, & alia bona: quorum alij ijs uti non possunt: alij ijs ad luxum & superbiam abutuntur: alij inde se quotidie ingurgitant: alijs sunt instrumenta libidinum, & tyrannidis exercendæ. Qualis, queso, hæc est benedictio? Contrà, pius qui mediocres habet facultates, suis rebus utitur in gloriam Dei, subsidium aliorum, & prædicat datorum bona conscientia.

TERTIUM genus hominum, qui hinc peccant, eorum est, qui postquam audierunt ex benedictione Domini rerum incrementa esse, fiunt remissiores, & negligunt suæ uocationis laborem, cum Dauid in Psalmo contrà dicat: Beatus uir qui timet Dominum, & in mandatis eius uolet nimis: labores manuum tuarum manducabis: Beatus es & benè tibi erit. Hic Dauid rerum ordinem præscribit agendi. Primo loco est timor Dei. 2. desiderium & summa uoluptas in Dei mandato. 3. labores uocationis commendantur. 4. additur promissio: & benè tibi erit. Hanc regulam si multi sequerentur hodie, sentirent Domini benedictionem.

QUARTUM genus hinc peccantium, eorum est, qui nec Deum inuocant, quando eius benedictione utuntur: nec eius auxilium implorant: nec agunt ipsi gratias pro sua benedictione.

Discamus ergo hinc ex præsentis miraculo & laborandum esse, & laboris successum et benedictionem

l nem



nem à solo Deo esse in quocunq; statu aliquis fuerit, Si quis praesit alijs ut magistratus, praefectus, paterfamilias, ita cogitet: laborem strenuè in timore Dei: Deum colam, et inuocem, ut meis laboribus adsit. Colonus quando arat suum agrum, quando seminat, quando conuehit in horreum, Deum habet at praec oculis, sciat omnem benedictionem à Domino esse, illum inuocet, ut sibi laboranti adesse uelit, & benedictionem suam largiri. Ita etiam concionator faciat, doceat, admoneat, exhortetur: sed iussu Christi in timore Dei. Sed obijcies fortè: ego officium facio, colo agros, praedico Euangelium, instituo familiam, sed frustra. Nullum habet successum mea industria. Disce hic à Petro quid tibi desit. Petrus laborauit frustra, donec assumsit Christum in nauem secum. Proinde tu exemplo Petri credito Christo, noli remissus esse, sed in nomine Christi laborato, & uidebis benedictionem Domini.

Sed uideo (ais) pessimos quoq; fortunatissimos esse, et contrà pios sepe uideo miserrimos. Respondeo: Respice finem. Quare hoc responsum Davidis, quod est in Psalmo 36. obserua. Vidi (inquit) impium fortem et uirescentem, instar lauri uiridis, et transiui, & ecce non fuit, & quasiui eum, & non est inuentus. Ita omnis gloria impiorum est ueluti fumus pertransiens. Contrà, qui timet Dominum non commouebitur in aeternum. Exempla habemus. Vbi quaeso nunc sunt Gigantes illi gloriosi? absorpti sunt diluuiò. Vbi diues epulo? in tormentis racet. Contrà,



Contrā, ubi Abraham? ubi David? ubi pauper Lazarus? In cœlo, ubi uera beatitudine fruuntur: hominum beatitudine imitemur.

## DE QVARTO.

Quod cū uideret Simon, procidit ad genua Iesu dicens: Exi à me Domine, quia homo peccator sum. Hic uide quid Petro & socijs eius acciderit ex ista piscium captura, Petrus timet horribiliter, & iubet Christum à se exire. Quid? an non potius debuisset dicere: Mane apud me Domine, ut felix sit nobis piscatura? Petrus ut peccatorem miserum: ita Christum ex miraculo iustum & diuina potentia præditum agnoscit. Quare & ipse ad genua procumbit. Cupiunt quidem homines Dei præsentiam, sed mox ubi adesse intelligitur, conscientia eos reos peccati peragentes, fugiunt & timent, donec diuina uoce eriguntur, & sentiunt contra peccati conscientiam consolationem: quemadmodum hic Dominus timentem erigit dicens: Noli timere, ab hoc tempore homines capies, Hic non solum erigit Petrum, uerum etiam eum eligit in Apostolum, ut suo tempore uerbo prædicationis homines capiat. Nam ut pisces reticulo: ita homines uerbo prædicationis capiuntur, & de mari peccatorum in Ecclesiam Christi colliguntur, ut non moriantur: sed ut æternum beati uiuant, per Christum Iesum Dominum nostrum, cui honor, laus, & potentia in secula seculorum, Amen.



## DOMINICA SEXTA

POST TRINITATIS, Matth. 5.



**D**ico uobis, Nisi abundauerit uestra iusticia plusquam scribarum et Phariseorum, non potestis ingredi in regnum caelorum. Audistis quod dictum sit ueteribus, Non occides : quisquis autem occiderit, obnoxius erit iudicio. At ego dico uobis, quod quisquis irascitur fratri suo temere, obnoxius erit iudicio. Quicumque uero dixerit fratri suo, Racha, obnoxius erit concilio. Quisquis autem dixerit, fatue, obnoxius erit gehennae incendio. Itaque si obtuleris munus tuum ad

aram,



aram, & illic recordatus fueris, quòd frater tuus habeat aliquid aduersum te, relinq; illic munus tuum coram altari, & abi, prius concilieris fratri tuo, & tum ueniens offer munus tuum. Habeto beneuolentiam cum aduersario tuo citò, dum es in uia cum illo, ne quando te tradat aduersarius iudici, & iudex te tradat ministro, & in carcerem conijciaris. Amen dico tibi, non exhibis illinc, donec percolueris extremum quadrantem.

## ENARRATIO TEXTVS.

**H**IC textus est pars concionis, quam habuit Christus in monte ad discipulos, quos recens elegerat, in qua, ut summatim dicam, eos docet, q; nò soluendæ legis gratia uenerit: sed implendæ. Et quoniam Pharisei legis interpretes peruersè & malè legem Dei interpretati sunt, Christus eorum errorem corrigit, ac legem interpretatur. Illi enim legis doctrinam ad externà facta pertinere putauerunt: contrà, Christus ad intimos animorum recessus eam pertinere conuincit. Deinde præscribit Christus in eadem concione formam Eleemosynæ dandæ, ieiunij rationem, et precandi modum. Quæ omnia eò spectant, ut homines intelligant, quam procul absint à legis Dei perfectione, & quam necessarius fuerit Christi aduentus, in quem omnis qui credit, uindictatur à iure legis & damnationis. Hæc sint dicta de summa concionis Christi quam habuit in monte. Verum particula eius concionis,

l 3 quæ



quæ hoc die in Ecclesia proponitur, sicuti audiuitis, reprehendit Pharisaicam iusticiam, & proposito legis Quinto præcepto, ostendit quantum aberrârunt in interpretando legem Pharisei. Nam ut hi putârunt satis esse hominem manu non occidere: ita Christus non solum reos huius legis pronunciat, qui homicidium externum committunt: uerum etiam omnes, qui cogitant aliquid aduersus proximum, sicuti mox audiemus. Loci duo:

I. De triplici iusticia, Pharisaica, Legali, & Christiana.

II. Explicatio Quinti præcepti.

DE PRIMO.

Nisi abundauerit iusticia uestra plus quàm Scribarum & Phariseorum, non intrabitis in regnum cœlorum. Vt hæc ritè intelligamus, necesse est dicere de triplici iusticia: de Pharisaica, quam Christus hîc reprehendit: de Legali iusticia quam Deus sua uoce nobis commendat: et de Christiana iusticia, qua sola consistimus coram Deo.

Pharisaica iusticia describitur Mat. 23. cuius de descriptionis hæc sunt peculiaria capita. PRIMVM accusant Christum: tantum abest, ut eum redemptorem agnoscant. DEINDE, omnia faciunt in hoc, ut spectentur ab hominibus: sunt hypocrita, apparent foris religiosi & sancti: cùm interim sint hostes Dei & omnium piorum, quos ut rabiosi canes insectantur. TVM, irrita faciunt præcepta Dei propter traditiones hominum. Nam in locum præcepto



ceptorum Dei substituunt mandata hominum, ut  
Deus illis colatur, uelit nolit. Hæc maxima contu-  
macia in Deū est. Nam hīc non solum contemnitur  
Deus, et plus tribuitur humane stulticiæ, q̃ sapien-  
tiæ Dei: uerum etiā traditionibus humanis studium  
pietatis erga Deū aboletur, & opera caritatis ex-  
tirpantur. AD HÆC, appropinquant Deo labijs  
& cor eorum longè est ab illo. PRÆTEREA,  
dicuntur comedere domus uiduarum, dum eas sub  
sanctimonix specie auarè ad se pertrahunt. HVC  
ACCEDIT, amant primos accubitus, quare no-  
tatur corū superbia. POSTREMO, claudunt  
regnū cælorum ante homines, dum falsa interpre-  
tatione legis homines à fide Christi abstrahunt. Bre-  
uiter, sunt similes sepulcris dealbatis, ut Christus  
ait: foris, n. apparent sancti, intus uerò scatent im-  
puris affectibus, Exemplum habemus in Phariseo,  
qui ascendit in templum cum Publicano, qui non so-  
lum gloriatus est de suis bonis operibus, ieiunio &  
decimis, uerum etiā proximo suo detraxit, ita aper-  
tè totam legem Dei primam & secundam tabulam  
transgressus, & nihilominus putauit se iustum, &  
suis operibus meruisse cælum. Ex his quæ hactenus  
dicta sunt, hanc iusticiæ Pharisaicæ descriptionem  
possumus colligere. Iusticia Pharisaica consistit in  
externis moribus, uacans timore Dei & fide in  
Deum, quæ ut à Deo pro suis operibus cælum ex-  
pectat: ita ab hominibus larua fictæ sanctitatis lau-  
dem uenatur. Non est igitur mirum, quòd Christus

l 4 dicat:



dicat: Nisi abundauerit iusticia uestra plusquam scribarum & Phariseorum, non ingrediemini in regnum coelorum. Hæc sint dicta de Pharisaica iusticia: iam de legali iusticia pauca dicamus.

De legali iusticia quatuor dicā. 1. Quid sit. 2. An quisquam iustificetur lege. 3. Quis sit usus legis. 4. Quomodo lex credentib. in Christum sit abrogata.

Iusticia legalis est obedientia perfecta, pura & perpetua erga legem Dei: seu est perpetua & perfecta dilectio Dei & proximi. Ita enim Lex dicit: Diliges Dominum Deum tuum ex toto corde, ex tota anima, ex omnibus uiribus, et proximum tuum sicut teipsum. Neq; enim lex Dei, quæ est regula iusticiæ legalis, requirit externam obedientiam tantum: sed ab omni homine requirit perfectam, puram & perpetuam obedientiam erga Deum, & simul promittit uitam & salutem obedientibus, & comminatur mortem æternam hanc obedientiam non præstantibus. Non est contenta externa larua: sed requirit cor purum, affectus congruentes cum lege Dei, uoluntatem promptissimam erga Deum. Deinde in omnibus uiribus, interioribus & exterioribus plenam & perpetuam harmoniam congruentem ad uoluntatem Dei. Huiusmodi iusticiam à lege requiri patet ex interpretatione Christi, & ex illo Pauli dicto: Lex est spiritalis, ego autem carnalis: requirit ergo spirituales obedientiam.

Habemus qualis sit legis iusticia: iam secundo loco



loco queritur, an ullus in toto humano genere hac legali iusticia possit iustificari. Ad quam quæstionem simpliciter respondeo, quod nemo unquam post lapsum Adæ extiterit præter solum Christum, qui legis obedientia est iustus factus coram Deo, id quod quatuor rationibus confirmabo.

PRIMA: Natura humana est impura et peccati contagione fœdata, nō ergo magis potest producere puram obedientiam erga Deum, quā turbulētus & fœdatus fons producat puram et limpidam aquam: & quam arbor putrida bonos fructus producat. Vnde Iesa. 64. clamat, omnem iusticiam nostram esse similem impurißimo panno.

SECUNDA: Omnes homines experiuntur obedientiam, quam præstant erga legem Dei, habere quatuor conditiones cum lege Dei pugnantes. Primum enim hominum obedientia est temporalis, sed lex Dei requirit perpetuam. Deinde est contaminata. Impurum enim est cor hominis, unde proficiscitur. Tertiò est imperfecta, Non enim præstatur iuxta exactam legis regulam. Quartò est fucata malis opinionibus.

TERTIA: Scriptura disertè pronunciat nullum iustum esse lege, ne unum quidem. Et David inquit: si iniquitates obseruaueris Domine, quis sustinebit? Item, Non iustificabitur in conspectu tuo (scilicet per opera legis) ullus homo.

QUARTA: Si iustificari possent homines ex operibus legis, nō opus haberemus iusticia Christi.

l 5 Hinc



Hinc Paulus Gal. 2. Si ex operibus est iusticia, Christus frustra mortuus est. Est enim ille mortuus propter peccata nostra, et excitatus propter iustificationem nostri. Hinc iam patet, quod nullus habeat eam iusticiam quam lex requirit.

Iam sequitur tertia quaestio de usu legis, quis sit. Usus legis divinae est triplex: scilicet externus, internus, & spiritualis. Externus pertinet ad hunc externum hominem, ut honestè in hac uita uiuamus, quem usum habet communem cum ciuilibus & humanis legibus. Internus pertinet ad ueterem hominem, nam nobis lex reuelat iram Dei monstrato peccato. Spiritualis usus pertinet ad nouum hominem, ut fide incoëmum obedientiam Deo prestare secundum suam legem, quantum quidem fieri potest in hac corruptione, quæ obedientia Deo grata est propter fidem in Christum.

Sequitur quarta quaestio. Cum. n. pia mens audire legem pronunciare maledictos omnes, qui non præstant legi perfectam obedientiam, incipit legis sententiam metuere. Hic proinde sciendum est, quod Dei lex sit pijs abrogata et prorsus abolita, quantum quidem ad maledictionem attinet: Christus. n. maledictionem legis in se pro nobis, modò in Christum credimus, recepit. Vnde Paulus: Christus factus est pro nobis maledictum. Et Ioh. 3. Omnis qui non credit in Filium, ira Dei manet super eum. Et in Epistola: Sanguis Iesu Christi emundat nos ab omni iniquitate, id est, à maledictione, quæ nobis pro



pro iniquitate nostra deberetur. Atq; ita habemus breuiter dictum, quænam sit legalis iusticia: quod legis operibus nemo iustificetur: Quis sit legis usus: & quatenus lex Dei abrogata sit: Nunc de iusticia Christiana pauca dicenda sunt, ut intelligamus, qua in re Pharisaicæ præferenda sit.

Iusticia Christiana est obedientia Christi credenti imputata. Iustus enim Euangelicè is dicitur, cui Deus peccata condonat, & imputat iusticiam Filij sui et acceptat gratis ad uitam æternam. Quicunq; enim credit in Christum, dum à reo fit non reus, et ab iniusto fit iustus ob Christi iusticiam sibi imputatam, dicitur iustificari. Quod autem iusticia Christi imputetur credenti, probatur multis scripturæ dictis. Qui credit in eum qui iustificat impii, imputatur fides eius ad iusticiam. Et Rom. cap. 5. Quemadmodum inobedientia unius hominis multi constituti sunt peccatores: ita obedientia unius Iesu Christi multi constituentur iusti. 2. Corinth. 5. Eum qui non nouit peccatum, fecit peccatum, ut nos fieremus iusticia Dei in ipso. Quod autem ad hanc Euangelicam iusticiam non requirantur opera legis, probant multa testimonia. Roman. 3. Arbitramur hominem fide iustificari absq; operibus legis. Et Gal. 2. scimus quod non iustificetur homo ex operibus legis, sed ex fide Iesu Christi, & nos in Iesum Christum credimus, ut iustificaremur ex fide, & non ex operibus legis. Hinc iam concluditur, quod iustificatio Christiana sit credentis perso-



personæ in Christo, absolutio à peccato, imputatio iusticiæ Christi, & acceptatio ad uitam æternam gratis propter Christum.

Hæc breuiter sint dicta de triplici iusticia: nunc pauca addam de discrimine: et primum dicam quomodo Christiana iusticia differat à legali iusticia. Deinde quomodo à Pharisaica.

PRIMUM ergo discrimen inter legalem iusticiam & Christianam est, quod legalis ex operibus legis sit: Euangelica uerò sine operibus legis. SECVNDVM, quod legalis sit operantis, & Euangelica sit credentis. TERTIVM, quod legalis non imputetur gratis, sed sit ex merito propriæ obedientiæ: Euangelica uerò imputetur sine merito propriæ obedientiæ. QVARTVM, quod legalis sit formalis, ut quæ ex iustis actionibus hominis formetur: Euangelica uerò imputatiua sit, cum iustæ Christi actiones credenti imputantur. Proinde iustificari dicitur legaliter, qui ab iniusto fit iustus ob suam iusticiam & legis impletionem, iuxta illud: Qui fecerit ea homo, uiuet in eis: Sed Euangelicè iustificari dicitur, qui à reo fit non reus ob iusticiam Christi, quæ fide apprehenditur. Iusticia legalis est perfecta obedientia hominis erga legem Dei: sed Christiana seu Euangelica iusticia est obedientia Iesu Christi, imputata credenti. Iustus legaliter est, qui iustè agit iuxta legis sententiam: sed iustus Euangelicè dicitur, cui Deus peccatum condonat, imputat iusticiam Christi, & acceptat  
ad



ad uitam aeternam gratis propter Christum. Iustificatio legalis est approbatio hominis coram Deo ob integritatem & perfectionem suae obedientiae erga legem Dei: sed iustificatio Christiana seu Evangelica, est approbatio hominis coram Deo ob integritatem & perfectionem obedientiae Christi erga Deum Patrem.

Habemus discrimen inter iusticiam Christianam et legalem: nunc uideamus, quomodo Christiana iusticia Pharisaeam iusticiam excedat. Excedit autem Christiana iusticia Pharisaeam his quatuor. Causa: qualitate: effectu: fine. Causa Christianae iusticiae est Deus, Christi meritum et fides apprehendens oblatum beneficium: sed causa Pharisaeae iusticiae est Hypocrisis hominis, ignorantia iusticiae Dei & externa traditionum humanarum observatio. Qualitas iusticiae Christianae est in Christo obedientia et impletio legis: sed iusticiae Pharisaeae qualitas externa tantum larua est fictae & mentitae sanctimoniae. Effectus iusticiae Christianae est nouitas spiritus, timor Dei, uera pietas, inuocatio, uera humilitas, patientia & incoata obedientia erga legem Dei, adeo quod fide iustificatus homo, nihil magis in uotis habeat, quam ut Deo obtemperet: Breuiter, summa eius uoluptas in lege Domini est, postquam scit damnationem sublatam esse Christi merito: sed iusticiae Pharisaeae effectus, est superbia, gloriatio coram Deo, superstitio, contemptus proximi, Breuiter, talis est fructus, qualis arbor.

Non



Nou enim potest mala arbor bonum fructum facere. Finis iusticiæ Christianæ est habere pacem cum Deo accessum ad Deum, gloriam Deo tribuere, & tandem uitam æternam consequi gratis propter Christum: sed finis Pharisaicæ iusticiæ est sibi ipsi laudem tribuere, Deo eripere, & apud homines gloriari, quam tandem sequetur horribilis pœna, nisi fiat ad Dominum conuersio. Hæc iam sint dicta de triplici iusticia & earum differentijs, quas tenere admodum utile est.

## DE SECUNDO.

Quintum præceptum, non occides, interpretatur Dominus, ut Phariseorum falsam interpretationem confutet. Illi tantum putauerunt externum homicidium prohiberi: At Christus penitius legem intropiscit, et tria alia addit præter externum homicidium. Audiuiſtis (inquit) quòd dictum sit antiquis: non occides, quisquis autem occiderit, tenebitur iudicio, id est, quicūq; hominem occiderit, reus erit coram iudicio: loquitur enim hic de externo homicidio et eius pœna, quæ est damnatio civilis per legem. Iudicium dicebatur, in quo Triumuiro sedebant, quando causarum dijudicatio erat facilis. Qui enim externum homicidium manu perpetravit, sententia legis reus erat mortis, quam sententiam pauci potuerunt pronunciare. Hic tantum loquitur de iudicio humano ex legis sententia. Iudicium enim spirituale satis notum fuit, quod erat maledictio. Sequitur interpretatio.

At



At ego dico uobis: Qui irascitur fratri suo, reus est iudicio. Hic iram ponit inter genera homicidij. Hanc prohiberi quinto præcepto non animaduertent Pharisæi. Quare dicit: At ego dico uobis, quasi diceret, Pharisæi uolunt, q̄ solus is uiolet quintum præceptum, qui manu sua occidit hominem: sed ego dico uobis, quòd plus requirat ista lex. Nam prohibet etiam iram, quæ non proficitur ex iusta causa, & tendit ad bonum finem.

Deinde addit & aliud peccatum quinti præcepti: Et quicumq; dixerit fratri suo Racha, id est, qui ullo signo significat proximi contemtum, est reus coram concilio. Præterea qui dixerit fratri suo, fatue, reus est gehennæ, id est, qui conuicijs & contumelijs obruerit proximum reus est legis diuinæ, atq; adeò obnoxius poenis inferni. Breuiter, quinto præcepto prohibentur. 1. omnia cogitata, quibus malè de proximo cogitamus. 2. omnia signa contemtus proximi. 3. omnia dicta acerba in proximum, ut conuicia, ludibria. 4. externum homicidium: Et contrà, omnia opera mandantur quæ cum his pugnant, ut candidè iudicare de proximo, signis ostendere candorem erga proximum, benè loqui de proximo, & eius personam defendere & tueri aduersus iniuriam.

Ceterum ut Christus ostendat, quàm sit necessarius amor proximi, & quàm sit perniciofa iniuria qua proximus afficitur, duo consilia, quæ argumenta continent, proponit.

Vnum



Vnum sumitur à damno, in quod incurrit homo iniurius proximo coram iudicio diuino. Alterum, à damno, in quod incidit coram iudicio humano, qui proximum lesit.

Prius sic habet: Si obtuleris munus tuum ad altare &c. proponit exemplum, quod conueniebat isti tempori & isti populo, stante Republica Mosis. Est autem dicti huius hæc sententia. Deus non iudicat tuum munus sibi gratum et acceptum, si fratrem tuum odis: hoc est, nullus cultus Deo est acceptus, qui ab eo præstat, qui caritate erga proximum est uacuus. Sed quæ est huius Regule ratio? Deo nihil gratum est, quod ab eius hoste proficiscitur, ἄδωρα γὰρ τῷ ἐχθρῷ δῶρα. Iam autem Iohannes dicit: Si quis dixerit, diligo Deum, & odit fratrem, mendax est. Nam dilectionis Dei fructus perpetuus & naturalis est dilectio proximi. Qui (ait Dominus) diligit me, seruat mandata mea. Vbi ergo fructus hic non adest, arborem quoque abesse certum est. Quicumq; ergo proximum non diligit, frustra sacrificium offert.

Oratio in scriptura sacrificiū est: sed frustra oras, si odis proximum. Gratiarum actiones sunt tituli laborum, quos si uis Deo placere, reconciliare prius cum proximo, et postea ex fide offerito. Crux est sacrificium modò fide temperata fuerit: Nam sine fide est iustum peccati supplicium. Sabbatismus est Deo gratus cultus: sed contaminatur proximi odio. Eleemosyna in scriptura dicitur sacrificium boni



boni odoris : sed Paulus dicit : Si insumsero totam substantiam in pauperes, et caritatem non habeam, nihil sum. Atq; ita de omni opere, quod Deus requirit, iudicandum est. Hic unusquisq; seipsum examinet, & non adhibeat dolosam stateram.

SECUNDVM sic habet : Habeto beneuolentiam cum fratre tuo, cum adhuc in uia es &c. Qui offendit & ledit proximum, incurrit in manus magistratus, & conijciatur in carcerem, unde non eximetur, donec pro damno satisfecerit. Quare ne hoc fiat, maturè tibi reconciliandus est proximus. Cum itaq; sine caritate & frustra Deum colis, & in periculum coram Magistratu incidis, consultum est, ut sis proximo carus. Huc accedit sententia Dei: Iudicium absq; misericordia sentiet, qui non fecit misericordiam : Huc parabola pertinet de debitore, cui Dominus condonauit totum debitum, &c.

Ceterum Papistæ ex hoc loco suum purgatorium extruunt, de quo hodiè in suis templis concionantur: Quibus respondeo.

1. In his uerbis nulla fit mentio purgatorij : sed carceris, in quem conijcitur à Magistratu, qui proximum lesit.
2. Quia confugiunt ad allegoriam, sciant se infirmo niti fundamento. Primum enim nulla allegoria est recipienda, nisi quæ expresso uerbo confirmari potest. 2. nulla allegoria quæ pugnat cum Analogia fidei est probanda. 3. nulla allegoria, in qua


m uel

11 12



546 DOMINICA VII. POST  
 uel est aliquid absurdi, uel ex qua aliquid absurdi  
 sequitur, est admittenda. Huic proinde præcepto  
 cum nullus satisfacere possit, agamus poenitentia-  
 am, confugiamus ad Christum, et Deinde conemur  
 Deo iuxta hoc præceptum obedire, quantum fieri  
 potest per auxilium Christi, cui gloria in secula  
 seculorum, Amen.

## DOMINICA SEPTI- MA POST TRIN: Marc. 8.



IN diebus illis, cum turba admodum mul-  
 ta esset, nec haberent quod manducarent,  
 accersitis ad se Iesus discipulis suis, ait illis:  
 Miseri.



Misericordia tangor erga turbam, quia iam triduo manent apud me, nec habent quod edant, & si dimisero eos ieiunos in domum suam, deficient in uia. Quidem enim ex eis è longinquo uenerant. Et responderunt ei discipuli sui: Vnde istos quis poterit hîc satiare panibus in solitudine? Et interrogauit eos: Quot panes habetis? Illi uerò dixerunt, Septem. Et præcepit turbæ discumbere super terram. Et acceptis septem panibus, cum gratias egisset, fregit, deditq; discipulis suis, ut apponeret. Et apposuerunt turbæ. Et habebant pisciculos paucos, & cum benedixisset, iussit apponi & hos. Comederunt autem & saturati sunt, ac sustulerunt quæ superfluerant fragmentorum septem sportas. Erant autem qui comederunt ferme quatuor mille, & dimisit illos.

## ENARRATIO TEXTVS.

**H**Oc anni tempore proponitur istud Euangelium, quia est messis: idq; ideo, ut admonemur, quòd fruges et fructus terræ generentur Dei benedictione: unde admonebimur gratitudinis erga Deum pro isto munere. Statuere igitur absq; omni dubitatione debemus, quòd Deus terræ nascentia nobis largiatur, ad huius uitæ sustentationem, quibus reuerenter uti debemus tanquam donis, Dei manu nobis porrectis et datis, idq; in Dei gloriam, proximi utilitatem et status nostri sustentationem.

m 2 Porro



Porro summa Euangelij est, quod præterquam q  
Christus hoc miraculo probet se uerum Mesia es  
se, præditum diuina potentia, etiam ostendat se ha  
bere curam eorum, qui se sequuntur, iuxta promiss  
sionem ipsius. Quærite primum regnum Dei et ius  
ticiam eius, et reliqua adijcientur uobis, Loci tres.

- I. Sors eorum qui Christum sequuntur in hac  
uita.
- II. Affectus Christi erga eos qui se sequuntur.
- III. Recta utendi Dei donis ratio.

## DE PRIMO.

Cum turba multa esset, nec haberet quod  
ederet &c. In hac turba tanquam in tabula osten  
ditur nobis, qualisnam sit sors eorum, qui Christum  
sequuntur in hoc mundo. Per multas enim tribula  
tiones ad regni cœlestis possessionem peruenire o  
portet. Hæc turba uenit in desertum, ubi non est  
panis: sed fames, periculum, mors. Eandem fortunam  
experientur omnes, qui Christum sequi uolunt:  
ideò non frustra Christus iubet, ut qui uelit suus  
discipulus esse, abneget semetipsum, tollat crucem  
suam & sequatur. Et Paulus: Omnes qui uolunt  
piè in Christo uiuere, persecutionem patientur. Ve  
rùm sit Deo gloria, sors tamen nostra melior est,  
quàm eorum qui in mundo beati uidentur. Nam si  
nis & exitus erit letus: ideò Christus ait: Beati qui  
lugent, quia consolationem accipient.

Sed quæ causa est, quod discipuli Christi in hoc  
mundo affligantur: hoc mirum non est. Quod præ  
cesit



cessit in capite, sequetur in mēbris, donec hic mundus steterit : idq; ideo quia sunt in deserto, hoc est, in mundo inter membra satanæ: quæ Christum & eius membra ferre non possunt. Id quod olim prædictum fuit : Semen serpentis mordebit calcaneum seminis mulieris: hoc est, Satan cum suo semine persequetur Christum & eius membra. Nam ubi Satan uidit crescere Christi regnum, & suū destrui, fremit & irascitur, & tanquam saucius leo insurgit aduersus oves Christi, ut eas deuoret. Hoc est quod Petrus dicit : Diabolus tanquam Leo rugiens circumit, querens quem deuoret. Leo. n. amissis catulis et præterea famelicus, in quæuis quæ ei obuiam fiunt insurgit, ut uastet, deuoret & perdat. Simile studium est Satanae, quando uidet se suos catulos amittere, id est, eos, qui prius fuerunt sub eius potestate, conuerti ad Christum, armat suos satellites aduersus Ecclesiam, ut alij eum oppugnent Hypocrisi, alij Sophistica, alij tyrannide, alij scandalis & schismatibus : quemadmodum omnibus temporibus fecerat, et hodie non cessat: & si aliud non potest, conatur eam fame necare in deserto. Verum Christus contra regnum, quod suo sibi acquisiuit sanguine, fortiter tuetur, dat Spiritum sanctum, dat panem, excitat pios doctores, qui pabulo cœlesti eam pascant, & in medijs periculis adest opitulatur, quemadmodum hoc presenti facto declarat : usque adeo furiosus Satan & rabiosi hostes Ecclesiæ non preualebunt aduersus eum. Nam ipse excubias a-

m 3 git



git super Ecclesiam, et eam strenuè tuetur. Nec est quod quisquam aliter existimet Christum hodie affectum esse erga suam Ecclesiam, quàm fuit erga hanc turbam: Tametsi si. n. non semper Ecclesiam suam uisibilibus miraculis defendit: tamen spiritualiter inuisibiliterque non minora miracula hodie edit in gubernanda Ecclesia. Non est enim personarum apud ipsum respectus, sed fidei et bonæ causæ. An non magnum miraculum est, quòd illum unicum uirum beatum Lutherum, Satan et totus mundus aduersus ipsum armati, non potuerint pilum capitis eius mouere? An non magnum miraculum est hodie, quòd Pontifex cum florentissima mundi parte non possit ECCLESIAM abolere? Conatur quidem Papa cursum Euangelij flumine sanguinis Martyrum impedire, sed quòd plures occiderit, cò plures quasi ex eorum sanguine nascuntur, sicut in Hispania et Gallia hodiè uidere st.

Muniamus ergo nos còtra furores Satanae et potissimum contra scandalum deformitatis et paupertatis Ecclesiae: nec deficiamus à Christo propter ulla terribilia Satanae: nec abijciamus confessionem, etiamsi famè nos in hoc deserto pati sit necesse, nec sinamus nos moueri eorum exemplo, qui propter persecutionem et famem discedunt à Christo, quemadmodum populus Iudaicus fecit, dum fame et persecutionibus à uicinis hostib. premeretur. Ita enim Hieremie Prophetae contumeliose restiterunt, quemadmodum legitur Hier. 44. Sermonem, quem



quem locutus es ad nos in nomine Domini, non audimus ex te: sed faciendo faciemus omne uerbum, quod egreditur de ore nostro, ut sacrificemus reginæ cœli (id est, Soli) & libemus ei libamina, sicuti fecimus nos et patres nostri in urbibus Iuda, & in plateis Ierusalem, & saturati sumus panibus, & benè erat nobis, malumq; non uidimus. Verùm ex eo tempore, quo cessauimus sacrificare reginæ cœli, et ei libare libamina, indigni sumus omnibus, et gladio & fame consumiti sumus. Sed quid respondet illis Hieremias sanctus ille Propheta? Non ita est, inquit, sed propter abominationes uestras et multa scelera uos punit Deus, & quòd nolueritis ambulare in præceptis Domini. Ad eundem modum hodiè multos inuenies, qui ob famem, caritatem annonæ et alia incommoda, uolunt deficere à Christo & eius Euangelio. Dicunt enim, quando habuimus Missas, quando Monachos aluimus, quando sanctos inuocauimus, abundauimus omnibus bonis: sed postquam hæc noua doctrina uenit, plurima cum illa mala uenerunt: non est tantus timor Dei (inquiunt) minor est inter homines caritas: maiora & frequentiora disidia: maior tyrannis: omnia cariora sunt. Ita se homines excusant, ne sequantur Christum. Sed si uis scire causas horum malorum, ego dicam. Seruus sciens uoluntatem Domini (inquit Christus) uapulabit plagis multis. Nos scimus quod rectum est, & non facimus. Ideò Deus nos punit pluribus plagis, Deinde & alie sunt cause,

m. 4. nempe



nempe tyrannis Diaboli, qui magis seuit in Eccle-  
siam Christi, quàm in alios coetus mundi, idq; Deo  
permittente, ut probentur electi, id est, ut pericu-  
lum faciat de ijs, qui uerè Christo adherent, &  
eum corde colunt & non labijs. Vos igitur adhor-  
tor propter Christum & propriam uestram salu-  
tem, ut malorum hominum blasphemis uocibus non  
permittatis uos corrumpi, ut à Christo deficiatis,  
propterea quod oporteat illum in desertum sequi.  
ubi est crux, ubi est fames, ubi sunt lupi, ubi mile  
mortis pericula: Imò potius mentes nostras in cœ-  
lum leuemus, ubi Christus sedet ad dexteram Pa-  
tris in gloria cœlesti. Neq; enim alia uia nosm cœ-  
lum perueniemus quàm ipse, qui est capit & nos  
membra. Is in hac uita famem & frigis, & alia  
dura passus est: hæc & nos patienter feramus:  
quod si fecerimus, olim cum illo glorificabimur.

## DE SECUNDO

Et ait Dominus ad discipulos: Misereor  
super turba, quia ecce iam riduo sustinent  
me, nec habent quod mandacent. Et si dimi-  
sero eos ieiunos in domum suam, deficient  
in uia. His uerbis describitur affectus Christi erga  
turbam se sequentem. Dolet corporis famem: multò  
magis putandus est dolere animæ famem: Nam ut  
anima corpore multò est nobilior: ita animæ fames  
multò est perniciosior. Quid facit ergo misericors  
Dominus? Corpus alit corporali cibo, animam spi-  
rituali: corpus pane terreno, animam pane cœlesti,  
hoc



hoc est, uerbo Dei. Hic ratio nostra, quæ uult sapere in rebus diuinis, etsi stulta est, querit. Quid? an non Christus est Deus? cur igitur non statim edito miraculo illos pauit? aut sine pane illos sustentauit? Noluit ordinem naturæ sine magna causa mutare. Ordo aut diuinitus institutus est, ut quemadmodum corpus pane: ita anima alatur & sustentetur uerbo Dei. Et hoc est quod dicitur in Mose: Non in solo pane uiuit homo, sed ex omni uerbo, quod procedit ex ore Dei. Non ergo uult, ut aliquid contra hunc diuinum ordinem expectemus: sed ut ipsius diuina misericordia nitamur, expectantes ab eo auxilium in tempore oportuno. Hunc diuinum ordinem fanatici inuertunt. Scribitur de duobus Eremitis, qui, cum incidissent in latrones, nec haberent quod ederent, grauem famem sunt perpeSSI: quorum tandem latrones miserti, panes eis præbuerunt comedendum. At illorum unus ait: non comedam nisi panis mihi diuinitus detur. Alter accepit cum gratiarum actione et comedit: et paulo post, qui expectauit de cælo panem, mortuus est fame: et alter euasit incolumis, qui non miraculum expectauit, sed tanquam ex manu Dei sumsit panem sibi à latronibus oblatum. Anabaptistæ hodiè etiam hunc ordinem inuertunt. Christus iussit prædicari Euangelium, ut illo alatur anima tanquam pane spiritali: sed Anabaptistæ, contempto uerbo, nouas reuelationes expectant sine uerbo. Vnde fit, ut in laqueos Diaboli incendant, qui se conuertit in Angelum lucis, ut eos

m 5 præci



precipitet in damnationem. Vt ergo ordinem di-  
 uinitus institutum non inuerteret, Christus differt  
 miraculum: Sed tandem uincit affectus, quem erga  
 suos habet plusquā paternum. Nam qualis sit Chri-  
 sti affectus erga suos, non solum Euangelista in hoc  
 Euangelio ostendit, cū dicit: Misericordia com-  
 moueor erga turbam: uerum etiam Propheta Iesaias  
 cap. 49. pulcherrima figura ostendit: Nunquid (in-  
 quit) obliuisci potest mater infantis sui, ut nō mi-  
 sereatur filij uteri sui? Et si illa oblita fuerit, ego  
 tamen non obliuiscar tui. Ecce in manibus meis de-  
 scripsi te. Hunc affectum Christi erga suos etiam  
 parabola de filio prodigo pingit. Quid dicam de  
 similitudinibus et parabolis? Crux Christi osten-  
 dit, qualem Christus habuerit erga suos affectum.  
 Adeo enim nos amauit adhuc hostes, quod ignomi-  
 niosissimam mortem pro nobis redimendis subiret.  
 Sed quò hæc spectant? Primum cò, ut induamus fi-  
 lialem affectum erga Deum Patrem et Dominum  
 nostrum Iesum Christum. Deinde, ut agnito eius  
 erga nos amore, nihil sit nobis in uita carius, nihil  
 dulcius, nihil preciosius, quā eius uoluntati nos  
 totos subijcere, ac ipsius uoci obtemperare: in qua  
 re consistit perfectio Christiana in hac uita. Ita le-  
 gimus patrem nostrum Abrahamum fecisse, qui  
 postquam audisset à Domino: Ambula coram me  
 et esto perfectus, accipit mandatum, ut filium  
 suum unigenitum Isaac, quem peperit ei Sara in se-  
 neclute, mactaret, Sed quid ille? Mox uoluntati Do-  
 mini



mini obediuit, & instructa lignorum strue filium  
mactare uoluit: sed Angelus Domini eum retraxit.  
Hoc facto Dominus ait ad Abraham: Iam scio quod  
times me. Videmus hic in patre nostro Abraham,  
quo fuerit erga Deum obedientie studio, qui ne fi-  
lio suo unigenito parcere uoluit: sed mactare ad  
mandatum Domini. Sed pro dolor, multos inue-  
nies, qui ne unum quidem affectum iussu Dei cle-  
mentissimi Patris iugulare uolunt, tantum abest,  
ut patris Abraham exemplum imitari cupiant. Præ-  
terea affectus Christi paternus erga nos, debet nos  
admonere similis beneuolentie & amoris erga fra-  
tres. Exemplum dedi uobis (inquit) diligite uos  
inuicem, sic uti ego uos dilexi.

## DE TERTIO.

Miraculum hoc præsens, quo Deus septem pa-  
nibus & paucis pisciculis alit quatuor millia ho-  
minum, eo spectat, ut confirmet ueritatem Euan-  
gelij Christi, & augeat fidem turbæ præsentis, de  
quo plura iam non dicam: sed uolo nonnihil de mo-  
do rectè utendi donis Dei loqui, quo nos excitemur  
ad gratitudinem erga Deum, & rectè utamur be-  
nedictione Domini.

PRIMUM ergo hoc obseruandum est, quod  
in manibus Christi orantis & gratias agentis Pa-  
tri cælesti crescat panis: unde docemur omnem  
benedictionem à Domino esse, quemadmodum Pau-  
lus 1. Timoth. 4. docet, cum ait: Omnis creatura  
Dei bona est. Hic paululum subsiste, & cogita res  
quas



quas habes, cibum & potum esse Dei creaturam,  
 non tuam creaturam: Quare furem agis, si ab iniu-  
 sto quicquid abstuleris: quod facis quoties uteris crea-  
 turis Dei sine gratiarum actione & inuocatione  
 Dei. Quicquid. n. habes tanquam tuum, alienum est  
 & illicitum, nisi illud ab eo petas. Hinc est q. Chri-  
 stus doceat suos orare: Panem nostrum quotidianum  
 da nobis hodie. Vide hic: Idem panis dicitur noster  
 & Dei. Noster est, quando labore partus est iusto:  
 Dei est, quia ipsius est creatura, qua non licet tibi  
 uti, nisi antea eam ab ipso petieris. Propterea Pau-  
 lus etiam addit: sanctificatur. n. per uerbum Dei &  
 precationem. Sanctificatur, id est, eius usus fit no-  
 bis purus & licitus, ut ipsa creatura uti possimus  
 conscientia bona. Sed quomodo sanctificatur? per  
 uerbum et precationem. Per uerbum quidem fidem  
 intellige, quam uerbum requirit. Ex uerbo enim  
 fide apprehenso duo profiteamur nos credere.  
 VNVM, creata esse omnia hominum causa à Do-  
 mino pro immensa ac infinita sua sapientia. AL-  
 TERVM, nos ex eorum esse numero, qui ius il-  
 lud iustæ in reliqua animantia dominationis in A-  
 damo deperditum, per gratiam in Christo recepe-  
 rimus, ut hanc uitam tueamur, quam ipsius ampli-  
 ficandæ gloriæ impendamus. Hanc fidei professio-  
 nem sequitur oratio, ut nobis det Dominus, ut bo-  
 na cōscientia dapibus ab ipsius manu acceptis cum  
 omni timore ac reuerentia frui possimus. Postremo  
 gratiarum actione, repetitis etiam precibus, con-

uiuere non potuerunt



uiuia nostra claudemus: ita nobis sanctificantur cibi. Verum ij, quibus non hoc pacto sanctificantur cibi, duplicem iniuriam faciunt. PRIMVM enim Deū spoliant suo honore, quem non inuocant & agnoscunt datorem omnium bonorum esse. DEINDE creatura Dei in uita abutuntur: unde Paulus dicit, creaturam uanitati subiectam esse. A qua uanitate Deus apud Oseam cap. 2. promittit se liberaturum creaturam. Etsi autem hæc, quæ iam dicta sunt, satis mouere nos possunt, ut rectè utamur creaturis Dei exemplo Christi, tamen ut magis nostra socordia uincatur, rationes quasdam recitabo, quæ nos commouebunt.

PRIMA: ipse Christus qui omnia condidit, petijt & egit gratias, quoties donis Dei fuit illi utendum: multò magis id nos decet facere, qui prorsus mendici sumus in conspectu Domini.

SECUNDA: pulli coruorum suo more inuocant, & Dominus eos pascit. Vnde Dauid dicit, Dominum dare escam pullis coruorum inuocantibus eum. Coruus enim pullos suos implumes non agnoscit pro suis, quare eos deserit: sed Dominus, ne pereant, uermiculis illos alit, donec nigrescant: tum enim mater redit & agnitos alit.

TERTIA: Turcæ bis in die conueniunt ante prandium & cœnam, petaturi benedictionem Domini, & nos Christiani negligimus.

QUARTA: Ethnici semper sua prandia inceperunt à sacrificijs et inuocatione, tametsi rectè inuocare non potuerunt.

Quin-



558 DOMIN. VIII. POST.

QVINTA: Ecclesia inde usq; ab initio mundi usura donis Dei inceptit à benedictione. Nihil enim inuocatione fuit illi frequentius. Nam precibus nostris Deum inuitamus ad nostra prandia, cui sit honor & gloria in secula seculorum, Amen.

DOMINICA OCTA-  
VA TRINITATIS, Matth. 7.



**C**Auete uobis à Pseudoprophetis. qui ueniunt ad uos in uestitu ouium, sed intrinsecus sunt lupi rapaces. A fructibus ipsorum agnoscetis eos. Nunquid colligunt de spinis uuam, aut de tribulis ficus? Sic omnis arbor



arbor bona fructus bonos facit: putris autem arbor fructus malos facit. Non potest arbor bona fructus malos facere, neque arbor putris fructus bonos facere. Omnis arbor quæ non facit fructum bonum, exciditur, & in ignem conijcitur. Igitur ex fructibus ipsorum agnoscetis eos. Non quisquis dicit mihi, Domine, Domine, introibit in regnum coelorum, sed qui fecerit uoluntatem Patris mei, qui in coelis est.

## ENARRATIO TEXTVS.

**O**casio huius Euangelij duplex fuit. Vna erat doctrina Christi, quam in 5. 6. 7. capite proposuit Dominus. Altera, falsorum doctorum apud Iudeos uanitas: qui partim deprauabant doctrinam Moysi & Prophetarum, partim abolebant. Mandat ergo omnibus Dominus, ut & discant, quæ recta sunt, & caueant à corruptelis falsorum doctorum. Proinde hinc Dominus Medicus animarum, imitatur fideles corporum Medicos. Nam ut illi postquam ueram medicinam tradiderunt, quæ noxia sunt cauenda docent: ita filius Dei Saluator ac Medicus noster, primo quidem loco prescribit animæ salutarem medicinam: postea uero, quæ cauenda sunt, monet. Summa autem huius Euangelij hæc est, quod ut fugiendi sint falsi Prophetæ, qui ex fructibus suis agnosci possunt: ita uera pietas non sita sit in uana religionis professione: sed in uera pœnitentia & conuersione.

Loci



- I. Mandatum uitandi falsas Prophetas.
- II. Falsorum Prophetarum descriptio.
- III. Præmonitio Christi: Non omnis qui dicit mihi, Domine, Domine, intrabit in regnum cœlorum, sed qui facit uoluntatem &c.

## DE PRIMO.

Cauete à falsis Prophetis &c. Hoc mandatum Christi uniuersale est, quod ad omnes homines pertinet: quare diligenter perpendendum est & obseruandum. Verum in hoc mandato tria sunt spectanda: Necessitas: obligatio: & usus, de quibus ordinè dicam.

Necessitas sanè maior est, quàm uulgus intelligit. Nam Diabolus hostis Christi & humani generis inimicus, nihil non facit, ut uel regnum Christi prorsus aboleat, uel deformat scandalis. Ad quod utitur uarijs technis suo more. Aut. n. doctrinam sanam prorsus tollere conatur, quemadmodum in Turcia fecerat: aut eam corruptelis suis deprauare nititur, quemadmodum in Paradiso fecit, et postea omnibus temporibus: aut Sacramenta mutilat & peruertit, sicuti in Papatu et in multis locis fecerat: aut mores et uitam hominum, suo ueneno inficit. Scripturam igitur & sanam doctrinam inuadit, ut unum ad minimum ex his quatuor obtineat. 1. Vt persuadeat nobis, quòd non simus curæ Deo. 2. Vt tentemus aliquid contra nostram uocationem



tionem facere. 3. Vt instituamus cultū contra mandatum Dei. 4. Vt omni turpitudine & iniusticia inuoluamur. Quoduis horum effecerit hostis iste, homines captiuos tenet. Nam qui Dei providentiā negat, Epicurus damnatus est: qui uocationem suam fraudulenter obit, infideli deterior est: qui cultum instituit contra Dei interdictum, Deum contemnit, & est Diaboli potius, quā Dei seruus: qui uitam turpem uiuit, seruus est peccati, & stipendiarius mortis & Satanae. Sed quid remedij est contra haec mala? Doctrinae puritas, & abstinere a falsis Prophetis. Doctrinae enim puritas nos Deo esse curae docet, adeo quod Dominus in numero habeat omnes pilos capitis nostri: eadem nos retinet in uocatione nostra: & formam ueram colendi Deum tradit: Præterea ueræ sanctimoniae ac uitæ inculpate transigendae regulam continet.

SECVNDVM, quod spectandum admonui in hoc primo loco, est obligatio. Queri autē potest, an haec obligatio sit omnium, aut tantum gubernatorum Ecclesiae. Multi enim putant se excusari, si eis obtemperant, qui habent ordinariam uocationem: quibus Propheta Ezechiel cap. 3. imò spiritus Christi, qui in Ieremia loquitur, respondet his uerbis: Speculatorem dedi te domui Israël, & audies ex ore meo uerbum, & annunciaris eis ex me. Si ego dixero ad impium, morte morieris, & non annunciaris ei, nec locutus fueris, ut auertatur a uia sua impia et uiuat: ipse impius in iniquitate sua morietur.

n tur:



tur: sanguinem autem eius de manu tua requiram. Si autem tu annunciaueris impio, & ille non fuerit conuersus ab iniquitate sua & uia sua impia: ipse quidem in iniquitate sua morietur: tu autem animam tuam liberaſti. Hoc Prophetæ dictum ſatis ostendit errare eos, qui putant ſatis eſſe, ſi ſuis parochis obtemperauerint, ſiue bene ſiue malè doceant. Si ſic eſſet, Turcæ & Ethnici eſſent ſaluandi, quorum multi ſuis obtemperârunt Doctöribus. Sciendum eſt igitur, obligari omnes, ut falſos Prophetas fugiant, tanquam ſuæ ſalutis peſtes. Nam mandatum Chriſti eſt manifeſtum, quòd hic datur omnibus: loquitur enim turbis. Et Iohan. I. Episto-  
la. 4. ait: Ne cuius ſpiritui credatis: ſed probate ſpiritus, an ex Deo ſint, quoniam multi Pſeudoprophetæ exierunt in mundum. Et Chriſtus dicit: O-  
ues meæ uocem meam audiunt. Sed quid hic facit tyrannus Papa. Dicit ad ſe & ſuos rafos pertinere dijudicationem doctrine. Quid, quaſo, impuden-  
tius cogitari aut dici poteſt? an non hoc eſt ſponſe Chriſti imperare, & dominium ſibi uſurpare in ſortem Domini contra prohibitionem Petri Apoſtoli, cuius ſucceſſorem ſe eſſe gloriatur? Iohan-  
nes Baptiſta dicit ſe miniſtrum ſponſe eſſe: ſed Papa uult ſponſe dominari. Chriſtus cepit ſibi ſponſam ſeruari caſtam: ſed Papa eam neſando adulte-  
rio contaminat: proponit ei doctrinas demonio-  
rum, quibus adulterari diſcit. Paulus dicit: De ſponſaui uos uni uiro, ut uos uirginem caſtam exhibe-

am



am Christo. Hæc desponsatio fit per fidem purissimi & castissimi uerbi Dei: Sed Papa, qui se Petri successorem gloriatur, hanc uirginem mille adulterijs conspurcat: quando eam abducit ab amplexu Christi sponsi ad idolatrias uarias & cultum sanctorum.

TERTIVM, quod spectandum proposui in hoc primo loco, est usus huius prohibitionis: **Cauete à falsis Prophetis:** qui usus sanè est multiplex.

PRIMUM. n. hæc prohibitio monet fore in Ecclesia falsos doctores: quod Dominus etiam significauit parabola de homine mittente bonum semen in agrum, et inimico, qui uenit et in eundem seminauit zizania. Tanta enim est rabies Diaboli, ut nunquam quiescat, quin uerbum Dei corrumpere conetur: quòd facere cœpit statim conditis primis parentibus in Paradiso: et hodiè (proh dolor) in toto terrarum orbe grassatur. Hoc cum scimus, diligentiores nos esse & cautiores oportet.

SECUNDO, hæc prohibitio: **Cauete à falsis Prophetis:** excitare nos debet ad acrius ueræ doctrinæ studium: unde Paulus optat, ut Philipenses crescant in omni cognitione. Et Christus dicit: Scrutamini scripturas, et discite à me. Si uos manseritis in sermone meo, uerè discipuli mei estis, & cognoscetis ueritatem, & ueritas liberabit uos.

TERTIO, hæc prohibitio conuincit, quòd Ecclesia & possit deponere falsos doctores, & in

n 2 eorum



eorum locum substituere ueros doctores. Frustra enim iuberemur à falsis Prophetis abstinere, nisi eos deponere liceret ab officio et docendi munere, & ueros ministros in eorum locum substituere. Laudandi igitur sunt pij Reges & Principes, qui de reformatione Ecclesiarum & conseruatione ministerij uerbi sunt solliciti.

QUARTO ostendunt et hæc prohibitio, quomodo sint accipienda uerba eorum qui docent. Si uera docent, audiendi sunt, nõ secus atq; Deus ipse. Ita. n. ait Dominus: Qui uos audit me audit, qui uos spernit me spernit. Si falsa docent, sunt non secus atq; Satan ipse fugiendi. Nam ut Satan Euam seduxit mala doctrina: ita qui falsa docent, homines à gratia Dei, imò à regno cœlesti deturbant, quemadmodum in Papatu factum esse nemo non nouit.

## DE SECVNDO.

Qui ueniunt ad uos in uestitu ouium, sed intus sunt lupi rapaces. In huius loci declaratione quinque ordinè uidebimus. 1. Vnde ueniant falsi Prophetæ & quò. 2. Quæ sint illorum in scriptura appellationes: unde periculi magnitudo intelligi potest. 3. Quæ sit externa species falsorum doctorum. 4. Quodnam sit illorum studium, quæ intentio. 5. Quas habeant notas, unde à ueris Prophetis discerni queant.

Si queris unde ueniunt et quò: breuiter respondeo: ueniunt à Satana excitati, idq; in uineam Domini, hoc est, in Ecclesiam. Exempla sunt multa. In parua



paruam illam Ecclesiam Adam, Eue, Abelis, uenit falsus doctor Cain, qui armatus à Satana, proprium fratrem tandem propter diuersam religionem occidit. Deinde multi sunt secuti falsi Prophetæ usq; ad diluuium, quo & ipsi falsi doctores, & ipsorum discipuli sunt puniti. Mox à diluuiio rursus Satan misit falsos Doctores in Ecclesiam, qui adeo uineam Domini uastarunt, quòd ueritas Dei solum modo manserit apud paucos quosdam de familia Sem. Sic et postea usq; ad Christum semper in Ecclesiam falsi doctores subintrârunt, et sæpius pe- nes ipsos fuit summa rerum administratio, cum politica tum Ecclesiastica. Resuscitato Christo, multi uenerunt falsi Prophetæ, & omnibus temporibus fuerunt plurimi. Papa tandem uerus Antichristus innumeros emisit hereticos. Monachos potissimum, qui miserrime Ecclesiam Christi falsa doctri- na lacerârunt. Et hodiè passim sunt falsi doctores. Breuiter, ubicunq; Christus suum bonum semen iacit in agrum, ibi Satan mox addit suum semen zizaniorum. Christus igitur non frustra hortatur, ut caueamus à falsis Prophetis.

Scimus unde ueniant falsi doctores & quòd ue- niant: iam ut periculi magnitudo perpendatur, quedam ex ipsorum nominibus recitabo. 1. uocan- tur generali nomine falsi Prophetæ, id est, tales qui uidentur esse ueri doctores, habentes ordinariam successionem & potestatem, & sunt nihilominus mendaces, ut qui in locum ueræ doctrinæ, Satanica



566 DOMINICA VIII. POST  
mendacia & humana somnia substituunt, quales in  
Papatu fuerunt multi. 2. A Iohāne Apostolo uocan-  
tur spiritus mali, tūm q̄ à Satana, qui malus est, sint  
missi, tūm quòd sint alijs occasio mali et damnatio-  
nis. 3. A Iuda Apostolo uocantur nubes sine aqua,  
similes Cain, Balaam & Chora. Vñ h̄ ipsis, inquit,  
nam uiam Cain ingressi sunt, & deceptione mer-  
cedis, qua deceptus fuit Balaam, effusi sunt, & con-  
tradictione Chora perierunt. 4. Vocantur à Paulo  
canes, cūm quia lacerant uerbum Dei, tūm quia  
oues ab ipso ouili Christi arcent. 5. Vocantur mali  
operarij, quia malè laborant, & finis laboris eorū  
est, cūm ipsorum exitium, tūm eorum damnatio,  
qui eis auscultant. 6. Vocantur ab Apostolo Iohan-  
ne Antichristi, nō quòd negant Christum, sed quia  
doctrinam Christi peruertunt, & uita sua Christo  
aduersantur. 7. A Paulo uocantur inimici crucis  
Christi, quia non tribuunt salutis principium, me-  
dium & finem unius Christi merito. In hoc Euan-  
gelio dicuntur lupi, sed habentes laruam ouinam,  
hoc est, simulantes se homines mansuetos esse: sed  
fraudibus tamen occultè in ouile Christi instar lu-  
pi insilientes, lacerantes & occidentes oues Chri-  
sti falsa doctrina, & simulata sanctimonia.

Sed quæ est externa species falsorum doctorū,  
Veniunt, inquit Christus, in uestitu ouium. Lo-  
quitur h̄c Dominus non in genere de omnibus ma-  
lis doctoribus: sed tantūm de uno genere. Nam qui-  
dam sunt, qui benè docent & malè uiuunt: quidam  
qui



qui malè docent, & malè uiuunt: quidam qui malè docent, & benè uidentur uiuere. De hoc tertio Prophetarum genere hîc Dominus loquitur. Nam ex his maximum est periculum.

Quodnam est eorum studium? Hoc docet Christus pulcra imagine, cùm eos dicit lupos esse. Vt lupus hoc studet, ut oues ab ouili auertat. Deinde ut abigat in siluam. Tertio, ut deuoret & perdat: ita falsi Prophetæ oues, id est, pios & mansuetos homines, fraudibus conantur abducere à uera Ecclesia, & abigere in desertum, ubi non est pabulum uerbi Dei, ut eis dominantur, & ad postremum trucident non tam corpora, quàm animas. Quàm hoc uerum sit, docet Turcia à suo malo Propheta decepta: docet Papatus ab Antichristo Romano in errorem præcipitatus: docent multæ nationes, quæ à Libertinis & Anabaptistis in horribiles furores sunt abductæ.

Sed dicis: Quomodo possum ergo rudis imperitus in hac opinionum uarietate iudicare, qui sint ueri et qui falsi doctores? Vt possimus iudicare & discernere inter pastorem & lupum, Christus nobis lupi notas monstrat, et suis proprijs notis falsos doctores delineat. Veniunt, inquit, ad uos in uestitu ouium. Videntur, si laruam externam respicis, sanctissimi, imò Angeli Dei: Verum si laruam detrahis, lupos agnosces, primum quia non sonant uocem Christi, imò alieno sono abducunt oues Christi à suo uero ouili in desertum, ut hominum con-



scientias occidant, et animas eorum perdant. Atque hæc est una nota. Addit præterea et aliam, cum ait: à fructibus eorum cognoscetis eos. Hic diligenter cauendum est, ne folia pro fructu agnoscas. Mala interdum arbor habet speciosa folia: & rursus bona nonnunquam fructum quidem copiosum habet, sed folia non ita speciosa. Sed quinam sunt ueri prophetarum fructus? Sunt triplices: Cultus, doctrina, mores conformes doctrinæ. Verus Propheta cultum, doctrinam, & mores habet iuxta præscriptum uerbi Dei. Falsus Propheta habet cultum ab hominibus excogitatum doctrinam humanarum traditionum & mores externæ quidem honestos: sed meram hypocrisin redolentes.

## DE TERTIO.

Non omnis qui dicit mihi, Domine, Domine, intrabit in regnum cœlorum: sed qui facit uoluntatem Patris mei qui in cœlis est, ipse intrabit in regnum cœlorum. Hoc Domini dictum duplicem doctrinam continet: unam de damnandis, alteram de saluandis. Loquitur autem de ijs, qui in externa Ecclesiæ societate sunt: nam de alijs non dubium est, quin damnentur. Sed quinam damnantur? qui gloriantur de Christo, & non faciunt uoluntatem Patris cœlestis. Quinam sunt illi? qui iactant fidem quam non habent, id est, profitentur fidem sine pœnitentia & pia uita: hos damnari pronunciat Christus: neque id mirum est. Nam huiusmodi horribiliter peccant. Primum peccat



peccant mendacio, quia Deo mentiuntur. 2. Contumelia, quia abutuntur sanguine Christi, effuso pro nobis, non ut indulgeamus omnibus furoribus libidinum & tyrannidis: sed ut deleatur peccatum & Deo sanctificemur. 3. peccant furto, quia spoli-  
ant Deum suo honore. 4. homicidio, quia primum seipsos falsa persuasione deinde & proximum occidunt malo exemplo. 5. Prophanant templum Spiritus sancti. Quinam saluantur? Qui faciunt uoluntatem Patris cœlestis. Verum hic multi impingunt. 1. Qui gentes saluari dicunt, qui honestè in mundo uiuunt: quos confutat hoc dictum: Qui non credit, ira Dei manet super eum. 2. Qui dicunt suam regulam esse uoluntatem Dei, contra quos Christus dicit: Frustra me colunt docentes mandata hominum. 3. Qui dicunt legem esse uoluntatem Dei: quod quidem uerum est: sed si qui hanc uoluntatem facerent, saluarentur, tum nemo saluaretur. Quæ est ergo uoluntas, quam facientes saluantur? Christus respondet Iohan. 6. Hæc est uoluntas Patris, ut credant in eum quem misit ille. Sic enim dicit Dominus: Qui credit in Filium, habet uitam æternam. Hæc fides habet secum pietatem & caritatem germanos suos fructus, quos edunt pii per Iesum Christum, cui gloria in secula seculorum, Amen.

## DOMINICA NONA

TRINITATIS, Luc. 16.

n 5

Iesus



**I**esus dicebat ad discipulos suos: Homo quidam erat diues, qui habebat dispensatorem, & hic delatus est apud illum, ut qui dissiparet bona ipsius. Et uocauit illum, & ait illi: Quid hoc audio de te? Redde rationem dispensationis tuæ. Non enim poteris posthac dispensare. Ait autem dispensator intra se: Quid faciam, quia Dominus meus auferet à me dispensationem? Fodere non ualeo, mendicare erubesco. Scio quid faciam, ut cum amotus fuero à dispensatione, recipiant me in domos suas. Conuocatis itaque singulis debitoribus Domini sui, dicebat primo: Quantum debes Domino meo? At ille dixit: Centum batos olei. Dixitque illi: Accipe cautionem tuam, & sede citò, & scribe quinquaginta. Deinde alteri dixit: Tu uerò quantum debes? Qui ait: Centum coros tritici. Ait illi: Accipe cautionem tuam, & scribe octoginta. Et laudauit Dominus dispensatorem iniquum, quod prudenter fecisset. Quia filij huius seculi prudentiores sunt filijs lucis in natione sua. Et ego uobis dico, Facite uobis amicos ex mammona iniusto, ut cum defeceritis, recipiant uos in æterna tabernacula.

## ENARRATIO TEXTVS.

**H**ortatur Christus in hoc Euangelio suos discipulos ad beneficentiam erga proximum, idq;



idq; parabolico exemplo: cuius summa hæc est. Oeconomus alicuius hominis prædiuitis est sollicitus, qd sibi amoto ab officio fiat: multo magis Christiani, qui sunt Oeconomi Dei in uarijs donis, debent esse solliciti quid sibi eueniat, reddida ratione, id est, ubi ex hac uita excefferint. Verum ut Oeconomus querit amicos in mammona iniquitatis, qui se amotum ab officio recipiant: Ita Christiani suis bonis & donis obstringant sibi pauperes, qui suo testimonio in æterna tabernacula se recipiant. Hæc Euangelij præsentis est summa: uerum ut nobis in instructionem uberiores cedat, quatuor tractabo locos. Loci quatuor.

- I. Reprehensio abusus donorum Dei.
- II. Beneficentiæ erga pauperes causæ.
- III. Querela, quod filij huius seculi sint prudentiores filiis lucis.
- IIII. Vsus diuitiarum, & merita bonorum operum.

## DE PRIMO.

Cum textus hic proponit nobis dispensatorem, qui dissipauit bona Domini sui, in uniuersum reprehenditur abusus donorum Dei. Nam quis est, qui donis sibi à Deo collatis non magna ex parte abutitur? Hoc quale sit, aliquot exemplis declarabimus. Sapientia data est alicui, ut alios imperitos & rudes iuuat ac regat consilijs: sed nunc dolo et imposturis seruit. Diuitiæ conferantur ad Ecclesiæ membra fouenda: at nunc inutilibus pompis & sumti-



sumtibus impenduntur. Lingua concessa est homini, ut ea utatur ad docendum quæ honesta & pia sunt, & ad ferendum ueritati testimonium: sed nunc quid fit? maledictis, conuicijs, periurijs, obtreptionibus et blasphemijs ancillatur. Vires colate sunt ad iusticias & rerum bonarum defensionem: ac nunc tyrannorum præsidia sunt, quibus utuntur ad euertendam ueritatem, ad euertendas honestas respublicas. Ad eundem modum, alia dona Dei sunt in magno abusu, qui abusus sanè non aliundè proficiscitur, quàm ex his fontibus.

PRIMUM, peccatum quod in nobis habitat huiusmodi germina producit & quò minus fuerit spiritus imperio subactum, eò plura mala progignit. Est. n. omnium malorum camarina profundissima, quæ in totum in hac uita expurgari nequit.

DEINDE, ipse Diabolus aduersarius noster sitiens damnationem nostram insidiatur hominibus, & querit mille perdendi uias, ut regno Christi, in hoc mundo abolito, uel in angustissimum reducto, suum regnum stabiliat.

TVM, pessima mundi exempla, quibus incitmur ad imitationem. Mala enim cōsuetudo, ut quidam ait, pabulum est nequiciæ. Et Paulus ait: Exiguum fermentum corrumpit totam massam.

AD HÆC, hoc malum etiam auget gubernatorum negligentia, qui homines non cogunt disciplina seueriori ad rectè faciendum officium. Verum nos, qui Christiani dici gloriamur, deberemus retine-



retineri in officio, harum rerum cogitatione.

PRIMUM mandatum Dei perpetuò nobis in animo fixum : commonefaceret nos de officio. DEINDE, honestas ipsa & uirtutis decus nos extimularet, ne turpiter donis Dei abuteremur. TERTIO loco rei dignitas stimulos adderet. Quid. n. dignius filiis Dei est, quàm ut se conforment ad exemplum clementissimi patris. QVARTO loco uocatio nostra. Sumus enim uocati ad sanctitatem, ut et nos sancti simus, & sanctus sit rerum, quas Dominus nobis concessit, usus: hæc cogitare seriò debemus.

## DE SECUNDO.

Cùm totum hoc Euangelium proponatur, ut nos ad beneficentiam erga proximos nostros excitemur : dicam de beneficentia hæc ordinè. Primum causas recitabo, quibus ad beneficentiam nos excitari oporteat. Deinde de fructibus. Tum de beneficentiae modo iuxta certas regulas.

Deus in lege magnam rationem uidetur proponere, cùm dicit : Diligas proximum tuum ut te ipsum. Quasi dicat: hæc una ratio est cùr nos mutuo diligamus, q̃ homo homini sit proximus. Cuius dilectionis pulcerrimum exemplum proponitur in Samaritano, qui hominem, qui inciderat in latrones adeò sollicitè & diligenter curauit. Beneficentia igitur præstanda est homini ab homine, quia homo homini proximus est: idq̃ multis rationibus & ratione creationis : idem enim Deus creauit nos homi-



homines. Nūc uidemus quanta sit in multis animarum  
 tibus pietas, quæ se mutuis officijs iuuant & alunt,  
 ut in ciconijs uidere est. 2. homo homini est proximus  
 ratione similitudinis: nam omnes homines ad  
 Dei similitudinem conditi sunt, et habent omnes e-  
 andem humanam naturam. 3. homo homini proximus  
 est ratione communis uitæ & humanæ socie-  
 tatis. Atq; hæc triplex societatis ratio est nobis cō-  
 munis, non solum cum omnib. Christianis: uerum  
 etiam cum omnibus in mundo hominibus, Ethnicis  
 et Iudeis. Verum Christianus Christiano proximus  
 est, primum ratione mystici corporis. Nam omnes  
 qui in Christum credimus, Christum induimus, &  
 eius membra sumus, et ipse caput nostrum, et uiui-  
 mus ex eodem spiritu Christi. Hæc sanè societatis  
 ratio, meritò nos ad mutua officia præstanda exci-  
 taret, si seriò de hac societate & mystica coniun-  
 ctione nostri in uno corpore cogitaremus, tum pro-  
 fectò, quemadmodum manus famulatur reliquis  
 membris, & sic alia alijs: ita & nos propter hanc  
 mysticam copulam, in uno corpore nos mutuis of-  
 ficijs prosequeremur. 2. Christianus Christiano est  
 proximus ratione regenerationis, quia in filios Dei  
 patris renascimur. Cum igitur fratres uterini in  
 hac uita sibi inuicem officia communicant, multò  
 magis id nos decet, qui Deum communem Patrem  
 interpellamus, et dicimus: Pater noster qui es in  
 cælis. 3. Christianus Christiano est proximus ra-  
 tione uocationis: Nam ad unitatem spiritus in uin-  
 culo



culo pacis uocati sumus Ephes. 4. 4. Christianus est Christiano proximus ratione future gloriæ: nam omnes ex fide eandem immortalitatis gloriæ expectamus, ubi socij erimus in omni æternitate, Deum unanimiter celebrantes.

Hæc sint dicta de causis beneficentiæ mutue inter homines: sed fines qui sunt? quatuor sunt præcipui. 1. gloria Dei. Hic finis meritò filios Dei mouet ad beneficentiam. 2. subleuatio indigentis proximi, qui est caro nostra. 3. Exemplum, quo alij ædificantur et inuitentur ad similem beneficentiam. 4. premium: nam Christus ait: qui dederit uni ex meis discipulis meo nomine haustum frigide aquæ, non perdet mercedem suam.

Verùm quia de beneficentiæ modo quæri potest de eo etiam nonnihil adijciam. Salomon Prouerb. 5. Bibe aquam de cisterna tua, & fluentia de medio putei tui, fontes tui deriuentur foras: sint tibi soli & non alienis tecum. Hic tria coniungit, Primum ut ipse tuis bonis fruaris. Secundum, ut communices alij. Tertium, ut sis ipse Dominus tuarum facultatum: non uno die omnia profundas. Breuiter, uerbum Dei, fides & caritas, ubi sunt regule certissimæ esse possunt. Sed de hac re plura ubi de usibus diuitiarum agetur.

## DE TERTIO LOCO.

Filij huius seculi prudentiores sunt filijs lucis in generatione tua. Hæc est querela grauissima, quòd filij huius seculi sint prudentiores filijs



lis lucis in generatione sua. Hoc est, homines prophani magis sunt solliciti pro acquirendis temporalibus, quæ tantum spectant ad præsentem uitam, idq; ad breue admodum tempus, quam Christiani sunt solliciti pro bonis cœlestib. acquirendis æternum duraturis. Hæc deploranda sanè cœcitas est. Corpus curatur, anima negligitur. Quam uerum hoc Christi dictum sit quis non uidet? Da mihi rusticum, qui non magis est sollicitus pro acquirenda possessione & alenda familia, quam Christianus aliquis est pro acquirendis thesauris cœlestibus. Mercator nauigat mare, experitur multa pericula sæpè damnum magnum facit, patitur frigus & æstus, idq; non una hora, non uno die, non uno anno, sed toto uitæ tempore, tantum ut terrenas contradat possessiones: at Christianus uix patitur unius horæ moram, ut uerbum Dei audiat, ut Sacramentorum distributione intersit. Multas horas consumunt in nugamentis & fabulis: uix una hora, imò uix minima horæ particula uacat Deum inuocare, & cum Iesu Christo in orationib. nostris colloqui. Sed quæ sunt huius cœcitatis causæ? duæ sunt præcipuæ. Vna quæ & aliorum malorum causa est, uidelicet corruptio humanæ naturæ, quæ facit ut homo sit pronior ad malum, quam ad bonum. Altera causa huius cœcitatis est, quia bona terrena sunt sensibilia, et ideo fortius mouent animum, quia bonum non mouet nisi cognitum: unde Augustinus: Inuisa, id est, non uisa diligere possumus, incognita nequa-



nequaquam. Sensibilia autem sunt magis cognita, quam spiritualia, quia sensibilia sunt cognita per experientiam, spiritualia tantum per fidem. Quid ergo faciendum est? conabimur abundare in cognitione rerum coelestium, quod etiam abundemus in eorum sensu. Quare Paulus optat Philippensibus, ut abundant in cognitione & sensu, ad hoc, ut sint sinceri & absq; offendiculo ad diem usq; Christi.

## DE QVARTO.

Facite vobis amicos de mammona iniquitatis, ut cum defeceritis, recipiant vos in aeterna tabernacula. Mammona iniquitatis dicitur, uel quia diuitiae sunt irritamenta malorum, uel quia sunt falsae & mendaces opes. Nam dici non possunt mammona iniquitatis, quia iniuste sunt partae: nam Eleemosyna ex iniuste partis, Deo non placet. Porro duo sunt nobis hoc loco excutienda. Vnum, doctrina de diuitijs: Alterum, quid sit quod dicat: Cum defeceritis recipient vos in aeterna tabernacula.

Tametsi autem ante octo septimanas cum Euangelium de Epulone & Lazaro explicarem, dixi nonnihil de diuitijs: tamen nunc breuiter integram doctrinam de diuitijs repetam. Nihil enim prohibet bonam cantilenam canere saepius. Dicam autem de diuitijs tria.

PRIMUM, quanam rationes acquirendarum diuitiarum licitae sint.

SECUNDUM, qualiter nos Deus erga diuitias uelit esse affectos.

Ter-



TERTIVM, quis diuitiarum rectus & legitimus usus.

Quantum itaq; ad legitimas rationes acquirendi diuitias attinet, omnium primum incoandum est à regula, Christi Matth. 7. Querite primum regnum Dei & iusticiam eius. Prima igitur & præcipua cura esse debet animæ, ut illa sit in Deo disposita. Deinde, quia hæc uita opus habet adminiculis, iuxta Dei ordinationem queri possunt facultates, licetq; ijs, quæ ad uitam cultumq; necessaria sunt, querendis operam dare, idq; non solum sanctorum exemplis: uerum etiam mandato Dei confirmatur. Deus enim benedictionem promittit pie laborantibus. Tertiò, lucrum, quod nobis laborantibus accedit ex benedictione Dei, capiendum est, tanquam ex manu Dei: neq; malis artibus uti debemus, quibus facultates aliorum ad nos trahamus: fructum præterea laboris nostri tanquam iustam mercedem percipere licet. In contractibus absint fraudes & fallaciæ: apertè & simpliciter agamus omnia ea fidelitate, quam ipsi ab alijs uellemus requirere: sit labor legitimus in legitima uocatione, ut bona conscientia gloriari possimus, nos in ullius fraudem nihil egisse.

Hactenus de recta ratione acquirendi diuitias: nunc quomodo affectos nos esse decet erga partas diuitias breuiter exponam. Singularis enim ars adhibenda est, ne diuitie parte nobis in spinas & laqueos conuertantur. Quod ne fiat, Dauidis et Pauli se-



li sequamur consilia, quorum ille quidem Psalmo 6.  
ait: Si affluant diuitiæ, noli cor apponere. Hic ue-  
rò 1. Tim. 6. Diuitibus in seculo præcipito, ne effe-  
rantur, ne'ue sperent in diuitiarum incertitudine:  
sed in Deo uiuo. Est itaq; præcipuum, ne diuitia-  
rum huius seculi cupiditate ducamur: ne ijs ani-  
mum aut fiduciam adiiciamus: eas à nobis abdicare  
simus parati, quoties & quando Deo libuerit: siue  
habeamus eas, siue ijs careamus, tanquam res cadu-  
cas & fragiles reputemus: et solam benedictionem  
Dei omnibus rebus mundi anteferamus, absit fallax  
speres in incertas diuitias, absit superbia & contem-  
tus pauperum, adsit spes in diuitiarum largitore,  
adsit pius humilisq; animus.

Atq; ita habemus quomodo erga diuitias nos  
affectos esse oportet: Nunc pauca de uero diuitia-  
rum usu adiiciam. Dixi cum Euangelium de Epu-  
lone tractarem, quadruplicem esse legitimum di-  
uitiarum usum: quorum Primus est, ut seruiant  
gloriæ Dei, promouendæ religioni & conseruan-  
do ministerio uerbi. Si enim nati sumus, ut Deum  
glorificemus, profectò huic rei, quicquid habemus,  
seruire debet. Secundus usus est, ut eas, in qui-  
bus uiuimus, respublicas inuenimus & ornemus no-  
stris facultatibus. Qua de causa tributa hilari  
animo soluenda sunt. Tertius usus est, ut ipsi nos,  
pro conditione nostri status, honeste alamus: no-  
stram familiam foueamus: ut domus nostra pro fa-  
cultatum ratione honestè conseruetur, sine fœda



auaricia et stulta profusione. Quartus & postre-  
mus usus est, ut fontes nostri, iuxta Salomonis con-  
siliū, deriuentur foras: hoc est, ut liberales simus  
erga pauperes: diuites in bonis operibus: quod multi  
nostris bonis gaudere possint, nobiscum Deo Patri  
domini nostri Iesu Christi gratias agentes, qui abū-  
dē suppeditat omnia. Contra hunc quadruplicem  
usum diuitiarum, multi peccant, quemadmodum  
audiuimus in Euangelio de Epulone diuite et pau-  
pere Lazaro.

Dixi de diuitijs: Nunc restat explicare, quid si-  
bi uelit dictum: Vt cū defeceritis, recipiant  
uos in æterna tabernacula. Non'ne solus Chri-  
stus recipit credētes in cœlestia tabernacula? quo-  
modo ergo hīc dicitur, quod pauperes, quos fece-  
rimus nobis amicos de mammona iniquitatis, sint  
nos recepturi in æterna tabernacula? Primum, ma-  
nifestum est, Christum hoc loco dirigere sermo-  
nem ad credentes. Nam in principio textus scribi-  
tur: Et dixit Iesus discipulis suis, id est, iustifi-  
catis et habentibus uitam æternam in Christo. De-  
inde, manifestum & hoc est, quod uita æterna sit  
donum Dei per Christum Iesum: sequitur ergo al-  
lium modum esse, quo pauperes eos, qui in se libe-  
rales fuerunt, recipiant in uitam æternam, quā  
quo Christus recipit. Quomodo ergo recipient in  
æterna tabernacula? ut testes et approbatores fidei  
nostræ: nam ex fructibus de fide iudicant, qua sola  
sciunt homines saluari. Eadem sententia alijs uer-  
bis



bis sæpè in scriptura proponitur. Deus reddet unicuique iuxta opera sua, non quòd opera mercantur cælum: sed quia sunt indicia fidei & timoris Dei: sicut contra, mala opera ex incredulitate proficiuntur. Simus ergo memores huius dicti, & eo nos excitemus ad beneficentiam erga proximum, imitantes exemplum Christi saluatoris nostri: cui honor & gloria in secula seculorum, Amen.

## DOMINICA DECIMA

TRINITATIS, LUC. 19.

ET ut appropinquasset Iesus ciuitati, uidens eam, fleuit super illam, dicens: Si cognouisses & tu, & quidem in isto die tuo, quæ ad pacem tuam pertinent, curares. Nunc autem abscondita sunt ab oculis tuis. Quia uenient dies in te, & circumdabunt te inimici tui uallo, & cingent te & coangustabunt te undique, & solo æquabunt te, & filios tuos qui in te sunt. Et non relinquent in te lapidem super lapidem, eò quòd non cognoueris tempus uisitationis tuæ. Et ingressus in Templum, coepit eijcere uendentes in illo, & ementes, dicens illis: Scriptum est, Domus mea domus precationis est, uos autem fecistis illam speluncam latronum. Et docebat quotidie in Templo. Principes autem Sacerdotum & scribæ quærebant illum perdere &

o 3 pri-



primores plebis, nec inueniebant quid facerent. Totus enim populus pendebat ab ore eius, cum audirent illum.

## ENARRATIO TEXTVS.

**D**uae sunt partes huius Euāgelij, quarum una docet, quid egerit Christus extra ciuitatem Hierusalem: Altera, quid postquam in ciuitatem est uentum, in Templo egerit. Extra ciuitatem, ciuitatis futuram calamitatem deflet, & simul uaticinium natur de totius urbis et populi interitu: quare & suum affectum erga genus humanum ostendit, & quanta sit ira Dei in peccatores non agentes poenitentiam clarè indicat. Deinde ingressus Templum, reprehendit abusum templi: eicit ementes & uendentes in templo: testatur templum esse domum orationis, id est, domum dicatam Deo & eius cultui: nec decere hanc domum prophanis negocijs prophanare. Sunt autem (ut dixi) due partes huius textus: Vna de fletu Christi, & uaticinio eiusdem de uastatione urbis & interitu populi. Altera de facto Christi in templo. Sed hæc due partes plures in se locos & doctrinas continent, quare de ijs singulatim dicam.

## DE PRIMA PARTE.

Huius primæ partis loci sunt duo, qui sunt.

- I. Vaticinium Christi contra ciuitatem Hierusalem, cum suis circumstantijs.
- II. Huius partis usus in nostra Ecclesia.

DE



In hoc primo loco multe concurrunt circumstantie, quæ sunt: 1. affectus Christi erga genus humanum. 2. uaticinium ipsum. 3. tempus uisitationis. 4. unde poterant agnoscere tempus uisitationis. 5. quare non agnouerint tempus uisitationis sue. 6. poena neglectæ uisitationis. 7. mora uisitationis.

PRIMA: Videns Christus ciuitatem, fleuit super illam. Hic Christi fletus illustre testimonium est misericordiae Dei erga humanum genus. Nam non secus Dominus noster, quam piissimus pater suorum liberorum, quos æquæ ac se diligit, perditionem deplorat. Quæ sanè perditio habet nullam aliam causam, quàm ingratitude erga Euangelium. Quî enim fieri potuit, ut filius Dei, qui uerus homo natus in hoc fuit, ut sua uictima ab æterna damnatione genus humanum liberaret, non de tanta hominum ingratitude doleret, quos ad salutem ab initio creauit, & postea missis Prophetis & Apostolis ad poenitentiam reuocauit.

SECUNDA: Quia uenient dies super te, & circundabunt te inimici tui uallo, & prement te undique, & ad terram prosternent te, & filios tuos qui in te sunt. Hic Christus uaticinatur de calamitate, quæ superuentura erat super Hierusalẽ: quæ quidem calamitas 40. anno postea ipsis contigit. Huius calamitatis historiam diuidam in tres partes, quarum prima erit assignatio eorum, quæ contigerunt ante deuastationem

o 4 urbis



urbis. Secunda, enumeratio malorum que in obsidione experti sunt ciues. Tertia, notatio calamitatis, que secuta est urbis direptionem.

Quid cōtingit ante deuastationem urbis? Multa sanē, quibus Deus istum populum ad poenitentiam reuocare uoluit, ut uaticinia, signa, prodigia, præsagia. Vaticinia, ut hoc Christi uaticinium, de quo audiuius, cuius et Zacharias cap. 12. meminit his uerbis: Et erit in die illa, ponam Ierusalem lapidem oneris cunctis populis. Omnes qui eleuabunt eam lacerando lacerabuntur, & colligentur aduersus eam omnia regna terræ.

Prodigia quoq; præcesserunt. Integro anno apparuit Cometa super ciuitatem Ierusalem, representans ignitum gladium: Currus bellici et equites in cælo uisi sunt concurrere.

Signa: Ianua templi noctu sponte aperta est: uox in templo audita est, migremus hinc, migremus hinc.

Præsagia: Homo plebeius, Iesus nomine, clamauit in plateis, uox ab occidente, uox ab oriente: qui quò magis castigabatur à Magistratu, eò magis clamauit. His uaticinijs, prodigijs, signis & præsagijs inuitauit Dominus populum Iudaicum ad poenitentiam, sed frustra: quare secuta est grauissima poena.

De poena ergo dicamus. Primo die azymorum incepit obsidio, & perdurauit usq; ad octauum diem septembris. Mox oritur in ciuitate intestina seditio:



ditio: qua amici & consanguinei se mutuis uulne-  
ribus trucidant: ex cadaueribus mortuorum ori-  
tur grauissima pestis, adeo ut ne mortui quidem se-  
peliri potuerint. Accedit fames, quæ tanta fuit,  
quod matres proprios liberos comederint: et ut de  
alijs rebus turpissimis taceam, in seditione ciuili, in  
qua conciderunt duo millia hominum, templum in-  
cenditur et penitus incēdio uastatur: postea ab ho-  
stibus prima ciuitatis pars capitur: deinde altera,  
tandem tota ciuitas uenit in hostium potestatem.

Post obsidionem tantus contemptus superati po-  
puli fuit, quod septem millia de nobilioribus &  
præcipuis sint deputata publicis et seruilibus ope-  
ribus, & multi spectaculis publicis sint reseruati.  
Multitudo intersectorum præter illos, qui peste pe-  
rierant in ciuitate, fuit nonaginta septem millium:  
qui erant infra annum 16. à militibus uenditi sunt.  
Honestæ matronæ & uirgines stupratæ sunt à mi-  
litibus. Postea rursus sub Domitiano noua est orta  
persecutio, nam Domitianus inquirebat omnes, qui  
Dauidem uel Christum ulla propinquitate attige-  
runt. Hæc de pœna corporali secuta contemptum fi-  
lij Dei sint dicta: cum qua coniuncta erat pœna  
spiritualis in conscientia, & tandem cruciatus æ-  
ternus in inferno secutus est.

TERTIA: Si cognouisses & tu, & qui-  
dem in hac die. Tempus uisitationis est quo De-  
us uisitat, aliàs ad puniendum peccatores, aliàs ad  
benefaciendum pijs, idq; multis modis. Verum po-

• 5 tisi-



tissimum tempus uisitationis misericordiae Dei, fuit tempus praedicationis Christi, quando & illos et totum mundum inuitauit ad poenitentiam, offerens gratiam & uitam aeternam poenitentibus. De hoc tempore loquitur Dominus.

**4** QUARTA: Vnde poterant Iudei cognoscere tempus uisitationis suae? Multa habuerunt praecleara argumenta. 1. Miracula potentiam Christi manifestarunt. Si, inquit, mihi non creditis, credite operibus meis: illa enim de me perhibent testimonium. 2. Daniel hoc uisitationis tempus apud Babylonios praedixit. 3. Iam translatum erat regnum Iuda, iuxta uaticinium Iacob, Gen. 48. Non aufertur sceptrum de Iuda donec ueniet Silo, id est, Semen mulieris, qui est Christus Dominus. 4. Ne offenderentur paupertate Christi, admoniti erant à Zacharia Propheta, qui cap. 9. ait: Ecce Rex tuus ueniet pauper. 5. Testimonium Iohannis de Christo. 6. Vox Dei Patris super Christum in baptismo & in monte. Haec & multa alia poterant Iudeos certificare de Christi praesentia & tempore uisitationis eius.

**5** QUINTA: Sed quare non cognouerunt tempus uisitationis suae, qui adeo multis signis erant admoniti? Duo fuerunt uelamina: unum carnale, alterum spirituale. Carnale quidem, quia irretiiti mundi uoluptatibus, illecebris, & curis, non poterant considerare ea, quae ad animae salutem spectant: sed cogitarunt, sicuti scribitur Sap. 2. Exiguum



quā & cum tædio est tempus uitæ nostræ, & non est refrigeriū in fine hominis, & non est, qui agnitus sit reuersus ab inferis. Venite fruamur bonis quæ sunt, & relinquamus ubiq; signa letitiæ, nam hæc est pars nostra. Sic irretitus fuit diues Epulo, quem quidam scribunt ciuem fuisse Hierosolymitanum: sic et ille qui dixit (cū iam horrea sua plena frugibus uideret) frueri nunc anima mea delicijs. Sed quid accidit illi? In medijs delicijs uocatus est ad pœnam. Spirituale uerò uelamen fuit, de quo hic loquitur Christus. Et Paulus Rom. 1. Tradidit eos in reprobam mentem. Et Thess. 2. Dedit illis efficacem errorem, ut credant mendacio, qui ueritati non luerunt obedire. Atq; ita iustum est Dei iudicium.

SEXTA: Pœna neglectæ uisitationis, quæ est duplex. Carnalis & temporalis, Spiritualis & æterna. Ad pœnas temporales & carnales pertinet ista horrenda urbis uastatio: Item omnes calamitates in humano genere, quæ calamitates nos meritò admonere deberent pœnitentiæ.

SEPTIMA: causa dilatæ pœnæ. Hanc Paulus Rom. 2. explicat, dum ait, diuitias bonitatis Dei & longanimitatem inuitare ad pœnitentiam: Deus enim tardus ad iram, id est, ad uindictam, idq; ideo, ut nos tandem agnitis peccatis nostris, ingemiscamus & confugiamus ad Christum uera fiducia.

## DE SECVNDO.

Cū Paulus dicit, Omne quod scriptum est, in nostram doctrinam scriptum esse, uideamus quis sit huius doctrinæ usus.

Pri-



Primum itaq; nos, qui in Christum credimus & sumus Ierusalem Dei sancta, audiamus uocē Christi deflentis peccata nostra, & discamus quomodo erga nos sit affectus. Deinde agnoscamus tempus uisitationis nostræ, quia nos uisitauit Deus in hoc regno mirabiliter. Primum suo uerbo: quod sanè purè in omnibus Ecclesijs Danie proclamatur. Sed quia parum fuimus Euāgelio obedientes, uisitauit nos bello, fame, peste & singulos uarijs modis. Verum si non egerimus pœnitentiam, idq; mature, uisitabit nos rursus bello, peste, fame, & tandem nos omnino delebit. Agamus igitur pœnitentiam: promittamus emendationem: amplectamur Euāgelium Christi: breuiter, piè & sanctè uitam instituamus, ut possimus euadere in die iræ.

## DE SECUNDA PARTE.

Et ingressus in Templum &c. In hac secunda huius Euangelij parte sunt quatuor circumstantie potissimum obseruandæ,

PRIMA, impietas Pontificum. Templum Salomonis fuit ordinatum propter has causas: non ut exerceatur mercatura in eo: sed ut illic uerbū Dei doceretur, & in illud populus Dei conueniret & oraret: quemadmodum ipse Salomon inquit in dedicatione Templi: Quodcumq; orauerit populus tuus in loco isto (id est, in templo hoc) exaudies in loco tabernaculi tui in cœlo, & cū exaudieris, propicius eris. Preterea fuit ordinatum lege, ut iuxta templum fierent mactationes secundum legem.



gem. Contra hæc omnia fecerunt Pharisei et Pontifices, Contemserunt. n. uerbum Dei, exercuerunt prophanas mercaturas, imò, ut ipse Christus inquit, fecerunt ex templo Dei speluncam latronum. Trucidantur homines à latronibus, ut latrones occisorum bona ad se conuertant: Pontifices autem falsa doctrina ac praua interpretatione scripturæ multa hominum millia trucidarunt, dum illorum animas sacrilegè priuarunt æterna beatitudine. Hinc satis liquet, quàm fuerint isti pontifices impij in Deum: qui non solum ipsi contemserunt uerbum Dei: uerum etiam alijs occasio fuerunt contemtus, contumaciæ & tandem perditionis.

SECVNDA, eiectio ementium & uendentium de Templo. Christus enim eicit ementes & uendentes, idq; externa ui: quo facto, primùm testatur se improbare impietatem Pharisæicam. Deinde declarat se uerum regem & pontificem esse istius populi: Regem quidem, quòd manum admo-ueat ad tollendam impietatem, quemadmodum Ezechias fecit, cùm tolleret æneum serpentem propter idololatriam populi: Pontificem uerò, quia ueram doctrinam defendit, & reprehendit Pharisæicas corruptelas. Præterea hæc eiectio fuit pater-  
terna quædam admonitio de futura templi deuastatione, nisi resipiscerent. Ad hæc, facto hoc admonet de pœna, in quam incurrent omnes impij, qui abusi fuerint templo Dei, nimirum, quòd à Christo aliquando sint à templo eijciendi, Hinc præte-  
rea



rea discant utriq; magistratus dico & gubernatores Ecclesiarum. Illi quidem manu & externa ui tollere impietatis instrumenta: hi uerò gladio spiritus, hoc est, uerbo Dei amputare omnem superstitionem quantum quidem fieri potest. Sic fecit beatus Theodosius, qui omnes imagines & idola de templis sustulit. Sic fecit piissimus princeps Iohannes Fridericus dux Saxonie. Horum exemplum imitatus est sanctissime memorie Rex Danie Christianus, eius nominis tertius cuius beneficio adhuc Scholæ & Ecclesie in hoc regno gaudent.

**TERTIA** est de templo Dei: quod est duplex, manufactū seu uisibile, et spirituale seu non manufactū. Vtrūq; est domus orationis. Domus mea, inquit Christus, est domus orationis. Vtusus manufacti templi præcipue in his positus est, **Primum**, ut sit locus publicus, in quo doceatur & audiat uerbum Dei. Deinde ut illic administrantur Sacramenta. Tum, ut illic conueniant pii, oraturi pro cōmunib. necessitatibus. Postremò, ut sit locus in quo fiat publica confessio religionis. Sed quid fit in Papatu & pro uerbo Dei traditiones hominum obtrudūt: pro mysteriorum Dei distributione, sacrilegia horrendissima proponuntur: uenale habent cœlū: missam pro uiuis & mortuis iactant: spoliant Ecclesiam Sacramentis, cōtaminant sacramenta suis blasphemis additamentis: faciunt ex loco publicæ confessionis Euangelij, conciliabulum hypocritarum, qui conspirant aduersus Euangelium Christi. Hæc sint dicta de



de manufacto templo, Nō manufactum et spiritua-  
le templum est, cū tota Catholica Ecclesia, tū  
singula eius membra. Ita. n. Paulus ait scribens Co-  
rinthijs: An nescitis, q̄ templum Dei sanctum sitis  
uos? Inō Christus ipse architectus huius templi ait:  
Si quis sermonem meum audit, ad eum uenimus, &  
mansionem apud eum faciemus. Proinde et tota Ec-  
clesia, et singula eius membra templum Dei dicun-  
tur & sunt. Huius templi fundamentum est filius  
Dei: fundamentum enim aliud nemo ponere potest,  
præter id quod positum est, quod est Iesus Chri-  
stus Dominus noster. Hoc templum erigitur à filio  
Dei: edificatur à Prophetis, Apostolis, ministris  
uerbi, à pio magistratu, à sanctis Patribus familias,  
prout Dominus singulis dederit edificandi gra-  
tiam. Hoc templum purgatur & conseruatur san-  
guine CHRISTI. Huius templi ostiarius est Spi-  
ritus sanctus, quando precibus & fide ianua eius  
pulsatur. Neq; hoc templum ociosum est. Nam  
in eo iugis est celebratio DEI, oratio perpetua,  
oblationes sanctæ, cultus DEI ( ut uno uerbo di-  
cam ) indefessus: huic enim sancto usui dicatum est  
hoc sanctum DEI templum. Verū homines qui  
indulgent suis libidinibus, suæ tyrannidi, usuræ,  
fraudibus, non solum hoc templum DEI prophæ-  
nant, eiecto ostiario Spiritu sancto, expulso Chri-  
sto architecto: uerū etiam fiunt templa Satanae,  
in quibus sanguis CHRISTI contumelia affici-  
tur: uerbum DEI ludibrijs exponitur: in locum  
piarum

4  
10 11 12



piarum precum succedunt inuocationes sanctorū,  
execrationes, blasphemie, contumelie, & ut uno  
dicam uerbo, laudes Satane illic personant.

Sed quid nos commonebit, ut templum Dei esse  
cupiamus? 1. Dignitas. Quæ enim maior gloria est,  
quàm esse templum sanctæ Trinitatis? 2. Utilitas:  
nam hoc pacto transitur à Satane delubro (ubi  
mera mors et damnatio regnant) ad domum Dei et  
æternam felicitatem. 3. Finis conditionis hominis.  
Conditi enim sumus, ut simus templa Dei. Contra,  
cogitandum est, quàm indignum sit, & quàm ma-  
gnū sacrilegium, hoc templum sceleribus ullis  
contaminare. Proinde conandam totis uiribus est,  
ut præstemus Deo in suo templo uerum cultum, &  
offeramus sacrificia labiorum nostrorum, hoc est,  
gratiarum actionem, & tura cordis nostri, hoc  
est, fidem & innocentiam.

QUARTA mundus longè aliter iudicat de  
ijs qui templa Dei sunt, quàm uerbum Dei. Mun-  
dus iudicat præclaros, potētes, sapientes, diuites in  
hoc templum recipi: sed contrarium docet uerbum  
Dei & monstrat exempla. Tametsi autem nullus  
reijcitur propter claritatem generis, potentiam,  
sapientiam, diuitias: tamen plerunq; fit, ut tales hu-  
ius mundi negotijs impediti, minus de hoc spiritu-  
ali templo cogitent. Exempla sunt Cain & Abel.  
Deinde Esau & Iacob. Ita semper diligit Deus in-  
firma huius mūdi, ut quæ fortia sunt pudesceret.  
Sed hoc nos non mouebit. Christus enim dicit: Noli  
timere



timere pusille grex: placuit enim Patri dare uobis  
regnum, cui per Christum cum Spiritu sancto sit  
honor in secula seculorum, Amen.

DOMINICA VNDE  
CIMA TRINITATIS, LUC. 18.



Iesus dixit ad quosdam, qui in se confide-  
bant, quod essent iusti, & aspernabantur cæ-  
teros, parabolam istam. Duo homines ascen-  
debant in Templum, ut precarentur: unus  
Pharisæus, alter Publicanus. Pharisæus stans  
hæc apud se orabat: Deus gratias ago tibi,  
quod non sim sicut cæteri homines, raptores,  
iniusti, adulteri, uelut etiam hic Publicanus.

p

Ieiuno



ieiuno bis in sabbato, decimas de omnium  
quæ possideo. Et Publicanus procul stans,  
ne oculos uolebat ad cælum attollere, sed  
percutiebat pectus suum, dicens: Deus pro-  
picius esto mihi peccatori. Dico uobis, de-  
scendit hic iustificatus in domum suam ma-  
gis quàm ille. Quia omnis qui se extollit,  
humiliabitur, & qui se humiliat, extolletur.

## ENARRATIO TEXTVS.

**O**ccasio huius Euangelij fuit, quòd postquam  
Christus docuisset de efficacia orationis &  
forma orandi, uoluit etiam illustra exempla pro-  
ponere, in quibus & efficacia orationis, & hypo-  
criticæ ostentationis naturam depingeret. Nam  
cum nemo ritè orare potest, nisi idem sit prius iu-  
stus ex fide Christi, fit ut multi se iustos putent, &  
propterea se ritè orare arbitrentur: Quare ne-  
cesse fuit discernere inter uerè iustos, & eos qui  
iusticiam simulant. Qui enim uideri uolunt iusti,  
& non sunt tamen, illi nequaquam inuocant: Ve-  
rùm qui agnitis peccatis suis agunt seriam poen-  
itentiam, hi fide iusti effecti, soli efficaciter &  
uerè orare possunt. Ea itaq; de causa Dominus hic  
nobis proponit duas imagines: quarum una est hy-  
pocriticæ orationis: altera ueræ & piæ inuocatio-  
nis. Phariseus, qui putauit se pium & iustum, &  
non fuit, hypocriticam orationem nobis agnoscen-  
dam præbet. Contrà, miser Publicanus, prosternens  
se coram Deo, & agnoscens suas sordes, & nihilo  
minu



minus confugiens ad misericordiam, uera & sa-  
lutaris orationis formam suo exemplo præbet.

## Loci tres.

- I. De iusticia Legis & Pharisaica uanitate.
- II. De iusticia Christiana & uera pœnitentia.
- III. Iudicium Christi de Phariseo & Publicano.

## DE PRIMO.

Dicebat ad quosdam qui in se confidebāt  
tanquam iusti 2c. Hic necesse est dicere de legis  
iusticia: quæ sit: quis sit eius usus, finis & ius. Nam  
unde intelligemus quantum Pharisei aberrant à  
uera iusticia.

Quæ est legis iusticia? Est perfecta obediētia o-  
mnium mēbrorum nostrorum interiorum & ex-  
teriorum erga legem Dei, cordis, affectuum uolun-  
tatis, oris. Breuiter, omniū potentiarum et uirium  
corporis & animi: quam obedientiam non oportet  
esse momentaneam, sed perpetuam: non inanem, sed  
perfectam et absolutam: non contaminatam, sed pu-  
ram & castā: qualis ab Adam præstari potuit ante  
lapsum, & qualis à sanctis Angelis in cœlo præsta-  
tur. Quod talem deceat esse legis iusticiam, cum  
Moses, tum Christus docent his uerbis: Diliges Do-  
minum Deum tuum ex toto corde tuo, ex tota ani-  
ma tua, ex toto robore, & omnibus uiribus tuis, et  
proximum tuum sicut teipsum. Deinde quia, ipse  
deus, sanctus & castus est, nihil potest illi place-  
re, nisi purum, sanctum et castum. Et qui hanc ius-  
ticiam præstant, soli habent præmissionem legalē.

p 2 Sic



sic. n. ait Moses: Qui fecerit ea homo, uiuet in ei  
 Hanc obedientiam perfectam & perpetuam qual  
 Lex requirit, nullus homo, excepto solo Christo  
 unquam præstitit. Quare omnes, qui se hac legis  
 sticia iustos putant, non tantum cæci sunt et arro  
 gantes: uerum etiam blasphemi in legem Dei, quæ  
 metiuntur suo modulo, & non uoce Dei. Quod aut  
 nullus Legi Dei satisfacere possit, nuper dixi, & que scrip  
 tura breuiter idem uobis in memoriam reuocabat. Hec  
 Primum, nostra membra interiora & exteriora  
 quibus exequi obedientiam erga legem deberemus  
 sunt mutila et horrenda quadam ataxia uiciata, ita  
 ut nihil rectè exequi possint. Deinde Lex peccati  
 tãquam fortissimus gigas nostra membra occupat  
 etiam quando renati sumus, ut non possimus præ  
 stare quæ uolumus. Hinc diuus Paulus clamat: ò in  
 felix ego homo, quis liberabit me de corpore mor  
 ti obnoxio. Item alio loco: Velle quidem adest mihi  
 sed perficere non inuenio. Item: Non quod uolo bonum  
 facio, sed quod non uolo malum, hoc ago  
 Ita regenerati promptam quidem uoluntatem habent  
 bent, sed exequendi quod uolunt uiribus destituuntur  
 tur, adeò domesticus noster hostis est importunus  
 et nos à bono retrahit. Quid dicemus ergo de illis  
 quorum uoluntas nondum est reformatà, quales sunt  
 omnes, qui nondum sunt regenerati? Huc accedite  
 Lex Dei sit spiritualis: nos uerò carnales. Ita enim  
 Paulus iam fidelis dixit: Lex spiritualis, ego autem  
 carnalis uenditus sub peccato. Hinc facile uideri  
 potest



est, quod à nobis legi debita obedientia præstari nõ  
 possit. Qui enim fieri potest, ut caro spirituales  
 iustitiam præstet? Multas alias & plures rationes  
 nuper adduxi, quibus ostendi, neminem in hac uita  
 perfectam legi obedientiam præstare posse. Quid  
 ergo fiet? hic uocem legis primum audies. Quid il-  
 la dicit? Maledictus omnis qui non permanserit in  
 omnibus quæ scripta sunt in libro legis. Hic audis  
 legis sententiam: Hæc legis uox te humiliet coram  
 Deo et prorsus prosternet, ut agnoscas et fœdita-  
 tem tui peccati, et iustam damnationem. Quid hic  
 faciendum? Possumus ne hanc legis maledictionem  
 declinare? nõ potes tuis uiribus: quare tibi uel pe-  
 reundum est, uel querendum remedium contra  
 hanc legis damnationem: quod sanè non est aliud,  
 quam solus Iesus Christus, qui ideò uenit in mundũ,  
 ut in se maledictionem legis reciperet, et omnes in  
 se credentes liberaret à iure legis, id est, à damna-  
 tione, quam lex minatur transgressoribus suis: Hæc  
 proinde, maledictio extendit se ad omnes homines  
 qui non audiunt Christum, & uestiuntur eius ius-  
 ticia, ut illa ornati appareant in conspectu Dei,  
 Nam Christus est finis legis in iusticiam omni cre-  
 denti, Rom. 10. Hæc de legis iusticia ideò à me di-  
 cta sunt, ut ostendam quàm uani fuerint Pharisei  
 isti, qui se iustos confidebant, & aspernabantur cæ-  
 teros tanquam prophanos et iniustos. Sed quænam  
 causa est, quod hic Phariseus cum sua turba confi-  
 dat se esse iustum? cæcitas in causa fuit. Adeò enim



cecus erat, quòd non uiderit legis mentem, imò uer-  
lumen tantum legis uidit, & non introspexit in  
legis aditum, quemadmodum textus huius Euange-  
lij satis indicat, ait enim: Gratias ago tibi, quia  
non sum sicuti cæteri homines, raptores, ini-  
iusti, adulteri, aut sicuti hic Publicanus. Li-  
teram igitur legis uidit, non spiritum, hoc est,  
tantum in externis operibus hæsit, non spiritua-  
lem, quem requirit lex sensum considerauit.

Verum ut hæc nobis clarius ponantur ob oculos,  
uideamus 1. qualia ipsius opera fuerint. 2. con-  
feramus ea cū lege Dei. 3. colligamus inde quid illi  
defuerit. 4. quàm multis peccatis reus constrictus  
fuerit, etsi se iustum coram hominibus uenditaret.  
Opera huius Pharisei fuerunt sine fide, profectus  
Etia ex mera incredulitate & arrogantia. Iam cū  
scriptura aperte dicit: Sine fide impossibile est  
placere Deo: quis tam amens est, ut istam externam  
laruam iusticiam uocet?

Opera quæ iactat conferamus cum lege Dei.  
Lex requirit puram obedientiam: hic ex impuri-  
simo corde promit conuicia in Deum et in proxi-  
mum. Lex iubet proximum diligere: is accusat,  
idq; corā tribunali Dei. Quid multis? Nihil ex Deo  
prescripto fecerat. An non est magnum, non esse  
raptores? non iniustum? non adulterum? ieiunare  
& dare decimas? ista quidem non sunt contemnen-  
da. Sed hic Phariseus bona, quæ fecerat, misere con-  
taminauit philautia & superbia.

Quic



Quid ergo illi defuit? fons bonorum operum  
fides Christi, quæ per caritatem operatur. Vbi au-  
tem hæc non est, quantumuis speciosum uidetur  
opus, Deo tamen gratum esse nequit: imò potius  
abominatio est coram Deo, præcipuè quia accedit  
opinio iusticiæ, sicuti uidemus in hoc Phariseo.

Vidimus unde profecta fuerunt opera huius Pha-  
risei, & quantum distent à legis iusticia, & quid  
illi defuerit: nunc quàm grauiter peccarit, & quã  
hæc nobis clarius pñiustus fuerit uideamus. Primum ausus est Deum  
accedere et interpellare sine timore Dei, sine fide,  
sine pœnitentia, sine mediatore Christo, per quem  
solum patet aditus ad Patrem. Est ne hoc graue sce-  
lus? Imò hic totam primam tabulam uiolat, & tan-  
quam pedibus conculcat. Deinde ausus est puluis et  
cinis gloriari coram Deo, cum tamen scriptum sit:  
Innocens coram te non est innocens, quanta quæso  
hæc superbia? Nónne tametsi et Deum & homines  
despicit: se tamen iustum simulat? Tertio abusus est  
templo Dei, quod erat ordinatum ad deprecanda  
peccata publica et priuata. Sed quid hic facit è tem-  
plo? prætorium in quo accusat alios, Quarto, to-  
tam secundam tabulam inuadit, & uiolat cōtra ca-  
ritatis naturam, quæ peccata proximi aut curare,  
aut tegere solet, quid facit? Non sum, inquit, sicut  
ceteri homines, raptores, iniusti, adulteri:  
imò hoc uidebatur ei parum. Quare cum in supre-  
mo loco templi esset, respicit à tergo & uidet mi-  
serum Publicanum orantem, quem mox, ubi eum

p 4 uidit,



uidit, accusat coram tribunali Dei. Neque sum, inquit, sicut iste Publicanus. Hic si uere pius fuisset, gratulatus fuisset publicano cum Angelis Dei, qui gaudent in cœlo super uno peccatore penitentiam agente. Verum cum accusat penitentem, satis arguit ex quo spiritu loquatur. Dedit enim meminisse dicti Iesu Syrach: Hominem auertentem se à peccato ne despexeris. Omnis enim in correptione sumus, id est, obnoxij uarijs casibus. Qui stat uideat ne cadat, inquit Apostolus. De ieiunio & decimis huius hypocritæ hoc tantum dico. Ieiunium, quo carnis ferocia domatur, est res non mala: uerum si ieiunes, ut merearis aliquid à Deo, tuum ieiunium fit abominatio, Deus enim non uult coli humanis traditionibus: sed iuxta legis sue regulam. De decimis hæc dico, quod Deus ita ordinauit in sua re publica, ut sacerdotes Leuitica tribus haberent unde uiueret. Et Christus dicit: Dignus est mercenarius mercede sua: & Non obligabis os boui trituranti.

## DE SECVNDO.

Quemadmodum in Phariseo uidimus, qualis sit iusticia Pharisæica: & eius uanitatem ostendimus ex collatione ad legis iusticiam: Ita nunc sequitur secunda doctrina de iusticia Christiana, quæ nobis in hoc Publicano, tanquam in uiua quadam imagine representatur. Verum quia scriptura duobus modis de uirtutibus docet, nimirum regula, & exemplo: uolo primum uidere, quid scriptura dicat de iusticia Christiana. Deinde idem ostendam

Publi



publicani exemplo, ut ita regula confirmetur exemplo.

Quantum autem ad regulam iusticie Christiane attinet, hæc sunt clara dicta. Paulus Rom. 3. Omnes peccauerunt & priuantur gloria Dei, iustificamur autem ipsius gratia, per redemptionem que est in Christo Iesu, quam proposuit Deus propiciatorium per fidem in sanguine eius. Mox in eodem capite: Arbitramur hominem iustificari fide absq; operibus legis. 2. Cor. 5. Eum qui non nouit peccatum, fecit peccatum, ut nos fieremus iusticia Dei in ipso. Rom. 5. Sicut unius hominis inobedientia multi sunt constituti peccatores: ita unius rursus obedientia iusti constituentur multi. Et de Abrahamo: Credidit Abraham Deo, & imputatum est ei ad iusticiam. Et Dauid: Beati quorum remissæ iniquitates, & tacta sunt peccata. Huiusmodi sunt infinita dicta in scriptura de iusticia Christiana. Sed hæc pauca proposui, ut inde generalem doctrinam de iusticia Christiana colligam.

PRIMUM ergo ex his testimonijs colligitur, quod Christiana iusticia non sit ex operibus, tametsi iustificatus iam benè operari incipit. Hoc ergo primum tenendum est, q̄ opera excludantur ita, ut non sint huius iusticie causæ: sed effectus & fructus, ut postea dicam. 2. ex his dictis colligitur q̄ Christiana iusticia non sit obedientia in ipsis, sed in Christo. 3. quod hæc Christi obedientia donetur homini, ut ea, et non sua sit iustus. 4. quod quisquis

p

s

credi-



crediderit, huius iusticiæ Christi fiat particeps, ita ut illi imputetur tanquam sua. Christus enim est finis legis in iusticiam omni credenti. 5. q. quia peccatores sumus reconcilemur Patri per Christum, quem Pater proposuit propiciatorem. 6. quod pro peccatis credentium effusus sit sanguis Christi, ita ut iusticiæ Dei seu legis sit satisfactum. 7. ex his omnibus collectis efficitur, quod hæc iusticia Christiana constet absolutione à peccato, imputatione iusticiæ Christi, & acceptatione ad uitam æternam, gratis propter Christum. Hæc est summa doctrinæ Ecclesiæ Christi de Christiana iusticia: unde efficitur quod Christiana iustificatio sit absolutio à peccato, imputatio iusticiæ Christi, & acceptatio ad uitam æternam, gratis propter Christum. Verum hoc præterea tenendum est, quod fides ipsa, qua iustificamur, sit efficax, & producat fructus Deo gratissimos per Iesum Christum. Vbi autem hic fructus non conspicitur, uix illic fides inuenitur. Nam cum credimus simul renascimur in nouos homines, ut nouam Deo obedientiam præstemus.

Iam hanc ipsam doctrinam de Christiana iusticia uideamus in exemplo Publicani. Primum (ut textus ait) stetit à longe. Indignitate enim sua territus, non audebat cum Phariseo in conspectum maiestatis diuinæ prodire. Sic & Petrus procidens ad genua Christi ait: Exi à me, quia homo peccator sum. Similiter & Centurio: Domine non sum dignus, ut intres sub tectum meum. Hæc trepidatio in con-



in conscientia hominis oritur ex noticia legis: ad huius normam cum homo sua facta examinat, cogitur exclamare, homo peccator sum. Deinde non audet leuare oculos. Hic notatur pudor Publicani ob turpitudinem peccati sui. 3. percutit pectus, quo significatur lucta cum diffidentia & desperatione. 4. cum inquit, *Deus & c.* significatur ad solum Deum confugiendum esse pro peccatis abolendis. Haftenus cum peccato, cum legis damnatione, cum diffidentia luctatus est: qua lucta uera contritio declaratur: *Nunc sequitur quomodo sit eluctatus ab isto ueluti inferno.* Nam cum dicit: *Deus propicius esto mihi peccatori*, erigit se fide contra desperationem. Nam hic animo recollit promissiones de Christo, quod Deus uelit esse peccatoribus propicius, qui agentes poenitentiam ad Christum uera fiducia confugiunt. Ille enim est propiciatio pro peccatis nostris. Cum ita se erigit, sibi peccatum, et Deo misericordiam tribuit: se ægrotum agnoscit, & Deum medicum: opponit misericordiam peccato: ac ita statuens Deum sibi propicium esse, iustificatur sola fide. Ad eundem modum Daniel fecit: *Tibi Domine iusticia, nobis autem confusio faciei.*

Atq; ita ex hoc Publicano discere possumus primum rationem uerae poenitentiae et iusticiae Christianae. Nam ut uera poenitentia est uerus dolor ob peccatum: ita Christiana iusticia est absolui à peccato, cum Deum uera fiducia accedimus, sicuti supra



604 DOMINICA XI. POST  
præ dixit. 2. possumus ab illo discere, qualis debeat  
esse uera oratio. Debet enim ex intimo animo pro-  
ficisci in timore Dei, & niti propiciatione, quæ est  
in Christo Iesu. 3. debemus a Publicano discere sub-  
missè nos gerere cum coram Deo, tum coram ho-  
minibus.

Viuentium ne igitur est more Publicanorum?  
sanè ita est, quatenus agunt pœnitentiam, quemad-  
modum hic fecit. VL. n. Phariseus iste non est con-  
tentus propter externa opera honesta, quæ fecit:  
sed quia confidebat in opera: ita Publicanus hic nō  
est laudandus ob peccata quæ fecerat: sed propter  
pœnitentiam, quæ secuta est: Imò habemus ab utro-  
que quod utiliter discamus. Cum utroq; eundem est  
in templum: cum utroq; agenda sunt Deo gratie:  
cum utroq; orandum est: A Phariseo honesta ex-  
terna opera facere: A Publicano animi pietatem et  
ueram fidem adferre discamus.

DE TERTIO.

Dico uobis: Descendit hic iustificatus in  
domum suam & non ille. Hic habemus iudici-  
um Christi de Phariseo & Publicano. Publicanus  
(inquit) descendens de templo, in domum suam re-  
diit iustificatus fide. Phariseus autem non rediit  
iustus, sed potius condemnatus. Hoc confirmat ge-  
nerali sententia: Quia omnis, qui se exaltat hu-  
miliabitur: & qui se humiliat exaltabitur.  
Phariseus se exaltauit, existimans se iustum legis  
operibus, quæ nulla habuit: ideo humiliatus est sen-  
tentia



tentia damnationis. Publicanus se humiliavit peccati confessione, humili inuocatione, fiducia in misericordiam Dei per Christum, ideo exaltatus est gratia absolutionis & gloria beatitudinis. Huius exemplo ut & nos humiliemur facit Christus, cui cum Patre & Spiritu sancto sit gloria in secula, Amen.

## DOMINICA DVODE-

CIMA TRINITATIS, Marci 7.



**I**esus rursus egrediens de finibus Tyri ac Sidonis, uenit ad mare Galilææ, per medios fines Decapolis. Et adducunt ei surdum, impeditæq; linguæ, & deprecantur eum, ut im-



ut imponat illi manum. Et cum apprehendisset eum de turba seorsim, misit digitos suos in auriculas eius, & spuito emisso, tetigit linguam eius, ac suspiciens in cœlum, ingemuit et ait illi: Ephata, quod est, aperire. Et statim apertæ sunt eius aures, & solutum est uinculum linguæ eius, ac loquebatur rectè. Ac præcepit illis, ne cui dicerent. Sed quò magis ille eis præceperat, hoc potius amplius prædicabant, & supra modum stupebant, dicentes: Benè omnia fecit, & surdos fecit audire, & mutos loqui.

## ENARRATIO TEXTVS.

**H**oc Euangelium continet unum ex miraculis Domini, quibus ipse ostendebat potentiam, uoluntatem & officium suum. Potentia ostenditur in eo, quòd imperet omnibus rebus creatis, aliàs mari, aliàs uentis, aliàs Diabolis, aliàs morbis, ut hic. Voluntas indicatur ex eius promptitudine ad iuuandum: est enim promptissimus ad opem ferendam omnibus inuocantibus se. Officium, quòd sit saluator iuxta nomen suum, quod est Iesus. Hæc tria in singulis ferè Christi miraculis conspiciuntur, quibus nos rectè uti discamus. Potentia siquidem Christi Domini, aduersus mundi tyrannidem, Sophisticam & hypocrisin, atq; adeò aduersus totum Satanae regnum uti debemus. Voluntatis cognitionem opponamus aduersus carnis nostræ peruersam uoluntatem & iudicium. Officij cogitatione

In Christi miraculis tria conspiciuntur.



ne muniamus nos aduersus omnes Antichristos, qui Christum suo officio spoliare uolunt. Hæc tria, ut in speculo quodam contemplari licet in præsentī Euangelio. Hic surdus & mutus tenetur captiuus à Diabolo: sed quid ad hoc Christus? Potentiam suam declarans, aperit aures eius, & linguam soluit inuito et repugnante Diabolo. Deinde, cum hunc calamitosum & miserum iuuat, ostendit se affici eius calamitate, atq; ita uoluntatem suam erga ipsum indicat. Postremo declarat officium, dum se promptum ad hunc iuuandum & alacrem exhibet. Significat enim hoc facto missum esse se, ut afflictos & calamitosos iuuet. Habemus quid Christus ostendat in suis miraculis: iam summam præsentis Euangelij uideamus. Christus adductum surdum et mutum ad se sanat: quo facto significatur, quod Christus uenerit in mundum, ad iuuandos eos, qui ad se ueniunt, iuxta illud: Omnis qui inuocauerit nomen Domini, saluus erit. Loci tres.

- I. Exemplum illorum, qui hunc surdum & mutum ad Christum portant.
- II. Factum & miraculum Christi.
- III. Fructus huius miraculi apud spectatores.

## DE PRIMO.

Exiens iterum de finibus Tyri &c. Antequam ueniamus ad primam doctrinam, obseruanda est præsentis miraculi occasio, quæ fuit profectio Christi & locus profectionis.

Profectio ipsa indicat, quæ in sedulus Dominus in suo

Summa Euang.  
807.

Chres uenit ad iuan-  
dos afflictos.

Profectio



LOCVS.

608 DOMINICA XII. POST

in suo officio, & quàm auidè sitierit salutem nostram. Locus ostendit, quòd etiam gentes uelit suorum beneficiorum fieri participes. Venit enim querere quod perierat.

Iam primam doctrinam uideamus. Adducunt ei surdum & mutum : & deprecantur eum, ut imponat illi manus. Hic duo obseruanda sunt: Primùm, quid faciāt hi baiuli. Deinde quid petant. Baiuli faciunt. Quid faciunt? Apportant ad Christum surdum & mutum. His paucis uerbis Christiana uita describitur : quam descriptionem rectè intelligere nostra interest, ut possimus illorū exemplum dextrè imitari. Primùm. n. Christum agnoscunt Messiam: Deinde fidem in ipsum habent: utrumq; declarant hoc facto. Nemo enim Christum accedit ut saluatorem, & eum inuocat, nisi qui in ipsum credit. Vt enim nemo credit, nisi qui audit: ita nemo inuocat, nisi qui credit, Rom. 10. Hac ratione fides concepta ex uerbo uitæ, est Christianorum salus.

Fidei fructus  
triplex.

Descriptio  
uitæ Christi-  
anæ.

Est ne ociosa hæc fides? Non. Hic eius triplex fructus indicatur. Primus est confessio: nam hic suo facto & uoce consentitur Christum. Quemadmodum enim corde creditur ad iusticiam: ita ore fit confessio ad salutem. Secundus est inuocatio Christi. Sunt enim fides et inuocatio ita connexæ, ut citius calorem ab igne separet, quàm eas à se inuicem diuellas. Tertius fructus fidei est dilectio fraterna, quā hi baiuli corde, opere, et ore declarant, hunc afflictum & miserum Christo apportantes.

Vides



Vides iam quales fuerint hi baiuli: uides ne totam uitam Christianam in illorum facto, tanquam in tabella depictam? Sed quare hoc factum & scriptum est: ut ego & tu habeamus exemplum pietatis erga Deum & caritatis erga proximum. Hæc est forma ueræ Christianæ uitæ. In Christum itaq; cum his nos credere oportet: Christum cum his confiteri necesse est: eundem cum his inuocare fides postulat: proximum præterea horum exemplo corde, ore & opere, diligere & iuuare decet. Quodnam, quaeso, maius dilectionis opus, quam hominem captiuum sub Diaboli potestate, afflictum & miserum, & coram hominibus spretum extremq; contemptum adducere ad Christum, et tantam curam pro aliena salute suscipere?

Hic discant diuites, pauperes, nobiles, ignobiles, ciues & rustici quid illos deceat, modò non frustra Christianum titulum iactare uelint. Vnusquisque pro ratione suæ functionis conetur quàm plurimos Christo adducere, eum inuocare, & sollicitudinem piam suscipere pro aliorum salute.

Hic oritur quæstio. Hic surdus fidem nō habuit: non enim potuit uerbum audire, unde fides concipitur: sanatur tamen à Christo ob alienam fidem: uidetur ergo quòd homo aliena fide saluari possit. Respondeo, Christus aperit linguam muti, et inuocatus dat infirmo fidem, quam nactus infirmus sua propria, non aliena fide saluatur. Deinde discernendum est inter corporalia beneficia & salutem eternam

Oratio & alijs ualeat. v. 14.  
foli 626 compon doctrina.

Exemplum pietatis  
& caritatis.

Vtrum aliqua fide  
sanatus Simelius



eternam. Corporalia beneficia pii possunt etiam impijs à Deo impetrare: salutem autem non possunt ipsis impetrare, nisi ipsi quoque prius fidem ex uerbo Dei conceperint. Nisi enim pii impetrare possent impijs beneficia corporalia, non posset stare mundus in hoc tantorum scelerum & scandalorum diluio.

Hæc dicta sint de facto horum baiulorum, & eius utili imitatione: iam quid à Christo petierint uideamus. Deprecabantur eum (inquit textus) ut imponat illi manum: nam per impositionem manuum obseruauerunt Christum antea multis contulisse sanitatem. Verum ut istum ritum nos intelligamus, quatuor de impositione manuum sunt obseruanda.

1. Quam antiqua sit hæc consuetudo impositionis manuum.
2. Quorum fuerit alijs manuum imponere.
3. Ad quid & in quem finem manus impositæ sint.
4. Quæ sit manus ratio symbolica.

Quantum ad antiquitatem ritus imponendi manus attinet, scriptura ostendit, quod à Patribus sit hæc consuetudo accepta. Legimus enim Gen. 48. quod Patriarcha Iacob manus imposuerit filijs Ioseph, Manasseh et Ephraim. Quæ consuetudo postea lege Iudeis commendata est: & peruenit hic ritus usque ad tempora Christi, qui et ipso usus est, & usum illius ad Apostolos suos transmisit. Quod autem manuum impositione coniuncta fuerit oratio, patet

Baiuli quia QUID  
à Christo petierunt

Antiquitas ritus  
imponendi  
manus.

Impositio manus  
coniuncta fuit  
oratio.



tet ex 19. cap. Matth. ubi scribitur, quod oblatis sint pueri Christo, ut manus eis imponeret & oraret.

Habemus quàm sit antiqua consuetudo manuum impositio: iam quorum fuerit alijs imponere manus uideamus: id quod ex facto Iacob & aliorum colligitur. Mos enim fuit ut maiores minoribus, parentes liberis, sacerdotes populo manus imponerent. Fuit enim solennis ceremonia, quæ penes illos erat, qui præeminebant autoritate.

Sed quem in finem iste ritus institutus erat? quintuplex finis à scriptura colligi potest. 1. Quod benedicendi seu orandi causa factum sit, ut Matt. 19. & Marci 7. ostenditur. 2. Offerendi causa: solebant enim sacerdotes manus imponere capitibus uictimarum. 3. Sanandi gratia, sicuti Christus sæpè suas manus imposuit sanaturus, qui sibi offerebantur. 4. Vt precando conferretur Spiritus sanctus, ut in Actis Apostolicis legimus. 5. In consecratione ministrorum uerbi manus imponebantur ijs, qui ordinabantur ad ministerium.

Iam de symbolo manuum nonnihil adiiciamus. Qui benedixerunt impositis manibus, fungebantur uice DEI: manus significabant auxilium & fauorem DEI: impositio manuum significabat eum, cui imponebantur manus, esse sub fauore & protectione Dei, & benedici à Deo. In benedictionibus optabatur auxilium & fauor Dei: in sacrificijs hostiæ dicabantur Deo: in sanationibus manus DEI se exeruit, dum sanitati restituit sua poten-

q 2 tia

Quorum fuit impositio manus.

Im quem finem instituta impositio.

Symbolum Impositionis.

4  
10 11 12



612 DOMINICA XII. POST

tia ægrotos: similiter in donationibus S. sancti, manus significabant præsentiam Dei: in consecrationibus sacerdotum, hæc erat significatio impositionis manuum, quod qui ordinabantur, dicarentur Deo tanquam hostiæ, probarentur Deo & ordinarentur ad opus diuinum. Hæc sint dicta de primo loco, nempe de facto horum baiulorum, & impositione manuum: nos autem obseruemus breuiter, quid confirmet hic locus, quid confutet, & cuius nos moneat. Confirmat quod filij Dei spiritu Dei ducantur, et exerceant se pietate et caritate. Confutat eos, qui fidem inanem iactant sine uera pietate erga Deum, & caritate erga proximum. Monet nos, ut præstemus opera fidei interna & externa, modo uelimus inter filios Dei censer.

DE SECVNDO.

Secunda doctrina, quam proposui, est de facto & miraculo Christi. Vt autem hoc factum intelligamus, quædam sunt de miraculis Christi obseruanda. Prophetæ, Christus et Apostoli ediderunt miracula, ut doctrinam, quam docuerunt, confirmarent à Deo esse, et ut homines conuicti miraculis de ueritate Dei, crederent et credentes saluarentur. Hos præcipuos fines fuisse miraculorum ostendit Ioannes Euangelista cap. 2. ubi ita ait: Hoc principium signorum fecit Iesus in Cana Galilææ, et manifestauit gloriam suam, & crediderunt in eum discipuli. Hic duo signantur fines: gloria Christi, et fides Apostolorum. Gloria aut Christi potentiam diuinam

Tunc miracula  
horum



diuinam, affectum erga genus humanum, & offici-  
um doctrinae; ipsius certitudinem complectitur.  
Verum discernendum est inter Prophetas, Aposto-  
losq; & Christum. Prophetæ & Apostoli non sua  
uirtute ediderunt miracula, sed diuina Christi uir-  
tute, cuius spiritus per os eorum loquebatur. Chri-  
stus uero sua propria potentia edidit miracula.  
Quare ut Prophetæ & Apostoli suis miraculis  
declarârunt se fuisse Christi seruos: ita Christus suis  
miraculis se Dominum et Deum ipsorum ostendit.  
Verum si quæris, cur hodiè non etiam edantur mi-  
racula à ministris uerbi: scies quod miracula, post-  
quam confirmarunt gloriam Christi, & ueritatem  
Dei, defuncta sint suo munere: quare non amplius  
sunt expectanda miracula, sed contenti esse debe-  
mus doctrina Prophetica & Apostolica, quam  
Deus olim multis confirmauit miraculis. Hæc sint  
de miraculis dicta in genere: Nunc ad hodiernum,  
miraculum descendamus, in quo sunt multe cir-  
cumstantiæ obseruandæ, quarum singula singula  
rem doctrinam & admonitionem continent.

PRIMA: Christus apprehendit eum de  
turba seorsim. Sed quare hoc fecit? propter duo:  
scilicet tempus et significationem. Propter tempus  
quidem, quia nondum uoluit suum regnum propa-  
gari toti mundo. Nōdum enim peregerat hostiam:  
nondum fregerat interstitium, quod erat inter Iu-  
daeos et gentes: quod postea factum est, quando ar-  
mauit discipulos hoc mandato: *Ite in mundum uni-*  
*uersum,*

Prophetæ & Apostoli  
miracula edi-  
derunt.

Christus miracu-  
la edidit.

Cum hodiè non  
edantur mi-  
racula.



uersum, prædicare Euangelium omnibus gentibus. Propter significationē uerò, quia qui Christū desiderat medicū, debet à turba malignantium discedere. Nulla enim est consensio Christi cum Belial.

SECUNDA: Miliit digitos suos in aures eius. Hoc sanè non frustra factum est. Nam & eo signo declarauit precium carnis suæ quam assumpsit, ut eius uictima humanum genus restitueretur pristinae sanitati, quam per peccatum amiserat, & significat suū uerbum nec audiri nec intelligi posse, nisi aures digito Christi aperiantur, id est, nisi Spiritus sanctus cordis nostri aures aperiat.

TERTIA: Et expuens tetigit linguam eius. Hoc symbolo significat & loquendi facultatem à se esse, et quòd per media uelit in Ecclesia esse efficax.

QUARTA: Suspexit in cœlum. Hoc gestu significat suum animum ad Patrem cœlestē eleuatum esse, quem precatus est non solum pro hoc: sed pro omnibus afflictis. Oratio. n. non est tam oris sonus, quàm cordis supplex eleuatio ad Deum: quæ cordis eleuatio symbolo oculorum suspiciētium in cœlum significatur. Vnde Dauid: Ad te Domine leuauimus oculos meos, qui habitas in cœlis. Cuius et nos monemur cum dicimus: Pater noster qui es in cœlis

QUINTA: Ingemuit. Magnum certe necesse est esse, propter quod tantus heros ingemiscat. Non ergo solum in hunc mutum, quem unico nutu liberare à suo malo poterat, respexit: sed intuetur



tuetur in hæc<sup>5</sup> quinq; .1. peccatum, quod causa est omnium calamitatum in humano genere. 2. in tyrannidem Diaboli, qui ita oppresserat genus humanum: cum qua tyrannide se bellum initurum no- uit. 3. in legis maledictionem, quam in se reciperet, quod nos absoluamur à reatu. 4. in amarissimam su- am mortem, quam erat perpeffurus pro toto huma- no genere. 5. in maximæ partis mundi ingratitude- nem, præuidebat enim, quod multi suum benefi- cium essent contemnturi prorsus: multi ignauia sua essent neglecturi: adeò ut minima pars mundi sua beneficia in salutem amplecterentur.

SEXTA: alloquitur hunc mutum & dicit, Ephata, hoc est, tu aperire. Non frustra hic Mar- cus hebraica uoce usus est. Hac enim uoce primùm indicat Christus, quæ sit sua diuina potentia, qui uerbo et imperat, & facit quæ uult: unde fides no- stra non solum de diuinitate Christi confirmatur: uerumetiã omnes eos in tuto esse intelligit, qui sub eius imperio sunt, & se eius fidei committunt. 2. hac uoce indicatur quanta sit uerbi Dei efficacia, præsertim ubi uera fide apprehenditur. 3. quod ne- mo saluari possit sine Christi uerbo, quo imperat nobis quæ decent à nobis fieri. 4. hoc mandato A- PERIRE significat, quod uoluntas hominis re- quiratur in salutis negocio, non quod uoluntas non reformata manu DEI possit, aut uelit: sed ne, cum mouetur & formatur à Spiritu sancto, Spi- ritui sancto repugnet. 5. quod opus salutis sit to-

q 4 tum





161 DOMINICA XII. POST  
tum Christi, non hominis, quemadmodum Hebraei  
cum uocabulum indicat.

SEPTIMA: Et statim apertæ sunt aures  
eius, & solutum est uinculum linguæ eius, &  
loquebatur rectè. Hoc ipsum miraculum est &  
beneficium Christi erga hunc afflictum hominem.  
Quo miraculo indicatur, q̄ ad iussum Christi et ad  
prædicationem uerbi ipsius soluamur à catenis di-  
aboli, ne amplius illis constricti teneamur. Hoc mi-  
raculum, ut summam repetam, confirmat quòd  
Christus & possit & uelit iuuare omnes afflictos,  
qui ad se afferuntur et suam opem implorant. De-  
struit eorum errorem, qui Christum tanquam seue-  
rum iudicem fugientes sanctos inuocant. Monet  
præterea nos, ut in calamitatibus constituti ad  
Christum solum fide & inuocatione fugiamus.

DE TERTIO.

Et præcipit illis ne cui dicerent: Quanto  
autem magis eis præcipiebat, eò magis præ-  
dicabant & admirabantur. Christus prohibet  
ne patefacerent hoc factum: huius mandato obtine-  
perasse oportuit: Quare bonum, quod secutum est,  
non illorum inobedientiæ, sed Christi bonitati ad-  
scribendum est. Voluit enim hoc factum latere us-  
que ad suam resurrectionem.

Sed quis fructus manauit ex hoc Christi mira-  
culo? Primum spectatores conceperunt fidem in  
Christum. Deinde prædicabant hoc factum et De-  
um glorificabant: quæ Dei glorificatio ultimus fi-

nis



nis est omnium operum Christi. Sed quid est Deum  
prædicare? Dei prædicatio oritur ex noticia Dei,  
que in his sita est: ut rectè iudices de diuina sub-  
stantia & diuinis personis, ut statuas eum fontem  
omnium bonarum: ut ad eum per Christum confu-  
gas in omni necessitate: ut palam tuam fidem cum  
his confitearis: ut tuo exemplo præluceas alijs, quò  
multi tuo exemplo moti ad Christum confugiant,  
cui cum Patre, & Spiritu sancto sit honor in se-  
cula, Amen.

DOMINICA XIII. TRIN-  
NITATIS, Lucæ 10.



q 5. Conuer-



**C**onuersus Iesus ad discipulos seorsim,  
 dixit: Beati oculi, qui uident, quæ uos  
 uidetis. Dico enim uobis, quod multi Pro-  
 phetæ & reges uoluerunt uidere, quæ uos  
 uidetis, & non uiderunt, & audire, quæ uos  
 auditis, & non audierunt. Et ecce quidam  
 legisperitus surrexit, tentans illum, dicens:  
 Magister, quid faciendo uitam æternam pos-  
 sideo? At ille dixit ad eum: In lege quid scri-  
 ptum est? Quomodo legis? Ille respondens  
 dixit: Diliges Dominum Deum tuum ex to-  
 to corde tuo, & ex tota anima tua, & ex to-  
 tis uiribus tuis, & ex tota mente tua: & pro-  
 ximum tuum sicut teipsum. Dixitque illi:  
 Rectè respondisti, Hoc fac & uiues. Ille au-  
 tem uolens iustificare se ipsum, dixit ad Ie-  
 sum. Et quis est meus proximus? Respon-  
 dens autem Iesus dixit: Homo quidam de-  
 scendebat ab Hierosolymis in Hiericho, &  
 incidit in latrones, qui etiam despoliauerunt  
 eum uestibus, ac uulneribus inflictis, abie-  
 runt semimortuo relicto. Accidit autem ut  
 sacerdos quidam descenderet eadem uia, ui-  
 soque illo, præterijt. Similiter & Leuita, cum  
 iret iuxta locum, cum accessisset ac uidisset  
 eum, præterijt, Samaritanus autem quidam  
 iter faciens, uenit ad eum, & uiso eo, miseri-  
 cordia motus est, & accedens obligauit uul-  
 nera eius, infundens oleum ac uinum, & im-  
 ponen-



ponens illum in suum iumentum, duxit in diuersorium, & curam eius egit. Et postero die egrediens, depromtos duos denarios dedit hospiti, & ait ei: Curam illius habe, & quodcunq; præterea infumseris, ego cum rediero, reddam tibi. Quis ergo horum trium uidetur tibi proximus fuisse illi, qui incidit in latrones? At ille dixit: Qui exercuit misericordiam in illum. Ait igitur illi Iesus: Vade & tu fac similiter.

## ENARRATIO TEXTVS.

**D**ve sunt partes huius Euangelij: in quarum priori agit Christus cum suis discipulis de uera beatitudine, docetq; in qua re ea consistit, nimirum in sui cognitione: in posteriori disputatur de recta uia uitæ æternæ, de lege Dei, de dilectione Dei & proximi: ubi paradiigmate proposito docet, quis sit proximus habendus.

## Loci quatuor.

- I. Quæ sit uera beatitudo.
- II. Questio Legisperiti de consequenda uita æterna, cum Christi responsione.
- III. Summa capita legis diuinæ.
- IIII. De parabola, qua docetur, quis sit nobis proximus.

## DE PRIMO.

Iesus conuersus ad discipulos seorsim, dixit: Beati oculi qui uident quæ uos uidetis: Dico enim uobis, quod multi &c. Hic docet  
Christus



Christus, quænam sit uera beatitudo, & quodnam sit uerum & solidum gaudium hominis in hac uita, uidelicet uidere filium Dei. Si ergo soli illi sunt beati, qui filium Dei uident, sequitur nullos suis operibus & meritis beatitudinem consequi. Quare hæc Christi uisio meritò expetenda est.

Verum sciendum, dupliciter filium Dei uideri, nempe in hac uita & futura. In hac uita uidetur tripliciter. 1. carnaliter tantum. 2. carnaliter & spiritualiter simul. 3. spiritualiter tantum.

Carnaliter tantum uidit maxima pars Iudaice gentis, quæ tamen damnata est: proinde carnalis Christi uisio non est per se salutaris: imò cedit potius in maiorem damnationem. Herodes uidit Christum, Pilatus similiter, Iudas & Caiphas, & multi impij alij, quorum interitus docet non esse salutarem uisionem Christi externam, ubi non est uera fides in Christum.

Carnaliter et spiritualiter simul uisus est Christus à Magis, Maria, Simeone, Zacharia, Zachæo, Apostolis, et multis alijs, quorum uisio fuit illis salutaris, quia non solum Christum externis oculis uiderunt, sed etiam lumine cordis: quod manifestè conspicitur in illa muliere, quæ Christi pedes lotos lacrimis suis abstersit capillis, quæ à Christo audit, peccata sua esse remissa, propter fidem quam in ipsum habuit. De hac uisione præcipue loquitur hic Dominus, cum ait: Multi Prophetæ & Reges cupierunt uidere quæ uos uideris, & non uiderunt.

Spiri-



Spiritualiter tantum uidet Christum, omnis qui credit in eum: Ita enim Christus ipse interpretatur, cum dicit: Sicut Moses exaltauit serpentem in deserto: Ita oportet exaltari filium hominis, ut omnis qui credit in eum non pereat, sed habeat uitam eternam: Sic uidit Christum Abel in suo sacrificio: sic Abraham, de quo testatur Christus, dicens: Abraham uidit diem meum & gauisus est. Sic hodie nos Christum uidemus quotquot in ipsum credimus. Quod autem, qui ita Christum uident, sint beati, testatur hoc dictum Domini ad Thomam: Beati qui non uiderunt & crediderunt. Nam in Euangelio ipsum uidemus, ubi facie ad faciem nobis apparet, ut in imaginem eius transformemur.

Hactenus de primo genere uisionis et eius partibus, quo Christus in hoc mundo uidetur? Altera uisio sequitur, quæ est in futura gloria, ubi illum perfectissimè uidebimus, & perpetua letitia afficiemur fruente ipsius dulcissimo conspectu.

Sed qua de causa pronunciat beatos qui Christum uident? Primum, quia Christus est uerbum uite, sine quo nulla est salus expectanda. Hoc. n. uita uerbum ab æterna morte liberat credentes. Nam ut qui Christum non uidet et potissimum oculis fidei, in carcere & sub manu Diaboli manet: ita qui Christum uidet, uictor est mundi, atq; omnium malorum, iuxta illud Iohannis: Hæc est uictoria, quæ mundum uincit, fides uestra. An non uidemus multos pios malè in hac uita habere & rapi ad grauissimam





622 DOMINICA XIII. POST  
iustissima supplicia? Respondeo. Sunt beati propter  
eventum. Est enim futura letissima liberatio ab om-  
nibus malis, quibus pii obruuntur in hac uita.  
Ideo Christus dicit in Mattheo: Beati qui lugent,  
quoniam consolationem accipient.

DE SECVNDO.

Quidam legis interpretes surrexit, tentans  
eum & dicens: Magister, quid faciendo, ui-  
tam æternam possidebo? Ille respondit: Dili-  
ges Dominum Deum tuum &c. Et ut in Mat-  
theo habetur: Si uis ad uitam ingredi, serua man-  
data. Vt hoc Christi responsum rectè intelligamus,  
obseruandum est, esse duo genera hominum, cum  
quibus Christus agit. Quidam enim sunt hypocri-  
tæ: quidam agunt seriam pœnitentiam. Hypocrite  
superbi & tumidi opinione propriæ iusticiæ, pu-  
tāt se non opus habere Christo: atq; ideo eum per-  
sequuntur: nunc tentando illum: nunc calumnian-  
do ipsius doctrinam: nunc persequendo ipsum. Hi  
cum quæruūt uiam salutis, monstrat eis legem, &  
dicit: Si uis ad uitam ingredi, serua mandata. Qui  
uero pœnitentiam agunt, & quæruūt à Christo  
salutis uiam, non mittuntur à Christo ad Legem  
& Moysen, sed ad se eos recipit, & iubet eos in se  
credere. Quod cum faciunt donat eis suam iusti-  
ciam, ne maledictioni legis sint obnoxij. Hoc ex-  
emplis illustrabimus. Phariseus de quo nuper au-  
diuimus, iustus sibi uisus est, sed iniustus à Christo  
est pronunciatus, eò quod legis iusticiam, quam ia-

Etita-



Attulit, non habuit. Contra, Publicanus qui peccata sua secum in templum attulit, quæ illic deflet, & confugit ad misericordiam, iustus descendit in suam domum. Si iustus, uitæ quoq; æternæ hæres erat. Apud Matthæum interrogat Legisperitus Christum & dicit: Quid faciam ut possideam uitam æternam? Respondit Christus: Si uis ad uitam ingredi, serua mandata. Contra, miser Latro peccator in cruce agit pœnitentiam, & ex fide inuocat Christum, cui Christus dicit: Hodie eris mecum in Paradiso, id est, in uitæ æterna. In hoc Euangelio accedit etiam Legis interpres, tentaturus Dominum & ait: Quid faciendo uitam æternam possidebo? Cui Dominus respondit: Diliges Dominum Deum tuum, & proximum sicut teipsum. Quod perinde est, ac si dixisset: Si uis ad uitam ingredi, serua mandata. At mulieri peccatrici Lucæ 7. ait: Fides tua te saluam fecit. Atq; ita Christus cum duobus generibus hominum agit, pro quorum uarietate monstrat rectam in cœlum uiam.

Quare uiam per Legem monstrat, cum nemo unquam per illam uiam possit in cœlum uenire? Quia est uia rectissima in cœlum, iuxta illud: Qui fecerit ea homo, uiuet in eis. Hanc ergo monstrat Christus suis contemtoribus. Quicumq; enim Christum contemserit, aut peribit æternum, aut Legi satisfaciet, quod est illi impossibile. Deinde est alia uia in cœlum, quæ tantum patet ijs, qui in Christum, qui est uia in cœlum, credunt.

DE





Diliges Dominum Deum tuum ex toto corde tuo, & ex tota anima tua, & ex totis uiribus tuis, ex tota cogitatione tua: & proximum tuum sicut teipsum. Hæc est summa Legis diuinæ & epitome Decalogi. In utroq; horum præceptorum quatuor sunt spectanda. 1. Affectus qui ab homine requiritur erga Deum & proximum. 2. Obiectum, nempe Deus & proximus. 3. Causæ obedientiæ seu dilectionis Dei et proximi. 4. Modus dilectionis.

Affectus, quem requirit Lex, est dilectio, quæ placere non potest, nisi sit sincera & careat omni hypocrisi. Nihil enim potest placere Deo quod est fucatum: quia ipse est absq; omni fūco, sanctus, purus & sincerus.

Obiecta, hoc est, res circa quas uersari debet affectus dilectionis sunt Deus & proximus.

Causæ dilectionis Dei & proximi proponuntur in præcepto. Deus enim diligendus est, quia est Deus & Dominus noster: proximus uero, quia est proximus noster.

Modus dilectionis etiam exprimitur: Deus. n. ex toto corde, ex tota anima, ex tota cogitatione est diligendus: proximus est diligendus, ut te ipsum diligis. Verum, quæ breuiter notauimus, fufius sunt explicanda.

Dilectio seu caritas in genere est intimus affectus rem quampiam amanter et beneuolè complectendi,



stendi, adeo ut animus eius studio ardeat, cupiatq;  
ei quam optime. Hæc caritas duplex est: Vnâ Dei  
erga creaturam, Altera creaturæ erga Deum, &  
alias res. Dei erga creaturam caritas rursus est du-  
plex. Vna uniuersalis, qua complectitur omnem  
suam creaturam, eam sustentat et continet, ut suum  
statum tueatur: hæc caritas dicitur etiam uniuers-  
alis misericordia. Altera est peculiaris, qua Deus  
ex intimo cordis affectu Ecclesiam suam caram  
habet in Filio: hæc motus Filium dedit, iuxta illud:  
Sic Deus dilexit mundum, ut Filium suum unige-  
nitum daret: hæc motus Spiritum sanctum donat:  
hæc motus conseruat Ecclesiam: Breuiter, hæc cari-  
tas facit, ut se totum suæ Ecclesiæ donet. Huius di-  
lectionis Dei cogitatio consolabitur nos contra  
sententiam Legis, contra acerbitem crucis, con-  
tra tentationes in mortis articulo. Hæc etiam dile-  
ctio Dei facit, ut Deus castiget suos filios & rur-  
sus afflictos sanet.

De caritate Dei erga creaturam dixi: Iam se-  
quitur de caritate creaturæ erga Deum & homi-  
nes, atq; res alias. Hæc caritas est affectus intimus,  
quo Deus diligendus est ab homine, & secundum  
Deum proximus, perinde ut nos ipsi. Est itaq; &  
hæc creaturæ caritas duplex: Vna qua Deum pro-  
sequimur: altera qua creaturam. Ea autem caritas  
qua creaturas complecti nos decet, plures habet  
gradus: quorum primus est, quo fratres necessitu-  
dine spiritus Christi nobis coniunctos diligimus.

r Secun-





Secundus, quo eos, qui aliqua necessitudine carnali nobis deuncti sunt, prosequimur. Tertius, quo relictos quos ignotos amamus. Quartus, quo inimicis bene facere laboramus. Quintus, quo reliquas creaturas singulas pro suae dignitatis statu complectimur.

*Causa dilectionis  
Dei*

Quae causae sunt dilectionis Dei, seu cur Deum diligemus? Et si satis ex precepto cognosci potest, tamen altius causas repetam & distinguam. Dilectio itaque hominis erga Deum 1. accenditur ex memoria beneficiorum Dei erga nos, & ex cogitatione immensae dilectionis ipsius, qua nos prosequitur. 2. augeri debet ex uiuo sensu fauoris Dei erga nos, quem omni momento experimur. 3. in primis inflammari debet ex spe & fiducia promissorum bonorum. Hae causae sunt in uerbis his: Dilige Dominum Deum tuum. Est Dominus, id est, defensor: Deus, gubernator & saluator: Tuus, ut omnia bona ab eo expectes.

*Modus dilectionis*

Habemus utcumque qualis res sit dilectio DEI, qua homo Deum diligere debet. Deinde, & causas uidimus: sed modus dilectionis quis est? is in textu expressus est his uerbis: ex toto corde tuo, ex tota anima, ex totis uiribus, ex tota cogitatione. Hec uox T O T O tria significat, quae coniuncta esse debent caritati hominis erga Deum. Primum, quod caritas hominum erga Deum debeat esse perfecta: deinde, pura: tum, perpetua. Ex toto ergo corde Deum diligere dicuntur, qui perfecte, pure, & perpetuo ardent dilectione Dei: ita ut illi



non solum timeant, in illum solum cōfidant, in illū solum spem collocent. Ex tota anima dicuntur diligere Deum homines, cū ipsorum uoluntas eius uoluntati diuinæ perfectē, purē, & perpetuō in omnibus respondet: id quod precamur fieri, cū dicimus: Fiat uoluntas tua. Ex totis uiribus diligitur, cū omnia membra interiora & exteriora perfectē, purē, & perpetuō se ad obsequendum Deo conuertunt. Ex tota cogitatione diligitur, cū nullum interuallum sentitur, quo nō diligitur Deus purē, perfectē, & sanctē. Hic modus est solide dilectionis Dei, quæ in nullo mortalium unquam fuit post lapsum, nisi in solo Christo: licet quedam eius tenuia principia sunt in renatis. Cuius signa sunt quatuor.

PRIMUM, obedientiam erga Deum omnibus rebus mundi anteferre, iuxta illud: Qui diligit me, praecepta mea seruabit, & Pater meus diliget eum.

SECUNDUM, reuerenter in timore Dei sacra mysteria tractare.

TERTIUM, exemplo alios ad diligendum Deum inuitare.

QUARTUM, ipsum proximum propter Deum diligere. Vbi hæc quatuor concurrunt, illustra habes signa incoatæ caritatis erga Deum: quæ indies in renatis noua incrementa sumere debent.



Dixi de primo capite Legis, nempe de dilectione erga Deum: nunc de secundo dicam, uidelicet de dilectione proximorum. De qua hæc tria obseruentur: Cause dilectionis, modus, & ordo. Cause due sunt precipue: Vna mandatum Dei: Altera natura, quia homo homini proximus est. Mandatum Dei est, ut diligamus alter alterum. Christus precipit: Diligite uos inuicem. Huic mandato non obedire grauissimum scelus est. Altera causa est natura, uidelicet quod homo homini sit proximus, idq; multis modis: Ratione creationis: ratione similitudinis: ratione regenerationis: ratione communis uitæ: & ratione futuræ gloriæ, de quibus coniunctionis gradibus nuper dictum est.

Quomodo diligendus est proximus? Respondet Dominus: Dilige proximum tuum ut te ipsum. Quomodo autem quisq; seipsum diligit, à se ipso discat.

Ordo dilectionis antè indicatus est, ut maxime diligantur, qui nobis spiritu Christi cōiuncti sunt. Deinde secundo loco, qui nos aliqua necessitudine carnali attingunt. Tertiò, inimici etiam diligendi sunt, quemadmodum Christus docet Matth. 5. & Christus hinc paradigmate proposito, explicat: Hæc sint dicta de Legis duobus capitibus, quibus neminem plenam præstare obedientiam posse manifestum est: & nuper quatuor rationibus ostendi.

Neq; tamen ideo frustra hæc lex est proposita. Primum enim hinc docemur, qualis fuerit integer homi

Causa dilectionis.

fol. 573.

Fol.  
596  
537  
Lex proposita



hominis status ante lapsum. Tūc n. homo potuit  
 huic legi satisfacere. Deinde hīc intelligimus quan- **II**  
 ta sit deprauatio naturæ, cū uidemus quā pro-  
 cul absumus à perfecta legis obedientia. Tūc mone- **III**  
 mur, ut cognita imbecillitate et immunditia nostra  
 confugiamus ad Christum, qui est perfectio legis  
 in iusticiam omni credenti. Ad hæc, erudimur quis **IIII**  
 sit finis legis, & quæ sint summa capita religio-  
 sita, in qua nos exercebimus. Postremò hinc admo- **V**  
 nemur, ut cogitemus, qualis sit futura obedientia  
 sanctorum angelorum et hominum in uita æterna.

## DE QVARTO.

Ille autem uolens iustificare seipsum, dixit  
 ad Iesum: & quis est meus proximus? Cum  
 hic Legis interpret aliud responsum accepisset  
 quàm expectauit, ne confusus uideretur tacere, o-  
 pinione iusticiæ legis tumens quærit, quisnam sit  
 suus proximus: cui longè aliud responsum dat Chri-  
 stus, quàm expectauit: & ut eliciat confessionem  
 ab ipso Legisperito, proponit longam parabolam,  
 & ait: Homo quidam descendeat à Ierusa-  
 lem in Iericho &c. Sed cū omnis homo alteri sit  
 proximus, cur non simpliciter respondit. Homines  
 omnes sibi inuicem sunt proximi? Hæc responsio  
 uisa fuisset & faciliior & breuior? hoc fecit Do-  
 minus, ut corrigeret malam Phariseorum & Le-  
 gisperitorum interpretationem. Hi enim inter-  
 pretabantur legem hoc pacto. Dilige amicum tu-  
 um, & odi inimicum tuum. Horum ergo iudicio,

r 3 qui



qui amici erant, sibi etiam proximi iudicabantur: quem errorem Christus Matth. 5. refutat, & docet inimicos etiam diligendos esse. Quia igitur de amicis conuenit inter Christum & Legisprimum, nam uterq; confitebatur amicos diligendos esse. Christus conatur efficere, ut Phariseus inimicos in numero proximorum confiteatur. Omnes enim homines aut amici, aut inimici nobis sunt. Amicos pro proximis habere fatetur Phariseus. Verum quia de inimicis est questio, Christus proponit parabolam hanc de Iudæo & Samaritano, hoc est, de duobus, qui acerrimi hostes ex professione fuerunt. Iudæus enim extremè odit Samaritanum, & tanquam canem habebat: nec Samaritanus hoc ignorare potuit. Sed quid fit? Iudæus incidit in latrones, spoliatur, uulneratur, relinquitur semiuiuus. Venit hic Samaritanus post Iudæos, qui uulneratum præterierunt, & non moti sunt eius calamitate, & fert misero opem: præstat ei caritatis officia, imponit eum in iumentum suum, portat in diuersorium, habet eius curam: transigit cum hospite, ut illum amanter & benè foueat: promittit se soluturum si quid ultra in eius curationem exposuerit. Quis horum, inquit Christus, uidetur tibi fuisse proximus illi: Leuita'ne qui præterierat? an Sacerdos, aut hic Samaritanus? Respondit Phariseus: Qui fecit misericordiam in illum. Et ait illi Iesus: Vade & tu fac similiter. Fatetur Phariseus Samaritanum præstitisse



stitisse sancio caritatis officia, ideoq; proximum  
eius rectè dici. Vnde conficitur hæc responsio,  
quòd omnis homo sit homini proximus. Verum ut  
deprimat supercilium Pharisei, iubet illum ire &  
imitari Samaritanum: quo dicto ostendit Pharisæum  
procul abesse à perfectione legis. Quare nos Sa-  
maritanum imitemur quantum possumus per Chri-  
sti gratiam, cui cum Patre suo & Spiritu  
sancto sit honor, laus, & gloria in  
secula seculorum, Amen.

DOMINICA XIII. TRI-  
NITATIS, Luc. 17.



Factum est, dum iret IESVS Hierosoly-  
mam,

4  
10 11 12



mam, transibat per mediam Samariam & Galilæam. Et cum ingrederetur quendam vicum, occurrerunt ei decem viri leprosi, qui steterunt procul, intentaque voce dixerunt: Iesu præceptor, miserere nostri. Quos ut uidit, dixit illis: Ite ostendite uos sacerdotibus. Et factum est, ut inter eundem mundati sint. Vnus autem ex illis, ut uidit quod mundatus esset, regressus est, cum magna uoce glorificans Deum. Et procidit in faciem ad pedes eius, gratias agens ei. Et hic erat Samaritanus. Respondens autem Iesus, dixit: Nonne decem mundati sunt? Nouem autem illi ubi? Non sunt reperti qui redierint, ut darent gloriam Deo, nisi hic alienigena. Et ait illi: Surge, uade, fides tua te seruauit.

## ENARRATIO TEXTVS.

**S**umma huius Euangelij est, quod Christus sit uerus Messias, Deus & Homo, qui sola sua potenti uoluntate potest iuuare quos uult, uult autem iuuare omnes, qui ad se confugiunt, quemadmodum horum decem leproforum exemplum ostendit. Hos enim non contemnit, ut multi alij, sed suum paternum erga eos animum declarat, dum inuocantes sanat et liberat à morbo cum scdissimo, tum contagiosissimo. Neque aliter affectus est erga ullos, quam erga hos miseros, modo horum exemplo ipsius opem implorent. Discamus ergo & nos intuentes in hos leprosos, qualem habeamus Pontificem,



cem, nimirum non solum talem, qui nostris afficiatur calamitatibus: uerum etiam eum, qui potenti sua uoluntate, quos suam sentit implorare opem, iuuare possit, et ab omni miseria uindicare. Quem admodum enim discedentes hos, imò iam absentes purgat: ita etiamsi coram non aspiciatur, iuuare potest: Quare accedamus ad eum firma fiducia in omnibus necessitatibus nostris, certi quòd sinus auxilium inuenturi in tempore opportuno. Hæc breuiter sint dicta de summa & usu huius Euangelij.

## Loci tres.

- I. De his decem Leprosis.
- II. Cur eos mittat Dominus ad Sacerdotes.
- III. De gratitudine huius Samaritani, & ingratitudine nouem reliquorum.

## DE PRIMO.

In prima huius Euangelij doctrina, quam de leprosis proposui, hæc ordinè dicam: quàm contemti fuerint leprosi in populo Israëlítico: quid horum factum nos doceat: quomodo multi spiritali lepra infecti opus habeant medico Christo: & quid ex Christi facto de ipsius affectu erga nos colligamus.

Leprosi apud Iudeos immundi habebantur, & indigni qui inter Israëlitas uersarentur, idq; propter foedissimum et contagiosissimum morbum, quo contaminati erant: & circumferebant ex mandato legis diuinæ signa opprobrij & luctus, quibus admonebantur suæ impietatis et flagitiorum, propter quæ in talem miseriam incidissent. Numeran-

r s tur



tur aut in Leuitico quinque notæ, per quas ab alijs hominibus dignoscantur, ne ipsorum contagione polluerentur. Vna, fuit uestis dissoluta. Altera detectum caput. Tertia, os uelatum. Quarta, habitatio ab hominum consuetudine separata. Quinta, publica proclamatio, qua immundi proclamabantur, ut qui indigni essent, qui inter Israelitas conuersarentur. Hic facile est cogitare, in quanto dolore fuerint, & quam misera fuit illorum conditio: tamen in his malis positi confugiunt ad Christum. Vnde nos remedia contra triplicem tentationem colligamus, quarum prima prouenit ex cogitatione miserie & sceditatis peccati nostri. Secunda ex indispotione nostra, quod non simus satis compositi ad compellendum tantum Heroa, hoc est, Saluatorem nostrum Iesum Christum. Tertia manat ex cogitatione meritorum, quæ nulla habere nos animaduertimus. Exemplo enim horum Leprosorum non finimus nos his rebus absterri, quod minus ad unicum nostrum medicum & saluatorem confugiamus.

Iam uideamus quid hi decem Leprosi fecerint. Cum ingrederetur (inquit textus) Dominus in uicem quendam, occurrerunt ei decem uiri Leprosi, qui steterunt à longè, & leuauerunt uocem, dicentes: Iesu præceptor, miserere nostri. Hic habemus exemplum in Leprosis ueræ humiliationis, fidei, inuocationis & confessionis.

Quod stent à longè humiliationis signum est: nam propter morbum suum, & morbi causam peccatum



eatum se in animo prosternunt coram Deo, agnos-  
cunt suam miseriam, peccati turpitudinem, iustis-  
simam legis sententiam damnatoriam aduersus se:  
atq; ita uerè humiliantur coram Deo: quæ humili-  
atio primus est gradus ad gloriam, sicut superbia  
primus gradus est ad ignominiam, quod & Domi-  
nus ipse testatur, cum ait: Omnis qui se exaltat, hu-  
miliabitur, qui autem se humiliat, exaltabitur. Ho-  
rum ergo exemplum & nos imitemur, et nos pro-  
sternamus in uera pœnitentia coram Deo: quod si  
fecerimus, fiet nobis secundum Christi dictum: Qui  
se humiliat, exaltabitur.

Quod accedunt Christum, fidei testimonium Fides  
est, quam ex auditu fame ipsius habuerunt. Audi-  
uerunt enim absq; omni dubio hanc dulcissimam uo-  
cem Christi, qua tam paterne omnes ad se inuitat,  
et omnibus suam gratiam offert: Venite ad me om-  
nes, qui laboratis & onerati estis, & ego reficiam  
uos, & inuenietis requiem animabus uestris. Hanc  
uocem: Venite omnes qui laboratis, audiuerunt, &  
conceperunt spem, ut se non excluderet, qui se om-  
nibus benignè offerret. Quare concepta fiducia,  
erigunt se & Christum accedunt. Horum exemplo,  
quo paterna promissio confirmatur, & nos excite-  
mur ad benè sperandum de Christo in omnibus no-  
stris ærumnis.

Huius fidei fructus sequitur inuocatio. Ita enim Fructus Fidei.  
orant: Iesu præceptor miserere nostri. In hac sua  
ardentissima oratione, Primum agnoscunt se nulla  
habere



habere merita: sed potius horrenda peccata. Nam qui dicit MISERERE, nullum iactat meritum, nullam sentit dignitatem, imò potius confitetur suam indignitatem, & se agnoscit indignum beneficio. Deinde in hac oratione agnoscunt Christum uerum Messiam esse, uictorem mortis & omnium calamitatum: agnoscunt ipsum mitem & misericordem, qui afflictis non addit afflictionem, sed potius medetur afflictis & eos sanat. Hoc exemplum orandi & nos imitemur, & uerè Christum talem cogitemus & inuocemus, qualem illum in hac sua oratione describunt.

Exemplum confessionis.

Habemus etiam in his leprosis exemplum confessionis, quæ nunquam potest ab oratione auelli, et sanè confessio Christi non carebat periculo eo tempore. Potentissimi enim & sapientissimi persequuntur Christum, & confessionem eius prohibuerunt, quemadmodum legimus Iohannis 6. Vbi Pharisei obiurgant cæcum, cui uisum restituerat Dominus, propterea quòd Christum sit confessus. Verum nos imitemur exemplum horum leprosororum. Nam tametsi grauis uideatur afflictio, quæ propter confessionem subeunda est: tamen salus, ad quam tendit confessio, maior & certior est, quàm ut ulla terribilitas ab ea deficiamus.

Lepra Spiritu-  
lis quid?

Dixi de lepra corporali, & horum leprosororum laudabili factò: nunc breuiter lepram spiritualem describam, & eius remedia tradam. Lepra spiritualis est labes & contagio mentis, cordis & affe-  
et uim



Autum hominis: ita ut nulla pars in homine sit pura  
 & munda. Hæc lepra habet etiam notas suas, quarum  
 prima est separatio à domesticis Dei & cœtu  
 sanctorum Angelorum & hominum. Secunda est  
 caput detectum, hoc est, nuditas à donis Spiritus  
 sancti, plena opprobrio: de qua apud Ezechielem:  
 Nuda eras & confusione plena. Tertia, est os ue-  
 latum, hoc est, fœdus halitus & spiritus pestifer  
 pessimorū colloquiorū, quæ ex impuro proueniunt  
 corde. Quarta, habitatio ab hominum consuetudi-  
 ne separata, qualis est diuitis Epulonis, qui habitat  
 procul à beatorum domo. Quinta, publica procla-  
 matio, hoc est, legis maledictio, quæ publicè procla-  
 matur in omnes, qui non agunt pœnitentiam, hoc  
 est, in spiritualiter leprosos.

Sed quid est remedij contra hanc lepram spiri-  
 tualem? nulla humana arte est curabilis. Vnicus est  
 medicus qui eam purgare potest, qui est Iesus Chri-  
 stus: ad quem si leprosus uenerit, & se coram illo  
 humiliauerit, inuocans eum & petens sanationem,  
 mox hic sapientissimus medicus sanguine suo pri-  
 mum abluit sordes huius spiritualis lepræ: deinde  
 suo spiritali oleo fouet affecta membra, donec ple-  
 nè sanantur. Hic igitur adeundus est fidei pedibus:  
 huius pharmacum, quod uoce Euangelij offertur,  
 cordis ore, id est, fidei recipiendum est: & ab eo  
 impetrandum est oleum illud efficax, quo uires  
 amisse reparantur: atq; cauendum ita, ne hoc sa-  
 lutari pharmaco uerbi Dei, & oleo salutari Spiri-  
 tus



tus sancti amissis, rursus in lepram incurramus: quod si fecerimus, difficilior erit postea curatio. Nam postquam aliquis morbus nimis altas radices egit, maiori cum difficultate curatur.

## DE SECVNDO.

Quos ut uidit, dixit eis: Ite & ostendite uos sacerdotibus. Quos solo nutu abeuntes sanauit, hos ad sacerdotes mittit: qui tametsi improbi et auari erant, tamen ministerio fungebantur diuinitus instituto. Sed quare illos ad sacerdotes mittit? multæ & magnæ causæ fuerunt.

*Cur ad Sacerdotes  
leprosi mittuntur.*

PRIMA, ut ita probaret fidem illorum, an suo uerbo & promissioni crederent. Solet enim Deus uarijs modis suorum in fide constantiam explorare: non quidem in eorum damnum aut malum: sed ut fides explorata, & ueluti igni tentationum decocta fiat probatior. Ita Abrahami fides est explorata, dum iubetur ire mactatum unigenitum filium: sic explorata fides mulieris Syrophœnissæ, & multa sunt exempla, ut Iob, Ioseph, Dauid & aliorum omnium.

SECVNDA, ut hoc suo facto ministerium publicum diuinitus ordinatum approbet. Habebant enim Sacerdotes mandatum cognoscendi & iudicandi de lepra: qui benè purgatos reciperent in coetum publicum, alijs exclusis. Nam si secus fecisset, uideretur Mosaicam Legem uiolare, ad quam non soluendam, sed implendam præstandamq; uenerat.

TER.



TERTIA, quia lex & sacerdotium fuerunt testimonium de Christo, quemadmodum ipse ait: Lex & Prophetae ferunt testimonium de me. Nam quod sacerdotibus iniunctum erat, ut iudicarent de lepra, accepta oblatione pro leprosi sanati purgatione, typus fuit uirtutis Christi, qui non solum de lepra iudicare, sed eam emundare potest: idque proprii corporis uictima & precioso sanguine.

QUARTA, ut ex miraculo discerent sacerdotes uerè aduenisse Messiam. Sic enim prædixit Esaias, quod Christus suam præsentiam declararet stupendis miraculis, inter quæ etiam numeratur hoc, quod cæcos illuminaret & leprosos purgaret. Sacerdotes igitur, uiso hoc miraculo diuino, debebant ex prophetia Esaiæ conclusisse, Iesum filium Mariæ uerum fuisse Messiam olim Patribus promissum, præsertim cum omnes prophetiæ de aduentu Christi in hoc tempus collimarent.

QUINTA, ut sacerdotes hoc miraculo conuicti de Aduentu Christi ueri Messie, mitterent suos auditores & populum ad Christum corporum & animorum medicum peritissimum: quod tamen non fecerunt, ne quid suo quæstui discederet. Habent multos æmulatores hoc tempore, præsertim in Papatu.

SEXTA, ut hi leprosi testimonio sacerdotum recepti, suam gratitudinem ostenderent erga Deum & ordinarium ministerium.

Ceterum præter has ueras causas, propter quas



quas misit Christus hos leprosos ad sacerdotes, Pa-  
 pistæ finxerunt aliam, nimirum, ut sacerdotib. con-  
 fiteamur peccata nostra, enumeremus omnia pec-  
 cata cum omnibus suis circumstantijs: quod sane  
 impossibile est. Textum proinde hunc detorquent  
 Papistæ in peregrinum sensum, et sua allegoria fa-  
 bricant laqueos, quibus miseræ conscientie horri-  
 biler constringuntur. Atq; ita ex consolantissimo  
 Evangelio conscientiarum carnificinam faciunt.  
 Quid? Non ergo priuata confessio est retinenda?  
 Est sanè: sed non propter hanc allegoriam: neq;  
 more Papistico, qui omnium peccatorum enume-  
 rationem tanquam iudices exigunt, & negant ul-  
 lam fieri remissionem, si non fiat plena enumeratio  
 peccatorum, quæ nemo, ut testatur David, intelli-  
 git, tantum abest, ut ea quis enumerare possit.

*Auricularis confessio  
 retinetur.*

Sed quæ sunt causæ, cur retinetur confessio au-  
 ricularis in nostris Ecclesijs: Propter eius utilita-  
 tes, quæ sunt maxime.

PRIMA, ut in priuato isto colloquio insti-  
 tuantur rudes & ignari, qui opus habent instru-  
 ctione in Catechismo.

SECUNDA, ut in ea iuuenū et adolescentum  
 exploretur profectus. Nam boni est pastoris non  
 solum publicè pietatis doctrinam tradere: uerum-  
 etiam eius officium requirit, ut Pauli exemplo do-  
 mi experiatur, quousq; sui auditores in pietate pro-  
 fecerint. Nam in isto priuato colloquio segnes sti-  
 mulis excitabit: eorum, qui multum profecerunt  
 diligenter



diligentiam laudabit & ad similem perseverantiam excitabit.

TERTIA, in hoc priuato colloquio exigitur ratio fidei ab ijs, de quorum fide ac religione iusta potest haberi dubitatio.

QUARTA, in eo colloquio infirmæ conscientie doctrina, consilio & consolatione iuuantur, præsertim cum aliquo scrupulo conscientie perplexæ teneantur. Hi enim sibi rectè consulunt, si ad suos pastores se recipiunt, ut erigantur ac consolationem capiant.

QUINTA, tametsi qui uerè in Christum credit, absolutus est à peccato: nam cum peccatum sit defectus à lege Dei & uoluntate, cum obligatione ad eternam mortem & damnationem, absolutus absq; dubio est omnis, qui credit promissioni gratiæ, iuxta illud: qui credit in Filium, habet uitam eternam: ex quo sequitur ueram absolutionem esse liberationem hominis credentis, ab obligatione ad eternam mortem & damnationem: tamen prodest etiam omnibus priuatim audire Euangelium, quo annunciatu ministri ore remissio peccatorum credentibus & hereditas regni cœlorum, Nam tum demum aperitur regnum cœlorum, quando Euangelium prædicatum fide recipitur.

## DE TERTIO.

Vnus autem ex illis, uidens quod mundatus esset, regressus est cum magna uoce, glorificans Deum, & cecidit in faciem ante lectum,



sum, gratias agens. In hoc Samaritano uidemus pulcerrimum gratitudinis & gratiarum actionis exemplum. Verum, ut nos eius excitetur exemplo, dicam nonnihil de uera gratiarum actione hoc ordine. Primum, quæ sit, & quas habeat causas. Deinde, quæ ad eam requirantur: & Postremo, pro quibus rebus gratias agere nos oporteat.

Quantum ad primum attinet, uera gratiarum actio est agnitio & confessio beneficiorum acceptorum, unâ cum gratitudine mentis & predicatione bonitatis Dei. Hoc clarè in Samaritano nostro apparet: agnoscit se mundatum à sua lepra: hoc publicè confitetur: ac grata mente ad Christum reddit, ei gratias pro beneficijs agens & predicans eius bonitatem. Hæc uera gratiarum actio habet causas. 1. noticiam Dei beneficientis. 2. noticiam sui. 3. perceptum beneficium. 4. affectum ardentem fide & predicatione Dei, quæ omnia uidemus in hoc Samaritano. Huc accedunt exempla, quæ ad hanc gratitudinem nos excitabunt.

Habemus quæ sit gratiarum actio, et quas habeat causas: iam quæ ad eam requirantur uideamus. Requiruntur autem duo. 1. uirtutes quæ nunquam à uera gratiarum actione separari possunt. 2. legitimus modus gratiarum actionis. Virtutes præcipue sunt duæ: ueritas & iusticia: Veritas, ut candidè & apertè agnoscit benefactorem Deum (ut hic Samaritanus facit) ita excludit hypocrisin & mendacium. Hypocrisin quidem, ut non ore tantum

agas



agas gratias, ut Phariseus fecit, sed mente & uoce simul. Mendacium quidem, ne Deo ascribas successum in rebus turpibus: ut si latro uellet Deo gratias agere pro optimo spolio, & adultera pro leprodo amatore. Iusticia excludit superbiam & abusum rei: & econtrà admonet gratitudinis, humiliatio- nis & inuocationis.

Modus agendi gratias & huius Samaritani exemplo, & hoc Pauli dicto: Gratias ago Deo per Iesum Christum, satis indicatur. Cum enim ait Apostolus per Iesum Christum, Primum significat, quod in gratiarum actione fides debeat prælucere. Deinde ut agnoscamus nos per Christum accepisse beneficium. Tum, ut omnia ad gloriam Dei referamus. Postremò, ut & sciamus nostram gratitudinem per Christum placere, & quod accessum habeamus ad Patrem per eundem Iesum Christum, ut pro acceptis beneficijs gratias agamus.

Iam quæstio sequitur, pro quibus sint agenda gratiæ. Iob pro plagis acceptis agit gratias: hinc Samaritanus pro plaga ablata agit gratias: Vnde sequitur, quod & pro malis & pro bonis sint agenda gratiæ, sed diuersimodè.

Pro malis quidem cum ages gratias, ut pro cruce & alijs ærumnis, quatuor facies. 1. onus pre- mens admonet te peccati & pœnitentiæ. Nam est testimonium iudicij Dei propter peccatum. 2. crucem & quamuis aliam calamitatem accipies tanquam optimi Patris uirgam, erudiantis te &



castigantis, ne cum emorigeris pereas. 3. pro hac paterna castigatione agas serio Deo gratias. 4. supplex petes aut liberationem à premente onere, aut mitigationem cum conditione non impedita glorie Dei & propriæ tuæ salutis.

Pro bonis ages gratias cum perpetua gratitudinis promissione. Hæc de uera gratiarum actione dicta sint. Sed, propter dolor, unus ex decem redit, alij nouem accepto beneficio abeunt ingrati. Vnde Dominus: Nonne decem mundati sunt, & nouem ubi sunt? non est inuentus qui rediret & daret gloriam Deo, nisi hic alienigena. Hic uides exemplum horrendæ ingratitude eorum, qui recens accepti beneficij sunt obliti. Tales sunt plerique in mundo. Sed quid illis factum est? excussa fide, manserunt in damnatione, cum interim hic Samaritanus audit: Surge, uade, quia fides tua te saluum fecit. Hunc et nos sequamur ad nostrum saluatorem unicum, qui est Christus Dominus, cui cum Patre suo & Spiritu sancto sit honor, laus & gloria in secula seculorum, Amen.

## DOMINICA XV. TRINITATIS, Matth. 6.

**N**emo potest duobus Dominis seruire, Aut enim hunc habebit odio, & alterum diliget: aut huic adhærebit, & alterum negliget. Non potestis Deo seruire & Mammonæ;





monæ. Propterea dico uobis, ne sitis solliciti  
uitæ uestræ, quid esuri sitis aut bibituri, neq;  
corpori uestro, quib. indumentis usuri. Non  
ne anima pluris est, quàm cibus, & corpus  
pluris quàm iudumentum? Vertite oculos  
ad uolatilia cœli, quia non serunt, neq; me-  
tunt, neq; conuehunt in horrea, & Pater ue-  
ster cœlestis alit illa. Non ne uos longè præ-  
cellitis illas? Quis autem ex uobis sollicitè co-  
gitando, potest addere ad staturam suam cu-  
bitum unum? Ac de indumento quid solici-  
ti estis? Cognoscite Lilia agri quomodo  
crescant, non laborant, neq; nent, attamen di-  
co uobis, ne Salomonem quidem in uniuersa

f 3 sa glo-



sa gloria sua sic amictum fuisse, ut unum ex his. Quod si gramen agri, quod hodie cum sit, cras in clibanum mittitur, Deus sic uestit, An non multò magis uobis id faciet, ô parum fidentes. Ne sitis igitur solliciti, dicentes, quid edemus, aut quid bibemus, aut quibus operiemur? Nam omnia ista gentes requirunt. Nouit enim Pater uester cœlestis, quod opus habeatis his omnibus. Quin potius quærite primùm regnum Dei, & iusticiam eius, & hæc omnia adiicientur uobis. Ne sitis igitur solliciti in crastinum, nam crastinus dies curam habebit sui ipsius. Sufficit sua diei afflictio.

## ENARRATIO TEXTVS.

**H**OC Euangelium pars longè istius concionis est, quam Christus habuit coram discipulis suis, Matth. 5. 6. & 7. cap. In qua parte auariciam et diffidentiam damnat, ut quæ stare non possunt cum cultu Dei. Nemo enim, inquit, potest duobus dominis seruire. Deinde multis argumentis à providentia Dei sumtis dehortatur à profana & Ethnica cura rerum huius uitæ: quæ cura partim oritur ex ignorance providentiæ Dei, partim ab innata diffidentia. Postremò suis firmam et certam regulam præscribit: Quærite primùm regnum Dei, & cætera adiicientur uobis. Verum, ne quis ignauie hoc dictum patrocinari existimet, addit: Sufficit enim diei malicia sua. Hæc



Hec Euangelij summa est: nunc quosdam locos proponemus, qui sunt.

- I. Sententia Domini: Nemo potest duobus dominis seruire.
- II. Quanta sit prouidentia & cura DEI pro nobis.
- III. Mandatum & promissio Christi: Quærite primum regnum Dei, & cætera adijciuntur uobis.

## DE PRIMO.

Nemo potest duobus Dominis seruire, Aut enim unum odio habebit, et alterum diliget, &c. Per duos Dominos, quibus Christus dicit neminem seruire posse, intelligere debemus res duas, quæ ita sibi inuicem sunt aduersariæ, ut unâ esse nequeant: sed ubi una earum fuerit, alteram cedere necesse sit. Qualia sunt, exempli gratia, uicia & uirtutes: cœlestia & terrena: caro & spiritus: uerus cultus Dei & idololatria, sub qua continetur auaricia: Deus et diabolus. De quib. Paulus ita pronunciat: quæ est conuenientia Christi & Belial? Quod aut nemo possit huiusmodi dominis seruire, in promptu est ratio: quia contraria imperant & exigunt à suis seruis: idcirco si huic obtemperas, mox facis contra alium, & contrâ. Populus Israël (sicut habetur 3. Reg. 18.) uoluit Domino uero Deo seruire & Baal simul: quorum errorem corrigens Helias Propheta, ait ad eos: Vt quid claudicatis in duas partes? Si Dominus est Deus, sequimini eum:

§ 4 si alia



si autem Baal, sequimini eum, quasi diceret: Vos  
 uultis duobus Dominis seruire, qui uobis contraria  
 imperant, quod fieri non potest absq; alterius con-  
 temtu. Nam cum Baal colitis, Deum fœdo adulterio  
 offenditis. Hoc uicium in eodem populo reprehendit  
 Hoseas Propheta. Sed homines ita sibi consul-  
 tum uolunt. Ethnici quidem Deum & Diabolum  
 coluerunt: illum album, hunc nigrum pingentes:  
 interrogati cur istud facerent, responderunt. De-  
 um colimus, ut nobis beneficiat: Diabolum uero ue-  
 neramur, ne nobis malè faciat. Ad eundem modum  
 hodiè quidam superstitionem Papisticam retinent  
 magna ex Parte, & nihilominus uerbum Dei &  
 ueram religionem se amplecti simulant. Hodiè nos  
 auariciæ & uentri seruire uolumus, & simul nos  
 ueros Dei cultores esse gloriamur. Verùm hoc fieri  
 non potest. Qui Diabolum colit, Deo renunciat:  
 qui Papisticam idolomaniam amplectitur, fontem  
 uerbi Dei turbauit: qui auariciæ seruit, Dei cultor  
 esse nequit: id quod Dominus in hoc Euangelio po-  
 tissimum monstrare constituit. Qui sic? quia Pau-  
 lus Timotheo scribens, ait: Qui uolunt discere,  
 incidunt in tentationes & laqueos Diaboli, & de-  
 sideria multa & inutilia & nociua, quæ mergunt  
 homines in interitum & perditionem. Radix enim  
 omnium malorum auaricia: quàm quidam appe-  
 tentes aberrârunt à fide, & inseruerunt se dolori-  
 bus multis. Hic Paulus graphicè ingenium auariciæ  
 depingit, cum qua ex diametro pugnat pietas &  
 cultus



cultus Dei. Habent enim contrarios effectus. Qui auariciae seruit, incidit in laqueos Diaboli: qui Deo seruit, perrumpit laqueos Diaboli: Auaricia demergit hominem in interitum & perniciem, cultus Dei inde liberat: auaricia à fide abducit, cultus Dei in fide retinet: auaricia implicat hominem doloribus multis, cultus Dei hominem ad aeterna gaudia introducit: Auaricia est radix omnium malorum, cultus Dei est fons omnium bonorum. Non igitur mirum est quòd Christus dicat: Nemo potest Deo seruire & Mammonæ. Nam inter se pugnant & diuersa sectantur studia. Deus imperat, ut consulas commodis fratris tui: sed auaricia suadet, ut tibi uiuas, ut in diuite Epulone uideamus. Deus imperat, ut ex tuis facultatibus largiaris egenti: Mammon iubet ut per fas & nefas rapias aliena. Deus uult, ut sis sobrius: Mammon imperat luxum & uoluptates. Verùm hìc notandum est, quòd Dominus non neget aliquem posse habere diuitias, & simul seruire Deo. Nam Abraham habuit diuitias, Dauid, Ioseph in Ægypto, Ezechias, Iosias, Theodosius, Cornelius et multi alij, qui nihilominus Deo seruiuerunt. Quare? quia non seruiuerunt diuitijs, sed diuitiæ ipsis famulabantur. Ideò Dominus disertè dicit: Nemo potest seruire Deo & diuitijs. Seruire diuitijs quid est? Est cor apponere, ut Dauid loquitur: est per fas & nefas opes cumulare: est cum iniuria opes proximi retinere, & non iuxta Dei consilium istas compensare, est diuitia-

s s rum

I Tim. 6

Occupationi occupa-  
rit

Seruire diuitijs  
quid.



rum cumularum gratia à fide & timore Dei deficere, & uarias cumulandi diuitias uias querere. Verum cum auaricie præcipua causa sit prophana sollicitudo uentris, Christus istam causam conatur auellere. Imitatur enim peritos medicos, qui cum morbum aliquem curare instituunt, indicato morbi periculo, radices & causas morbi prius expellere satagunt.

## DE SECVNDO.

Ne sitis solliciti uitæ uestræ, quid manducetis, neq; corpori uestro quid induamini. His uerbis Christus non prohibet piam & sanctam curam, sed Ethnicam & prophanam. Ne igitur quis putet hoc Domini dictum patrocinari sordis: dicam pauca (priusquam ad argumenta uenero, quibus nos Dominus uocare à prophana illicita cura conatur) de cura licita & illicita. Necesse est enim hic cautum esse, & diligenter alteram ab altera distinguere. Nam ut nulla maior pestis est ueri cultus Dei, quam Ethnicam & prophanam cura & sollicitudo: ita nihil magis optandum, quam ut unusquisque sollicitè ambulet coram Deo in uocatione sua. Sciendum est igitur triplicem esse curam: Vna prophana est & Ethnica: Altera necessaria & sancta. Tertia mixta ex illis. Media est non solum licita: sed sancta & necessaria, adeo ut qui hanc non habeat, inter filios Dei censeri nequeat.

Impia seu Ethnica & prophanam sollicitudo & cura



cura est, quæ oritur ex diffidentia & providentia Dei ignorantia. Hæc Ethnica cura in Euangelio hodierno uoce filij Dei damnatur, & interdicitur filiis Dei multis adhibitis argumentis, quemadmodum postea uidebimus. Hæc cura prophana & prohibita interdum carnis dicitur, cum quia ex carnis corrupto iudicio sine fide proficiscitur, tum quia scopum habet carnalem, nimirum presentis uitæ quietem & securitatem.

Solicitudo, quam dixi necessariam, piam & sanctam, sine qua nemo potest censerī inter filios Dei, commendatur nobis scripturæ testimonijs & multis sanctorum exemplis. Rom. 12. dicitur: qui præest in solitudine. 1. Timoth. 5. Si quis suorum & maxime domesticorum curam non habet, fidem abnegauit, & est infideli deterior: Abraham, Isaac, Iacob piam suæ familiæ curam habuerunt: Ioseph in Ægypto septem annorum curam pie in se recepit ad imperium Pharaonis, postquam prædixisset de septem fertilibus annis, & alijs septem sterilibus, qui fertiles illos sequerentur: Daniel in Babylonia: pij Reges & Propheta in populo Dei non tanta gesserunt sine hac sancta cura. Paulus 2. Corinth. 11. Coloss. 2. Thess. 2. suam sollicitudinem pro Ecclesia testatur: sic Reges pro suis regnis, Patres familias pro suis familijs: ministri uerbi pro suis auditoribus: Præceptores pro suis discipulis, Breuiter, singuli in sua uocatione sanctam curam habere possunt, imò debent, si ritè suo functioni offici-



gi officio uelint. Verum ne hæc sancta & necessaria cura ullo uicio contaminetur, sciendū est quinque ad eam requiri: quorum Primum est mandatū Dei. Mens enim pia nihil aggredi debet sine mandato Dei. Honestā igitur erit uocatio, cuius pia & sancta cura esse debet. Deinde, cura illa sancta à fide proficisci debet. Nam sine fide Deo nihil placere potest. Tertiò, quia nisi Dominus custodierit ciuitatem, frustra uigilat qui custodit eam, adhibenda est inuocatio & gratiarum actio. Inuocatio quidem, qua auxilium Dei petamus: gratiarum uerò actio, qua successum Deo tribuamus, & non nostræ prudentiæ aut dignitati. Est siquidem optimum remedium aduersus sollicitudinis Ethnicæ tentationem, precibus ardentibus ad Deum confugere: id quod Paulus docet Philip. 4. his uerbis: De nulla re solliciti sitis, sed in omni re per precationem & obsecrationem cum gratiarum actione, petitiones uestre innotescant apud Deum. Quartò, cura nostra principaliter debet tendere in gloriam Dei. Etsi enim nostræ domus incolumitas spectari potest: tamen principalis finis erit gloria Dei. Quintò, si parum cura nostra & labor uotis respondeat, submittamus nos paternæ uoluntati Dei in uero timore & humilitate, iuxta consilium Petri dicentis: Humiliamini sub potenti manu Dei, ut uos exaltet in tempore exaltationis, omnem sollicitudinem uestram proijcientes in eum, quoniam ipsi cura est de uobis. Et Psalm. 54. Iacta super Dominum

curam



curam tuam, & ipse te enutriet, & non dabit in eternum fluctuationem iusto.

Mixta cura est, quæ partim pia apparet, partim prophana cōvincitur: ut cū curamus quidem quæ officij nostri sunt, id quod Deus à nobis seriò requirit: sed propter innatam in nobis dubitationem de providentia Dei limites transgredimur, ac in officium Dei sacrilegè irrumpimus: ut cū paterfamilias rectè & piè instituit liberos, familiam suā curat, sed nimia trepidatio et anxietas, ad impatientiam impellit, quando uotis nō respondet labor et cura ipsius. Iacet igitur pius hanc curam in Dominum, & strenuè faciat officium, nec sinat suam piam curam Ethnica diffidentia conspurcari, quò abiecta Ethnica diffidentia & anxietate, pax nobis internè constet, ac erga homines simus modestiores & mansuetiores, cum quibus eidem Domino seruiamus, excusso iugo Mammonæ & Ethnicæ sollicitudinis. Hæc dixi de triplici sollicitudine, ut sciamus, à qua Dominus dehortetur nos in hoc Evangelio. Non enim dehortatur à pia & sancta cura, qualem & ipse omnium maximè sustinuit, sed à prophana & Ethnica. Quibus autem id faciat argumentis, id nunc ex textu uidebimus. Ponuntur autem hīc ordinē sex argumenta, quibus confirmatur providentia & cura Dei pro nobis, quare decet ut Ethnicam sollicitudinem, quæ ex ignorance providentiæ Dei proficiscitur, abiciamus.

PRIMUM, Non ne anima plus est quàm esca,



esca, & corpus plus quàm uestimentum: Hoc est, si Deus id quod maius est sine uestra cura dedit, quare non daret quod minus est: si ergo sine uestra cura dedit animam et corpus, quæ magna sunt, cur non daret uictum & amictum, quibus ista indigent, ut persistant et non collabantur, præsertim cum ipse hæc omnia in nostros usus condiderit.

SECUNDVM: Respicite uolatilia cœli, quæ non serunt neq; metunt, neq; congregant in horrea sua &c. Hoc est, Pater cœlestis alit aues cœli, quæ uobis longè sunt inferiores, si dignitatis gradum respicitis, cur non uos, quos ad imaginem suam creauit, aleret. Hoc argumento David se consolatur, dum inquit: Qui dat escas pullis cornuorum inuocantibus eum.

TERTIVM: Quis uestrum cogitans potest adijcere ad staturam suam cubitum unum: & de uestimentis quid solliciti estis? Quasi diceret, uana ista sollicitudo uestra est. Deus dat staturam corporis sine tua cura, cur non daret uestimentum sine prophana diffidentia de Deo, quasi is tibi adesse in tuo labore recusaret.

QUARTVM: Considerate Lilia agri quomodo crescunt. Lilia in agris succum ex terra attrahunt, ita antea disponente Domino: & ita pulchrè uestiuntur, adco ut ne Salomon in omni gloria sua coopertus sit, sicut unum ex istis. Cum hoc Deus præstat Lilijs, quæ breui marcescent, & comburentur, cur non uos uestiret, quos ad æternam uitam creauit

Quin=



QVINTVM: Hæc omnia gentes inqui-  
runt. Quasi dicat, uos olim more gentium ignari  
eratis providentiæ Dei & uacui fide: sed nunc sci-  
tis Deum curam pro uobis habere, cur igitur Eth-  
nica dissidentia necessaria uitæ queritis?

SEXTVM: Scit Pater uester quòd his  
omnibus indigeatis. Hæc diligenter nota. Non  
dicit: scit Deus tremendus Zelotes, conditor cæli  
& terræ, uisitans iniquitatem in filios, sed dicit:  
scit Pater: cuius Pater uester. Qualis? cælestis. Hic  
quia cælestis est, est & optimus & omnipotens &  
sapientissimus: quia optimus, uult dare quæ bona  
sunt: quia omnipotens, potest quæ uult, dare: quia  
sapientissimus, nouit quomodo, quid, & quando da-  
re conueniat.

## DE TERTIO.

Querite primùm regnum Dei, & iustici-  
am Dei, & cætera adhiçientur uobis. In hoc  
breui dicto Christi sunt duo, Mandatum & pro-  
missio. Mandatum quidem est, Querite primùm  
regnum Dei, & iusticiam Dei. Promissio uerò,  
& cætera adhiçientur uobis. Primo ergo loco  
mandatum uideam. Deinde promissionem.

Mandatum est, ut queramus regnum Dei &  
iusticiam Dei. Hic queritur qualenam sit regnum  
Dei, & quæ Dei iusticia. Deinde quis querendi  
modus. Regnum Dei triplex in scriptura est, scili-  
cet: potentie, gratiæ & gloriæ. Potentiæ regnum  
non iubet nos querere, sed gratiæ, unde est tran-  
situs

Regnum Dei  
triplex.



Regnum gratia.

tus ad regnum glorie. Quodnam est regnum gratia? Est in quod ex mera gratia recipimur, dum credimus Euangelio. Nam Euangelium est uelut præconis uox, qua inuitamur ad hoc regnum: de hoc loquitur Christus alibi: Regnum Dei inter uos est. Hoc ergo regnum est gratia Dei, quam Euangelium Christi offert: promissio est ianua: introductio Spiritus sanctus, qui nos sanctificat & regnerat lauacro aquæ per uerbum. Breuiter, hoc gratia regnum est misericordia, remissio peccatorum, gaudium conscientie, liberatio à regno Satane. Quæ est iusticia Dei quam iubet nos querere? ea absq; omni dubio est noua uita et obedientia, quam Deus à filiis suis requirit.

Promissio est: & cætera adijciuntur uobis. Hoc est, quæ pertinet ad huius uitæ sustentationem donabuntur uobis. At Paulus, id quod nemo dubitat, sedulò quæsiuit regnum Dei, qui tamen 2. Cor. II. conqueritur se fame & siti laborasse. Deinde sanctus Iacob laborat frumenti & aliorum uictualium inopia, adeò quod cogatur cum tota familia ire in Ægyptum, ne cum suis fame pereat: uidetur ergo hæc Christi promissio uana esse. Respondeo. Promissio Christi non fallit: ueritas enim mentiri nequit. Nam Christus, qui est medicus noster, non ignorat quando apponenda & quando detrahenda sint remedia. Non tam nostram imprudentiam, quam suam sapientiam consulit. Hoc proinde pro certo habeamus, quòd suos non deseret. Quòd autem nobis aliquan-



aliquando necessaria desunt, multæ sunt causæ. 1. ut exerceamur patientia. 2. ut interdum nostra peccata istis plagis puniantur. 3. quia sæpè superflua querimus, iustè & rectè necessarijs caremus. 4. propter abusum rerum quas habemus. 5. quia non agimus gratias. 6. quia diffidimus Deo. 7. quia interdum bona, quæ accipimus, nostro studio & industriæ magis, quàm Deo donati ascribimus. Quare si uolumus benedictionem Domini, confiteamur & faciamus cū Propheta, qui ait: Tua sunt omnia Domine, & quæ de manu tua accipimus tibi reddimus. Hic ut fatetur Propheta omnia Dei esse: ita omnia in laudem Dei conuertit: quod ut nos quoque faciamus donet nobis Pater cœlestis, per Iesum Christum, cui gloria in secula seculorum, Amen.

## DOMINICA XVI.

TRINITATIS, Luc. 7.

Iesus ibat in ciuitatem, quæ uocatur Nain, & ibant cum eo discipuli eius multi, turbaq; copiosa. Cū autem appropinquaret portæ ciuitatis, ecce defunctus efferebatur filius unicus matris suæ. Et hæc uidua erat, & turba ciuitatis multa cum illa. Quam cū uidisset Dominus, misericordia motus est super eam, dixitq; illi: Noli flere. Et accessit, tetigitq; loculum. Porro qui portabant, subfiterunt. Et ait: Adolescens tibi dico, surge, & re-





& resedit qui erat mortuus, & cœpit loqui, & dedit illum matri suæ. Accepit autem omnes timor, & glorificabant Deum dicentes: Propheta magnus surrexit inter nos, & Deus uisitauit plebem suam. Et exiit hic rumor in uniuersam Iudæam de eo, & omnem finitimam regionem.

#### ENARRATIO TEXTVS.

**P**aulus Apostolus scribēs Romanis dicit: Quæcunque scripta sunt, in nostram doctrinam scripta sunt, ut per patientiam & consolationem scripturarum spem habeamus: Quapropter cum legimus hodiernum Euangelium dulcissimum, sciamus quod non solum ad illam uiduam de Naim pertineat, uerum



uerumetiam ad totum genus humanum. Christus enim in hoc Euangelio testatur de sua diuina potentia, de affectu suo erga afflictos, & de officio suo. Primum siquidem testatur se Dominus omnipotens esse, dum morti quæ est aculeus peccati imperat. Deinde testatur suum affectum erga nos, dum huius mulieris ærumnis afficitur: testatur suum officium esse, ut destruat opera Diaboli. Ideo enim in mundum uenit, quemadmodum Moses, Propheta, ipse Christus et Apostoli testantur. Hæc in genere considerata sunt in hoc Euangelio. Caterum quòd nos inde maiorem percipiamus fructum, tres locos proponam, quos in hac concione tractabo.

- I. Qualis sit affectus Christi erga nos.
- II. Præsentis miraculi declaratio cum suis circumstantiis.
- III. Imago totius generis humani.

## DE PRIMO.

Narrat Euangelista Historiam de quodam adolescente mortuo, cuius funus efferebatur, ut sepeliretur: quòd cum uideret Dominus, misericordia motus est. Nam dum hanc afflictam mulierem intuebatur, altius cogitat. Venit illi in mentem lapsus humani generis, tyrannis Diaboli, calamitatum magnitudo, quibus humanum genus propter peccatum premitur. Cogitat suum officium esse, ut has munitiones Satanae destruat. Vidit enim in hac muliere exemplum humanæ miseriæ, quæ ipsum de lapsu hominis & de suo officio admonuit.



Homo

Christus

Heb. 5

Esa. 49.

Causa dilectionis  
Christi erga nos.

Sapient. 11 cap.

Duo ergo ex hoc loco colligamus: Vnum, quales nos sumus: Alterum, qualis Christus erga nos. Nos sumus reuera miseri afflicti, & damnati, nec possumus nostris uiribus tantis malis eluctari. Christus est Deus & homo: qui uenit, ut saluet quod perijt: qui hic suum affectum declarat erga genus humanum. Neque enim aliter affectus est erga nos, quam erga hanc uiduam. Afficitur huius calamitatibus, afficitur & nostris: hanc iuuat, uult & nos iuuare. Hoc est planè quod Apostolus dicit, Hebrais scribens: Habemus Pontificem, qui condolere potest nostris infirmitatibus. Imò maiorem affectum erga nos habet, quam hæc uidua habet erga unicum suum filium, quem hic plorans comitatur ad sepulture locum. Ita enim Propheta ait: Nunquid potest mulier obliuisci infantis uteri sui, & si illa oblita fuerit, ego non obliuiscar tui.

Sed quæ causæ sunt huius ineffabilis dilectionis Christi erga nos, qui sumus multis sceleribus & sordibus defædatis? certè hic nullum est nostrum meritum nulla ex nobis dignitas: sed sunt quatuor causæ quibus filius Dei mouetur, ut tanta nos complectatur beneuolentia.

PRIMA est affectus paternus: nam ab ipso conditi sumus: proinde iure creationis ipsius sumus. Et tametsi nos plenos sordibus & sceleribus nouit: tamen aliquid de suo in nobis adhuc reperit, nimirum quod simus ipsius creatura. Misereris omnium Domine (inquit sapiens) & nihil odisti eorum quæ fecisti.

SE



SECUNDA, dignitas creationis: nimirum quod ad Dei imaginem conditi simus, iuxta illud: *Faciamus hominem ad imaginem & similitudinem nostram*. Et quia hæc imago ex potissima sui parte abolita per peccatum erat, ipse Dominus uenit, ut eam rursus repararet: quod fit, dum in ipsum uera fide intuentes transformamur in imaginem Dei.

TERTIA, finis creationis. Creati enim nos sumus, ut simus templum Dei, Deum celebrans. Et si autem hoc templum erat iam peccato prophatum, tamen, materia adhuc reliqua erat, ex qua Christus nouum templum extrueret.

QUARTA, destructio regni satanæ, ad quod destruendum Dominus in mundum uenit, & huius destructionis specimen quoddam editum est hoc miraculo. Christus sæpè congressus est cum Satana, sæpè illum in fugam uertit: quem tandem uicit resurgens ex mortuis. Hæc uictoria Christi in extremo die cernetur perfecta, quando extremus hostium mors abolebitur. Hæ quatuor causæ mouerunt Dominum nostrum, ut assumpta carne fieret homo: & in carne, hoc est, in humana natura, in anima et corpore pateretur pro humano genere.

Tametsi autem hic Christi affectus nobis sæpè commendatur uerbo Dei, multis comprobatur miraculis, atq; adeo obedientia ipsius filij Dei, qui obediens fuit Patri usq; ad mortem crucis: tamen tria sunt, quæ nobis aliud persuadere moluntur: Lex, conscientia, calamitatum moles, qua obrui-



mur in hac uita. Hæc enim nos à Christo abiectos clamitant.

## LEX

Lex dicit: Maledictus omnis qui non perman-  
ferit in omnibus, quæ scripta sunt in libro Legis:  
& nemo non est, qui se non uidet infinitis modis  
Legem transgressum esse. Intueamur in Euam,  
quæ ob unum præceptum uiolatum maledictionis  
sententiæ subiacuit. Quid nos, quoties Deum offen-  
dimus?

CONSCIEN  
TIA

D. BERNARD.

Hanc Legis sententiam confirmat conscientie  
trepidatio, quæ est instar mille testium, sicuti in  
Prouerbio dicitur: Conscientia mille testes. Huc il-  
lud Poëtæ. Conscia mens, ut cuiq; sua est, ita conci-  
pit intra pectora, pro meritis spemq; metumq; suis.  
Et diuus Bernardus ait: Mala conscientia delicto-  
rum nostrorum ipsa testis est, ipsa iudex, ipsa tor-  
tor, ipsa carcer, ipsa accusat, ipsa iudicat, ipsa dam-  
nat. Quid queso grauius est, quam talem nocte  
dieq; suo gestare in pectore testem. Huius consci-  
entiæ testimonio multi uicti sibi ipsis uitam ademe-  
runt, dum hanc accusantem & testantem aduersus  
se ferre non potuerunt.

## CRUX

Accedit moles calamitatum, quæ sententiam  
legis & conscientie confirmant. Contrà has tres  
grauissimas tentationes, in uera poenitentia oppo-  
namus Iesum Christum. Is neniit in mundum, ut ma-  
ledictionem legis tolleretur, peccatum aboleretur, om-  
nes calamitates credentium in se, conuerteret in  
gloriam, sed ita tamen, ut omnia ordinatè fiant.

Esi



Est hic desertum uastum, unde transeundum est nobis in patriam. Populus Israël non statim uenit in requiem promissam. Ioseph in Ægypto non sine carcere ad tantam dignitatem peruenit. Christus non sine cruce, morte & sepultura intrauit in gloriam. Quapropter & nos per crucem oportet intrare in gloriam. Ita enim Paulus ait: Si patiemur cum illo, etiam cum illo regnabimus. Qui certamen fugit, frustra coronam expectat. Nemo, inquit Apostolus, coronabitur, nisi qui legitime certauerit. Idem ait: Salui facti sumus spe. Opponamus ergo maledictioni Legis Christum, qui pro nobis factus est maledictum. Opponamus conscientie accusanti Christum absoluentem à peccato. Si Filius uos (inquit) liberauerit, uerè liberi eritis. Opponamus presentibus ærumnis crucem Christi & consilium Dei, qui uult nos esse conformes imaginis Filij sui. Breuitè, in uera pœnitentia & fide confugiamus ad Thronum gratiæ, Dominum nostrum Iesum Christum. In hoc uno inueniemus auxilium in tempore oportuno. Is enim ait omnibus in se credentibus: Noli timere pusille grex, quia placuit Patri dare uobis regnum. Atq; ita non sinamus ullam rem in cœlo, in terra, in inferno, persuadere nobis, quòd Christus sit aliter affectus erga nos, quàm fuit erga hanc uiduam. Proinde hinc discamus longè aliud DEI iudicium esse quàm mundi. Deus & Mediator noster Iesus Christus non reijcit more mundi calamitosos & miser-

t 4 ros,



Doctrina.

ros, sed omnes recipit, quotquot ad se ueniunt, iuxta ipsius promissionem: Venite ad me omnes qui laboratis & onerati estis, & ego refocillabo uos, & inuenietis requiem animabus uestris. Præterea hinc discant uiduæ piæ, qualem habeant patronum, aduocatum & consolatorem: Discant et hinc gubernatores Ecclesiarum, non auersari miseros & calamitosos: discant magistratus Christi exemplo, non spernere, non reijcere, non damnare miseros & calamitosos, sed eos amanter potius fouere & consolari. Deinde discamus nos mutuo caritatis affectu & officijs pijs prosequi. Hæc sint dicta de prima huius Euangelij parte: Sequitur secunda.

## DE SECVNDO.

In præsentis miraculi declaratione multæ circumstantiæ sunt: quarum singule habent suam doctrinam, quare eas ordinè cum suis doctrinis et admonitionibus recitabo.

PRIMA: Cùm efferebatur fuitis, sequebatur uidua mater, & turba ciuitatis cum ea. Hic duo uidemus: quorum primum est, honor & pompa funebris. Honestè demortui corpus deducunt ad sepulture locum: sic & sancti Patres fecerunt. Abraham honorificè suam uxorem sepelivit. Ioseph cum magna turba deducit funus Iacob Patriarchæ. Iacob & Esau honorificè patrem Isaac sepeliunt. Breuiter, apud omnes pios magnus fuit honos sepulture: idq; propter spem resurrectionis corporum, & futuram immortalitatis gloriam.

Hoc



Hoc sanctorum Patrum exemplum imitatur Ecclesia hoc tempore : tametsi multos inuenies, qui suos mortuos abijciunt tanquam cadauera porcorum. In nostris funeribus huiusmodi solennitas adhibetur : Pij presentes sequuntur funus : canitur : pulsatur : prædicatur aliquando.

Qui sequuntur funus, 1. suum amorem testantur erga mortuum. 2. hoc facto edunt exemplum fidei suæ de resurrectione mortuorum. 3. admonentur quòd suo tempore (quando uisum fuerit Domino) sequantur, & his mundi calamitatibus per mortem ualedicant.

Deinde canitur, idq; ut Psalmis pijs consolentur uiui, & ut agant Deo gratias pro eo qui mortuus est, si in confessione uera discessit.

Pulsatur non solum, ut conuocetur populus ad deducendum funus : uerumetiam ut uiui admoneantur tubæ Dei, quæ in extremo die omnes mortui excitabuntur.

Postremò prædicatur, ut qui deducunt funus, aliquid doctrinæ & consolationis contra mortem secum domum reportent. Hæc breuiter sint dicta de prima circumstantia, & de pompa funebri, quæ apud nos seruatur.

SECVNDA, Dominus dicit uiduæ: Non li flere. Hic queritur, num liceat deflere mortuos. Exempla sanctorum & scriptura fletum super mortuos admittunt : Deut: ultimo totus populus in deserto defleuit Moysen mortuum: Abraham defle-

t 5 uit

Sequuntur

Canitur

Pulsatur

Prædicatur



uit Saram uxorem suam: Ioseph uir sanctus multos dies defleuit patrem Iacob: Dauid luget filium Ammon: Iſraël Samuelem: Martha Lazarum. Ipse Dominus etiam defleuit Lazarum. Iesus Syracides capite 38. ait: Fili in mortuum produc lacrimas, & quasi dira passus incipe plorare, & ad iudicium contege corpus ipsius, et non despicias sepulturam ipsius. Sed Ieremias cap. 22. ait: Nolite deflere mortuos. Et Christus hinc dicit mulieri, Noli flere. Has antilogias Paulus conciliat 1. Thes. 4. ubi ait: Nolite autem ignorare fratres de dormientibus, ut non contristemini, sicuti ceteræ gentes, quæ spem non habent. Prohibetur ergo luctus Ethnicus, qui nullam spem habet consolationis per resurrectionem mortuorum: & conceditur luctus moderatus, qualem habent, quibus consolatio est proposita.

Sed dicamus breuiter, postquam in consolationis mentionem incidimus, unde Christiani se consolari possunt in morte suorum amicorum. 1. cogitent uoluntatem Dei cui obtemperandum est. 2. cogitent uniuersalem conditionem. Omnibus enim nobis semel moriendum est. 3. cogitent iusticiam Dei. Quid enim iustius, quàm ut qui dedit uitam, rursus ad se eam recipiat et conseruet, quando uisum fuerit. 4. cogitent Dei sapientiam, qui nouit solus, nobis ne magis expediat uiuere an mori. Multos enim è medio tollit, ne uel ipsi peiores fiant, uel plures arumnas in hac mortali uita perpetiantur. 5. cogitent mortuum liberatum esse ab omni



omnibus ærumnis huius uitæ. 6. cogitent frustra magnum luctum suscipi pro ijs, qui luctu renocari non possunt. Ita Dauid 2. Regum 12. se consolatus est, luxit egrotante puero, quo mortuo surrexit, se lauit & comedit. 7. cogitent immodicè lugentem corpori suo nocere, & ita in Deum peccare. 8. cogitent non mortuo inuidendam immortalitatis beatitudinem. Beati enim, (ait scriptura) qui in Domino moriuntur. 9. Cogitent resurrectionem Christi & nostram, quæ in extremo fiet die. Hæc enim cogitatio commune remedium esse debet, non solum aduersus dolorem, quem pro mortuis concipimus: uerumetiam contra omnes calamitates animi & corporis. Verum obijciat aliquis. Solatio uitæ sum destitutus, ergo non ipsum qui mortuus est, sed teipsum & iacturam, quam inde habes, defles. Naturale est flere. Verum est: sed uncat gratia naturam. Hæc sint breuiter in hac secunda circumstantia addita de consolatione in morte carorum.

TERTIA: tangit Dominus loculum, in quo iacuit hic mortuus: quo tactu indicat suum corpus organum fuisse acquirendæ nobis uitæ ac salutis.

QUARTA: loquitur adolescenti & ait: Tibi dico adolescens, surge. Ita etiam puellam excitauit, ut in Marco habetur: sic & Lazarum quadriduanum, ut est in Iohanne. Hic docemur, quod & Christus sit potentior morte, & quod uerbum ipsius sit uerbum uitæ & salutis.

Quin=



QVINTA: Mortuus surgit ad uocem Christi, & hoc miraculum est. Surrexit qui erat mortuus: cœpit mox loqui: & Dominus dedit illum matri sue.

SEXTA: Accepit omnes timor, & glorificabant Deum dicentes: Propheta magnus surrexit in nobis, & Deus uisitauit plebem suam, & exijt hic sermo in uniuersam Iudæam de eo. Hic duplex fructus miraculi describitur. Vnus attingit præsentis auditores: alter manauit ad alios, ad quos huius miraculi rumor peruenit. Præsentis spectatores hinc fidem conceperunt, unde timuerunt Deum, uero cultu glorificauerunt Deum, agnouerunt Messiam uenisse, quem & confessi sunt. Deinde hic rumor peruenit ad alios, qui fuerunt in Iudæa & finitima regione, qui & ipsi conceperunt fidem in Messiam: Et hodie iste rumor ad nos uenit, unde agnoscamus Christum esse uerum Messiam, esse potentiorē morte: concipiamus in ipsum fidem: prædicemus Deum corde, uoce, confessione & moribus: ita futurum est, ut olim leti per ipsum ad æternam uitam excitemur.

## DE TERTIO.

Diuus Ambrosius imaginem Ecclesiæ hic proponi dicit: quæ quia nostras condiciones pingit, digna est explicatione. Vidua, inquit, significat Ecclesiam: adolescens mortuus quemlibet peccatorem uiuentem sine poenitentia: Loculus notat corpus peccati: Vidua lamentatur suum filium mortuum, hoc



hoc est, Ecclesia ob impœnitentiam sceleratorum lamentatur, et rogat Christum, ut ipsos moueat & ad se pertrahat suo uerbo et spiritu. Christus igitur iubet, ut fistant baiuli. Peccator. n. à quatuor baiulis gestatur ad infernum, qui sunt 1. spes diuturnioris uitæ. 2. consideratio alienæ culpæ. 3. præsumptio diuinæ misericordiæ. 4. adulatio societatis prauæ. Si autem uis resurgere à morte peccati, necesse est ut audias Christum, qui iubet baiulos sistere. Primum ergo depones fiduciam longioris uitæ, quia uita incerta est, sicuti multorum experientia docet: & periculum in promptu est, ut uidere est in diuite Epulone. Deinde non debes alienam uitam tibi proponere imitandam: sed exemplo Abraham Deo te subijcies, confides in illum, emendabis mores, sciens quòd errantium multitudo neminem sit excusatura in iudicio. Non iuuat Adam quòd diceret: Mulier, quam dedisti mihi, dedit mihi de pomo. 3. depone præsumptionem misericordiæ Dei. Nam hæc præsumptio est magnus Dei contemptus, Rom. 2. 4. reiice adulatorem, qui te ad mala sollicitant. Quo factò recumbe in Christum uiua fiducia, & ipse te uiuificabit ad æternam uitam, quam donet nobis Christus, cui sit honor in secula, Amen.

Peccator a quatuor baiulis ad infernum gestatur.

## DOMINICA XVII.

TRINITATIS, Lucæ 14.

**A**ccidit, ut introiret Iesus in domum cuiusdam principis Phariseorum Sabbato





to ad capiendum cibum. Et ipsi obseruabant eum. Et ecce homo quidam hydropicus erat ante illum. Et respondens Iesus, dixit ad Legisperitos & Phariseos dicens: Num licet Sabbato sanare? At illi tacuerunt. Ipse uero apprehensum, sanauit eum ac dimisit. Et respondens ad illos dixit: Cuius uestrum Asinus aut bos in puteum cadit, & non continuo extrahet illum die Sabbato? Et non poterant ad hæc respondere illi. Dicebat autem & ad inuitatos parabolam, intendens quomodo primos accubitus eligerent, dicens ad illos. Cum inuitatus fueris ab aliquo ad nuptias, ne accumbas in primo loco, ne quando ho-



do honoratior te sit inuitatus ab illo, & ueniens is, qui te & illum uocauit, dicat tibi, Da huic locum, & tunc incipias cum rubore extremum locum tenere. Quin potius cum uocatus fueris, uade, accumbe in nouissimo loco, ut cum uenerit qui te inuitauit, dicat tibi, Amice, ascende superius. Tunc erit tibi gloria coram simul discumbentibus. Quia omnis, qui se extollit, deicietur, & qui se deicit, extolletur.

## ENARRATIO TEXTVS.

**O**ccasio huius Euangelij fuit hæc. Christus à Phariseo quodam ad prandium inuitatus, obseruatur à discumbentibus, idq; ideo, ut habeant quod accensent, uel in dictis uel in factis Christi. Hæc enim est improbitas mundi, ut quemadmodum uicia palliant uirtutum larua: ita honesta facta & ueram uirtutem infamia proscindere non uerentur: Tanta est malicia hominum. Verum Christus eorum improbitate nequaquam absterretur, sed obtinet antiquum, ac officium suum exerit è medio hostium, nobis relinquens exemplum, ut in rectè factis non desinamus progredi, etiamsi totum mundum nobis aduersum animaduicerimus. Miserum itaq; hunc Christus sanat, potentiam suam diuinam, promissimam uiuandi uoluntatem erga miseros, & officium suum, ob quod in mundum uenerat, declarans. Deinde ueram Sabbatismi rationem explicat,



plicat, & facto suo ueluti definit uerum Sabbatum. Quare ut simul arguit & Phariseorum superbiam & in scripturis inscitiam: ita ad ueram humilitatem hortatur. Hæc de summa præsentis Euangelij. Loci autem sunt tres.

I. De Sabbato atq; eius ueris operibus.

II. De miraculo, quo confirmatur uerus usus Sabbati.

III. De uera humilitate.

DE PRIMO.

Cum Dominus Sabbato inuitatus esset à quodam Phariseo, & offerretur hydropicus quidam ante illum, querit ab illis, qui sibi plus alijs sapere uidebantur, nunquid liceat Sabbato curare. Ideo autem hanc questionem proponit, quia sicuti alias scripturas suis corruptelis, ita etiam Sabbatismum infecerant Pharisei. Verum quia questio est de Sabbato, nos doctrinam integram de Sabbato proponemus, & quatuor ordine dicemus. 1. cur Deus Sabbatum instituerit. 2. quisnam sit uerus usus Sabbatismi iudaici. 3. qualia nostra festa esse deceant. 4. de ueris Ecclesiæ ceremonijs & earum finibus.

Cur ergo Deus Sabbatum instituit? Quinq; causas præcipuæ numerantur: quarum prima est, ut esset perpetuum symbolum quietis Dei post creationem mundi, quem sex diebus cum omnibus suis ornamentis & contentis creauit. Hæc causa assignatur Genes. 2. ubi Moses ait Dominum præcepisse Sabbatum sanctificari, quia eo die à creatione quiet.

Causa instituti  
Sabbati.



euit: septimus dies est Sabbatum Domini: sex enim  
 diebus fecit Dominus Deus coelum & terram. Se-  
 cunda causa instituti sabbati fuit, ut esset figura et  
 antitypon sabbatismi Christi. Figurabat. n. Sabba-  
 tum, q̄ Christus uerum Pascha et noui coeli et no-  
 ue terræ creator requiesceret in sepulcro die sab-  
 bati, & ageret uerum Sabbatismum. Quapropter  
 seuerè præcepit populo Iudaico ut Sabbatum ob-  
 seruarent. Et sapientiæ suæ consilio inscrutabili or-  
 dinauit, ut Christus uerus agnus Pascalis in ipso  
 die Paschatos mactaretur et occideretur, & pro-  
 ximum Sabbatum requiesceret in sepulcro. Tertia,  
 fuit etiam institutum Sabbatum, ut esset symbolum  
 promissionis. Promisit. n. Deus suo populo Sabba-  
 tismum, id est, requiem. Iesai. 14. Et erit in die illa,  
 cum requiem tibi dederit Deus à labore tuo, & à  
 cōfusione tua, et à seruitute dura, qua antea serui-  
 sti. Triplicem autem requiem expectabit populus  
 Dei. Primam à labore præsentium ærumnarum in  
 hac uita. Secundam à tentationibus quibus nos pro-  
 pria concupiscentia et Diabolus adoritur. Tertiam  
 à seruitute diaboli, ut ille nunquam possit nos re-  
 digere in suam seruitutem, et durum iugum. Quar-  
 ta, ut esset certum tempus docendi, et discendi uer-  
 bum Dei, seu ut esset tempus, in quo fieret publica  
 Religionis professio, in qua pij consolationem ca-  
 perent, & rudes erudirentur ad pietatem. Iesai. 58.  
 Si uocaueris Sabbatum delicatum: tunc delectabe-  
 ris super Domino. Iob cap. 2. 2. Tunc super omni-  
 u                      poten-

Requies triplex.



potentem delicijs afflues et eleuabis ad Deum faciem tuam. Non enim ad ludendum et potandum: sed ad laudandum & orandum Deum institutum est Sabbatum. Vnde Augustinus uerè dicit, tali die minus malum esse arare, quàm ludere. Quinta politica est, quæ populo Dei Deut. 5. commendatur his uerbis: Obserua diem Sabbati, ut requiescat seruus tuus, et ancilla tua et tu. Et postea: non facies in eo quicquam operis, tu, et filius, & filia tua, seruus et ancilla, bos et asinus, & omne iumentum tuum. Atque ita habemus et ueras causas, et uerum usum Sabbati Iudaici. Et si autem Iudaicum Sabbatum unà cum alijs ceremonijs Mosis abolitum est et abrogatum, quantum ad septimæ diei septimanæ obseruationem attinet: tamen quantum ad usum attinet est perpetuum, utpote quod & iuris diuini et naturalis est. Vt enim Deus uult coli & suum uerbum sonare: ita natura dictat omnino necessarium esse, ut sit quoddam tempus sacris rebus destinatum. Neesse est igitur certos ordinari dies, in quibus fiant publici congressus certis horis, & doceatur discaturque uerbum Dei, quò omnia fiant in Ecclesia ordinatè & decenter, ut Paulus Corinth. docet.

Porro in nostris festis duo sunt obseruanda: Vnum quid sit uitandum: Alterum, quid sit faciendum. Vitanda sunt tria. I. Externus labor, idque ideo, ut animus totus possit uacare cultui diuino, hoc est, ut uacet audire uerbum, illud discere & meditari. proinde magistratus officium est curare, ne seruilibus

*Tria sunt uitanda*



libus operib. impediatur cultus Dei isto tempore.

Verum hic sciendum est, quatuor esse exceptiones, *Exceptiones*

que laborantes isto tempore excusant. 1. Neceſſitas: Nam & Dominus excusat discipulos suos uellicantes ſpicas die ſeptimo Mat. 12. 2. Vtilitas Eccleſiæ, ſicut ſacerdotes fecerunt in die ſabbati omnia, que in Eccleſia uidebantur neceſſaria, non impediti ſabbati religione. 3. Proximi utilitas et ſalus, quare et Dominus curat hunc hydropicum die ſabbati. 4. Superiorum autoritas, quibus obtemperandum eſt. Verum superiores caueant, ne ſe ſuperiorem offendant, dum inferiores ſe nimium grauant.

Habemus que ſunt in noſtris feſtis uitada: nunc quid in illis faciendum ſit uideamus. PRIMVM itaq; quoniam Iudei occupati erant in mactandis ſacrificijs et offerendis, mactemus et nos ſacrificia propriorum corporum, & offeramus uitulos laborum noſtrorum: agamus ſeriam poenitentiam: glorificemus Deum corde, ore, confeſſione & moribus: offeramus thymiama cordis noſtri, id eſt, fidem & ſpem: offeramus ſacrificium beneficentiæ, quo ſacrificij genere (ut inquit Apoſtolus ad Hebræos) exhilaratur Deus: ſimus ad dandam Eleemoſynam impigri: foueamus Eccleſiæ imbecillia membra: ſanemusq; ea quantum id fieri poteſt, idq; exemplo Chriſti aliorumq; ſanctorum, qui ſe in ueris ſabbati operibus exercuerunt.

Reſtat ut nonnihil dicamus de cæremonijs. Cæremonie ſunt ritus & ordinationes ad regendam

u 2 Eccle=

Quid nobis ſit faciendum die ſabbati



676 DOMINICA XVII. POST  
 Ecclesiasticam politiam instituta. Hæ si sunt licite  
 (de impijs enim ceremonijs nihil dicam) aut habent  
 apertum uerbum Dei, ut Baptismus et cœna Domi-  
 ni: aut faciunt reuera ad conseruandam doctrinam  
 et politiam Ecclesiasticam, et sunt à Senatu Eccle-  
 siastico ordinatæ, uel à pio magistratu. Hæ ceremo-  
 niæ duos habent fines. Sunt enim ordinatæ decori  
 & ordinis gratia. Decoris partes sunt duæ: Prior  
 est, ut excitemur ad pietatem illis adminiculis: Po-  
 sterior, ut modestia et grauitas in pietatis tracta-  
 tione eluceat. Ordinis partes sunt tres. PRIMA,  
 ut præsidentes habeant certam regulam agendi.  
 SECUNDA, ut auditores assuefiant ad obedi-  
 entiam & disciplinam. TERTIA, ut bene com-  
 posito Ecclesiæ statu paci & tranquillitati consu-  
 latur. Hæc sint breuiter de ceremonijs pijs dicta, et  
 eorum finibus & finium partibus.

DE SECUNDO.

Secunda doctrina, quam proponit hoc Euange-  
 lium, est de miraculo, quo sanatus est hydropicus.  
 In hoc Euangelio sunt quatuor obseruanda: Quæ-  
 stio, sanatio, defensio facti, & usus.

Quæstio ab ipso Christo proponitur, an liceat  
 Sabbato curare. Ad hanc nihil respondent Phari-  
 sei. Si enim negassent licere, uisi fuissent crudeles  
 in miserum hydropicum. Si affirmassent, transgres-  
 sores legis se esse timuissent. Tacent igitur, ut ex-  
 plorent quid Dominus uelit facere. Si non sanasset,  
 dixissent illum uel non potuisse, uel noluisse huic  
 afflicto



afflicto opem ferre. Si sanasset, putarent se habuisse iustam causam accusandi Christum, tanquā transgressorem Sabbati, adeoq; legis diuinæ contemptorem, Hic utrinq; est periculum. Sed Dominus non moratus illorum Sophisticam, apprehendit hunc miserum hydropicum, eum sanat intuentibus Pharisæis, atq; sanum dimittit. Quo facto, ut in principio dixit, declarauit potentiam, uoluntatem, & officium suum. Nunc sequitur tertio loco defensio facti. Cuius, inquit, uestrum bos aut Asinus in puteum cadit, & non extrahit illum die Sabbati. Quasi dicat, aut licet curare hominem in die Sabbati aut non licet. Si licet: cur me obseruatis tanquam legis transgressorem, si hoc facio? Si non licet: cur asinos & boues seruatis uos die Sabbati? quid illi contrā? & non poterant (inquit Enangelista) ad hæc respondere. Sed quis usus est hydropici huius sanati à Christo? Duplex, Vnus generalis, de quo dixi, uidelicet ut hoc miraculo Christus ostenderet suam potentiam, uoluntatem, officium, ueritatem suæ doctrinæ, & inde fides in spectatoribus confirmaretur. Alter specialis. Nam hic hydropicus ex sua haud dubiè intemperantia inciderat in hunc morbum. Quare & nos discamus, quòd Christus non contemnit eos, qui se sua culpa coniecerunt in morbos, modò hunc hydropicum imitentur, hoc patiuntur se ab illo tangi & sanari, hoc est, si cordis affectu Christum accedant si ipsius uerbo credunt, agunt pœnitentiam, agnos-

u 3 scunt



678 DOMINICA XVII. POST  
sciunt iustam iram Dei, si propter Christi meritum  
precantur culpæ condonationem, & plagæ aut  
sanationem, aut mitigationem.

DE TERTIO.

Dicebat autem ad inuitatos, qui primos  
accubitus elegerunt: cū inuitatus fueris ad  
nuptias &c. Vt hac parabola superbiam damnat:  
ita ueram humilitatem quæ est rarissima uirtus do-  
cet: de qua hoc ordinè dicam. Primum, quid sit hu-  
militas. Deinde, quot sint eius genera. Tertiò, quas  
habeat causas, cū efficientes, tū impedientes.  
Quarto loco quis sit fructus & quæ præmia ueræ  
humilitatis.

Quantum ad primum attinet, ut sciamus quid  
sit humilitas, debemus uidere quos scriptura humi-  
les uocet. Vocat autem Paulus humiles, quos Chri-  
stus uocat pauperes Spiritu, quales sunt, qui omnis  
proprie uirtutis, sapientiæ et iusticiæ fiducia, ex-  
inaniti, quicquid boni est ad solum Deum referunt.  
Proinde humilitas est uirtus, qua uerissima nostri  
agnitione nobis ipsis uilescimus, omnis proprie  
uirtutis, sapientiæ, iusticiæ fiducia exinaniti, nos  
coram Deo prosternimus, ac in eo solo omnia bona  
per Christum querimus. Illustre exemplum est in  
Magdalena, in latrone, in publicano, in Dauide &  
alijs multis sanctis. Hæc uera est humilitas, de qua  
Christi promissio est intelligenda: Beati pauperes  
spiritu. Habemus quid sit humilitas: iam quotuplex  
sit uidemus. Est itaq; humilitas duplex: una, qua  
coram



coram Deo nos prosternimus: altera, qua coram hominibus nos submittimus: sed cauendum est, ne superbia larua humilitatis inducat, quam si homo detrahere non potest, Deus certè eam pudefaciet. Sed, illa larua omiſſa, dicamus de uera humilitate, quæ Deum & hominem respicit. Humilitas coram Deo est uerus timor Dei, ex agnitione nostræ infirmitatis & bonitate Dei erga nos natus: qualis fuit humilitas Manassis in carcere, qui posteaquam genua corporis propter angustiam carceris flectere non potuit, flexit genua cordis. Ita Abraham se humiliavit, quando se puluerem & cinerem fatebatur. Vera humilitas coram hominibus est uera dilectio, qua nos nemini præferimus superbè sed omnibus nos sincere accommodamus. Huius humilitatis exemplum maximum habemus in Filio Dei, cuius exemplum ut imitemur, monet Paulus Philip. 2. Ita humilis fuit beata uirgo, Anna prophetissa & multi alij.

Iam de causis, sicuti promisi, tertio loco, dicendum est, quæ sunt sanè multæ. PRIMÆ, Mandatum Dei. Primum enim præceptum requirit humilitatem erga Deum: tota secunda tabula requirit humilitatem erga hominem. SECUNDÆ, Exemplum Christi, unde Paulus Phili. 2. Hoc sentite in uobis, quod et in Christo, qui cum esset Deus, assumpsit formam serui. TERTIÆ, Consideratio tui ipsius, quid fueris ante ortum, quid sis ab ortu ad occasum, quid futurus sis post hanc uitam.



Fuisti semen & sanguis in utero materno, iam es in deserto miseriarum huius uitæ, & tandem escaeris uermium. QVART A, quòd bona, si quæ habes, non tua sint, sed Dei, tibi in aliorum bonum collata. Si ergo inde superbis, aut malè eis uteris, pœnæ tibi horribililes metuendæ sunt QVINT A, cogitatio quòd Deus possit tibi auferre quicquid habes donorum, si illis abusus fueris, & illi soli laudem non tribueris. SEXT A, quòd multi qui minora dona uidentur habere, quàm tu, sæpè utilitatem operam collocant Reipub. & Ecclesiæ, quàm tu. Nam ut Deus est robur panis: ita uis, qua aliquid gratum illi fit. Atq; istæ sunt causæ sex, quæ coniunctæ ueram humilitatem efficiunt: quam impediunt duo mala: contentio & inanis gloria. Quare Paulus Phil. 2. ait: nihil ex contentione aut inani gloria, sed per humilitatem alij alios se ipsis existiment excellentiores. Qui enim contendendi libidine laborat, ut destituuntur caritate, ita uera humilitate sunt uacui: & ex diametro pugnat cum humilitate inanis gloria. Habemus iam, quid sit humilitas, quotuplex & quas habeat causas: nunc sequitur, quod quarto loco promisi me dicturum, de eius præmijs & germanis fructibus.

Qui uerè humilis est, triplicem fructum, Primum coram Deo, secundum coram hominibus, tertium in seipso, consequetur.

Coram Deo hic primus fructus est, quòd uerè humilis habeat Deum in se habitantem. Vnde Isai-



as 57. in sancto habitans, cum contrito & humili spiritu. Et 66. Ad quem respiciam, nisi ad contritum spiritu & tremementem sermones meos. Luc. 2. Deus exaltat humiles. 1. Pet. 5. Deus superbis resistit humilibus dat gratiam.

Coram hominibus percipit humilis hunc fructum: Quemadmodum superbus ab omnibus contemnitur: ita uerè humilis ab omnibus honoratur: eum honestum nomen & fama comitatur.

In seipso hos percipit humilis dulcissimos fructus. 1. humilitas est mater pudiciæ, et patientiæ. 2. est uia ad sapientiam, Prouerb. 11. Vbi est humilitas, ibi & sapientia. 3. est custos timoris Dei et fidei. 4. est opitulatrix inuocationis & ueluti exauditionis in Domino conciliatrix. Psal. 101. Prospexit Dominus in orationem humilium. 5. humilitatem gloria comitatur, Matth. 5. Beati pauperes spiritu, quoniam ipsorum est regnum cælorum. Matth. 24. Qui se humiliauerit, exaltabitur. Prouerb. 29. Humilem spiritu suscipiet gloria, non quòd humilitas ista mereatur: sed quòd ista contingant humilibus propter humilitatem Christi, cui gloria in secula seculorum, Amen.

## DOMINICA XVIII.

TRINITATIS, Matth. 22.

**C**VM audissent Pharisei, quòd obturasset Iesus os Saducæis, conuenerunt in u-

u s num





num, & interrogauit eum unus ex eis, legis doctor quispiam, tentans eum, & dicens: Magister, quod est mandatum magnum in lege? Ait illi Iesus: Diliges Dominum Deum tuum ex toto corde tuo, & in tota anima tua, & in tota mente tua. Hoc est primum & magnum mandatum. Secundum autem simile est huic: Diliges proximum tuum perinde atq; teipsum. In his duobus mandatis tota Lex & Prophetæ pendent. Congregatis autem Phariseis interrogauit eos Iesus dicens: Quid uobis uidetur de Christo? cuius filius est? Dicunt ei: Dauid. Ait illis: Quomodo ergo Dauid in Spiritu uocat eum Dominum? dicens:



dicens: Dixit Dominus Domino meo, sede à dextris meis: Donec ponam inimicos tuos, subsellium pedum tuorum. Si ergo Dauid uocat eum Dominum, quomodo filius eius est? Et nemo poterat ei respondere quicquam, neque ausus fuit quisquam ex eo die eum amplius interrogare.

## ENARRATIO TEXTVS.

**H**Oc Euangelium continet summam doctrinæ Christianæ, uidelicet doctrinā Legis & Euangelij. Phariseus proponit questionem de Lege, Christus rursus de Euangelio: sed diuerso consilio. Phariseus enim de lege interrogat tentandi & calumniandi causa: Christus autē eo animo querit de Euangelio, ut errantes Iudeos & Phariseos deducat in ueram Legis & Euangelij cognitionem. Illi enim quia putarunt homines ex legis operibus iustificari, Euangelium contemserunt, putantes non esse opus alia doctrina ad salutem consequendam, quam legis, quorum errorem confutat Christus. Vide hic Christi bonitatē. Tametsi Pharisei ex malicia interrogant: tamen Christus ex officio respondet, et tradit absolutā doctrinam de Lege & Euangelio. Proinde summa Euangelij est, quod Christus totā Legem & Prophetas reuocet ad hæc duo capita, quæ sunt dilectio DEI & dilectio proximi. Deinde de Messia querit, hoc est, de seipso, ut ostendat qualis sit, nimirum Deus & homo,



684 DOMINICA XVIII. POST  
homo, qui ideò promissus erat patribus, ut destrue-  
ret opera Diaboli, & benedicerentur in ipso om-  
nes cognationes terræ, qui sacerdos effectus iram  
Dei placaret, soluto precio pro nobis. Loci tres:  
I. De Saducæis, quibus Dominus os obstruxit.  
II. Quæstio de legis summa, & norma cultus  
III. Quæstio de Messia. (Dei.

DE PRIMO.

Pharæi audientes, quòd silentium im-  
posuisset Saducæis, conuenerunt in unum.  
Tametsi Pharisei & Saducæi inter se diuersam  
religionem, & diuersas opiniones defendebant:  
Tamen in hoc conueniunt, quòd utriq; se Christo  
opponant. Herodes & Pilatus fuerunt hostes: ue-  
rùm in hoc conueniunt, quòd ambo cupiunt Chri-  
stum è medio sublatum. Ita impietas conspirat ad-  
uersus Christum & eius sanctum Euangelium.  
Quantum autem ad id, quòd dicit Christum silen-  
tium imposuisse Sadducæis, attinet, sciendum est,  
quòd Sadducæi, qui negârunt animas uiuere post  
mortem, & sustulerunt resurrectionem mortuo-  
rum, Christum impugnârunt, ut uel sue senten-  
tiæ subscriberet, uel exponeretur ridendus rudi  
populo, qui ab istis doctoribus erat seductus. Ad-  
orti sunt ergo Christum hoc modo: si resurrectio  
mortuorum erit, multa incommoda, multa disidia,  
& magnæ absurditates sequentur. Hoc ita probare  
conantur. Mulier quædam apud nos fuit, quæ nu-  
pserat septem uiris, uni post alterum: iam si futu-  
ra est



ra est resurrectio mortuorum, resurget ista mulier, resurgent et septem mariti, quos habuit illa. Iam si unus ex illis ei adhæserit, alij mouebunt ei lites, si omnes simul cum illa unâ habitauerint, nihil erit mulieri molestius & uiris difficilius. Cùm igitur hæc absurda sequerentur resurrectionem mortuorum, malè assertitur resurrectio mortuorum. Hæc fuit eorum racionatio, quorum officium erat rectè populum instituere de spe uitæ æternæ, à qua perfidè homines auocant, & tamen iusti uideri uolunt. Sed his Christus os obstruit, & ita silentium imponit, ut conuicti uerbis Christi, non habeant quod dicant. Hos ergo reprehendit, confutat & docet. Reprehendit quòd ignorent scripturam, & tamen uoluerint esse scripturæ doctores. Confutat manifestè proposito exemplo: Deus est Deus uiuorum. Deus est Deus Abraham, Isaac & Iacob: Ergo Abraham, Isaac & Iacob uiuunt. Sed si illi uiuunt: uiuunt, aut secundum corpora, aut animas: non secundum corpora, quia illorum sepulcra notis, igitur secundum animas, quas uos mori cum corpore falsò dicitis. Nunc autem animæ uiuunt, ut suo tempore redeant in corpora, ut qui bona fecerant in hac uita, mercedem recipiant, & qui mala, laant supplicia iusta. Hæc summa est confutationis. Quid docet? Duo. Vnum, quod mortui resurgant potentia & uirtute Dei, cui nihil impossibile est. Potuit ex nihilo omnia creare, cur non poterit animas ad corpora reuocare, præsertim



sertim cum illud & decreuerit & ipsius iusticie  
& glorie intersit. Paulus Phil. 2. ait: Nos expecta=  
mus saluatorem de coelo Christum Iesum, qui trans  
figurabit nostra contemta corpora, ut fiant con=  
formia glorioso corpori ipsius, per eam potenti=  
am, qua potest sibi omnia subijcere.

Cum igitur ratio nostra incipit disputare de  
resurrectione, opponamus illi quatuor. Decre=  
tum Dei, omnipotentiam Dei, iusticiam, & glori=  
am Dei.

Decretum, quia ordinauit & proposuit se uel=  
le excitare mortuos. Hoc decretum, quia Deus est  
immutabilis, nunquam antiquabit. Et extant huius  
decreti quedam exempla. Christus Dominus resur=  
rexit a mortuis: Enoch uiuus in coelum translatus  
est: Helias in curru ardenti in coelum uiuus subue=  
ctus est.

Omnipotentia opponatur rationi, quae putat  
impossibilem esse resurrectionem mortuorum. Si n.  
non possit facere quae decreuit, non esset omnipo=  
tens. Si non omnipotens, neq; Deus dici posset.

Iusticia est, ut reddat bene meritis premia, &  
impijs supplicia. Iam uidemus quod in hac uita,  
pijs ut plurimum male sit, impijs uero bene. Sed  
nunc cum iusticia Dei requirat, ut bene bonis sit, et  
malis male, & id non fit in hac uita, necesse est a=  
liam uitam restare, in qua Deus iuxta suae iusticiae  
normam pijs uitam aeternam, impijs uero inferna=  
les poenas reddat.

Gloria



Gloria Dei etiam opponenda est Sadduceorum opinioni & rationi nostræ. Deus condidit hominem in suam gloriam, ut se perpetuò prædicet & glorificet: quod sanè non fieri posset, nisi esset resurrectio mortuorum.

Præterea docet Christus Sadduceos de statu hominum post resurrectionem. Non erit illic usus coniugij, non erit procreatio sobolis, sed uiuent perpetuò in omni æternitate casti, sicut Angeli Dei. Quare non est metuendum bellum inter maritos multos, qui unam et eandem uxorem unus post alium in hac uita habuerunt. Hæc sint dicta de Sadduceis, confutatione errorum eorum, et confirmatione nostri de resurrectione mortuorum: cuius fidem in nobis confirmabunt, decretum Dei immutabile, potentia, qua sibi omnia subijcere potest, iusticia, qua reddit unicuique iuxta facta sua, gloria, quæ illi redditur à sanctis in omni æternitate.

## DE SECUNDO.

Procedit Pharisæus, interrogat Christum quodnam sit summum legis præceptum. Dominus respondet: Diliges Dominum Deum tuum ex toto corde tuo, ex tota anima tua, & ex totis uiribus tuis, hoc est maximum & primum mandatum. Secundum est huic simile: Diliges proximum tuum sicut te ipsum, In his duobus mandatis tota Lex & Prophetæ pendent. Id est, quicquid Prophetæ & Moses de uero cultu DEI docent, sub his duobus



duobus capitibus continentur. Cum nuper Dominica decimatertia Trinitatis & sæpè aliàs de lege Dei dixi, quæ sit: quis eius usus: quòd nemo possit ei satisfacere: & quomodo pijs sit abrogata, nolo hinc eadem repetere, sed duo dicam: Vnum cur Christus secundum mandatum de diligendo proximo, dicit simile esse primo, de diligendo Deo. Deinde, quia Christus dicit, totam Legem & Prophetas in his duobus mandatis pendere, idq; ideo, quia quicquid Moses & Prophetæ docuerunt de cultu Dei, his contineatur: dicam pauca de uero cultu Dei, ut nobis certa eius ratio constet.

Quantum ad primum attinet, sciendum est, quòd secundum præceptum de amando proximo non dicatur simile primo uel ordine, uel obiecto, uel gradu dilectionis. Nam ordine primum præceptum prius est. Obiectum primi præcepti est Deus, ut secundi præcepti obiectum est homo proximus. Gradus dilectionis requirunt, ut summum bonum maximè ametur: deinde reliqua quæ suo ordine iuxta suæ dignitatis gradus. Non est ergo secundum primo simile ordine, obiecto, aut gradu dilectionis. Quomodo ergo est simile? Primum affectu dilectionis, quia utrumq; requirit puram dilectionem. Deinde obligatione. Nam utrumq; nos obligat uel ad obedientiam, uel ad poenam. Postremò consecutione obedientiæ. Qui enim dicit se diligere Deum et proximum suum odit, mendax est, ait Apostolus Iohannes. Hoc sit breuiter dictum, quomodo secundum



dum præceptum sit simile primo de diligendo Deo: nunc de uero cultu Dei dicam, quoniam de dilectione Dei & proximi præcepta, materiam cultus Dei continent.

Vt igitur doctrinam de uero Dei cultu melius intelligamus, quatuor quæ ad eius explicationem faciunt ordine dicam. 1. tradam regulam, ad quam exigendus & probandus est cultus Dei. 2. ostendam cultus Dei solidum fundamentum. 3. quodnam opus rectè dici possit cultus Dei aperiam. 4. indicabo, quinam homines uerum cultum Deo præstare possint. His quatuor ritè cognitis, constabit nobis quænam sit uera colendi Deum ratio.

Quantum ergo ad regulam cultus Dei attinet, hoc statuatur pro generali et immota regula, quòd nullus cultus Deo placeat, nisi quem ipse instituit. Hanc regulam nō omnes recipiunt, quare nobis est firmis fundamentis munienda. Primum itaq; Deus apud Isaiam Prophetam, & Christus in Euangelio hanc regulam confirmat his uerbis. Frustra me colunt docentes doctrinas mandata hominum. Et Spiritus sanctus per os Pauli Coloß: 2. damnat omnem cultum, quem homines sibi fingunt. Et Dominus apud Ieremiam dicit: In præceptis meis ambulate. Deinde impossibile est placere Deo sine fide. Cultus autem præstatur, ut placeat: quare ex fide fieri eum necesse est: ex fide autem fieri nequit, nisi habeat mandatum et manifestum uerbum. Fides enim ex uerbo pendet. His certissimis rationibus ita con-

x firma=



690 DOMINICA XVIII. POST  
firmatur regula cultus Dei, ut qui contradicere  
pergit, stultior esse uideatur, quàm qui negat solem  
exortum esse, cùm sit clarissimus dies. Hanc igitur  
regulam firmiter teneamus, nec sinamus eam à no-  
bis extorqueri ulla sophistica.

Huius regule usus est multiplex. 1. hac regula  
stabilitur autoritas legislatoris. Vbi enim in re-  
pub. liberum est unicuiq; condere leges, uilescit  
autoritas superioris Domini. Hanc autoritatem si-  
bi uendicat Dominus in præcepto primo, cùm in-  
quit: Ego sum Iehoua Deus tuus &c.

Secundus usus huius regule est, q; liberet hac  
regula ab errore, ne erremus in colendo Deo.

Tertius est, q; impediatur superstitiones et petu-  
lantiam hominum, in excogitandis nouis cultibus.

Hactenus de regula cultus Dei sit dictum, uide-  
licet quòd nullus cultus Deo placeat, nisi quem ip-  
se instituit, & de huius regule confirmatione u-  
suq;: nunc quòd secundo loco proposui, breuiter  
dicam de fundamento cultus Dei.

Fundamentum autem hoc positum est cùm in  
cognitione Dei uera, tùm in cognitione nostri ip-  
sorum. Cognitionem Dei consequimur uerbo &  
testimonio uerbo addito. Vtrumq; enim nos docet.  
1. quòd Deus sit fons omnis uirtutis, sapientiæ, ius-  
titiæ & ueritatis. 2. quòd illi omnis gloria tribu-  
enda sit. 3. quòd ad iuuandum sit promptissimus. 4.  
quòd uelit omnes ad se confugere in quouis peri-  
culo. Cognitionem nostri consequimur ex duabus  
rebus:



rebus : ex consideratione imaginis Dei, ad quam homo creatus est, & ex presentium uirium nostrarum aestimatione. Consideratio imaginis deducit nos ad cogitationem finis, propter quem creati sumus homines rationales, monstratq; officium, in quo nos perpetuò occupari decet, nimirum ut referreimus imaginem Dei in omni sanctitate & puritate. Aestimatio presentium uirium cogit nos fateri, quòd nequaquam debitum officium prestare ualeamus. Pertinet igitur hæc duplex cognitio eò, ut Deo quidem omnem gloriam tribuamus : nobis uerò omnem gloriandi materiam adimamus : monstratq; nobis hæc cognitio nostras sordes & imbecillitates. His ita explicatis de regula cultus Dei & eius uero fundamento : accedam ad illud, quod tertio loco proposui, & clarè definiam quis sit cultus Dei.

Est itaq; cultus Dei opus mandatum à Deo, factum ex fide, in celebrationem gloriæ Dei principaliter. Hic primum indicatur, quæ opera sint cultus Dei, nempe sola illa, quæ Deus in lege sua præcepit, quemadmodum ex regula suprâ tradita clarè liquet. Deinde additur fides, unde opus debet procedere. Est enim illa omnis operis boni efficiatrix : idq; ideò, quia nullum opus potest placere Deo, nisi prius persona placeat : placet autem persona fide. Sacrificat Cain : sacrificat Abel. Vterque habuit mandatum Dei : sed sacrificium Cain non fuit cultus Dei, sicut Abelis fuit. Quare? quia

x 2 Cain



Cain fidē non habuit, Ab. l uerò habuit. Dant elec-  
 mosynam Cornelius Act. 9. & Phariseus. Vterq;  
 mandatum habuit: sed opus Cornelij fuit cultus  
 Dei, quod ex fide profectum est. Pharisei uerò fuit  
 abominatio, quia persona Deo non placuit. Duo ru-  
 stici arant agros, hic Deo cultum tribuit arans in  
 timore Dei, expectans benedictionem à Deo: Alter  
 non placet, quia fide & timore Dei uacat. Vterq;  
 tamen habet mandatum operis: In sudore uultus tui  
 uesceris pape tuo. Ancille duæ præstant obedienti-  
 am suæ heræ fortè in uerrendo pauimento, & am-  
 bæ habent mandatum Dei: sed illa, quæ fidem ad la-  
 bore affert, cultum Deo reddit: quæ uerò fide  
 destituitur, facit quidem quod debet ex officio, sed  
 eius opus cultus Dei dici non potest.

Præterea opus mandatum, & ex fide factum,  
 debet tendere in gloriam Dei principaliter. Hoc  
 confirmatur Isaia testimonio: omnem qui inuocat  
 nomen meum, in gloriam meam creauit eum, forma-  
 ui eum, feci eum. Sed quid est Deum glorificare?  
 Breuiter, est illi omnem gloriam tribuere, & cum  
 corde, ore, confessione & moribus celebrare.

Sequitur quod quarto loco me dicturum pro-  
 misi, scilicet quinam possint Deo uerum cultum  
 præstare. Hoc tametsi ex superioribus colligi po-  
 test, tamen illud hîc breuiter dicam. Illi soli Deum  
 colere possunt, qui habent ad illum accessum: soli  
 autem filij Dei habent ad illum accessum: Quare  
 illi possunt soli Deo uerum cultum præstare. Sunt  
 autem



autem filij omnes qui credunt in nomen eius, Ioh. i.  
 & hi per fidem accessum habent ad Patrem, Rom.  
 5. Et ea de causa Christus docens suos orare, iubet  
 dicere: Pater noster qui es in coelis, significans tan-  
 tum filios inuocare posse. Hæc de uero cultu Dei  
 sint dicta, cuius summa continetur dilectione Dei,  
 & dilectione proximi: nunc restat ut dicam de  
 tertia doctrina.

## DE TERTIO.

Quid uobis (inquit) uidetur de Christo,  
 cuius filius est? Dicunt ei, Dauidis est filius.  
 Pharisei putarunt se iustos esse Lege: quod si ue-  
 rum fuisset, frustra Christus promissus fuisset. Sic  
 enim Paulus Galat. cap. 2. ait: Si iusticia est ex Le-  
 ge, Christus frustra mortuus est. Querit igitur  
 Dominus de Messia, id est, Christo, ut ea mentione  
 excitet eos ad cognoscendum & meditandum fi-  
 nem legis, & cogitandum cur Messias esset pro-  
 missus. Quod si recte fecissent, ita fuissent ratioci-  
 nati: Messias est promissus, ut tollat peccatum, si-  
 cut ipse Isaias testatur: Ipse languores nostros tu-  
 lit. Gene. 15. In semine tuo benedicentur gentes. Er-  
 go necessum est, ut non tantum sit homo filius Da-  
 uid: uerum etiam Deus Dominus Dauidis, quemad-  
 modum & Psalmus testatur: Dixit Dominus Do-  
 mino meo. Ex hac ratiocinatione & recte de Le-  
 ge & recte de Christo iudicassent, & Christum  
 ut uerum saluatorem fuissent amplexi, cui sit ho-  
 nor in secula seculorum, Amen.

x 3

DDMI



694 DOMINICA XIX. POST  
DOMINICA XIX.  
TRINITATIS, Matth. 9.



**I**esus ingressus nauem, traiecit, ac uenit in  
suam ciuitatem. Et ecce, adduxerunt illi pa-  
ralyticum in lecto decumbentem. Cumq[ue]  
uidisset Iesus fidem illorū, dixit paralytico,  
Bono animo esto fili, remittuntur tibi pecca-  
ta tua. Et ecce quidam è scribis dicebant in-  
tra sese, hic blasphematur. Et cū uidisset Iesus  
cogitationes illorum dixit: Quare uos cogi-  
tatis mala in cordibus uestris? Vtrum enim  
est facilius dicere, Remittuntur tibi peccata,  
an dicere, Surge & ambula? Vt autem scia-  
tis



tis, quod potestatem habeat filius hominis in terra remittendi peccata, tunc dicit paralytico, Surge, tolle tuum lectum, & abi in domum tuam. Et ille surrexit, abiitq; in domum suam. Turbæ uerò quæ uiderant, admiratæ sunt, & glorificauerunt Deum, qui dedisset potestatem talem hominibus.

## ENARRATIO TEXTVS.

**H**oc Euangelium continet unum ex miraculis, quibus Dominus suam potentiam, uoluntatem et officium testatur, & simul confirmat suæ doctrinæ certitudinem. Narratur enim in præsentī Historia, quomodo Christus paralyticum sanat, quod factum nō excipiunt auditores eodem modo. Pharisei. n. blasphemant: turba uiso miraculo admonetur de præsentia Dei: confirmatur de Christi doctrina: unde non solum timorem & fiduciam concipit, uerumetiam ueros edit fidei fructus & prædicat bonitatem Dei. Est proinde hoc Euangelium, ueluti pictura quædam, in qua regnum Christi in hoc mundo depingitur, in quo sunt qui infirmos ad Christum deducunt. Sunt etiam qui murmurant, ut Pharisei omnibus temporibus. Sunt quoq; qui uerè timent Deum, eumq; ob sua facta glorificant. Inter hos uarios auditores stat in medio Christus, recipit ad se uenientes, neminem ob miseriam contemnit, sanat uulnera, remittit peccata, ac suo Spiritu sancto ueluti balsamo preciosissimo, liuores nostros mitigat & sanat. Hæc summa & hic

x 4, scopus



scopus est hodierni Euangelij, quod docendi causa  
in tres diuidam locos.

- I. De ijs qui hunc paralyticum in lecto iacentem  
ad Christum portant, ut sanet ipsum.
- II. Murmur Phariseorum accusantium Chri-  
stum, & eius defensio.
- III. Miraculorum Christi finis & usus.

## DE PRIMO.

Et ascendens Iesus in nauiculam &c. Hic  
omnium primum animaduertenda est occasio mi-  
raculi hic à Domino editi. Christus, inquit, ascen-  
dit in nauiculam, transfretauit et uenit in suam ci-  
uitatem, id est, Capernaum. Illic enim frequentius  
erat. Quæ causa fuit huius profectionis? fuerat in  
terra Gerasenorum, ubi dæmoniacum curauit, &  
cùm demones peterent, ut sibi liceret in porcos  
intrare. Dominus annuit, & ita grex porcorum  
ruit in mare præceptis & suffocatus est. Hoc cùm  
uiderent incolæ, uenerunt ad Iesum rogantes ip-  
sum, ut à se discederet. Pluris enim suos fecerunt  
porcos, quàm Christum cum suo Euangelio: qui sa-  
nè hodie multos socios habent, quos iure uocare  
possumus Gerasenitas. Duo ergo hic obseruentur:  
Vnum, quod nobis uitandum proponitur. Alte-  
rum, quod omnibus pijs imitandum commendatur.  
Vitanda est ingratitude Gerasenorum, qui plu-  
rimam salutem fecerunt. Quorum simi-  
les maxima pars eorum est, qui Christiano nomi-  
gaudent. Imitanda nobis proponitur industri-  
Christi



Christi, qui quamuis occasionem nactus, pomeria  
sui regni dilatare studuit. Vt enim hac sua profe-  
ssione ostendit, quantum hominum sitiat salutem:  
ita nobis omnibus commendat suo exemplo in offi-  
cio diligentiam.

Iam sequitur prima huius Euangelij pars. Et  
ecce offerebant ei paralyticum in lecto ia-  
centem, & uidens Iesus fidem illorum, dixit  
paralytico: Confide fili, Remittuntur tibi  
peccata tua. In hac prima huius historie parte  
habemus quatuor, quæ obseruare utile fuerit. Pri-  
mum exemplum baiulorum. 2. Paralyticus ipse.  
3. respectus Christi in fidem eorum. 4. quomodo  
excipitur paralyticus à Christo.

In baiulis ex certis indicijs prodit se illorum fi-  
des, quæ ita ardet ubicunq; uerè est, ut nullis cine-  
ribus eius flāma suffocari possit. Hæc fides uel in-  
de concepta erat, quòd ipsum docentem & sanan-  
tem prius uiderant, uel ex fama, quæ ad eos perue-  
nerat de factis Iesu, summa est, quòd sibi persuafe-  
rint, quòd afflictos reciperet et iuuaret. Hæc uiua  
horum baiulorum fides quintuplicem fructum ex-  
dit: quorum primus est confessio Christi, quam tum  
confiteri in tanta hostium rabie fuit arduum &  
rarum. Secundus, inuocatio, quæ non magis abesse  
potest a fide, quàm calor ab igni. Omnia enim uota  
credentium, quæ nunquam intermittuntur, sunt  
inuocationes. Tertius, fortitudo animi, quòd se ex-  
posuerint periculo uitæ propter confessionem  
Christi:

BAIULOR  
fides.

1  
Confessio

2 Inuocatio

3 Fortitudo.

x 5 Christi:



4 Dilectio

5 Labor.

1 Petri 3.

Christi: Nam Pharisei, Scribae & precipui homines in isto populo persequerantur omnes, qui Christo aliquid honoris tribuerunt. Quartus, dilectio proximi, qua sincerè proximum suum complexi sunt. Quintus, labor & molestia propter salutem proximi. Nam non solum portant illum, quod fuit caritatis intimæ: uerumetiam cum recta ad Christum propter turbam uenire non possent, ascendunt tectum et per tabulatum demittunt languentem: quod factum non caruit periculo.

Quid nos hinc discemus? Cum his baiulis uel inuito mundo confiteamur Christum: inuocemus ipsum, cum pro nobis ipsis, tum pro alijs: exponamus nos periculo propter ueritatem Euangelij, si res ita postulauerit: intimè diligamus proximum, non solum affectu, sed opere etiam, et nullos detretemus labores, modò eis prodesse ualeamus.

ALTERVM, quod in hac prima parte obseruandum dixi, est ipse paralyticus, in quo tria sunt obseruanda. Morbis, morbi causa, & quòd se ad Christum portari uoluerit. Morbis fuit paralyticus, quæ est ubi alterum latus aut dextrum, aut sinistrum, sensum & motum perdit. Morbis sanè grauisimus, quo totum officium hominis impeditur. Causa morbi duplex: Vniuersalis, quæ est peccatum originis in omnibus hominibus: & specialis, quæ ortum habuit uel ex intemperantia, uel à grauiori aliqua perturbatione animi. Quòd autem se ad Christum portari uoluerit, significat se fidem habere



habere in Christum, quemadmodum & ipsi qui illum portarunt.

Hoc exemplum paralytici imitemur & nos. Morbum nostrum internum & externum agnoscamus, peccatum nostrum fateamur, & cum hoc paralytico sinamus nos ad Christum unicum medicum portari.

TERTIVM, quod in hac prima parte considerandum admonui, est q. Iesus uiderit fidem illorum, hoc est, baiulorum & paralytici. Vnde hæc discamus: primùm, quo sit erga nos Christus affectu. Non enim aliter est erga nos quàm erga hunc paralyticum affectus. Nam non est personarum acceptor Dominus. Deinde, quòd Christus nò tam magnitudinem peccatorum respiciat, quàm fidem. Hæc impetrat à Christo salutaria animæ & corpori. Quamuis autem existimem hunc paralyticum aliquam scintillulam fidei habuisse: tamen non repugno, si quis dicat baiulos habuisse fidem & non ipsum paralyticum. Non est enim insolens, beneficia corporalia, imò etiam spiritualia impetrari aliena fide. Vt enim aliquis sua sapientia potest efficere, ut alius euadat sapiens: ita qui credit, sua fide potest alijs fidem impetrare. Verùm sicut nemo est sapiens aliena sapientia, sed sua: ita nemo saluatur aliena fide, sed sua propria. Hic ergo discamus & orare pro alijs, ut gratia Dei illis augeat, & petere ab alijs, ut suis nos precibus Deo commendent. Multum enim ualet deprecatio iusti.

Quar=



QUARTVM, quod in hac prima parte spectandum proposui, est modus, quo hunc paralyticum excepit, qui hisce uerbis exprimitur: Confide fili: remissa sunt tibi peccata tua. Hic duo perpendantur: Vnum, cur ita excepit hunc afflictum: alterum, excipientis oratio.

Hic paralyticus petit liberationem à morbo corporis: cur ergo dicit, remissa sunt tibi peccata tua? Magnæ sunt profectò & graues causæ.

PRIMA est, ut doceat morbos stipendia peccati esse, ut Paulus dicit: stipendium peccati mors. Et Christus Iohan. 5. dicit cuidam quem sanauerat: Ecce sanus factus es, caue ne posthac pecces, ne quid deterius tibi cueniat. Et 1. Cor. 11. Propter irreuerenter usurpatam Domini Cœnam, multi fuerunt mortui & multi infirmi.

SECUNDA, ut doceat unde sit incoanda curatio corporis, nimirum ab animo, cuius maculæ prius sunt expurgandæ, quàm adhibeas corporis medicinam. Seruemus igitur hunc in nostris morbis curandis ordinem. Primum agnoscamus morbum: Deinde agamus pœnitentiã, & petamus propter Christum remissionẽ peccatorũ: tum utamur medijs ordinatis in timore Dei, & cum gratiarum actione: & agnoscamus medicum ministrum Dei esse, qui uice Dei manum nobis curandis adhibet.

TERTIA, ut hac oratione Phariseos arguat, qui nec de sua persona, nec officio sincerè iudicauerunt. Semper enim sunt, qui in operibus Dei quærunt,

Syra. 38.



runt, quod cauillentur: quod nos monebit, ne effici-  
cium nostrum minus diligenter obeamus.

QVARTA, ut hanc occasionem nactus, ple-  
nius doceret de sua persona, affectu erga homines,  
& officio ad quod erat à Patre in mundum missus.

Iam expendamus orationem Domini. Ait enim  
paralytico: fili confide, remittuntur tibi pec-  
cata tua. Hæc uerba filij Dei sunt, quare diligen-  
ter sunt expendenda. Hæc uox FILII opponenda  
est desperationi, quam ei morbus præsens persua-  
dere uoluit. Vox CONFIDE opponenda est  
maledictioni, quam mala conscientia misero conata  
est persuadere PECCATA, inquit, TVA. Hic  
gratia superabundat peccatum. Vox REMIT-  
TVNTVR opponenda est somnio satisfactionis  
meritorum & iusticiæ legis. Remittuntur, inquit,  
peccata: beneficium gratiæ huic misero uoce sua  
accommodat. Habemus ergo hîc doctrinam salutis,  
remissionis peccatorum, iustificationis & adopti-  
onis. Hæc enim beneficia perpetuò coherent ita  
connexæ, ut à se inuicem diuelli nequeant. Fidem  
requirit: credenti remitti peccatum: absolutum à  
peccato adoptat in filium, & ut iustum acceptat,  
quem iustificauit etiam glorificabit, collata æternæ  
salutis beatitudine. Nec est alia ratio ulla conse-  
quendi salutem, quàm quæ in hoc exemplo nobis  
commendatur. Paralyticus tria facit, agnoscit pec-  
catum suum: agnoscit se iustè puniri ob peccatum  
confidit in filium Dei. Christus rursus tria: Remit-  
tit pec-

*Ratio consequendi  
salutem.*



tit peccatum, adoptat in filiū, et acceptat ad uitam eternam. Tu hoc exemplū imitare. Agnosce seriò peccatum: agnosce iustum Dei iudicium: & confido in filium, & uerè senties, quòd Christus sua beneficia sit tibi collaturus. Hæc sint de prima huius Euangelij doctrina dicta: sequitur secunda.

## DE SECVNDO.

Accusatio scribarum.

43.

Et ecce quidam de Scribis dixerunt intra se, hic blasphematur. Et cū uidisset cogitationis eorum, dixit: ut quid cogitatis mala in cordibus uestris? Hic Scribarum murmur & Christi responsio docent quomodo regnum Christi & Satane inter sese concurrunt. Habemus hic duo: quorum alterum est accusatio scribarum accusantium Christum: Alterum est Christi iustissima defensio. Accusatio scribarum hæc fuit. Iste blasphemus est. Quare? quia dicit se remittere peccata, quod solius Dei est. Est enim usu scripturæ blasphemia, creaturæ tribuere, quod est Dei proprium: Iam dimittere peccatum est Dei proprium, quod uel ex Isaia constat, ubi Dominus per os Prophetæ ait: Ego sum, ego sum, qui iniquitates tuas deleo propter me, & peccatorum tuorum non recordabor ultra. Hinc iam immota consequentia existimant se concludere Christum blasphemum esse hoc modo. Quicumque sibi tribuit quod Dei est proprium, est blasphemus: iste Iesus sibi tribuit, quod est Dei proprium. Igitur iste Iesus est blasphemus. Et profectò uera fuisset ratiocinatio, si Christus



stus fuisset scribis similis, hoc est, si merus homo es-  
set & non Deus. Videte quæso quantò sunt nostri  
Papistæ & Monachi deteriores his scribis. Scribæ  
uero Dei edocti, defenderunt hanc propositio-  
nem: Nemo potest remittere peccatum nisi solus  
Deus. Verum Papistæ remissionem peccatorum  
tribuunt sanctorum meritis, misis & indulgen-  
tijs: quæ non communicant gratis: sed uendunt ma-  
gna pro pecunia. Mirabile sanè mercatorum ge-  
nus. Vendunt quod non habent: uendunt fumos  
uerborum & accipiunt aurum, ementibus promit-  
tunt cælum, sed conferunt infernum.

Sed quid dicemus de ministris uerbi? Remit-  
tunt ne illi peccatum? Non remittunt ipsi, sed an-  
nunciant remissionem peccatorum omnibus, quos  
inuenerint similes huic paralytico esse, non dant  
de suo, sed offerunt alienum mandato Christi, offe-  
runt remissionem peccatorum uoce Euangelij.  
Quicumq; hanc uocem fide recipiunt, remissionem  
peccatorum accipiunt absq; omni dubio. Dicit  
enim Christus qui uos audit, me audit.

Sed quid Christus ad hanc accusationem facit?  
Vilis cogitationibus eorum dixit, Quid co-  
gitatis mala in cordibus uestris? Quid est fa-  
cilis dicere: Remittuntur tibi peccata tua, an di-  
cere, surge & ambula. Hic Christus tria facit. i. ui-  
dit cogitationes eorum, quod est solius Dei. Vnde  
scribæ debebant cogitasse, quòd Christus plus esset,  
quàm merus homo, nemo enim hominum potest al-  
terius

*Defensio Christi.*



terius scire cogitationes. Solus. n. spiritus Dei scrutatur profunda cordium. 2. arguit eos. Quid, inquit, cogitatis mala in cordib. uestris: quasi diceret: Vos de me peruerse cogitantes peccatis. Notemus ergo, quod malæ cogitationes sint peccata. 3. signo uisibili confirmat occultam suam diuinitatem, quasi diceret, uos dicitis: Qui tribuit sibi quod est solius Dei, est blasphemus. Nomini enim Dei et famæ nocet. Hoc sanè uerum esse fateor. Sed quod me Deum esse non creditis, erratis: quare uos blasphemus estis, non ego. Vt autem hoc ostendam, & cōuincam me uerum Deum esse, hunc paralyticum solo nutu sano: quod sanè diuinæ est potentia. Si hoc possum diuina potentia, cur non etiam peccata remitterem? Quis potest morbum penitus tollere, nisi qui morbi causam tollit? Iam uestris oculis uidetis me morbum tollere: Cur non etiam creditis me posse auferre peccatum morbi causam: ita Christus ad facta sua prouocat, quæ de ipso testimonium ferunt. Ita enim apud Iohannem dicit: Si mihi non creditis, credite operibus meis, quæ testimonium perhibent de me. Ex hac ergo secunda doctrina tria discamus. 1. perpetuam pugnam esse inter regnum Christi & Satanae: semper enim murmurat Satan & uarias technas excogitat, ut Christi regnum inuadere possit, iuxta illud: Tu insidiaberis calcaneo eius. 2. Christum sua sapientia & potentia superare potentiam & consilia Satanae, iuxta illud: non est sapientia, non est consilium aduersus

sus



sus Dominum. 3. ut nos ei subiiciamus, et eū uerum Deum agnoscamus & confiteamur cum omnibus, qui in uera pœnitentia ad illum confugiant.

## DE TERTIO.

Videntes autem turbę timuerunt & glorificârunt Deum. Hic habemus effectum & fructum huius miraculi apud spectatores, quem fructum Euangelista sua historia ad nos transfert. Sæpè de miraculis Christi dictum est, ideò hic pauca dicam. Christus hoc miraculo confirmauit suam diuinam potentiam, suam paternam uoluntatem erga homines, suum officium, quod est saluare, ad quod est missus, & ueritatem suę doctrinæ obsignauit tanquam authentico sigillo & regio. Deinde in auditoribus concepta est fides, timor Dei è fide manauit, & ex fide Deum glorificauerunt corde, uoce, confessione & moribus. Hinc ergo & nos ista quatuor de Christo colligamus, ac unā cum his spectatoribus concipiamus fidem, timeamus Deum, glorificemusq; eum, qui est laudandus in secula seculorum, Amen.

## DOMINICA XX. TRINITATIS, Matth. 22.

Simile factum est regnum cœlorum homini regi, qui fecit nuptias filio suo. Er emisit seruos suos, ut uocarent inuitatos ad nuptias, & nolebāt uenire: Rursum emisit alios seruos, dicens: Dicite inuitatis: Ecce prandiū  
y • meum



meum parauī, tauri & altilia mea mactata sunt, & omnia parata, uenite ad nuptias. Illi autem neglexerunt & abierunt, alius in uillam suam, alius uerò ad negotiationem suam. Reliqui uerò tenuerunt seruos eius, & contumelijs affectos occiderunt. Rex autem cum audisset, iratus est, & missis exercitibus suis, perdidit homicidas illos, & ciuitatem illorum succendit. Tunc ait seruis suis. Nuptiæ quidem paratæ sunt, sed qui inuitati erant, non fuerunt digni. Ite ergo ad exitus uiarum, & quoscunq; inueneritis, uocate ad nuptias. Et egressi serui eius in uias, congregauerunt omnes quotquot inuenerunt, malos pariter ac bonos, & impletæ sunt nuptiæ discumbentibus. Ingressus autem Rex, ut uideret discumbentes, ubi uidit illic hominem non uestitum ueste nuptiali, ait illi: Amice, quomodo huc intraisti, non habens uestem nuptialem? At ille obmutuit. Tunc dicit Rex ministris: Ligatis pedibus, & manibus eius, mittite eum in tenebras exteriores, ibi erit fletus & stridor dentium. Multi enim sunt uocati, pauci uerò electi.

## ENARRATIO TEXTVS.

**Q**uod Christus perpetuò facit, id etiam in hodierno Euangelio facit. Nam ut bonus & fidelis Pater suos liberos ad uitam honestam hortatur, idq; uarijs modis: Ita Christus Dominus

¶ Pa-



¶ Pater futuri seculi non una uia contentus est, sed multas tentat, quò suos in officio retineat. Aliàs enim id agit blandis uerbis, ut cùm apud Matt: 11. Venite ad me omnes, qui laboratis & onerati estis, & ego reficiam uos. Aliàs paternis promissis, ut cùm dicit: qui uenerit ad me, dabo illi aquam uiuam. Aliàs muneribus, cùm presentia confert beneficia. Aliàs minus, ut cùm dicit Marci 12. Veniet & perdet colonos istos, et dabit uineam suam alijs. Ad eundem modum in hoc Euangelio, partim minis agit, proposito paradigmat. Minatur enim extrema ijs, qui recusauerint ad suas uenire nuptias induti ueste nuptiali: partim promissionibus, quòd uenientes & ornatos ueste nuptiali uelit magnificè excipere & benè tractare. Proinde huius Euangelij summa est, quòd Christus requirat à suis uitam adeò sancta uocatione dignam, & minetur ijs horrenda supplicia, qui in Ecclesia uixerint sine pœnitentia & sanctificatione, quæ uestis illa nuptialis est, quam hic sponsus requirit. Loci tres:

- I. Explicatio parabole nuptiarum.
- II. Reprehensio eius qui in nuptijs sedet sine ueste nuptiali. (Cti.)
- III. Querela Christi: Multi sunt uocati, pauci electi.

## DE PRIMO.

Simile factum est regnum cœlorum homini Regi. Vt autem quò nobis fiat dulcius præsens Euangelium, similitudines huius partis uideamus, quæ sunt multe.

9 2

Prima:



Regnum cœlorum  
quid figt.

Rex.

I Tim : 5

REGIS FILIUS.

NUPTIÆ

Incoata.

Sponsalia uiola-  
ta.

708 DOMINICA XX. POST

PRIMA: Regnum cœlorum hoc loco signi-  
ficat Ecclesiam cōgregatam, uoce Euangelij, quod  
à Petro uocatur gens sancta & regnum sacerdo-  
tum, genusq; electum.

SECUNDA: homo rex significat Deum Pa-  
trem cœlestem, quem Paulus Regem Regum et Do-  
minum dominantium appellat.

TERTIA: regis filius est Dominus noster  
Iesus Christus, de quo inquit: Hic est filius meus di-  
lectus, in quo mihi complacui. Hunc Dei filium Da-  
uid sponsum nominat ornatum decoro sancto.

QUARTA: huic filio pater nuptias fecit,  
quando nostra causa eum nasci uoluit ex beata uir-  
gine, qui tanquam sponsus, ut loquitur Dauid, de  
thalamo suo procedit. Hic Ecclesiam sibi tanquam  
sponsam adiunxit, & eam sibi desponsauit, iuxta  
hoc Hoseæ Prophetæ dictum: Sponsabo te mihi in  
sempiternum, & sponsabo te mihi in iusticia et iu-  
dicio, & in misericordia, & in miserationibus, &  
sponsabo te mihi in fide, & cognosces Dominum.  
Hæ nuptiæ, quantum ad humanum genus attinet  
incoatæ sunt per sponsalia, mox creatis primis ho-  
minibus. Deus enim dum condidit hominem ad sui  
cognitionem & amorem, dum ornauit, primos pa-  
rentes iusticia originali, impressa eis imagine Dei,  
hæc sponsalia celebravit. Verum hæc sponsalia mox  
sunt uiolata artibus Satanae, qui hominem ad nesa-  
rium adulterium pellexit, ut deficeret à suo uero  
sponso, ad turpissimum adulterum diabolum: quam  
iniuriam



iniuriam sponsus contemtus ultus est, dum adulteram nudam statuit, ablata imagine regis & detra-  
ctis ornamentis nuptialibus. Sed ô admirandam bo-  
nitatem sponsi, sponsam sibi ademptam & fœdissime  
pollutam redimere statuit: atq; ita statim spem hu-  
ius redemptionis facit Pater sponsi data promissio-  
ne seminis, tandem quando uenit plenitudo tempo-  
ris, emittit Pater suum filium, natum ex Maria  
uirgine, factum sub lege, ut sponsam, quæ sub male-  
dictione Legis erat, redimeret: quod factum est,  
quando seipsum precium statuit, quo redempta est  
& erepta è manibus adulteri Satane.

Quantum autem ad singulos homines attinet,  
initiantur per fidem & baptismum, quemadmodum  
ipse sponsus ait: Desponsabo te mihi in sempiter-  
num, & desponsabo te mihi in iusticia & iudicio  
& misericordia & miserationibus, & desponsabo  
te mihi in fide, & cognosces Dominum.

In hac desponsatione duo in uniuersum spectan-  
da sunt: Vnum est pactio sponsi & eius promissio:  
Alterũ pactio sponsæ, qua ipsa obligatur suo spon-  
so. In pactioe sponsi sunt tria. 1. beneuolentia &  
amor sponsi gratuitus quo ipsam sp̃sam absq; om-  
ni eius merito complectitur. 2. significatio durati-  
onis cõiugij inter Christum sponsum et Ecclesiam  
sponsam. Desponsabo te mihi, inquit, in perpetuũ.  
Manet igitur perpetuus Ecclesiæ sp̃sus. 3. Enume-  
ratio dotũ, quas suæ sponsæ largitur sponsus Chri-  
stus, et numerantur hic quatuor: iusticia, iudicium,

2 3 pietas

In desponsatione  
duo spectanda  
sunt.

AMOR SPONSI

DURATIO CÕ-  
IUGII.

DOS.





pietas & miseratio. Iusticia propria sponsam suam ornat, dum remissis peccatis, illi suam imputat obedientiam, qua sponsa decora apparet, & pulchra in conspectu Patris sponsi. Iudicio eam ab iniuria vindicat, tuetur, ac errantem in uiam reuocat. Pietate, hoc est, uera storga coniugali eam amplectitur. Est enim pietas hic caritas ex intimis animi recessibus promanans. Miserationibus eandem prosequitur, dum quotidiana condonat errata, et eius calamitatibus afficitur. Hæc quatuor sunt in pactione sponsi. Verum in pactione à parte sponsæ duo sunt: Agnitio beneficii cum celebratione Dei, & fides qua recumbit sponsa in sponsi pectus, & ab eo omnia bona promissa absq; omni diffidentia expectat. Ex hac mutua pactione, nos doctrinam, consolationem & fiduciam concipiamus, ne fracti ullis aduersis ab hoc sponso deficiamus, qui suam sponsam nunquam deserit, nisi illa prior fidem coniugij perfide uiolauerit. Deinde hic etiam discimus, quod quicumq; fidem Christi non habet, non sit Christi, sed est nephario adulterio pollutus. Hinc patet, quam uerè dixerit Iohannes in sua Apocalypsi: Beati qui ad cœnam agni uocati sunt.

**INVITATORES** QUINTA: Quinā sint inuitatores ad has magnificas nuptias obseruandū est. Primum itaq; Deus æternus sponsi pater sua uoce ad has nuptias inuitat. Deinde multi sancti Patres ante diluuiū. Post diluuium Nohe, Melchizedech: Ioseph & Moses in Ægypto: sancti Prophete et reges in terra Canaan,

In sponsa pactionibus spectanda.



naan: Daniel in Iudæa. Post hos uenit Paronymus Iohannes Baptista, et digito monstrauit sponsum, qui et ipse cum Apostolis clamauit et inuitauit ad has nuptias, dicens: Venite, omnia parata sunt.

SEXTA: Apparatus nuptialis est considerandus. Vt enim in nuptijs hominum mactantur tauri, oues, boues et feræ: Ita hic quoque nuptiarum apparatus instituitur splendidissimus. 1. panis non corruptibilis, sed uiuus de cælo nobis apponitur, de quo qui ediderit, non esurit in æternum. 2. potus adest aqua uitæ. Ita enim ipse sponsus ait: Si quis biberit ex aqua, quam ego dabo, non morietur. 3. corpore suo et sanguine fatigatos nos refocillat sponsus. 4. ornat nos suis uestibus, dum ipsum per Baptismum induimus. Ita enim S. sanctus ait per os Pauli: Quotquot baptisati sunt Christum induerunt. 5. bellaria sunt fructus de arbore uitæ, unde uires sponsa habitura est, ut nunquam moriatur.

SEPTIMA: Illi autem, inquit textus, recusarunt uenire. Quid? Quæ est hæc ingratitude? Inuitati nolunt uenire? Quid impediuit eos? 1. Hospes illorum domesticus peccatum inhabitans. Hic hospes suis illecebris detinet eos, quò minus ad has nuptias inuitati ueniant. 2. hostis sponsi, hoc est, diabolus uias occupat omnes, et intercludit uarijs modis accessum ad nuptias. 3. negocia uaria. Alius enim uillam, alius boues, alius uxorem, alius aliud curat: Reliqui uerò tenuerunt seruos eius et occiderunt. Hoc uerissimum esse docet mundi historia.

y 4 Ad

Apparatus.

PANIS

Potus.

Refocillatio.

Ornatus

Bellaria.

Ingratitudo inuitatorum.



Ad has nuptias inuitauit Abel, sed Diabolus emissus  
 suo satellite Cain, ipsum occidit. Ad has centum &  
 uiginti annos inuitauit Nohe, sed ab inuitatis deri-  
 sus contemnitur. Ad has Ioseph in Ægypto inuita-  
 uit, sed ab impudica adultera accusatus in carce-  
 rem conijcitur. Ad has inuitauit Moses, sed multa  
 patitur ab inuitatis. Ad has nuptias inuitant Patri-  
 archæ & reges sanctissimi, sed illorum uox sperni-  
 tur. Tandem uenit Paranympheus ipse Ioannes, sed  
 ab Herode trucidatur. Ad has inuitat ipse Sponsus  
 filius Dei, sed in patibulo crucis suspenditur. Ad  
 has inuitant Apostoli, et deinde omnes pij ministri  
 uerbi, quos Diabolus adortus, partim Sophistica,  
 partim tyrannide, partim hypocrisi necare con-  
 tendit. Adeo maxima pars mundi ingrata recusat  
 ad has filij Dei nuptias uenire.

Ingratitudo  
 punitur.

OCTAVA: Quid rex ad hæc? Primum ira-  
 scitur, quod sanè non mirum est. Vidit enim se con-  
 temni et suas nuptias ab ijs, qui quicquid habent bo-  
 ni, uelint nolint, ei acceptum ferre coguntur. 2. pu-  
 nit corporaliter: id quod mundus ingratus, quem  
 per diluuium occidit Dominus, expertus est. Hoc  
 Sodomiticum incendium testatur: hoc excidium  
 Hierosolymitanum conuincit. 3. punit spiritualiter  
 in hac uita tenebris et ignorantia, post mortem æ-  
 ternis supplicijs. Exempla huius pœnæ sunt Græ-  
 cia, Turcia, Italia, & maxima florentissimaq; pars  
 totius orbis terrarum. Hoc seriò, sed frustra resipi-  
 scens in inferno testatur diues ille Epulo, qui illic  
 æternis pœnis cruciatur.

Non.



NON A: An rex nuptias, quas instituerat, propter hominum ingratitudinem intermittit? Minime, sed ait seruis suis: Nuptiæ quidem paratæ sunt, sed qui erant inuitati, non erant digni. Hoc etsi de ingratitudine totius mundi intelligi potest: tamen potissimum Christus hic agit de Iudæorum ingratitudine, quibus hac oratione comminatur exclusionem à nuptijs filij Regis.

Ite ergo ad exitus uiarum, & quoscunq; inueneritis uocate ad nuptias. En liberalitatem huius regis. Iubet ad nuptias filij inuitare omnes absq; conditione gentis et personarum. Loquitur n. de uocatione gentium ad Euangelium. Et diligenter obseruandum est, quod dicit: quoscunq; inueneritis uocate ad nuptias. Sed quando hoc dictum est ministris sponsi? Quia Christus dixit: Ite in mundum uniuersum, & prædicate Euangelium omni creaturæ, qui crediderit & baptisatus fuerit, saluus erit, qui uerò non crediderit, condemnabitur.

DECIMA: & egressi serui eius in uias, congregauerunt omnes quos inuenerunt, bonos et malos, & impletæ sunt nuptiæ discumbentibus. Hoc factum est post diem Pentecostes, postquam armati fuerunt Apostoli Spiritu sancto, & deinde usq; in hunc diem per Euangelij ministros.

## DE SECUNDO.

Intrauit autem Rex, ut uideret discumbentes, & uidit hominem non uestitum ueste nuptiali, & dicit ei: Amice, quomodo huc

y 5 intraisti,

Non intermittit  
Rex nuptias  
propter ingra-  
tos.



intraſti, non habens uestem nuptialem? Hic locus primum docet, quod in cœtu Ecclesiæ uisibili debeant mali commixti esse bonis, usq; ad extremū diem: id quod etiam parabola de zizanijs docet. Nec est speranda talis Ecclesia in hac uita, qualem Anabaptistæ fingunt. Est enim Ecclesia persimilis agro, in quo crescit cum zizanijs triticum. Quem admodum enim triticum ibi manet triticum, et si plurimum zizaniæ subinde oriatur: Ita Ecclesia sancta manet, tametsi quædam habeat putrida membra. Sunt quidem Ecclesiæ membra quotquot profitentur Christi religionem: sed alia sunt uiua, alia mortua. Viua sunt, qui uiuam habent fidem: Mortua sunt, qui religionem profitentur sine uiua in Christum fiducia. Qui autem sunt extra uisibilem Ecclesiæ cœtum, hostes doctrinæ, nec uiua nec mortua membra sunt.

Sequitur, quod rex ingressus uiderit hominem nō indutum ueste nuptiali. Quenam est ista nuptialis uestis? Hoc necessarium est scire, ut nuptiarum Christi dulcedine perpetuò frui liceat. In extremo die in conspectu huius regis stabunt duo genera hominum, quorum alij recusarunt uenire ad has nuptias, quales sunt Turcæ, & Impij Iudei & multe prophane gentes hodiè. Horum neminem habere uestem nuptialem manifestū est, quarum tamen multi ciuilem honestatem amant. Quare ista externa ciuitas Aristidis, Fabricij, Fabij Maximi, Catonis, nequaquā est uestis ipsa nuptialis, quam hic requirit.



rit. Alij uenerunt ad nuptias, hoc est, ad prædicationem Euangelij se in externum Ecclesie coetum receperunt. Verum hi non sunt unius generis. Quidam enim suis operibus fidunt et putant suam turpitudinem tectam uestitu operum suorum: An hic uestis nuptialis est? nequaquam: nam excluduntur a nuptijs, Nemo autem qui uestem nuptialem adfert, à nuptijs excluditur. Alij nulla habent opera nisi mala: sed gloriantur de fide, & iactant se fideles esse, & hanc suam uanam gloriationem existimant uestem esse nuptialem, sed frustra. Dicit enim Dominus de talibus hypocritis: Non omnis qui dicit mihi, Domine, Domine, intrabit in regnum cælorum: Sed qui Patris mei uoluntatem facit, qui in cælis est. Alij uerè credunt, hoc est, qui mortificant carnem, & uiuunt Spiritu, cogunt poenitentiam et innocentiam meditantur. Hi soli uestem nuptialem habent. Siue ergo fidem uiuam siue sanctificationem dixeris uestem nuptialem, non erraueris. Nam uocatio ad nuptias ut fidem, ita sanctificationem ueram requirit. Quod autem hæc sit uestis nuptialis in Abele, Abrahamo, Magdalena & alijs multis sanctis apparet. Neque mirum est, huiusmodi uiuam fidem uestem nuptialem esse. Nam qui credit, eius peccatum remissum est, & ira Dei ablata est, is filius Dei est. Nam scriptum uis: dedit potestatem filios Dei fieri quotquot credunt in Nomen eius. Qui credit in eum, habet uitam æternam. Deinde credenti imputatur iusticia Christi, quæ homo ornatus apparet

Qui uestem  
nuptialem  
habent.



NOTE  
VESTIS

apparet iustus in conspectu Dei. Verum hic cauendum est, ne laruam aliquam pro uera ueste sumas, id est, ne inanem fiduciam pro uera & uiua fide iactes. Si uis ergo eius notas habere, scito has esse. Vbicunq; est uera fides, ibi simul adest poenitentia, uerum odium peccati, ueri terrores, rursus consolatio in corde accensa per Spiritum sanctum studium gloriæ Dei promouendæ inter homines, officia caritatis, seu, ut uno uerbo dicam, uera sanctificatio, quæ non est aliud, quàm separatio à prophanitate mundi per mortificationem carnis, & applicatio ad Deum per uiuificationem spiritus. Hæc sanctificatio ubicunq; est, in perpetua lucta est posita. Nam caro militat aduersus spiritum. Sanctificatio hæc non uno perficitur momento: sed toto uitæ tempore crescit: id quod uita sanctorum facile docere potest. Hæc sint dicta de ueste nuptiali.

Sed quid queso fiet eis qui hanc uestem non habent? Hoc textus his uerbis docet: ligatis manibus & pedibus eius, mittite eum in tenebras exteriores, ibi erit fletus & stridor dentium. Tenebræ exteriores notant supplicia & tristitias quæ sunt extra regnum Dei, nempe in inferno. In has tenebras missus est diues Epulo, et omnes quotquot ueste nuptiali non inueniuntur induti eo conijcientur. DE TERTIO.

Multi sunt uocati, pauci uerò electi. Hoc Christi dictum duo cōtinet, nempe prædicationem misericordiæ et bonitatis Dei (qui omnes uocat ad nuptias).



nuptias filij sui. Neq; ullos uocare putādus est, quos non uult interesse nuptijs filij sui) & querelam de ingratitude maximæ partis totius mundi. Multi sunt (inquit) uocati. Iussit. n. sponsus, ut Apostoli irent in orbem uniuersum & uocarent ad nuptias has omnes, & ut suprâ dixit: Vocate ad nuptias quoscunq; inueneritis. Sed pauci sunt electi, id est, pauci habent uestem nuptialem. Electi. n. dicuntur, quia ab alijs segregati sunt, & præ alijs sunt eximij. Ideò Petrus dicit, Christianos electos esse in sanctificatione spiritus, id est, ut spiritu sint sancti. Deus uult quidem omnes homines saluos fieri, ut Paulus docet, et parabola hæc ostendit, imò Christi uox Matth. ix. hoc conuincit: Venite ad me omnes qui laboratis et onerati estis, ego reficiam uos. Hoc dictum opponamus omnib. hostibus gratiæ Dei. Si ergo Deum respicis, Deus uult omnes homines saluos fieri, et ad cognitionem ueritatis peruenire, et uocat omnes promiscuè ad nuptias filij sui. At si homines respicis, pauci sunt electi, id est, pauci auditu Euangelium fide recipiunt & spiritu sanctificantur. Quare causa damnationis non est in Deo: sed in nobis ipsis querenda est. Quoties uolui (inquit Christus) congregare filios tuos, & noluiisti. Ecce duo hic habes: Christus uoluit. Ierusalem noluit. Monemur proinde hoc dicto, quod non satis sit audire Euangelium: sed obtemperare Euangelio oportet. Nam ideò prædicatur, ut Petrus docet, ut mortificemur secundum carnem, & uiuamus secundum spiritum.

Hæc



Discimus I.

II.

Hæc sint dicta de hodierno Euangelio: ex quo discamus Deum nos nō ad perditionem, sed ad beatitudinem creasse, et omnia quæ ad ueram beatitudinem spectant gratis præparasse. Deinde quod qui damnantur sua damnentur culpa, ut qui nolint Euangelio obtemperare. Quare si nobis salus curæ est, induamus uestem nuptialem, et meditemur ueram sanctificationem per Iesum Christum Dominum nostrum, cui cum Patre et Spiritu sancto sit honor in secula seculorum, Amen.

## DOMINICA XXI.

TRINITATIS, Iohan:4.



Erat



**E**Rat quidam regulus, cuius filius infirmabatur Capernaum. Hic cum audisset, quod Iesus aduenisset à Iudæa in Galilæam, abiit ad eum, & rogabat eum, ut descenderet ac sanaret ipsius filium, siquidem is agebat animam. Dixit ergo Iesus ad eum: Nisi signa & prodigia uideritis, non creditis. Dicit ad eum regulus: Domine, descende priusquam moriatur filius meus. Dicit ei Iesus: Vade filius tuus uiuit. Credit homo sermoni, quem dixerat ei Iesus, & ibat. Iam autem eo descendente, serui occurrerunt ei, & nunciauerunt, dicentes: Filius tuus uiuit. Sciscitatus est ergo horam ab eis, in qua melius habuisset. Et dixerunt ei: Heri hora septima reliquit eum febris. Cognouit ergo pater, quod illa hora erat, in qua dixisset sibi Iesus, filius tuus uiuit. Et credidit ipse, & domus eius tota. Hoc iterum secundum signum edidit Iesus, cum uenisset à Iudæa in Galilæam.

## ENARRATIO TEXTVS.

**H**Oc Euangelium docet nos, quò sit in omnibus huius uitæ calamitatibus fugiendum: nimirum ad omnis salutis & felicitatis fontem Iesum Christum: quod etiam Isaias monet cum ait: Haurietis aquas de fontibus saluatoris. Ad hunc fontem non pedibus, sed affectibus: non ratione, sed fide accedendum est. Docet præterea hoc Euangelium, quàm promptus sit Christus ad iuuandum, qui nullum,



lum, qui ad se uenit, dimittit sine consolatione. Nō enim aliter est affectus erga quenquam, quā erga hunc regium uirum & aulicum de aula Herodis: quem non solum uerbo consolatus est, uerum etiam miraculo eum uiuit. Summa propterea Euangelij in illud Ioēlis dictum includitur: omnis qui inuocauerit nomen Domini, saluus erit. Loci tres:

- I. De humanis calamitatibus, earum causa & remedio.
- II. De increpatione, qua Christus hunc regium increpat.
- III. Veræ fidei natura & indoles.

## DE PRIMO.

Erat aulicus quidam, cuius filius infirmabatur. Hic mœstus pater & ægrotus filius mundi calamitates nobis ob oculos ponunt: quæ sicuti sunt pœnæ peccatorum: ita etiam ueluti conciones quædam sunt iudicij diuini, quibus ad pœnitentiam inuitamur, sicuti hic aulicus mœstus propter filij morbum sentit suum peccatum & illud deplorat. Huc pertinet illud Isaia: Angustia erit illis disciplina. Verum ut bonitatem Dei erga nos consideremus melius, dicam quibus modis Deus potissimum soleat nos ad pœnitentiam inuitare: sint autem precipui sex modi.

PRIMVS: proponit doctrinam legis, quæ tanq̃ in tabula pingit peccata nostra: ostendit mentis cecitatem: dubitationē de prouidentia Dei, de promissionibus & comminationibus: ostendit affectum



*Aut impuritatem: ostendit cordis foetorem, uoluntatis auersionem à Deo & omnium uirium ataxiam. Deinde in secunda legis tabula, iniusticiam nostram erga homines et impuritatem affectuum nostrorum, adeò ut si quid iusti in tota nostra uita antequam ad Christum conuersi fuerimus appareat, id sit non secus, quam pannus tæbe et impurissimo sanguine foedatus: id quod Isaias conqueritur his uerbis: omnis iusticia nostra tanquam pannus sordidissimus. Has nostras sordes ideò nobis lex proponit, ut earum foetore admoniti agamus poenitentiam, & discedamus à uijs nostris pessimis.*

*SECUNDVS: magnitudo calamitatum internarum, quas nemo satis describere et deplorare potest, neq; ullius hominis tanta calamitas unquam fuit, quin aliquis nostrum possit in eà incidere, sicuti piè monet Ambrosius, cum ait. aut sumus, aut fuimus, aut possumus esse quod hic est. Quanta fuit calamitas Adam, qui non solum uidit unum filium alterum occidere: uerumetiam uidit nongentis annis tristissimos nepotum suorum lapsus. Quantus fuit cruciatus in animo Dauidis, cum supra filiarum, fratricidia filiorum uidit? quid dicam de paucis? omnes homines morsum serpentis sentiunt, qui morsus aliò nò spectat, quam ut inde cognoscamus iustissimum iudicium Dei, & confugiamus ad ueniam per ueram poenitentiam. Manasse rabiose insurrexit aduersus Ecclesiam Dei 25. annis, & se horrendis modis contaminauit: nec unquam cogitasset*

z

tasset



tasset de agenda poenitentia, nisi in Babylonicum carcerem fuisset abductus: ubi angustia carceris dedit illi intellectum. Ibi enim ex calamitatum magisterio doctus, flectit genua cordis, & ueniam peccatorum supplex petit, quam & impetrat.

TERTIVS: proponit nobis Deus aliena exempla, tragicos lapsus & multorum horrenda supplicia, ut illis admoniti agamus poenitentiam. Omnes. n. lapsus hominum, qui in historijs sacris et prophanis proponuntur, eò pertinent, ut nos cautos reddant. Cum lapsus in peccatum obrutus est eternis poenis: Saul deficit à Deo & non reuersus est per poenitentiam, sed est ira Dei oppressus. Multi hodiè ab Euangelio deficientes, incidunt in laqueos diaboli: unde nunquam extricare se possunt. Quare horum horrendis lapsibus & tristissimo supplicio admoniti, agamus mature poenitentiam, ne Deus iratus nos abijciat: & simus memores dicti Poetae: Felix quem faciunt aliena pericula cautum.

QUARTVS: concionatur aliquando Deus per tempestates, terræmotum, horrendos aspectus in coelo, quales uisi sunt ante destructionem Ierusalem: ut cometae instar gladiatorum, quales uidit hæc ætas per multos, quorum admonitu nisi egerimus poenitentiam, in poenas incidemus grauissimas. Hoc anno, qui est à natiuitate Christi 1561. uisus est in coelo uir cruci affixus, habens in capite coronam spineam. Pluit sanguis, & alia multa quotidiè conspiciuntur. Quoties ergo offeruntur nobis

Inuiscatur & uina



huiusmodi uisa cœlestia, sciamus Deum inuitare nos ad poenitentiam his symbolis suæ iræ. Cum autem Dominus dicit: nolite à signis cœli metuere, uult ut agamus poenitentiam, ne mala quæ minantur signa nos obruant. Nam omnibus poenitentibus cooperantur in salutem.

QVINTVS: proponitur nobis mors filij Dei, in qua Deus ostendit maximam suam iram aduersus peccatum: et simul inuitat ad poenitentiam. Is enim in cruce expandit brachia sanguine madida, & inuitat totum mundum ad poenitentiam, & offert gratiam omnibus poenitentiam agentibus. Quicumque ergo differt poenitentiam, contemnit filium Dei, suo tempore poenas horrendas luiturus.

SEXTVS: incertus uitæ huius exitus. Vita enim nostra similis bullæ est, & flori, qui est in agro, qui hodie floret, cras in ignem mittitur. Huius uitæ imbecillitatem proponit nobis etiam diuus Iacobus. Vidimus multos, qui sine poenitentia uixerant, subitanea morte tolli, adeo ut locus ad poenitentiam non sit illis relictus. Securis (inquit Iohannes) ad radicem arborum posita est. Et Salomon dicit: si ceciderit arbor ad austrum aut ad aquilonem, in loco, in quem ceciderit ipsa arbor, ibi erit, id est, talis iudicaberis, qualem te in hora mortis inuenerit iustus iudex.

Ecce quot modis Dominus nos ad poenitentiam inuitat. Ipse ait: Nolo mortem peccatoris, sed ut conuertatur & uiuat. Hanc suam uoluntatem de-

z z clarat,



clarat, cum tot modis adeo paterne ad poenitentiam inuitat: quæ sanè ad poenitentiam inuitatio ad omnes spectat.

Sed Paulus dicit, Deum nõ multos sapientes secundum carnem, non multos potentes, non multos præclaro genere natos elegisse: sed idẽ dicit: Deus uult homines omnes saluos fieri. Quomodo ergo non eligit? Dicitur Deus eos non elegisse, non quia non uoluit eorum salutem, sed propter euentum, hoc est, quia sapientia huius mundi, potentia et claritas generis multos inescat & abstrahit ab obedientia Euangelij. Dauid fuit diues et potens: fuit etiam diues & potens Nero: quorum ille non est inescatus suis diuitijs et potentia, ut deficeret ab Euangelio: hic uerò qui pluris fecit præsentem fortunam, quàm futuræ uitæ gloriam, à diuitijs suis damnationis materiam sumpsit. Isaac fuit claro genere natus, fuit & Ismaël clarus: sed non utriq; fuit par studium. Ismaël enim claritate sui generis contentus promissiones spreuit: contra, Isaac fide promissionis iustificatus et saluatus est. His exemplis clarè docetur, quòd Dominus neminem abijciat propter dona, quæ in ipsum cumulauit. Nam potentia, diuitia, claritas generis, bona Dei dona sunt, quibus qui rectè utitur felix est: Qui uerò male, sua culpa uertit sibi dona Dei in damnationis instrumenta. Consilium ergo Pauli amplectamur, modò nobis salus curæ est. Is enim ita dicit 1. Cor. 7. Qui utuntur hoc mundo, sint tanquam non utentes. Vult Christi-

stiani



stiani hominis animum rebus terrenis non occu-  
 pari, ut nos à uia recta uitæ abducant. Sic nos uult  
 uiuere, quasi singulis momentis migrandum sit ab  
 hac uita. In omnibus ergo rebus præsentis uitæ  
 corda habeamus erecta ad meditationem uitæ cœ-  
 lestis. Huc illud Pauli: quæ sursum sunt querite,  
 ubi Christus sedet ad dexteram Patris.

## DE SECUNDO.

Dixit Iesus ad eum: Nisi signa & prodi-  
 gia uideritis, non creditis. Hic Christus incre-  
 pat aulicum, & uirum qui fuit in magna dignitate  
 & singulari autoritate apud Herodem: quod tamē  
 raro fecit Christus, præsertim cū homines tristes  
 petentes opem ad se uenirent. Hinc nos discere de-  
 bemus, non esse adulescentes aulæ & dicere placen-  
 tia: sed exemplo Christi ulcus tangere, ut dolor  
 sentiat, ut postea felicior cura adhiberi possit.  
 Quantum autem ad hanc Christi increpationem  
 attinet, sciendum est, quod increpet Deus aliās ut  
 Iudex, aliās ut Pater: ut sit alia increpatio iudicia-  
 ria, alia paterna. Iudiciaria, qua ut Iudex increpat  
 impœnitentes, ut Scribas, Phariseos, Hypocritas,  
 qualis illa apud Matthæum, Væ uobis scribæ, Pha-  
 risei & Hypocritæ. Hæc horrenda est commina-  
 tio æternæ dānationis, cui subiectus est totus mun-  
 dus, qui contemnit Euangelium, iuxta illud: Qui  
 non credit, iam iudicatus est. Hæc increpatio nos  
 meritò mouere debet, ut fugiamus peccata, ne inci-  
 damus in manus Dei uiuentis, & nostra culpa ab-

2 3 iecti



iecti eternum pereamus. Hic leuamus oculos, ac mores mundi uideamus.

Multi alieni à pietate uideri non uolunt, sed spe diuturnioris uitæ procrastinant poenitentiam. Multi decipiuntur stoicis imaginationibus & dicunt: si sum prædestinatus ad uitam eternam, non est quod ego magnopere sim sollicitus: siue bene, siue malè agam, Deus decretum suum propter mea scelera non mutabit. Hæc horrenda est blasphemia. Primum, quia hoc horrendo dicto Deo fit summa iniuria, qui neminem uult damnari, sed saluari, idque per salutem, id est, Iesum Christum, quem fide amplecti oportet. Non iussit Dominus prædicari Euangelium huic uel illi, sed omnibus promiscuè, & addit conditionem: Qui crediderit, saluus erit, qui non crediderit, condemnabitur. Hoc Dei decretum nullum fatum mutabit. Proinde sic sentiendum est: ut quemadmodum Hector apud Homerum ait: Hoc augurium optimum est pugnare pro patria: ita fatum minime fallax est Euangelio credere, modo salutem uelis.

Alij, qui audiunt misericordiam magnam esse, uolunt peccare: et quando illis uisum fuerit poenitentiam agere. Hæc cogitatio multos prostrauit & prosternit hodiè. Paulus dicit: Ne seducamini: Deus non irridetur. Quicquid seminauerit homo, hoc & metet.

Alij multitudinem peccantium sibi proponunt. Is (inquit) non minus salutem suam uellet, quàm e-

go:



go; Deus non tantam multitudinem perdet. Sed uide quid acciderit in diluuiio. Christus spiritu per os Nohe prædicauit spiritibus, hoc est, illis quorum animæ nunc sunt in carcere: sed maxima pars orbis terrarum Christi spiritum concionantem audire recusauit, adeo quod tantum octo homines seruari sint. Nihil hic iuuat malorum multitudo. Quinq; ciuitates, quarum capita fuerunt Sodoma & Gomorra, uocem Loth contemserunt. Quid iuuat illos multitudo? Non'ne ad unum omnes perierunt, excepto uno uiro Loth, cum duabus filiabus? Quare caueamus, ne nos turba peccantium à pœnitentia impediat: fugiamus impiorum uoces, qui nos ad peccandum inuitant, meminerimus dicti Christi, qui mentiri nequit: nisi pœnitentiam egeritis, omnes similiter peribitis.

## DE TERTIO.

Et credidit homo sermoni, quem dixit ei Iesus, & ibat. Hic primùm obseruandum est, quod Christus non reiecerit hunc alienum, propterea quod ipsius fides erat infirma. Reprehendit quidem fidei imbecillitatem, sed non abiicit. Non enim arundinem fractam diminuit Dominus, nec linum fumigans extinguit, sed potius sanat & excitat. Discipulos obiurgat ob uacillantem fidem, sed non eos tanquam indignos à se repellit. Nouit enim quæ sint imbecillitates nostræ: nouit quantis arctibus concutiat fides nostra: nouit quod in omni homine sit dubitatio horribilis.

z 4 Sed



Sed Philippus dicit Eunuchō petenti baptis̃mū: si perfectē credideris. Ergo si baptismus conferri nequit sine perfectā fide, neq; alia beneficia sunt expectanda. Hic sunt duę quęstiones: Vna de dubitatione: Altera de perfectione fidei. Quantū ad dubitationem, ita respondeo. Fides est firma et infirma: sed secundum diuersa principia. Si .n. carnem respicis, subinde suboriūtur dubitationes. Sara, cui promissum fuit semen, risit, et ex carnis sensu magnam dubitationem habuit. Sic Abraham et multi sancti, quoties carnis sensu tanguntur, dubitare nonnihil incipiunt. Caro .n. perpetuō aduersatur spiritui: nec est quōd quisquam tantum robur fidei expectet, quin subinde carnis arietibus concutitur. Verū si spiritum respicis, fides firma est, nihil ambigit. Abraham, inquit Paulus, non hesitauit diffidentia, eō quōd fuerit effectus, & uxor Sara fuerit sterilis & natura & ætate, sed dedit gloriam Deo, qui prestare possēt quod promiserat.

Quomodo perfectā est fides? non ne quotidianis incrementis indiget? Est perfectā fides, et tamen indiget quotidianis incrementis. Perfectam habuit fidem qui dixit: Credo DOMINE, sed auge fidem meam. Hoc pulcherrima hac similitudine ostendi potest. Puer recens natus est homo perfectus. Vir adultus est homo perfectus. Ita est cum fide. Fides est perfectā, quę Christū perfectum recipit et apprehendit, sed opus habet quotidianis incrementis, quō absoluta fiat suis partibus. Sicut puer etsi perfectus

Etus



Etus est homo: tamen uictu et alimento indiget, quo iustam quantitatem acquirat: ita qui credit, opus habet perpetua meditatione uerbi Dei, opus habet pane coelesti, opus habet potu spiritali, quò indies noua incrementa accipiat. id quod in Apostolis uidemus. Petrus fidem habuit, quando dixit: quò ibimus, uerba uite habes. Verùm hæc Petri fides maiores uires habuit, & ueluti adulta fuit die Pentecostes, quando spiritum Christi uisibiliter nactus prodijt in medium, & Christo una concione tria millia hominum adduxit. Ita in cæteris quoq; crescere debet fides: Cuius si substantiam respicis, statim ubi concepta fuerit ex uerbo, est perfecta: si uerò quantitatem, quotidianis incrementis augefcit.

Quantum aut ad actiones fidei attinet, pulcherrime ostenduntur in hoc aulico. Primum etenim urget fides hunc aulicum, ut in suis calamitatibus ad Christum confugiat, tanquam ad uerissimum & peritissimum medicum omnium morborum et calamitatum. Deinde eum impellit, ut Christum inuocet, petatq; ab eo auxilium. Ad hæc facit, ut non statim Christum deserat, ubi ad primam petitionem non impetrat quod uult: sed ut urgeat Christum precando: ut non sinat se asperiori responso terreri ab eo, quem unicum saluatorem agnoscit. Hoc enim dum fit, impetrat à Christo quod uult: undè crescit magis, et fit ad petendum alacrior et ardentior, et edit fructus cōfessionis et glorificationis, sicuti hîc dicitur: & credidit ipse, & domus eius tota.

z s Hinc



Hinc ergo sex fidei proprietates colligere licet, quas habet perpetuas.

PRIMA, fides nos ad Christum in nostris calamitatibus petitem auxilium impellet: non nouit sanctos quos inuocet, sed solum Christum, quem agnoscit unicum Mediatorem esse inter Deum & hominem.

SECUNDA, ubi Christum accessit, eum inuocat, non sua dignitate, sed eius clementia & misericordia freta,

TERTIA, non si mox non impetrauerit oculos quiescit & despondet animum, sed in orando perseverat.

QUARTA, impetrat quod uult: uult autem quod in Dei gloriam cedere potest.

QUINTA, postquam impetrauit quae uoluit, magis crescit & iustam quantitatem accipit.

SEXTA, edit fructum confessionis & praedicationis Dei. Et diligenter obseruanda est haec clausula, Credidit ipse, & domus eius tota. Simile refert Lucas de Cornelio. Hinc ergo discamus nostram familiam ad pietatem assuefacere, simus ei typus & forma doctrinae, rudes instituamus, delinquentes corripiamus, de fides excitemus: Breuiter, omnia faciamus, ut quot sunt familiae, tot sint & Ecclesiae. Verum qui nullam curam familiae habent, ut pie instituantur, fidem quidem iactare possunt: sed tantum fumum fidei habent, & non ueram fidem, quae perpetuo frugifera est per Iesum Christum.



Christum Dominum nostrum, cui laus & gloria in  
secula seculorum, Amen.

# DOMINICA XXII.

TRINITATIS, Matth. 18.



**A**stimulatū est regnum cœlorum homini  
regi, qui uoluit conferre rationem cum  
seruis suis. Et cū cepisset conferre, oblatus  
est ei unus, qui debebat ei decem milia ta-  
lentorum. Cæterū cū is non esset solu-  
do, iussit eum Dominus uenundari, & uxo-  
rem eius & liberos, & omnia quæ habebat,  
ac fieri solutionem. Procidens autem seruis  
ille, adorabat eum, dicens: Domine esto pa-  
tiens



732 DOMINICA XXII. POST  
 tiens erga me, & omnia tibi reddam. Miser-  
 tus autem Dominus serui illius, absoluit e-  
 um, & æs alienum remisit ei. Egressus uerò  
 seruus ille, inuenit unum de conseruis suis,  
 qui debebat ei centum denarios, & iniecta  
 in eum manu, obtorto collo trahebat, dicēs:  
 Solue quod debes. Et procidens conseruus  
 eius, rogabat eum dicens: Esto patiens er-  
 ga me, & omnia reddam tibi. At ille nole-  
 bat, sed abiit & coniecit eum in carcerem, do-  
 nec redderet debitum. Porro cū uidissent  
 conserui eius quæ fiebant, indoluerunt ual-  
 de, & uenerunt, aperueruntq; Domino suo  
 omnia quæ facta fuerant. Tunc accersuit il-  
 lum Dominus suus, & ait illi: Serue scelestē,  
 totum debitum illud remisī tibi, cū obse-  
 crasses me, Nonne oportuit & te misereri  
 conserui tui, sicut & ego tui misertus eram?  
 Et iratus Dominus eius, tradidit eum torto-  
 ribus, quousq; redderet totum quod debe-  
 batur sibi. Sic & Pater meus cœlestis faciet  
 uobis, si non remiseritis suo quisq; fratri de  
 cordibus uestris delicta illorum.

ENARRATIO TEXTVS.

**O**ccasio huius Euangelij fuit interrogatio Pe-  
 tri, qui Christum interrogat, quoties remit-  
 tat peccati aduersus se fratri, an usq; septies. Huic  
 Dominus respondet. Non dico tibi usq; septies, sed  
 ad septuagies septem, scilicet peccata. Septuagies  
 septem



septem sunt 490. quo numero significatur, quod fratri resipiscenti toties condonabimus offensam, quoties in nos peccauerit. Posuit enim numerum finitum pro infinito. Verum quia hoc durum uidebatur Petro, Dominus proponit parabolam, cuius hec est sententia. Deus Pater coelestis condonat nobis sepius contra se peccantibus: Quare nos quoque fratribus resipiscantibus, qui nos laeserunt, condonabimus. Pertinet igitur hoc Euangelium ad tertiam partem poenitentiae, uidelicet ad nouam uitam ex fide degendam: cuius nouae uitae quaedam pars est, mutua erratorum quae incidunt condonatio. Quò autem haec parabola clarius intelligi possit rerum collationem instituam hoc modo. Quemadmodum homo praediues creditor habet se ad debitorem pauperrimum, sed humiliantem se, prosternentem se coram creditore, et petente ueniam: sic se habet Deus erga peccatores humiliantes se in uera poenitentia coram Deo prosternentes se et petentes remissionem peccatorum propter Christum. Sed creditor diues humilianti se debitori debitum condonat. Ergo Deus poenitenti ex misericordia condonat omnia sua peccata. Iam sicut Deus se habet erga peccatores sepius aduersus se delinquentes: sic habebit se Christianus erga fratres seu conseruos suos in se delinquentes. Proinde ut Deus condonat gratis nobis errata nostra: Ita et nos offensas, quibus laesi sumus à fratribus, remitemus. Verum contra, quemadmodum creditor habet se



bet se aduersus eum debitorem, cui cōdonauit prius debitum, & postea eum crudelem deprehendit aduersus fratrem suum: sic se habet Deus erga eos, quos receperat prius in gratiam: & postea reprehendit crudeles erga proximum suum. Sed creditor huiusmodi ingratum hominem reuocat ad rationes reddendas. Ergo & Deus reuocat ad seuerum iudicium, qui fuerant duri erga proximos. Proinde, condonandum est proximo, quotiescunq; aduersus nos peccauerit. Loci tres.

I. Vera agendi pœnitentiam ratio.

II. Commendatio misericordie Dei erga peccatores.

III. Officia mutua Christianorum condonare & condonari.

DE PRIMO.

Parabola creditoris & debitoris pulcerrimam agenda pœnitentie rationem proponit, qua non est alia illustrior in toto nouo testamento: Quare omnes eius circumstantias perpendamus: Quis sit creditor: Quando exigat rationem: Cur debeamus: Quantum debeamus: Quid faciendum ubi urgeatur ratio: Quomodo satisfiat iusticie Dei, quæ est flagitat, ut soluatur quod debetur.

Quis est creditor? Deus Rex cœlestis. Is nos donauit multis bonis: formauit nos ad suam imaginem, dedit lucem in mente, rectitudinem in corde & uires interiores & exteriores, quibus potuimus ei obedientiam præstare.

An non



An non hæc sunt abolita per peccata primorū parentum? Verum quidem hoc est: sed dona, quæ contulit Adam, ad totam eius posteritatem pertinebant. Cum ergo ille noster parens amisit dona, et se & nos secum in mortem coniecit, proinde recte repetit à nobis Deus, quod in nostro parente amisimus: imò multis modis nos auximus debitum, ut eius summa ita magna sit facta, ut nemo possit eam soluere, etiamsi se & sua omnia uendat.

Quando hic creditor exigit rationem? Etsi autem perpetuò nos huius debiti admonet: tamen potissimum rationem exigere putandus est, Primum, quoties nostra conscientia peccati nos coarguit, & ueluti nos ad tribunal Dei prouocat. Deinde, quando S. sanctus in ministerio legis uenit, & arguit peccatum, & prouocat ad poenam nisi fiat solutio. Præterea, quando signa iræ Dei conspiciuntur, uel in cælo, uel in terra. Ad hæc, cum cruce aut morbo uexamur, quæ sunt ueluti ministri Dei, qui nos ad soluendum debitum urgent.

Sed cur peccata uocantur debita? Quoniam quemadmodum debita ciuilia obligant ad solutionem: ita peccata ad satisfactionem poenæ, nisi fiat solutio.

Cur debemus? hoc iam dictum est. Debemus, n. tantum quantum apud parentem nostrum Adam deposuit, quod totum amisimus, & insuper nouis debitis nos onerauimus, quotidianis transgressionibus aduersus Dei sanctissimam legem, illius in nos iram prouocantes.

Quanta



Quanta est debiti summa? Respondet creditor, quod debeas decem millia talentorum, & quod tu non habeas obulum, tantum abest, ut tantum debitum unquam soluere possis. Decem praecepta continent debiti partes. Exigitur à te timor Dei, dilectio, fiducia, patientia, in primo praecepto: quia hanc obedientiam non praestitisti & solvisti, debes poenam. Ita examinandum est debitum in singulis praeceptis primae & secundae tabulae: unde magnitudo debiti colligenda est.

Sed quid hic faciendum est? Imitari debemus exemplum huius debitoris, qui se prosternit coram suo creditore, se humiliat, petit veniam, quam & consequitur. Hoc est, Agnoscamus peccati magnitudinem: dolebimus ex corde, quod non reddiderimus quod debuimus: & confugiemus fiducia Christi ad Patrem coelestem, petentes veniam & condonationem debiti: quod cum fecerimus, habemus, promissionem, quod uelit nos, condonato toto debito, in gratiam recipere. Hoc clarè in praesenti miraculo indicatur: cuius rei nunc aliquot exempla proponam ad nos excitandos.

*Exm Mulieris  
peccatricis.*

Mulier peccatrix Luc. 7. agnoscens suum debitum, confugit ad gratiam, & uiua fiducia recumbit in Christum, quam Dominus mox pronunciat consecutam esse condonationem debiti. Ita enim ait: Remissa sunt ei peccata multa. Sed ibi additur: quia dilexit multum. Christus non eam dicit debito satisfecisse dilectione: sed postquam nata est solutionem,



tionem debiti dilexit: id quod Christus apertè proposita hac parabola indicat. Nam cùm Phariseus offenderetur, quòd Christus non reijceret hanc mulierem, tanquam peccatricem, & ministerium eius non improbaret tanquam impurum, ita eius peruersum iudiciũ corrigit. Duo debitores (inquit) erant cuidam creditori: unus debebat denarios quingentos, alter quinquaginta. Cùm autem illi non essent soluendo, condonauit utrisq;. Horum igitur dic uter plus diligit? Respondens Phariseus dixit existimo quòd is cui condonatum plus est. At ille dixit ei: rectè iudicasti: & conuersus ad mulierem, dixit Simoni: uides hanc mulierem. Ingressus sum in domum tuam, aquam pedibus meis non dedisti, hæc autem lacrimis rigauit pedes meos, & capillis capitis sui extersit, Osculum mihi nõ dedisti, hæc autem nõ intermisit deosculari pedes meos. Oleo caput meum non unxisti, hæc autem unguento unxit pedes meos: Cuius rei gratia dico tibi, quòd remissa sunt peccata eius multa: nam dilexit multum. Cui enim paululum remittitur, paululum diligit. Dixit autem ad eam: remissa sunt tibi peccata tua. Hic apertè uidemus, quòd nata remissionem debiti dilexerit. Nam remissionem peccatorum debet noua obedientia sequi, quæ dilectionis nomine hic significatur.

Videamus quoq; exemplum Dauidis, in quo conspiciuntur hi duo motus, quos in peccatrice uidimus: ingens pavor et consolatio. Nam cùm à Propheta

Exemplum  
Dauidis.

A a

pheta



738 DOMINICA XXII. POST  
 pheta Nathan arguitur de rapta coniuge alterius,  
 & de nece mariti, existunt in Dauide horrendi pa-  
 uores propter magnitudinem debiti sui, quales pa-  
 uores sepe describit: Non est pax ossibus meis à  
 conspectu peccatorum meorum, Agnoscit iram Dei  
 aduersus peccatum: dolet propterea quòd offendit  
 Deum: metuit se abijci à Deo, sicuti antè uiderat  
 horribiliter abijci Saulem: deniq; metuit aternas  
 & presentes poenas. Hic fuisset dolore extinctus,  
 nisi audiuisset consolationem à Propheta, uice Dei:  
 non morieris, Dominus abstulit peccatum tuum.  
 Hac audita consolatione accenditur in eo fides, qua  
 apprehendens absolutionem, incipit intueri miseri-  
 cordiam Dei, & in mediatore acquiescit.

Exemplum Pub-  
 licani. Luc.  
 18.

Nuper audiuius pulcherrimum exemplum in  
 Publicano, qui adeò agnouit magnitudinem sui de-  
 biti, quòd ne oculos leuare sit ausus: tamen audita  
 misericordiae Dei magnitudine, erigit se fide &  
 precatur: Deus propicius esto mihi peccatori: atq;  
 ita totius debiti gratuitam remissionem accepit.

Hæc exempla nobis proponamus, quæ clarè mō-  
 strant nobis poenitentiae et remissionis peccatorum  
 doctrinam: q; remissio peccatorum sit debiti gra-  
 tuita condonatio, quæ illi contingit, qui agit poeni-  
 tentiam, & confugit ad misericordiam Dei pro-  
 pter Christum. Etsi autem hæc remissio omnino  
 gratuita est si nos respicimus: tamē si Christum re-  
 spicimus, qui pro peccatis nostris horrenda susti-  
 nuit supplicia, facta est Deo sufficiens pro debito  
 nostro solutio.

Note



Notemus proinde REMISSIONIS uocem, REMISSIO.

quæ uel unica multiplicem in se c ontinet doctri-  
nam. Primum destruit doctrinam Monachorum de  
satisfactionibus. Nam si salus contingit per remis-  
sionem debiti iuxta Euangelium, quis furor est di-  
cere salutem contingere propter satisfactionem  
debiti. Nam remissio & satisfactio ita inter se pu-  
gnant, ut eidem nequaquam conuenire possint. De-  
inde, omnia merita humana euerit. Quomodo. n.  
quod gratuitum est, ex merito esse potest? Aper-  
tè Paulus inquit: Ei qui operatur, merces confer-  
tur non ex gratia, sed ex debito: ei uerò qui non o-  
peratur, sed credit in eum, qui iustificat impium,  
imputatur fides eius ad iusticiam. Quemadmodum  
& David inquit: Beati quorum remisse sunt ini-  
quitates, et quorū tecta sunt peccata. Tertio, euer-  
tit remissionis nomen compensationem, quam Pa-  
pistæ docent, quæ compensatio debet fieri, ut do-  
cent, per peregrinationes, ieiunia, eleemosynas. Ig-  
nem quoq; purgatorij extinguit. Si enim est remis-  
sum debitum, cur punitur debitor. Postremò re-  
missionis uox ianuam gratiæ miseris peccatoribus  
aperit, in agone mortis salutis est portus & omnis  
consolationis fons. Hæc sint dicta de primo loco.

## DE SECVNDO.

Quia hic textus de parabola creditoris, quanta  
sit dilectio & misericordia DEI erga genus hu-  
manum, indicat, nonnihil de ea dicam. Est autem  
duplex Dei misericordia. Vniuersalis una, qua si-

A 4 2 nit

Rom. 4

Psal. 32



nit solem suum oriri super bonos & malos: & peculiaris, qua, ut carissimus Pater, Ecclesiam filij sui complectitur: de qua Christus. Ioh. 3. Sic Deus dilexit mundum, ut filium suum unigenitum daret, ut omnis qui credit in eum non pereat, sed habeat uitam eternam. Nullo maiori testimonio potuit celestis pater suam erga nos declarare misericordiam, quam quod dederit filium, qui nos à commertia damnatione per mortem suam redimeret, & daret uitam eternam. Quoties igitur audimus nominari misericordiam Dei hæc cogitemus.

*Miseria generis humani*

1. Cogitabimus quanta sit miseria generis humani priusquam in gratiam recipiatur. Iacet genus humanum prostratum & uulneratum à Diabolo, cuius ueneno insuper infectum, nihil spirat præter peccatum, propter quod æternis pœnis est obnoxium.

*Causæ miseria- rum.*

2. Huius miserie causæ sunt cogitandæ, quæ sunt cum peccata primorum parētum, tum nostræ propriæ sordes. Etsi enim illorum lapsu obnoxij sumus sententiæ damnationis: tamen quotidie nouis peccatis obligamur ad grauiiores pœnas.

3. Philanthropia Dei & clementia erga genus humanum est cogitanda. Apparuit, inquit Paulus, Philanthropia & benignitas Dei salutaris omnibus hominibus. Quæ potuit maior Philanthropia esse, quam quod nos non abiecerit propter tantam turpitudinem & sceditatem.

*Victima filij*

4. Cogitandum est Antilytron, hoc est, uictima filij,



filijs, qua succurritur miserie humanæ & peccatum aboletur. Eum qui non nouit peccatum, fecit peccatum, ut nos fieremus iusticia Dei in ipso, 2. Cor. 5.

5. Cogitanda est uia, per quam nos uenire possumus in possessionem misericordie Dei: illa uia monstrata est in primo loco, quæ nulla est alia, quàm uera pœnitentia.

6. Cogitandum est, quousq; se diuina misericordia extendat, q̄ non ad paucos quosdam pertineat, uel ad homines unius ætatis: sed promiscuè ad timentes eum. Ita. n. canit beata uirgo edocta spiritu Christi, quem conceperat iam ex S. sancto: Misericordia Dei à progenie in progeniem timentibus eum, id est, omnibus qui agunt pœnitentiam.

7. Cogitanda est perpetua gratitudo in tota uita, ut Deum pro tanta misericordia glorificemus corde, ore, confessione & moribus.

8. Cogitandum est, ut solliciti simus in tota nostra uita regenda, ne nostra culpa tantum bonum amittamus, quemadmodum hic debitor fecit.

## DE TERTIO.

Tertiam doctrinam proposui de mutua condonatione erratorum, quæ incidere solent. Nam hæc coniuncta est cum fide remissionis peccatorū. Sunt autem duo cum fide remissionis peccatorum coniuncta, nempe gratia & donum. Gratia est ipsa iustificatio, qua hominib. credentibus imputatur iusticia Christi remissis peccatis: de hac dictum est in primo loco. Donum est ipsa donatio spiritus sancti

Via peruenienti.

Quousq; se extendat.

GRATITUDO

SOLLICITUDO

GRATIA

DONVM.

Ad 3 quæ



742 DOMINICA XXII. POST  
qua homo sola fide iustificatus simul regeneratur,  
sanctificatur, hoc est, mortificatur carne & uiui-  
ficatur spiritu. Mortificatur caro, quando abole-  
tur peccandi consuetudo: uiuificatur spiritus, quan-  
do nouam obedientiam Deo prestare incipimus.  
Huius uiuificationis quedam particula est condo-  
natio mutua, qua alij alijs peccata & offensas con-  
donant. Quam sit hæc condonatio necessaria, ho-  
diernum Euangelium apertissime ostendit, sicuti in  
præfatione dixi. Christus iussit nos precari: Di-  
mitte nobis debita nostra, sicut & nos dimittimus  
debitoribus nostris. Vult enim Christus nos imita-  
ri Patris sui exemplum.

Verum sunt duo genera hominum, qui nos of-  
fendunt: quidam offendere pergunt et non petunt  
condonationem: quidam postquam senserunt se of-  
fendisse, mox supplices ueniam petunt. Quantum  
autem ad illos attinet, qui pergunt offendere, offen-  
sas remittas hoc modo. Deposito uindictæ affectu  
eum amare non desines, quin etiam beneficium re-  
pendes loco iniuriæ, quamuis de illo, ut meretur, si-  
nistre sentis. Nam cum Deus hostibus nos bene uel-  
le iubet, non ideo protinus exigit, ut probemus in  
ipsis quæ ipse damnat: sed tantum animos nostros  
uult esse purgatos. At quantum ad illos attinet, qui  
postquam leserunt, mox ueniunt & deprecantur  
ueniam, debemus nos fratres in gratiam recipere,  
ut de ijs rectè sentiamus, simulq; persuasi deletam  
coram Deo esse peccati eius memoriam.

Porro



Porro sciendum est, quod duplex offensio con-  
tingit inter fratres : una leditur frater à fratre:  
Altera leditur Ecclesia, scandalo uidelicet, cum  
quis malè uiuit et agit, etiamsi nostræ personæ aut  
rebus nullam inferat iniuriam. Ita lasit incestuosus  
ille Ecclesiam Corinthiacam, quem resipiscens  
in gratiam recepit. Hæc condonatio seu remissio  
est duplex: odium aduersus eum depones : Deinde  
confugientem ad gratiam recipies, & tanquam  
fratrem illum complecteris, quem antea fugisti, ne  
ipsius maculis te inuolueres. Hæc sint breuiter di-  
cta de tertio loco, qui requirit mutuam condona-  
tionem incidentium erratorum inter homines,  
idq; exemplo Patris cœlestis, qui tantum debitum  
nobis condonauit propter Christum, cui gloria in  
secula seculorum, Amen.

## DOMINICA XXIII.

POST TRINITAT. Matth. 22.

**A** Beuntes Pharisei, consilium cœperunt,  
ut illaquearent Iesum in sermone. Et ad  
illum mittunt discipulos suos cum Herodi-  
anis, dicentes : Magister, scimus quod uerax  
sis, & uiam Dei in ueritate doceas, neq; cures  
quenquam, non enim respicis personam ho-  
minum. Dic ergo nobis, quid tibi uidetur?  
Licet censum dare Cæsari, an non? Cognita  
autem Iesus malicia eorum, ait : Quid me

Aa 4 tenta-





tentatis hypocrite. Ostendite mihi numisma  
census. At illi obrulerunt ei denarium. Et ait  
ad illos: Cuius est hæc imago & subscriptio?  
Dicunt ei: Cæsaris. Tunc ait illis: Reddite er-  
go quæ sunt Cæsaris, Cæsari: & quæ sunt Dei,  
Deo. Et his auditis, mirati sunt, & omisso co-  
abierunt.

#### ENARRATIO TEXTVS.

**C**onsilium sanctorum patrum, qui hoc Evan-  
gelium in Ecclesia proponendum iudica-  
runt, fuit, ut extaret doctrina in Ecclesia de disci-  
mine spiritualis regni Christi & regnorum mun-  
di. Deinde ut scirent pij, quatenus obediendum sit  
politico magistratui.

Occasio



Occasio autem huius Euangelij fuit malicia Phariseorum, qui iuxta uaticinium Davidis consilia iniecerunt aduersus Dominum et aduersus Christum eius, quò ipsius regnum euertant, & suam superstitionem stabiliant.

Versatur autem totum Euangelium in hac questione: Iure ne populus Dei externo & politico magistratui esse subiectus, et ei tributa dare et obedire debet. Christus ad hanc questionem ita respondet. Ecclesia ijs omnibus, quibus est obiecta, obedientiam debet. Cum ergo populus Iudaicus & Deo subiectus sit, nam ab eo in peculiarem populum est electus, & Cesari, qui armis eum subiecit, Deo reddere quod illi debetur, & Cesari quae sunt Caesaris debet. Hoc responsum eo pertinet, ut doceat Ecclesiam suam debere subiectam esse magistratui ciuili, atq; tributa soluere & tantisper obedire, donec aliquid contra uerbum Dei & legem naturae precipiat. Loci duo.

I. De hypocrisi & usitata ingratitude erga bene meritos.

II. De questione Phariseorum et de magistratu.

## DE PRIMO.

Tunc abeuntes Pharisei consilium iniecerunt, ut caperent eum in sermone. Hostes Christi fuisse Phariseos testatur tota Euangelica historia. Et tametsi nec in doctrina quicquam, nec in uita erat quod poterant reprehendere: tamen omnes quaerunt occasiones, ut innocenti sint molesti, eumq;

Aa 5 tradu=



traducant, tanquam qui malè doceret & malè ui-  
ueret. Hoc perpetuum fuit hypocritarum studium  
in mundo, Exemplum habemus in Ecclesia Dei hoc  
die. Monachi et Pharisei Papistici benè nòrunt no-  
stram doctrinam, quam docemus, ex Mose, Prophe-  
tis et Apostolorum scriptis desumptam esse, nec ali-  
quid habent, quod iure reprehendere possint in  
multorum piorum ministrorum moribus: tamen ua-  
rias excogitant calumniandi artes, mille uias qua-  
runt ad abolendum Euangelium, potius uiderent  
Turcam regnare quam Euangelij puritatem con-  
seruari. Vnde tanta rabies: unde hæc malicia: sunt  
satellites Satanae, quare non est mirum, si in castra  
Christi irrumpere conantur. Deinde hætenus fue-  
runt in magno precio, & salutabantur sanctissimi  
patres: nunc autem detecta illorum hypocrisis uile-  
scunt, et illorum superstitio explosa contemnitur.  
Totas igitur uires intendunt, ut cursum Euangelij  
cadaueribus & sanguine sanctorum intercludant.  
Sed Deo sit gratia, Ecclesia Christi est ædificata  
super firmissima rupe, ut portæ & consilia uiresq;  
inferorum aduersus eam preualere nequeant. Hoc  
proinde cùm sit perpetuum, non est mirandum,  
quòd hi Pharisei suo faciant more.

Videamus ergo quibus artibus Christi regnum  
inuadāt. Euangelista noster quatuor illis tribuit ar-  
tes, quibus utuntur prius quam manum admouent.  
Primum, consilium. Consilium, inquit, inierunt.  
Est. n. consilium actionis fundamentum. Conueni-  
unt



unt ergo, conferunt sua nepharia consilia, & quò  
 quisq; sit in consultando nequior, eò maiorem lau-  
 dē reportat. Hoc longè antè præuidit spiritus Chri-  
 sti in Dauide, quemadmodū habemus in 2. Psalmo.  
 Quare fremuerunt gentes, et populi meditati sunt  
 inania. Verè inania, quia Dominus fatuabat consi-  
 lia eorum. Deinde notatur hic, quò omnia ipsorum  
 consilia tendebant. Vt (inquit Euangelista) cape-  
 rent eum in sermone. Vt ita captus exponere-  
 tur ludibrio populi: infamaretur eius doctrina: ui-  
 lesceret autoritas: atq; ad extremum raperetur ad  
 supplicium, ut contumeliosus in Deum, hæreticus  
 & maleficus. Vides scopum consultationis Phari-  
 seorum. Tertio loco sequitur qualem, inuenerint  
 consilium. Placuit istis bonis consiliarijs, ut mitte-  
 rent suos discipulos cum Herodianis. Astutè admo-  
 dum, ut haberent præsentēs testes, qui possent ip-  
 sum apud Herodem traducere, si quicquam dixis-  
 set, quod aliàs minus placuisset. Hos discipulos e-  
 gregiè hypocrisi instruxerunt, ut essent ad fallen-  
 dum magis idonei. Nulli. n. citius fallunt, quàm qui  
 cū externam sanctitatem et comitatem simulant,  
 occultè fallere instituunt. Quartò describitur ho-  
 rum hypocritarum oratio in hunc modum, Magi-  
 ster, scimus quòd uerax sis, & uiam Domini  
 uerè doceas, & quòd non sit tibi cura de ali-  
 quo. Hoc est principium orationis illorum: quod  
 sanè si uerba spectes aptissimum est. Continet e-  
 nim duo: Primum agnoscunt eum magistrum,  
 dein de



748 DOMINICA XXIII. POST  
 deinde tribuunt ei uirtutes, quas habere oportet fi-  
 delem doctorem. Cum eum uerbis agnoscunt Domi-  
 num, uolunt non hostes, sed amici, imò discipuli ui-  
 deri, qui magno discendi desiderio teneantur. Cum  
 tribuunt ei uirtutes, quas uerus doctor habere de-  
 beat, fraudulenter se insinuant Domino, ut nihil sibi  
 ab illis periculi esse credat. Sed nullum est consili-  
 um, nulla prudentia aduersus Dominum. Sed quæ-  
 nam sunt illæ uirtutes, quas Christo tribuunt? PRI-  
 MA est ueritatis studium: Scimus (inquiunt)  
 quod uerax sis. SECUNDA, certitudo doctri-  
 næ: & uiam Dei (inquiunt) in ueritate doceas.  
 TERTIA est constantia & animi fortitudo: &  
 non (inquiunt) est tibi cura de aliquo. Quare?  
 Quia non respicis personam alicuius (& hæc est  
 quarta uirtus) Non enim (inquiunt) respicis per-  
 sonam hominum. Hæ quatuor uirtutes sunt ma-  
 gnæ, & requiruntur ab omnibus Dei ministris.  
 Veritatis studium facit, ut excussis ignorantie te-  
 nebris, ueritas illucescat. Certitudo doctrine fa-  
 cit, ne uariæ doctrine uentis, & rumorum uanita-  
 te fluctuemus. Constantia & animi fortitudo in-  
 uictum in officio reddit. Quod non personas homi-  
 num respiciat Doctor efficit, ut ueritas non metu  
 aut alia resupprimatur. Has uirtutes Dominus Io-  
hanni Baptiste tribuit: & quod fuerit eis uerè  
 præditus ostendit effectus: Nam cum Herodes ac-  
 cepisset per uim uxorem fratris sui Philippi, auda-  
 cter illi restitit, non ueritus personam, quam susti-

nuit



nuit Herodes. Dicit enim: Non licet tibi habere uxorem fratris tui: propter quod paulò post raptus est ad supplicium. Huiusmodi uirtutes habuit & Helias, qui impio regi restitit, & aperte illi in os dixit: Tu perturbas Israël, & domus patris tui. Verùm hoc qui non faciunt, uerius mercenarij dicendi sunt quàm ueri pastores. Hactenus de machinis hypocritarum aduersus Christum.

## DE SECVNDO.

Quæstio sequitur, qua ita putant se Christum posse cōstringere, ut non habeat quò euadat. Licet (inquiunt) censum dare Cæsari an non? Hic putarunt quòd necessariò & simpliciter alterum ex his duobus esset responsurus, licere, aut non licere. Si dixisset licere: turbam offendisset, quia inuita istud onus sustinuit, ac ita habuissent accessum ad ipsum perdendum, deficiente ab eo turba. At si dixisset non licere: aderant Herodiani, qui mox illum tanquam seditiosum rapuissent ad pœnam. Quid ergo ad hanc quæstionem Dominus? Duo facit, Pri-  
mum obiurgat eos, Deinde soluit quæstionem. Cognita, inquit Euangelista, Iesus nequicia eorum, ait: Quid me tentatis hypocritæ. Hic experiuntur uerum esse, quod illi antea adulandi gratia dixerant: non respicis personas hominum. Quæstionis solutionem hoc pacto instituit: Ostendite mihi numisma census: at illi obtulerunt ei denarium. Cuius est imago hæc (inquit) & superscriptio? Dicunt ei, Cæsaris. Tunc ait illis: Reddi-



Reddite ergo quæ sunt Cæsaris, Cæsari, & quæ sunt Dei, Deo. Quæstio soluta est, ita ut nec ueritatem tacuerit Dominus, nec ansam calumniandi habuerint Pharisei. Quare confusi mirati sunt & abierunt. Adeo nullum consilium, nulla prudentia ualet contra Dominum.

Sed quid hæc Christi responsio nos docet? Primum discernit inter regnum Cæsaris et Dei, id est, inter regna mundi et Ecclesiam. Deinde distinguit inter personas, quæ his diuersis regnis præsent. Tum docet obedientiam præstandam esse in utroque regno, hoc est, ut Deo suus cultus tribuatur in spiritali suo regno, & politico magistratui debita præstentur officia. Hoc loco dicendum esset, quid Deo debeatur, et quid politico Magistratui: uerum quia sæpius aliàs dictum est de cultu Dei, hic de magistratu dicam, quod admoneamur, quod pie nos de magistratu sentire oporteat. Dicam igitur quinque de magistratu. 1. unde et quid sit. 2. quæ conditiones boni magistratus esse debeant. 3. quod officium, quique fines sint administrationis politicæ. 4. qualenam magistratus ius existat in subditos & subditorum bona. 5. quid magistratui suo debeant subditi,

PRIMUM, quod proposui, nempe unde & quid sit magistratus, Paulus Rom. 13. declarat, ubi docet magistratum à Deo esse: Non enim (inquit) est potestas nisi à Deo, quæ uerò sunt potestates, à Deo sunt ordinatæ. Quod quidem de iure imperij intelligendum est, non de confusione, quæ sæpe in  
impe



imperijs propter scelera hominum cernitur. Dum  
itaq; boni magistratus præsunt, Deum ueluti pro-  
pinquum nobis cernimus, & nobis eorum, quos  
constituit, manu imperantem. Contrà, cùm impij  
 magistratus præsunt, impietas quidem à Diabolo  
 & praua uoluntate imperantis est: sed Deus ira-  
 tus laxat frena tyrannis & impijs, ut ita ingratu-  
 tudinem hominum ulciscatur.

Habes unde sit magistratus: quid autem sit, idem  
 Paulus definit: nempe quòd sit ordinatio Dei sub-  
ditis in bonum, dum honorantur boni, & puniun-  
tur mali corporalibus poenis.

SECUNDVM, quod proposui, fuit de con-  
 ditionib. boni magistratus, quæ Mosis 12. quatuor  
 recensentur, nimirum ut Iudex seu Magistratus sit  
sapiens, timens DEI, uerax ac minime auarus.  
Sapientia gubernat actiones, ne in administratione  
per errorem peccet, ac peruertat iudicium. Timor  
Dei efficit, ut Deum respiciat in omnibus causis,  
caueatq; ne quicquam committat, quo illum offen-  
dat. Veritas monet, ne falsas legum interpreta-  
tiones & sycophantias admittat. Odiu auariciæ  
sinceritatem in iudicando conseruat. Vbi enim mu-  
nerarij iudices sunt, actum est de æquitate. Nam  
 si personæ acceptio corruptio est iudicij, ut nul-  
 lus sit æquitati locus, profectò auaricia efficit,  
 ut iudex potius personam quàm causam intuea-  
 tur. Quisquis igitur magistratu fungens precio  
 ducitur, æquum & bonum perspicere non potest.

Muncro



Munere enim excrucantur oculi sapientum et peruertuntur uerba iustorum. Hinc est quod auari iudices furum socij dicantur ab Isaia.

TERTIVM, quod proposui de magistratu, fuit de eius officio, de quo nunc agam. Ostendam autem magistratus officium cum ex testimonijs scripturae, tum per exempla illustrium hominum, qui magistratus cum laude functi sunt. Officium magistratus in genere est, ut sit custos diuinae legis, hoc est uerè religionis conseruator. Hoc autem officium tum demum exercet pius magistratus, cum exemplo Dauidis, Iosiae, Ezechiae, tollit idolatriam & idolatriae occasiones: ut Ezechias aeneum serpentem diminuit: Iosias templum purgauit à uarijs idolis: Moses uitulum confregit: Dauid exhortationibus populum ad uerum cultum Deo præstandum adduxit. Nam si magistratus à Deo ordinatus est, ut sit minister Dei homini in bonum, debet utique, quæ homini noxia uidet, pro uiribus amoliri, ne reipublicæ bonum & ciuium salus impediatur. Deinde curabit magistratus exemplo Iosiae, ut uera religio proponatur, conseruetur & propagetur, impijs doctrinis abolitis. Quamquam autem distincta sunt officia magistratus ciuilis & ministerium uerbi: tamen in hoc conuenire possunt & debent, ut gloriam Dei & salutem generis humani simul querant, sed seruata utriusq; legitima ratione: hoc est, ut magistratus ciuilis edicto & gladio, minister autem uerbi doctrina, exhortatione, obiurgatione &



et comminatione impietatem tollere, et gloriam Dei querere conentur. Præterea, quia religio sine docentibus et discipulis conseruari nequit, Magistratus officium est scholas erigere, stipendijs conseruare, ut docentes et discipuli pietatis studijs incumbere possint. Ad hæc, Ezechie et regis Niniue exempla commones faciant magistratū, uel præsentem, uel imminentem iram Dei solennib. ad Deum precibus, ueraq; ad Dominum conuersione auertere studeant. Atq; hæc quidem ad eam partem legis referenda sunt, quæ ad religionem potissimū spectat. Quantum autem ad externum politicum statum attinet, idem officium est magistratus boni in sua republica, quod est honesti patrisfamilias in sua domo, nimirum ut quemadmodum pater liberos disciplina regit, castigat contumaces, bonos honore afficit, largitur præmia, breuiter in hoc totus incumbit, ut sua familia quā optime constituta uideatur: ita magistratus in sua republica facere debet, ut uerè Pater patriæ dici possit.

Verū si quis officia magistratus numerata sibi cupiat, is sciat primum magistratus officium esse studium pacis, ut in tranquillitate Deū colamus abolitis superstitionibus, quæ ueram religionem corrumpunt, ac pietati ueræ sunt impedimento. Secundum magistratus officium est, ut singuli sua officia rectè faciant, quod fieri non potest, nisi ubi legum maneat autoritas et executio. Leges enim imferre, quas executio non sequitur, rerum publicarum

B b rum



rū pernicies est: quare ut honestas leges magistratui ferre licet, ita caueat oportet, ne in contemptum ueniat, quod fit, quando nō sequitur executio. Ter-  
tium officium est, ut puniat fontes, et insontes tue-  
atur iuxta legum præscriptum, et prudentem mo-  
derationem. Ex his facile est colligere, quinam sint  
 fines magistratus, nimirum quod sit ordinatus pro-  
 pter Deum ad Ecclesie et rerum publicarum utili-  
 tatem: quare recte dicitur, quod gubernatio, reli-  
 gio, & propria domus principi curæ esse debeant.

QUARTVM, quod promisi me dicturum,  
 est de iure magistratus in subditos & subditorum  
 bona. Zenephon Philosophus hanc legem tradit ma-  
 gistratui: Regula regi non affectus, sed lex esse de-  
 bet, Vnde sequitur, tantum iuris magistratum ha-  
bere in subditos et illorū bona, quantum leges con-  
sentientes Decalogo & legi naturæ permittunt.  
 Habet igitur ius iuxta quartum præceptū impera-  
 re subditis, necessaria officia, cum ad publicam inco-  
 lumitatem, tum ad singulorum utilitatem faciētia.

Restat quod quinto loco proposui de officio  
 subditorum erga magistratum. Potest autem offi-  
 cium subditorum erga magistratum ad quatuor  
 capita reuocari, ut primum sit, iuxta quartum præ-  
ceptum, honorare magistratum, hoc est, suspicere  
& reuereri ipsum tanquam ministrum & lega-  
tum Dei: ita ut ipsum honores, timeas, candidè de  
ipso iudices, errata in meliorem partem accipias,  
non cum uulgo magistratui detrahas. Nam id se-  
 uere



uerè prohibetur uerbo Dei : Principi populi tui ne maledicas. Maledictionis uoce omnes calumnie & detractiones intelliguntur. Secundum edictis parere cum in tributis dandis, tum in alijs quoq; rebus, quatenus per religionem & legem naturæ liceat. Huc illud Pauli pertinet : Admoneto illos, ut principibus & potestatibus subditi sint, ut magistratib. pareant, ut ad omne opus bonū sint parati. Tertium, orare pro magistratu. Adhortare, inquit Paulus, ut fiant deprecationes, obsecrationes, interpellationes, gratiarum actiones pro omnibus hominibus, pro regibus, & omnibus in eminentia constitutis, ut placidam & quietam uitam degamus, cum omni pietate & honestate. Quartum, non irrumperere in partes officij magistratus : sed magistratui cognitionem deferre, si quid ad reipublicæ salutem pertinere uideatur. Hæc sint dicta de magistratu. Deus det nobis gratiam, ut & Deo uerum cultum & magistratui nostro debita præstemus officia, per Iesum Christum Dominum, cui gloria in secula seculorum, Amen.

## DOMINICA XXIII.

TRINITATIS, Matth. 9.

**P**rimas quidam uenit, & adorauit Iesum dicens: Filia mea modò defuncta est, sed ueni, & impone manum tuam super illam, ac uiuet. Et surgens Iesus secutus est eum, ac discipuli eius. Et ecce, mulier quæ sanguinis

Bb 2 proflu-





profluuijs laborauerat duodecim annos, ac-  
cedens à tergo, tetigit fimbriam uestimenti  
illius, dixerat enim intra sese: Si tantum teti-  
gero uestimentum illius, ero salua. At Iesus  
conuersus, ut uidit illam, dixit: Confide filia,  
fides tua saluam te fecit. Et salua facta fuit  
mulier à tempore illo. Et cum uenisset Iesus  
in ædes primatis, uidissetque tibicines, & tur-  
bam tumultuantem, dicit illis: Secedite, non  
enim mortua est adolescentula, sed dormit.  
Et deridebant illum. Cum autem fuisset eie-  
cta turba, introgressus tenuit manum illius,  
& surrexit adolescentula. Et emanauit rumor  
hic in totam terram illam.

ENAR





traherat duodecim  
et tunc similitudinem  
intra se. Struxit  
um illius, et salu-  
dit illam, dixit: Con-  
te fecit. Et salu-  
ore illo. Et cum ven-  
is, vidisset quod tibi  
nem, dicit illis: Se-  
st adolescentula, se-  
lum. Cum autem in-  
gressus tenuit manum  
centula. Et emana-  
ram illam.

ENARRATIO TEXTVS.

**I**N hoc Euangelio clarissime describitur, quomo-  
do Dominus noster opem ferat sue Ecclesie sub-  
iecte cruci. Quemadmodum. n. Christus saluator  
noster erga hunc primatem & hanc afflictam mu-  
liorem est affectus: sic etiam est affectus erga me et  
te, adeoque omnes, qui horum, hoc est, huius primatis  
& huius mulieris exemplo ad ipsum confugiunt,  
iuxta illud uaticinium Ioelis de Christo: Omnis qui  
inuocauerit nomen Domini, saluus erit. Cum hoc  
uaticinio & Christi uerba & facta consentiunt.  
Verba sunt: Venite ad me omnes, qui laboratis &  
onerati estis, ego uos reficiam. Facta multa occur-  
runt: Cæcos sanat, leprosos purgat, hunc Iairum et  
hanc mulierem exaudit, & se implorantibus fert  
opem. Hæc est ergo summa huius historie, quod Do-  
minus duo edat miracula: sanat mulierem, quæ du-  
odecim annos laborauerat morbo: excitat huius  
Iairi filiam, quæ defuncta erat: utroque facto suum  
erga omnes animum declarat. Loci tres:

- I. Exemplum huius mulieris, eius cōditio, fides,  
inuocatio & sanatio.
- II. Exemplū Iairi, & excitatio puellæ mortuæ.
- III. Derisio qua Christus ridetur ab hostibus suis.

DE PRIMO.

Etsi primo loco fit mentio principis Iairi, qui  
uenit ad Christum: tamen prius dicam de hac mu-  
liere patiente fluxum sanguinis, quia ponitur in  
medio historie de principe hoc. In hac itaque mulie-

Bb 3 re quæ





758 DOMINICA XXIII. POST  
re quatuor sunt nobis perpendenda. 1. conditio ea  
ius. 2. fides. 3. inuocatio. 4. eiusdem à morbo, quo la-  
borauit, sanatio: quorum singula singularem do-  
ctrinam & admonitionem continent.

Conditio mulieris fuit, 1. fuit mulier simplex et  
timida. 2. duodecim annos fluxum sanguinis passa  
fuit, unde facile cogitare est, quàm fuerit exhausta  
& imbecillis. Qui uno mense tam graui morbo la-  
borat, satis miser & afflictus est, quid dicemus de  
hac, quæ tot annis est uexata? addit Marcus, quòd  
multa passa sit à medicis, quorum alij alijs pharma-  
cis miseram excarnificarunt. Huc accedit quòd  
iam suas facultates consumserat: unde in hoc gra-  
uissimo morbo ad mendicitatem erat redacta: ne-  
tanti sumtus quicquam profuerunt, imò quotidie  
fuit deterius. Morbum hunc corporis morsus con-  
scientiæ acerbiorē fecerat: Nam cū scriptura  
dicit, eum qui peccat contra Dominum, incidere  
in manus medici, quid aliud potuit cogitare, quàm  
Deum se abiecisse. Hæc fuit huius mulieris condi-  
tio dura satis: morbus corporis, mala conscientia,  
mendicita, contemptus. An propterea est abiecta  
coram Deo? An propterea Christus eam reiecit?  
Nequaquam. Venit enim propter afflictos: uenit  
propter peccatores. Nos ergo huius mulieris ex-  
emplo admoniti, erigamus nos in nostris calamita-  
tibus, agnoscamus iustam iram Dei aduersus nos  
propter peccata. Audiuius quæ fuerit conditio  
huius mulieris, sequitur fides.

Accel



Accelsit retrò, & tetigit fimbriam uestimenti eius, si tetigero (cogitat) tantum uestimenti fimbriam eius, salua ero. Hæc uox satis declarat, qualis fuerit eius fides. Certò sibi persuasit, q. si tantum tangeret fimbriam uestimenti illius, consequeretur salutem. Vnde tanta fides? Ex uniuersali promissione, quam sibi accommodauit. Nouit absq; dubio hanc Christi promissionem: Venite ad me omnes etc. Hic primum tribuit Christo laudem ueritatis. Deinde generale dictum sibi accommodauit hoc modo. Omnes uocat ad se, omnibus promittit opem, uult omnes laborantes reficere: Ego sum in numero laborantium, ego sum ex ea turba, quam totam ad se uocat: uerè igitur statuo, quòd me uelit iuuare. Videmus quomodo hæc mulier fidem excitauit: Iam hoc ad nos accommodemus.

Quoties te premit crux internè uel externè, agnosce istam crucem esse ueluti concionem quandam, qua tua miseria & damnatio tibi ob oculos ponitur. Deinde uerbum promissionis & exempla intueri, et cogita Deum non esse acceptorem personarum: sed uelle omnium misereri in Christo Iesu. Hæc fiducia Christum inuoca: & statue illum te uerè uelle exaudire & dare quod petis, nisi uenum petieris, id est, nisi petieris id quod tibi non sit utile, seu quod impediatur gloriam Dei: & hoc dictum: Venite ad me omnes, tibi applica: quod cum feceris consolationem senties.

Verum ista mulier habuit Christum præsentem,

Bb 4 quem



quem oculis uidit: A me procul abest. Ista tentatio est carnis, contra quam primum opposito promissionem Christi: Ego ero uobiscum usque ad consumptionem seculi. Deinde, quod Dominus Thomas dixit: Beati qui crediderunt & non uiderunt. Præterea, quod Christus non sit acceptor personarum? & in aliquot exemplis declarauit, cum hic esset præsens in carne, quomodo uellet agere cum reliquis se inuocaturis.

At sum peccator magnus. Credo: sed Christus uenit in mundum peccatores saluos facere. Ita dicit primum ipse: Non ueni ad uocandum iustos, sed peccatores ad penitentiam. Hoc Paulus repetens ait: Certus sermo & omni approbatione dignus, quod Christus Iesus uenit in hunc mundum saluos facere peccatores. Item, Apparuit gratia salutaris omnibus hominibus. Deinde intueamur exempla misericordiae Dei. Adam coniecerat totum mundum in damnationem, sed agit penitentiam & recipitur: Paulus persecutus est Ecclesiam Christi, Petrus negauit Christum, Manasses se horrendis idololatrijs, & copioso sanctorum sanguine se polluerat: sed resipiscences in gratiam sunt recepti. Qua re declaratur: quam uerum sit dictum illud apud Prophetam: Viuo ego, nolo mortem peccatoris, sed ut conuertatur & uiuat. Huc ille Christi asseuerationes: Amen amen dico uobis: qui credit in me, non peribit, sed habebit uitam æternam: Has sententias & hæc exempla opposito cogitationi



tioni de peccatorum magnitudine, & scito misericordiam excedere peccatum, & gratiam abundare supra delictum.

At nescio an sim prædestinatus? Hec grauißima est tentatio, ab ipso Satana profecta. Quis est lapsus? Adam cum sua posteritate: nam fuimus in illo tanquam in massa communi, humani generis. Quis accepit promissionem? Non ne Adam? Ergo quem admodum lapsus es in Adam: ita cum eodem es promissionis particeps, modo promissionis uerbo fidem adhibere uelis. Deinde clarum est Pauli dictum: Deus uult omnes homines saluos fieri, & ad cognitionem ueritatis uenire. Huc facit, quod Christus mandatum uniuersale dat suis discipulis: Ite in mundum uniuersum, prædicate Euangelium, qui crediderit & baptizatus fuerit, saluus erit. Qui uerò non crediderit, condemnabitur.

At fides est donum Dei, quod dat quibus uult? Vide quàm multa caro inuenit, quib. sibi ipsi uiam ad salutem intercludit: fides est donum Dei, sed hoc modo confertur. Proponit tibi uerbum, huic ut credas iubet, et in cogitatione uult esse efficax: Sed tu caue, ne cum Iudæis resistas s. sancto, quod Stephanus suis obiecit. Christus cum uideret ciuitatem Ierusalem, et cogitaret de eius uastatione, flens dixit: Quoties uolui te congregare, sicut gallina colligit pullos suos, & noluisti. Ecce Christus uult, nec aliud uult quàm Pater. Quid uoluit congregare filios Ierusalem ad suum ouile: sed Ierusalem noluit,

B b 5

noluit,



noluit, decepta à suis seductoribus, falsis prophetis, & inescata diuitijs, potentia, uoluptatibus & curis huius mundi, noluit Christo suo Pastori obedire. Quare ut iusto Dei iudicio: ita propria culpa perijt. Promissionibus igitur diuinis, eisq; universalibus freti, & confirmati exemplis, cum hac muliere in doloribus & cruce confugiamus ad Christum, ita futurum est, ut inueniamus auxilium in tempore opportuno. Fidem huius mulieris uideamus: nunc quod tertio loco in hac muliere spectandum dixi uideamus, uidelicet qualis fuerit huius mulieris inuocatio.

Sed tacet, loquitur apud se, tangit tantum fimbriam uestimenti Iesu. Nulla hic auditur oratio. Verum quidem est: nulla orantis uerba hic recitantur, sed sunt hic orationis signa & orationis effectus. Signa sunt quòd accedit, tangit fimbriam, & apud se cogitat de eius clementia et intimo cordis uoto misericordiam sibi præstari expetit. Hoc uotum non secus quàm ardentissimas preces exaudivit Christus. Effectus sunt consolatio & sanatio.

De Moïse etiam legimus, quòd cum labia non uiderentur moueri, tamen audit à Domino, quid clamas ad me: unde docemur, quòd oratio, quæ nubes penetrat, non sit labiorum motus, non sit uerborum βαρλογία, et multiloquium: sed potius supplex animi eleuatio ad Deum, qua fide Christi aliquid à Deo petitur. Hoc etiam confirmatur Davidis testimonio, qui ait: Ad te Domine leuaui animum meum. Porro,



Porro, quia nullus cultus maior est, quàm rectè Deum inuocare, & oporteat pios perpetuò in hoc cultu occupari, uolo breuiter quedam de recta inuocatione dicere. Dixi paulò antea quid sit oratio: nunc quas conditiones perpetuò habere debeat ostendam. Sunt autem quinque; perpetuæ conditiones & ueluti proprietates piæ orationis, quæ sunt, 1. quomodo noster animus compositus esse debeat ad orandum. 2. quid nos ad orandum impellat & urgeat. 3. quis sit à nobis inuocandus. 4. quo fundamento freti prodeamus in conspectum Dei oraturi. 5. quid sit petendum, & quando cum conditione, & quando sine conditione.

PRIMA: Animus noster in hunc modum compositus esse debet. Primum exuenda est omnis cogitatio propriæ gloriæ, sicut hæc mulier nihil nisi sordes in se agnouit. Deinde inopia sentiatur, quam sanè maximam hæc afflicta mulier sensit. Tum in uera pœnitentia homo se prosternat coram Deo, idq; potius animo quàm corpore. Id hanc mulierem fecisse inde apparet, quòd à tergo accesserit. Postremò, certa fide ad orandum incendatur animus. Nam nisi quis certam fidem attulerit, uerba fundit potius quàm precatur. Huiusmodi etiam fidem hanc mulierem ad Dominum attulisse ex superioribus manifestum est.

SECUNDA: Causæ, quæ nos ad orandum impellent, sunt multæ. Hæc mulier absq; dubio cogitauit de mandato Dei, in quo seriò à nobis hunc cultum



764 DOMINICA XXIII. POST  
cultum requirit. Deinde promissiones non igno-  
rauit, alioqui tanta fiducia ad orandum non pro-  
diisset. Quicquid (inquit Christus) petieritis in no-  
mine meo, Pater dabit uobis. Sensit præterea &  
Diaboli tyrannidem & suam inopiam, unde mota  
auxilium querit ab eo, qui solus iuuare potest.  
Considerauit quoq; exempla: uidit Iairum Domi-  
num inuocasse pro filie uale tudine, & multa alia  
exempla cogitauit. His multis causis ad precan-  
dum est excitata. Proinde & nos erigamur ad Deo  
hunc cultum inuocationis præstandum, 1. mandato  
Dei. 2. promissionibus. 3. cogitatione tyrannidis  
Diaboli 4. sensu propriae miserie & inopie. 5. san-  
ctorum exemplis.

TERTIA: Quis inuocandus? solus Deus, qui  
est Pater, Filius & Spiritus sanctus: nec Angeli,  
nec homines sunt inuocandi. Hoc enim æternum  
Dei mandatum est: Inuoca me in die tribulationis.  
Item, Dominum Deum tuum adorabis, & illum so-  
lum coles. Inuocare enim creaturam summa est  
idololatria, propter quam mundus horribiliter pu-  
nitur, quia talis idololatria in Deum summa bla-  
sphemia est.

QUARTA: Iure queritur quo fundamento  
nisi prodeamus in conspectum Dei. Nam si nos in-  
tueamur, cōfusio faciei nostræ nos à precando ab-  
sterret. Deinde scriptura dicit, Deus peccatores  
non exaudit. Certum est, quod nemo fretus sua di-  
gnitate possit orare. Quare querendus est ille unus

Medius



Mediator inter Deum & hominem Christus Iesus, qui se pro nobis interpellatorem offert, dum ait: Quicquid petieritis Patrem in nomine meo, dabit uobis. Huius ergo dignitate habemus accessum ad Deum Patrem.

QVINTA: Quid orandū sit. Triplicia sunt precanda & triplicia deprecanda. 1. gloriam Dei sanctificari inter homines precabimur. 2. salutem animæ. 3. necessaria ad præsentis uitæ conseruationem: & contrā deprecabimur, 1. quicquid impedit gloriam Dei. 2. quicquid aduersatur nostræ salutis: 3. quicquid nobis in hac uita molestum est. Hæc statuamus nos impetraturos, & præsertim quæ primo & secundo loco ponuntur. Tertij generis bona & mala deprecari oportet cum cōditione non imminutæ gloriæ Dei, aut impeditæ nostræ salutis.

QVARTVM, quod proposui de hac muliere, est eius sanatio: in qua quid Christus dixerit & egerit, & quid illi acciderit, dicendū est. Quid dixit Christus? Confide filia: fides tua te saluam fecit. Et hoc cū diceret, diuina sua uirtute mulierem sanauit. Quid accidit mulieri? & salua facta est mulier ex illa hora. Hic habemus multa. 1. q. qui credunt adoptantur in filios, iuxta illud: Dedit potestatem, ut filij Dei fierent, quotquot credunt in nomen eius. 2. qualis sit affectus Christi in afflictos. 3. q. fides quoduis à Deo impetret. 4. quòd Christus hic declarat suam diuinam potentiam, ostendit uoluntatem, monstrat officium, ac ueritatem Euangelij



766 DOMINICA XXIII. POST  
gelij confirmat. De his propter temporis breuitatem  
plura non dicam.

DE SECVNDO.

In hoc lauro primatē habemus etiam exemplum  
fidei, inuocationis, confessionis, et spei. Ecce prin-  
ceps accessit. Hic habes fidē: Et adorauit eum.  
Habes fidei fructum inuocationem. Hæc duo con-  
fessionem continent. Domine, inquit, filia mea  
modò defuncta est: sed ueni, & impone ma-  
num tuam super eam, & uiuet. Ecce quanta  
cum spe precatur. Nos ergo ex hoc discamus, in no-  
stris necessitatibus Christum accedere, illum ex fi-  
de inuocare, confiteri, & certò statuere nos ab illo  
impetraturos, quæ nobis salutaria sunt. Sed quid fa-  
cit Christus? Sequitur illum, & cum uenisset Iesus  
in domum principis, & uidisset tibicides & tur-  
bam tumultuantem, dicebat: Recedite, & eiecit  
turba, dixit puellæ: Puella surge: & surrexit  
puella, & exiit hæc fama per uniuersam ter-  
ram illam. Quia circumstantiæ huius exempli  
congruunt ferè cum exemplo mulieris, sufficiant  
hac uice, quæ de muliere dixi.

DE TERTIO.

Cùm Christus diceret: puella nō est mor-  
tua, sed dormit, deridebant eū. Hic tria intuea-  
mur. Primum, q̃ mundus non solum sit ingratus era-  
ga Christum benefactorem: uerumetiam derideat  
ipsum. Quare hoc? quia cæcus est mundus, & ideo  
de Christi doctrina et factis non potest rectè iudi-  
care.



care. Animalis homo non percipit ea quæ sunt spiritus Dei. Caro non nisi carnem sapit. Sapientia carnis inimicitia est cum Deo. Nisi ergo cum mundo uelimus errare & fieri derisores, audiamus Evangelium, quò mens rectius de operibus Dei instruat. Secundum, quòd hic non solum intueri: sed etiam mirari oportet, est quòd Christus nihilominus pergat in suo sancto proposito. Non absterretur uel summa ingratitude mundi, ut suam Ecclesiam deserat. Dominatur in medio inimicorum suorum. Tertium, quòd hic obseruare decet, est Christi exemplum. Si ergo deridemur propter confessionem, intueamur filium Dei, & contemnamus istos derisores, qui sunt Diaboli moriones. Non malicia mundi nos turbabit, sed exemplum filij Dei nos consolabitur, qui nobis adest iuxta suam promissionem: Ego ero uobiscum usq; ad consummationem seculi. Huic nostro unico Mediatori, unà cum Patre & Spiritu sancto, sit honor & gloria in secula seculorum, Amen.

# DOMINICA XXV.

TRINITATIS. Matth. 24.

**C**VM uideritis abominationem desolationis, quæ dicta est à Daniele Prophetâ, stantem in loco sancto, qui legit, intelligat. Tunc qui in Iudæa sunt, fugiant ad montes: qui in tecto, non descendat, ut tollat quicquid de domo sua: & qui in agro, non reuertatur, ut tol-



ut tollat uestes suas. Vae autam pręgnantibus & lactantibus in illis diebus. Orate autem, ut non fiat fuga uestra hieme, neq; Sabato. Erit enim tunc afflictio magna, qualis non fuit ab initio mundi, ad hoc usq; tempus, neq; fiet. Et nisi decurtati fuissent dies illi, non fieret salua omnis caro. Sed propter electos decurtabuntur dies illi. Tunc si quis uobis dixerit: Ecce hęc Christus, aut illic, nolite credere. Surgent enim Pseudochristi, & Pseudoprophetę, & dabunt signa magna & prodigia, ita ut in errorem inducantur (si fieri possit) etiam electi. Ecce prędixi uobis. Si ergo dixerint uobis. Ecce in deserto est, nolite exire: Ecce in penetralibus, nolite credere. Sicut enim fulgur exiit ab Oriente, & apparet usq; ad Occidentem, ita erit aduentus filij hominis. Vbicunq; enim, fuerit cadauer, illic congregabuntur Aquilę.

## ENARRATIO TEXTVS.

**H**ęc Domini concio continet insignem admonitionem, admodum hoc periculoso tempore necessariam: nam cū Paulus dicit: Quęcunq; scripta sunt, in nostram doctrinam scripta sunt, nō est quod putemus hęc propter solos Iudeos dicta & scripta esse: sed potius propter nos, qui iam uicini ores sumus extremo die, quā Iudęi fuerunt. Est autem hęc concio & plena terrore & consolantissima. Nam si impios & non agentes pœnitentiam



tiam respicis, nulla concio magis terribilis esse potest: illis. n. horrendas pœnas comminatur: sin autē ad pios & agentes pœnitentiam respicis, concio hæc plena est consolatione. Nam his ab omnibus ærumnis liberationē promittit, Cū hæc, inquit, uideritis, leuate capita uestra, quia appropinquat redemptio uestra. Porro occasio huius concionis, fuit discipulorum Christi interrogatio duplex, qui sumta occasione ex prædictione uastationis urbis Ierusalem, de qua in hoc ipso capite præcedit uaticinium, quasiuerunt primū quando id fieret. Deinde de signo Aduentus Domini querunt. Ad has quæstiones respondet Dominus, non ut eorum carnale desiderium expetebat: sed prout ipse sciuit eorum instructioni ad salutem utile esse. Summa huius concionis est, quod Christus prædicit tempus uastationis Ierusalem, & monstrat aduentus sui signa ad iudicium. Loci duo.

I. Responsio Christi & eiusdem prædictio.

II. Huius doctrinæ usus.

## DE PRIMO.

Responsio Christi habet duas partes, in quarum priori respondet ad primam interrogationem, uidelicet qua interrogarunt discipuli, quando Ierusalem uastaretur: in posteriori ad secundam interrogationem, in qua querunt discipuli de aduentu Christi ad iudicium.

Prior pars continet signa, quæ præcedent uastationem urbis Hierosolymitanæ, quæ multa hîc

C c enus



770 DOMINICA XXV. POST  
enumerantur, non solum in textu, quem audiuiſtis,  
ſed etiam in principio huius capitis.

PRIMUM ſignum eſt, quod ueniant Pſeu-  
dochriſti, hoc eſt, homines uani, qui mentientur ſe  
Meſſias & ſaluatores eſſe: id quod etiam accidit.  
Nam tres præcipui nobiles fuerunt unus poſt  
alium, qui magnam multitudinem hominum poſt ſe  
traxerunt. Teudas, uir quidam Ægyptius, et Simon  
Magus. Teudas Cuſpio adminiſtrante rempubli-  
cam ſuaſit populo, ut acciperent ſubſtantias ſuas,  
& ſe ſequerentur ad Iordanem. Illic enim ſe rece-  
pit ſuo nutu diuſurum aquas, ut ipſi ſiccis pedibus  
transirent, & ita aſſerta libertate ſeruitutem Ro-  
manorum declinarent. Cui obtemperans ſtulta tur-  
ba, ad Iordanis ripam, cum fruſtra expectaret mi-  
raculum, eſt trucidata. Ægyptius ille ſuis ſequen-  
tibus ſalutem & requiem promiſit. Verum illi  
quoq; deluſi ſuæ temeritatis iuſtas dedere poenas.  
Simon Magus, qui cum à Petro pecunia non poſſet  
emere donum conferendi uſibiliber Spiritum ſan-  
ctum, & audiuiſſet à Petro: Pecunia tua ſit tecum  
in maledictionem, excogitauit aliam uiam, quam  
Diabolicis artibus ſucauit, & pietatis laruam eam  
induit: dixit igitur ſe uirtutem Dei eſſe, cuius præ-  
ſtigijs multi decepti ſunt. Quare autem id Deus  
permiferit, Paulus ad Theſſ. reſpondet: quia non  
uoluerunt credere ueritati, dedit eis Deus effica-  
cem illuſionem, ut crederent mendacio. Hac poe-  
na digni ſunt, qui ad claram Euangelij lucem ſpon-  
te ca-



te cæcutiunt. Deinde admonitionem continet textus. Ita enim ait Christus: Videte ne quis uos seducat, multi uenient in nomine meo, dicentes, ego sum Christus. Hæc horribilis Iudaici populi pœna nos admoneat timoris Dei, et reuerentiæ erga Euangelium Christi.

SECUNDVM signũ, quod præcederet uastationem urbis Ierusalem. Audituri estis (inquit) bella & rumores bellorum. Huiusmodi bella multa præcessisse uastationẽ Ierusalem testatur historie. Primum 2000. ob petulantiam militis illudentis genitalibus Iudæorum occisi sunt. Deinde latrones publicè grassabantur, qui gladijs sub pallijs tectos gestantes, quosuis obuios trucidarunt. Adhæc Cæsareæ sunt trucidati 2000. Scytopoli tredecim millia. Ascaloni 2500. Ptolemaide uiginti millia. Alexandria quinquaginta millia. Damasci decem millia trucidati sunt. Ecce quàm uera fuerit prædictio Christi, & quàm grauius punitus sit populus Iudaicus ob suam ingratitude. Quid dicam de fame, de pestilentia, et de terræmotu, quæ contigerunt iuxta Christi uaticinium? Hæc omnia peccata istius populi monstrant, sed fuerunt tantum præludia quedam ad illa mala quæ secuta sunt.

TERTIVM signum, persecutio discipulorum. Inuisi (inquit) eritis cunctis gentibus propter nomen meum. Hæc persecutio incepit à nece sanctissimi Stephani, & postea quotidie magis ac magis creuit. Fuit autem discipulorum Christi affli-

Cc 2 Etio



ctio quadruplex. 1. corporum. Nam alij flagellabantur: alij crucifigebantur: alij alio supplicij genere afficiebantur. 2. afflictio fuit ex scandalo defectio-  
nis ab Euangelio. Multi enim persecutionum acer-  
bitate fracti defecerunt ab Euangelio cum summo  
dolore discipulorum Christi. 3. afflictio discipulo-  
rum Christi fuit à Pseudoprophetis, quorum pluri-  
mi fuerunt isto tēpore, de quibus Epiphanius scri-  
bit: ut Simoniani, qui Simonis Magi sectatores fue-  
runt: qui Simon postea in medio urbis Romæ colla-  
psus interiit. Hos sequuntur Menandriani, Menan-  
dri sectatores. Saturniliani sequaces: Basilidiani,  
qui Basilidē quendam imitabantur: Nicolaitæ, qui  
Nicolai, qui erat unus de septem diaconis, turpitu-  
dinē sectati sunt: Gnostici quorum infiniti fuerunt  
furores: taceo Ebionem & Cherinthum, qui natu-  
ræ diuinæ in Christo hostes fuerunt. Ecce quā  
multa agmina falsorum doctorum habuerunt, qui  
simplicitate Euangelij filij Dei contenti esse nolu-  
erunt. Quarta afflictio discipulorum fuit petulan-  
tia, contumacia & ingratitude totius populi.

QVARTVM signum, et prædicabitur re-  
gni Euangelium in uniuersa terra in testimonium  
omnibus gentibus. Hoc factum esse testatur Paulus  
cū ait: An nō audiuerunt? atq; in omnem terram  
exiuit sonus eorum. Haftenus de signis præceden-  
tibus uastationem Ierusalem: nunc in textu typus  
uastationis signatur: Cū uideritis abomina-  
tionem desolationis, quæ dicta est à Daniele  
Prophe-



Propheta stantem in loco sancto. Tunc qui in Iudæa sunt, fugiant ad montes. Quasi diceret, tunc ipse exercitus, qui uastaturus est Ierusalem, appropinquabit. Hæc abominatio fuit scelerum et idolatrie populi Iudaici, qua totus ferè iste populus erat infectus. Abominatio quidem dicitur propterea, quòd Deo, ut res fœdissima displicuit. Desolationis abominatio dicebatur propter poenam quæ secuta est: quæ poena fuit desolatio & uastatio populi Iudaici.

Hactenus de prima responsione ad priorem discipulorum questionem de uastatione Ierusalem: sequitur responsio ad secundam interrogationem, quæ fuit de Christi aduëtu, in qua quatuor sunt spectanda. Primum, q̄ iubeat cauere signa falsa. Si quis uobis dixerit: Ecce hîc Christus aut illic, nolite credere. Alterum, quòd admoneat discipulos, ne per oscitantiam suæ admonitionis obliuiscantur. Ecce, inquit, prædixi uobis: quasi diceret. Velim uos perpetuò huius meæ prædictionis memores esse, ne exemplo aliorum obliti mei, abijciatis confessionem. Tertiū, quòd aduentus ipsius non sit futurus in angulis mundi aut in deserto: sed quòd sit conspicuus toti terrarum orbi. Sicut, inquit, fulgur exit ab oriente, & apparet usq̄ ad occidentem: ita erit & aduentus filij hominis. Non est ergo quòd credatis illis, qui uenient et mentientur Messiae nomen. Quartum, est electorum collectio ad Christum: Vbicunq̄, inquit, fuerit cada-

Cc 3 uer,



uer, illuc congregabuntur & aquilæ. Hoc est, quemadmodum Paulus interpretatur: cum Christus ad iudicium uenerit obuiam rapiemur Christo in aërem, & sic cum eo perpetuò erimus.

## DE SECVNDO.

Cum ista, quæ contigere Iudæis, signa sint eorū quæ contingent in extremis diebus, in quos nos incidimus ante aduentum Christi, par est ut aspiciamus ea, quæ nostro seculo fiunt, & uideamus quomodo cum istis congruant. Inter signa suprà audiuius primum, q̄ essent uenturi qui se Mesiam esse fingerent, cui simile ante paucos annos in Germania accidit. Nā quidam Hollandus David Georgius nomine finxit se Christū, qui multos seduxit, qui postea mortuus, et deinde effossus et combustus est. Fuerunt & alij tū ex Iudæis, tū ex alijs, qui malè cum suis sectatoribus perierunt. Deinde quantū ad bella attinet et rumores bellorum, Turcia docet & aliæ multæ nationes, quā istud signū benè in hoc seculum quadret, & certè metuenda sunt ad huc grauiora. Tum quanta sit persecutio Ecclesie in multis regnis, in Turcia, in Græcia, in Italia, Hispania, Hollandia, quotidiani rumores ad nos allati docent. Multæ subindè oriuntur sectæ, maxima est ingratitude: mundi erga Euangelium, et corruptis simi sunt plerorumq; mores. His accedit et quartū signum aduentus Domini iudicium, q̄ prædicetur Euangelium in uniuerso ferè orbe terrarum. Etsi autem id publicè non fiat ubiq; in publico loco: ta-

men



men in omnibus regnis mundi sunt aliqui, qui Euangelium audiunt. Cur prædicatur & nobis in testimonium: idq; dupliciter. Testimonium enim salutis est, si Euangelio credimus: testimonium iustæ nostræ damnationis erit, si fuerimus Euangelio increduli. Vñ iam colligamus prædictionis Christi.

PRIMVS est, de quo iam dixi, uidelicet quòd ista omnia contigerunt nobis quoq; in doctrinam, ut inde cogitemus, quid immineat ingratisimo mundo ante aduentum Domini ad iudicium.

SECUNDVS: Hæc nobis ob oculos ponunt magnitudinem & felicitatem peccatorum nostrorum, & sunt ueluti præludia pœnarum, quas sustinebunt, qui non egerint pœnitentiam.

TERTIVS: Admonemur hic, quæ ultio illos manet, qui sanguine sanctorum se polluunt. Qui uos persequitur, inquit Christus, me persequitur. Quare? Quia propter Christi Euangelium et eius confessionem ista fit persecutio. Nunc latantur quidam aduersarij Christi cum malefecerint: Verum futurum est, ut satis acerbis luant pœnas effusi sanguinis fidelium, qui de terra clamat ad Deum, et expectit uindictam, quam iustus iudex reddet illis tempore suo, iuxta illud: Mihi uindicta, & ego retribuam, tempore oportuno labetur pes eorum. Dominus differt pœnam, & iuxta diuitias bonitatis suæ & longanimitatis inuitat ad pœnitentiam. Non enim delectatur in perditione peccatorum, sed mauult omnes resipiscere & uiuere, quemadmodum

Cc 4 ipse



776 DOMINICA XXV. POST

ipse apud prophetā testatur his uerbis: Viuo ego, dicit Dominus, nolo mortem peccatoris, sed ut conuertatur & uiuat. Verū qui hac bonitate diuina abutitur, thesaurizat sibi iram in die iræ.

QVARTVS usus huius prædictionis est, q̄ admoneat nos pœnitentie. Christus cū quidam sibi referrent, quomodo Pilatus miscuisset sacrificia Iudeorum sanguine, & q̄ turris Siloe collapsa 13. uiros occidisset, ait: Nisi pœnitentiam egeritis, omnes similiter peribitis. Nam asseuerat hoc non tantū factum esse propter eos qui istuc perierūt, sed etiam propter alios, qui eorum casu admoniti resipiscerent. Multo magis calamitas populi Iudaici nos admonebit pœnitentie, præsertim cū causa non sit dissimilis. Illi enim potissimum puniebantur propter religionis contemptum. Quid quæso hīc non est simile? Quare admoniti casu Iudaici populi maturè resipiscamus, ne prius opinione nostra incurramus in manus Domini uiuentis.

QVINTVS usus, quod ex persecutione Ecclesie, quæ tūc fuit maxima, discere debeamus, quod ciues regni Christi in hoc mundo non debebant florere, & externo imperio mundi gaudere. Vt enim Ecclesia Christi non est affixa certo loco ita ipsius gloria & decus partim in conscientia piorum est, partim in expectatione reuelationis Iesu Christi est posita.

SEXTVS usus est, ut ciuibz regni Christi nos adiungamus, non persecutionum mole abster-

riti à



riti à confessione. Tametsi enim omnes, qui pie in Christo uolunt uiuere, patiuntur persecutionem: tamen Christus eos beatos esse pronunciat, quia presentem afflictionem sequetur gloria, ad quam nulla patet uia, nisi per crucem.

SEPTIMVS, ut incommodo Iudeorum & damno sinus cautiore. Ne igitur erremus cum Iudeis, sequamur lucernam uerbi Dei. Hæc enim nos sola tutos ab errore facere potest. Lucerna, inquit Dauid, pedibus meis uerbum tuum, & lumen semitis meis. Et Paulus uult nos uerbum Dei prætere tanquam facem ardentem.

OCTAVVS, ut admoneamur, ut supereminentibus malis opponamus uerbum Dei, quod est turris fortissima. Ita enim Salomon inquit: Turris fortissima nomen Domini, ad quam confugiet iustus & saluabitur. Hi in curribus (inquit Dauid) hi in equis, nos autem in nomine Domini inuocabimus. Est autem nomen Domini supplex oratio, quæ ex uera Christi fiducia proficiscitur, quæ fiducia est uictoria mundi. Ita enim ait Apostolus: Hæc est uictoria, quæ uincit mundum, fides uestra. Quare sic quia Christum inuocat mundi uictorem, Christum presentem habet, contra quem portæ inferorum nihil possunt. Oremus ergo, ne uel mens phariseis opinionibus inuoluatur, uel fiducia labascet in tantis tumultibus.

NONVS, ut muniamus nos etiam aduersus scandala, quæ sunt plurima futura: quæ cum uenerint,

cc s rint,



rint, meminerimus dicti Christi: Ecce prædixi uobis. Neque scandala illa sunt futura eiusdem generis. Alia. n. erunt scandala persecutionis, alia paucitatis confitentium Christum: alia defectionis. Multi enim prorsus in istis malis, quæ uentura sunt, renuntiabunt Christi nomini eiusque Euāgelio, et rursus se subijcient Satanae: multi erunt autores diuersarum sectarum in isto exiguo cœtu, qui Christum confitebuntur. Contra hoc muniri nos uult Christus: & quia mala præscita minus nocent, uoluit Christus suam Ecclesiam de his præmonitam esse.

DE CIMVS, ut nos uiuentes in timore Dei, expectemus aduentum Domini nostri Iesu Christi, qui nobis plenam redemptionem adferat: quæ redemptio est ueluti omnium beneficiorum Christi finis, ad quam alia beneficia destinantur. Est enim hic ordo beneficiorum Christi, qui I. Cor. I. describitur his uerbis. Christus factus est nobis sapientia à Deo, iusticia, iustificatio, & redemptio, ut qui gloriatur, in Domino gloriatur. Sapientia nobis est, cum nobis reuelat uoluntatem Patris in Euāgelio. Iusticia, quando credentibus Euangelio ipsius iusticia nobis imputatur. Sanctificatio fit nobis, quando iustificati donamur S. sancto, cuius uirtute iam nouam uitam meditamur. Tandem erit nobis redemptio, quando perfecta salus nobis per ipsum continget, cui cum Patre & Spiritu sancto sit honor, laus & gloria in secula seculorum, Amen.

IN



779  
IN FESTO PURIFICA-  
TIONIS MARIÆ, EVAN-  
gelium Luc. 2.



**P**osteaquam completi fuissent dies pur-  
gationis eorum secundum Legem Moysi,  
adduxerunt eum Hierosolymam, ut sisterent  
eum Domino, sicut scriptum est in lege Do-  
mini, Omne masculinū adaperiens uulvam,  
sanctum Domino uocabitur, & ut darent  
hostiam, secundum quod dictum est in lege  
Domini, par turturum, aut duos pullos co-  
lubarum. Et ecce, homo erat Hierosoly-  
mis,



mis, cui nomen Simeon, & homo iste iustus & pius, expectans consolationem Israël, & spiritus sanctus erat super eum. Et responsum acceperat à Spiritu sancto, non uisurum se mortem, nisi prius uideret Christum Domini. Et uenit per spiritum in templum. Et cum inducerent puerum Iesum parentes, ut facerent secundum consuetudinem Legis pro eo, ipse quoque accepit eum in ulnas suas, & laudauit Deum, ac dixit: Nunc dimittis seruum tuum Domine, secundum uerbum tuum in pace. Quia uiderunt oculi mei salutare tuum, quod parasti ante faciem omnium populorum. Lumen ad reuelationem gentium, & gloriam plebis tuæ Israël.

## ENARRATIO TEXTVS.

**I**N hoc festo tractatur pars historię Christi, uidelicet quomodo sit oblati in templo iuxta legem: & quomodo Simeon uir iustus agnouerit Iesum Marię filium uerum Messiam esse, idque ex instinctu Spiritus sancti, à quo responsum acceperat, se non moriturum, priusquam uiderent oculi eius Christum Dominum: quem cum uidisset, accepit eum in ulnas suas, benedixitque ei: quo facto, carmine suam gratitudinem erga Deum ostendit. Debemus autem hic reuocare in memoriam, quę hactenus audiui-  
mus de Christo, ut eius perpetuam historiam cognoscamus. Audiuius itaque primum de natiuitate eius gloriosa, quod natus sit in Bethlehem. Secundo, de



do, de eius circumcisione, quod octauo die sit circumciscus. Tertio, quomodo à Magis sit agnitus & honoratus. Iam sequitur eius oblatio in Templo, quæ oblatio secundum Legem contigit, exactis sex septimanis ab eius natiuitate. Loci tres.

- I. Oblatio Christi in Templo.
- II. Simeonis descriptio & benedictio.
- III. Simeonis carmen.

## DE PRIMO.

Deus in ueteri Testamento uarios offerendi ritus ordinauerat, idq; non ut sacrificandi opere iustificarentur homines coram Deo: Si enim sanguis taurorum & hircorum abolere potuisset peccatum, Christus non uenisset in carnem, ut sui corporis uictima peccatum expiaret: sed fuerunt aliæ causæ, quarum de numero sunt hæ.

PRIMA, ut isto exercitio gentium idololatria impediretur. Nam cum omnes homines etiam barbarissimi tanguntur quadam religionis reuerentia, uolunt suo iudicio ritus colendi Deum instituire: uerum quia nullus Deo placet, nisi quem ipse instituit, ordinauit ipse Deus per Moysen uarios cultus, ut multitudine rituum, quos Deus ordinarat, impediretur populus Iudaicus ab idololatria, & seruiret uni Deo, qui eos de terra Ægypti eduxerat, infinitaq; alia beneficia spiritualia & corporalia præstiterat.

SECUNDA, ut interna pietas his externis adminiculis exerceretur. Neq; enim ista externa sacrificia



crificia per se cultus erant, sed tantum ueri cultus excitamenta: id quod ex Esaia patet, ubi Dominus externa sacrificia abominatur sine interna animi pietate.

TERTIA, ut essent publica testimonia gratiarum actionis, quibus populus iste et excitaretur & confirmaretur, testareturque palam se hunc Deum colere, qui eos in terram Canaan introduxisset, & miraculose in deserto pauiisset.

QUARTA, ut hoc pacto confirmaretur ministerium uerbi: ut ministri cultus Dei, & sacerdotes haberent quo alerentur. Qui seruit, inquit Paulus, altari, uiuat de altari. Et Christus: Dignus est operarius mercede sua. Hanc consuetudinem retinuerunt in Ecclesia olim, quando ad uerbum audiendum & ad celebrationem Sacramentorum conuenerunt. Pij contulerunt pro modo suarum facultatum aliquid ad ministros uerbi et pauperes alendos: quæ contributio collecta uocabatur. Hinc & decimandi ratio fluxit.

QUINTA, ut istæ oblationes ueteres essent umbra futuræ uictimæ Christi, & ueluti præludium, quo admonerentur de uenturo Christo. Hoc pij benè intellexerunt, Abel, Noe, Abraham. Non enim putarunt se suis uictimis abolere peccatum & mortem: sed confisi sunt uictima Christi, cuius uirtute & ipsorum peccata sunt expiata. Abel cum suas uictimas mactaret, sic cogitauit, i. uidens sanguinē uictimæ, cogitauit de peccato generis hu-

mani



mani, quod poenam æternam meruerat. 2. prospexit ad significatum. Nam suam uictimam cogitauit figuram esse promissi Seminis, hoc est, Christi, qui sua uictima esset peccatum expiaturus. 3. hac cogitatione fides Abelis confirmabatur, & crescebat, qua & coram Deo iustificatus est, & placuit Deo. 4. hanc fidem sequebatur gratiarum actio, & uitæ nouitas. Hoc pacto offerentes Deo placuerunt. Hoc sit dictum de sacrificijs ueteris testamenti in genere: nunc de ea sacrificiorum forma dicam, cuius in hoc Euangelio fit mentio.

Prole nata duplex præceptum erat positum. Vñ de matre quod septimanis extra coetum hominum esse deberet. Alterum de puero nato. De matre hoc præceptum erat, ut nata mascula prole, extra coetum esset 37. dies: sed nata foemella, duplicabatur numerus. Nam tum extra coetum publicum esse debuit 74. dies. Id quod non factum fuit propter mulieris indignitatem, sed propter duas alias causas, nempe necessitatem & significationem. Necessitas fuit, ut isto pacto consuleretur mulieris sanitati, quæ post dolores partus habet opus quiete, quo uires colligere possit: et deberent pij mariti imbecillitatis uxoribus isto tempore rationem habere: & mulieres etiam oporteret cum propter se, tum propter alias hanc naturæ legem seruare. Significatio fuit, ut ista exclusio significaret, omnes natos ex Adam propter peccatum, in quo nascuntur, exclusos esse à Deo, et ideo opus habere expiatoria Christi uictima.

Altea



Alterum præceptum erat de nato puero, idq; duplex. Vnum generale, Alterum de primogenitis.

Generale erat mandatum, ut expletis diebus, quibus mulier excluderetur à coetu Ecclesiæ, offerrentur sacrificia siue pro filio, siue pro filia quocunq; ordine nati essent. Hoc sacrificium primum admonerat, quòd pueri nati essent peccatores, et ideò opus haberent mūdatione et remissione peccatorum. Deinde, ut isto pacto consecrarentur Deo. Tum, ut parentes scirent se pueros generare Deo, et non sibi, aut Satana. 4. propter significationem, nimirum ut essent typi offerendi Christi.

Speciale mandatum erat de primogenitis, tam in hominibus, quàm in iumentis, ut offerretur Deo. Primum in memoriam istius magni beneficii, quòd Dominus, reseruato populo Israëlítico, percussisset primogenita Ægypti ab homine usq; ad pecus. Deinde propter significationem, uidelicet quòd unigenitus Dei & primogenitus Mariæ, olim esset offerendus pro nobis liberandis ab Ægypto peccatorum. Hoc sit dictum de lege & eius significatione: nunc ad oblationem Christi ueniamus.

Lex iubet, ut omne primogenitum a paries uulnam, conceptum ex uirili semine isto pacto offeratur: Sed Christus nō erat ita humano more conceptus, sed de spiritu sancto erat conceptus, et natus de castissima uirgine: ergo non erat obligatus lege, ut more aliorum primogenitorum offerretur in Templo. Respondeo: Christus etiam erat liber, ne concipi-



concuperetur & nasceretur homo, & postea circumcideretur & pateretur: sed qui liber fuit, factus est omnium seruus, ut omnes liberos faceret: Siue ut Augustinus ait: Deus est factus homo, ut homines Deos faceret. Paulus dicit eum factum esse sub Lege, ut eos qui sub Lege erant redimeret. Ideo hic primogenitus etiam in templo offerri uoluit.

Sed quando fuit primogenitus? nemo unquam talis extitit primogenitus. 1. fuit primogenitus diuina sua natura: erat enim filius Dei æternus. Ego, inquit, hodie genui te. 2. humana natura fuit primogenitus Mariæ. Nullum enim ante illum genuerat, neq; post genuit. 3. gratia, Primus enim homo natus est, qui Deo oblatus per se placuit. 4. uirtute, quia est primogenitus mortuorum. 5. ut per ipsum nos noui homines nascamur.

Præterea obseruandum ost, quod Maria obtulerit duos pullos columbarum, quo eius significatur paupertas. Nam ditiores agnum offerebant. Nos hinc discamus non pudere nostræ paupertatis, Christus pauper nasci uoluit, ut nos diuites faceret, modo ipsius diuitias grata mente accipere uouerimus.

## DE SECVNDO.

Et ecce homo erat in Ierusalem, cui nomen Simeon. Hic habemus primum descriptionem Simeonis, & deinde eius benedictionem. Primum prædicatur ob iusticiam. Ita enim inter suos uixit, quod ab omnibus uir bonus & iustus sit ha-

D d bitus



bitus, Non uult hoc Euangelista, quòd fuerit ita iustus, ut non opus habuerit aliena iusticia: Nam in suo carmine fatetur Christum suum esse saluatorem: sed quòd uixerit inculpate inter homines & honeste, ut qui nemini male fecerit, sed omnib. pro uiribus bene fecerit. Qui talis est, à Cicerone, imò ab omnibus iustus dicitur. 2. Prædicatur ob pietatem: timuit enim Deum. Timoris nomine totus cultus Dei intelligitur. Qui enim Deum timet, ut caueat omnia quibus ipsum offendi nouit: ita facit quicquid illi gratum senserit. Hic timor ex fide ortum habet. Alius timor Dei est sine fide, qui non est cultus Dei: talis est in omnib. impijs. Semper enim metuunt aduersus se iudicium Dei: qui potius uelent Deum non esse, quàm propter sua scelera puniri. Talis non fuit timor qui in Simeone prædicatur. Nam sequitur, quòd expectauerit consolacionem Israël: quo dicto ostenditur, quòd ardenti affectu expectauerit Christi aduentum. Sciuit enim uaticinia Iacob & Danielis in istud tempus respicere: Quare ardentius expectauit & cupiuit sibi uitam prorogari, donec præsentem Christum uideret. Neq; mirum est, cum tanto affectu expectasse Christum, Nam erat, ut inquit Euangelista, plenus Spiritus sancti. Talis fuit hic sanctus uir.

Sed quodnam fuit præmium huius pietatis? Accepit responsum à Spiritu sancto, ut non uideret mortem, priusquam uideret Christum Dominum: cuius impulsu uenit in Templum. Sed quid illic fecit?



cit? cum parentes Ioseph & Maria introducerent  
puerum, accepit eum in ulnas, & laudauit Deum.  
Iam habet hic sanctus senex quod adeo ardentè po-  
stulauit, & fert Christo testimonium, publicè pro-  
fitetur hunc Iesum Christum esse, qui Patribus erat  
promissus.

Habemus quæ Simeonis fuerit pietas: nunc ip-  
sam nobis proponamus. Primum senes, deinde &  
alij discant ab illo timere Deum: discant iustè &  
sanctè inter homines uiuere: discant Christum re-  
cipere in ulnas suas, hoc est, in corda sua: hunc præ-  
dicent, laudent, confiteantur: quòd si fecerint, olim  
cum Simeone mercedem copiosam in cœlis acce-  
pturi sunt.

## D E T E R T I O.

Sequitur canticum Simeonis. Nunc dimittis  
seruum tuum Domine, secundum uerbum  
tuum in pace. Hoc canticum multis seculis in Ec-  
clesijs cani solitum est, & nos quando funera sepe-  
liuntur, illud ipsum canere consueuimus. Continet  
enim doctrinam de Christo, & docet unde summa  
consolatio sit petenda, maxime cum ex hac uita no-  
bis discedendum erit. Quò autem hoc carmen me-  
lius intelligamus, illud diuidam in duas partes, in  
quarum priori sibi gratulatur senex Simeon: in  
posteriori Christi regis beneficia erga totum mun-  
dum breuissimè complectitur.

Prior pars est: Nunc dimittis Domine  
seruum tuum, secundum uerbum tuum in

Dd 2 pace



pace, quia uiderunt oculi mei salutare tuum. Hic Simeon senex sibi gratulatur, quod corporeis oculis uiderat Christum, quemadmodum resposum acceperat à Spiritu sancto. Etsi enim prius illum uidit oculo fidei, sicut de Abrahamo ait Dominus: Abraham uidit diem meum & gauisus est: tamen quia acceperat à Spiritu sancto promissionem, ut Christum presentem corporeis oculis uideret ante obitum, ualde hoc intuitu est delectatus, & magno fidei robore nunc petit liberationem, ut aggregetur ad patres suos in pace. Sed uide, accepit promissionem, ut uideret Christum Domini. Hic offertur infans pauper, nulla externa species hic apparet, nisi contemptus. An hac externa specie offenditur? non. Quem uidit minimum corporeis oculis, hunc uidit maximum fidei luminibus: quem in forma serui aspexit oculo corporis humilem, hunc nouit Regem regum & Dominum dominantium esse. Neque ignorauit Prophetiam Zacharie de illo, qui ait: Ecce Rex tuus uenit pauper. Sciuit enim non uenire, ut occuparet regna mundi, sed ut Regnum Dei daret credentibus. Hinc & nos discamus scripturis credere, & Christum & ipsius Ecclesiam intueri, non tantum oculis corporeis, sed multo magis oculis fidei. Sed quoniam petit se iam dimitti, ut hanc ærumnosam uitam morte commutet, satis ostendit Christi regnū non esse huius mundi, sed æternum, quod in pace conscientie positum est. Quasi diceret: Da mihi nunc, ut in pace & feliciter



liciter moriar. Hinc doctrinam & consolationem hauriamus. Doctrinam quidem, quod uisio Christi spiritualis, quæ fit per fidem, facit ut letus hominis sit exitus ab hac uita, quia qui Christum ita uidet ante mortem, quam sequatur lucem ad uitam habet. Qui sequitur me (ait Dominus) non ambulat in tenebris. Contrà, qui Christum non uidet, à morte præsentis uitæ transit ad æternas tenebras. Consolationem uerò, quia qui Christum uident in articulo mortis, habent quo se consolentur: sciunt se iam dimittendos esse in pace: sciunt se non ituros ad tenebras, sed ad gaudium æternum. Latro quia non solum in cruce uidit Christum oculis corporeis miserrimè afflictum, sed etiam eundem oculis fidei uictorem mortis, audiuit à Domino: Hodie mecum eris in Paradiso. Sic Stephanus moriturus uidit Christum, et summa cum uoluptate animi & gaudio Domino dixit: In manus tuas Domine commendo spiritum meum. Ad hunc modum & tu, cum iam morbus te grauat, fide aspice Christum saluatorem, & ab illo pete, ut te in pace dimittat, id est, sinet ab hac uita discedere, & in requiem omnibus fidelibus promissam intrare. Hæc cogitatio faciet, ut hunc mundum & præsentis uitæ calamitates, fortiter contemnamus, & mentem nostram consolemur spe salutis, quam nobis promisit qui mentiri nequit. Sequitur altera pars Cantici.

Quod parasti ante faciem omnium populorum, Lumen ad reuelationem gentium,

Dd 3 & glo.



& gloriam plebis tuæ Israel. Hic breuiter duo indicantur. Vnum, quæ sunt beneficia Christi. Alterum, quibus destinata sunt illa beneficia. Beneficia sunt, salus, lumen, gloria. Sine ergo Christo mundus in damnatione, tenebris & ignominia hæret, idq; propter peccatum: Nam Christus damnationem tollit, & reddit salutem: tenebras aufert, & affundit lumen: ignominiam amouet, & gloriam tribuit. Quanta quæso sunt hæc? sanè nemo ea satis æstimare potest.

Sed quibus beneficia illa destinata sunt? omnibus populis, iudæis & gentibus: uerùm fide sunt accipienda. Offeruntur enim uniuersaliter omnibus: ea est enim inscrutabilis Dei bonitas, sed additur conditio: qui crediderit, hic saluus erit, qui non crediderit, condemnabitur. Quare nos si hæc bona cupiamus cum Simeone, hunc Iesum saluatorem & Dominum in ulnas cordis nostri recipiamus, firmam fiduciam in illum recumbentes. Huic nostro saluatori sit honor & gloria in secula seculorum, Amen.

## IN FESTO ANNUNCIATIONIS MARIE,

Lucæ. I.

**I**N mense autem sexto, missus est Angelus Gabriel à Deo in ciuitatem Galilææ, cui nomen Nazareth, ad uirginem desponsatam uiro, cui nomen erat Ioseph, de domo Dauid, ac nomen uirginis Maria. Et ingressus Angelus

Angelus a  
nus tecum  
uerò cum  
ius, & co  
Angelus e  
gratiam a  
ro, & pari  
IE SV M.  
uocabitur  
dem Dauid  
domum la  
erit finis.  
Quomodo  
non cognosc  
ei: Spiritus  
altissimi o  
quod nascer  
Atque ecce,  
concepit fili  
sis est sextus  
non erit im  
hum. Dixit  
ni, fiat mihi  
discessit ab  
ENA  
Hoc fest  
Iesu Ch  
Dei. Oli  
pionem, pro



Angelus ad eam dixit: Ave gratiosa, Dominus tecum, benedicta tu inter mulieres. Illa uero cum uidisset, turbata est super oratione eius, & cogitabat, qualis esset salutatio? Et ait Angelus ei: Ne timeas Maria, nacta es enim gratiam apud Deum. Ecce concipies in utero, & paries filium, & uocabis nomen eius IESVM. Is erit magnus, & filius altissimi uocabitur. Et dabit illi Dominus Deus sedem Dauid patris ipsius, regnabitque super domum Iacob in æternum: & regni eius non erit finis. Dixit autem Maria ad Angelum: Quomodo erit istud, quandoquidem uirum non cognosco? Et respondens Angelus, dixit ei: Spiritus sanctus superueniet in te, & uirtus altissimi obumbrabit tibi. Quapropter & quod nascetur sanctum, uocabitur filius Dei. Atque ecce, Elizabeth cognata tua, & ipsa concepit filium in senectute sua, & hic mensis est sextus illi, quæ dicebatur sterilis: Quia non erit impossibile apud Deum omne uerbum. Dixit autem Maria, Ecce ancilla Domini, fiat mihi secundum uerbum tuum. Ac discessit ab illa Angelus.

## ENARRATIO TEXTVS.

**H**oc festum continet historiam conceptionis Iesu Christi, quæ nunciatur uirgini ab Angelo Dei. Olim enim 3960. anno ante hanc conceptionem, promisit Deus Semen mulieris, quod con-

D d 4 tritu



tritum erat caput serpentis, id est, quod demoliturum erat opera Diaboli, peccatum & mortem. Huius promissionis memor Deus mittit Angelum suum ad castissimam uirginem, cui annunciat, quod sit conceptura ex Spiritu sancto sine uirili semine, et paritura filium, qui sit futurus saluator mundi. Hæc summa est historie, cuius sunt quinque præcipua membra, quæ sunt.

- I. Descriptio Legationis.
- II. Salutatio Angelica.
- III. Consolatio turbata uirginis.
- IIII. Expositio legationis.
- V. Conceptionis ratio.

## DE PRIMO.

In descriptione huius Legationis plures sunt obseruande circumstantiæ, quarum singulas seorsim considerabimus, quod aliquid doctrinæ ad nos confirmandos inde hauriamus.

PRIMA: tempus est. In mense, ait, sexto, scilicet à conceptione Iohannis Baptiste, qui iuxta uaticinia Prophetarum erat futurus præcursor Domini, ut pararent homines uiam regi suo aduenienti. Et fuit 20, annus postquam sceptrum ablatum est. Nam ita à Iacob Patriarcha prædictum erat: Non auferetur sceptrum de Iuda, donec ueniat Silo, id est, mulieris Semen, quod promissum erat primis Parentibus. Hæc igitur temporis circumstantia conuincit hunc filium uirginis uerum Messiam esse. Nam eo tempore est natus, quo

eum



eum nasciturum prædixit Spiritus Dei in Prophe-  
tis. Deinde, quantum ad diem attinet, hoc est  
memorandum, quòd in eundem anni diem incidit  
mactatio Agni Phase, conceptio Christi, & Passio  
eiusdem: quo die etiam putant sancti patres, Ada-  
mum fuisse creatum. Hæc commendant nobis ueri-  
tatem promissionum diuinarum, Distulit diu Deus  
mittere filium post factam promissionem, sed ta-  
men mansit uerax in suis promissis. Promisit se Fi-  
lius uenturum ad iudicium, sed differt: ueniet ta-  
men ubi ei placitum fuerit.

SECUNDA: legatus est Angelus Gabriel.  
Quare? Primum, ut seruaretur diuina ordinatio.  
Nam ut antea Deus solitus erat mittere Angelos,  
qui hominibus nunciaret uoluntatem Dei: ita nunc  
mittitur Angelus, ut seruiat saluti hominum. Hoc  
enim Angelorum officium esse docet Apostolus ad  
Hæbræos cap. I. Deinde, quia Angelus malus primæ  
perditionis fuit causa, conueniebat, ut bonus An-  
gelus reparandæ salutis primus esset nuncius. Ter-  
tiò, hoc quoq; uirgini castissimæ conueniebat, ut ad  
eam castissimus mitteretur legatus.

TERTIA: quòd hic legatus à Deo missus sit.  
Imperatorum & regum legati auidè expetuntur,  
ut sciatur quid tanti principes uelint. Ecce hic  
summus, qui mittit, imperator, et magnus, qui mit-  
titur, legatus. Quare meritò in admirationem ex-  
citari debemus.

QUARTA: locus, ad quem mittitur, signa-

D d 5 tur.



tur. Mittitur enim in ciuitatem Galilææ, cui nomen Nazareth. Hoc ideo factum est, quia ita prædictum fuit. Deinde, Deus ostendit se quæ humilia sunt in terra respicere. Quare non est, quod quisquam se abiectum putet, propterea quod uel pauper uel abiectus sit in terra.

QVINTA: ad quam personam mittitur, nempe ad uirginem desponsatam uiro. Debuit quidem Christus à uirgine concipi, & à uirgine nasci, iuxta uaticinia Prophetarum. Quatuor etenim hominum in mundum propagationes fuerunt, 1. fuit solius Adam, qui ex limo terre formatus est. 2. fuit solius Eue, quæ è costa Adam ædificata est. 3. fuit solius Christi, qui ex purissima uirgine natus est. 4. communis est omnium aliorum hominum, qui ex seminibus maris & femine nascuntur.

Conceptus est igitur et natus ex uirgine Christus. Primum, quia si ex uiri & mulieris semine fuisset natus, in peccatis fuisset conceptus & natus. Sed deuit eum, qui uenit, ut tolleret peccatum, absq; peccato esse. Deinde, uaticinijs debuit satisfieri. Gen. 3. dictum erat, Semen mulieris conteret caput serpentis. Gen. 49. Non auferetur sceptrum de Iuda, donec ueniat Silo, id est, eius scilicet mulieris filius. Esa. 7. Ecce, ait, uirgo prægnans pariet filium. Præterea, conueniebat ita fieri propter significationem spiritualis regenerationis, quæ non ex uoluntate carnis, neq; ex uoluntate uiri, sed ex Deo est. Vnde Augustin: Oportebat ca-

put

put nostrum  
nasci de uirgi  
dam spiritum  
Quod aut  
habuit etiam  
trimoni dign  
pudicitia &  
custos uirgini  
SEXTA  
idq; ita conu  
Fuit enim præ  
retur de profa  
& Pharisæis

Secundum  
ria est salut  
plena, Domi  
lieribus. Hic  
& sanctissima u  
mus, quam dau  
uit: Multiplic  
maledictionis  
uit: Xp̄s, id  
es gratia, id e  
delegit te unar  
gulare præsta  
cum, hoc est,  
uatore. Ben  
quemadmodu



put nostrum insigni miraculo secundum corpus nasci de uirgine, ut significaret sua membra secundum spiritum nascitura.

Quod autem hæc uirgo fuerit uiro desponsata, habuit etiam suas causas. Nam & hac ratione matrimonij dignitas commendatur, & consultum est pudiciæ & famæ uirginis, imò etiam datus est custos uirgini, qui eius curam haberet.

SEXTA: quod Ioseph fuerit de domo Dauid: idq; ita conueniebat, primum propter oracula. Fuit enim prædictum, ut Christus adueniens nasceretur de prosapia Dauidica: id quod ipsis Scribis & Phariseis ignotum erat.

## DE SECUNDO.

Secundum membrum huius Euangelicæ historie est saluatio Angelica, quæ est: Ave gratia plena, Dominus tecum, benedicta tu in mulieribus. Hic cogitemus de Eua prima parente & sanctissima uirgine matre IESV, & obseruemus, quam diuersas uoces audiuerint. Eua audiuit: Multiplicabo ærumnas tuas. Ærumnæ autem maledictionis signa sunt ante fidem. Maria audiuit: Χαῖρε, id est, gaude. Et causam addit: plena es gratia, id est, Deus te in gratiam recepit, & delegit te unam ex toto humano genere, cui singulare præstabit beneficium. Dominus est tecum, hoc est, tu habes Deum protectorem & saluatorem. Benedicta tu inter mulieres, hoc est, quemadmodum Eua erat maledicta inter mulieres,



res, imò omnes mulieres erant maledictum propter illam: ita tu benedicta es ex dono & fauore Dei. Tibi, n. tanta contigit felicitas, ut Seminis promissi mater sis futura. Hæc est sententia salutationis, unde facile est colligere, quàm stulti sunt, qui hinc uolunt facere precationem, qua inuocant beatam uirginem contra manifestum uerbum Dei: quibus hoc dictum uolo hoc tempore: maledictus omnis, qui inuocat creaturam, & qui detorquet scripture uerba ad stabiliendam horrendam idololatriam, in contemptum filij Dei, in ignominiam sanctissime uirginis, & in sui certissimam perniciem. Quando docetur in Ecclesia de uera inuocatione, etiam ostenditur, quòd inuocatio sanctorum sit cultus Diabolicus, in Ecclesiam à Diabolo inuectus.

## DE TERTIO.

Audita hac insolita salutatione, turbatur, & apud se cogitat, qualisnam sit ista salutio. Cui Angelus: Ne timeas Maria, inuenisti enim gratiam apud Deum. Vide hîc quid faciat uerbum Dei. Primum terret, deinde consolatur. Ne timeas, inquit, quasi dicat: non uenio, ut tibi aliquid triste annunciem, non uenio prædicaturus iram Dei aduersus te. Nam inuenisti gratiam apud Deum. Hîc habemus firmam doctrinam, quòd sola gratia Dei timorem expellat. Reliqua omnia adiunctum habent timorem. Amici adiunctum timorem habent, ne nos deserant cùm maximè eis opus habeamus: sanitas timorem habet ne perdat: diuitie

diuitie non p  
sunt, & ami  
net, ut que  
timorem expe  
nta & in mor  
nibus eius art  
augetur pijs e  
cium est caue  
Ea enim amiff  
onem conscien

Ecce con  
& uocabis n  
legationis est  
tibi denuncio  
parias, quem u  
sima uirgo cog  
nomine Dei den  
quem Iesum ap  
quod Saluator  
ledictioni & n  
am transgressi  
fusus explicat  
reliqua pergo.  
Hic erit  
te filius altissi  
nam uinceret  
re magnus, cui  
quis) Domini



diuitiæ non possidentur sine metu. Nam amitti possunt, & amisse dolorem relinquunt: potentia timet, ut quæ a superiori uincatur: sola gratia Dei timorem expellit. Qui in hac est, ipse potest & in uita & in morte liberè insultare Diabolo, & omnibus eius artibus. Hæc gratia quia possidetur fide, augetur pijs exercitijs, nobis omnibus opere precium est cauere, ne eam nostra culpa amittamus. Ea enim amissa, nihil est reliquum præter turbationem conscientie & maledictionem.

## DE QVARTO.

Ecce concipies in utero & paries filium, & uocabis nomen eius Iesum. Hæc propositio legationis est, cuius sensus est: ego ex mandato Dei tibi denuncio, quòd sis iam mater futura, & filium parias, quem uocabis Iesum. Hic haud dubiè castissima uirgo cogitat de pomisso Semine: audit sibi nomine Dei denunciari, quòd sit paritura filium, quem Iesum appellare iubetur. Hoc nomen IESVS, quod Saluatorem significat, intellexit opponi maledictioni & morti, in quam primi parentes ob suam transgressionem inciderant. Hoc nomen solet fusius explicari die Circumcisionis: quare nunc ad reliqua pergo.

Hic erit (inquit) magnus. Verè magnus, utpote filius altissimi: uerè magnus, qui potentem Satanam uinceret: uerè magnus, qui maxima daret: uerè magnus, cuius regnum æternum. Dabit illi (inquit) Dominus Deus sedem Dauid patris sui.

&amp;



& regnabit in domo Iacob in æternum, & regni eius non erit finis. Hanc descriptionem si obseruemus, quatuor de Christo hic dici inuenimus. Primum enim eius ueram humanitatem indicat, cum dicit illum nasciturum ex uirgine. Deinde eius diuinitatem non tacet. Dicit enim: Filius altissimi uocabitur. Filius altissimi est eiusdem nature cum altissimo. Tertiò, cum addit, hic erit magnus, significat unionem personalem. Etsi enim est Deus & homo: una tamen persona est, non due. Quartò loco notatur eius officium, quòd sit IESVS & REX, qui regnabit in æternum. Quomodo de Christo dici potuit, quòd esset habiturus sedem Patris sui, cum ipse dicit, Regnum meum non est ex hoc mundo, quemadmodum etiam euentus declarauit: & Dauidis regnum fuit politica administratio in Iudea: Vmbra regni tenuit Dauid: hic eius filius ueritatem regni occupat. Regnum Dauidis fuit figura & umbra Christi, & ideo unum regnum dicitur utrumq;, quia illud est umbra, hæc est ueritas eiusdem regni. Deinde, mos scripturæ est diuina externis rerum imaginibus depingere, ut nostræ infirmitati seruiat collatio.

*DE QVINTO.*

Dixit autem Maria ad Angelum: quomodo fiet istud, quoniam uirum non cognosco: quasi diceret. Quomodo possum absq; uiro grauida fieri corporaliter (ut tu dicis) cum nondum  
cogno-



cognouerim uirum. Sciuit castissima uirgo ordinem diuinitus sancitum esse, ut homines conciperentur ex semine uirili & muliebri: neq; contrarium exemplum uidit aut audiuit post creationem primorum Parentum. Quare hoc suae rationis iudicium & experientiam in ordine diuinitus sancito secuta, querit: quomodo fiet istud, quoniam uirum non cognosco, an aliquo insolito more hic fiet conceptus? Et respondens Angelus, dicit ei: Spiritus sanctus superueniet in te, & uirtus altissimi obumbrabit tibi. Ideoq; & quod nascitur ex te sanctum, uocabitur filius Dei. Hic modum conceptionis declarat Angelus, & causam conceptionis transfert à natura ad Deum naturae opificem. Quasi diceret: Non concipies ex uirili semine, sed ex tuo semine solo nascetur tibi filius, idq; operante non natura, sed gratia. Spiritus enim sanctus sua diuina uirtute faciet, ut ex tuo semine nascatur uerus homo. Hinc Augustinus: Per gratiam Dei, seu potentiam Dei & operationem Spiritus sancti, de carne uirginis assumptum est, quod uerbo est unitum: idq; ideo, quia si ex uirili semine fuisset, cum omnibus natis ab Adam immundus extitisset. Quod autem ex carne natum est, caro est, mendacium est, uanitas est, Iohan. 2. Nunc autem per Christum oportuit fieri gratiam & ueritatem. Non igitur potuit de uiro concipi, sed oportuit id fieri occulta quadam Dei uirtute: quò omnis peccati purus & sanctus,

nos



nos quoq; purificaret et sanctificaret, futurus Pa-  
tri hostia sancta & incontaminata. Deinde de Spi-  
ritu sancto conceptus est, ut sciamus q, quicquid  
filius loquatur, esse ipsissimam Patris uoluntatem.  
Est enim Spiritus sanctus amor Patris & filij sub-  
stantialis. Præterea, quia Spiritus sanctus est spiri-  
tus sanctificationis & purificationis. Hic enim ex  
sanguine, quem purificauerat, Christi corpus edi-  
ficauit, ut esset mundum & immune ab omni pec-  
cato, ut supra quoq; dictum est. Hæ causa fuerunt  
& sunt, quod non decuerit Christum nasci ex uiri  
semine, sed per efficaciam Spiritus sancti. Id Ange-  
lus insinuat cum dicit: ideoq; quod nascitur ex  
te sanctum, filius Dei uocabitur.

Et si autem beata uirgo his uerbis Angeli fidem  
habuit: tamen ut sit confirmator uirginis fides,  
addit ei signum quo certificatur. Et ecce, inquit,  
Elizabeth cognata tua, & ipsa concepit fili-  
um in senectute sua, & hic mensis est sextus  
illi, quæ uocatur sterilis: quasi diceret. Tu apud  
te ratiocinaris contra naturæ legem & ordinem  
diuinitus institutū fieri, ut uirgo concipias & uir-  
go parias: sed ego tibi aliud ostendam, quod etiam  
est contra naturæ ordinem, Elizabeth cognata tua  
est sterilis natura et ætate: natura quidem, quia tot  
annis uixit cum marito sine prole, adeo quod in e-  
ius ignominiam sterilis sit uocitata: ætate uero,  
quod iam excesserit annos pariendi, etiamsi maxi-  
mè olim fuisset fœcunda. Verum hic sextus mensis  
est



est à quo concepit, ita Deo ordinante & uolente.  
Quare hoc signo te confirmes, uerè futurum esse,  
ut tu quoq; parias.

Vide hic consuetudinem Dei, qui nunquam nu-  
do uerbo agit cum homine, sed semper signum ali-  
quod externum addit, quò nostræ imbecillitati ma-  
gis se accommodet, dum suam uoluntatem menti  
per uerbum, & sensibus per signa externa uerbi  
signacula offert ueluti spectandum. Sic nobis per  
Euangelium hodiè suam patefecerat uoluntatem,  
quam externis signis obsignat, Baptismo & Cœna  
Dominica.

Verùm in hoc colloquio Angeli cum uirgine  
obseruandum est dictum, quo ait: Non erit im-  
possibile apud Deum ullum uerbum. Hoc  
uerbum et hæc uox Angeli duo continet. Primum,  
ueritatem & certitudinem promissorum diuino-  
rum obsignat. Deinde monet nos ut potentiam  
Dei opponamus omni carnis sensui & iudicio, &  
statuamus Deum ueracem esse, etiamsi tota re-  
rum machina aliud nobis persuadere moliretur,  
utq; dicamus cum uirgine: fiat secundum uerbum  
tuum: uerbo uoluntatem reuelas: potentia uolun-  
tatem adimpleres, ut tibi soli sit gloria. Peccator es,  
deploras tuam miseriam, sed audi uerbum uolunta-  
tis: Nolo mortem peccatoris. Item: Omnis qui in-  
uocauerit nomen Domini, saluus erit. Include in  
hoc uerbo & uoluntatem & potentiam Dei, cui  
nihil resistere potest. Quando uicinus morti tri-

E e staris,

Deus uerbo suo  
semper signum  
addit.



staris, confugito ad Christum & audi uerbum. Beati qui in Domino moriuntur. In hoc uerbo coniunge uoluntatem & potentiam Dei, & certò statuito mortem tibi fore uiam ad beatitudinem: idq; per Christum Iesum Dominum nostrum, cui cum Patre & Spiritu sancto honor, laus & gloria in secula, Amen.

## IN FESTO IOHANNIS

BAPTISTÆ, Luca I.

**E**Lizabethæ impletum est tempus pariendi, & peperit filium. Et audierunt uicini & cognati eius, quòd magnificè Dominus misericordia sua usus esset erga illam, & gratulabantur ei. Et factum est in die octauo, uenerunt ad circumcidendum puerum, & uocabant eum nomine patris sui Zachariam. Et respondens mater eius, dixit: Nequaquam, sed uocabitur Iohannes. Et dixerunt ad illam: Nemo est in cognatione tua, qui uocatur isto nomine. Innuebant autem patri eius, quòd uellet uocari eum. Isq; postulatis tabellis scripsit, dicens: Iohannes est nomen eius. Et admirati sunt uniuersi. Apertum est autem os eius ilicò, & lingua eius, & loquebatur laudans Deum. Et peruasit timor omnes uicinos eorū, & per omnem montanam regionem Iudæis diuulgabantur omnia uerba hæc, & posuerunt omnes, qui audierant, in



in corde suo, dicentes: Quidnam puer hic  
erit? Et manus Domini erat cum illo. Et Za-  
charias pater eius repletus est Spiritu sancto  
prophetauitque, dicens. Laudandus Domi-  
nus Deus Israël, quia uisitauit & fecit redem-  
tionem populo suo. Et erexit cornu salutis  
nobis, in domo Dauid pueri sui. Sicut locu-  
tus est per os Sanctorum, qui à seculo fuerunt,  
Prophetarum suorum: Fore, ut seruaremur  
ab inimicis nostris, & de manu omnium qui  
oderunt nos. Ut uteretur misericordia erga  
patres nostros, ac memor esset testamenti sui  
sancti. Præstaretque iusiurandum, quod iura-  
uit ad Abraham patrem nostrum, ac daret  
nobis. Ut sine timore, de manu inimicorum  
nostrorum liberati, seruiremus ipsi, cum san-  
ctitate & iusticia coram ipso, cunctis diebus  
uitæ nostræ. Et tu puer Propheta altissimi uo-  
caberis, præibis enim ante faciem Domini,  
ad parandum uias eius, Ad dandam scienti-  
am salutis populo ipsius, per remissionem  
peccatorum eius. Per uiscera misericordiæ  
Dei nostri, quibus uisitauit nos oriens ex al-  
to. Ut illucesceret his, qui in tenebris & um-  
bra mortis sedebant, ad dirigendos pedes  
nostros in uiam pacis. Puer autem cresce-  
bat, & corroborebatur spiritu: & erat in de-  
sertis, donec ueniret dies, quo ostendendus  
erat apud Israëlitas.

Ec 2 ENAR.



**E**Tsi autem prophana idolatria est inuocare sanctos, id quod à Papistis in sanctorum festis factitatum est: tamen aliquot sanctorum festa retinere est perutile, idq; multis de causis. Prima, utile admodum est, ut cognoscatur historia Ecclesie: nam inde doctrinam, confirmationem & consolationem petere possumus. Secunda, dulce est cogitare beneficia Dei erga Ecclesiam, unde singularis fructus pijs accedit pectoribus. Tertia, ut gratias Deo agantur pro beneficijs DEI erga Ecclesie membra. Quarta, ut perpensis uarijs sanctorum casibus, obfirmemus animos nostros aduersus praesentes & futuros casus, quos experiri necesse est. Quinta, ut sancti sint nobis in poenitentia, & uita, cultu, confessione, constantia, patientia, et alijs uirtutibus, quasi exemplaria, ad quae nostram uitam formemus. Sexta, ut pijs suspirijs sanctorum expectamus consortium. Haec & aliae graues sunt cause, cur sanctorum festa quaedam in Ecclesia retineamus. Utinam non abuterentur multi sanctorum festis et alijs, ad suas uoluptates & insanias: quemadmodum hoc festo praecipue multi abusi sunt in Papatu, dum in nocturnis saltationibus, amatorijs corollis, perpotationibus, ne dicam alia turpiora, hoc festum celebrarunt, quo non Deo, eius Angelis, & sanctis placuerunt, sed Satanae seruiuerunt in contumeliam Dei, Angelorum & sanctorum. Haec sunt breuiter dicta de festis sanctorum, & eorum recto



recto usu: de hoc festo unum tantum locum tractabo, nempe historiam Iohannis, unde aliquot admonitiones extruam.

DE HISTORIA IOHANNIS  
BAPTISTÆ.

**I**N Historia Iohannis Baptiste hæc perpendantur circumstantiæ: Parentes, conceptio, natiuitas, educatio, uocatio, officium, de Iohanne testimonium Christi, mors, & ea quæ circa mortem & post mortem contigerunt.

Parentes Baptiste fuerunt Zacharias sacerdos uir sanctus, et inculpata uita, & Elizabeth mater fuit, ut ætate prouecta: ita pietate eximia. De utrisq; ita testatur Euangelista Lucas cap. 2. Erant iusti ambo coram Deo, incedentes in omnibus mandatis & iustificationibus Domini irreprehensibiles, & non erat illis filius, eò quòd esset Elizabeth sterilis, & ambo processissent in diebus suis. Hæc descriptio continet, qua fuerint pietate parentes Iohannis, qua uixerint innocentia, & quòd iam senium adepti solatio senectutis destituti fuerint, eò quòd Elizabeth sterilis fuerit, non solum natura, dum adhuc iuuenula erat: uerum etiam ætate, cum iam anus esset facta. Verum contra nature cursum, & sterilitatis incommodum tandem consequuntur, quod magno desiderio à Deo petiuerant: Hæc proinde circumstantia de parentibus Iohannis multa docet. 1. quòd preces piorum tandem exaudiantur. 2. quòd ab officio non sit discedendum

E e 3 dum



dum propterea quòd diutius differri postulata uidentur. Est. n. pulsandum, donec nobis gratiæ ostium aperiatur. 3. quòd afflictī in fide manentes & innocentiam tuentes, tandem consolationem consequantur. 4. quòd qui matrimonio sunt copulati, debeant in timore Dei uiuere, & irreprehensibiles esse. 5. quòd ministri uerbi & ipsorum uxores debeant alijs prælucere in omni genere uirtutum. Ut enim Zacharias maritus officij dignitatem ornat uir sanctitate uitæ: ita Elizabeth uxor sanctam uitam et inculpata[m] degit. Sciuerunt enim se in eum dignitatis locum euectos esse, unde ipsorum uita alijs magis conspiceretur. Utinam non essent multi, qui Zachariam prædicant & non Zachariam uiuunt: uerum hi suum inuenient iudicium.

SECUNDA circumstantia est conceptionis, in qua plura sunt considerata. Nam primum conceptio Zachariæ patri fungenti suo officio in Templo prædicatur ab Angelo: quod cum non credit senex effectus, mutus efficitur in pœnam sue incredulitatis. Hic primum se offert officium sanctorum Angelorum, qui sunt nuncij Dei, & ministri Ecclesiæ Dei, ut eam defendant, ei seruiant iuxta Dei uoluntatem. Sed de Angelis dicenda sunt plura die Michaëlis. Deinde, hic obseruetur, quòd Deus soleat exaudire eos, qui officio suo ritè fungentes ex fide inuocant. Qui enim officio commissi non rectè, quantum potest, fungitur, fide uacuu[m] est, & orare nequit. Quare nos Zachariæ exem-

plum



plum sequentes, & ritè fungamur nostro munere,  
 & ardentè Deum inuocemus, ut nostris necessi-  
 tatibus succurrat. Est enim suarum promissionum  
 memor. Præterea hic docemur, quòd Dei actio, &  
 consilium non impediatur, impedimentis naturæ.  
 Etsi enim Zacharias erat effœtus: Elizabeth steri-  
 lis & natura & ætate: Dei tamen consilium pro-  
 cedit, & Elizabeth concipit iuxta decretum Dei.  
 Hinc regulam generalem extruamus, uidelicet  
 quòd nihil decretum & consilium Dei impedire  
 possit. Decreuit mortuos excitare, sed naturæ hoc  
 uidetur fieri non posse. Cui hic magis credendum,  
 naturæ ne an uoci Dei? Deo reddatur ueritatis  
 laus, & certò statuamus, quòd qui omnipotens est  
 ueritas & uerissima omnipotentia, uelit & possit  
 præstare quicquid decreuit. Concipit ergo sterilis,  
 & effœtus senex fit Pater aduersante naturæ, sed  
 mandante naturæ autore, quem puer in utero ma-  
 tris agnouit, quando adueniente Maria post con-  
 ceptionem ad uocem Angeli, in utero exaltauit in  
 testimonium, quòd DEVS recipiat infantes, &  
 uelit ab eis coli, iuxta Psalmum: Ex ore infantium  
 & lactentium perfecisti tibi laudem. Verùm  
 de hac re plura dicenda sunt die Visitationis beatæ  
 uirginis.

TERTIA circumstantia est natiuitatis, de  
 qua in hunc modum Lucas: Vocabis, inquit An-  
 gelus ad Zachariam, nomen eius Iohannem, &  
 erit gaudium tibi & exultatio, & multi in

Ee 4 natu



808 IN FESTO IOHANNIS  
natiuitate eius gaudebunt: & cū natus esset  
Ioannes, uicini quod acciderat Elizabeth  
audientes, prædicarunt misericordiam Dei  
& congratulati sunt Elizabethæ. Hæc circum-  
stantia admonet nos gratitudinis erga Deum pro  
acceptis beneficijs: admonet nos congratulationis,  
ut congratulemur illis quibus Deus benefacit: ad-  
monet nos officiij piorum parentum, ut nostros in-  
fantes Deo commendemus: admonet nos gaudij,  
quod ex benedictione Domini percipimus, & illud  
ad Dei gloriam referamus.

QVARTA circumstantia est educationis  
Iohannis, de qua Euangelista: Puer crescebat &  
confortabatur spiritu, & erat in deserto, usq;  
in diem ostensionis suæ ad Israël. Et cum in  
deserto esset, ut narrat Matthæus, habebat uesti-  
mentum, de pilis Camelorum, & Zonam pelliceam  
circa lumbos suos. Esca autem eius erant locustæ  
& mel siluestre. Hæc est educationis satis asperæ  
descriptio. Quia enim arduum erat futurum ipsius  
officium, non in delicijs erat educandus, sed potius  
erat assuefaciendus laboribus ab initio. Nam, ut ille  
inquit, à teneris assuescere multum est.

Sed quid nos hinc discemus? Monasticen' ne ne-  
quaquam. Quidnam igitur? tria hinc discere debe-  
mus: sobrietatem, obedientiam erga Deum, & as-  
suefactionem. Sobrietas enim & continentia hoc  
Iohannis exemplo non solum futuris ministris uer-  
bi, uerumetiam omnib. Christianis commendatur.

Deinde



Deinde, obedientia erga Deum in nostra uocatione commendatur nobis. Non enim putandum est, quod Iohannes hoc opus et uiuendi genus eligeret, tanquam sanctius esset in deserto uiuere, quam in theatro hominum: sed uocationi obtemperandum putauit. Assuefactio præterea commendatur nobis hoc exemplo, ut durioribus assueti, non frangamur laborum mole, si quando duriora ferenda sunt. Delicately educati effœminati redduntur, ut ad nihil præclare agendum sint idonei, quemadmodum experientia in multis docet. Zona pellicea circa lumbos eius, symbolum erat certaminis, quod illi futurum erat in officio suo cum Scribis, Phariseis, Herode, & alijs regni Christi hostibus.

QVINTA circumstantia est uocationis Iohannis. De hac circumstantia ita scribit Lucas: Factum est uerbum Domini super Iohannem Zachariæ filium. Hoc uerbum fuit uocationis, qua diuinitus uocatus est ad ministerium. Hic nobis commendatur modestia, ut exemplo Iohannis expectemus uocantis uocem, siue Dei sine medijs, quod olim sepius fiebat: qua ratione sunt uocati Prophetae, Apostoli, & alij interdum: siue Dei per media, hoc est, per homines, penes quos ius est uocandi ad aliquod ministerium in Republica siue Ecclesia. Contra hoc modestiæ exemplum peccant curiosi, qui sine uocatione rumpunt in officia, per fenestras potius & tectum, quam per ostium. Huiusmodi sunt, qui uel per amicos, uel per munerum

Ec 5 largi-



810 IN FESTO IOHANNIS

largitionem aucupantur officia Ecclesiastica, idq;  
non ut Deo seruiant, et Ecclesiam ædificent, sed ut  
suo uentri consulant, quæ res nõ benè cedere solet.

SEXTA circumstantia est officij, de qua Lu-  
cas hoc modo: Et uenit in omnem regionem Iorda-  
ni finitimam, prædicans baptismum pœnitentiæ in  
remissionem peccatorum, sicuti scriptum est in li-  
bro Esaie: Vox clamantis in deserto, Parate uiam  
Domini, & rectas facite semitas eius &c. Habe-  
mus officium Iohannis, uidelicet ut baptizet &  
prædicet pœnitentiam, ut paret uiam Domino, ut  
Christum Dominum monstret.

Quia autem primus Dei minister fuit qui ba-  
ptizauit ex mandato Dei, Baptista dictus est: quia  
prædicauit pœnitentiam, Propheta est dictus: quia  
Christum monstrat, Elias est uocatus, ut spiritus  
Elie ueniens Domino uiam pararet. In huius offi-  
cio multæ uirtutes lucent: ut constantia, fortitudo,  
confessio, crux, defensio ueritatis, ardor & studi-  
um propagandi Regni Christi. Herodem non ti-  
muit, Phariseos non est reueritus, sed officium con-  
stantissimè tuebatur usq; ad mortem.

SEPTIMA circumstātia est testimonij Chri-  
sti de Iohanne. De hac circumstantia scribitur Mat-  
thæi II. ubi Iohannes coniectus in uincula, mittit  
duos discipulos ad Iesum, ut quærerent, num is sit,  
qui uenturus sit, an alius sit expectandus. Verum  
post responsum Christi, subiicitur testimonium  
Christi de Iohanne. Quid existis, inquit, in deser-  
tum



tum uidere? num arundinem? uerum quia hoc Christi præconium de Iohanne declaratum est tertia Dominica Aduentus, nolo de ea plura dicere.

OCTAVA circumstantia est de morte Iohannis, & de ijs quæ circa mortem & post mortem contigerunt. In morte: occasio, causa, mortis genus & exemplum Iohannis.

Occasio fuit hæc: Herodes accepit fratris sui uxorem, qua usus est ut sua. Hoc quia Iohannes uidit esse contra Legem Dei, & naturæ honestatem, dicit Herodi: Non licet tibi habere uxorem fratris tui: quod cum agrè tulisset Herodes, mittit Iohannem in carcerem. Herodes ante hoc Iohannis factum amabat Iohannem: Habuit illum pro Propheta Dei: usus est interdum eius consilio: sed postquam à Iohanne taxari coepit ipsius incestus, & impura uita, ex amico fit inimicus Herodes: Iohannes in carcerem tanquam maleficus conijcitur. Huius Herodis exemplum multi hodiè imitantur. Complectuntur ueros Dei seruos, donec non offendant, donec uicia non carpant: sed mox ubi morbum indicauerint, ut phrenetici in medicos manus iniiciunt.

Causa mortis fuit iuramentum Herodis. Nam cum Herodes in conuiuio uidisset filiam Herodias saltantem, adeò placuit Herodi puellæ saltatio, quod iurârit se daturum quicquid peteret, etiam ad dimidium regni. Puella hoc audito, currit ad matrem, interrogat quid petat. Mater, quæ Iohannem odio prosequabatur propter reprehensam eius libidinem,



812 IN FESTO VISITAT.

diem, iubet ut petat caput Iohannis baptiste, quod & impetrat. Nam mox misso carnifice obtruncatur Iohannes, & caput illius puellæ traditur. Habemus causam mortis Iohannis & mortis genus. Ecce hic ad puellulæ petitionem iugulatur maximus ille heros, quo non fuit inter natos mulierum maior, iuxta Christi testimonium. Hæc sanè fors est Ecclesiæ. Hic uidemus Christi regnum sanguine parari & sanguine seruari.

Exemplum hoc Iohannis omnib. sinceris Christi ministris imitandum est, ut uidelicet eligant potius mortem, quàm ut ad peccata hominum conueniant: certi quòd is, qui Iohannis sanguinem tanquàm oblationem gratissimam suscepit, etiam sui curam in medijs flammis sit habiturus: cui sit honor, laus, confessio & gloria in secula seculorum, Amen.

IN FESTO VISITATIONIS MARIE, Lucæ I.

**E**Xurgens autem Maria in diebus his, abiit in montana cum festinatione, in ciuitatem Iuda, & intrauit in domum Zachariæ, ac salutauit Elizabeth. Et factum est, ut audiuit salutationem Mariæ Elizabeth, salit infans in utero eius. Et repleta est Spiritu sancto Elizabeth, exclamauitq; uoce magna, & dixit: Benedicta tu inter mulieres, & benedictus fructus uentris tui. Et unde hoc mihi, ut ueniat





niat mater Domini mei ad me: Ecce enim ut  
facta est uox salutationis tuæ in auribus me  
is, exultauit præ gaudio infans in utero meo.  
Et beata quæ credidisti, quoniam perficien-  
tur ea, quæ dicta sunt tibi à Domino. Et ait  
Maria: Magnificat anima mea Dominum.  
Et exultauit spiritus meus, in Deo seruatore  
meo. Quia respexit ad humilitatem ancillæ  
suæ, ecce enim ex hoc beatam me dicent om-  
nes generationes. Quia fecit mihi magnifica  
qui potens est, & sanctum nomen eius. Et mi-  
sericordia eius in progeniem & progeniem,  
timentibus eum. Præstitit robur per brachi-  
um suum, dispersit superbos cogitatione cor  
dis



dis ipsorum. Detraxit potentes de sedibus, et erexit humiles. Esurientes impleuit bonis, & diuites dimisit inanes. Suscepit Israël puerum suum, ut memor esset misericordiae. Sicut locutus est ad patres nostros, nimirum Abraham, & semini eius in æuum, Mansit autem Maria cum illa circiter menses tres, & reuersa est in domum suam.

## ENARRATIO TEXTVS.

**C**VR festa de sanctis instituta sint in Ecclesia cum alijs, tum ipso die Iohannis Baptiste dictum est. Summa autem eò redit, ut habeamus exempla poenitentiae & misericordiae Dei, seu ut explicatius dicam. Primum, ut cum illis lapsis non desperemus de uenia, sed aspiremus ad gratiam, seruiam poenitentiam peccatorum exemplo sanctorum agentes. Deinde, ut fidem illorum imitemur: quemadmodum Paulus monet, Abraham fidem nobis commendans: Rom: 4. Tum, ut mores sanctorum exprimere conemur honestè, piè, & iustè uiuentes, & abnegantes omnem impietatem & mundanas concupiscentias, ut Paulus ad Titum docet.

In hunc usum & hoc festum institutum esse cogitemus, non ut sanctam uirginem inuocemus, quod impia est idololatria, sed ut habeamus, quo & animum nostrum, & uitam informemus ad pietatem & uirtutem, exemplo huius castissimae uirginis.

Summa



Summa autem huius Historiæ est, quòd Maria uirgo, postquam & se cognouit ex Spiritu sancto concepisse, & sciuit Elizabetham cognatam iam in sua senectute prægnantem esse, proficiscatur ad suam cognatam Elizabeth, eam salutat, atq; ita colloquuntur de eo quod acciderat, & se mutuò confirmant. Quo factò, Maria ut sue gratitudinis erga Deum signum ederet, Psalmum componit, & canit in laudem Dei. Loci duo.

I. Historia uisitationis.

II. Canticum uirginis.

DE PRIMO.

In Historia uirginis quatuor præcipuè sunt spectandæ circumstantiæ, quæ sunt,

1. Mutuum officium uirginis & Elizabethæ.
2. Salutatio uirginis.
3. Elizabethæ testimonium de fide uirginis.
4. Miraculum infantis in utero matris gestientis.

Prima Circumstantia.

Exurgens Maria in diebus illis, abiit in montana cum festinatione in ciuitatem Iudæ, & intrauit in domum Zachariæ. Beata uirgo fructum suæ fidei pulcherrimum edit, nempe caritatis erga proximum. Illa enim cùm iuuencula esset, anum Elizabetham non contemnit, sed cum festinatione accedit, ut eam iuuuet & consoletur, sic cogitans: Ecce cognata mea est sento confecta: præterea etiam, quòd natura denegatum fuit,



fuit, miraculo est fecunda facta, eget proinde mea opera: uolo itaq; ad eam proficisci, ut mutuis nos consolemur colloquijs, & ut ei ministrem.

Hinc iuuenicula Matronæ discant, quomodo eas effectas esse erga grandævas deceat. Maria etsi maioribus donis erat ornata, quàm ullâ foeminarum in mundo fuit: non tamen inde superbit: non cogitat, ego ne tantis donis ornata seruirem isti anuicæ sed potius, q; quò maior sit, & præstantiorib. donis pollens, eò magis ad seruiendum alijs sit obnoxia. Ioseph tametsi somniauit solem et Lunam & undecim stellas se adorare, quo somnio significabatur, quòd parentes ipsius & fratres aliquando ipsum essent ut Dominum ueneraturi: nò tamen inde superbit, sed seni parenti seruit, et est obediens iuxta regulam Syracidæ: Quantò maior es, eò magis te ipse humilia in omnibus, & coram Deo inuenies gratiam: congregationi pauperum affabilem te facito, & seniori humilia animam tuam. Qui iuxta hanc regulam et Mariæ exemplum uitam instituit, uberrimum reportabit fructum. Primum enim inueniet gratiam apud Deum: nam ut Deus superbis resistit: ita humilibus dat gratiam. Deinde, inueniet gratiam apud homines. Vt enim omnes oderunt superbos, ita humiles & affabiles amore prosequuntur. Præterea, meretur ut ipse senex effectus honoretur à iunioribus. Vt enim iustū iudicium Dei est, ut qui iuuenis senes contemnit, ipse senex contemptibilis fiat ita iusticia Dei est, ut qui iuuenis

uenis



uenis reueritus est senes, & eos in honore habuit,  
senex honoretur & ametur à ieuenibus.

Discant & hinc uirgines nostræ, non circum-  
cursitare per alienas domos, non ocio indulgere,  
sed cum festinatione piè & modestè res suas age-  
re: nisi potius placuerit ipsis Dinæ imitari exem-  
plum, quæ ignominiam domum secum tulit, quàm  
beatæ uirginis, quæ decus & perpetuum honesta-  
tis testimonium secum reportauit. Olim nullus the-  
saurus prudentia uirginibus erat carior: at nunc et  
uestibus et gestibus omnem impudiciam produnt  
multæ, quarum pleræq; iustas suæ impudiciæ pœ-  
nas luunt.

#### Secunda Circumstantia.

Secunda circumstantia est salutationis. Nam in-  
gressa domum uirgo mox salutat Elizabetham. Sa-  
lutatio amica humanitatis, humilitatis, & beneuo-  
lentiae est testimoniū. Salutandi forma apud Iudæ-  
os usitata fuit: Pax tibi: & pax huic domui, quæ sa-  
lutandi forma de multis reb. nos admonet. Primum  
enim hæc salutandi ratio est confessio, qua omnem  
pacem, omnem fortunam, adeoq; omnia prospera à  
Deo esse cōfitemur. Secundò, est petitio. Qui enim  
sincero corde dicit: Pax tibi, perinde est, ac si dice-  
ret: te Pater cœlestis oro, ut huic tuam largiāre pa-  
cem: hunc tua protectione munias aduersus Sata-  
nam Ecclesiæ tuæ hostem implacabilem. Tertiò, sa-  
lutatio est adhortatio, qua hortamur quem saluta-  
mus, ut Deum inuocet, ut se, suam domum, liberos

Ff

Cc.



*Ec.* tueatur. *Quartò*, salutatio & pacis precatio est significatio quedam, quòd hostes habeamus, qui nobis perpetuò struunt insidias: unde monemur, ne stertamus, sed uigilemus, ne incautos nos opprimant. *Quintò*, pia salutatio est gratiarum actio. Nam cum precamur alijs à Deo pacem, publicè agnoscimus Deum esse autorem pacis, quem hac confessione prædicamus. Discamus ergo ab hac uirgine mutuis salutationibus nos inuicem excipere.

### Tertia Circumstantia.

Tertia circumstantia est testimonium Elizabethæ de fide uirginis. Et repleta est S. sancto Elizabeth, & exclamauit uoce magna ac dixit: Benedicta tu inter mulieres, & benedictus fructus uentris tui &c. Beata es quæ credidisti, quoniam perficientur, ea quæ dicta sunt tibi à Domino. Elizabeth impletur S. sancto, à quo certificatur de conceptione uirginis. Nā cum contra naturam sit uirginem gestare uterum, oportuit autorem naturæ doctorem esse gratiæ & doni quod contigit præter naturam. Deinde ut edocta erat à Spiritu sancto, fidem uirginis prædicat, cum ait: Beata es quæ credidisti: quæ brevis sententia plura docet. *Primum* enim inquit omnes esse miseros qui sunt sine fide. Deinde docet, quòd credentibus contingat beatitudo uera, quæ est in Christo Iesu beatitudinis fonte uberrimo. *Tertio*, indicat quis sit fructus fidei, cum ait: Quoniam perficientur ea, quæ dicta sunt tibi à Domi-

no



no, quasi dicat: Etiam si omnium hominum experientia reclamationat, etiam si natura negat, etiam si ratio contra statuit: tamen perficietur quod tibi à Domino dictum est, uidelicet quod uirgo paries Filium iuxta Dei uerbum. Hinc discamus & nos, quæ sit uera fidei indoles, & exemplo uirginis uerbo Dei adhibeamus fidem, etiam si tota rerum natura contrarium polliceri uideatur.

#### Quarta Circumstantia.

Ad salutationem uirginis exultat puer in utero matris: & gestu quodam adesse significat in utero uirginis Messiam. Hoc sanè magnum miraculum fuit, quod puer nondum in mundum editus, nature reparatorem agnouerit. Quo miraculo & fides Elizabeth ac Mariæ confirmatur, & bonitas Dei erga infantes declaratur, qui olim promisit Abrahamo, quod uellet ipsius Deus esse, & seminis eius in sempiternum: in cuius promissionis certitudinem legem sanxit, ut infans octo dierum circumcideretur: quæ promissio, cum ad nos pertineat, impiè et impudenter faciunt Anabaptistæ, qui nolunt Christianorum infantes baptizari, hoc est, nolunt eos ob signatione gaudere, qui gratiæ cœlestis iuxta promissionem sunt heredes. Anabaptistæ ita aiunt: Qui audit et credit baptizandus est: Infans uerò non audit nec credere potest: Quare nullo pacto est baptizandus. Sed falluntur miseri. Sic potius deberent colligere. Infantes Christianorum habent promissionem: igitur hæc promissio est

Ff 2 ipsis



ipsis baptismo obsignanda. sicut infantibus Iudeorum obsignata fuit circumcisione. Promissionis uerbum offert gratiam: promissionis Sacramentum obsignat gratiam et symbolo docet: quemadmodum die Coenae Dominicae dictum est. Proponamus igitur nobis Iohannem, qui in utero matris plenus Spiritu sancto heres est gratiae communis omnibus infantibus, qui habent promissionem.

Sed dicunt: hoc erat miraculum. Fateor fuisse miraculum, & sanè magnum miraculum, sicuti omnia opera Dei in Ecclesia sunt miracula. Verùm hoc addo, quòd hoc ipsum miraculum docet nos, quòd pueri possint esse capaces Spiritus sancti. Si sunt capaces Spiritus sancti: si sunt filij Abrahæ: si sunt secundum promissionem heredes: si Christus eos recipi mandat: cur non baptizandi? Praesertim cum baptisms istarum rerum sit quaedam obsignatio.

## DE SECVNDO.

Maria audita oratione Elizabethæ de beneficio sibi facto, uidelicet quòd esset Mater Messiae futura, sui animi gratitudinem erga Deum declarat, quem celebrat in hoc Psalmo, cum propter ingens illud beneficium, quod sibi contingit, tum propter misericordiam, potentiam & ueritatem, quæ exercet erga homines, dum timentes se misericordia in gratiam recipit, contumaces iuste punit, & quod olim promisit Patribus, iam tandem uerè complet. Vsus huius Psalmi est, ut cognita misericordia Dei credamus: ut cognita potentia timeamus: ut cogni-

ta ue-



ta ueritate speremus, ac expectemus cum patientia, quæ Deus nobis ex gratia promisit. Misericordiam opponamus peccato: potentiam tyrannidi diaboli: ueritatem tentationibus omnibus, quas caro uel Satan suggerit. Atq; his de causis Ecclesia uetus ordinauit, ut quotidie in cœtu piorum caneretur hoc uirgineum carmen, Nunc singulos uersus breuiter explicemus.

1. Magnificat anima mea Dominum.
2. Et exultat spiritus meus, super Deo saluatore meo.
3. Quia respexit me humilem ancillam, ecce enim ex hoc beatam me dicent omnes generationes.

Hoc est: Ego magnificè Deum prædico, & tota gaudio perfundor, idq; super Deo saluatore meo. Is enim meum gaudium, qui mihi tantam præstitit salutem. Is respexit & gratuito fauore complexus est me humilem & uilem ancillam, quæ iam spreta, uilis, instar uilium seruulorum uixi: atq; ita respexit, ut non posthac uilem & contemptam, ut antea, sed beatam me prædicent omnes ætates: cui tanta gratia facta est, ut sim mater futura Messie, qui Saluator est meus & omnium in se credentium.

Ex Mariæ exemplo hoc discamus. 1. agnoscere nostram uilitatem, & prosternere nos coram Deo in uera pœnitentia. 2. agnoscere beneficia Dei erga nos. 3. prædicare Deum ob sua beneficia. 4. alios ad gratitudinem nostro inuitare exemplo.

Ff 3 4. Quia



4. Quia magnificè mecum egit potens ille, cuius sanctum est nomen.

Nulla hic iactat merita pudica uirgo: nihil suis tribuit uiribus, sed omnia accepta fert Deo, qui solus potens est, & cuius solius nomen sanctum existit, ut quod summam mereatur reuerentiam. Deus enim quoties nominatur, debet ob sanctitatem prædicari, quæ relucet in omnibus operibus eius, in ingenti misericordia, in iusto iudicio, in potentia & ueritate, quemadmodum particulatim uirgo in suo exponit Psalmo.

5. Et cuius misericordia in omnes ætates parata est timentibus ipsum.

Hic uersus tria docet. *Primum*, quod Deus sit misericors. *Secundum*, quàm latè se extendat Dei misericordia. *Tertium*, quibus illa infinita contingat misericordia. De Dei misericordia multa sunt illustria dicta & exempla. Ero (inquit) Deus tuus & seminis tui usq; in seculum. Item: Ego sum Deus faciens misericordiam. Et apud Esaiam: Ego adsum, quia misericors sum Dominus Deus tuus. Et Syracides: Pius & misericors est Deus, & remittet in die tribulationis peccata. Hinc Paulus Deum uocat Patrem misericordiarum, inquit: Benedictus Deus & Pater Domini nostri Iesu Christi, Pater misericordiarum, qui consolatur nos in omni tribulatione nostra. Exempla huius declarate misericordie sunt plurima, quarum summum est, quod Filium suum unigenitum dederit, ut saluetur  
mundus



mundus per ipsum. Huc illud: Sic Deus dilexit mundum, ut Filium suum unigenitum daret, ut omnis qui credit in illum non pereat, sed habeat uitam eternam. Imagines huius misericordiae sunt, filius prodigus, Samaritanus, ouis perditus.

Quam late se extendit haec Dei misericordia? Respondet Virgo: in progenies progenierum, hoc est, in omnes aetates, in omnes nationes, iuxta illud: Misericordia Dei plena est terra. Huc illud Psalmi: Misericordia Domini à seculo usq; ad seculum. Iusticia Dei Adam miseriae subiectus est cum tota sua posteritate: Misericordia Dei Adam gratiae particeps factus cum sua posteritate, modò illi sua culpa non accersuerint sibi iudicium. Huc illud Esaie: Dedi te in lucem gentium, ut salus sis mea usq; ad extremum terrae. Et Simeon: Lumen quod parasti omnibus populis.

Quibus contingit ista misericordia? Respondet Maria: timentibus eum. Hoc ipsum David hisce attestatur uerbis: Misericordia Domini à seculo usq; in seculum super timentes eum. Et rursus: Prope timentes eum salutare ipsius. Vbi ergo timor Dei uerus, illic & misericordia Dei locum habet.

Sed quis est iste timor Dei? Est uera pietas & religio, qua sunt praediti, qui in Christum firma recumbunt fiducia. Est autem hic diligenter obseruandum inter causam misericordiae, & qualitatem eorum quibus contingit. Causa nulla est praeter

Ff 4 ter



824 IN FESTO VISIT. MARIE  
ter εὐδοκίαν paternam in dilecto, sicuti ipse ait:  
Hic est Filius meus per quem placatus sum. Qua-  
litas eorum, quibus misericordia contingit, non est  
meritum, sed nota filiorum Dei, qui fide sunt effe-  
cti filij, iuxta illud: Dedit potestatem, ut fierent fi-  
lij Dei, quotquot credunt in nomen eius. Fide sola  
nascimur filij Dei, sed filij Dei effecti debemus, ut  
filios Dei decet, in omni pietate & innocentia, &  
alijs uirtutibus uiuere, quas beata uirgo hinc timo-  
ris uocabulo complectitur.

6. Fecit potentiam in brachio suo, disper-  
sit superbos mente cordis sui.

7. Deposuit potentes de fede, & exaltauit  
humiles.

8. Esurientes impleuit bonis, & diuites di-  
misit inanes.

Prædicat iudicium Dei in superbos, & miseri-  
cordiam in humiles. Exempla infinita præbet sacra  
historia & quotidiana experientia.

9. Suscepit Israël puerum suum, memor  
misericordiæ suæ.

10. Sicuti locutus est Patribus nostris,  
Abrahamo & semini eius in æter-  
num.

Hoc est: Promissionem misericordiæ compleuit  
Deus misso Filio. Est igitur uerax & ob ueritatem  
celebrandus: cui sit laus, confessio, & gloria mise-  
ricordiæ, potentiæ, iusticiæ, ueritatis in secula se-  
culorum, Amen.

IN



# IN FESTO MICHAELIS, MATTH: XVIII.



**I**N illo tempore, accesserunt discipuli ad Iesum, dicentes: Quis est maximus in regno caelorum? Et accersitum ad se puerum, Iesus statuit in medio illorum, & dixit: Amen dico uobis, Nisi conuersi fueritis, & efficiamini sicut pueri, non ingrediemini in regnum caelorum. Quisquis igitur demiserit semetipsum, sicut est puer iste, hic est ille maximus in regno caelorum. Et qui receperit puellulum talem in nomine meo, me recipit. Qui

Ff 5 autem



autem offenderit unum de pusillis istis, qui in me credunt: expedit ei, ut suspendatur mola asinaria in collum eius, ac demergatur in profundum maris. Væ mundo ab offendiculis. Necesse est enim ut ueniant offendicula, ueruntamen uæ hominī, per quem offendiculum uenit. Quod si manus tua, uel pes tuus obstaculo est tibi, abscinde eum, & proijce abs te. Bonum est tibi ad uitam ingredi claudum aut mutilum, potius quam duas manus, uel duos pedes habentem, mitti in ignem æternum. Et si oculus tuus offendit te, erue eum, & proijce abs te. Bonum est tibi, ut luscus intres in uitam, potius quam ut duos oculos habens, mittaris in gehennam ignis. Videte ne contemnatis unum ex pusillis. Dico enim uobis, quod Angeli eorum in cœlis, semper uident faciem patris mei, qui in lis est. Venit enim filius hominis seruare quod perierat.

## ENARRATIO TEXTVS.

**H**OC festum in Ecclesia ideò ordinatum & receptum est, ut discamus beneficia Dei erga nos, qui dederit nobis Angelos custodes. Quare de Angelis potissimum hoc die docenda est Ecclesia. Verum, quia Euangelica lectio, quæ hodiè tractari solet, continet singulares doctrinas: uolo primum textum Euangelij explicare. Deinde nonnulla de Angelis dicere.

Occidit



Occasionem huic Euangelicæ lectioni præbuit arrogantia discipulorum Christi, qui postquam Christus sui abitus mentionem fecisset, contendunt de primatu, quos Christus ab errore reuocat, & statuit puerum in medio eorum, dicens: Nisi fueritis sicut pueri, non intrabitis in regnum cœlorum. Dehortatur præterea à scandalo, & commendat nobis pueros, ut eos in Ecclesiam recipiamus, scientes talium esse regnum cœlorum. Loci quatuor.

- I. Disputatio Apostolorum de primatu & eorum reprehensio.
- II. Admonitio de cauendo scandalo.
- III. Mandatum Christi de recipiendis pueris.
- IIII. Angelorum natura & officium.

## DE PRIMO.

Discipuli accedunt Iesum dicentes: Quisnam maximus est in regno cœlorum? Hic primum obseruanda occurrit cœcitas discipulorum Christi, non intelligentium adhuc, qualenam sit Christi regnum. Somniabant fore ciuilem administrationem, in qua Christus, ut summus Monarcha, Discipuli uerò ipsius sub eo, tanquam duces, dominarentur toti terrarum orbi: ideo quærunt quisnam illorum sit futurus summus, & à Christo proximus. Adeò stupenda cœcitas eorum mentes fascinauerat.

Deinde licet hic uidere uirus diaboli, quod fuit etiam efficax in illis Dei organis, nempe discipulis Christi, qui erant destinati Apostoli & legati regis



gis Christi in spirituali eius regno. Quid facit? deterrimo uicio superbiae eos commaculat, adeo ut iam de primatu disputent, hoc est, quisnam eorum sit aliorum futurus Dominus.

Quid Christus facit ad hanc discipulorum suorum stultam arrogantiam? Potuit sane iuste eos reijcere ut superbos & minimè idoneos, qui suo spirituali regno administrando praeficerentur: hoc tamen non facit, sed eos paternè admonet, & ut corrigit errorem: ita superbiae uicium seuerè taxat. Ita enim ait: Et cum aduocasset puerulum Iesus, statuit eum in medio eorum, & dixit: Amen dico uobis, nisi conuersi fueritis & fiat is ut pueruli, nequaquam ingrediemini in regnum coelorum. Hic exemplo et doctrina docet, quales uelit habere administratores sui regni. Vult aequalitatem, quantum quidem ad animorum affectionem attinet: non uult, ut unus alterum tanquàm ex alto despiciat: sed ut amanter sint erga se inuicem affecti, mutuis se prosequentes officijs: nō uult ut more gentium alij alijs superbè dominantur in spirituali suo regno. Nam de regnis politicis alia ratio est. Deinde, hic facit discrimen inter suum regnum & imperia mundana. Qui summus est in regnis mūdi, is ab omnibus uult coli & ministrari. Contrā, qui uult hic summus esse, debet omnium esse minister, non uerbis, ut Papa, sed reuera, ut Paulus, Petrus, Apostoli, & alij sinceri Euangelij praedicatores. Ita maximus in Ecclesia Christi est, qui maximè



ximè seruit, minimus uerò qui maximè dominatur. Ut aut Christus suos discipulos ab ista arrogantia reuocet, addit seuerissimam cōminationem dicens: Nisi fiat is ut pueruli nō ingrediemini regnū cœlorum. Sed quid est quod uelit Dominus suos discipulos esse similes puerilis? an non Paulus secus docere uidetur, cū Corinthijs in hunc modum scribat: ne simus pueri sensibus? Christus uult nos esse pueris similes: Paulus uult nos esse pueris dissimiles. Vtrumq; uerum est: Debemus esse pueris similes, & rursus debemus esse pueris dissimiles.

Pueris similes esse debemus, primum uera humilitate & abnegatione nostri ipsorum, sicuti Dominus ait: Quisquis demiserit seipsum, sicuti est puerulus iste. Est igitur omnis superbia deponenda illi, qui uult Christi discipulus esse. Huc illud Christi: Qui uult me sequi, abneget semetipsum, hoc est, qui uult meus discipulus esse, humiliter de se sentiat, nihil sibi arroganter tribuat. Deinde, pueris similes erimus in meritorum ratione. Ut enim pueri non possunt aduersus parentes de suis gloriari meritis: Ita nec discipuli Christi coram Domino ulla merita iactare debent, sed fateantur se infantes, qui sine paterna cura nihil possent. Tertiò, similes erimus pueris affectu. Quem admodum enim pueri se totos paternæ curæ committunt: ita discipuli Christi se totos in Christi fidem coniiciant ab eo omnia salutaria expectantes. Quartò, similes erimus pueris obediendi studio.

Pueri



Pueri boni non disputant, quale sit quod mandat pater: sed quid, & eius uoluntatem agendi regulam sequuntur: sicuti Abraham fecit, qui ad mandatum Dei paratus erat ad mactandum filium unigenitum. Non cogitauit Abraham: quid hoc opus Deo proderit? mors filij mei mihi molestissima quidem est, & Deo nihil confert. Sed hoc potius, Tu mi Deus hoc mihi mandas: tuam igitur uoluntatem agendi regulam sequar, & tibi morem geram. Postremo pueris similes esse debemus malicia, hoc est, ut infantes malis artibus non student, non auarè colligunt, non turpem libidinem sectantur: ita discipuli Christi à malo abstinebunt.

Disimiles autem debemus esse pueris. Primum, ne pueriliter desipiamus, absurda sectantes, ut pueri faciunt, sensibus nondum firmatis. Deinde, ne imbecilles in fide simus, sicuti pueri, qui per ætatem non possunt res spirituales capere. Tertiò, ne indulgeamus lusibus carnalium affectuum. Quartò, ne instar puerorum in doctrina pietatis incerti & inconstantes fluctuemus, & ne, ut Paulus inquit, circumferamur quouis uento doctrinæ: sed sanctam exhibeamus infantiam, ad quam hortatur nos Petrus, cum ait: quasi modò geniti infantes & c. I. Pet. 2.

Huc & præmium ueræ humilitatis apponit, cum ait: Quisquis exceperit unum puerulum talem in nomine meo, me recipit Hoc diligenter expendatur. Primum, Christus hoc dicto uult, ut om-



ut omnes pueros amanter complectantur, idq; ip-  
sius nomine. Deinde, testatur quicquid in nomine  
suo collatum fuerit pijs, id ita se aestimare, ac sibi  
ipsi collatum esset. Quem non excitaret hæc pro-  
missio ad humanitatis officia erga suos, & maxi-  
me erga membra Ecclesiæ Christi? Ab altera parte  
admonet de pœna quàm luet, qui ullos in Chri-  
stum credentes contemserint. Qui, inquit, offen-  
derit unum ex paruis istis, qui in me credũt,  
præstiterit ei, ut suspendatur mola asinaria in  
collum eius, ut demergatur in profundo ma-  
ris. Deberet uel hæc comminatio retinere nos in  
officio, ne tam faciles essemus ad offendendos alios.  
Sed de hoc loco sequitur.

## DE SECVNDO.

Væ mundo à scandalis. Necessè est enim  
ut ueniant scandala: ueruntamen uæ homini  
per quem scandalum uenit. Hoc Christi dictum  
tria habet. Primum est prædictio, quòd mundus sit  
futurus plenus scandalis. Secundum est indicatio  
subobscura causarum scandalorum. Tertium est  
comminatio pœnæ, quam luet autor scandali.

PRIMUM nos docet, admonet, confirmat.  
Docet quid sit euenturum, hoc est, quòd mundus  
sit futurus plenus scandalis. Deinde, quòd ista scan-  
dala secum sint allatura hominibus VÆ, hoc est,  
pœnas, sub quibus homines super se VÆ clama-  
bunt præ angustijs. Est autem uæ, ut Basilii ait:  
Θρῶνδες ἐπὶ φθέρμα, hoc est, flebilis acclama-  
tio, qua



tio, qua suum dolorem testantur qui sub cruce gemunt. Tum, quod Ecclesia non sit futura tranquilla in hac uita: sed cum maximè quieta uidebitur, subito excitabuntur tempestates, quibus mirum in modum concutietur. Erit Ecclesia in mundo similis Halcyoni aui, quæ in Mari ova parit, & pullos nutrit. Hæc nunquam sibi polliceri potest unum tranquillum diem, sed se in omnem euentum parat: tranquillo mari cum suis pullis gaudet: obortam tempestatem perfert fortiter, sperata tranquillitate animum alens. Sic Ecclesia est in mundo ut in mari, in quo gignit sibi liberos. Hæc nunquam secuta esse potest à tempestatibus mundi, quæ sunt falsi Prophetæ, Diabolus, propria caro, prauis hominum mores & exempla. Hæ tempestates cum in Ecclesiam ingruunt, debet ipsa parata esse in omnem euentum: sed tandem omnia superabit per uictorẽ mundi Iesum Christum, quem cum fide apprehendimus, & nos uictores mundi euadimus, iuxta illud. Hæc est uictoria, quæ uincit mundum, fides uestra. Quare hæc uincit mundum? quia Christum habet.

Deinde, admonet nos hoc dictum Christi, ne uel ipsi autores scandalorum simus dicto aut facto, uel sinamus nos abduci scandalis, ac rursus relabamur in pristinas tenebras, ac à Christo saluatore turpiter deficiamus: sicuti multis hodiè accidit, ubi sophistæ & tyranni pro sua libidine omnia sursum ac deorsum uersant.

Tertiò



Tertiò, hoc dictum Christi nos confirmat in fide Christi. Nam cum uidemus euentum prædictioni respondere, certificamur de Euangelio, & confirmatur fides, ne cum maxima parte mundi confessionem abijciamus.

SECUNDVM, quod habet dictum Christi, est indicatio subobscura causarum scandali: Necesse est, inquit, ut ueniant scandala. Sed unde illa necessitas? à Deo? ne? nequaquam. Deus enim non est autor malorum, uel delectatur scandalis sed irascitur autoribus scandali, sicuti pœnæ ostendunt. Vnde ergo? num à Diabolo? uerè à Diabolo. Nihil enim is aliud molitur, quàm ut Christi Ecclesiam scandalis in doctrina, moribus, in cruce euerat. Hic sibi adiungit Sophistas, Hypocritas, & tyrannos mundi, quos excitat, ut nihil intentatum relinquunt, quod faciat ullo modo uel ad euerendam, uel lacerandam Ecclesiam: id quod historia Ecclesiae docet, ante diluuium, post diluuium, in Ægypto, in deserto, in uarijs persecutionibus sub iudicibus, regibus, & ducibus, in captiuitate, post captiuitatem usq; ad Christum exhibitum. Deinde post Christum historia Ecclesiae infinita testimonia habet scandalorum, quibus Satan Ecclesiam Christi horribiliter inuadit.

TERTIVM, quod Christi dictum habet, est comminatio pœnæ, quam autores scandalorum sustinebunt. Væ homini (inquit) illi, per quem scandalū uenit. Significat ergo fore, ut quia alijs sunt

G g

sunt



sunt scandalo grauissimis puniantur poenis. Nec est dubium, quin de poenis æternis loquatur.

Ceterum, ut diligentius caueamus, ne fiamus autores scandali, breuiter dicam, quenam scandalorum genera sint cauenda, quæ à suis causis differentias accipiunt. Vnum genus scandali est, quod oritur ex mala doctrina, seu ex corruptelis doctrinæ Ecclesiæ. Qui hoc pacto alijs est scandalo, diabolus patrem suum imitatur, qui primos homines hoc genere scandali euertit, Gen. 3. Alterum genus scandali est, quod oritur ex malis moribus, hoc est, cum alij in te respicientes tuos malos mores induunt. Qui ita scandalo est hominibus, regnum Sathænæ extruit, & demolitur Christi regnum: quare summo opere cauendum est. Quotus quisque, quæso, hic non dat scandalum? Siue ad clerum, siue ad populum, siue ad magistratum, siue ad subditos respicis, uides omnia plena scandalis morum, adeo ut non frustra Christus dixisse uideatur. Væ mundo à scandalis.

Tertium genus scandali oritur ex abusu rerum, quæ sua natura sunt indifferentes, quod cauendum est, ne offendantur infirmi. Obstinati et impij sunt contemnendi, idque Christi exemplo. Plura de scandalis aliàs diximus.

## DE TERTIO.

Videte ne contemnatis unum ex pueris his. Dico enim uobis, quod Angeli eorum in cœlis semper uident faciem Patris mei, qui  
in



in cœlis est. Hic Christus nobis pueros commen-  
dat, ne illos ullo pacto offendamus et rationem sub-  
nectit: quia Angli eorum uident faciem Dei  
patris qui in cœlo est, hoc est, Cùm tanta cura  
Deus pueros complectatur, ut eis Angelos custo-  
des dederit, non decet, ut nos eos inhonoremus. Hic  
obseruemus, quòd pueri habeant Angelos custo-  
des, qui eos aduersus Satanam tuentur. Deinde, ex-  
citemur ad gratitudinem erga Deum pro tanto  
beneficio. Tum, studeamus pijs moribus eos retine-  
re. Postremò, caueamus ne ulla impietate aut tur-  
pitudine illos à nobis arceamus, qui in cœlo gau-  
dent piorum sanctitate & uite puritate.

## DE QVARTO.

Quantum, quod proposui, fuit de Angelis, de  
quorum natura & officio pauca dicam, ut cùm  
sciamus quales custodes habeat Ecclesia, tùm intel-  
ligamus in quanto uersetur periculo.

Angelus est creatura Dei, spiritualis, intelligēs,  
potens, condita in ministerium Dei & Ecclesie: à  
quo sue conditionis sine quidam defecerunt, et fa-  
ci sunt hostes Ecclesie, quidam autem non defecce-  
runt, sed manserunt in sua innocentia, in qua Deo  
& Ecclesie seruiunt. De quibus Epistola ad He-  
braeos ita ait: Non'ne omnes sunt ministratores  
spiritus, qui ministerij causa mittuntur propter  
eos, qui heredes erunt salutis. De malis Dominus  
ait, quòd Satan cum suis sit mendax & homicida  
ab initio. Et Petrus dicit: Diabolus sicut Leo cir-

Gg 2. cumit



cumit, querens quem deuoret. Hinc facile est intelligere, quod Ecclesia in mundo sit ueluti ciuitas, quam ut Angeli boni intus defendunt: ita mali foris oppugnant. Cum igitur in tanto uersamur discrimine, rogemus Deum, ut suis nos Angelis tueatur, cui laus, honor, & potestas in secula seculorum, Amen.

## IN FESTO OMNIVM SANCTORVM, Matth. 5.

**C**um uidisset IESVS turbas, ascendit in montem, & cum consedisset, accesserunt ad illum discipuli eius, & postquam aperuisset os suum, docebat illos, dicens: Beati pauperes spiritu, quoniam illorum est regnum coelorum. Beati qui lugent, quoniam ipsi consolationem accipient. Beati mites, quoniam ipsi haereditatem accipient terrarum. Beati qui esuriunt & sitiunt iusticiam, quoniam ipsi saturabuntur. Beati misericordes, quoniam ipsi misericordiam consequentur. Beati mundo corde, quoniam ipsi Deum uidebunt. Beati pacifici, quoniam hi filij Dei uocabuntur. Beati qui persecutionem patiuntur propter iusticiam, quoniam illorum est regnum coelorum. Beati estis, cum probra iecerint in uos homines, & insectati fuerint, & dixerint omne malum uerbum aduersus uos mentientes propter me: Gaudete &



& exultate, quoniam merces uestra multa est  
in cœlis.

## ENARRATIO TEXTVS.

**F**esta de Sanctis in Ecclesia instituta sunt, non  
sine grauiſſimis causis, quas ordinè recensebo,  
ut in nostrum commodum Sanctorum festis uti  
possimus. Prima, ut cognoscatur Ecclesie historia.  
Id enim ualdè utile est: nam & inde Ecclesie sta-  
tum, & quos habuerit defensores & hostes Ec-  
clesia intelligimus.

Secunda, ut cogitentur beneficia Dei erga Ec-  
clesie membra. Paulus ex persecutore factus est  
Apostolus. Petrus qui Dominum suum negarat, in  
gratiam est receptus. Magdalena peccatrix pro fi-  
lia agnita est, dum in Christum fide recumbit. In  
mortis articulo Christus se contemplandum præ-  
buit Stephano: atq; ita in singulis sanctis Dei sin-  
gularia beneficia uidere est.

Tertia, ut consideratis hisce Dei beneficijs er-  
ga sanctos, nos agamus Deo gratias, quòd in mise-  
ros peccatores conuertentes se ad Dominum per-  
ueram poenitentiam, fuerit adeò misericors, & eos  
in gratiam receperit, & tot ornauerit beneficijs,  
ac spiritu suo in hoc deserto rexit.

Quarta, ut uarij sanctorum casus perpendan-  
tur et conferantur cum periculis nostri temporis.  
Vt olim pij opprimebantur ab impijs: ita et hodiè.  
Olim sancti gaudebant sub pijs gubernatoribus, et  
interdum iugum grauius tyrannorum experiri co-

Gg 3 geban-



gebantur: ita & hodiè. In his casibus uarijs debemus nos erigere exemplo sanctorum.

Quinta, ut sanctos imitemur in pœnitentia, uita, cultu, confessione, constantia, patientia, & alijs uirtutibus. Debent ergo sancti nobis esse ueluti exempla regule uitæ nostræ. Verbum Dei requirit pœnitentiã, cultum Dei, confessionem, patientiam: sed sancti Dei huius uerbi exempla suppeditant.

Sexta, ut pijs suspirijs sanctorum expetamus consortium, quo liberati tandem ex his angustijs, beati uiuamus cum Christo in omni æternitate: qua de causa Christus pronunciat suos discipulos beatos, etiamsi uarijs ærumnis in hac uita affligantur. Et huc pertinet hodiernum Euangelium de beatitudinibus uarijs, sicuti nunc audiemus: singulas ergo beatitudines ordinè declaremus. Locus unicus.

De beatitudine discipulorum Christi.

Beati pauperes spiritu, quoniam ipsorum est regnum cœlorum. Hoc uersu ostendit Christus primum gradum ad summam opes. Summæ opes sunt possessio regni cœlorum et æternæ uitæ. Gradus autem est ad has opes primus paupertas spiritus, quia contriti & contusi sentimus nos omnis iusticiæ esse inopes.

Quidēan non hæc paupertas nos excludit è regno cœlorum? Sicut rectè dicitur: primus gradus est ad sanitatem nouisse morbum, quia qui i morbum nouit, quærit conueniēs remedium: ita primus gradus est ad opes cœlestes paupertas spiritus, quia  
qui



qui hanc sentit, querit opes aliunde. Et sicut morbus sua natura gradus est ad mortem, nisi succurrat medicus: ita hæc paupertas rectè ad infernum mitteret, nisi Christus suas opes nobiscum communicaret. Non ergo diuitiæ nobis contingunt spirituales merito paupertatis, sed beneficio regis cælorum, ad quem implorandum nos cogit sensus spiritualis huius paupertatis. Sensus ergo huius loci est, nihil esse cur illi se infelices esse putent, qui reuera sentiunt in animo, se esse omnis iusticiæ inopes, cū iste sue inopiæ sensus sit primus gradus, quo ad summas opes, id est, in regnum cælorum ascenditur, nō quidem per se & sua natura, sed quia cogit nos illum querere, qui solus uia est in cælum.

Qualis autem sit paupertas spiritualis, ex collatione facilius intelligi potest. Vt enim paupertas mendicitatis est non solum summa inopia, uerumetiam eius publica professio: ita paupertas spiritus est non solum summa opum cælestium, hoc est, iusticiæ, sanctitatis, & innocentie inopia: uerumetiam eius professio coram Deo, à quo petimus ut propter Christum nostræ succurrat inopiæ: Hæc ergo paupertas sita est in uera pœnitentia et expetitione opum cælestium.

Monachi abusi sunt hoc loco. Nam ex eo docuerunt, paupertate, id est, mendicitate homines mereri regnum cælorum, cum Paulus aperte dicit, Rom. 6. Donum Dei est uita æterna per Iesum Christum dominum nostrum. Si donum est gratui-

Gg 4 tum,



tum, certè non comparatur paupertate, quæ sanè sua natura nihil meretur, sed est pœna, cuius causa est partim prodigalitas, partim pigritia.

Beati qui lugent, quoniam ipsi consolationem accipient. Hæc mirabilis est concio. Pronunciat beatos lugentes, cum nihil magis felicitati repugnet quàm luctus: uerùm Christi dictum intelligendum est non de luctus tempore, sed de euentu: nam ita ait: quia consolationem accipient, scilicet finito in hoc mundo luctu. Hic luctus causam habet partim spiritus paupertatem, partim ærumnas præsentis uitæ, quæ nos tanquam igni quodam excoquunt & explorant, & quasi stimulis nos excitant ad expetendum æternum gaudium, quod omnes lacrimas absterget. Non ergo luctus per se causa est felicitatis, sed quia compellit nos ad Christum, qui est autor omnis consolationis.

Huc proinde Pauli dictum pertinet: Gloriamur in tribulationibus, quia operantur patientiam: patientia probationem: probatio spem, spes autem nō confundit, quia Deus nos diligit. Hinc facillè intelligi potest, Christum nō loqui de quouis luctu, sed de luctu, qui est secundum Deum, non de luctu mundi.

Beati mites, quoniam ipsi hæreditatis iure terram possidebunt. Mites sunt placidi, mansueti, faciles, humani, qui suos affectus mitigant: qui lesi faciles sunt ad condonandam iniuriam: qui malunt rem perdere quàm cōtendere. Hæc uirtus māsuetudo è timore Dei et uera humilitate nascitur,



scitur, quam Christus suis commendat, dicens: Discite à me, quia mitis sum & humilis corde. Regula est: Discipuli Christi mites esse debent. Exemplum regulæ est Christus. Vult enim ut hanc uirtutem meditantes se intueamur. Non dicit Dominus: discite à me mortuos suscitare, demones effugare, super mare siccis pedibus ambulare, 40. dies & noctes sine cibo uiuere, sed hoc dicit: discite à me, quia mitis sum, & humilis corde. Hæc humilitas habet secum germanam dilectionem, de qua Dominus: in hoc cognoscent omnes, quod mei discipuli sitis, si uos mutuo dilexeritis.

Sed quid promittitur mitibus? beatitudo, idque propter euctum: nam hereditatis iure terram possidebunt, non quod in terra simus uicturi, sed propter typum. Terra enim olim promissa patribus, fuit typus & figura regni cælorum, atque ideo ueritas umbræ nomen accepit.

Hoc loco qui abutuntur ad stabiliendum dogma de merito, ac si nostris uirtutibus mereri cælum possemus, stulti sunt, non animaduertentes Christi uerba. Dicit enim eos possessuros iure hereditatis terram. Vbi est illud hereditatis ius? Nonne ideo heredes sumus, quia in Christo gratis adoptati per fidem? nonne Paulus Dicit: Vita æterna est donum Dei per Iesum Christum dominum nostrum. Aliud est loqui de causis salutis, aliud de nouis qualitatibus eorum qui heredes sunt salutis.

Beati qui esuriunt & sitiunt iusticiam, quoniam

Gg 5 niam



niam ipsi saturabuntur. Christiani in hac uita nunquam ita ex fontibus salutis hauriunt aquam, quin magis sitiant, quos hic consolatur Dominus, promittens fore, ut tandem saturentur: ex qua saturitate se felices profitebuntur. Quisquis esurit & sitit iusticiam, duo optat. Primum, ut publice glorificetur Deus recta doctrina, sancta uita, et confessione. Deinde, ut priuatim singuli agnoscant Deum, fidem Christi concipiant, impleantur S. sancto, ac sancta puraq; uita iusticiā Dei meditentur. De hac satietate loquitur Dauid, quam tūc demum fore dicit, cum apparuerit gloria eius. Ibi, n. (ut est in Apocalypsi) sancti non esurient neq; sitient amplius.

Beati misericordes, quoniam ipsi misericordiam consequentur. Hic nobis commendatur misericordia erga miseros. Vult enim Christus suos discipulos, non tantum tangi proprijs malis, uerum etiam affici aliorum miseria: quod sanè est ueræ caritatis officium. Neq; Christus tantum requirit, ut condoleamus ærumnis et miseris aliorum: sed opus simul requirit: uult ut miseris manus auxiliatrices porrigamus. Ne aut hominum ingratitudine frangantur, adiungit promissionem. Promittit enim fore, ut qui misericors fuerit in proximum, misericordiam rursus consequatur: idq; non solum apud Deum, uerum etiam apud homines. Deus promittit misericordibus misericordiam, & facit etiam, ut inueniamus misericordiam apud homines, dum illorum animos flectit ad benefaciendum nobis.

Beati

Beati  
uidebunt.  
datur, quæ  
tie et libidi  
candor, qu  
perte sine o  
sti dictum  
num. Pleriq  
quando alios  
re: unde & p  
tur, & fauo  
tur. Verum  
agant, sed u  
re, ut cor, ma  
uideantur. H  
ius uisione sa  
ditates cordis  
quam Paulus sa  
state sanctitate  
enim Deus ab  
statutur castitat  
Beati pac  
buntur. Hic  
scipulis comm  
et tranquillit  
Hi quia diue  
filij Dei uoca  
cis et tranqui  
pacis studeo



Beati mundo corde : quoniam ipsi Deum uidebunt. Mundities cordis hic nobis commendatur, quæ opponitur duobus maximis uicijs, astutiae et libidini. Cum opponitur astutiae, est simplex candor, quo agimus cum hominibus sincere & aperte sine obliquis fallendi artibus. Hoc ergo Christi dictum aduersatur iudicio plerorumq; hominum. Pleriq; enim tum demum se beatos putant, quando alios astute circumuenire possint ac fallere: unde & prudentiae laudem & lucrum uenantur, & fauorem magnorum hominum aucupantur. Verum Christus non uult, ut sui discipuli ita agant, sed ut potius sint contenti simplici candore, ut cor, manus, lingua quàm optime consentire uideantur. His promittit ut Deum uideant, in cuius uisione summa est sita felicitas. At cum mundities cordis opponitur libidini, est uera castitas, quam Paulus sanctitatem uocat, cum inquit : Præstate sanctitatem, sine qua nemo uidebit Deum. Ut enim Deus abominatur libidines : ita summe deletur castitate fidelium.

Beati pacifici : quoniam ñ filij Dei uocantur. Hic magnam & raram uirtutem suis discipulis commēdat Christus. Pacifici sunt, qui paci et tranquillitati faciendæ et conseruandæ student, Hi quia diuersum studium à filijs Satanae habent. filij Dei uocabuntur, ut qui Dei Patris exemplo pacis et trāquillitatis sunt autores, et multos suo hoc pacis studeo iuuant & oblectant. Quemadmodum

.n. Bal-



.n. Balsamum preciosum integram domum sua replet fragrantia: ita unus uir pacis studiosus magnū cœtum dissidentem in cōcordiam reducere potest. Non ergo immeritō Dauid concordie & pacis studium celebrat, ita canens: Ecce quā bonum & quā iucundum, habitare fratres in unum. Sicut unguentum optimum super caput defluens super barbam, barbam Aaron, quod defluit per oram uestimentorum eius. Sicut ros Hermon qui descendit super montes. Vt. n. rore terra fecunda redditur benedicente Domino: ita ubicunq; sunt multi pacis studiosi, fecundæ sunt & felices politie, Ecclesiæ & œconomie. Contrā, ubi non est pacis studium, illic ariditas & siccitas, hoc est, summa miseria.

Beati qui persecutionem patiuntur iusticie causa, quoniam ipsorum est regnum cœlorum. Quia maximè concutit infirmorum animos scandalum persecutionis, ualde commodè suos de cruce admonet, ut non fracti persecutionum acerbitate abijciant confessionem: sed potius propositum regnum cœlorum intueantur: cuius potius desiderio magis contendant per tribulationes multas introire in regnum cœlorum. Imitemur ergo eorum exempla, qui dum currunt in stadio, respiciunt ad premium, quod ab aganothete propositum est, et ita alacres properant, donec ad metam uentum fuerit: ita uult suos facere Christus: nō uult segnitiam, sed infatigabile currendi studium, donec ad metam regni cœlorum perueniant.

Deinde



Deinde, cum Christus hic unam persecutionis causam ponit, nempe iusticiam, uult ut ita uitam instituamus, ne pati cogamur nostra culpa, seu propter nostram iniusticiam. Tum enim persecutio est iusta poena, non testimonium defensionis iusticie et ueritatis. Et Petrus monet, Ne patiamur ut iniusti, sed ut iusti, idq; exemplo Christi, Prophetarum, Apostolorum & multorum martyrum.

Beati eritis, cum conuiciati fuerint uobis, & uos persecuti fuerint, & dixerint, quiduis mali aduersus uos, mentientes mea causa. Exponit quid sit pati persecutionem propter iusticiam, Si conuiciati uobis (inquit) fuerint iniuste, si persecuti uos fuerint odio Euangelij. Si dixerint omne malum mentientes. Nam si uerum dixerint, non eritis beati. Si propter peccata uestra persecutionem patiamini, non continuo eritis felices. Nam causa (ut inquit ille) facit martyrem, non sanguis.

Gaudete, inquit, & exultate, quoniam merces uestra multa est in coelis. Merces est compensatio obedientie erga Deum in persecutione prestita. Non hoc dicto significat Dominus nos cruce mereri coelum, quia coelum est filiorum hereditas: sed potius nos ad ferendam crucem extimulat, proposita Patris clementia, qui nobis compensationem laborum, quos sustinemus in hac uita, pollicetur, quae compensatio in cruce fundata est D. N. Iesu Christi, cui una cum Patre & S. sancto sit honor, potestas, & gloria in secula seculorum,

A M E N.





WITEBERGÆ

EXCVDEBAT IOHANNES  
CRATO.

ANNO D. M. LXV.

Memoria  
fieri  
I. Memoria  
fieri  
vobis  
2. Episto  
re  
3. Salu  
4. Chris  
5. officio  
6. vobis  
7. vobis  
8. Quod  
vobis



Mouentur conuincatores ad obinrgandū,  
scē castigandū hōis de pēto.

1 Mandatū dei Esai 58 Clama ne cesses, multa uocē  
tuam sicut tūba p 1 ~~Timoth.~~ Timoth. 5 Peccantes coram  
uobis regis Mich. 6. Surge p.

2 Expto Chri Apostolor, & prophetarū, R Johannis  
rephandit Herodis adulterium. Matt 14. 23. 3 Reg. 8

3 Saluto hōim peccantiū, q p castigatione  
reducuntur in uiam.

4 Christiana dilectione

5 officio. Ezech 3 & 31 Nisi annuntia,  
ueritis peccatoribz delicta sua regnam de ma,  
nibz uestris sanguinem ipsoz

4 Quod castigatio non sit, nec  
uoluit sine fructu.


RGÆ

HANNE

LXV.

4  
10 11 12
















Nis. Hermingii  
Postilla.  
Witeb. 1565.